





Bibliotheca Domus Romanæ Pauperum
Matris Dei Scholarum Piarum.



Demonstrationum

RELIGIONIS CHRISTIANAE

EX VERBO DEI LIB. III. AV-

ctore Francisco Sonnio, sacrarum

li terarum Professore, Cano-

nico Vltraiectensi.



ANTVERPIAE

Apud Martinum Nutium sub

Ciconijs. M. D. LVII.

Cum priuilegio Regis.

Sententia Priuilegij.

IN VICTISSIMI Regis nostri Philippi Priuilegio cautum est, ne quis alius præter Martinum Nuriū imprimat tertium librum Demonstrationū Religionis Christianæ ex verbo Dei, Auctore Frâncisco Sonnio sacrarū literarū Professore, Canonico Vltraiectensi. Qui contrā fecerit, pœna mulctabitur quæ expressa est in literis Bruxellæ à Regia M. concessis ix. Nouemb. 1556. & subsignatis à

I. Facues.

-2

INDEX SENTENTIARVM QVAE IN HOC
 tertio libro continentur. Numerus indicat paginam:
a, priorem paginæ faciem; b, verò posteriorem.

A busus gratia rem accusare in- pientis est. Fol. 30. b	beat in se, 147. b
Adoramus crucifixum coram cruce non crucem ligneam. 71. b	Angeli boni sunt proximi nostri. 249. a
Adorandæ sint omnia eodem mo- do. 37. b	Angelis & hominibus est mutua be- neuolentia. 249. b
Adorabis Deum solum non inueni- tur in scripturis. 37. b	Angelis & hominibus post hanc vitā erit communis societatis fruiū. 249. b.
Adorare quid sit. 35. a	Angeli mixtuntur in ministerium eo- rum qui salui sunt. 51. b
Adorare in veritate quid sit. 39. a	Animā quid significet in præcepto, 227. a
Adorari quosdam homines qua ratione fiat. 35. a	Animam suam ponere pro Christia- nis quādo Christianus debet. 257. b
Adorari se cur Angeli patiebantur olim, non autem tempore Euange- lij. 36. a	Arma Christianorum; 136. a
Adorari cur Petrus noluerit. 37. a	Auaritia. 213. b
Adorari cur Paulus & Barnabas no- luerint. 37. a	Auari laborant in circulo. 301. b
Adoratio paris ad parem non fit. 35. a	B ellum quæ mala adferat exprimi non potest. 134. a
Adorationem ad homines & Ange- los fieri scripturis ostenditur. 35. b	Bellum improbandū diuersa hæ- resis. 134. a
Adorationis varij errores. 39. a	Bellum defensuum indubiè iustissi- mum est. 134. b
Adorationi Dei duo necessaria requi- runtur. 38. a	Bellum vindicantium eos qui malè agunt, indubiè est licitum. 135. a
Adulatores. 191. a	Bellum ut iuste indicatur tria requi- runtur. 135. b
Adulationis malitia ex tribus confi- deratur. 192. a	Belli auctores peccant. 135. b
Adulterantes monetam. 174. a	Bello iusto ablata non sunt restitutio ni obnoxia. 161. b
Adulterium. 138. a	Beneficium recipientes & non faciē- tes officium sacrilegi sunt. 168. b
Adulterium crimen potius est quàm delictum. 138. a	C aelestia non sunt metienda ex humanis. 63. b
Adulterio quæ iniuriæ ac deformita- tes comprehenduntur. 138. b	Calumnia est iniquitas iudicij. 174. b
Adulteri sunt periuri. 139. a	Calumniatores. 174. b
Adulteris constitutum erat supplicij mortis in lege. 140. a	Calumniatores. 191. a
Adulterium quomodo reprobetur in Euangelio. 140. a	Candelas ante imagines accendi qua- tenus bonum. 73. b
Adultera defendentiū heresis. 140. b	Canones auctoritatis exercēdæ quos Apostoli præscripserunt. 118. a
Adulterari verbum commune ad om- nem corruptionem. 141. a	Cantiones lubricæ. 146. b
Amicitia diffinitio. 250. b	Carnis vitia quibus remedijs euad- unt. 2.
Amor lassius quantum malorum ha-	

I N D E X.

ritur.	148.b	implere posse demonstratur ex Euāgelio.	238.a
Castitas matrimonialis donum Dei.	186.b	Choreæ.	146.b.
Castitatis votum sacere peruersum esse scripturis probatur.	187.a	Concilium & synodus idem significat.	261.a
Castitatis vota probantur ex Patribur.	188.b	Concilia quatuor Ecclesiæ cuius sunt auctoritatis.	261.a
Charitas præcepta regula est iustitiæ nostræ.	137.b	Concilia œcumenica.	261.b
Charitas aliquo modo perfecta etiam hic potest haberi.	233.b	Concilia prouincialia.	261.b
Charitas ipsa aliud, aliud præceptum charitatis.	234.b	Concilia tam vniuersalia quàm prouincialia habent exemplar in scripturis.	261.b
Charitas in quo differat à dilectione.	227.a	Concubitus causa incontinentiæ vitandæ permittitur secundum indulgentiam.	335.b
Charitas vox nec ad malum, nec ad inanimata aptatur.	225.b	Concupiscere alienum virum an mulieri liceat.	211.a
Charitas vera ociosa esse non potest.	251.b	Concupiscentia non semper mala.	206.a
Charitatis vis scripturis probatur.	219.b	Concupiscentiæ nomine intelliguntur duo.	206.a
Charitate absente nihil sufficit.	220.a	Concupiscentia duplex.	206.b
Charitatis præcepta duo.	220.b	Concupiscentia habitualis nō est peccatum simpliciter.	206.b
Charitatis præceptum quā ratione dicitur primum ac maximum.	221.a	Concupiscentia actualis potest esse sine culpa.	207.b
Charitatis præceptum cur à quibusdā dicatur magnum non maximum.	221.b	Concupiscentiam habere aliud, aliud concupiscere.	207.b
Charitatis præceptum accuratius exprimitur in noua quàm vetere lege.	223.b	Concupiscentia quæ est in carne quomodo & quando peccatum.	207.b
Charitatis præceptum non potest impleri sine fide & gratia Spiritus sancti.	228.a	Concupiscentiæ vitium non imputatur Christianis in peccatum.	236.b
Charitatis præcepto obligantur homines vbicunque fuerint.	230.b	Concupiscentiæ solutorum quæ & quando malæ.	211.a
Charitatis præceptū aliud exigit pro alio statu hominis.	231.a	Concupiscentiæ magis alienæ esse debent à Christianis quàm à populo legis.	212.a
Charitatis lex olim in lege promissa in Euangelio data.	224.a	Concupiscentia carnis rigorose in Euangelio prohibita.	212.b
Charitatis præcepta explicando cur varient Euangelistæ.	224.a	Consensus in concupiscentias quibus modis cognoscitur.	209.b.
Charitatis præceptū quo iudicio scimus nos impleuisse.	239.b	Consecratio baliuorum.	161.a
Charitatis mandatum quando impleamus.	240.b	Cogitationes lubricæ.	210.a
Charitatis præceptum hominem hic		Comedere de arbore scientiæ boni & mali quare Deus vetuit.	18.b.
		Commellationes.	146.b

Communi-

- Communis rerum possessio quorundam parum laudanda 301.b
 Communis rerum possessio sit hæreticè & catholicè. 300.b
 Communis rerum possessio vnde commendetur. 301.a
 Communia debere omnia esse Christianis hæresis est. 298.b
 Consiliū per, & quid significet. 262.a
 Consiliū nō queritur de fine. 262.a
 Consilium datur de medijs ad finem; 262.b.
 Consilia Evangelica de quibus sint data. 263.a
 Consilia Evangelica non dantur de rebus minimis aut indifferentibus. 262.b.
 Consilia virginitatis & continentiz quibus scripturis data sint. 264.a
 Consiliū præbētes ad peccatū. 260.b
 Consiliū virginitatis seruādē. 266.a
 Constitutiones nouas, præter eas quas Christus fecerat, Apostoli fecerunt. 127.b
 Constitutiones nouas secisse Episcopos Apostolorum successores demonstratur. 122.b
 Consummatio seculi cūm aduenerit, fiet plena separatio malorum à bonis. 323.a
 Cor pro quo accipiat in præcepto. 225.b.
 Cor, affectus, animus, ferè idem sunt. 226.a
 Corrigere facile non oportet. 187.b
 Corruptionem effugiendi ratio. 7.b
 Continētia donū Dei est. 148.b. 149.a
 Continentiz donum vno actu venereo non expellitur. 285.b
 Continentibus quæ sit facta promissio in Esaia. 275.a
 Continentibus quæ sit facta promissio per Christum. 274.a
 Credere, venerari, colere, &c. quomodo oportet secundū istud mandatum. 34.a
 Credulitati nudæ omnia tribuentes errant. 6.b
 Crescite & multiplicamini an sit præceptum. 268.a
 Cultus in λατρίᾳ, δουλείᾳ, & ἐπιφ. 39.b.
 δουλείᾳ à doctōribus distinguitur. 39.b.
 Cupiditates sunt prohibitz in Evangelio. 213.a
 Cupiditates & concupiscentias exaltus prohibet Evangelium quā lex. 214.a
Damnati non amplius nobis natura proximi sunt 247.a
 Dammati iudicio Dei reiecti sunt ab amicis nostris. 247.a
 Damnatu est malitia versa in naturam. 246.b
 Detractores. 186.b
 Detractoria leuiter loquentes. 186.b
 Detractio formalis ex genere peccatum mortale. 187.a
 Detrahētē audire an sit peccatū. 187.a
 Detractionibus audiendis aliter peccat pastor, aliter populus. 187.b
 Deos aliquos non habebis coram me, aliud est, quā non habebis Deos alienos. 33.a
 Deum laudare in sanctis suis quid sit. 49.a
 Deus quomodo sit noster. 30.a
 Deus quomodo est Deus noster. 31.a
 Deus etiā mortuorū & dæmonum inferni dominus. 31.b
 Deus semper, & quacunque ratione facta dominus 28.b
 Deus solus simpliciter Dominus. 29.a
 Deus quomodo solus dominus, cū tamē multi sint domini huius mundi. 41.b
 Dicere Dei est simul facere. 10.a
 Diem quemuis pijs æquē sacrā quomodo catholicè aut hæreticè intelligi possit. 107.b
 Dies septimus sanctus fuit & celebris ab

- ab initio. 96.b Diligendus magis est Christianus
 Dies an sint discernendi. 92.b quàm infidelis. 254.a
 Dies quomodo discernendi, & quo- Diligēdi magis pater, mater, ac pro-
 modo non discernendi. 92.b les, quàm extranei. 254.a
 Dies vnus cur celebris, non autem Dimissio rerum vario modo fit pro-
 omnes. 92.b pter Christum. 295.b
 Dies septimus cur consecratus, non Dominica die in rebus necessarijs la-
 primus aut quintus. 93.a borare licet. 99.b
 Die septimo vacandum Deo propter Dominica die licet parare cibaria
 tria. 97.b 99.
 Diei septimæ consecratio facta ab ini Dominica die sacerdotes & ministri
 tio transijt in sequentem diem Do- Ecclesię magis laborant, quàm alijs
 minicam. 98.a diebus. 99.b
 Diei septimi determinatio. 98.a Dominica die nō sunt prohibita ope-
 Die septimo serias agebant tempore ra charitatis. 100.a
 Legis. 98.b Dominicam sanctificandi finis non
 Diligere & amare vtrum differant. cadit sub præcepto. 101.a
 124.b Dominica laborare non minus pau-
 Diligere toto corde aliud, aliud pror peres prohibentur quàm diuites.
 sus ac omnino toto corde dilige- 100.a
 re. 235.b Dominicam qui obseruat fructuo-
 Diligere aliquem opere & veritate. se, qui inutiliter, qui sceleratè. 101.a
 252.a Dominica die ferari obligamur, vt
 Diligere tota anima. 227.a sanctificemus illam. 96.b
 Diligere tota mente & tota fortitudi- Dominicę diei meminit scriptura.
 ne quomodo intelligendū. 227.b 95.b
 Diligere corde & toto corde. 226.b Dominicam in vsu semper fuisse ex
 Diligere se mutuò debent Christiani Patribus probatur. 95.b
 sicut diliguntur à Christo. 257.a Dominica nobis celebris in memo-
 Dillectio non eadem omnibus im- riam resurrectionis. 97.a
 pendenda. 154.b Dominica die ad quid obligemur.
 Dillectionis proximi mandatum qui- 97.a
 bus indicijs nos impleuisse colli- Dominium quomodo sit in Christo
 gemus. 254.b secundum humanam eius naturam. 42.a
 Dillectio proximi habet sua incremē-
 ta, & gradus. 259.a Dominium quid. 29.a
 Dillectionis proximi præceptū dici- Dominium Dei quale. 29.a
 tur nouum bifariam. 256.257.a Dominium Dei quomodo consti-
 Dillectionis operi veritas inesse de- tur David. 29.b
 ber. 252.b Dominium Dei quibus epithetis de-
 Diligens alium propter se non im- coretur. 29.b
 plet mandatum secundum charita- Dominus quid. 28.b
 tis. 250.b Dona Dei quare multis desint. 283.b
 Diliges amicum tuum, & odio habe- Dona Dei an singuli habeant à Deo.
 bis inimicum, an sit mandatum Dei. 282.a
 255.b Dona Dei quando denuntur. 283.a
 Do

Donis Dei necessarijs nemo Christia- nus caret.	131. b	constituere.	101. b
Dona Dei non statim recedunt offen- so Deo.	285. a	Festiuitates legis non sunt nunc ob- seruandæ, sicut nec sabbatum le- gis.	101. b
Dona sua Deus & perse, & per alios largitur.	59. b	Felicitas finis actionis humanæ.	190. a
E ccllesia non percutit nisi gladio spirituali.	121. a	Fornicatio an sit peccatum.	141. a
Ecclesia specialiter intelligitur in no- mine matris.	110. a	Fornicationi quæ insunt mala.	142. a
Ecclesiam habere tribunalia & veram iurisdictionis auctoritatem.	115. a	Fornicationes omnes non sunt eius- dem naturæ.	144. b
Elemosynæ dandæ pro qualitate ha- bendi.	231. a	Fornicando grauius peccat Christia- nus quàm ethnicus.	217. a
Eunuchi Euangelici.	273. a	Frares qui dicantur secundum scri- pturam.	243. a
Exempla imitari bonum, sed non ne- cessarium.	299. b	Furtum est peccatū ex genere mor- tale.	164. b
Exempla magis rapiunt quàm præ- cepta.	278. a	Furtum aliquando veniale.	164. b
Excommunicare ob quas causas lic- tum sit, scriptura exprimitur.	118. b	Furti peccato quatuor consideranda.	165. 166.
Excommunicatio quare fiat.	119. a. b	Furtum & furari quid sint.	150. a
Excommunicatus plus est potestati diaboli subiectus, quàm homo eth- nicus.	120. a	Furtum continet in se duas malitias.	150. a.
Excommunicatio dum iure & debite exercetur, nihil habet crudelitatis.	121. a	Furti præcepto multa prohibentur.	151. a.
Exorcismi qui sunt per adiurationes.	91. a	Furta quæ violant iustitiam distribu- tiuum sunt peiora, quàm quæ com- mutatiuum violant.	167. a
Exterminare quid sit.	10. a	Furta omnia quare non sint eiusdem generis.	167. a
F alsum quid hic dicatur.	184. a	Furta & rapinæ an sint prohibita iure naturæ.	151. b
Festum diem de non festo pote- stas Ecclesiastica facere potest.	102. b.	G audiū cordis augmento virtu- tis augetur.	294. b
Festa natalitia Sanctorum ab olim ce- lebrata sunt in Ecclesia.	103. a	Gaudiū spiritus est foris affligi pro- pter veritatem.	294. b
Festa Sanctorum cur non fuerint tem- pore Christi.	103. a	H omicida vocatur qui hominem seducit.	128. b
Festa quædam Christi cæperunt tem- pore Apostolorum.	103. a	Homicidij species est omnis affectus nocendi.	230. b
Festa Sanctorum sunt nostra quoque Sabbatha.	101. b	Homicidij mandato quæ contrarian- tur.	131. a
Festorum constitutio quantæ debeat esse auctoritatis.	102. a	Hominem dici Saluatorem filiorum Israël aut mundi, nō est contra scri- pturam.	62. a
Festa an possit potestas Ecclesiastica obstricere Deo.	12. a	Homo innumeris obligationibus est obstricte Deo.	12. a

I N D E X.

Honor parentum non debet esse fictius sed verus & cordialis.	112.a	Imaginum vsum, eleganter astruunt literæ Nili, Gregorij secundi & Germani.	73.a
Honor debetur principibus & magistratibus.	114.a	Imaginibus Christiani non tribuunt gloriam Dei.	69.b
Honorandi parentes mādātum obligat semper, sed nō ad semper.	112.b	Imaginum legitimus vsus quis sit.	70.b
Honorandi parentes mandatum renouatum in Euangelio.	108.a	Imagines vilipendere qui primò eorum perint,	71.a
Honorare includit in se tria.	110.b	Imaginum vsum non esse contrariū mandato Dei.	71.a
Honorauit Christus patrem suum.	111.a	Imaginum materiz honor non debet deferri sed prothotypo ipsi.	71.b
Honorem & timorem principibus debent subditi.	115.b	Imperatius modus nō solum habet imperandi significationem.	306.a
Humiliantes se nequiter.	190.b	Impostores.	174.a
Hypocritis.	188.b	Impudicitia.	146.b
Hypocritis qualis sit mortale peccatum.	188.b	Incestus sacrilegus.	145.a
Hypocritarum num sint omnes peccatores cupientes pro bonis Christianis reputari.	189.a	Indulgere quid significet.	337.b
Astantia.	190.a	Infideles iam sunt iudicati, sed nondum condemnati.	147.b
Instantia an sit mortale peccatum.	190.a	Institores.	174.a
Idola ethnicorum aliud, aliud imagines Christianorum.	71.a	Intercedit Paulus pro alijs, & pro se intercessionem fieri cupit.	61.b
Imaginis Saluatoris meminit Eusebius.	73.b	Interponunt se Moyses & Aaron semper inter Domini indignationem & populum.	61.b
Imagines Saluatoris & Apostolorum ad viuum depictas vidit Eusebius.	73.b	Intercessionem fieri pro omnibus precipit Paulus.	61.a
Imaginum vsum approbavit Concilium Constantinopolitanum.	74.a	Iudicare de personis aliud: aliud iudicare de rebus.	194.a
Imago Agni Dei cur seruari debeat.	74.a	Iudicare indignè de rebus Deo sacris.	194.b
Imaginum vsum reprobandum condemnatio.	74.b	Iudicare malè de legibus quàm magnum peccatum sit.	196.a
Imagines Sanctorum non contrariatur mandato Dei.	68.a	Iudicant aliter Doctores, aliter temerarij.	196.b
Imaginum omnem vsum à Deo non prohibitum esse ex scripturis probatur.	68.a	Iudicium vsurpatum.	197.a
Imagines omnium non fuisse prohibitas ex textu mandati probatur.	68.b	Iudicium hypocriticum.	197.b
Imagines verarum historiarum solum admittendas esse.	72.b	Iudicia quadruplicia prohibentur in scripturis.	198.a
		Iudicandus non est proximus, sed quantum fieri potest excusandus.	198.b
		Iudicandum quid sit de notorij.	199.a

Iudicandum est iuste & piè in criminalibus.	130.a	Iurare per creaturas more quadrūdam stultorum Christianorum malum est.	86.b
Iudicio quid intelligatur.	84.a	Iurare per creaturas more Gentilium malum est.	87.a
Impossibile non cadit sub præcepto.	228.a	Iurasse leguntur Sancti.	86.a
Iuramentum habet laudem & præceptum in scripturis, igitur est de genere virtutis.	86.a	Iuratur bene per creaturas more Sanctorum.	87.b
Iuramentum illicitum esse asserentes hæretici sunt.	82.a	Iuratur licitè per creaturas dupliciter.	87.b
Iuramentū omne an in verbis Saluatoris & Apostoli prohibeatur.	82.b	Iurare per animam an liceat.	87.b
Iuramentum finis est controuersiarum.	85.b	In iuramentorum prohibitione pulchra consonantia scripturarum.	84.b.
Iuramenta incauta.	88.b	In iuratione multi sunt casus.	84.b
Iuramentum vergens postea in deteriore exitū rescindendum.	89.a	Iurationes quæ fiunt per Sacramenta aut creaturas.	81.b
Iurantes dolose an suo iuramento ligentur.	89.b	In iuratione per creaturas debet adesse tres comites.	87.b
Iurandi cōsuetudo an excuset.	90.a	Ius commune quid sit.	152.b
Iurandi mandato quæ prohibeantur.	79.b	Iuris naturæ quomodo sit communis rerum possessio.	152.b
Iurare leuiter siue in vanum an grande sit peccatum.	90.a	Ius naturale habet duas partes.	153.b
Iurare fit multis modis malè, vno autem modo bene.	83.a	Ius naturale quando intrauit mundum.	155.a
Iurare super turpitudine aut iniquitate magis est polluere nomen Domini quàm peierare.	88.b	Ius gentium cedit iuri naturæ.	156.a
Iurare in iudicio quid sit.	84.a	Ius primæuum naturæ nulla lege aut ordinatione deleri potest.	158.b
Iurare in iustitia quid sit, & quid per iustitiam intelligatur.	84.b	Ius naturale non præcipit communionem rerum, neque ius gentium proprietatem.	157.a
Iurare omnino quam ob causam Saluator prohibuit.	85.a	Iuris vocabulū quid significet.	153.b
Iurare quare tam rigorosè Saluator vetuit.	85.b	Iuris naturalis, iuris gentium, & iuris ciuilis differentia.	153.b
Iurare licet in genere sit prohibitū: tamen in certa specie sanctè fieri potest.	83.a	Iusiurandum computari debet inter ea quæ necessaria sunt, non inter ea quæ per se bona sunt.	90.b
Iurare per nomen Dei in genere continet quandam irreuerentiam.	83.b	Iustitia quid: iustitia duplex.	167.a
Iurare legitimè per Deum est Deum colere actu Religionis.	85.b	Iustitiæ executio non est contra mandatum Domini.	129.b
Iurare aliquem an cogere liceat.	89.b	Iustitiæ ministris valde cauendum ne quid temerè agant.	130.a
Iurare per creaturas quomodo liceat, & quomodo non liceat.	86.b	Iustos impijs cohabitare prodest.	159.a
		Iustum recipere in nomine iusti quid sit, quotq; modis contingat.	49.a

- L**atria quid sit. 45.a Mandato ablato non est pædagogia
Latriæ nomine intelligitur in virtutis, neque ordinis cognitio.
scripturæ seruitus soli Deo debi 18.a
tus. 45.a Mandatorum Dei observatio est via
Legislator Deus cuius sit potestatis. ad vitam. 3.a
11.b Mandatorum prævaricatores quomo
Legislatoria voluntas quæ sit. 21.b do exterminabuntur. 10.a
Lex vetus tota interijt. 22.b Mandatorum Dei observatio si non
Lex adfert multas utilitates. 19.a ad sit, omnia nihil. 6.a
Lex quomodo sit virtus peccati. 19.a Mandata Dei non custodiens non co
Lex est penes mandantem, obediendi gnoscit Deum. 140.a
necessitas in subdito. 19.a Mandatorum tractatio fiet Evangelici
Libertas Evangelica. 325.b cæ non legaliter, quia lex mortua
Libertas Evangelica quæ requirit. est. 22.a
336.a Mandata Dei non esse graua 16.b
Libertas Evangelica in primis foue-
tur in monastica. 326.a 17.
Libertas. 325.b Matrimonij legitima. 141.b
Mala cur Deus in Ecclesia fieri Matrimonia non propterea debent
permittat. 332.a irrita esse, quia castitas matrimo
Mala non fiunt Deo auctore. 332.b nij est donum Dei. 126.b
Mala fiunt neque volente Deo, neque Mediator quod sit solus Christus, &
nolente: sed Deo non volente. 333.a tamē Sancti sunt intercessores quo
Mala peccatorum. 339.b modo constet. 60.a
Maledicere Dei semper est efficax. Mediator qua ratione Christus dica-
10.a tur. 60.b
Maledictiones legis in transgresso-
res mandatorum Dei. 9.b Mediator aut orator, aut intercessor
Maledicere quid sit. 9.b non est solus Christus per modum
Maledictio Dei quàm sit efficax. supplicationis. 61.a
10.a Mediator non vocatur Christus, quia
intercedit. 61.a
Maledici. 191.a Mendacium triplex. 200.b
Malum non est cuius singulæ partes Mendacium quid sit. 199.b
bonæ sunt. 320.a Mendacium omne malum. 200.a
Mandatum sanctum & iustum. 19.a Mendacium habet conuolutam ma-
Mandatum primum habet duas par-
tes. 17.a litiam. 200.a
Mandatum sanctæ exequi sine gratia Mendacium officiosum. 201.a
Dei impossibile. 17.b Mendacium perniciosum. 201.a
Mandatum obseruans vt seruus non
peccat, tamen sibi inutilis manet. 201.a
19.b Mendacium fit tripliciter pernicio-
sum citra culpam mortalem. 202.b
Mandati seruandi interpretationis
epilogus. 5.b Mendici sunt symbolo seu collatione
Mandati executio quid sit. 17.b iuandi. 253.a
Mandato celeste regnū constat. 18.a. 227.a

- Mentiendum non est aliquo pietatis intuitu. 200.a
- Mentiri iocose duobus modis præcæuendum 200.b
- Miracula à Deo designari ad præsentiam imaginum. 73.b
- Morchus & morchari quid proprie significent? 138.a
- Monasticus habitus sua vniformitate valde concordie seruandæ conuenit. 324.b
- Monachus quomodo interpretatur. 330.a
- Monachus quousque debeat obedire. 326.b.
- Monastice quales homines efficiat. 320.b.
- Monastica exercitamenta non sunt an numeranda inter egena elementa. 321.b.
- Monastica societas semper multum palearum habebit. 322.a
- Monastica obedientia nihil habet feruilitatis. 325.b
- Monastica religio quæ serie viguerit ab hinc vsque ad tempora Apostolorum. 327.b
- Monastica religio viguit temporibus Apostolorum. 328.b
- Mors corporalis Sanctorum est ostiū vitæ. 62.b
- Moyes habuit commissionem latus explicandi mandata. 27.a
- Mundus quodammodo bis conditus est à Deo. 95.a
- Multa in scripturis quæ videntur esse mendacia excusantur. 202.b
- N**atura integra multa per se potest, quæ non potest natura corrupta. 156.b
- Natura est communis mater omnium. 155.a
- Natura non præcipit communionem rerum. 153.a
- Necessitate extrema laborans si rapit aliena, non peccat. 162.a
- Necessitate extrema laboranti qui negat, iniquus est. 162.a
- Necessitatem plerunque non habent mendici vulgares. 163.a
- Necessitas extrema quando fit. 163.b
- Necessitas extrema quæ fit. 164.a
- Nomen Domini qui non in vanum esse assumendum præcipit, multo magis præcipit ne super re mala aut scelerata assumatur. 80.a
- Nomen domini Dei quod Græci τὸ ὀνόματι τοῦ θεοῦ vocant. 32.b
- Nomen quod est soli Deo proprium secundum Hebræos. 32.a
- Nomina diuorum, plagarum, creaturarum, an sint computanda inter nomina Dei. 80.b
- Nubere quomodo melius quam vri. 286.b.
- Nuptiæ non egent indulgentia. 335.b
- O**bedientia libera ad quam nos voto astringimus. 308.b
- Obedientia qualis sit consilij Evangelici. 309.310
- Obedientia qua se Christus abnegauit. 310.b
- Obedientia perfecta qui potissimum claruerunt. 322.a b
- Obedientia perfecta in monasterijs. 313.a
- Obedientia felicitatis mater. 304.b
- Obedientia ad quid relationem habeat. 305.b
- Obedientia quibus victimis præferatur. 319.b
- Obedientie diuissio. 306.307.308.
- Obedientiam filialem Christianus Deo debet, Christo & Ecclesie atque Prælati. 314.315.
- Obedire Deo magis oportet quam hominibus. 44.b
- Obedire æquæ aut magis hominum constitutionibus atque mandatis Dei, corruptela est. 315.b
- Obediendum tam malis principibus quam

quàm bonis.	124. b	generet intus in corde gaudium.	
Obediendū nemini contra iustitiam aut veritatem.	125. a.	Paupertas duplex	290. b
Occidere quid.	127. a	Paupertas voluntaria sola computatur inter cōsilia Euāgelica.	290. b
Occidere in genere prohibitum, in certa specie præceptum.	83. a	Paupertas Evangelica simul cū Euangelio mūdo illata est.	291. a
Occidens animalia an sit sine culpa.	127. b.	Paupertatem Euangelicā suscipiēti quæ sit facta promissio.	291. b
Occidens animalia indiscretè peccat, sed non cōtra hoc mandatū.	128. a	Paupertatem Euangelicā centuplo remunerari.	292. a
Occisio duntaxat hominis hoc mandato prohibetur.	128. b.	Paupertatem præferre diuitijs nolitium varius error.	302. b
Occisio animæ per seductionē an hic prohibeatur.	128. b	Paupertate Evangelica acquiritur ius in regnum Dei	292. a
Occisio quam princeps facit nō propriè dicitur homicidium.	130. a	Peccatum tribus impletur.	208. b
Ocium, crapula quare sint fugienda.	147. b.	Peccatum cur diffinitur esse iniquitas.	32. a
Oenopolæ.	174. a	Peccatum contra naturam.	145. a
Operariorum mercedem fraudantes.	175. a.	Peccatū tēporaneū rectè puniri æternaliter demonstratur à simili.	15. a.
Opus multis de causis aggrauat concupiscentiam cordis.	236. b	Peccatum æternaliter puniri an stet cū immensa misericordia Dei.	11. b
Oscula impudica.	146. b	Peccati & supplicij æqualitas vt intelligatur tria bene perpēdenda sunt.	11. b.
P ARENTES non quales sint: sed quōd eos habemus parentes, æstimandum.	111. a	Perfectio alia viæ, alia patriæ.	235. b
Parentes vocantur ascendendo vsque ad attauum.	109. b	Perfectum, totum, & omne sese comitantur.	232. a
Parentes nostri sunt qui ingenerant nobis spiritum Christi.	109. b	Perfecti significatio habet suam latitudinem	233. a
Parentes sunt gubernatores Reipub.	109. b.	Periurus non est quicumque malè iurat, sed quicumq; iurat falsum.	88. a
Parentibus contumeliam iniuriāmue ingerentes grauissimè peccāt.	113. a	Peridrium conuolutam habet malitiā, sic iuratio super re vana per nomen Domini.	81. b
Passionis & propassionis differentia.	208. b.	Permissio fit multis modis.	335. a
Passionum Christi quæ desunt quomodo implet homo.	258. a	Permittuntur minora bona per concessionem.	335. a
Paulus erat sine vxore.	269. a	Permittuntur minora mala per indulgentiam.	335. a
Pauperes spiritu beatos esse an de humilitate intelligatur	292. a	Permittuntur quædam secundum dispensationem.	337. a
Paupertas Evangelica quam rerū affluentiam accipiat in hoc inundo.	293. 294.	Permittere quid significet.	331. a
Paupertas quæ foris est qua ratione		Plagiarij, peculatores.	174. a
		Potestas iudiciaria approbatur à Christo,	

- No, damnatur tamen mala vita. 116.a. Proximus est natura omnis homo omni homini. 242.b
- Potestas iudiciaria est apud summum Pontificem, etiam apud Episcopos. 115.b. Proximus non nisi relatione ad alium dicitur. 241.a
- Potestas eadem hominis & Dei super homines: sed aliter in Deo, aliter in homine. 42.b. Proximus unus alteri pluribus rationibus esse potest. 241.a
- Potestas præsidiendi est apud Deum: sed homines designant siue eligunt personam quæ præsidet. 43.a. Proximi naturam, non qualitates malarum affectionum diligere oportet. 255.b
- Potestatem citandi, præcipiendi, iudicandi habent Episcopi. 123.a. Proximi nobis usque ad mortem, non autem post mortem infideles & heretici. 248.b
- Potestate iudiciaria usus fuisse Apostolos & eorum successores. 116.b. Proximi inter se omnes homines principio beatifico. 243.a
- Præceptum finis consiliorum, finis præcepti charitas. 6.a. Proximi quare peculiariter sunt Christiani inter se. 244.245.
- Præceptum primum paucis explicat Saluator. 27.a. Proximi inter se omnes principio generatio. 242.b
- Præceptum ut à nobis fiat utiliter, quæ sint necessaria. 20.b. Proximi & amici differentia. 255.a
- Præcepta non implentur sine gratia Dei. 239.a. Proximo beneuolum esse non satis est præcepto. 252.a
- Præcepta sibi omnia qui facit more seruorum, quomodo sibi manet inutilis. 20.a. Proximo omni subueniendum in eo quo proximus est. 253.a
- Præcepta Decalogi qua ratione sint obseruanda tempore Euangelij, cum Decalogus sit veteris legis. 22.a. Proximum esse omnem hominem omni homini scripturis demonstratur. 242.a
- Prælati an possint facere leges & constitutiones. 121.b. Proximo esse una re satis est. 246.a
- Proprietatem rerum Christus approbavit. 300.a. Proximum diligens quomodo impleat totam legem. 222.b
- Proprietatem rerum licitam esse scripturis utriusque Testamenti probatur. 159.a. Proximum cum iuberis diligere sicut teipsum, vox Sicut non quantitas, sed qualitatis significationem habet. 251.b
- Proprietatem rerum induxit ius gentium. 155.b. Publicum conuertentes in peculium sibi, peccant. 181.a
- Proprietatem rerum oppugnantium philosophorum argumenta. 151.b. Quid sit esse ubi est Christus. 46.b
- Proprietate rerum oppugnantia argumenta ex scripturis. 152.a. Rapina est peccatum mortale. 166.b
- Proprium habuerunt ab initio multi Christiani. 209.a. Rapina & raptus differunt. 167.a
- Proximus qua de causa sit omnis homo omni homini. 242.b. Rapina est grauius peccatum quam furtum. 150.b
- Raptus. 144.b
- Rebellis quis dicatur. 16.a
- Requies Sanctorum incepit post Christum resurgentem. 93.a
- Re-

Requiescere aliquando est legis natura, septimo die est legis diuinæ.	98.b	ex Aug.	Sancti Angeli orant pro nobis, & curam nostri gerunt.	39.a 51.a
Requiescere in Deo non est otiosi.	101.b		Sancti Angeli nostras orationes offerunt Deo.	51.a
Reus sit omnium qui offendit in vno, quomodo intelligendum.	11.a		Sancti Angeli solliciti sunt pro nobis.	51.a
Sabbathum sanctificare, quod diligenter sit inculcatum.	92.a		Sanctorum cultum ab initio dedit Ecclesia propter tria.	49.b
Sabbathum sanctificandi mandatum magis est ceremoniale quam morale.	92.a		Sanctorum de numero aliquem esse vnde constet.	50.a
Sabbathum typum gessit requiei quæ est per Christum.	94.a		Sanctorum cultum non esse reiiciendum propter quorundam abusum.	50.b
Sabbathum datum in lege, datum est in pactum & fœdus.	94.a		Sanctorum intercessio pro viuissimis libus confirmatur.	65.b
Sabbathum filijs Israël datum in præceptum, non Christianis.	94.b		Sanctorum subsidium implorandum non excludit.	66.a
Sabbathum mutatum in Dominicam.	95.a		Sanctorum communio.	258.b
Sabbathi translatio in Dominicam à quo & cuius auctoritate facta sit.	95.b		Sanctorum inuocationem semper creditam fuisse in Ecclesia scripturis probatur.	52.a
Sabbathi transgressio omnis an sit mortale peccatum.	107.a		Sanctorum natalis vocatur mors eorum.	62.b
Sacerdos & princeps simul cum vita potestatem deponunt.	42.		Sanctorum inuocationem esse utilem ex articulo fidei ostenditur.	54.b
Sacrilegium.	168.a		Sanctorum communionem quare inter articulos Symboli positam habemus.	54.b
Sancti in quo ordine sunt.	51.a		Sanctorum inuocatio ex communione Ecclesie Catholice vsu ostenditur.	58.b
Sancti quia vnum sunt cum Deo: ideo ceremoniarum cultus quo Deum colimus ipsis est communis.	51.b		Sanctorum animæ an nunc sint cum Christo in throno Dei patris.	47.a
Sancti non sunt Dij.	45.b		Sanctos intercedere pro nobis ostenditur ex ordine charitatis.	53.b
Sancti, Deus, Christus vnum sunt ordine quodam.	45.b		Sanctos orare pro nobis ostenditur scripturis.	52.b
Sancti aliter, aliter Christus possidet regiam maiestatem.	46.a		Scurrilitas.	146.b
Sancti quare sint honorandi.	48.a		Sectarii odiendi sunt vel ex ratione quod non consistant in vno.	114.b
Sancti quomodo sint vnum cum Christo.	46.b		Sectarios cognoscendi infallibile argumentum.	114.b
Sancti vnum cum Christo secundum statum honoris.	46.b		Sententiarum interlocutoriarum & diffinitiarum differentia.	247.b
Sancti nunquam nominandi sunt inter mortuos.	62.b		Seruans homini in honestis & licetis.	
Sancti quomodo opulentur nobis				

tis, Deo seruit.	43. b	Testimonium falsum dicere contin-	
Seruendum esse soli Deo simul & ho-	40. a	git tribus modis.	187. b
minibus eadem scriptura præcipi-	43. b	Testimonium falsum extra iudiciu-	
tur.		forense multipliciter dicitur.	186. b
Seruimus Deo in sola virtute.	40. b	Totum & perfectum non separantur	
Seruimus Deo in quauis re honesta		ab inuicem.	140. a
facta secundum rationem virtutis	40. b	Totius voce significata plenitudo ha-	
in laudem Dei.		bet magnam latitudinem.	132. b
Seruimus Deo in ieiunijs & oratio-	41. a	Totum duobus modis dicitur.	229. a
nibus		Toto corde minus Deus diligitur à di-	
Seruendum esse soli Deo cur & quo-	41. b	uersimodis.	233. a
modo.	40. a	Transgressio an fieri possit sine con-	
Seruire propriè quid sit.		temptu.	16. a
Seruire diffinitur.	40. a	Tribulatio carnis in coniugatis quo-	
Seruire Deo nemo potest in actibus		modo intelligenda.	266. b
vitiosis.	40. b	V iduitatis seruatz insignia exem-	
Seruitur soli Deo seruitute latiaz.		pla.	280. b
44. b		Virginis, innuptæ & viduæ differen-	
Seruitus.	325. b	tia.	270. a. b
Simonia.	168. 167. 170. 171.	Virginum viduarumque varia condi-	
172. 373.		tio.	270. b
Simulacra sua quo loco gentes ha-	69. b	Virgines quo loco atque nomine ho-	
bebant.		norentur in czlo.	275. a
Solus, particulam in multis non appo-		Virgines cur nomina Dei & agni frō-	
nit scriptura, vbi hæretici apponūt.	61. b	tibus inscripta habeant.	275. b
Spolia quæ faciebant Israëlitz in		Virgines quale canticum ante thro-	
Aegypto non erant peccato aut re-		num Dei decantent.	275. b
stitutioni obnoxia.	161. b	Virginitas perditur vno cōgressu car-	
Superioribus & rectoribus tria debe-	113. b	nis.	285. b
mus.		Virginitas vera inter gentiles esse po-	
Sufurratio grauius peccatum quam	191. b	tuit.	273. a
contumelia.		Virginitas quibus præsidijs sit tutan-	
Sufurriones.	191. b	tanda.	280. a
Stultiloquium.	146. b	Virginalis, vidualis, coniugalis con-	
Stuprum.	144. b	tinentiz dona Dei sunt.	281. b
T entari neque bonum neque ma-		Virginitatis encomium scribētes no-	
lum.	265. b	minantur.	277. b
Testari falsum an liceat propter tortu-		Virginitatem perpetuam seruauerunt	
ras.	190. b	Christus & mater eius.	278. a. b
Testimonia ferentibus quæ obseruan-		Virginitatem vouere possumus etiā si	
da.	185. a	donum Dei sit.	286. a
Testimonium falsum graue peccatū	185. b	Virginitate floruerunt multi in scri-	
est.		turis clari.	279. b
Testimonium falsum in iudicijs insa-	185. b	Vifus.	217. b
me malum.	186. a	Vita quid sit hoc loco.	4. a
		Vita vera, vita virtutis, vita zter-	
		na quo-	

I N D E X.

ut quomodo vnum sunt & idem in substantia.	4.a	Vsura regulis quibusdam cognoscitur.	177.178.179.180.
Vita animæ est spiritus Dei, sicut anima est vita corporis.	4.b	Vsurę notitia ex qua distinctione petat.	176.a
Vita multiplex.	127.b	Vsuram à parato accipere licitū est.	181.a
Viuentia vnde habeant quod viuunt.	127.a.	Vsurarij.	175.b
Viuerē quid sit.	127.b	Vsurarij malitię non est consentire	180.b
Vnum crede Deum quomodo intelligendum.	34.a	Vsurpare quid, quid assumere.	79.b
Vota emissā reddere oportet.	186.b	Vxorū pluralitas olim permissa.	139.
Vsura quid.	175.b		

FINIS INDICIS.

Modera-

MODERATORI ET ALVMNIS

PONTIFICII COLLEGII APVD LO-
uanienſes, Franciſcus Sonnius ſalutem
precatur & felicitatem.

PRIS CIS oraculis proditum eſt, doctiſſime Præſes do-
mus Pontificiæ & alumni, ſponſionis comitem eſſe
noxam. Sponſondi autem in ſecundo noſtrarum Demon-
ſtrationum libro, quod propediem & reliquos exhi-
berem. Ne igitur omnino non bonæ fidei ſponſor de-
prehendar, naſtus paululum ocij à negociioſis iſtis ſun-
ctionibus, quibus Religionis tuendæ cauſa implicor, en tertium exhi-
beo. Quem, vt alios, differentem feci Dialogiſmi forma, de ijs quibus
Deus noſtrum hominum genus gubernādum duxit. Vtinam bonis (quod
aiunt) aibus, & ad huberem aliquam Eccleſiæ vtilitatem. Certè id in
primis, id & vnice mihi curæ fuit, vt vim naturamq; omnem mandato-
rum Dei, conſiliorum item & permiſſionum dilucidè ob oculos pone-
rem, eo demonſtrandi genere, iſſq; formis ac pbraſibus quæ & lucu-
lenta forent, & populari institutioni, primario harum lucubrationum
ſcopo, quàm maximè apta. Quibus etiamſi Rhetoricus mundus, &
ornatæ dictionis opulentiæ deſint: tamen neque deeſſe eis veritatis
aſtruendæ, modo quo oportet, neq; falſitatis diluendæ energiam, vt
confido, ita quorundam cenſura perſuaſum habeo. At penes Eccleſiam
Dei, cui me in omnibus meis dictis ac ſcriptis perlibenter ſubmitto, ve-
ſtrāq; omnium circumſpectionem, iudicium eſto. Quoniam autem ſæ-
da res eſt æxapſia, placuit hoc opusculo, qualecunque illud eſt, velut
ſpecimine quodam, animi noſtri gratitudinem erga inſigne illud vereq;
Pontificium Collegium beatiſſimi patris ac domini noſtri Hadriani ſe-
xti teſtatem relinquere. In quo vnā tecum, domine Præſes, alumnus
fui, vnā tecum diuinarum institutionum fluēta hauſi, vnā diſputationes
ſacras indagandæ veritatis ſtudio pertractaui: idq; ſub moderatione
præſtantiſſimi viri Tilmanni Clerici, cuius peſtus niue candidius, oculi,
lingua, mores deniq; omnes nihil præter pietatem, nihil quàm horta-
menta ad Euangelicam diſciplinam probe imbibendā ſpirabant: te qui-
dem id genus ſtudiij incipiente, me verò inter emancipandos annumera-
to. Mirum ſanè quantopere tum certatim & Præſes cum alumni, &

EPISTOLA

alumni cum suo Præfide discendi beneq; viuendi studio flagrabant, vel
vnius Hadriani fundatoris beneficentia simul & exemplo accensi. Quæ
præter id quod ædes, prouentus, mensam & impensas eius, omnia sum-
ptu perenni magnifica, omnia ad ocium negotiumq; Theologicum ac-
commodatissima donaret, etiam rare cuiusdam & admiranda virtua-
tis limpidissimum nobis speculum reliquit, viuis ac varijs sanctarum
functionum imaginibus oppidò quàm refectum. Nam Louanij & gem-
ma sacerdotum fuerat & decus Theologorum, & insignium operum
sue professionis auctor eximius. Cur enim quod cunctis prælucere de-
bet, reticebo? Aut quod boni est clientis non præstabo? Hinc verò acci-
tus in aulam Caroli quinti, illiusq; adolescentie formandæ delectus,
tanta moderatione vixit, sicq; insidentia nature cupiditatem, ambitio-
nem, philautiam, & id genus alios rectæ actionis hostes prostrauit, vt
inter aulica auocamenta (quod phœnice rarius est) sui imperator stre-
nuus, imò planè inuictus permaneret, rei exitum testem interpono. Exin-
de autem in Hispanias destinatus, pacandi gratia quæ in tantis regnis
conturbata nunciabantur, sua animi fortitudine ac prudentia, oris in-
super suauiloquentia adeo feliciter eam legationem peregit, vt nō po-
tuisse alius aut accuratius, aut in rem Cesaris fortunatius. Porro do-
natus insula Dathusensis ecclesiæ, mox viscera Euangelica patefa-
ciens ad omnes, & præibat ante gregem Dominicum vt pastor, et pas-
cebat vt pater, cum exemplo tum doctrina, quinimo iuxta vtriusque.
Singularisq; ordinibus Ecclesiæ sedulo intendens singulos purgabat, sin-
gulos ad officium cogebat, curam gerens omnium haud secus atque sui.
Dici enim antistes, vel præsul, aut in ^{his} ~~in~~ omnino nolebat, nisi & rei
exhibitione talis esset. Iuxta illud vetustæ sophiæ prouerbiū, Ne quod
esse differs, dici gaudeas. Quibus virtutibus rapuit in amorem sui ac
venerationem non solum Hispaniarum procures, verum etiam Leonem
decimum singularis prudentiæ virum, a quo & in purpuratum Cardia-
ualitij muneris ordinem coaptatus est pene inuitus, ac deinde in locum
eiusdem Leonis defuncti Pontifex maximus omnium calculis designa-
tus. Ad quod rerum fastigium dum esset sublimatus, & magna magno,
& ardua summo pertractabat animo, nullam non adhibens curam, quò
laboranti Ecclesiæ ilico suppetias ferret in resarciendis quæ abusibus
heresibufus discissa, in stabiliendis quæ lapsui proxima erant: adhæc
in reconciliandis Principum animis, in Oecumenico Concilio Ecclesiæ
parando, in omnibus denique quibus exurgeret spes læta pijs, impijs

Verò pudor & resipiscencia. Nec inter hæc tanta, desistit ad hanc regiunculan consuetæ suæ beneficentiæ obtutu respicere, donec nouo Collegio Theologicæ institutionis, eoq; amplo & percelebri Academiam nostram Louaniensem auctiorem reddidisset, fecundio rem, illustriorem. Magna profectò viri pietas, quæ nec angustiis premi, nec prosperitatis successibus inquam solui potuit. Felix item eruditio, quæ placido sub pectore paulatim in eam excreuit sapientiam, qua quod esset consecutus vllis aut naturæ aut gratiæ dotibus, non sibi, sed Deo, sed Ecclesiæ, omniumq; necessitati seruire voluit. Vos itaque tanti Mæcenatis alumni, altoris vestri vestigijs firmis progressibus insistite, & vni virtuti ac studijs sacris sedulò incumbentes, quod Dei atq; illius beneficium aut estis nunc, aut eritis postea, eius quoque exemplo totum Christo, totum Ecclesiæ, totum patriæ impendite, modis omnibus, potissimū autem in rectæ fidei doctrina stabilienda. Nam is finis est Theologicæ vestræ, qua fruimini, educationis. Eam quoque ob causam hæc luebrationes vobis nuncupandas duxi, quò promptum sit & ex illis discere qualia populum Christi populari modo, & rudi quadam Minerva docere conuenit, argumentis non aliunde, quàm ex verbo Dei petitis, cuius solius tribunal nemo hoc seculo non appellat: studiōne pietatis inueniendæ, an potius libidine nouandi omnia, haud obscurum existimo. Hæc itaq; nostra vobis omnibusq; in lucem prodeunt, vt excitatis circa fidem disidijs obuiam eatur vel hoc pacto quantum fieri potest. Quæ si munusculi rationem non attingant, saltem Symbolum gratitudinis nostræ erga Collegium, pro pensionis verbò erga vos omnes sunt. Valete, & Sonnum obsequio, amore, beneuolentia vobis deditissimum vicijs deuotis vestris precibus adiuuate. Vltraiecti Nonis Iulij. 1557.

Franciscus Sonnius.


Elenchus capitum Tractatus primi.



- U^t Deus duxerit hominum genus gubernandum præcep-
tis, consilijs, exemplis & permissionibus. Cap. I.
De illo Saluatoris, Si vis ad vitam ingredi, serua manda-
ta. Cap. II.
De illo Ecclesiæ, Deum time, & mandata eius obserua, hoc est
omnis homo. Cap. III.
Quantam amicitiam conciliet cum Deo & Christo domino, obserua-
tio mandatorum Dei. Cap. IIII.
Qua ratione obseruatio mandatorum Dei sit consummatio incorrup-
tionis. Cap. V.
In obseruatione mandatorum esse scholam veræ scientiæ veræq; pie-
tatis. Cap. VI.
De maledictionibus quæ superuenient in præuarcatores mandato-
rum Dei. Cap. VII.
Merito ac iuste hæc præcidentia infligi etiam pro vna vnius mandati
transgressionem. Cap. VIII.
Non est mirum pro momentaneo actu peccati infligi pœnam perpe-
tuam. Cap. IX.
Mandata Dei non esse grauius, tantum abesse vt sint impossibilia.
Cap. X.
Regnum Dei non posse constare sine mandato. Cap. XI.
De certo modo quo oportet seruare mandatum ad fructum salutis
eternæ. Cap. XII.
Qua ratione tractabitur de præceptis Decalogi, & quid sit Decalo-
gus. Cap. XIII.
Quomodo data sunt decem præcepta tempore legis. Cap. XIII.
Cur decem præcepta vocentur decem verba. Cap. XV.
Tracta-

Tractatus Primus.

Cur Deus duxerit hominum genus gubernandum præceptis,
consilijs, exemplis, & permissionibus. CAP. I.

M.  Ropenſa in nos diuinæ bonitatis miſera-
tio, ne hominē, quem mente & arbitrio li-
berum condiderat, iam lapſum, iam læſum,
iamque ſenſu & cogitatione procliuem in
malum, omnino perderet, operæ precium
duxit, eundem præceptis, cōſilijs, exemplis, permiſſioni-
bus, velut frēno quodam, nunc ſtriſto, nunc laxo diri-
gendum, ac in officio cōtinendum. Dedit itaque ei man-
data agendi, mandata inſuper vitandi, quæ agere, quæ-
que vitare oportuit: varia quidem pro varia naſcentis ſe-
neſcentiſque mūdi qualitate, quò ſic ab ijs quæ exitium,
ad ea quæ felicitatem adferunt, pertraheret. Mandatis
etenim nō præſcribitur, ſed nec præſcribi poteſt, niſi vir-
tutis operatio. Nec his contentus Deus ſuperaddidit ſa-
luberrima conſilia non pauca, quò dilucidè cōſtaret de
medijs expeditè peragendi, quod mandato iniunctum
erat. Ad hæc voluit ſemper, & ab ipſo mundi exordio
inter homines eſſe viua quædam ſpecula, eorum, qui in-
offenſè cucurrerunt viam mandatorum Dei ſui: ne quis
diceret, Ego quomodo pertransire potero tam arctam,
tamque arduam viam? Homo ſum, pulvis ſum, & cinis
terre, rebus egens, viribus impotens, ingenio tenui. Nam
& illi fuere homines ſicut tu, carne & infirmitate circū-
dati, haud ſecus atq; tu, tecum vitam degentes in eadem
hac lachrymarum valle, & eadē regione vmbræ mortis.
Perpenſis autē noſtris lapſæ naturæ impetuoſis inclina-
tionibus (vt eſt miſericordiæ dominus) ſeueritatē etiam
juſtitiz ſuę tēperauit, permittendo nōnulla hominibus,

DE PRAECEPTIS

siue indulgendo, alia ad duritiam cordis eorum, alia vero alia de causa: ne videretur voluisse magis conquassare fragilia nostra vascula, quam consolidare. De quibus omnibus statui nunc Demonstrationem exordiri, ad Dei omnipotentis gloriam, tuam vero instructionem, ac aliorum, qui forte postea hunc nostrum Dialogismum legent, progredientem simplici quidem sermone, sed firmo, sed pio, sed viribus veritatis inuicto. Principio autem faciemus demonstrationem de mandatis, deinde de consilijs, potissimum Evangelicis, tertio de exemplis & permissio- nibus. Tu fili, in omnibus, sicuti hactenus fuisti, diligens & attentus esto.

- D. Quin potius priorem diligentiam duplicabo, neruosque omnes, & meipsum, quantus quantus sum, attentissime intendam.

De illo Saluatoris, Si vis ad vitam ingredi, serua mandata.
CAP. II.

M.

D.

M.



Ita quid amabilius? Morte quid horribilius?

Nihil. Verum sic declinare mortem, ut vitam inuenias, illic arte opus, hic labor est.

Tantummodo audi expeditum consilium.

Observatio
mandatorum

Dei est via
ad vitam.

Ioan. 12.

Saluatoris tui, qui te sanguine viscerum suorum redemit. Si vis, inquit, ad vitam ingredi, serua mandata. Quod consilium, ut est breue in verbis, ita stringit fortiter necessitate illationis. Quia si non obseruas mandata domini Dei tui, vitam non attingis. Scio, inquit Christus, quia mandatum eius vita aeterna est. A contrario igitur sensu, ubi praeuaricatio mandati, ibi non est vita aeterna. Porro ubi non est vita aeterna, ibi nec vera vita: quare nec vita, sed potius mors quaedam, quam vita. Vnde studiose aduertendum est, non dici à Salvatore, Si vis ad vitam aeternam ingredi: sed, Si vis ingredi ad vitam, sine addito, serua, mandata:

data: quasi nemo uiuat, aut vitam habeat sine obseruatione mandatorum Dei.

D. At puto ego Saluatorem intelligere istud de vita æterna, quam repositā habemus in cælis. Nam adolescēs querebat de illa, dicens: Magister bone, quid boni faciam, vt habeam vitam æternam? *Quid vita hoc loco. Matth. 19.*

M. Quærit ille de vita æterna: respondet tamen Christus de vita simpliciter, & sine addito, suo more eleuando quæstionem, vt insinuet vnum ac idem esse in substantia vitam absolutè, vitam veram, vitam secundum virtutem, vitam diuinam, vitam æternam. Sicut enim verum, & ens conuertibiliter idem sunt (si enim verum non est, ens esse non potest) sic vita, & vera vita non separantur. Si enim non est vera vita, sed simulata, sed fluxa, & ad modicum parens, non vtique vita, sed vapor, seu defectio in mortem, dici debet. Vera autem esse non potest, nisi sit disposita secundum virtutem: secundum virtutem, inquam, quæ procedit ex fide per dilectionē operante. Virtus autē & veritas actionis versantur circa idem. Quod verò secundum virtutē est, hoc, modo quodam, & diuinum esse debet. Deus enim virtus est, induēs & præcings hominem virtute ex alto. Quod autem Dei est, & diuinum, hoc indubiè & æternum est. Quia æternus Deus, & omnia quæ illius sunt, æterna sunt. De quo aliàs latius. Ergo ex hac subtili respōsione Saluatoris discite fili, te non habere vitam, nisi sis probè ordinatus secundum virtutem, hoc est, iustè, & sanctè viuas. Virtus autem prima & præcipua est debita obedientia iuxta sententiam Samuelis dicētis ad Saulem: Nunquid vult Dominus holocausta & victimas, & nō potiùs vt obediatur voci Domini? Melior est enim obediētia quàm victimæ: & auscultare, magis quàm offerre adipem arietum: quoniam quasi peccatum ariolandi est repugnare: & quasi

Vita vera, vita virtutis, vita æterna, quoniam idē in substantia,

*1. Cor. 1.
Luc. 24.
Psalm. 17.*

1. Reg. 15.

scelus idololatriæ, nolle acquiescere. Et si bene obserues dictam sententiam Saluatoris, videbis obedientiam in seruandis mandatis Dei, esse vnicam, verissimamq; viam ad vitam veram, vitamq; sanctâ: vt habeant eam, & abundantius habeant, ad vitam insuper diuinam, vitam æternam, vitam deniq; cælestem: adeò vt nisi obserues mandata, non patet tibi ingressus, ne ad eam quidem, quam meritò appellare vitam licet, quia non ad vitam verâ quæ secundum virtutem est.

D. Illud incredibile apparet. Nunquid enim statim qui præuaricatur mandatum, cadauer est, & pabulû mortis?

M. Imò verissimè pabulum mortis: quia mors depascit eum, vt inquit Psalmista. Statim enim post præuaricationem, incipit mors depascere paulatim quicquid est veræ viuacitatis & virtutis in te. Si non mihi, saltem Scripturis crede, quæ sic habent, Peccatum cum consummatum fuerit, generat mortem. Anima quæ peccauerit, ipsa morietur. Homo per malitiam occidit animam suam. In quocunq; die comederis de ligno scientiæ boni & mali, morte morieris. Vnde Apostolus breui sententia concludit, dicens: Stimulus autem mortis peccatum est. Et quid quæso aliud peccatum, q̃ mandati præuaricatio? Igitur præuaricatio legis aculeus est, siue stimulus mortis, sua plaga animam interimens, sicut cuspis hostilis feriens ad interiora hominis, occidit.

D. Scripturis istis nō possum nō credere. Verū qua tandē ratione mortuus dicitur, qui præuaricatur mandatū, cum interim spiret & respiret, ac singula officia vitæ exercent?

M. Sicut anima est vita corporis, sic vita animæ est spiritus Dei, dāns ei esse quoddā diuinū, suoq; vigore intus ingenerans vitam verè æternam, diuinæ naturæ consortem. De quo latiùs diximus suprâ. Verū anima non animat corpus, nisi quamdiu in ipso manet debita

humo-

humorum & qualitatum proportio. Similiter & Spiritus sanctus non viuificat spiritum hominis, nisi quamdiu consistit in ordine ad legem æternam, cum quadam proportionem virium inferiorum ad rationem. Tolle temperaturam corporis per vulnus, aut morbum, statim animam migrare cogis cum omni sua viuacitatis operatione. Tolle per inobedientiam subiectionem hominis ad legem Dei, mox se recipit in suum principium spiritus Christi, cum omnibus charismatibus viuificantis gratiæ: nec manet ultra in te nisi corporea quedam vita, sine ordine confusa, lethali vulnere saucia, iusto Dei iudicio subiecta legi mortis, quæ iam operatur in te quasi exordium imperij sui, depascens quicquid est boni meriti & gratiæ, quæ viuebas in Deo, & secundum Deum. Statim enim ubi præuaricatus fueris mandatum Dei tui, properat in te magnum satellitium mortis, error, caligo mentis, opinio-
Rom. 5.
1. Ioan. 3.
num illusio, falsa tui de te existimatio, pruriens in malum affectus, praua cupiditas, defectus virtutum, passionum pugna, iniquitas, instabilitas, & certa diuisio inter Deum tuum, & te, seruitus iniquitatis ad iniquitatem, & totius esse antiquatio: quod autem antiquatur, teste Apostolo, *Heb. 8.*
prope interitum est. Et hæc ubi adsunt, nonne ibi umbra potius, falsaque imago viuentis, quam vera vita? Et pabulum mortis potius, quam viuendi subsistentia? Qualia indubie te captiuant, etiam si nescias, suisque funibus trahunt in interitum, donec absorpta fuerit in damnationem omnis naturæ tuæ viuacitas, virtus & perfectio. Iuxta illud Psalmistæ, Mors depascet eos. Si nunc quæris quæ
Psalm. 48.
mors depascet eos. Mors, dico, animæ, mors corporis, mors prima, mors secunda, mors in mente per caliginem, mors in affectu per malitiam, mors in omnibus viribus, mors in omnibus circumstantijs, ut tandem sit mors in-
reus, mors foris, mors ante, mors retro, & nusquam appa-
re

reat neq; circa te, neque in te, nisi inextricabilis dominatio mortis. Viuunt quidem damnati apud inferos secundum subsistentiam naturalem, sed sub pleno dominio mortis & miserationum. Nec omnino dissimiliter in hoc mundo prauaricator mandati viuit quidem vitam naturae: attamen sub lege peccati ac mortis, & funibus iniquitatum, quibus paulatim trahitur captius ad interitum damnationis. Hoc tantum interest. In hoc mundo quamdiu spiramus & respiramus, spes est resurrectionis per Christum, eiusque Sacramenta. In inferno autem nulla est redemptio, sed abyssus quaedam damnationis, in flamma ignis dantis vindictam & ijs qui non nouerunt Deum, & ijs qui non obediunt Euangelio Domini nostri Iesu Christi, qui poenas dabunt in interitu aeternas.


D. Horrendum quod dicis.

M. Horrendum magis quod fiet, nisi sequaris breue hoc, & expeditum consilium Saluatoris, Si vis ad vitam ingredi, serua mandata. Est autem seruare, custodire rem ne perdatur, aut in se pereat. Non igitur audias solum mandatum Dei, neque discas tantum, sed serua, hoc est, custodi in scrinio memoriae tuae, in meditatione cordis, in exercitio operis. Serua, inquam, non quidem notitiam tantum, siue scripturam mandatorum, sed ipsa mandata, hoc est, ea, quae tibi per imperium domini Dei tui praecepta sunt: Vt quod praescriptum est mandato, & eo sane modo quo praescriptum est, opere compleas.

Eccles. 12.

De illo Ecclesiastae, Deum time, & mandata eius obserua,
hoc est omnis homo.

CAP. III.

M.  O' nne valde decorum est, & pulchrum, Dignito monstrari, & dicier, hic est, in quo cumulant sese quaecumque in homine merito desiderari possunt?

D. Non solum decorum hoc, sed & eligibile super omne
id

id quod homines mirari solent.

M. Audi igitur quo Epilogo concludat omnem totius libri sui disputationem Ecclesiastes, dicens: Deum time, *Ecclef. xlv.* & mandata eius observa, hoc est omnis homo.

D. Cæterum qua ratione observatio mandatorum Dei, est omnis homo? Phrasim hanc non intelligo.

M. Quia in hoc vno consistit esse, & bene esse, virtus, & officium vniuscuiusque, qui verè hominem agit, per hoc initium, in hoc finis traditionis Evangelicæ: hinc enim incipiunt, hucque recurrunt omnia tam consilia Christi, quàm sanctorum, vt sit in nobis spontanea & exacta observatio mandatorum Dei nostri. *Finis consiliorum præceptum: finis verò præcepti charitas. Qui autem manet in charitate, in Deo manet, & Deus in eo: quia Deus est charitas. Quem scopum qui attingit, is habet quæcunque ad hominis dignitatem pertinent, hoc est, cuncta quæ in homine coram Deo & Angelis eius, alijsque cordatis viris meritò desiderari possunt, in quocunque agat genere vitæ, & quamlibet obscurus sit, miser aut abiectus. Sicut enim Paulus dicit, Circumcisio nihil est, & præputium nihil est: sed observatio mandatorum Dei. Sic dici potest de titulis honorum, & iactantia diuitiarum, & cæteris huiusmodi, quod nihil sunt. Porro Deum timere, & mandata eius observare, hoc est omnis homo. Prout eleganter prosequitur Salomon per totum librum Sapientię. Sed & Ecclesiastes librum suum cõcludens, sic inquit: Faciendi plures libros nullus est finis: frequensque meditatio, carnis afflictio est. Finem loquēdi pariter omnes audiamus, Deum time, & mandata eius observa, hoc est omnis homo. Quod alius interpres reddit paulò lucidiùs, dicens: Deum timeto, & mandata eius observato: nam in hoc cõsistit omnium hominum perfectio. Quasi diceret, Quæcunque libris scripta sunt, alijsque innumeris*

meris libris scribi possunt, comprehenduntur sub vno illo, nempe Dei timore, & eius mandatorum obseruatione.

Quantam amicitiam conciliet cum Deo & Christo Domino
no obseruatio mandatorum Dei. CAP. IIII.

M. Dhæc, iuncta cum Christo Domino amicitia, nonne res est permagni momenti?

D. Maximi. Non enim est aliud nomen sub cælo datum hominibus, in quo oporteat nos sal-

Acto. 4.

uos fieri.

M. Rectè. Ipse enim factus est nobis sapientia, & iustitia, & sanctificatio, & redemptio. Ipse Alpha & O, principium & finis. Audi igitur quid dicat ad Apostolos suos, quos sibi de mundo elegerat. Vos (inquit) amici mei estis, si feceritis quæ præcipio vobis. Non quidem in hoc amici, si sciueritis aut credideritis quæ præcipio vobis, sed si feceritis. De mandatis virtutibusque loqui minimum est: at mandatū implere, virtutibusque uti, hoc scœdera iungit æternitatis cum eo, qui super omnes est. Magna res diadema regium, maior sacerdotij dignitas, & ingens pondus habet maiestas Imperialis, porro ter maxima Apostolicæ sublimitatis functio. Attamen, inquit Saluator, Vos Apostoli, vos dico, amici mei estis, si feceritis quæ præcipio vobis. q. d. alioqui minimè. Igitur ego, tuque ô fili, quid de nobis præsumere audebimus, si illi post tantam cum Christo cōsuetudinem, post mundi contemptū, post miracula, post Apostolicā functionem audiūt, Vos amici mei estis, si feceritis quæ præcipio vobis, aliàs minimè?

D. Quàm errant igitur, qui cuncta referunt ad nudam credulitatem, dicentes, Tantum crede, & saluus eris.

Errat qui
oia res
ferūt ad nu
dam credu
litatem.

M. Errant sanè isti toto (quod aiunt) cælo, non intelligentes neque scripturam, neque vim aut ordinē diuinæ operationis: sed de his satis superq; differuimus lib. 1.

D. Memi-

D. Memini. Hoc tamen cupio audire, quàm specialem quamque arctam conciliet cum Christo amicitiam, vera & ex corde spontanea observatio mandatorum Dei.

M. Respondet tibi Christus, dicens, Quicumque fecerit *Matth. 12.* voluntatē Patris mei qui in cælis est: ipse, meus frater, & soror, & mater est. Quasi diceret, Tam mihi charus est, quàm si germanus esset frater, congenitaque soror, & quod his maius est, quàm si de suis me visceribus genuisset, essetque mater: eodem utique honore sublimandus quo illi, & eadem ditandus gloria qua illi. Ipse mecum in Deo, & Deus mecum in illo: non minus quàm si esset soror, aut frater secundum carnem, imò magis: quia etiā quidam de fratribus Christi non crediderunt in eum. *Ioan. 7.* Qui autem incredulus est filio vitam non videbit: tantū *Ioan. 3.* abest ut possideat. Iterū quàm iungat arctam amicitiam, patet in Exodo, ubi dicitur, Si audieritis vocem meam, & *Exod. 19.* custodieritis pactum meum, eritis mihi in peculium de cunctis populis: mea enim est omnis terra. Et vos eritis mihi in regnum sacerdotale, & gens sancta. Adde quod multò mirabilius est. Si quis diligit me, inquit Saluator, *Ioan. 14.* sermonem meum servabit, & Pater meus diliget eum, & ad eum veniemus, & mansionem apud eum faciemus. Veniemus sanè ego, Pater, & Spiritus sanctus. Nec veniemus solū: sed & manebimus apud eum, facientes mansionem in eo. Qui autem habet mandata mea, & servat ea, ille est qui diligit me. Quibus adiungit Ioannes Apostolus dicens, Charissimi, si cor nostrum non reprehenderit nos, scilicet alicuius prævaricationis, fiduciam habemus ad Deum, & quicquid petierimus, accipiemus ab eo: quoniam mandata eius custodimus, & ea quę sunt placita coram eo, facimus. *1. Ioan. 3.*


D. Deus bone, tantāne conciliat amicitiam, cum Deo, custodia mandatorum eius?

Qua

DE PRAECEPTIS

Qua ratione observatio mandatorum Dei sit consummatio incorruptionis.

CAP. V.

M.  Vipse nosti nihil esse perpetuum sub sole. Habet enim vnaquæq; res suas tinea, atque ineft cūctis semen quoddam corruptionis, & inefficiens miseriarum vicissitudo, neque vnquam in eodem statu permanet homo. Imò quot momentis vivimus, tot passibus ad interitum properamus.

D. At quis euitabit?

M. Scio ego paratum cōsiliū euitandi. Tantum suscipe quod dicit Spiritus Sanctus per os Sapientis, Custodi-
Ratio corruptionē est tio, inquit, legū, consummatio incorruptionis est: incor-
fugendi. ruptio autem facit proximum Deo. Ecce non solū in-
Sap. 6. corruptio per custodiam mandatorum, sed & consum-
matio incorruptionis, quæ est ipsa incorruptibilitas, cum dono plenitudinis gloriæ. Nam transit quidem mūdus,

& omnis concupiscentia eius: qui autem facit voluntatem Dei manet in æternum.

D. Quid ergo dicemus de sanctis Dei hominibus, nostris quoque progenitoribus, qui post bonam, exactamque observationem mandatorum, multa passione consumpti sunt, & eorum caro patitur corruptionem?

M. Hoc ipsum quod dicit Apostolus, Licet is qui foris
2. Cor. 4. est noster homo corrumpatur: tamen is qui intus est, renouatur de die in diem. Id enim quod in præsentī est momentaneum, & leue tribulationis nostræ, supra modum in sublimitate æternæ gloriæ pondus operatur in nobis, non contemplantibus nobis quæ videntur, sed quæ non videntur. Quæ enim videntur, temporalia sunt: quæ autem non videntur, æterna sunt. Hæc ille, Ut autem penetres mysteriū, scito quod homo sit duarum partium compositio, corporeæ scilicet molis, & viuificantis animæ. Illa est terrenæ mixtionis sensibilis massa, & vocatur à Paulo noster homo qui foris est. Hæc autem
men-

mentē habet, & imaginem in se gerit viuētis Dei, vocaturq; ab Apostolo homo qui intus est. Cæterū homo qui foris est, vti videmus, corrumpitur per morbū, vertiturq; in putredinem per mortem. Homo verò qui intus est renouatur de die in diem, donec quod perfectum est attingat. tantum abest, vt corrumpatur.

D. Non bene intelligo. Nam si tā homo qui foris est, q̃ is qui intus, pars est hominis custodiētis legem Dei, & custoditio legis est consummatio incorruptionis, quomodo igitur pars altera videt corruptionem, altera verò renouatur de die in diem? *Sap. 6.*

M. Iam audies ex Paulo rationē diuersitatis, Ego ipse, inquit mēte seruiō legi Dei: carne autē legi peccati. Condelectator enim legi Dei secundū interiōrē hominem. Video autē aliā legē in mēbris meis repugnantē legi mētis meę, & captiuatē me in lege peccati, quę est in mēbris meis. Ex quibus verbis Apostoli inferre licet, q̃ iustus mente seruit legi Dei, & eidem condelectatur secundū interiōrē hominē, adeoq; adheret Domino, vt vnus fiat spiritus cū Deo, vti ad Cor. habetur. Ideoq; infundūt sese in spiritū eius deiformis vita, fortitudo triūphans de mundo, virtus & incorruptio: in tantū vt neq; mors, neq; tribulatio, neq; angustia, neq; principatus, neq; sexcēta malorū millia possent perdere ea quę in interiori sunt homine incorruptibilitatis semina, nisi fortē ipsemet sua spōte se subtraxerit ab obedientia mandatorū Dei. Quemadmodū pulcherrimē ostendit Apostolus ad Romanos capite octauo, ac alijs multis in locis. In carnem autem hæc eadem sese non infundunt, neq; infundere possunt. Quia indefinenter resistit caro spiritui, & seruit continuō legi peccati, eiusque sapientia inimica est Deo: legi enim Dei non est subiecta; neque enim potest. Hinc est quòd mirabili dispensatione Dei, dominantur in corpora ele- *Rom. 7.* *1. Cor. 6.* *Rom. 8.* *Gal. 5.* *Rom. 8.*


Rom. 8. electorum (quamuis sanctè viuant) fames, ægritudo, ele-
 menta, gladius, & omnis denique mortalitatis passio : in
 spiritum autem nihil damni inferunt, neque inferre pos-
 sunt. Imò quò plus oppugnant illa, eò magis roboran-
 tur purganturque isti, vt vbique testatur Scriptura: ma-
 ximè ad Romanos octauo, dicens, Scimus quoniam dili-
 gentibus Deum omnia cooperantur in bonum, ijs qui se-
 cundum propositum vocati sunt sancti. Hinc rursus
 est, quòd quicquid procedit de visceribus carnis, etiam
 in sanctis Dei hominibus, foetor est, & corruptionis pu-
 tredò. Quicquid autem parit de se spiritus sanctificatus
 per organa operationum, spiracula sunt vitæ, veræque
 virtutis odora. Tertiò quoniam ad finem vsque
 perdurat hæc rebellio carnis aduersus spiritum, & legem
 Dei, ideo etiam post mortem relinquitur sibi caro suo
 malo studio resoluenda in natium, vnde desumpta erat,
 principium, cinerem scilicet terræ nascentis. Ex quo ta-
 men principio iteratò colligenda erit in illa die, virtute
 Christi, qua potens est subijcere sibi omnia, vt inquit
Genes. 18. Apostolus, vt sit salus ex Deo, & non gloriatur contra
Iob. 7. Deum omnis caro. Atque tunc demum corpus quod se-
Iob. 19. minatum fuerat in corruptione, surget in incorruptio-
Philip. 3. ne. Quod seminatú fuerat in ignobilitate, surget in glo-
1. Cor. 15. ria. Quod seminatú fuerat in infirmitate, surget in vir-
 tute. Quod seminatú fuerat corpus animale, surget
 spirituale. Cùm autem mortale hoc induerit immorta-
 litatè, tunc fiet sermo qui scriptus est, Absorpta est mors
 in victoria. Et erit quod diximus, Custoditio legum, con-
 summatio est incorruptionis: incorruptio autem proxi-
 mum facit Deo.

D. Iam intelligo.

In obseruatione mandatorum esse scholam veræ sciendiæ, ve-
 ræque pietatis.

CAP. VI.

M. Om.

M.  Mnīs homo scire desiderat, nec tē puto aliēnū
esse à communi lege nascentium.

D. Alienus essem? Bone Deus, quantum in-
sumpsi olei, quot verso libros, quot noctes du-
co insomnes, tantū vt sciam, & intelligam.

M. Ecce Psalmista tibi demonstrat certissimam veræ scien-
tię scholam, dicens: Super inimicos meos prudentem me
fecisti mandato tuo, quia in æternū mihi est. Super om-
nes docentes me intellexi, quia testimonia tua meditatio
mea est. Super senes intellexi, quia mandata tua exquisi-
ui. Hanc dico ob causam, quia studui in volumine legis
diuinę, sedulo meditando in mandatis Dei, & perqui-
rendo quę sit voluntas eius bona, beneplacens, & perfe-
cta, datus est mihi intellectus veritatis, & scientia vitę, su-
per inimicos meos, super senes venerandos, quod am-
plius est, super erudita magisteria eorum qui me docue-
rant, nedum super cōtaneos meos. Nolo hīc tibi aliud
citare pro argumento demonstrationis, quā Psalmum
Dauidis, qui incipit: Beati immaculati in via. Illum lege,
& lege vel decies, & tum videbis, quantum, quāque
magnifica tribuat Psalmista obseruationi mandatorum
Dei, tumque incipies per Dei gratiam facere, & dicere
cum Dauide: Portio mea Domine, dixi custodire legem
tuam. In æternum non obliuiscar iustificationes tuas:
quia ipsis viuificasti me, in ipsis vera sapiētia, in ipsis equi-
tas, & iustitia: in ipsis deniq; retributio multa. Quapro-
pter sicut in argento viuo omnia supernatant, solo auro
in fundum subsidente: ita meritō in pectore hominis
Christiani cuncta deberēt supernatare: sola autem me-
ditatio legis diuinę, eaq; iugis ad inū fundū descendere.

Psalm. 118.

De maledictionibus quę superuenient in prauaricatores
mandatorum Dei.

CAP. VII.

B

Siim-

M.
Esa. 28.



Iimproperent maleuoli, & sublaññēt dicentes: Manda, remanda, manda, remanda, præceptum hic, præceptum ibi, quid semper de mandatis? Respondebis tu exprobrātibus tibi ver-

Psal. 118.

Psal. 13.

Sap. 5.

Deut. 28.

Maledictio

nes legis in

trāsgresso-

res manda-

torum Dei.

bum hoc, Quoniam maledicti qui declinant à mandatis tuis Domine. Contritio & infelicitas in vijs eorum. Et spes eorum tanquam lanugo est, quæ à vento tollitur: & tanquam spuma gracilis, quæ à procella dispergitur. Audi, precor, quātas cōgerat Moyſes maledictiones in eos qui præuaricatores sunt mandatorum Dei. Quòd si audire nolueris, inquit, vocē Domini Dei tui, vt custodias & facias omnia mandata eius, & cæremonias, quas ego præcipio tibi hodie, venient super te omnes maledictiones istæ, & apprehendent te. Maledictus eris in ciuitate, maledictus in agro. Maledictum horreum tuum, & maledictæ reliquæ tuæ. Maledictus fructus ventris tui, & fructus terræ tuæ, armenta bouum tuorum, & greges ouium tuarum. Maledictus eris ingrediens, & maledictus egrediens.

D. Hæc legi aliquando. Verùm quid propriè sit maledictio necdum intelligo.

M.
Maledice-
re quid sit.

Maledicere est malum in aliquē dicere, aliquādo enunciatuè, aliquando cum imprecatione. Maledicuntur à Deo, qui malè audiunt à Deo siue in quos malum dicit Deus, vel per semetipsum, suoque proprio ore, vel per Prophetas suos, Episcopos, aliosque electos veritatis cōcionatores. Vnde quicquid mali nunciatum est contra præuaricatores legis Dei, per omnem totius Scripturæ traditionem: quicquid item per viuam vocem imprecatum est ab ijs, qui locum tenent Dei in terris, totum pertinet ad maledictionem Dei.

D. Verbalem scilicet. At verba in aërem volant, quem vbi loquentē fecerunt, vim suā perdunt, abeuntq; in nihil.

Sic

M. Sic esse potest in nostra hominum maledicentia. Ceterum, vox Domini in virtute, vox Domini in magnificentia, inquit Psalmista: Certum itaq; habe quod quemadmodum dicere Dei, & facere quàm minimè distant, Dixit enim & facta sunt: ita & maledicere Dei semper efficax est, & fecundum, de se producens pondus malorù, & plagarum vndas. Quòd si non statim, & eodem quidem momento post demeritum euenerit, exclamemus: Misericordiæ Domini, misericordiæ Domini quòd non sumus consumpti in iniquitate nostra. Porro si quis contemnit (vt inquit Paulus) diuitias bonitatis eius, & patientiæ, & longanimitatis, aut ignorat, quoniam benignitas Dei ad pœnitentiam adducit, is secundum duritiam suam, & impœnitēs cor thesaurizat sibi iram in die iræ, & reuelationis iusti iudicij Dei: quoniam ira, & indignatio, tribulatio & angustia in omnem animam hominis operantis malù, hoc est, præuaricantis mandatum Domini Dei sui: vtque solet opprimere exundans tempestas maris, quum procellarum montibus rapit insulas, nullum relinquens earum vestigium, sic tãdem veniendo veniet vis maledictionis diuinæ, rapietque præuaricatores mandatorum suorum, atque in puncto ad inferna transmittet. Ne quis autem paruifaciat maledictiones Dei pronunciatas per Moysen famulum suum, addit Propheta dicens: Quoniam qui malignantur exterminabuntur: sustinentes autem Dominum ipsi hæreditabunt terram. Si autem quæras, per quem exterminabuntur? Indubiè per Christum. Dicit enim Ioannes: Quoniam accepisti Domine virtutem magnam exterminandi eos qui corruperunt terram.

D. Scio quòd exterminare, sit extra terminos protrudere, sicuti eliminare est extra lunites ponere. Verùm, qui sint termini isti, extra quos per Christum protrudentur

*Quàm sit
efficax maledictio
Dei.*

*Psalm. 28.
Dicere Dei
est simul facere.*

Maledicere Dei semper est efficax.

Rom. 2.

Iob. 21.

Psalm. 36.

Apoc. 11.

Quid exterminare.

Quomodo exterminabuntur præuaricatores mandatorum.

præuicatores mandatorum, prorsus non intelligo.

M. Sunt extrema siue fines diuinæ maiestatis, diuinæ gloriæ, diuinæ dulcedinis, consolationis, propiciationis, diuinæ denique bonitatis, ac influentię. Nam extra hæc, & horum extrema protrudentur malignantes, & præuicatores mandatorum, quantum existentia naturæ patitur (quam utique naturam Deus in eis conseruabit: magis sanè ad suæ iustitię manifestationem, quàm ad solatiũ illorum) adeo quòd non attingent vltra, ne extrema quidem diuinæ maiestatis, aut glorię, aut dulcedinis, aut consolationis, aut propiciationis, sed clausę eis erunt portę vitę, mæniaque cælestis Hierusalém inaccessa. Quia exterminator Angelus gladio flammeo custoditea. Et tunc erit quod suprà diximus, Mors depascet eos. Tunc quoque accipiet armaturam zelus altissimi, & armabit creaturam ad vltionem inimicorum suorum. Nam pugnabit cum Deo orbis terrarum contra insensatos, positos iam extra terminos glorię suę, propiciationis suę, ac saluationis suę. Vt autem summam dicam: pars illorũ, qui nõ obediũt mādatis Dei, erit maledictio, plaga, anathema, exterminiuũ, mors prima, mors secunda, suppliciuũ æternũ, desolatio extrema, supplantatio sub vniuersam creaturã. Si quęris quo in loco? Respōdet Ioānes Apostolus: In stagno ignis & sulphuris. Respōdet insuper Iob:

Sap. 5.

Epilogus.

Apoc. 9.

Iob. 10.

Matth. 3.

25. 18.

Esa. 66.

In terra tenebrosa, & operta mortis caligine, vbi nullus ordo, sed sempiternus horror inhabitat. Respondet denique Euangelium: In gehenna ignis, in igne inextinguibili, in igne æterno, in tenebris exterioribus, vbi erit fletus, & stridor dentium. Vbi vermis eorum non morietur, addit Propheta, vbi nulla est redemptio. His enim epithetis explicat Scriptura magnitudinem damnationis venturę, in omnem animam præuicantis mandatis omnipotentis Dei.

Merito ac iuste hæc præcedentia infligi, etiam pro vna vnus
mandati transgressione. Cap. VIII.

D. Accine tam horrenda infliget misericors Deus
pro vna vnus mandati transgressione?

M. Nihil verius, nisi per poenitentiam diluas cul
pam. Certissima enim est sententia Iacobi dicen

tis: Qui offenderit in vno, factus est omnium reus, hoc
est, quo reatu obligatur, & ad quam damnationem mor
tis ille qui plura, & sæpius transgressus est, eodem reatu,

& ad eandem mortis damnationem obligatur is qui of
fendit in vno solo, & tantum semel. Grauius tamen sup
plicium portabit qui in pluribus, aut sæpius offenderit,

iuxta quantitatem delictorum suorum & munerum: vt
vnusquisq; recipiat prout gessit in corpore suo. Omnes

tamen & qui offenderunt in vno, & qui in multis, &
qui semel tantum, omnes dico, maledicti sunt: quia de

clinant à mandatis tuis Domine, omnes extermina
buntur, mors depascet omnes per supplicium ignis inex
tinguibilis. Quod tamen intelliges, nisi condignam in

hac vita egerint poenitentiam. Secundò intelliges de per
fecta, & bene deliberata transgressione. Nam vnusquis
que quidem tentatur, à concupiscentia sua abstractus &

illectus: cæterum non ibi adhuc transgressio legis, sed ten
tatio (vt est videre in Canonica diui Iacobi). Deinde cõ
cupiscentia cum conceperit, parit peccatum. Dicit, parit,

quia necdum ibi plena transgressio, sed in malum præua
ricationis præuia dispositio. Peccatum verò cum consum
matum fuerit, scilicet per voluntatem deliberatam, ac ple
nè resolutam, tunc demum generat mortem. Qui autem

offenderit in vno mandato per voluntatem deliberatam,
is factus est omnium reus, hoc est, is filius est iræ, & mor
tis, exheredationis & damnationis, non minus quam si

omnia transgressus esset.

Quomodo
qui offen
dit in vno
fit omnium
reus.
Iacob. 2.

Deut. 25.
2. Corint. 5.

Psal. 118.

De quatrã
gressione
loquitur.

D. Si, quod in momento commissum est, & semel tantum, & modica fortassis cum delectatione, puniat Deus æternaliter, tam horrêdo mortis supplicio, ubi æqui ponderatio? ubi (quod dici solet) Misericordia Domini plena est terra? Et illud: Secundum quantitatem delicti erit & plagarum modus? Nam secundum præcedentem declarationem, delictum vnum, at plagæ multæ: delictum momentaneum, punitio autem delicti æterna: delictum cum modica delectatione, stipendium verò delicti damnatio mortis citra modum ac finem.

M. Fili si bene perpendas tria: Nempe quis est, & cuius sit potestatis, qui mādatum tulit. Secundò qualis, & quàm necessaria sit dependentia naturæ nostræ ad legislatorē Deū, miseræ nostræ ad diuitias misericordiæ illius. Tertio quàm innumeris obligationibus homo sit obligatus Deo suo, omni ex parte: non solum pro se, sed & pro toto mundo. Hęc, dico, si bene perpendas, faciliè intelliges, quàm iustè puniat Deus æterna mortis damnatione, etiam vnā vnus duntaxat mandati transgressionem.

Cuius potestatis sit legislator. Quantum ad primum. Qui imposuit tibi mandatum Deus tuus est & Dominus, & omnipotens nomen eius. Qui utique omnia est, omnia implet, omnia habet in sua potestate: imò ad nutum suum, plus dico, ad votum suum, cui nihil impossibile est, nihil arduū, nihil est difficile: Tenens imperium mortis & vitæ, & , vocans ea quæ non sunt, tanquam ea quæ sunt, dans denique mandatis suis, omnibusque dictis suis, addo, omnibus literis, & syllabis legis suæ tātum robur, talemque auctoritatem, vt dicat Scriptura: Cælum & terra transibunt: verba autem mea non præteribunt. Imò nec iota vnum, aut vnus apex præteribit à lege Domini, donec omnia fiant: vt plenius infra explicabimus cū tractabimus de voce hac, Dominus. Qualis nunc tibi videtur hęc man-

dantis

dantis auctoritas?

D. Certè talis, vt dignior, vt augustior, ac irrefragabilior cogitari non possit.

M. Audi igitur. Qui dedit mandatum Deus, est bonum immensum, immensaque eius maiestas, habens in nos infinitam potestatem. Omnis itaque contemptus, omnisque rebellio, quam committimus contra ipsum, reuera est infinitæ malitiæ, & iniquitatis, ratione illius in quem committitur. At malitia infinita iustissimè punitur supplicio infinitæ durationis. Quantum verò ad secundum, & tertium sufficiunt duo dicta Apostoli. Prius est, Quoniam ex ipso (Deo scilicet) per ipsum, & in ipso sunt omnia: quare & homo, & quicquid est hominis. Posterius, Quid enim habes, quod non accepisti? Quasi diceret: Prorsus nihil posses demonstrare, quod non accepisti. Si autem accepisti, quid gloriaris quasi non acceperis? Vis nunc demonstrarem tibi ad oculum, quot modis debeas Deo tuo non solum obedientiam tuam, sed etiam teipsum, quantus quantus es, omniaque quæ habes, & habere posses?

Quòd innumeris obligationibus homo sit obstrictus. 1. Cor. 4.

D. Obsecro.

M. Tot dico modis, quot habes in te subsistendi facultates. Nulla enim tibi ex te inest, sed quamcunque habes, ex bonitate donantis Dei habes, nec diutius in te esse potest, quàm ille dederit.

D. Ego, sicut omnes alij homines, subsisto per corpus & animam.

M. Bis ergo teipsum totum debes Deo: quia vtrumque est à Deo. Formauit Deus, inquit Scriptura, hominem de limo terræ: hoc quantum ad corpus. Et inspirauit in faciem eius spiraculum vitæ: hoc quoad animam. Præterea postquam gratis, & sine argento venundata esset natura humana in damnationem mortis, quis te sine te, to-

Genes. 2.
Rom. 3.

Gal. 3. tamque humanam naturam redemit? Nónne Deus per
1. Corint. 1. Christum dominum nostrum? dicente Apostolo Petro,
1. Pet. 1. Scientes quòd non corruptibilibus auro vel argento redēpti estis de vana vestra cōversatione paternae traditionis, sed pretioso sanguine quasi agni immaculati Christi.

D. Sic persuasissimum habemus ex fide.

M. Iterum ergo debes teipsum Deo, ratione huius emptionis, & redemptionis Christianae. Quòd autem cœperis esse noua creatura in Deo, nactus spiritum eius, & sapientiam, & iustitiam, & libertatem, quae ex ipso sunt. Hoc vnde tibi? An ex te, aut tuis viribus? Minimè. Quis enim potest mundum facere, de immundo conceptum semine? Nónne tu qui solus es? inquit Iob. Quod elegantius explicat Apostolus dicens: Ex ipso (scilicet Deo) vos estis in Christo Iesu, qui factus est nobis sapientia, & iustitia, & sanctificatio, & redemptio. Vt (quemadmodum scriptum est) Qui gloriatur in Domino gloriatur. Oportet enim quemlibet nostrum ex corde dicere cum Paulo,
1. Corint. 1.
Ierem. 9.
1. Cor. 15. Gratia Dei sum id quod sum. Debes ergo tertio teipsum totum Deo, & Christo filio eius propter regenerationem, quae est in sanguine ipsius. Ad hæc quòd non solum pacem inueneris cum Deo, verum etiā factus sis hæres omnium bonorum Dei, & coheres cum Christo. Vnde quæso? Nónne ex ipso per Christum, vt pulchrè deducit Petrus in prima sua Canonica capite primo. Debes igitur teipsum quarto etiam pro hac re Deo patri, & Christo Domino.

D. Et quid retribuamus Domino pro omnibus quæ retribuit nobis sine meritis nostris?

M. Promptam obedientiam cū gratitudine, At pergat inductio. Quoties perpendis tibi aliquid esse necessarium, quo subsistat vel proficiat in melius corpus tuum, aut anima tua, aut datum tibi munus viuificantis gratiae, toties

reco-

recogita quòd etiam hac de causa teipsum totum debes Deo. Porro sine cælo & sole, sine igne & aqua, sine cibo & potu, sine domo & vestimento non consistit corpus nostrum. Et horum, quæ dixi, ne vnum quidem esse potest tibi in usum, non cooperante vniuersa mundi substantia.

D. Maneo igitur obstrictus Deo, vt apparet, pro cælo, terra, igne, aqua, cibo, potu, lana, lino, ligno, & lapide, & vniuersa denique mundi fabrica.

M. Nihil verius. Omnibus enim his opus habemus, & hæc omnia facta sunt propter hominem: homo autem propter Deum. Nunc supputa quot modis teipsum debeas Deo solùm ratione naturæ tuæ corporeæ. *Genes. i.*

D. Quid supputarem? Sunt innumera sine quibus viuere non possumus.

M. Ergo in numeris obligationibus Deo obstricti sumus, etiam ratione solius corporis. Verùm corpus sine anima quid est?

D. Minus quàm brutum. Quia brutum sentit & mouetur: homo autem vbi animam expirauerit, neque sentit, neque motum facit: imo mox putredo efficitur, & foetor, haud secus atque bruti cadauer, adeo vt ne triduū quidem seruari possit, cum interim inanimata corpora in annos subsistant, & secula.

M. Dictum bene. Soli igitur animæ rationali debemus, quòd brutis præstamus, cæterisque rebus mundi.

D. Sic est.

M. Animam verò vnde habemus?

D. A Deo, vt iam dictum est.

M. Dico audecter, à solo Deo. Nam qui contendunt animam ex traduce esse aliena pertractant à cõmuni omnium Orthodoxorum sententia. Pro eo igitur quòd animam habes rationalem, & naturam sortitus es infinites melio

rem quam reliqua mundi corpora animata vel inanimata, debes arctissime Deo teipsum totum, nedum obedientiam tuam. Et propterea quotiescunque vides bestiarum brutalitatem, cæterorumque inanimatorum impotentiam, debes meritò te huius tui debiti piè memorem facere, recogitando tot vicibus debere te Deo, quot illa antecedis proprietatibus. Adhæc anima rationalis haud dubiè non eandem habet virium, virtutum, ac potentiarum suppellectilem in singulis hominibus.

D. Hoc bene notavit Terentianus ille dicens: Dij boni, homo homini quid præstat? Stulto sapienti quid iurest?

M. Igitur causa exempli: quòd tu prudens es ac providus, multis existentibus fatuis, tu neque cæcus es, neque mutus, neque elinguis: cum tamè his facultatibus careat plurimi: tu probè institutus ad officium, probeque imbutus liberalibus disciplinis, vt inter homines hominem agere didiceris: alijs multis vel ad stiuam aratri, vel ad fodinas lapidum, aut bestiarum perpetuam consuetudinè quasi condemnatis, vbi nihil vnquam quod ingenuum sit, audiunt: rursus quòd tu piè operam nauas pijs disciplinis, alij operam ludunt, seu potiùs perdunt in vanis scientijs, quæ inflant, & non ædificant, tandemque cultores suos sine fructu derelinquunt: denique quòd tu sis diues opum, alius inopia plenus, tu nobilis, alius ignobilis: te ornant byssus & diadema gloriæ, alium vix vestiunt saccus & cilicium: an non propter hæc tu obstringeris Deo, multo magis quam illi qui eisdem carent?

D. Hoc fortunæ videtur tribuendum, vices rerum sic dispensantis. Vnde benè aut malè fortunati dicimur.

M. Caue fili, quia ethnicum est quod dicis, prorsus alienum ab Euangelio. Siquidem certissima regula fidei est, Ex ipso (scilicet Deo) & per ipsum, & in ipso sunt omnia: ipsi gloria in secula seculorum. Cæterum hîc multa differere

de donis ac gratijs Dei, superuacaneum apparet. Nam si dona sunt, aut gratiæ: igitur ex nobis non sunt. Si enim ex nobis nostrisue meritis sunt, dona siue donata aut gratuita impensa dici nō possunt, vti Paulus ad Romanos, *Rom. 11.* & ad Galathas ostendit. Debes igitur Deo tuo pro fide *Gal. 2.* & fidei Sacramentis, pro spe, & ea charitate Dei quæ diffusa est in cordibus nostris per Spiritum Sanctū qui datus est nobis. Pro pulsu insuper & tactu, & inspiratione quibus ad cor transit Deus, pro singulis deinde muneribus quibus cōsortes efficitur diuinę naturę, pro verbositate, pro pastoribus animarū, pro matre Ecclesia, quæ te de gremio suo peperit vitæ æternæ, fouet, lactat. Omnia enim hæc ad gratiā Dei spectant, omniaque tibi, mihiq; necessaria sunt, vt morte superata fœlicitatem inueniamus. Vnde quoties tibi in mentem recurrit (vt recurrere debet frequenter) te non ethnicum hominem esse, sed ad pedes Iesu in Euangelio salutis enutritum: te nō longè positum, sed propè, veluti in sanguine Christi redemptum, & in medio eorum collocatum, qui vocantur gēs sancta, populus acquisitionis, regale sacerdotium: te habere Deum velut patrem, Christum velut Saluatorem, & verbum Dei tanquam pabulum vitæ, Sacramenta Ecclesię tanquam antidotum contra iacula inimici, gremiū Ecclesię tanquā munitionem, aduersus quam non præualebunt, ne portæ quidem inferi. Toties, dico, oportet te memorem esse, quā variè debes teipsum Deo. Ideoque si quando videris incontinētem, aut ebrīū, aut rixosum, aut maledicum: te verò confidis vtcunque immunem esse ab eisdem malis, scito tūc & intellige te tantum debere Deo gratitudinis, & obedientię, quantum illi demeruerunt mali. Quoniam quod tu non malus, vti ille, imò non tu peior, quā illi, nequaquam ex teipso, sed ex Dei habes beneficio. Quod amplius est, teipsum comparatio-


paratione ad illos reprehende. Quoniam si illi, quam tu habes, gratiam accepissent, multò forsan te meliores essent: quia gratia accepta diligentius, maioriq̃ue cum gratitudine vterentur, quàm tu facis. In quo genere meditationis mirum in modum exercebat se venerabilis pater beatus Bernardinus. Intelligis quæ dico?

D. Intelligo. Cæterum vnde surgit hæc inæqualitas, tam in gratuitis donis, quàm in naturæ ac fortunæ bonis?

M. De hoc dicemus loco magis oportuno.

Non est mirum pro momentaneo actu peccati infligi poenam perpetuam. Cap. IX.

M. Vnc autem dicito mihi, qualis sit dependentia creaturæ ad creatorem?

D.  Certè necessaria, omnimoda, & ex omni parte.

M. Et quot sunt obligationes quibus obstringimur Deo ad obedientiam?

D. Plurimæ, innumeræ, ne dicam, infinitæ: quia non est aliquid rerum pro quo non obligatur rationalis creatura Deo.

M. Optimè. Scribens enim Apostolus Corinthijs: Omnia, inquit, vestra sunt: siue Paulus, siue Apollo, siue Cephas, siue mundus, siue vita, siue mors, siue præsentia, siue futura, omnia enim vestra sunt: vos autem Christi, Christus autem Dei. Tertiò & illud responde, An sint multum arctæ, vehementerq̃ue stringant nos eiusmodi obligationes ad obediendum.

D. Meo quidem iudicio, sine comparatione magis quàm illa, qua filiussfamilias obligatur patri carnis suæ.

M. Adde pro ratione: quoniam sicut omnis vis generandi à Deo est: ita omnis auctoritas patrum in filios à Deo est.

D. Insuper magis quàm illa qua ciuis Senatui obligatur, aut

aut Regi subditus, aut præposito Ecclesiæ Christianus.

M. Pro ratione adiunge: Quoniam per me (inquit Altissimus) reges regnant, Et omnis horum potestas à Deo est, vt patet ad Romanos 13. atque alijs in locis.

D. Rursum magis quàm illa, qua redemptus à captiuitate belli obstringitur suo redemptori, aut seruus suo domino.

M. Ratio est. Quoniam iste redemit modica pecuniola, & nõ nisi à morte temporali, ad vitam quasi momentaneam, adeo quæ dubiam: vt diem nesciat & horam: nec id tam in bonum redempti, quàm vt sibi mancipium inueniret. Deus autem per viscera animæ suæ te redemit non corruptibilibus auro & argento: sed pretioso sanguine quasi agni immaculati Christi, & incontaminati, à morte sanè perpetua ad vitam scælicitatis, quæ vt finem non habet, ita amarum nescit aut triste: id quæ non vt sibi bene esset per te (Quia bonorum nostrorum non eget) sed pura benignitate: vt te non solum suum, sed & suorum gloriæ, & maiestatis participem faceret. Et quid dico participem? Quin potius vt te vnum faceret secum, prout liquido constat ex Ioanne Euangelista. Igitur quanto præstat Deus his quos induxisti, secundò quanto isti nõ per se, sed per illum habent quòd ipsis obligaris, tanto arctius est, tãto quæ inuiolabilius debitum quo Deo obligamur ad obediendum. Et quanto ipse puriori beneficentia præsidet nobis, quàm illi, tanto scædior est nostra contra Deum inobedientia. Nunc te interrogo qui aduersus paterna mandata rebellis existit, nõne iustè ex hæredatur?

1. Pet. 1.

Psal. 15.

Ioan. 15.

A simili de-
monstratur
peccatum
temporaneū
rectè puniri
eternalis
ter.

D. Prorlus: si modò enormis sit rebellio.

M. Sicenim definit titulus de exheredandis filijs immo rigeris: sic quæ iubet lex naturæ, vt qui patris auctoritatē ferre dedignatur, careat illius scælicitate. Et qui semel ex-
hæres

hæres factus est, nonne in æternum carendum erit illi bonis paternis?

D. Indubiè, nisi reconcilietur.

M. Esto. Nam & Deo reconciliari potest peccator. Cuius insuper non obtemperans Senatusconsultis, nonne rectè extruditur à ciuitate, & extorris manet in perpetuū? Adeo si ciuitas subsisteret ad centies centena millia annorum, ipseque æternū uiueret, nihilominus perpetuò manerent sibi mœnia ciuitatis inaccessa: licet solū semel & ad horulam deliquerit in Senatorias leges, paternasue constitutiones.

D. Sic est, & omnes iustum esse iudicant.

M. Tamen horarium est delictum, & sempiterna delicti punizio. Insuper qui Regis imperio non paret, nonne legitime exilij damnatur, aut capitis?

D. Etiam. Aut certe iniqua est omnis principum dominatio.

M. In exercitū quoque qui ducis mandatum præuaricatur, nonne militum iudicio, qui alioqui scelerati sunt, in furcam suspenditur, aut lanceis confossus à vitâ exterminatur? Et quidem hæc iusta habentur omnium nationum iudicio, quamlibet barbaræ sunt: sed & approbant eiusmodi, lex naturæ, lex humana, lex denique diuina, dicente Domino: Maleficos non patieris viuere. Et Apostolo, Non sine causa gladium portat (iudex scilicet) Deus enim minister est: vindex in iram, ei qui malū agit. Quāto igitur iustius (vt ad propositum redeam) condemnatur æterni exilij, æternique supplicij, ille qui (non obstantē infinita Dei nostri potestate in nos, omniaque nostra, nō etiam obstantibus innumeris obligationibus quibus eidem obstringimur) tamen contra debitum gratitudinis, contra legem charitatis, quod plus est, contra omnē æquitatem, denique contra naturalem dependentiam
quam

Exod. 22.

Rom. 13.

quā in rebus finxit immutabilis natura, contemnit, negligit, transgreditur sacrosanctas leges, sanctaque mandata, quæ præcipiendo per semetipsum præcipit, ille cuius maiestate nihil augustius, nihil venerabilius, nihil potest esse terribilius. Rebus autem sic se habentibus, an *An transgressio fieri posset sine contemptu.* quæso transgressio fieri potest sine contemptu iniuriæ tantæ maiestatis? Tu ipse iudex esto.

D. Certè non potest: nisi ex surreptione contingat factū, aut vehementi perturbatione.

M. Loquimur debene deliberata actione, qua quis sciens, beneque aduertens delinquit. Et contemptus boni infiniti (cui te ipsum infinitis modis debes) nonne est infinitæ malitiæ?

D. Sic esse conuincit ratio.

M. Nulla igitur est iniustitia, etiam si punitio sit infinitæ durationis. Quinimo certo certius apparet ex ordine rerum, eum qui fontem deserit vitæ suæ, mox pabulum fieri mortis: mortis verò æternæ, si in æternum existit defector. Deserit autem omnis præuicator legis. Nec quicumquam potest esse confinius rationi, quàm vt procul fiat ab omni misericordia, qui misericordiarum domino rebellem se facit. Est autem rebellis qui suam voluntatem *Rebellis* diuinæ voluntati anteponit. Adhuc nihil æquius, quàm *quis dicatur.* vt exulet tandem à curia cælesti, qui edicta cælestis curiæ sustinere non voluit, & extrudatur virtute omnipotentis in locum horroris, & mortis, qui dum viueret perturbator fuit legum, pacis, & vitæ. Denique nihil iustius, quàm vt omnis creatura conuertat se in vindictam illius qui omnium creaturarum contempsit auctorem, prout futurum pronunciauit Scriptura dicens: Accipiet armaturam *Sap. 5.* zelus illius, & armabit creaturam ad ultionem inimicorum. Addit, Et pugnabit cum illo orbis terrarum contra insensatos. Adhuc obsurdescit tibi auris? Intelli-


ge, quæso, quid dicant eloquia sacra.

D. Et audio, & intelligo, & contremisco non parum.

M. Gaudeo. Quia ad quem, inquit os Domini, respiciā,
Esa 66. nisi ad pauperculum, & tremement sermones meos? Sed
quæ causa tremoris?

Mandata Dei non esse graua, tantum abesse vt sint impos-
sibilia.

CAP. X.

D.  Ideo rem arduā esse, & ferè plus quàm huma-
næ possibilitatis debitè obseruare mandatum
Dei. Scio insuper numerosam esse obseruan-
dorum multitudinem. Et nihilominus qui of-

Iaco. 2.

fenderit in vno, factus est omnium reus. Hæcine meri-
tò & mihi, & cuique mortalium terrorem incuriunt?

M. Sic solēt obstrepere qui pusillo sunt animo. Discedat
procul hinc vaporosa hæc carnis diffidentia. Amanti ni-
hil est difficile. Et nescit tarda molimina Spiritus Sancti

Mandata
Dei non ef-
se graua.

Matth. 11.

1. Ioan. 5.

Psal. 118.

gratia. Desinit veritas: Iugum meum suauē est, & onus
meū leue. Addit Apostolus Ioannes: Mandata eius gra-
ua non sunt. His coniungit Psalmista: Mandata tua de-
siderabilia super mel & fauam, super aurum & argentū,
& omnem lapidem pretiosum. Moyses quoque cui fa-
miliare erat cum Domino colloquium sic testatur: Man-

Deut. 30:

datum hoc quod ego præcipio tibi hodie, non est supra
te, neque procul positum, nec in cælo situm, vt possis di-
cere: Quis nostrum valet ad cælum ascendere, vt deferat
illud ad nos, vt audiamus, atq; opere compleamus? &c.
Sed iuxta est sermo, valde in ore tuo, & in corde tuo, vt
facias illum. Fili blasphemus est, quisquis cōtendit Deū
præcepisse quod obseruatu est impossibile. Impius,
qui existimat Christum humeris fidelium imposuisse
onus vel impòrtabile, vel dura seruitute molestum. Man-
datum legis Euangelicæ in se leuissimum est. Quicquid

enim

enim præcipit in sola charitate solidatur. Et quid facilius dilectione? Si onerata aut molestum est, ex te surgit, & in tua est cupiditate, omnis hæc onusti ponderis ratio. Vnū vnā cum Christo Domino iugum ducere, non est seruorum, sed filiorum, non ignobilitatis, sed summæ altissimæque nobilitatis. Si sentis amaritudinem, non est illa in præceptis, sed in crassis, qui de carne tua exhalant, passionum vaporibus. Caro concupiscens aduersus spiritū, malum habitans in homine, corpus aggrauans animam, lex regnās in membris, (his enim nominibus appellatur concupiscentia à Paulo) hæc, inquam, dum renituntur & recalcitrant, suisque funibus malarum affectionum quasi constringunt organa virtutum, tedium ingerunt, & auersionem ac difficultatem pariunt in exequendis præceptis: non vtique qualitas rei præceptæ, quæ quoniam virtutis materia est, bona in se, & suauis esse debet. Virtus enim non nisi circa bonum versatur. At dicto mihi, Nonne vinum per se delectabile gustui? tamen amarum videtur febricitanti: eò quòd noxius humor præoccupat organum sensus, atque illinc amaritudo, nō ex vino. Et ambulare ad forum quid eò facilius? infirmis tamen & infantilibus membris valde est difficile: & quòd morbus fuerit grauior, aut ætas magis tenuis, eò fit difficilius. Sic quamdiu infantes manemus in Euangelica vita, & necdum sensus exercitatos habemus: item quamdiu noxius humor concupiscentiæ præoccupat organa virtutum, tam diu manet difficile, quòd alioqui in se facillimum esse cognoscitur. Videmus quòd vectores equi dum nituntur in diuersum, aut nihil promouent, aut admodum parum, etiamsi vacuum sit, & sine onere plaustrum: nō quia pondus plaustrum excedit: sed quia nō eodem trahunt equi. Sic quamdiu in affectibus suis secum dissidet homo, & aliò rapit concupiscentia carnis, aliò

DE PRAECEPTIS

impetus iræ, aliò ambitio, aliò ratio & spiritus, tamdiu onus sentit & iugum quasi molestæ seruitutis, & quò maior fuerit turba passionum, eò insuauius apparet iugum legis Euangelicæ. Nequaquam tamen in illo, sed in affectu hominis est grauaminis ratio. Non igitur dicas amplius, esse plus quàm humanæ possibilitatis, seruare mandata Dei.

D. Saltem depressis sub onere peccatorum pene est impossibile.

M. Cui dubium? Quid enim non est impossibile cadaue-

*Mandata esse
difficilia
peccatori-
bus.*

*Executio
mandati Dei
quid.*

*Impossibile
mandatum
sanctæ exe-
qui sine gra-
tia.*

Heb. II.

Gal. 5.

ros hominibus, insensatis, aut destitutis auxilio necessa-
rio? De terra terrenus, & onere peccatorum depressus,
an exequi poterit quod diuinitus mandatum est, diui-
numque facit, sine ope diuina? An vnquam implumis
bestia volatu scindetaëra? Et qui sine viribus est, quomo-
do faciet virtutis siue virium opus? Executio autem mā-
dati opus est virtutis: adeò vt nihil cadat sub mandato,
nisi secundum quod rationem habet virtutis. Nihil etiā
implet mandatum, nisi opus virtutis, hoc est, nisi quod
factum est iudicio, vbi, quando, & sicut oportet. Qui
igitur totus malus est, penitus destitutus omni exercitio
& adiumento virtutis, certè huic tam est difficile obser-
uare mandata Dei citra transgressionem, quàm est diffi-
cile claudo currere citra offensionem. Præterea nihil gra-
tum Deo in operibus nostris sine fide. Quoniam sine fi-
de impossibile est placere Deo. Nec vllius est meriti co-
ram Domino, quod agimus sine fide operante per dile-
ctionem. In Christo enim Iesu neque circūcisio aliquid
valet, neque præputium: sed fides quæ per charitatem
operatur. Denique nihil sanctū sine charismatibus Dei.
Igitur quicumque caret fide, non potest sic facere man-
datum Dei vt placeat, & charus fiat. Similiter qui fidem
habet, charitatem autem non habet, & eximia illa chari-

smata

smata Spiritus Sancti, is non magis potest sanctè exequi mandatum Dei quàm implumis bestia volare. Sed de his infra latiùs.

Regnum Dei non posse constare sine mandato.

Cap. XI.

D. **D**Eus bone, quàm liberi, quàmque felices essemus, si nullum foret mandatum.

M. Quare hoc?

D. Quia datum mandatum multis est occasio ad interitum mortis. Vbi enim non est lex, ibi nec præuaricatio.

Rom. 4.

M. Rectè. Virtus enim peccati lex.

1. Corin. 15.

D. Vbi autem non est præuaricatio, ibi nec vlla potest esse condemnatio ad mortem. Tollè igitur mandatum, & sublata erit omnis illaqueatio mortis.

M. At tolle mādatum, & Deum quoque sustulisti à nobis, & regnum eius. Per mandatum enim ac legem constat regnum Dei, adeo vt nec cælestes spiritus sine mandato beati esse possent: quia non sine mandato charitatis & obedientiæ. Rursus tolle mandatum, & sustulisti non solum pædagogiam naturæ formandæ secundum virtutem, verumetiam notitiam ordinis & veritatis: vt ex subiectis patebit. Et quid obsecro his sublati erimus?

Sine mādato ne calcas te quidem regnū constat.

Nónne *zho*? Nónne irregulares? Nónne bruta animalia magis quàm homines? Vbi natura deprauata, ibi citra legem nulla vitæ ordinatio. Vbi autem non est continentia ordinis, ibi nec iustitia. Iniusti autem disperibunt, & omnis eorum gloria in confusione erit. Insuper per legem est cognitio peccati. Nam concupiscentiam nesciebam, inquit Paulus, nisi lex diceret: Nón concupisces.

Sine mādato nō est pædagogia virtutis, neque ordinis cognitio.

Psal. 36.

Rom. 7.

1. Cor. 14.

Qui autem ignorat, ignorabitur, vt idem testatur Apostolus. Itaque quoniam per legem testificatio diuinæ circa nos voluntatis, per legem cognitio peccati, per legem

directio

directio naturæ accrescētis in Deū , pædagogia quoq; & disciplina inquietæ carnis ac passionum , deniq; per legē demonstratio ordinis, sine quo nihil firmum aut perpetuum. Et iccirco non posset aut bene esse homini , aut regnum Dei cōstare inter homines sine lege, & mādato.

D. Et quomodo fit demonstratio ordinis per legem siue mandatum?

M. Quoniam lex lata siue mandatum suapte natura conuincit, & dominij potestaté esse in mādante, & obediendi necessitatem in ijs qui mandatum acceperunt , illum maiorem, istos minores: illum dominum, istos subditos. Quam solam ob causam etiam in Paradiso (cū natura esset adhuc incorrupta, bene per omnia consentiens, & in se, & cum suo conditore) opus erat legis mandato, & hoc sub pœna mortis. Sic enim habet Scriptura: Ex omni ligno Paradisi comede: de ligno autē scientiæ boni & mali ne comedas. In quocunque enim die comederis ex eo morte morieris. An inuidebat illis Deus bonum scientiæ, aut fructum huius arboris? An vllam habebat repugnantiam gustare fructum visu pulchrum, & ad vescendum suauem, & in eum alioqui vsum creatum?

Genes. 2.

D. Quorsum igitur vetitum oportuit ne gustarent de fructu arboris illius?

Quare Deus vetuit ne comederēt de arbore scientiæ boni & mali.

Rom. 11.

M. Non ob aliam causam, quàm vt immobili decreto mādati euidenter constaret , plenitudinem dominij rerum omnium, etiam ad pomum vsque, idque , in medio Paradisi (ne tantummodo pars angularis Paradisi Deo tribueretur) esse apud eum qui legem tulit, cunctaque etiā minima, quale est pomum, venire in vsum hominis, sola solius Dei beneficentia, gratuitaque voluntate. Quis enim prius dedit illi , & retribuetur ei? Secundò vt hinc constaret , hominem tanta necessitate subiectum esse legislatori Deo, vt in omnibus, ne pōmo quidem excepto,

opor-

oporteat illum pendere semper & vbique ex voluntate
 viuientis Dei, illiusque subseruire mandatis per omnia,
 etiam in re alioqui leuissima: quia in pomo vel gusan-
 do vel non gustando, & hoc sub interdicto mortis sta-
 tim incurrendæ. Dicit enim scriptura: In quocunque *Genes. 2:*
 enim die comederis ex eo morte morieris. Vt intelligas,
 quia ego sum Dominus mortis & vitæ, qui viuifico & *1. Reg. 2.*
 mortifico, deduco ad inferos & reduco, & non est qui *Iob. 10.*
 de manu mea possit eruere: Vidēsne quomodo lata lex
 conuincit dominij potestatem residere penes mandan-
 tem, obedientiæ verò necessitatem manere in eo cui sit
 mandatum? Vnde neque ibi frustrà fuit lex, vbi corru-
 ptio nulla: plus dico, ibi quoque erat lex necessaria:
 quia licet in Paradiso non esset caligo errorum, aut dis-
 sidentium opinionum fumi, vllane carnis inquietudo,
 tamen ibi ex parte cognoscebant, ex parte prophetabāt, *1. Cor. 13.*
 & per ænigma videbant velut in speculo, non autem fa-
 cie ad faciem. Quod postremum conuenit solùm glorifi-
 catis: à quibus tamen ne status quidem beatitudinis ex-
 cludit omne mandatum, aut vinculum legis: quia etiam *1. Cor. 13.*
 in cælis lex est charitatis. Charitas enim nunquam exci-
 det. Absit ergo, absit quòd lex siue mandatum esset illa-
 queatio mortis. Inquit enim Apostolus Paulus: Lex san-
 cta, & mandatum sanctum, & iustum, & bonum. Sum-
 ptaque occasione sic quærit, sibi que respondet, Lex igitur
 peccatū est? Absit. Sed per legē cognitio peccati. Ad-
 do, cognitio ordinis, cognitio volūtatis diuinæ, cogni-
 tio depēdentis explicatę per scripturā hanc: Quoniā ex
 ipso, in ipso, & per ipsum sunt omnia. Directio quoque et
 pēdagogia corruptæ fluidæque naturæ, quę alioqui suis
 stimulis, & suarum cupiditatum tortionibus rueret cęca
 in interitum mortis. Lex quidem indubiè virtus peccati
 est (nemo enim negare potest quod Apostolica defini-
 tus peccati.

*Lex est pe-
 nes mandan-
 tē, obediē-
 di necessitas
 in subdito.*

*1. Cor. 13.
 Mandatum
 sanctum &
 iustum.
 Rom. 7.*

*Lex affert
 multas vti-
 litates.*

*Quomodo
 lex sit vir-
 tus peccati.*

uit auctoritas). Nā preuaricatio quòd peccatū sit, quòd Dei imaginem; mentem scilicet, commaculet, quòd spiritum extinguat, quòd mortis inducat reatum, et seruitutē pariat sub tyrannide Diaboli, quòd denique concupiscentiam augeat: totum hoc habet à mandato legis, sed occasione accepta per inobedientiam. Quia tua sponte transgredieris quod sacrosancto mandato Dei tui verum erat. Mandatum enim per se est demonstratio vitæ, virtutis obiectum, & lucerna lucens in hoc caliginoso mundo. Quod autem per se bonum est his qui obediūt de corde bono, & charitate non ficta, hoc tibi propter tuam malam & rebellem voluntatem fit virtus peccati, & illaqueatio mortis.

De certo modo quo oportet seruare mandatum ad fructum salutis æternæ. CAP. XII.

D.



Væ hucusque dicta sunt sic satis intelligo: at tamen vnum restat, nempe quonā modo oporteat obseruare mandatum, an scilicet fecisse opus præcepti sit satis?

M.

*Obseruans
mandatū vt
seruus non
peccat, ta-
mē sibi inu-
tilis manet.*

Satis quidem est ad hoc vt culpam nouam non contrahas: sed interim manes seruus inutilis, neque promereri tibi quicquam eorum bonorum quæ supra memorauimus. Siquidem certa est sententia Saluatoris, quā non solum pronunciat, sed & aptissima parabola demonstrat, Lucæ 17. dicens: *Quis autem veltrum habens seruum arantem, aut pascentem boues, qui regressio de agro dicat illi: Statim transi, & recumbe, & non dicit, Para quod cœnem, & præcinge te, & ministra mihi donec manducem & bibam, & post hæc tu manducabis, & bibes? Nunquid gratiam habet seruo illi, quia fecit quod ei imperauerat? Nō puto. Sic & vos cū feceritis omnia quæ præcepta sunt vobis, dicite: Serui inutilis sumus: quod*

quod debuimus facere, fecimus. Vides quàm exactè inculcat Saluator, solùm fecisse opus præcepti, prout serui faciunt, nullam mereri gratiam, nullamque adferre utilitatem. Nam sermo est de seruis, qui id solum faciunt ad quod iure seruitutis obligati sunt, et de eximia aliqua gratia, quâ quis reponitur in eminentiori statu quàm antea erat. Inquit enim: Dicite, serui inutiles sumus, quod facere debuimus, fecimus. Quid enim præstitistis super alia Dei mancipia? Nónne & animata omnia, & inanimata hoc faciunt? Sol obsequitur Deo suo, & eidem obtemperat luna, bruta quoque animantia præstant imperatum seruitium. Quare ut cum illis Deus, ita sanè & tecum agit: si tantummodo opus præcepti feceris, ut serui faciunt absque affectu filiali. Culpam nouam non imponit, vitam donatam non aufert, sustinet te in domo sua, hoc est, Ecclesia, vitæ denique necessaria præbet: attamen ad tempus, quemadmodum cum seruis agi solet: interea autem temporis manes tu totus inutilis.

D. Hoc est, nullam Deo adferens utilitatem.

M. Quin potiùs nullam tibi parans utilitatem. Nam certum est quòd neque talis, neque alij qui sanctissimè viuunt Deo vllam adferant utilitatem. Dixi, inquit Dauid: Deus meus es tu, quoniam bonorum meorum nõ eges. Itaque dictum illud Saluatoris: Dicite serui inutiles sumus, debes intelligere de inutilitate qua sibi ipsis inutiles sunt, nullam sibi adferentes utilitatem. Nā quæ utilitas est, aut qualis fructus declinasse nouam culpam, aut non incurrisse maiorem reatum mortis, quando interim manes quod eras, in eodem statu in quo priùs, in eadem miseria, in eadem fortuna, peccator ut priùs, longè à Deo ut priùs, mortalis ut priùs, legi mortis propter delicta inuolutus, ut priùs nihilo ditior, nihilo factus melior quàm priùs? An sit utilitas, non fecisse iacturam

*Quomodo
sibi manet
inutilis qui
more seruo
rū facit om
nia que sibi
præcepta
sunt.*

rerum? An emolumentum, non accepisse incommodū? Tam igitur inutiles sibi qui faciunt opus præcepti sicuti serui faciunt, vt nullo pacto proficiant in melius. Quod plus est, tam inutiles sibi, vt licet fecerint opus præcepti modo iam dicto, sint nihilominus tandem perdituri etiā id quod habent, & ipsi mittendi in tenebras exteriores. Non quidem propterea quod opus præcepti sic cōpleuerint, (hoc enim nō cōputatur eis ad culpam) sed quod manserint animo seruili, & extra dilectionem charitatis. Qui autem non diligit, manet in morte, etiamsi fecerit quod præceptum erat.

D. Quid igitur agendum nobis, vt vtiliter obseruemus mandata Dei?

M. Qui frugi esse volunt, non solū facient opus præcepti, quia præceptum est, id quæ more seruorum, qui solū timore aguntur, nihil autem agunt ex amore, sed hoc in primis curabunt, vt fidei spiritu adoptentur in filios domus, atque sic in ipsis præceptis facere voluntatem siue beneplacitum Dei patris, qui in cælis est, more filiorum, hoc est, ex affectu amoris. Quasi dicat Christus per parabolam inductam, Non sufficiat vobis esse sub pæda gogia legis, & facere seruili animo quæ præcepta sunt, more populi vestri Iudaici. Altius quid requiritur, nempe vt spiritu fidei efficiamini filij Dei, & sic amore filiali faciatis præcepta eius tanquam patris vestri qui in cælis est. Siquidem hoc prodest, & vtilitatem adfert, dicente

Matth. 7. Saluatore, Nō omnis qui dicit mihi domine domine intrabit in regnum cælorum: sed qui facit voluntatem patris mei qui in cælis est.

D. Et quæ est ista voluntas Dei patris?

M. Respondet Zacharias dicens: Vt sine timore de manu inimicorum nostrorum (à quibus detinemur propter peccata nostra) liberati, seruiamus illi in sanctitate,

&

& iustitia coram ipso omnibus diebus nostris. Quapropter in primis curandum est, ut simus liberi à peccatis nostris. Quamdiu enim displicet persona, nullum eius obsequiū grātū esse potest. Respexit enim Deus ad Abel, et *Genes. 4.* ad munera eius: prius ad Abel, deinde ad munera eius. Siquidem odibilis Deo est impius, & impietas eius. Secundo ut seruiamus ei in sanctitate, hoc est, spiritu sanctificato charismatibus illis pretiosis, quibus consortes effici-mur diuinę naturę, induētes erga Deū affectū verē filia-lē. Tertio in iustitia, hoc est, in opere verę virtutis. Dixi in opere verę virtutis: quoniā est virtus quædā purē mo-ralis, qualē docuerunt Philosophi, quę nōnunquam cū suis cultoribus vadit ad infernū: & ideo reuera nō est vera aut perfecta virtus, eo q̃ vim nullam habeat faciēdi hominis conditionem meliorem. Quamlibet enim fue-rit quis decoratus tali virtute, manet tamē longē à Deo, filius irę & perditionis: quomodo manserūt omnes phi-losophi ignorantes Deum, & Christum eius. Est autem & alia virtus Christiana siue Evangelica, vim habens di-vinam vniendi hominem cum Deo, cuiusmodi sunt fi-des, spes, charitas, & quę ex illis nascuntur virtutes, offi-ciaque honestatis. Qualem profectō licet dicere veram virtutem: eò quòd veraciter vim habeat faciendi homi-nis conditionem meliorem. Implere autem mandatum Dei opere eiusmodi virtutis, est reuera seruire. Deo in iustitia: eò quòd tali virtute iusti sumus coram Domi-no. Quarto oportet facere præceptū lēto ac obuio ani-mo, & non quasi ex necessitate, iuxta prophetam dicen-tem: *Seruite Domino in lætitia. Hilarem enim datorem diligit Deus. Psalm. 99.* Quando ergo obedientia nostra in custo-diendis mandatis Dei surgit nō solum de corde puro, ac libero à funibus præcedentium delictorum: sed & sanctificato charismatibus Spiritus Sancti, qui in nobis *1. Corint. 9.* efficit

efficit affectus obuios, vereque filiales, & exinde facimus mandatum in iustitia, hoc est, opere veræ perfectæque virtutis, idque hilariter. Tunc demum fit gratum obsequium nostrum Deo patri, & acceptum ad remunerationem vitæ, tunc quoque incipit nobis esse veraciter utilis custoditio mandatorum: eò quòd tunc verè facimus

*Voluntas legislatoris
quæ sit.*

voluntatem Dei patris in mandatis eius. Nam sicut voluntas legislatoris huius mundi, est facere ciuem bonum, hoc est, honestum ac idoneum tranquillitati publicæ, ita volûtas Dei patris est, per legem suam & mandata facere homines simpliciter bonos, hoc est se dignos; & æterno illi consortio idoneos, qui secum vnum erunt per Christum Dominum; sicut Christus & ipse pater vnum sunt. Vnde voluntas Dei patris sine Christo, & sine fide ac charitate fieri non potest. Nam in Christo fit purgatio veterum delictorum: per fidem verò est accessus ad Deum: porrò vnio per charitatem: qui enim manet in charitate in Deo manet, & Deus in eo. Hinc Apostolus scribit ad Timotheum filium suum dicens: Finis præcepti charitas, de corde puro, & conscientia bona, & fide non ficta. Qui autem sic facit opus mandatj, vt finem mandati attingat, is verè facit beneplacitum siue voluntatem eius qui mandatum tulit.

Heb. 1.

1. Ioan. 4.

1. Timot. 1.

D. Verùm an planè sit necessarium, sic facere?


M. Non. Quia finis præcepti non cadit sub præcepto; quare nec modus ille qui coniungit cū fine. Vnde quando quis in peccato existens, & extra charitatē facit quod præceptum est, non peccat, imò benefacit, etiam si non faciat de corde puro, aut ex charitate: attamen manet sibi inuitilis; hoc est, sic faciēdo nullam meretur gratiam, aut remunerationem vitæ apud Deum. Qui secundum magnitudinem bonitatis suæ iam ab æterno constituit regnum cælorum, vitamque æternam pro præmio his qui



qui faciunt voluntatem ipsius ex affectu amoris erga ipsum tanquam patrem suum. Nunc pergamus ad specialem vniuscuiusque mandati explicationem.

De Præceptis Decalogi in specie.

Qua ratione tractabitur de Præceptis Decalogi, & quid sit Decalogus. CAP. XIII.

- M.**  Rincipio illud te præmonitum cupio, me in hac tecum conferentia nolle differere de præceptis Decalogi legaliter aut philosophicè, sed Evangelicè secundum veritatem & traditionē legis nouæ. Olim Israëlita, licet dicti essent gens sancta, populus acquisitionis, & filius Dei primogenitus: tamē sub pædagogia duræ legis agebantur, eo modo quo hæres quanto tempore paruulus est, sub tutoribus & actoribus custoditur, quasi nihil differens à seruo cū sit dominus omnium. Nos autem qui tempore plenitudinis nati sumus, & in Christi sanguine renati, in doctrina insuper reuelatæ veritatis educati, multoque quàm illi grandiores facti, non amplius in legis pædagogiam oculos intendimus, sed in Christi Euangeliū. Nam præterijt lex vetus, mortua est, imò mortifera omnibus obseruatoribus suis: vti luculentissimè docet Apostolus, præcipuè in epistola ad Galatas.
- D.** Si lex mortua est, imò mortifera, adferens cultoribus suis mortem, cur adhuc laboramus in præceptis Decalogi? Nam Decalogus pars est legis veteris.
- M.** Decalogus quidem pars est legis Mosaicæ, sed talis, quæ nihil continet præter præcepta moralia, vno duntaxat excepto, de quo in suo loco. Porro præcepta moralia, quæ niores componunt secundum virtutem, ad ius pertinent naturæ. Ius autem naturale idem est apud omnes
- Tractabitur de mandatis Evangelicè non legaliter: quia lex mortua est. Gal. 4.*
- Qua ratione sint obseruanda præcepta Decalogi tempore Euangelij cū Decalogus pars sit veteris legis.*

DE PRAECEPTIS DECALOGI

nes homines: quia natura eadem apud omnes. Christus autem venit ut gratijs Euangelicis ditaret naturam, non ut immutaret, sicuti nec immutauit. Nam eadem natura est hominum qui nunc viuunt, & eorum qui fuerunt tam sub lege quàm ante legem. Naturam ergo reliquit Deus integram: tantum ritum gentis extinxit, commutans veritate quicquid in figuram vel typum futuri mediatoris institutum erat. Et quoniam tota lex vetus significatiua erat Christi, nusquam non admiscens ritum aliquem populo illi peculiarem, ideo totam legem interiisse per Christum certum est, quantum ad obligationem. Nam etiam nunc suis typis & figuris instruit, uti palam constat ex scriptis Apostolicis. Verum nihil in lege est quod nunc obliget hominem, in quantum est veteris legis, ne Decalogus quidem. Sed si quid nunc obligat eorum quæ in libris legis Mosæicæ inueniuntur, obligat id aut ratione iuris naturalis, ex cuius principijs profluit, aut quia in nouo testamento per Christum, vel Apostolos eius renouatum est, veluti pertinens ad populum nouæ legis. Sicuti dicendum est de præceptis charitatis, & de mandatis Decalogi. Circa Decalogum igitur laborabit nostra diligentia, non quia pars est veteris legis, sed quia mandata quæ continet, sunt meræ determinationes iuris naturalis. Secundò quoniam ea quæ in Decalogo præcipiuntur, expressè renouata sunt in Euangelijs, scriptisque Apostolicis, ut in progressu audies. Quas ob causas in primis à nobis Christianis venerari debet. Nihilominus habet etiam Decalogus non parum maiestatis præter reliquam partem legis, ex eo quòd digito Dei inscriptus est tabulis lapideis sub forma decem verborum, unde & Decalogi nomen sortitur.

Quomodo data sunt decem Præcepta tempore legis.

CAP. XIII.

D. De

Tota lex
vetus inter-
ijt.

D.



De modo autem quo data sunt decem præcepta, deque tabulis lapideis, quid continet præcor Scriptura sancta?

M.

Exodi 24. et Deut. 9. ac 10. ca. istud inuenies.

Verba Exodi sunt ista: Ascenderūt (scilicet partē mōtis Sinai) Moyses et Aarō, Nadab et Abiu, et septuaginta de senioribus Israhēl, et viderūt Deū Israhēl, sub pedibus eius quasi opus lapidis sappharini, & quasi cælū cūm serenū est. Nec super illos qui procul recesserant de filiis Israhēl misit manum suā. Videruntq; Deū, & comederūt ac biberunt (scilicet postea, in argumentum quōd nō essent occisi à Deo, cūm scriptum sit: Non videbit me homo, & viuet). Dixit autem Dominus ad Moysen: Ascende ad me in montem, & esto ibi, daboq; tibi tabulas lapideas, & legem ac mandata quæ scripsi, vt doceas filios Israhēl. Surrexerunt Moyses & Iosue minister eius, &c. Cumq; ascendisset Moyses, operuit nubes montē, & habitauit gloria Domini super Sinai, tegens illū nube sex diebus. Septimo autem die vocauit eum de medio caliginis. Erat autem species gloriæ Domini quasi ignis ardēs super verticem montis in conspectu filiorum Israhēl. Ingressusq; Moyses medium nebulæ, ascendit in montem, & fuit ibi quadraginta diebus & quadraginta noctibus. Hæc in Exodo. Deuteronomij verò. 9. & 10. capitibus sic habetur: Nam & in Oreb prouocasti eum, & iratus Dominus delere te voluit, quādo ascendi in montem, vt acciperem tabulas lapideas pacti quod pepigit vobiscū Deus. Et perseueraui in monte quadraginta diebus ac noctibus panem non comedens & aquam nō bibens. Deditq; mihi Dominus duas tabulas lapideas scriptas digito Dei, & continentes omnia verba quæ vobis locutus est in monte de medio ignis, quando concio populi congregata est. Cumq; transissent quadraginta dies

ta dies & totidem noctes dedit mihi Dominus duas ta-
 bulas lapideas tabulas fœderis, dixitque mihi, Surge &
 descende hinc cito: quia populus tuus quem eduxisti de
 Aegypto deseruerunt velociter viam, quam demonstraſti
 eis, feceruntque sibi conſtilile. Rurſumque ait Domi-
 nus ad me: Cerno quod populus iſte duræ ceruicis ſit,
 dimitte me vt conteram eum, & deleam nomen eius de
 ſub cælo, & conſtituam te ſuper gentem quæ hac maior
 & fortior ſit. Cumque de monte ardente deſcenderem,
 & duas tabulas fœderis vtraque tenerem manu, vidif-
 ſemque vos peccaſſe Domino Deo veſtro, & ſeciſſe vo-
 bis vitulum conſtililẽ, ac velociter deſeruifſe viam eius,
 quã vobis oſtenderat, proieci tabulas de manibus meis,
 confregique eas in cõſpectu veſtro. Et procidi ante Do-
 minum ſicut prius quadraginta diebus & quadraginta
 noctibus panem non comedens, & aquam non bibens
 propter omnia peccata veſtra quę geſſiſtis contra Domi-
 nũ, & eum ad iracundiã prouocaſtis. Timui enim indi-
 gnationem & iram illius, qua aduerſum me concitatus
 delere vos voluit. Et exaudiuit me Dominus etiam hac
 vice. Sequitur infrà: Et iacui coram Domino quadragin-
 ta diebus ac noctibus quibus eum ſuppliciter deprecab-
 ar, ne deleſet vos, vt fuerat comminatus, & orans dixi:
 Domine Deus ne diſperdas populum tuum, & hẽredi-
 tatem tuam, quam redemiſti in magnitudine tua, quos
 eduxiſti de Aegypto in manu forti. Recordare ſeruorũ
 tuorum Abraham, Iſaac, & Iacob. Ne aſpicias duritiam
 populi huius, & impietatem atque peccatum, ne for-
 tẽ dicant habitatores terræ de qua eduxiſti nos: Non
 poterat Dominus introducere eos in terram quam pol-
 licitus eſt eis, & oderat illos: idcirco reduxit, vt interficeret
 eos in ſolitudine: qui ſunt populus tuus, & hære-
 ditas

ditas tua, quos eduxisti in fortitudine tua magna, & in
 brachio tuo extento. In tempore illo dixit Dominus ad Cap. 10.
 me: Dola tibi duas tabulas lapideas, sicut priores fuerūt,
 & ascende ad me in montem, faciesque arcam ligneam,
 & scribam in tabulis verba quæ fuerunt in his quas ante
 confregisti, poneſque eas in arca. Feci igitur arcam de li-
 gnis sethim. Cumque dolassem duas tabulas lapideas
 instar priorum, ascendi in montem habens eas in mani-
 bus: scripsitque in tabulis iuxta id quod prius scripse-
 rat, verba decem, quæ locutus est Dominus ad vos in mon-
 te, de medio ignis, quando populus congregatus est, &
 dedit eas mihi. Reuersusque de monte, descendi, & po-
 sui tabulas in arcam, quam feceram, quæ hucusque ibi
 sunt sicut mihi præcepit Dominus. Hucusque verba te-
 xtus Deuteronomij. Decem autem verba hæc quæ dici-
 tur Dominus digito suo hîc inscripsisse tabulis lapideis,
 ipsemet proprio suo ore prius promulgauerat ad vniuer-
 sum populum de medio ignis, Exodi vigesimo cap. sic
 dicens: Ego sum Dominus Deus tuus, qui eduxi te de
 terra Aegypti, de domo seruitutis. Non habebis Deos
 alienos coram me. Non facies tibi sculptile, neque om-
 nem similitudinem quæ est in cælo desuper, & quæ in
 terra deorsum, nec eorum quæ sunt in aquis sub terra.
 Non adorabis ea, neque coles. Ego sum Dominus Deus
 tuus fortis, zelotes, visitans iniquitatem patrum in ter-
 tiam & quartam generationem eorum qui oderunt me,
 & faciens misericordiam in milia his qui diligunt me, &
 custodiunt præcepta mea. Non assumes nomen Domi-
 ni Dei tui in vanum. Nec enim habebit in fontem Do-
 minus eum, qui assumpserit nomen Domini Dei sui
 frustra. Memento vt diem Sabbathi sanctifices. Sex die-
 bus operaberis, & facies omnia opera tua. Septimo autem
 Sab.

Sabbathū Domini Dei tui est. Non facies omne opus in eo, tu, & filius tuus, & ancilla tua, iumentū tuū, & aduenā qui est intra portas tuas. Sex enim diebus fecit Deus cælum & terram, & mare, & omnia quæ in eis sunt: & requieuit die septimo, ideo benedixit Dominus diei Sabbathi, & sanctificauit eum. Honora patrem tuum, & matrem tuam, vt sis longæuus super terram, quam Dominus Deus tuus dabit tibi. Non occides. Non mœcha-beris. Non furtum facies. Non loquēris contra proximū tuum falsum testimonium. Non concupisces domum proximi tui. Nec desiderabis vxorem eius, non seruum, non ancillam, non bouem, non asinum, nec omnia quæ illius sunt. Cunctus autē populus videbat voces & lampades, & sonitum buccinæ, montemque fumantem: & perterriti ac pauore concussi, steterunt procul, dicentes Moysi: Loquere tu nobis; & audiemus: non loquatur nobis Dominus ne fortē moriamur. Et ait Moyses ad populum: Nolite timere: vt enim probaret vos, venit Deus, & vt terror illius esset in vobis & non peccaretis. Stetitque populus de longē: Moyses autem accessit ad caliginem, in qua erat Deus. Dixit præterea Dominus ad Moysen: Hæc dices filiis Israël: Vos vidistis quòd de cælo locutus sim vobis. Hucusq; rursus verba textus. Porro hæc Dei diligentia, qua non solū promulgauit ista decem verba per modū edicti, sed & proprio digito inscripsit tabulis lapideis, & ipsas denique tabulas recludi fecit in arca fœderis ad perpetuam rei memoriā, meritō nos diligentes efficere debet circa propositam materiā.

Cur decem Præcepta vocentur decem verba.

CAP. XV.

D.



On satis intelligo quorsum dicat textus de decem verbis. Sunt enim plura quā quinquaginta, aut centum verba eorum quæ hic præcipit Dominus.

Iuxta

M. Iuxta phrasim tam nostri sermonis quàm Hebræorū, per verbum intelligimus sententiam, siue dictum sententiosum: quod, licet oculis paucissimis, velut verbum vnum prolatum, diuitem nihilominus & copiosam habet sententiam. Qua phrasi hæc sententia, Plus vltra, dicitur verbū inuictissimi Imperatoris nostri Caroli quinti. Saluatoris verò Christi verbum erat, Beatius est dare quàm accipere. Verbum quoque tuū vel meum esse potest, Sine onere nihil, Mors ostiū vitæ, Virtus ludibrium Diaboli, In paruis quies, &c. Eademq; phrasi & de suis sententijs dixit Salomon, Fili audi verba mea. Aeterna itaque Dei sapientia volens epitomen dare eorum quæ pertinent ad mores probè instituendos, fecit Decalogū, hoc est, sermonem breuem decem verborum, id est, decem sententiarum. Quæ adeo succinctè & oculis paucis tradunt capita, & fontes, imò ferè plenitudinem legis naturalis, vt iure verba vocari possint, debeatq; meritò vnumquemque pudere, nolle causa salutis propriæ vel decem verba discere. Haud dissimiliter quicquid de fide sparsim in scripturis, aut aliàs per reuelationem Dei traditum est, id diligentia Apostolorum contractum videmus in duodecim articulos, velut duodecim verba vnus Symboli. Sic quicquid rectè orando peti potest, id similiter per Christum redactum legimus in septem breuissimas petitiones. Prout etiam prudentissimi Iurisconsulti summam iuris redigerunt ad tria capita, videlicet, Honestè viuere, Alterum non lædere, Ius suum cuique redere. Tantum de tabulis lapideis, & decem verbis scriptis in eisdem. Nunc verò restat difficultas sed modica: quot sint præcepta primæ tabulæ, & quot secundæ. Pro qua expedienda hæc accipe. Origenes, quem Hieronymus sequitur, primæ tabulæ quatuor præcepta tribuit, Hieronymus ex primo duo faciens. In quorum primo spiritualem, in

D

alte-

DE PRÆCEPTIS DECALOGI

altero crassam illam & externam idololatriam prohiberi dicit. Vt primum sit, Non habebis deos alienos coram me: alterum, Non facies sculptile. In secundam verò tabulam sex retulit, duo vltima præcepta de non concupiscendo vxorem, & non concupiscendo res proximi, connectens. At D. Augustinus, & ferè quotquot Augustinum sequuti sunt primæ tabulæ tria præcepta, secundæ septem tribuerunt. Qui primum mandatum de vitanda idololatria siue spirituali siue corporali vnum faciunt. Postrema verò præcepta, quæ sunt de non concupiscendo vel vxorem, vel res proximi, in duo secant. Quorum sententiam Ecclesiæ magis placuisse constat: vel ob id quòd magis ad mysterium sanctæ Trinitatis respiciat: vt primum mandatum referatur ad Patrem, secundum ad Filium, (cui proprium nomen est verbum Dei, non creatura) tertium ad Spiritum sanctum: quòd in nobis baptizamus, id est, ab omnibus, quæ caro sine Spiritu gignit, quiescimus, nosque continemus.

Elen

August. lib.
2. quest. su
per Exodū.

August. ibi
dem.


Elenchus Capitulorum Tractatus TVS SECVNDI.

- D**E sensu et partibus primi mandati. Cap. I.
 Quid importent tres istae voces, Dominus, Deus, Tuus. Cap. II.
 Cur addatur in praecepto vox Tuus, et qua ratione dicatur magis Deus noster, et noster Dominus quam omnium. Cap. III.
 De non habendis Dijs alienis coram Domino. Cap. IIII.
 Quod non solum Deus, sed et Angeli et homo recte adorentur secundum Scripturam. Cap. V.
 Quomodo aliter Deus sit adorandus, aliter homo. Cap. VI.
 Quid seruire, et in quo sit seruiendum Deo. Cap. VII.
 Qua ratione praecipitur soli Deo seruiendum: cum tamen sint multi Domini in hoc mundo, quibus etiam seruire debemus. Cap. VIII.
 De Veneratione et Inuocatione Sanctorum per modum praefationis. Cap. IX.
 Sanctos, licet non sint Dij, tamen diuos esse et deificatos atque vnum effectos cum Deo. Cap. X.
 Sanctos merito colendos esse et venerandos. Cap. XI.
 Qualem Venerationem Sanctorum docuerit Ecclesia ab initio, et quibus de causis. Cap. XII.
 Inuocationem Sanctorum utilem esse ac salutarem. Cap. XIII.
 Quomodo à Patribus secundum seriem temporum semper obseruata et docta fuerit Inuocatio Sanctorum. Cap. XIIII.
 Quomodo soluendae sint obiectiones, quae obijci hoc loco solent. Cap. XV.
 De imaginibus ac statujs Sanctorum. Cap. XVI.
 De vsu legitimo imaginum. Cap. XVII.
 De cōminatione Dei quā subiūgit primo suo mādato. Cap. XVIII.

Tractatus Secundus.

De sensu & partibus primi mandati.

CAP. I.

M.  Actenus generatim de mandatis pertractatio fuit: nunc porro restat vt propriam singulorū demonstrationem exordiamur. Tu itaque recita primum mandatum.

Vnum crede Deum.

D. Rectè quidem, nec improbare possum. Nam rithmus
M. siue hemistichion hoc conuenit ad iuuandam memoriā simplicium. Verū vt progrediamur ex solidis, in lege quid scriptum est? quomodo legis?

D. Ego Dominus Deus tuus, qui eduxi te de terra Aegypti, & de domo seruitutis. Non habebis Deos alienos coram me. Non facies tibi sculptile, neque omnem similitudinem quæ est in cælo desuper, & quæ est in terra deorsum, nec eorum quæ sunt in aquis sub terra, nō adorabis ea, neque coles. Ego enim sum Dominus Deus tuus, fortis, zelotes, Deus æmulator, visitans iniquitatē patrum in filios in tertiam & quartam generationem, & faciens misericordias in milibus, his qui diligunt me, & custodiunt mandata mea.

M. Sic habet textus Exod. 20. & Deut. 5. quibus adde quod habetur Deut. 10. videlicet Dominum Deum timebis, & illi soli seruies. Et nunc Israël quid Dominus Deus tuus petit à te? nisi vt timeas Dominum Deū tuū, & ambules in vijs eius, & diligas eum, ac seruias Domino Deo tuo in toto corde tuo, & in tota anima tua, custodiasque mandata Domini, & cēremonias eius quas ego hodie præcipio tibi. Adde quoque ex nouo Testamento quod Saluator noster protulit dicens: Dominū Deum tuum adorabis, & illi soli seruies. Siquidem omnia hæc, & similia pertinent ad explicationē primi præcepti

cepti. Quæ si bene perpendas, mox animaduertes, primū mandatum habere duas partes. Quarum prior est, Non habebis deos alienos coram me : sed Dominum Deum tuum adorabis, coles, timebis, diliges, illique adhærebis, & soli seruiēs.

*Primum mā
datū habet
duas par-
tes.*

*Prior pars
primi mā-
dati.*

D. At ista verba adorabis, coles, timebis, seruiēs, &c. in Decalogo non habentur: sed solum, Ego Dominus Deus tuus, non habebis Deos alienos coram me.

N. Esto. Habentur tamē in alijs locis Scripturę sanctę, & explicant vim primi huius mandati; nec vlli dubiū esse debet, quin voluerit legislator Deus in hac negatiua, Nō habebis deos alienos coram me cum præfatiuncula illa, Ego sum Dominus Deus tuus, intelligi affirmatiuā aliquā, nimirum istā aut similem: Me qui veraciter sum Dominus Deus tuus, quiq; eduxi te de Aegypto, habebis pro Deo tuo, & nequaquam habebis coram me Deos alienos. Nōne & Moyses accepit commissionem à Deo, Exodi 24. docendi populum hæc mandata, explicando latius vim & energiam verborum præcepti, quomodo nos in scholis docemus verba Scripturę? Fecit autem idipsum Moyses Deute. 6. & 10. alijsq; in locis dicens: Audi Israël, Dominus Deus noster, Deus vnus est, Diliges Dominum Deum tuum ex toto corde tuo, & ex tota anima tua, & ex tota fortitudine tua. Item, Et nunc Israël quid Dominus Deus tuus petit à te (scilicet in mandato suo) nisi vt timeas Dominum Deum tuū? &c. vt suprā. Rursusq; Dominum Deum tuum timebis, & ei soli seruiēs. Non ibitis post deos alienos cunctarum gentium, quæ in circuitu vestro sunt. Et Saluator, quo nemo melius nouit sensum Domini, sic explicat: Dominum Deum tuū adorabis, & illi soli seruiēs. Posterior verò pars est ista; Non facies tibi sculptile, & omnem similitudinem, &c. non adorabis ea, neque coles.

*In negatiua
subintelli-
gitur affir-
matiua.*

*Moyſes ha-
buit cōmis-
ſionē lati-
us explicandi
mandata.*

*Explicat
Saluator
paucis pri-
mū præce-
ptum.*

*Posterior
pars primi
mandati.*

DE DECALOGO

les. Quam posteriorem partem complectitur etiā pars posterior dicti Saluatoris, videlicet, Illi soli seruies, adeo vt in effectu veraciter comprehendat summā totius primi præcepti breuis illa sententia Saluatoris, Dominum Deum tuum adorabis, & illi soli seruies.

D. Quorsum autē additur præfatiuncula illa, Ego Dominus Deus tuus qui eduxi te de terra Aegypti, & domo seruitutis?

M. Eorsum, vt constet causa, seu ratio mandati. Nō enim querenda est aliunde causa, cur eum colere, & adorare, illi quē seruire oporteat, quā quia Dominus Deus noster est. Hæc vna prægnans, hæc & sufficiens causa est, prout intelliges postquam prædicta tria vocabula interpretati erimus. Addidit autem, Qui eduxi te de terra Aegypti, &c. Partim vt commemoratione beneficij inflammaret affectus eorum in obedientiam magis magisque spontaneam, quā eousque fuerat. Partim vt aliqualem sui notitiam daret. Siquidem Deum nemo vidit vnquam, quare necesse erat, vt adderet certum opus, seu testimonium, quo veluti à posteriori apprehendi posset: ne quis hæsitaret quisnam is Deus esset, qui se mandatis istis colendum præcepisset, quasi diceret: Ego sum verissimè ille Deus, qui hoc spectatissimum opus peregi, quo nullum vnquam visum est mirabilius, id quē tā stupendis prodigijs, vt nemo dubitare possit, quin is qui fecit ea verè Deus sit. Videlicet Deum nemo vident, scilicet per claram, & intuitiuam cognitionem, tamen (vt Apostolus inquit) inuisibilia Dei à creatura mundi per ea quæ facta sunt intellecta conspiciuntur, sempiterna quoque eius virtus & diuinitas, ita vt sint inexcusabiles. Et simili sanè modo conciliantur Scripturæ, quæ videntur habere cōtrarietate in sermone. Ex effectibus enim, & signis, & prodigijs cognoscitur Deus, quasi à posteriori,

Rom. i.

Conciliantur Scripturæ.


riori, qui per essentiam videri non potest. Quapropter
 ô homo, siue spectes originem tuam, & subsistentiam,
 ac finem, Ecce ego Dominus Deus tuus, siue spectes mi-
 rabile illud beneficium liberationis tuæ de domo servi-
 tutis, Ecce ego ille benefactor tuus, qui te citra meritum
 tuum stupēdis signis & prodigijs eduxi de terra Aegy-
 pti, per medium maris rubri submersis omnibus inimi-
 cis tuis.

D. Mirum, huius particulæ, Qui te eduxi de terra Aegy-
 pti, &c. nullam fieri mentionem in Euangelijs, cum to-
 ties, tamq; solenniter, passim inculcetur in lege & Pro-
 phetis.

M. Quando cœpit Deus educere non solùm vnū vnus
 familiæ populum, sed vniuersam humanam naturam,
 adeoque omnem omnium nationum totius orbis popu-
 lum, modò velint, nō per mare rubrum, sed per pretio-
 sum sanguinem vnigeniti filij sui: non de Aegypto ad
 Palestinam tam breuem terrenæ inhabitationis provin-
 ciam, quàm ipsa est Aegyptus: sed ad superælestia, & ad
 thronum vsque gloriæ Dei: non de domo seruitutis,
 qua homo homini seruit temporaliter: sed de seruitute
 peccati sub obligationem interitus, & damnationis quæ
 finem non habet. Quarum rerum testimonia sunt ma-
 nifesta per omnē scripturam. Tunc cœpit comparatione
 huius quasi nihil esse illaeductio de Aegypto, quæ olim
 tam illustis & admiranda erat in auribus patrum, meri-
 toque silet, iacet, fitque prorsus obscura dū comparatur,
 ad istam, quæ facta est per Christum Dominum. Erat
 quidem illa typus istius: at cessat figura adueniente ve-
 ritate, & umbra cedit corpori. Ideo illius non fit mentio
 in Euangelio. Hæc autemeductio, quam Christus pere-
 git, nulquā non inculcatur per totum nouum testa-
 mentum, velut ea quæ altiori mente reposita esse debet,

Hiere. 23. dicēte Hieremia Propheta: Propter hoc ecce dies veniūt, dicit Dominus, & non dicent vltrā, viuit Dominus qui eduxit filios Israël de terra Aegypti: sed, viuit Dominus qui eduxit et adduxit semen domus Israël de terra Aquilonis, & de cunctis terris, ad quas eieceram eos illuc.

Quid importent tres istæ voces, Dominus, Deus, Tuus. CAP. II.

M.  Voniam verò huius, aliorumque mandatorum totalem causam cōplectitur hæc præfatio, Ego sum Dominus Deus tuus: breuis quidem in verbis, sed latissima in sensu & mysterijs: igitur diligenter examinare oportet tres illas voces, Dominus, Deus, Tuus, priusquam enarrationē mandati prosequamur.

D. Quid sit Deus libro secundo in primo articulo Symboli declaratum est.

M. Verum dicis. Igitur pergamus ad explicationem vocabuli Dominus: dicit enim: Ego Dominus Deus tuus: non solum Deus, sed & Dominus: nec solum Dominus, sed Dominus Deus tuus.

D. Dominus Latinis dicitur quasi qui domui præest, vel

Quid vox domus imperium habet, cui omnis familia pareat.

Dñs. M. Rectè. Is igitur maiori ratione dominus, cui parēt nō vna dūtaxat familiā ac altera, sed omnium familiarum, omniumque rerum vniuersitas. Qui enim imperium habet cunctorum quæ sunt, fuerunt, vel esse poterunt, imperium insuper tam mortis quàm vitæ, tam eorum quæ non sunt, quàm eorum quæ sunt, is dico verè dominus dominorum est, dominus vniuersorum, dominus denique absolute. Quia quacunque comparatione facta, ipse semper ac solum dominus, nulli seruus, nulli par, aut collega, sed omnes, omniaque in mera potestate eius.

Deus semper et quacunque cōparatione facta dominus:

Quacūq; insuper consideratione facta, ipse semper vnus

ac idem dominus, citra omnē vicissitudinis obumbrationem. Omnes alij, vt domini sunt, comparatione eorum quibus præsunt, ita serui sunt, comparatione Dei, à quo dominij titulum acceperunt. Nec semper aut prorsus domini, pleno scilicet titulo omnis dominij, vt Deus.

*Nullus nisi
Deus simpliciter do-
minus.*

D. - Explica quæso quo iure, quòue titulo Deus sit dominus? Nam qui vendicat sibi dominium rei, iure hoc debet facere, iustoque titulo.

M. Rectè. Scias igitur nulla posse imaginatione cogitari titulum aliquem veri dominij, iustæque possessionis, quo non possideat Dominus Deus tuus & te, & omnia tua, & cuncta quæ totius Vniuersi nomine comprehenduntur, vno duntaxat titulo donationis excepto, Quis enim prior dedit illi, & retribuetur ei? Sed nec hoc titulo planè excepto, vt statim audies. Dominium est ius habendi, possidendi, fruendi, vtendi, ac disponendi de re aliqua pro libitu voluntatis. Est autem dominium meum, est & mixtum: est plenum dominium, est semiple-num, aut ex parte: est dominium directum, est & utile. Verùm ista Iurisperitis relinquamus. Hoc constanter pronuncio, dominium Dei esse directum, merissimum, plenissimum, liberrimum, omnipotentissimum, omniq; ex parte independens, indeterminatum, sine violentia, sine fine, sine vllò defectu potestatis: dominium dico in omnia: non solum præsentia, sed & futura, possibiliaq;. Adhæc in omnia non solum elementa, & ex his compaginata corpora, sed & in omnes quoque naturas, ac virtutes cælestium orbium, cælestium spirituum, cælestium potestatum. Nec solum in ipsam substantiam, omniaque instrumenta, & accidentia humanæ creaturæ, singulaq; momenta vitæ, verumetiā in ipsam mortem, ipsum quoque infernum, & omnē denique totius Diabolicæ frau-

Rom. II.

*Quid domi-
nium.*

*Quale do-
minium Dei.*

Matth. 10. dis & machinationis. Hinc dicit Saluator. Timete eum
Luc. 12. qui cum occiderit, potestatem habet & animam & cor-
 pus mittere in gehennam ignis. Et ad Sathanam inquit,
 Dominum Deum tuum adorabis, & illi soli seruiēs. Po-
 stremò super omnes non solum actiones seruiētis ple-
 beculæ, sed & super Principes terræ, & reges diademate
 gloriæ sublimes, & omnes omnium dominantium do-
 minationes. Ipse enim vt Deus est deorum: ita & domi-
 nus dominantium, & princeps regū terræ. Adeo vt rex
 Confessio Dauid in publico confessu palā confiteatur dicens: Tua
 Dauidis su- est Domine magnificentia, & potentia, & gloria, atque
 per domi- victoria, & tibi laus. Cuncta enim quæ in cælo sunt, &
 nio Dei. in terra, tua sunt. Tuum Domine regnum, & tu es su-
 1. Paral. 29. per omnes principes. Tuæ diuitiæ. Tua gloria est. Tu
 dominaris omnium. In manu tua virtus, & potentia. In
 manu tua magnitudo & imperium omnium. Porro tam
 est dominium Dei amplum ac potens, tamque oculatū,
Matth. 10. testante Euangelio, vt nec folium defluat de arbore, nec
Matth. 5. vllus passer cadat super terram, nec tu capillum vnum al-
 bum facere posses aut nigrū sine scitu ac voluntate eius,
 qui dominium vniuersorum habet.

D. Profectò cum dominium Dei tantum sit, tamq; ir-
 refragabile, dolendum valde quòd nō illi præ omnibus,
 & super omnia obediatur.

Quibus epithē-
 tis decoretur
 dominus Dei.

a. Esai. 5.

b. Deut. 18.

c. Iudith. 16.

d. Iud. 1.

f. Psalm. 18.

g. Ne. 9.

b. Psalm. 114.

i. 2. Cor. 13.

k. Rom. 15.

l. Matth. 12.


m. Apocal. 10.

M. Vt autē manifestè constet, quanta sit maiestas Dei,
 quamque absoluta illius dominatio ideo Scriptura san-
 cta in varijs locis addit his nominibus Deus, & Domi-
 nus eximia quædam epitheta, vocans quidem Deum,
 Deum^a absconditum, Deum^b deorum, Deum^c ma-
 gnum, Deum^d cæli, Deum^e terræ, Deum^f maiestatis,
 Deum^g miserationum & clementiæ, Deum^h refugij,
 Deumⁱ pacis & dilectionis, Deum^k spei & totius con-
 solationis, Deum^l viuentium, Deum^m viuentem in sæ-
 cula,

cula: Insuper^a lucē in quo tenebræ nullæ sunt, ° ignem
 consumentem, ° charitatem, ° principium & finem, al-
 pha & omega^r. Ego sum qui sum, qui est, qui erat,
 & qui venturus est. His appellationibus docens hæc
 omnia Deo conuenire secūdum naturam deitatis suæ.
 Dominum verò cūm exprimit Scriptura, vocat nunc
 Dominum^a dominorum, nunc Dominum^b dominan-
 tium, nunc^c principem regum terræ, nunc Dominum^d
 ° totius creaturæ, aut Dominum^e vniuersorum, aut Do-
 minum^f vltionum, aut Dominum^g iudicij, aut Domi-
 num^h Sabaoth, aut Dominumⁱ exercituum, Domini^j
 ° cæli & terræ, Dominum gloriæ, Dominum^k mortis et
 vitæ, Dominum virtutum, vnum^l Dominum, ° solum
 Dominum, Dominum absolutè, omnipotentem, omni-
 scientem, creatorem cæli & terræ. Quæ omnia, hæc præ-
 fatio, Ego Dominus Deus tuus (sic absolutè posita) in
 se comprehendit, vt in primis & super omnia tendat in
 Deum amor, timor, & reuerentia nostra, sitque obuia
 atque spontanea obedientia mandatorum eius in nobis.

^a 1. Ioan. 1.
^b Hebr. 12.
^c 1. Ioan. 4.
^d Apoc. 1.
^e Exod. 3.
^f Psal. 135.
^g Deut. 10.
^h Esai.
ⁱ Iudith. 9.
^j 2. Mach. 14.
^k Psal. 93.
^l Esai. 30.
^m Heb. 2.
ⁿ Hier. 25.
^o Act. 17.
^p Psal. 23.
^q Psal. 67.

Cur addatur in præcepto vox Tuus, & qua ratione di-
 catur magis Deus noster, & noster Dominus quàm
 omnium. CAP. III.

D.  Naute[m] pronomen Tuus additum in præfa-
 tiuncula ista, Ego Dominus Deus tuus, habet
 peculiarem aliquam emphasim aut docendi
 energiam?

M. Habet, & certè magnam. Tuus etenim Deus: primò *Quomodo sit Deus no-*
 ordine naturæ & dependentia necessitatis, influens, in-
 stillans, ineffabiliterq; cōseruans quicquid est in te, ni-
 hil excipio. Quid enim habes, inquit Apostolus, quod *ster.*
 non accepisti? Quicquid es, vel esse poteris, totū est ex ip-
 so, totū per ipsum, totū in ipso: eousque velis, nolis tuus
 Deus.

1. Cor. 4.

DE DECALOGO

Deus. Sic ordo naturæ, sic cogit dependentia necessitatis. Secundò tuus est, & sanè totus tuus mirabili studio beneficentiæ.

D. Putasne eadem sermonis phrasi, qua scribit amicus ad amicum, tuus sum, aut totus tuus, aut tuus ex corde?

M. Planè etià sic tuus Deus. Non enim peperit Deus ne proprio quidem filio suo, vt te redimat ex morte in vitâ. Adhæc adeo aperuit thesauros diuitiarû bonitatis suæ, vt quod sibi intimum erat, nempe Spiritum Sanctum effuderit in nos abundè, quo sanctificet nos, & in viam dirigat salutis, deificet quoq; , & per omnia Deiformes efficiat. Videte, inquit Ioannes, qualem charitatem dedit nobis Pater, vt filij Dei nominemur et simus. Et nondû apparuit quid erimus. Scimus autem quoniam cû apparuerit, similes ei erimus, quoniam videbimus eum sicuti est. Tertiò tuus, ineffabili quadam gratuite communicationis influentia, volens & te habere, & à te haberi, vtrinque in intimis, tam suis quàm tuis, iuxta illud Ioânis, Deus charitas est, & qui manet in charitate in Deo manet, & Deus in eo: vt posses tu, & vti illius donis & ipso frui: non quidem in vllum illius, sed tuum solius commodum. O magnam demissionem diuinæ celsitudinis. O mirandam exaltationem accrescentis naturæ in Deum, vt & tu puluis ac cinis Deum, & te cinerem terræ possideat Deus: quod plus est, tu in Deo, & Deus sit in te. Superaddo, vt quod Dei est in te velut animetur primò, atque exinde per resurrectionem quasi incarnetur, gloria Dei transeunte ad carnem. Quòd verò tuum est, primò in Deo reformetur per virtutem, deinde planè & ex toto deificetur per beatitudinem. Hæc te fili moueant in obedientiam mândatorum Dei tui. Si mouebat olim ad obedientiam populû mente incircuncisum, quod dicitur, Ego Dominus Deus tuus, qui eduxi te

de

de terra Aegypti, multò debêt magis te mouere quæ diximus. Multò enim maiora sunt hæc, multoque diuiniora, quàm quæ olim præstitit populo Israëlítico. Sed audi modò, & intellige quid dicat Scriptura sancta, Non est mortuorum Deus, sed viuentium. Rursum, Non est dissensionis Deus, sed pacis. Tertiò, lux est Deus, & tenebræ in eo non sunt vllæ. Ergo si vitâ non habes, Deus non est tuus, vt talis es, quia non est mortuorum Deus. Porro vitam non habes, nisi habeas filium Dei. Sic enim tradit Ioannes Apostolus, Qui habet filium Dei, habet vitam: qui non habet filium Dei, vitam non habet. Rursum infero: Ergo si dissentis vel ab Ecclesia, vel à iudicio veritatis, aut dissidium tibi est cum fratre, non est tuus Deus. Non enim est dissensionis Deus, sed pacis. Adhæc si in tenebris errorum ambulas, aut peccator existis, non est tuus Deus. Nam si dixerimus quoniam societatem habemus cum Deo, & in tenebris ambulamus, mentimur, & veritatem non facimus. Horum siquidem omnium teste Scriptura, non est Deus. Sunt ergo sine Deo, sunt longè, & nõ populus Dei, nec dicere possunt cum Propheta, Deus cordis mei, & pars mea Deus in æternum.

Matth. 22.

1. Corin. 4.

1. Ioan. 1.

1. Ioan. 5.

1. Ioan. 1.

Psal. 72.

D. An particula Tuus referenda sit eodem modo ad vocem Dominus, sicut ad vocem Deus?

M. Vtique. Quoniam quidem tuus, siue tibi dominus iure creationis, iure naturæ, iure adoptionis, titulo meri dominij, titulo possessionis antiquæ, titulo emptionis siue redemptionis. Non enim, inquit Petrus, corruptilibus auro vel argento redempti estis: sed pretioso sanguine quasi agni immaculati Christi. Titulo plusquam iustæ commutationis, commutans mortem vnigeniti sui pro vita tua, titulo denique legitimæ donationis. Nos enim Christiani sponte propria dedimus illi nomina in Baptismo, nos symbolo solenni asserentes in seruitutē Dei

Quomodo

Deus est

Deus no-

ster.

1. Pet. 1.

DE DECALOGO

Dei Patris, & Christi, abnegatis mūdo & Diabolo. Etiā tuus dominus, hoc est, tibi verè confœderatus, sicut dicit Angelus ad Mariam, Dominus tecū, id est, in te propensus, tibiq̃ue speciali fœdere amicitiae iunctus. Sic, dico, tuus, siue tecum Dominus, ad tuam scilicet protectionem, conuertens omnē imperij sui potestatem: quā potens est subijcere sibi vniuersa. Tecum in hoc mūdo, quamuis non videas. Tecum in certamine virtutum: vt patet ex Historia beati Antonij, & aliorum Sanctorum. Tecum in vinculis, dicente Scriptura: Et in vinculis nō derelinquam eum. Tecum in morte. Tecum post mortē ad consummationem vsque sæculi, dicēte Christo: Ego vobiscū sum vsque ad consummationem sęculi. Adeoq̃; propensus in te, vt co-tem regni sui te facere non dedignetur, dicente Christo: Venite benedicti patris mei, possidete paratū vobis regnum à constitutione mundi. In hanc sanē spem viuā regenerauit nos Deus secundum misericordiam suam magnam, per resurrectionem Iesū Christi ex mortuis. Vides fili quā mirabili fœdere amicitiae, sit Altissimus tuus meusq̃ue dominus?

D. Si tamen iusti sumus, & ad vitam prædestinati.

M. Bene. Non enim dominum agit modo iam dicto, nisi eorum qui filij sunt obedientiae.

D. Verū an etiā reproborū & mortuorū sit dominus: quoniam mortuorū non est dominus, vt suprà dixisti?

M. Imò & dæmonum dominus & inferni. Nam quo pacto non esset mortuorum dominus, qui imperium habet mortis & vitæ, qui mortificat & viuificat, qui deducit ad inferos & reducit, qui vocat ea quæ non sunt tanquam ea quæ sunt? Verū his omnibus est vltionum dominus non refugij aut protectionis, statuens reprobos spectaculum seu exemplum mundi, vt palam faciat omnibus quod ipse est, sicut misericordiarum, ita & ve-

ritatis,

Sap. 10.

Matth. 28.

Matth. 25.

1. Pet. 1.

Deus etiam
mortuorum
et dæmonū
inferni do-
minus.

1. Reg. 2.

ritatis, ac iustitiæ dominus, vtens dæmonibus velut ministris iræ suæ & indignationis: in inferno autem velut loco captiuitatis dantis vindictam in flamma ignis, et his qui nō crediderunt in nomine filij, et ijs qui nō obediūt voci mandatorum eius. Veruntamen siue bonus fueris siue malus, semper sit tuus dominus, vt tu ipse non sis tuus, dicente Apostolo: Non enim estis vestri. Empti enim estis precio magno. Glorificate & portate Deum in corpore vestro. A simili, sic tuarum rerum dominus, vt tua non sint omnino & independenter tua: attamen aliquousque tua, ipsa que dispensatio tā tui ipsius, quā tuarum rerum sit tibi cōcredita. Porro dispensatio vt sit irreprehensibilis, debet esse regulata secundum mandatum committentis, eius scilicet qui dominus est. Vnde quisquis vitatur vel abutitur aut membris suis, aut viribus, aut rebus, aut donis contra beneplacitum domini Dei, is iniuriam facit dominio, quod Altissimus in nos omniaq; nostra habet. Et hinc surgit diffinitio peccati, quam dat Apostolus Ioannes dicens: Omnis qui facit peccatum & iniquitatem facit, & peccatum est iniquitas. Si verò iniquitas: igitur contra ius, & quidem contra illud ius, quod habet supremus Dominus in nos: contra debitum insuper quo nos obstringimur illi. Hoc autem loco te admonere debeo ex ijs quæ oculatissimè annotauit diuus Hieronymus circa Scripturam, nempe quòd quoties vox Dominus coniunctim bis ponitur, vt ibi: Domine Dominus noster. Et ibi, Dixit Dominus domino meo, in Hebræo textu prius nomen Domini his literis scribitur, יהוה, quibus scriptum de Deo tantum dicitur. Posterius verò his literis scribitur יהוה, quo nomine etiam domini vocantur herus à seruo suo, reges à subditis suis. Nominis autem quod scribitur quatuor dictis literis יהוה (vt tradit Rabbi Moses Aegyptius)

1. Corint. 6.

Cur peccatum
tū diffini-
tur esse ini-
quitas.

1. Ioan. 3.

De nomine
Dei qui ipse
soli, est pro-
priū secun-
dum He-
bræos.

nec s-


De myste-
rio nominis
Domini
Dei, quod
Græci *τῆς
θεοῦ
ὑποστάσεως*
vocat.

nescitur deriuatio nota, nec ipsum cum alio participat. Et non est dubium quin hoc nomen gloriofum quod non proferebatur, neque pronunciabatur, neque dicebatur, nisi in sanctuario à sacerdotibus Domini sanctificatis, & solùm in benedictione sacerdotum, & tunc etià à sacerdote magno, & nisi in die ieiunij gloriosæ sanctificationis, est nomen illud in quo non est participatio inter creaturam, & aliquid aliud. Huiusce autem nominis Dei, quoniã quatuor sunt literæ, Græci ipsum nõ inep̃tè vocarūt *τῆς θεοῦ ὑποστάσεως*: quanquam in veritate non nisi tres literas habeat, scilicet *יהוה*: ex eo autem quòd secunda bis ponitur, secundo scilicet loco, & quarto, quatuor esse censentur. Tres igitur huius nominis literæ, tres diuinas designāt hypostases. Nam prima quidem scilicet, quæ principium interpretatur, eò quòd omnium aliarũ principium sit, cùm ab ea vnaquæq; originem scripturæ habeat, ipsa quæ à nullaumat originem, rectissimè patrẽ in diuinis insinuat: qui cùm à nullo sit, alia quæ personæ ab eo emanent, principium sine principio dicitur. Secunda verò scilicet *ה* quæ esse vel viuere significat, filiũ in diuinis aptissimè innuit, per quem omnia quæ facta sunt esse cœperunt, & quicquid factum est in ipsa vita erat. Tertia autem scilicet *ו* quæ copulatiuam dictionem, Et, denotat, Spiritum Sanctum optimè exprimit: qui cùm sit amor Patris et Filij, quo se vicissim amāt, rectè copula, id est, nexus vtriusque nuncupatur. Neque istud mirari debes: quandoquidem in apicibus & characteribus rerum quæ symbolis philosophari, Hebræis semper proprium fuit. Quæ autem meritò hic fusiùs tractari deberent de nominibus Dei, veteri populo secundum idioma Hebraicum vsitatis, Hebræis ac alijs illud idioma callentibus discutien da relinquimus.

De non habendis Dijs alienis coram Domino.

CAP. I IIII.

M. Equitur in mandato, Non habebis deos alienos coram me.

D.  Quòd dicit, corā me, nōne idem est, ac si diceret: In præsentia mea, siue, In conspectu meo, aut magis propriè, Respectu mei?

M. Sic intelligitur.

D. An liceat igitur vsquam habere deos alienos?

M. Non. Quia nusquam nō præsens est Deus, omniaq; *Heb. 4.*
nuda & aperta sunt ante conspectum eius. Quomodo enim vsquā deerit, qui dicit, Nunquid nō cælū & terrā *Hiere. 33.*
ego implebo? Et de quo Psalmista canit, Si ascendero in cælum tu illic es, si descendero ad infernum ades, &c. *Psalm. 138.*
Ergo non habebis deos alienos coram me, hoc est, nullo modo, nulloque loco habebis eos: neque in templis, neque in foro, neque in priuatis domibus, nec in æstimatione cordis tui. Hæc enim omnia sunt ante me, & in conspectu meo, etiamsi in penetralibus cordis recondita lateāt. Veruntamen ipse Dominus exercituum constituit Moysem deum Pharaonis. Et ad iudices quos habet in terris inquit, Ego dixi, quoniam dij estis. *Exod. 7.*

D. Igitur sunt qui Dij dicantur coram Domino. *Psalm. 81.*

M. Et hanc sanè ob causam debes obseruare, textum non dicere, Non habebis deos aliquos coram me, sed, Non habebis deos alienos, qui scilicet à me sunt alieni vel natura, vel proprietate, vel hominum figmento, aut alia quapiam ratione possidentes nomen Dei, & nō ex me. *Aliud est nō habebis deos alios quos coram me, &c.*
Quales sunt dij gentium, & idola dæmoniorum, quæ hominum existimatione pro dijs coluntur, cū nihil sint minùs. Eiusmodi enim vt nihil diuinitatis habēt ex se, ita quoque nihil eis per me communicatū est, ratione cuius ipsis Dei appellatio, quoquo pacto conuenire possit. *quā nō habebis deos alienos.*

E

sit.

fit. Porrò Moyſes & Iudices quos Deus habet in terris, ut Scripturę testimonio dij appellâtur: ita nō sunt alieni à Deo cæli: sed sunt dij sub Deo cæli. Illius constitutione & potestate diuinum quid exercentes in terris, iudicium scilicet & præſidentiam. Vnde ſicut potestatem pluſquam humanam, ita & Dei appellationem quandā fortiuntur. Hos igitur nemo dixerit deos alienos à Deo vero, sed deos sub Deo cæli, & per Deū cæli, & in Deo cæli. Sicut domini in hoc mundo sunt domini, sed nequaquam alieni à Domino cæli, sed sub illo, & per illius potestatem, prout inferiùs latiùs explicabimus. Hinc facile intelligitur Scriptura, quæ nominat Deum cæli, Deum deorum, & Dominum dominantium. Et illud

1. Corint. 8. Apostoli, Etsi sunt qui dicantur dij, siue in cælo siue in terra (siquidē sunt dij multi, & domini multi) nobis tamen vnus Deus pater, ex quo omnia, & nos in illum. Et vnus Dominus Iesus Christus, per quem omnia, & nos per illū. Præmittit ibidem Apostolus, Scimus quia nihil est idolū in mundo, & quia nullus est Deus, nisi vnus. Implet enim manifestā contradictionē (ut plenius ostēsum est in primo articulo fidei) aliquid ex se, aut per se, aut aliunde, & nō per Deū cæli possidere verā proprietatem, veramque appellationem Dei. Atque etiam eam ob causam dicit mandatum, Non habebis deos alienos coram me. Quia quacunque existimatione habeantur dij, modò alieni sint à me, falsa est existimatio vestra, & omnis illorū cultus impius ac sceleratus, mihi que Deo vero planè iniurius. In prima itaque parte huius mandati, primò prohibetur omne iudicium cordis, siue existimatio, qua recipitur aliquid, coliturque pro Deo more gentiū. Ut cum colitur pro Deo sol, aut luna, aut terra, aut astrum, aut serpens, (quomodo fecerūt olim Aegyptij, Persæ, Babilonij) aut homo uti Græci coluerunt Saturnum,

Quid probeat pars prima mandati.

num, louem, aut Venerem. Quoniam hæc omnia aliena sunt à natua, veraque appellatione Dei.

D. An igitur hæc prima pars mandati solùm præcipiat non habendos alienos siue falsos deos coram Domino?

M. Plus aliquid præcipit. Quoniam eadem prima pars inuoluit secum affirmatiuam, hanc scilicet, Me qui sum verus Deus tuus; & verus Dominus tuus habebis pro Deo tuo, colendo me, timèdo me, &c. prout suprà latiùs explicauimus. Ideo hìc præcipitur vt fidem, spem, timorem, & amorem habeamus in Deum cæli, tanquam verum Deum nostrum. Vnde morem illum popularem recitan

*Intellectus
eius, Vnum
crede Deū.*

D. Nunc rogo quomodo oporteat credere, & quomodo venerari Deum, amare ac colere?

M. Dubio procul eo modo quo celsitudini diuinæ maiestatis eius cōuenit. Ipse est primū principiū, igitur super omnē hominē, super omnē potestatē & principatū: imò super omne id quod nominari potest, hæc illi impendenda sunt. Ipse est prima veritas, quæ nec falli potest, nec fallere. Igitur fides quæ ei debetur excludit omnem formidinem de opposito. Eius quoq; natura est ipsa bonitas, & fons omnis boni, ipsa pietas ipsa propitiatio. Ideo confidere oportet in illo, velut eo cui contra naturam est non recipere supplicem, non iuuare impotentem, non reddere quod promissum est. Ideoque sic amare oportet illum, vt nihil magis, nihil ames æquē atque illum. Nam omne aliud bonum comparatione eius ex parte est. At ipse fons est & plenitudo omnis boni. Fili vis demon-

*De modo
quo oportet credere,
venerari,
& colere,
&c. secundum istud
mandatum.*

Certa regula ex Scripturis sequenda in prædictis.

1. Ioan. 3.

libilem? Ecce Ioannes Apostolus, Filioli, inquit, diligamus non verbo & lingua: sed opere & veritate.

D. Optimè. Quia amor linguæ amor nullus operis: autè exhibitio optima est animi testificatio.

M. Prorsus simili modo dicendum est de omnibus istis antedictis. Oportet enim colere Deum, timere Deum, amare Deum, credere Deo, sperare in Deum, non verbo & lingua, sed opere & veritate: hoc est non proposito solum aut cogitatione, quæ est verbum immanens, neque sermone duntaxat labiorum, hoc est, lingua; sed opere: ut reuera exhibeas illi cultum, timorem, amorem, fidem, & fiduciam: neque opere solum, sed & veritate, hoc est, non qualicunque opere, sed opere disposito secundum veritatem recti iudicii, secundum veritatem insuper quæ in rebus esse debet (quam conuenientiam vocamus, siue virtutem actionis) habens in se debitam proportionem actus ad id circa quod fit operatio. Qui enim timet Deum non aliter quam hominem, aut qui colit Deum non aliter quam principem, vel virum aliquem sanctum: item qui credit aut fidit reuelatis aut promissis per Deum, non aliter quam credit aut fidit his quæ ab homine attestata sunt aut promissa, is neque timet, neque colit, neque credit aut fidit in veritate, siue secundum veritatem. Quia actus eius non habet debitam proportionem ad suum obiectum, nec attingit dictamen recti iudicii, & quantum deficit ab illis, tantum abest à veritate. Sed de hoc fusiùs infra in verbo adorare.

Quod non solum Deus, sed & Angeli, & homo rectè adorantur secundum Scripturam.

CAP. V.

M.

Voniam autem malitia hominum accepit ansam malè sentiendi de veneratione & de inuocatione Sanctorum, ex verbis huius mandati: maximè verò ex eo quod dixit Saluator: Dominum

minum Deum tuum adorabis, & illi soli seruies. Ideo hoc loco paulò exactiùs explicandum est quid sit adorare, & an soli Deo debeatur adoratio secundum Scripturam. Item quid sit seruire, quâue ratione soli Deo sit seruiendum. Si autem ritè obseruemus tropos Scripturæ sanctæ, is adorat qui venerabunda inclinatione corporis defert alicui honorem, siue supplex ad aliquem fundit orationem, pronus scilicet in terram, aut genibus flexis, aut manibus cōplicatis. Inquit enim Augustinus: Non omnis honorans adorat: omnis tamen adorans honorificat. Nec statim adoramus quemcunque oramus: quia adoratio fit ad maiestatem, & magna cum veneratione: nec ad quamcunque maiestatem, sed supereminentem.

*Quid sit
adorare.*

D. Et quam intelligam maiestatem eminentem?

M. Eam, quæ in ipso est Deo, aut alioqui quasi in esse constituit diuino, scilicet super communem qualitatem humanæ naturæ. Prout sceptrum & diadema, iurisquæ dicendi potestas faciunt hominem inter homines sic emnere, vt Scriptura de eis pronunciet, Ego dixi, Dij estis, & filij excelsi omnes Deus in synagoga deorum, in medio autem deos iudicat. Appellans deos iudices populi: eò quòd ius suum vnicuique reddentes, vicem Dei agāt in terris. Prout etiam sacerdotium & Episcopalis dignitas eò eleuant mortalem hominem, vt inter homines iam sit plus quàm homo, pro Deo legatione fungens in soluendis peccatis, in sanctificandis animabus, in ipsis denique elementis transsubstantiandis, vti fit in Sacramento Eucharistiæ. Adeo vt qui ministerium implent in terris pro Christo, meritò dicantur iudices mundi, sal terræ, cæli & cælorum firmamentum, Dei ministri, Dei adiutores, legati Christi, Angeli inter homines, &c. Tertiò Angeli boni, ac etiam sancti Dei homines, qui per calcato volubili mundo, ad thronum vsque gloriæ

*Ratio cur
adorentur
quidam ho
mines.*

*Psal. 81.
Ioan. 10.*

DE DECALOGO

Dei euecti sunt, facti deiformes & deificati, triumphantes iam de mundo, & de omni aduersariorū impugnatione, an non supereminentem & quasi diuinam in se possideant maiestatem? Ad hos, dico, maiestatum ordines fit adoratio, si probè obseruemus Scripturas. Paris verò ad parem, consortis ad consortem, aut superioris ad inferiorem non legitur vsquam facta adoratio. An fingimus ista? Nónine sic tradunt sacra Dei eloquia? Adorauit Abraham Angelos pronus in terram, Genes. 18. Similiter & Loth adorauit pronus in terram eosdem Angelos venientes vt perderent Sodomam, Genes. 19. Itē Iacob Patriarcha adorauit fratrem suum Esau venientem in apparatu & satellitio regio septies pronus in terram. Genes. 33. dicens: Sic vidi faciem tuā, quasi viderim vultum Dei. Fecit quoque vxores & proles adorare Esau fratrem suum: Et cap. 49. iā moriturus in Spiritu Prophetico pronūciauit de Iuda filio suo dicens: Te laudabūt fratres tui, manus tuæ in ceruicibus inimicorū tuorum, adorabūt te filij patris tui. Quia nō auferetur sceptrum de Iuda, & dux de femore eius, donec veniat qui mittendus est, &c. Et Ioseph pudicitix lumen vidit per somnum quasi solem, & lunam, & stellas adorare se: & manipulos fratrum suorum adorantes manipulum suū: quia sublinandus erat quasi ad regiam maiestatem supra fratres, vt fieret Saluator mundi adorandus à patre & fratribus. Miphiboseph filius Ionathæ & Ornā adorauerunt Dauidem regem corruentes proni in terrā. Similiter & Nathan Propheta Domini adorauit Dauidē pronus in terram. Et ipse Dauid vir secundum cor Dei, cū in minoribus esset, adorauit filium regis Ionathan. Item 1. Paralip. 19. sic legimus, Benedixit omnis Ecclesia domino Deo patrum suorū, & adorauit populus Deū, deinde regem. Vides nūc euidenter ex Scripturis, quòd adora-

Non fit adoratio paris ad parem.

Scripturis ostenditur fieri adorationē ad homines et Angelos.

Genes. 37.

2. Reg. 9.

1. Paral. 21.

3. Reg. 1.

1. Reg. 20.

adoratio non solum fiat ad Deum : sed etiam ad sanctos Dei Angelos, ad homines quoque in eminenti maiestate constitutos : & hoc à sanctissimis Patriarchis & Prophetis, & tota denique multitudine credentium.

D. Hoc ipsum tamen in nouo testamento prohibet Angelus Dei dicens : Vide ne feceris : conseruus enim tuus sum, &c. Deum adora. *Obiectio. Apocal. 22.*

M. Et Apostolorum princeps beatus Petrus recusauit adorationem, eleuando Cornelium Centurionem adorantem se, dicens : Surge, & ego ipse homo sum. Idem prohibent Paulus & Barnabas Lystris. Verum si placet, mysterium enarrabo. Cur olim in veteri testamento permiserint se adorari Angeli : nunc autem in nouo testamento non permittant, ratio diuersitatis est ista. Olim per Angelum data est lex. Per Angelum, velut exercitus Israelitici imperijque ducem, ductus est populus de seruitute Aegyptiaca in terram promissionis & libertatis. Per Angelum oraculorum responsa dabantur, nunc ad reges, nunc ad populum. Per Angelum ritus sacrorum, & rituum solennitates distributæ. Eratque Angelus ut natura homine superior : ita & imperium exercens & disciplinam in homines, non aliter quam si Deus hominum fuisset. Porro postquam Deus factus esset homo, & homo Deus, sublimata iam nostri generis natura ad solium gloriæ altissimi, & dextram virtutis eius supra omnes Angelorum ordines, essentque omnia, & quæ in cælis, & quæ in terris, constituta in manu hominis Christi : per Christum denique commissæ vices sui imperij & potestatis super animas saluandas non Angelis, sed Apostolis, aliisque hominibus sacerdotibus, iam poscebat ratio & ordo naturæ, ut Angelus non amplius, sicut olim, pateretur se adorari ab homine, sed diceret : Vide ne feceris : conseruus enim tuus sum, & fratrum tuorum Pro-

Act. 10.

Act. 14.

Solutio.

Cur Angeli
paterentur
se adorari
olim non autem
tempore
Euangelij.

phetarum, & eorum qui seruant verba Prophetiæ libri huius, Deum adora. Etiā olim quidem conseruus tuus, sed non solū: eram enim tunc temporis per dispensationem Dei legislator, & dux hominum, atque iudex, vindex quoque iræ in eos qui malè agebant, vt patet per Scripturam Actū 7. Qui accepistis legem in dispositione Angelorum, & non custodistis. Orbis quidem terræ olim subiectus erat Angelis: non tamen (vt inquit Apostolus) Angelis subiecit Deus orbem terræ futurum, de quo loquimur. Testatus est autem in quodā loco quis, dicens: Quid est homo quod memor es eius, aut Filius hominis, quoniam visitas eum? Minuisti eum paulò minus ab Angelis, (hoc olim, adeoque in ipso Christo vsq; ad resurrectionem eius) postea verò, Gloria & honore coronasti eum, & cōstituisti eum super opera manuum tuarum: Omnia subiecisti sub pedibus eius. In eo enim quod dicit, Omnia subiecite ei, nihil demisit non subiectum. Olim itaque adeo patiebatur se adorari Angelus, vt & sacrificia sibi offerri à Gedeone permetteret. Nunc autem, cū factus sit homo in Christo Iesu superior omnibus ordinibus Angelorum, habeatq; humana natura imperij potestatem super virtutes Angelicas, recusat Angelus vel adorari ab homine: maximè ab eo qui vicē supplet & locum Christi in terris, dicens: Conseruus tuus sum, &c. Recusat, inquam, vt dimissam sui erga nos mortales propensionem ostendat, atque id mysterij quod diximus, aperiat: non vt damnet quam facimus ad ipsos eo modo quo ad reliquos Sanctos Dei adorationem. Abundè enim declarauimus ex Scripturis etiam ad hominem conseruum nostrum fieri adorationem, ratione qua sublimatus est super nos ad thronum vsque gloriæ Dei, quo & sancti Angeli sublimati sunt, vtrique nostrę salutis studiofissimi. Adeo vt conuenientissimum sit &

nos

Heb. 2.

Psalm. 8.

Iudic. 6.

nos nostris adorationibus reddere illos apud Deum nobis propensiores, & illos, nos quoque suis nonnunquam recusationibus, quod conserui sint, reddere, ad id quod futurum est animatiores. Sicut quod Cornelius Centurio adorauit beatum Petrum prostratus in terram, virtutis erat, & magnæ deuotionis salutis quærendæ. Quod verò Petrus noluit virum nobilem humi iacere prostratum in studio adorationis, & hoc quoque virtutis erat, & modestiæ Euangelicæ. Dicebat enim Petrus, Nam & ego homo sum, sicut tu. Nusquam tamen scriptura, neque ipse Petrus reprehendit hanc Cornelij adorationem tanquam malam & impiam. Verum quod Paulus & Barnabas Act. 14. reprehendant & detestentur scissis vestibus paratum sibi cultum adorationis in Lystris, ideo factum est: quoniam illi Paulo & Barnabæ, velut dijs quibusdam, idque cultu latriæ, volebant sacrificare dicentes: Dij similes facti hominibus descenderunt ad nos. Qualis utique adoratio soli Deo debetur, ut omnis ubique credit & confitetur Ecclesia Catholica.

Cur Petrus adorari noluerit.

Cur Paulus & Barnabas adorari noluerint.

D. Necdum plenè intelligo, quorsum probaueris tam fuisse, tamque efficaciter adorationem fieri, non solum ad Deum, verum etiam ad Angelos & ad mortales homines.

M. Eorsum ut obmutescant ora loquentium iniqua: qui asserunt solum Deum adorandum esse, sanctos autem adorari non posse, crimen esse idololatriæ, si quis ad diuos orationem fundat cum veneratione. Cum tamen sancti Patriarchæ adorauerint sanctos Angelos, & in hoc inuenerint laudem coram Deo & hominibus: tantum abest ut crimen idololatriæ commisissent. Secundò, ut constet per Scripturas, sanctos homines iam immortales factos, & deiformes posse adorari: & id quidem sanctè, nedum citra culpam & impietatem: quoniam Prophetæ adorauerunt, idque laudabiliter, homines huius mundi,

cùm adhuc mortales essent, et in grauiora scelera incidere potuissent: nec vllam propterea réprehensionem incurrerunt: sed potiùs laudem meruerunt. Nec vsquam adorabis nō inuenitur in Scripturis sanctis scriptum, Solum Deum adorabis. Inuenitur quidē scriptum, Illi soli seruies: sed non inuenitur vsquam scriptum, Dominum Deum solum adorabis. Quinimo vt euidenter deduxi ex Scripturis sanctè & religiosè, idque à sanctis Dei hominibus adorantur Angeli, adorantur & homines: nec vsquam contradicit traditio Ecclesiastica. Tu igitur, fili mi, dimissis vanis hominibus in sua vanitate errorum, sectare veritatem.

D. Faciam.

Quomodo aliter Deus sit adorandus, aliter homo. CAP. VI.

D.
An omnia
adorā- M.
da sint eodē
modo.



Ioan. 4.

Aeterum an omnes, ad quos se extendit adoratio, sint vno eodemque modo adorandi? Absit. Non enim est in omnibus idem gradus nature, eademque maiestas dignitatis. Alia maiestas principij, alia pendentium ab illo. Alia ratio fontis, alia decurrentis riuuli. Purum numen ac spiritus est Deus: & ideo eos qui adorant Deum, in spiritu & veritate oportet adorare. Secundò Deus est charitas: ideoque adorari debet toto affectu illius dilectionis, quæ vni debetur Deo. Tertiò Deus est super omnia, existens omnium principium & finis: & propterea super omnia, & ex omnibus viribus est adorandus. Quartò, scrutator cordis & renum est Deus: quam ab causam non solum labijs, aut corporis humiliatione: sed & corde venit adorandus. Quas rationes si diligenter annotaueris, facile animaduertes, quomodo adorandus sit Deus. Ne autem fictum putes quod diximus, ipse Saluator modum, quo oporteat adorare Deum patre clarissime exprimit Ioan. 4. dicens:

dicens: Venit hora, & nunc est, quando veri adorato-
res adorabunt patrem in spiritu & veritate. Nam & pa-
ter tales quærit qui adorant eum. Spiritus est Deus, &
eos qui adorant eum, in spiritu & veritate oportet ado-
rare. Non dicit hic Saluator, decet, aut conueniens est:
sed oportet. vt sit necessitatis, si adoras, sub his duabus cō *Duo requi-*
ditionibus adorare, nempe in spiritu & veritate. Moue- *runtur in*
rat quidem mulier Samaritana Christo quæstionem su- *adoratione*
per adorationibus, quales fiunt in oblationibus sacrifi- *Dei.*
ciorum. Tales enim contendebant Iudæi debere solum-
modo Hierosolymis fieri. At Christus post aliqualem
informationem mulieris super ignorantia populi sui, &
his quæ iam iam futura erant paulò altiùs eleuat instru-
ctionem, docens eam generalem modum, quo oportet
adorare Deum patrem, vbicunque locorum fiat adora-
tiō, nempe spiritu & veritate.

D. Obsecro domine, explica has condiciones paulò cla-
riùs.

M. Ordinem finxit in rebus auctor naturæ, quem per-
turbari neutiquam sinit. Vbi autem est ordo rerum, ibi
nulla est extremorum inter se communicatio, nisi per
media. Hinc quicquid gratiarum aut virtutum, vel or-
natus impluit Deus in corpus, id impluit per spiritum
hominis, medium inter Deum spiritum, & corpus no-
strum. Euidens exemplum habemus ad manū in Chri-
sto domino, in cuius animam se primū infudit pleni-
tudo gratiarum, ac deinde per animam in corpus. E di-
uerso quoque nihil gratum esse potest, aut beneplacens
Deo in obsequijs nostris corporalibus: nisi id ipsum ex
spiritu, & per spiritum, & in spiritu natum fuerit. Inde
naturam, inde vires, & incrementa sumere debet, quòd
Deo spiritui, velut gratam hostiam per actionem corpo-
ralem offerre cupimus. Sic postulat ordo rerū, quo fin-

xit

xit natura hominem medium inter Deum & reliquam creaturam corporalem : spiritum autem hominis mediū inter Deum spiritum & hominem. Sic præcipit lectio sacra. Nolo autem vt hîc intelligas per spiritum animam absolute, sed eam partem hominis, quæ proximè communicat cum diuinis, estque idonea pertractare spiritualia, mentem puto cum affectione correspondente. Nam pars hominis sensualis, aut sensui proxima non percipit ea quæ Dei sunt. Itaque omnis corporalis adoratio, vt prostratio in terram, gratiarum actio, capitis aut genuū inclinata reuerentia, & id genus alia, si non nascatur ex spiritu, & secundum spiritus operationē dirigatur ad Deum, est quasi nulla coram oculis Altissimi: quia extra ordinem, præcepto satisfacere nō potest. Omnes enim qui adorant in spiritu & veritate oportet adorare. Porro eadem si fiat spiritu excitante carnem, dirigente insuper & cooperante vel actu, vel habitu, vel virtute, iā constituitur in ordine debito corpus enim (sicut oportet) per spiritum ascendit in Deum. Et ideo tunc demum est veraciter impletiva præcepti adoratio nostra facta in cæremoniâ corporali. Quæ si ulterius procedat ex spiritu hominis sanctificatī per fidem, spem, & charitatem atque affectu fiat amoris ac venerationis Dei super omnia, & Deo propria erit, non solū implebit præceptum: sed & chara efficietur, Deoque beneplacens, & meritoria vitæ. De quo latius cū de merito tractabimus.

D. Vehemēter gaudeo de hac explicatione huius parti-
culæ. Solent enim quidam mihi obijcere, Non est neces-
se conterere labia obmurmuratis precibus: Deum oportet spiritu adorare, hoc est, interna mentis deuotione: quasi spiritu orare esset sine corporali operatione orare.

M. Illi qui sic docent, sunt seductores. Tu autem perliste

in doctrina veritatis, quam audisti.

D. Faciam. Cæterum quid est adorare in veritate?

M. Vbi simulatio, vbi hypocrisis, vbi vox sine mente, vel operatio sine affectu, ibi non potest non esse falsitas. Igitur quicumque adorando simulat, aut per hypocrisim, quod non subest, ostentat, vel tantum voce, non autem mente orat, is non adorat in veritate, sed in falsitate. Sola enim labia adorant: mens verò aliena pertractat. Iuxta illud Saluatoris ex Esaia Propheta. Hic populus labijs me honorat: cor autem eorum longè est à me. *Esaï. 29. Matth. 15.* Responde fili: Si tibi dicendo promittam, quod cogitando non putem, nonne tibi in deceptione cordis imposui?

D. Nulli dubium. Omnis enim sic diuissus, talique duplicitate loquens, reuera mendax est, & ab amicitia submouendus.

M. Sic quicumque labijs oris sui vel multa vel pauca precatur, nihil horum affectans in desiderio cordis, an non mentitur potius quàm orat? Nonne amicitiae legibus, quibus omnis & oratio innititur, & adoratio, cōtrahitur per falsitatem & simulationem? Secundò adorant in falsitate, omnes qui adorando errori inuituntur: & hi sanè sunt multiplices. Alij existimant saxeis ligneisue statuis numen inesse: vti fecit olim superstitiosa gentilitas. Alij opinantur, quia solùm Hierosolymis adorare licet, sicut Iudæi. Alij, quòd non nisi in templis manufactis. Quorundam verò rudis simplicitas credit Deum non exaudire, nisi in magnis altisq; vocibus (vt fiat, ite clamor celo) vti fecerunt sacerdotes Balaam. Aliorù in super opinatione contendit, quoniam Deus spiritus est, propterea omnem cæremoniam corporeæ adorationis submouendam esse: de quo suprà diximus. Cæterù istorum nemo adorat sicut oportet, quia non in veritate: veros autem adora-

*Quid sit
adorare in
veritate.*

*Varij error
res circa
adorationē.*

3. Reg. 18.


Doctores
distinguerūt
cultum in
λατρίαν, δου-
λειάν, & ὑπερ-
δουλειάν.

adoratores oportet adorare in veritate. Tertiò si quis adorat incōuenienter, absque debita proportionē actus ad obiectum, vel quia minùs quàm maiestas requirit obiecti, vel quia magis quàm ordo patitur, huius adoratio deficit à ratione veritatis, quæ in operationibus subsistere non potest sine virtute. Quid enim aliud virtus bonorum morum quàm veritas debitæ actionis? Hinc diligentia Doctorum diuidendo posuit λατρίαν, δουλειάν, ὑπερδουλειάν: volens docere alium cultum soli Deo esse debitum, quem λατρίαν vocauit: alium creaturæ, propter infidētem maiestatem, quē distinxit in δουλειάν, & ὑπερδουλειάν. Vocando δουλειάν cultum, qui exhibetur creaturæ, propter eminentem aliquam maiestatem. ὑπερδουλειάν verò cultum qui fit creaturæ, ratione dignitatis supereminentis super omnes alias creaturas. Vt ex distinctione constet, cultum adorationis non habere rationem veritatis ac virtutis, nisi sit debite proportionatus ad suum obiectū, debitūque cohonestatus circumstantijs. Igitur qui adorat Deum, & nō summè, tanquam summum primumq; omnium rerū principium, ex quo procedit vita nostra, salus, & omnis felicitas, vti suprà determinauimus, is nō adorat neque cultu latriæ, neque in veritate: quia deficit. Vbicunque autem defectus, ibi & falsitas. Rursum, si quis Diuam Virginem, aut aliquem Sanctorum adorat omni vehementia cordis, tendendo in illum tanquā auctorem salutis, aut spei suæ fundamentum, is scelera- tam miscet falsitatem, conuertendo latriam in hyperdουλIAM, hoc est, cultum soli Deo debitum in creaturam, & facit adoratione sua idololatriam. De qua infrà. Cæterum & hoc aduerte, quòd Deum adoramus in veritate, quando eum adoramus secundum traditionem fidei, qua credimus legis figuras impletas in Christo: & ideo per vnum Christum, qui est ipsa veritas, ascendendum

in Deum. Nunc pergamus ad eam partem, Et illi soli seruijes.

Quid seruire, & in quo sit seruiendum Deo.

CAP. VII

M.  Illi soli seruijes. Seruijes, inquit, illi, non solum adorabis, aut coles, aut timebis: sed etiam illi seruijes, & soli illi seruijes: ita quod nulli aliorum ab illo.

D. Sic solet exponi particula exclusiua, Solus. Quod enim mihi soli conuenit, aut meum solius est, hoc nequam alijs mecum est commune. Verum quid proprie seruire? An plus includat seruire, quam adorare, aut colere, quoniam dicitur, Illi soli seruijes: non autem dicitur, Illum solum adorabis, aut illum solum coles?

M. Adoramus & colimus etiam alienos, quibus non subijcitur ad seruiendum, sicut regina Saba adorauit Solomonem, & Dauid Ionathan: tamen nec illa Solomonis, nec iste subiectus erat seruituti Ionathæ. Porro nemo seruit nisi domino suo: sunt enim correlatiua seruus & dominus, seruire item & dominari. Est autem seruire se exhibere alicui subditum, ac subiectum ad obediendum. Seruus verò dicitur, qui sic subijcitur alienæ voluntati, ut eum dicto obsequentem esse oporteat. Et quidem fecimus hanc descriptionem ex beato Paulo ad Rom. 6. Vbi sic habet, Nescitis quoniam cui exhibetis vos seruos ad obediendum, serui estis eius cui obeditis, siue peccati ad mortem, siue obeditionis ad iustitiam? Vnde seruire non solum est obsequium præstare in hoc vel illo, sed est se exhibere seruum, hoc est, subditum, & prorsus subiectum ad obediendum. Alioqui non rectè dixisset Saluator, Ne-
Definitur
seruire.

mo potest duobus dominis seruire. Non potestis Deo seruire & Mammonæ. Et secundum Paulum, nemo seruit simul peccato & iustitiæ: sed factus liber à peccato, seruus fit

Quid proprie seruire

Matth. 6.

Roma. 6.

fit iustitiæ. Quod si lubet transire ad illam omnimodam iuris seruitutē, qua quis sic subiicitur alienæ voluntati, vt non sit suus, etiam hoc pacto ego tuque serui sumus Domini Dei. Si enim Deus habet in nos, omniaque nostra merissimum, plenissimum, omnipotentissimum (vti supra declarauimus) dominium, certē nos illius sumus meri serui, innumeris modis illi prorsus obligati, & obstricti prout paulo ante audiuiſti. Nunc si quæris in quo quis seruiat Deo.

D. Hoc interrogaturus eram.

M. Principio, nemo seruit Deo in malitijs, aut in falsitate, aut in iniustitijs, aut vanis & indiscretis actibus. In vitiosis actibus nemo seruit Deo. *Ephes. 5.*

Philip. 3.
Eccles. 6.
Ioan. 8.

1. Ioan. 2.

Rom. 6.
In sola virtute serui-
mus Deo.

Apostolus: Quorū Deus venter est. Et iuxta Ecclesiasten: Omnis labor eorum in ore ipsorum. In falsitate insuper seruimus Diabolo: ille enim mendax est, & pater eius. In concupiscētijs denique seruimus mundo: transit autem mundus, & concupiscentia eius. Porro quales domini fuerint quibus seruimus, tale erit & stipendiū nostrum. Quod paucis exprimit Apostolus dicens: Stipendia peccati mors. At Domino Deo nostro seruimus in virtute, & in solo opere virtutis.

D. Nōne mulier seruit Deo in prolium educatione? Et vir agricola in opere rustico?

M. Et in re rustica, & in re domestica & in artificijs, & in honestis mercantijs, in prolium insuper educatione, in docendo, in prædicando, ac cæteris huiusmodi seruimus

mus veraciter Deo nostro, in quantum illa à nobis fiunt secundum rationem virtutis in laudem & gloriam Dei. Iuxta illud Apostoli: Siue manducatis siue bibitis, vel aliud quid facitis, omnia in gloriâ Dei facite. Alioqui et avarus per illa seruit idolo scrinij sui, & gulosus suo ventri. Secundò seruimus Deo in obseruatione suorû præceptorum, ac etiam cōsiliorum: quoniam nihil sub præceptum, multò minus sub consilium cadere potest, nisi opus virtutis. Et eousque vnumquodque sub rigore est legis, quousque rationem attingit virtutis. Nam quod iniquum est, falsum, intemperatum, noxium, indiscretum, nemini in mandato esse potest. Cuius ratio est: quoniam finis legis est ciues facere bonos. Et secundum Apostolum: Finis præcepti est charitas. In quos fines falsa, mala, indiscreta ordinari non possunt. Porro valde secundum Scripturam seruimus Deo in ieiunijs, & orationibus tam debitis quàm voluntariè assumptis. Patet Lucè 2. de Anna prophetissa quæ non discedebat de templo, ieiunijs & obsecrationibus seruiens nocte ac die. Quod bene notandum est contra impios, qui damnant obsequium quod præstamus Deo, in ieiunijs & obsecrationibus. Per hæc enim meruit Anna fieri magis demonstratrix Christi nati, quàm prophetissa nascituri: Sicut & Ioannes Baptista per vestimentum de pilis camelorum, & locustarum edulium seruiens Deo, meruit esse præcursor Domini, præparans viam eius. Tertiò seruimus Deo in sanctitate & iustitia, liberati tamen priùs à peccatis, quibus tenebamur obligati sub lege mortis. Qui autè isto tertio modo seruiūt, ij vtiliter seruiunt præstando Deo obsequium gratum, & remuneratione dignum.

D. Si solùm isti qui in tertio sunt ordine, seruiunt vtiliter, ergo illi qui seruiunt Deo in opere virtutis: item illi qui obseruant mandata, non seruiunt Deo vtiliter.

secundum rationem virtutis in laudem Dei.


1. Cor. 10.

*1. Tim. 1.
Seruimus Deo in ieiunijs et orationibus.*

M. - Malè colligis : quia tertius modus nequaquam excludit priores, sed includit. Veruntamē si quis seruiat Deo in sola virtute morali, hoc est, in actibus secundum dictamen rectæ rationis solū moraliter bonis, aut in obseruatione mǎndatorum : sic tamen quòd non de corde puro, ac liberato à vinculis peccatorum, & in sanctitate, veraque iustitia, istius proculdubio obsequium non erit gratum Deo, ad remunerationem vitæ. Sed hæc suprà in fine primi tractatus satis exactè demonstrauimus,

Qua ratione præcipiatur soli Deo seruiendum, cū tamen sint multi domini in hoc mundo, quibus etiam seruire debemus.

CAP. VIII.

D.  Ed mirum, quòd hīc additur particula, Soli, dicendo. Et illi soli seruiēs.

M. *Cur et quo modo soli Deo seruiē dum.* Mirum magis est, te mirari de illo, cū passim & vbiq̃ue canat Ecclesia catholica, Tu solus Dominus, Tu solus sanctus, Tu solus altissimus, sic edocta, ex Scripturis, Ego sum Dominus Deus tuus, & non est alius præter me, scilicet Deus, vel Dominus.

D. Et hoc certè mirabilius apparet. An non harum ditionū dominus Philippus Caroli Quinti filius? An nō quisque habet dominium rerum suarū, diciturque rectè dominus eorum, quæ iusto titulo possidet? Insuper hæc appellationes, Dominus Petrus, Dominus Leodiensis, Dominus Brabantie, &c. an impiæ sint & falsæ?

M. *Quomodo Deus solus dominus, et tamē multi sint domini huius mundi.* Hi omnes nō nisi diuina miseratione domini, idque vicaria potestate, atque ad tempus dependenter, & non nisi particulatim. Nemo per se dominus, nemo ex se, sibi que ingenta potestate dominus, aut semper dominus: quia morte prohibentur omnes permanere, nemo etiam absolutè dominus, facta quacūque comparatione. Quia omnes serui sunt Dei viuentis, etiamsi nesciant, & ministri Christi, quisque in ordine suo, & in sua prouincia,

aut

aut mundi particula sibi concedita, donec rursus con-
summet ministerij sui, & dispensatio credita reuocetur.
Reuocatur autem per mortem vniuscuiusque. Tūc enim
ad eos illud Euangelicum, Iam amplius villicare non po-
teris. Redde rationem villicationis tuæ. Aut illud, Euge
serue bone & fidelis: quia in pauca fuisti fidelis, supra
multa te constituam. Intra in gaudium domini tui. Om-
nis princeps simul cum vita sceptrum deponit & diade-
ma. Similiter omnis sacerdos & antistes vnā cum corpo-
re exuit functionem ordinis & iurisdictionē. Imò vix dū
mortuo eo qui erat, tractatur de instituendo illo qui nō
erat. Et sicut aqua pellit aquam, sic defuncti dominatio-
nem eradit præsentia instituti, nec vlla manet memoria
prætereuntis. Horaria dominatio, quæ solum ab alio est
in te, manens interim in illo, ex nutu ipsius semper depē-
dens, quomodo dici potest verum dominium, & non
potius substitutionis ministeriū? Omnis dominatio, om-
nisq; imperij potestas in Deo est per naturā, per essentiā,
per æternitatē, indepēdenter, inseparabiliter, immutabi-
liter. In homine verò si est, ab illo est, & per illum, plus
dico, ipsius est, & in ipso, eadem illa dominatio quæ est
in homine. In homine tamen est: sed per commissiōē,
& Deilegatione: vicaria itaque potestate ac particulatim.
Porrò in Christo Iesu secundum humanam eius naturā
est donazione Dei patris, sicut ipse dicit, Omnia mihi
tradita sunt à patre meo. Item, Data est mihi omnis po-
testas in cælo & in terra, Idque immutabiliter, & vni-
uersaliter, id est, per vniuersas mundi partes, & omnia
quæ cæli ambitu continentur: donec euacuauerit omnē
principatum & potestatem, & virtutem, & tradiderit
regnum Dei ac patri, vt sit Deus omnia in omnibus, Si-
cut Apostolus dicit, An hominis super hominem pote-
statem destituimus? Absit. Sed statuimus, & multo qui-

Luc. 16.

Matth. 25.

Princeps et
sacerdos si-
mul cum vi-
ta potesta-
tē deponūt.

Quomodo
dominiū sit
in Christo
secundū hu-
manam eius
naturam.

Matth. 11.

Matth. 28.

1. Corin. 15.

Hæc nō ab il-
liū, sed fir-
mius sta-
tuūt pote-
statē homi-
nis super ho-
minem.

Eadem potestas hominis & Dei super homines, sed aliter in Deo, aliter in homine.

dem fortius quàm fortassis plerique alij, dum plusquàm humanam, & ex Deo esse demonstrauiamus. Non alia est potestas Dei super homines, alia hominis super eosdem: sed aliter est in Deo, aliter in homine. Sicut non est alia potestas Imperatoris, alia Ducis super eosdem subditos: sed aliter in Imperatore, aliter est in duce. Ligare ad mortem impœnitentem, soluere ad vitam pœnitentem, clauus in sua manu habere regni cœlorum, regenerare in humanis visceribus vitam Dei, & eosdem regeneratos iterum exterminare ab Ecclesia Christi, si delicti meritum sic requirat, hæc an hominis sint, aut humanæ potestatis? Insuper corruptibilem hominem, qui ipse vna est particula multitudinis, imperium agere in plurimos alios, se fortassis & natura & virtute multò meliores, & sciendū, dum opus est, vibrare gladium in eum qui malè agit, an ex naturali hoc esse potest, & ingenita hominum potestate? Nōne Deus ipse est Dominus vitæ & mortis? An non ipsi soli omnia viuunt, omnia existunt, omnia denique & mouentur, & quiescunt? Si ex seipso est hominis imperium super hominem: quare ergo dicit Scriptura, Ministri enim Dei sunt, in hoc ipsum seruientes. Sic est enim voluntas Dei. Non enim est potestas nisi à Deo. Magna igitur cum veneratione colenda est hominis super homines præsentia, tam in spiritualibus, quàm in temporalibus, & eidem in omnibus studio ubique venerabundo obtemperandum. Quoniam id quo præsentia plus est quàm humanum: Dei enim est auctoritas, ex Deo, & per Deum, vicaria commissione eis communicata: aliter tamen in temporalibus, aliter in spiritualibus. De quo alibi dicemus fusiùs.

Rom. 13.

D. Homines nōne vnanimi consensu instituunt destituuntque suos principes, & hinc inde faciunt accipiuntque homagium (vt Iurisperiti loquuntur) per sacrosanctas iura-

iurationes? Hoc si verum: ergo potestas iurisdictionis ab humana est institutione.

M. Colligis non bene. Concedendum quidem est electione & voluntate multitudinis designari principem, Episcopum quoque & Pontificem suffragijs eligi clericorum. (sic enim est volūtas Dei disponētis omnia sua: uter: ne asperū sit aut violentū, renitente multitudine, quod durable esse oportuit) Verū ipsa potestas dominij, ipsa que potestatis dominatio solius est Dei, & à solo Deo, cuius solius gratia & donatione, est & manet in homine, per voluntatē eligentū, designato. Iuxta firmissimam hanc Apostoli sententiam, qua dicit, Non enim est potestas, nisi à Deo. Hinc magna religione inoleuit, ut scribant tam Pontifices quàm principes, Paulus Dei gratia Romanæ Ecclesiæ Pontifex. Carolus diuina gratia & miseratione Imperator eius nominis Quintus. Quoniam autem omnis potestas hominū à Deo est: igitur & dominū, insuper & domini appellatio, qua homo dicitur dominus, à Deo est: tanto verior venerabiliorque, quanto non ab homine, neque per hominem, sed à Deo, & ab illius est maiestate. Paucis itaque: Deus est dominus, etiam homo præsidens alijs, est dominus. Verū homo non absolutè dominus: sed cum restrictione, suæ quisque ditionis: non etiam potestatiuè, sed ministerialiter: non inseparabiliter, sed donec, & quousque placuerit Altissimo: postremo non ad quoscunque dominus: quia non ad alienos, neque rerum non suarum. Nam comparatione Dei, merus est seruus, ministrans in portione sibi commissa, etiam capitis sui periculo. Deus autem dominus est, & ad omnes, & omnium rerum, & immobiliter, & potētissimè: quia Omnipotens nomen illi. Nec honorem suum potestati suæ dominationis trāssert ad alium, nisi ad Christum,

Homines designāt siue eligunt personam quæ præsidet cōmunitati, sed à Deo est præsidendi potestas.

Exod. 15.

qui non est alius, sed vnus cum patre Deus. Igitur concludendo, Quoniam domini correlatiuum est seruus: Solus autè Deus absolutè Dominus: Soli igitur Deo absolutè seruiendū. Porro, quia à Deo quibusdam hominibus cōmunicatur dominij potestas: Igitur etiā illis hominibus seruiendū est: nō propter se, quia ex se non sunt domini, sed propter Deū, à quo omnis illorum potestas procedit & iurisdīctio. Sic enim est voluntas Dei. Hoc quoque iustum est, & beneplacitum coram Altissimo.

- D. Domine, aut hæreo hīc perplexus, aut multò erit aliter intelligendum, Et illi soli seruiēs, quā verba sonāt. Quia pater meus non est Deus, princeps quoque nō est Deus, neq; prælatus Ecclesiæ Deus est. Si ergo soli Deo seruiendum: igitur istis nemo subesse tenetur. Et tamen passim docemur contrarium ex Scripturis.

M. Nihil metuas, vapor est hæc cogitatio cordis tui. Tu cum ministras progenitoribus tuis, vel eosdem honoras in licitis & honestis, tunc Domino Deo seruis, & non tā illis quā Deo. Similiter quando famulus aut famula seruiunt fideliter hero suo, tunc seruiunt Domino Deo suo. Item quando subditi obediunt prępositis suis, aut principibus (intellige in licitis atque honestis, & in his quę facultatem non excedunt pręcipientis) tunc verè seruiūt Domino Deo, & magis Deo quā illis. Propter quod enim (vt inquit Aristoteles) vnumquodque tale, & illud magis. Quodque huic illius causa facis, magis illi quā huic facis. Nōne?

D. Indubiè ita.

M. Lex autem de ore Dei egrediens, an ne sic pręcipit, Filij obedite parētibus vestris per omnia? Item, Honora patrem tuum, & matrem tuam. Hoc enim iustum est, & placitum in Domino. Quod est mandatum primum in promissione, vt benè sit tibi, & sis longeuus super terrā. *Sic*

Coloss. 3.
Ephes. 6.

Scriptura
que pręci-
pit soli Deo seruiendū,

eadē pręcipit hominibus seruiendum.

Colloſſ. 3.
Ephes. 6.
1. Timot. 6.
Tit. 2.
1. Pet. 2.

Sic ſerui præceptum à Deo habent obedire carnalibus dominis. Serui obedite inquit Apoſtolus per omnia dominis carnalibus, non ad oculum ſeruiſſantes quaſi hominibus placentes: ſed in ſimplicitate cordis veſtri, timentes Deum. Quodcunque facitis, ex animo operamini ſicut Domino (nota verbum hoc, Sicut Domino) & non hominibus, ſcientes quòd à Domino accipietis retributionem hæreditatis. Item, Quicunque ſunt ſub iugo ſerui dominos omni honore dignos arbitrentur. Videtſne hoc loco mandatum Domini eſſe, vt ſerui obediant herili domino per omnia, & id cum exhibitione honoris? Videtſne præterea quòd in hoc Domino ſeruiunt, accepturi retributionis mercedem à Domino Deo? Sic Dei voluntas eſt præceptum. Primò, vt ſubditi obediant rectoribus rei publicæ. Omnis enim anima, inquit Apoſtolus, poteſtatibus ſublimioribus ſubdita ſit. Qui autem reſiſtit poteſtati, Dei ordinationi reſiſtit. Qui autem reſiſtunt, ipſi ſibi damnationem acquirunt. Deinde vt obediant præpoſitis Eccleſiæ. Obedite, inquit idem Apoſtolus, præpoſitis veſtris, & ſubiacete eis. Quod plus eſt, Saluator ad Apoſtolos, hoc eſt, ad eos qui præſunt in Eccleſia ſic ait, Qui vos audit, me audit, & qui vos ſpernit, me ſpernit. Qui autem me ſpernit, ſpernit eum qui miſit me. Nota igitur diligenter hoc loco, quòd prælatos Eccleſiæ audire, eſt Deum audire: eoſdem verò ſpernere, eſt Deum ſpernere. Item quòd poteſtati ſubditum eſſe, eſt Dei ordinationi ſeruire: ulterius poteſtatibus reſiſtere, eſt Dei ordinationi reſiſtere. Porro reſiſtere Dei ordinationi, eſt peccare in ipſum Deum. Qui enim reſiſtunt, damnationem ſibi acquirunt. Eodem quoque modo audire ſuperiorem, eſt in Deum obedientem eſſe. Qui autem obediunt Deo, ipſi ſibi bonum meritum acquirunt, dicente Scriptura: Melior eſt obedientia, quàm viſtimæ. Hæc di-

1. Reg. 15.

co, obserua diligenter. Et dicito mihi, Si prætor, aut alius qui famulū habet, suo præcipiat seruo, vt tibi ministret, te adiuuet, & honoret, tibi quoque per omnia obediat, seruus ille cui, quæso, seruit, tibi ne an prætori sic mandanti?

D. Indubiè magis illi quàm mihi. Mihi quidem obsequitur, me adiuuat & honorat: sed in hoc obsequio mihi præstito seruit prætori, & non mihi: nisi propter illum, magis ergo prætori.

M. Optimè. Propter Deum, & ex mandato Dei, & secundum ordinationem Dei, & non nisi in his quæ beneplacita sunt, saltem nullam habent repugnantiam ad voluntatem diuinam, seruit, obsequiturque homo homini, filius patri, famulus herili domino, subditi suo superiori, magis ergo, & veriùs Deo. Ratio iam dicta est: nam propter quod vnumquodque tale, & illud magis. Porro si aliud consul, aliud mandat proconsul: aut si quid prætor ordinet, aliud verò disponit Imperator, quid faciendum?

D. Dimisso inferiore, obediendum est superiori.

M. Sic si quid mandet homo, aliud verò præcipiat Deus, ibi statim promptum in ore tuo esse debet illud Apostolicum, Obedire magis Deo oportet quàm hominibus. Aut illud, Si iustum est in conspectu Dei, vos potius audire quàm Deum, iudicate. Nam in huiusmodi, Qui amat, inquit Saluator, patrem aut matrè plus quàm me, nõ est me dignus. Hinc faciliè intelligis, quàm istud mandatum rationabiliter sit præceptum cum particula exclusiva, Illi soli seruias. Vt autem etiam scholasticè interpretemur, si fortè sic posses meliùs penetrare difficultatem: intelliges hoc pacto: seruias seruitute scilicet patriæ, Illi soli, ita vt nulli hominum, aut creaturarum seruias tali seruitute, quam vocamus latræ, quæ soli Deo debetur.

Nec

Obedire magis Deo oportet quàm hominibus.

A. 5.

A. 4.

Matth. 10.


Soli Deo seruiendum seruitute latræ.

Nec fingimus huiusmodi distinctionem. Habet enim diuus Augustinus 10. libr. de ciui. Dei cap. 1. Nomine seruitutis cultum Deo debitum, intelligi. Latriam quippe, inquit, nostri, vbicunque sanctarum Scripturarum positum est, interpretati sunt seruitutem. Sed ea seruitus quæ debetur hominibus, secundum quam præcepit Apostolus seruos dominis suis subditos esse debere, alio nomine Gracæ nūcupari solet. Latria verò, secundum consuetudinem, qua locuti sunt, qui nobis diuina eloquia condiderunt, aut semper, aut tam frequenter, vt penè semper, ea dicitur seruitus, quæ pertinet ad colendum Deum. Hæc ille.

In Scripturis nomine seruitutis intelligitur latria. Quid latria

De Veneratione & inuocatione Sanctorum per modum præfatiunculæ.

CAP. IX.

- M.**  Cis quam grāde dissidium suscitauerint quidam in Ecclesia super veneratione & inuocatione Sanctorum. Multi enim contenderunt eam merè impiam esse: eò quòd Scriptura dicit: Deum tuum adorabis, & illi soli seruias.
- D.** Domine, vidi ego in diuersis templis nostræ prouinciæ depictum magnis literis, in quibusdam etiam aureis characteribus hoc dictum Matthæi, Dominum Deum tuum adorabis, & illi soli seruias. Item, Non facies tibi sculptile, &c. Non adorabis ea, neque coles.
- M.** Quid tum fili? Tūne reprehensibile existimas, si templorum latera exornentur verbis Dei? Scriptura sacra?
- D.** Non. Sed id factum esse in subuersionem cultus Sanctorum, subindicat modus faciendi recens inuentus tempore dissidij huius.
- M.** Ideo à capite & à fonte (quod aiunt) repetamus, quæ sit fueritque semper fides Ecclesiæ super hac re.
- D.** Ego satis intelligo ex declaratione præhabita, priorē

DE DECALOGO

partem huius mandati, dictumque Saluatoris Matth. 4. non repugnare venerationi Sanctorum aut inuocationi. Ceterum vt constet palam veritas fidei, precor id fiat, quod dixisti.

Sanctos, licet non sint dii, tamen diuos esse, & deificatos, atque vnum effectos cum Deo.

CAP. X.

M.

Sancti non sunt dii.



Principio sic credidit & docuit hucusque omnis vbique Ecclesia Catholica, quod sanctus Martinus non est Deus, neque sanctus Andreas, neque sanctus Paulus vas electionis, neque ipsa denique deipara virgo Maria. Siquidem dii esse non possunt, quos sanctos nominamus: sed diui sunt, & diuini, deiformes, & deificati homines. Hic quidem sanctificati in terris per maxima illa & pretiosa dona, quæ pro sua miseratione in eos effudit Deus. Deinde verò post mortem sublimati ad solium gloriæ eius, tam ineffabiliter vnum effecti sunt cum ipso Deo, vt nihil intus, nihil foris, nihil in natura, nihil appareat in operatione eorum, nisi Dei gloria, Dei proprietas, Dei denique maiestas ac virtus. Et quis mortalium dignè effabitur? Adco non iam amici solum, aut electi, aut à longè aspicientes, sed intus & domestici Dei, sed speculatores gloriæ maiestatis eius, iam facti conformes & consortes imaginis filij Dei, neque iam amplius coheredes Christi in spe sed compossessores cum ipso omnium bonorum quæ Dei sunt. Vt autem plenè intelligas pulcherrimam hanc difficultatem, piè ac diligenter considerare oportet ordinem cælestis curiæ. Vnum sunt Deus, Christus, & Sancti, sed ordine quodam. Nam Deus fons est in quo, & per quem omnia: sicut & Christus fons est omnium, ratione suæ diuinitatis. Verum ratione suæ humanæ naturæ, licet minor posteriorque sit Deo: tamen factus est &

De ineffabili modo quo vnum sunt Deus & Sancti eius.

4. Ioan. 15.
b. Mat. 24.
c. Heb. 11.
d. Ephes. 2.
e. 2. Pet. 1.
f. Rom. 8.
g. Ibidem.

Vnum sunt Deus Christus et Sancti ordine quodam.

& ipse vnum cum Deo, & primas totius Vniuersi, gratia vnionis hypostaticæ. Post Christum tertio loco sunt sancti, velut secundogeniti fratres Christi, & coheredes, vnum cum illo, sicut membra vnum sunt cum capite, cōmunicatione vnus spiritus, vnus regiminis, vnus volūtatīs, adeoq; vnū cū Deo: Quia spiritus Dei in ipsis, virtus Dei in ipsis, gloria Dei in ipsis, omniaque quæ Dei sunt & Christi, ipsis cōmunia per arctissimā quadam & indissolubilem charitatē. Ipsi quoque toti in Deo, haud secus atque carbo totus in igne est, & ignis totus in carbone, simul cum Christo eandem vnctiōem, eādemq; regiam maiestatem, quæ in ipso est possidentes: aliter tamen quā ipse. Nam sicut Christus sacerdos & rex: ita illi Christo associati regale sacerdotium sunt, & regnū sacerdotale: omnia tamen hæc, ex gratia & misericordia per mediatorem Iesum, & gloriosum meritum eius: vt Deus sit fons omnium, omniumque gloria: Christus verò mediator inter Deum & hominem, caput Sanctorum, & Saluator eorum, sceptrum tenens in superabilis imperij super vniuersa.

Aliter Christus, aliter Sancti possident regiam maiestatem.

D. An Scripturæ sacræ taceant de hac admiranda, quam dicis, vnione Sanctorum cum Deo, & Christo eius?

M. Tacerent? Quin potius audi orationem Christi, quam post sacram cœnam ante passionem suam, pro credentibus effudit dicens: Rogo te pater vt omnes vnum sint, sicut tu pater in me, & ego in te, vt & ipsi in nobis vnum sint: vt credat mundus, quia tu me misisti. Sequitur, Et ego claritatem, aut (secundum interpretationem Hilarii) honorem, quem dedisti mihi, dedi eis, vt sint vnum, sicut & nos vnum sumus. Ego in eis, & tu in me, vt sint consummati in vnum, & cognoscat mundus, quia tu me misisti, & dilexisti eos, sicut & me dilexisti. Hæc Christi verba eximia quadam consolatione plena sanctus Hi-

Ioan. 17.

larius

Sancti quomodo sunt vnum cum Christo. larius libr. 8. de Trinitate ita intellexit, vt Sancti non voluntate mentis tantum, vnum esse cum Christo existimandi sint: verum etiam vt intelligantur esse vnum cum eo, naturali vnione: per gratiam tamen ipsis impartitam: ita nimirum, vt quomodo ipse viuit per patrem, ita Sancti viuant per eum, sintque conformes (prout Paulus dicit) imaginis filij eius, vt sit ipse primogenitus in multis fratribus. Dicit conformes, hoc est, eiusdem nature: Quia forma est, quæ dat esse rei. Vnum igitur sunt Sancti cum Christo, si nature spectes deificationem, sic tamen quod ille Deus, isti diui: ille primogenitus ante secula, isti secundogeniti per gratiam in tempore reconciliationis: vtrique tamen tam isti, quam ille, secundum hominem omnium virium suarum capacitatem, deificati. Vnum rursus cum Christo, si statum spectes honoris, Dicit enim Christus, Volo pater, vt illi, quos dedisti mihi, sint mecum: vt videant claritatem meam, quam dedisti mihi. Et ego claritatem quam dedisti mihi, dedi eis, vt sint vnus, sicut nos vnus sumus. Christus per mortem clarificatus est a patre, claritate quam habuit apud patrem priusquam mundus fieret. Et hanc suam claritatem dedit Sanctis, vt post mortem sint eodem in loco vbi Christus est, hoc est, in eodem statu gloriæ. Siquidem voluit Christus exorare hoc ipsum patrem (qui indubie pro sua reuerentia exauditus est) dicens: volo enim pater, vt vbi ego sum illic sit & minister meus, id est, ad eundem admittatur thronum gloriæ, sic immortalis fiat, sic impossibilis, sic beatus, sic fulgens in diademate regni, sic denique triumphans gloria, non iam humana, sed diuina, sicuti ego. Vis audire, quomodo sint collocati vno honoris loco: Sancti & Christus. En ipse Dominus de cælo sic alloquitur nos in Apocalypsi, Qui vicerit, inquit, dabo ei sedere mecum in throno meo, sicut & ego vici, & confedi cum patre meo in throno eius.

Rom. 8.

Sancti vnus cum Christo secundum statum honoris.
Ioan. 17.

Quid sit esse vbi sit Christus.

Apocal. 3.

Ecce

Ecce vnus & idem thronus Deipatris, Christi, & Sanctorum eius.

D. Dicit, Dabo, scilicet in consummatione sæculi, verum an nunc sint aliqui sancti in eo throno, in quo Christus triumphat cum patre?

An Sanctorum animæ nunc sint cū Christo in throno Dei patris.
Apoc. 7.

M. Indubiè sunt, & quidem multi ac sine numero. Dicit enim Ioannes in eadem Apocalypsi: Post hæc vidi turbam magnam, quam dinumerare nemo poterat, ex omnibus gentibus, & tribubus, & populis, & linguis, stantes ante thronum, & in conspectu agni, amicti stolis albis, & palmæ in manibus eorum, & clamabant voce magna, dicentes: Salus Deo nostro, qui sedet super thronum, & agno. Hic nota quod dicit: Vidi scilicet in Pathmo, cum hæc scriberem, ante annos mille quadringentos nonaginta, aut circiter. Et certè, vidi eos inquit, tunc temporis stantes ante thronum in conspectu agni. Sequitur in eodem cap. Et respondit vnus de senioribus, & dixit mihi: Hi qui amicti sunt stolis albis, qui sunt? & vnde venerunt? Et dixi (ego Ioānes) illi: Domine mi, tu scis. Et dixit mihi: Hi sunt qui venerunt de tribulatione magna, & lauerunt stolas suas, & dealbauerunt eas in sanguine agni. Ideo sunt ante thronum Dei, & seruiunt ei, die ac nocte in templo eius. Et qui sedet in throno, habitabit super illos. Non esurient, neque sitient amplius, nec cadet super illos sol, neque vllus æstus. Quoniam agnus, qui in medio throni est, reget illos, & deducet illos ad vitæ fontes aquarum, & absterget Deus omnem lachrymam ab oculis eorum. Hæc ille. Præterea dicit Christus in hora mortis suæ ad latronem: Amen dico tibi, hodie mecū eris in paradiso, id est, in ea gloria æternæ felicitatis, qualis inter hæc mundi elementa haberi potest: siquidem tunc temporis alius paradysus non erat. Insuper Paulus ad Ephesios scribens: Ascédens, inquit,

Luc. 23.

Ephes. 4.

Chri.

Christus in altum, captiuam duxit captiuitatem, dedit dona hominibus. Duxit, inquit, secū captiuā illā captiuitatē patrū, qui eōsq; in limbo expectauerant: inter quos erāt etiā illi quorū corpora resurrexerūt in die resurrectionis Dominicæ, qui haud dubiè erant multi. *Matth. 27.* Quoniam dicit Euangelista, Et multa corpora Sanctorum qui dormierant, surrexerunt. Et exeuntes de monumētis post resurrectionem eius, uenerunt in ciuitatem sanctam, & apparuerunt multis. Hos duxit Christus in anima & corpore secum, in diē ascensionis ad thronum gloriæ Dei. Adhæc dicit Apostolus de se, Cupio dissolui, & esse cum Christo. Indubiè non dixisset hoc Apostolus, nisi anima post resolutionem corporis esset cū Christo in regno gloriæ. Postremò 2. ad Cor. 5. habetur, Scimus, quoniam si terrestris domus nostra huius habitationis dissoluatur, quod ædificationem ex Deo habemus, domum non manufactam, æternam in cælis. Inquit illatiuè, si dissoluatur, habemus. Ergo Sancti ex toto corpore habent habitationem suam in cælis. Ex quibus eisdem auctoritatibus probat beatus Gregorius animas Sanctorum, etiā ante tempus resurrectionis, esse in cælis. Vides nunc Scripturam non tacuisse de hac ineffabili vnione Sanctorum cum Deo & Christo, etiā ante generalem corporum resurrectionem.

Sanctos meritò colendos esse, & venerandos.

CAP. XL

M. **N**unc an Sancti sic sublimati ad tantam gloriam diuinæ maiestatis, debeant uenerari & honorari super omnes uiuentes in hoc mundo?

D. Apparet quòd sic.

M. Apparet dicis? Clamat etiā, respondet ita, & ordo rerum, & ratio fide illuminata, & omnis totius vniuersi natura: etiā si taceret, prout nō tacet, Scriptura sancta,

&

Et omnis per manum accepta Traditio. Quis enim vi-
 quam dubitabit (modo aduertat vel solum illa argumen-
 ta; quæ de rebus sumuntur) num debeant decerni primi,
 secundum Deum, honores, eis qui primi sunt post Deum?
 Imò qui primò consistunt loco, sublimiores facti super
 omnem potestatem, & principatum, & virtutem huius
 mundi, triumphantes cum Deo in regno decoris, & dia-
 demate gloriæ, purpuraque immortalitatis nunquam
 deponenda? Siquidem gloria hæc est omnibus Sanctis
 eius. Potissimum cum testetur Scriptura, quòd quando
 gloria Sanctorum palam fiet mundo, tunc demum om-
 nis creatura, magna cum veneratione, tribuet Sanctis pri-
 mos summosque post Deum ac Christum honores, im-
 plebiturque tunc, hoc est, consummabitur, Prophetia
 Mariæ, Luc. 1. Ex hoc enim beatam me dicent omnes ge-
 nerationes. Quia fecit, &c. Quoniam tunc etiam dam-
 nati in magna angustia & tremore cordis, erumpent in
 confessionem veritatis dicentes: Hi sunt quos habuimus
 aliquando in derisum. Ecce quomodo computati sunt
 inter filios Dei, & inter Sanctos fors illorum est. Nos in-
 sensati, &c. Scire autem in lumine fidei hanc Sanctorum
 sublimationem, & nolle illis impendere vllum honorem,
 quid aliud est, quam velle contra Deum pugnare? Dici-
 tur Hester 6. cap. Sic honorabitur, quemcunque volue-
 rit rex honorare. Tanti est morituri regis imperium, &
 mandatam Omnipotentis, quo imperat per Prophetam,
 Laudate Dominum in Sanctis eius, nullius ponderis erit?
 Homo non est maior, neque circumspectior Deo suo.
 Quos igitur Deus dignatur regno suo, throno suo, glo-
 ria sua; denique seipso, colens illos velut socios gloriæ fi-
 lij sui, hos non venerabitur ac colet mortalis homo,
 sicuti illos à patre luminum ad honorem recipi videt?
 Non utique vt deos (quod fieri non potest) sed vt diuos,

*Ratio pro-
pter quam
sunt hono-
rati Sancti.*

Sap. 5.

Psalm. 150.

&

& deificatos homines? Quæ dementia nolle facere, quod Deus ipse facit? Quæ impudentia velle detrahere Sanctis, quod Deus illis pro corona rei bene gestæ impendit? Corruptibili homini, mox ubi assumptus fuerit ad regiam dignitatem, regium impendimus honorem: utique bene. Et illi, qui ab ipsomet Deo assumptus est ad deiformem statum, atque adeo ad diadema cælestis regni & gloriæ, nullam exhibebimus venerationem? Vbi quæso facies rerum? ubi timor Dei? ubi consideratio veri? Probauimus supra ex testimonio Scripturarum, à Patriarchis & Prophetis multas, & valde venerabundas factas prostrationes ante reges, ac iudices morituros: eò quòd illi quasi dij essent in terris: quare igitur non magis coram illis, qui supra æthera in summo cælo triumphant ut dij, facti vnum cum Deo viuente, & rege seculorum Christo domino? Si legatus honorandus est, propter maiestatem eius à quo mittitur: si prorox, aut proconsul, propter eum à quo est substitutus: si filius colendus, propter patrem: eò quòd filius in patre, & pater sit in filio, & redundet omnis huiusmodi honoris exhibitio in eum, propter quem est principaliter. Qua tandem ratione non erunt venerandi Sancti, quos Scriptura sacra appellat filios Dei, & fratres Christi, columnas Ecclesiæ ac fundamenta, gubernatores, pastores, duces fidei, patres credentium, lucem mundi, sal terræ: maximè ij, qui vicem Christi gesserunt in terris, ad vtilitatem eorū qui salui fierent? Legitur apud Matthæum: Qui recipit Prophetam, in nomine Prophetæ, mercedem Prophetæ accipiet. Et qui recipit iustum, in nomine iusti, mercedē iusti accipiet. Et qui vos (discipulos meos) recipit, me recipit, & qui me recipit, recipit eū qui misit me. Et quicūq; potum dederit vni ex minimis istis calicem aquæ frigide, tantum in nomine discipuli, amē dico vobis non perdet mercedem.

Matth. 10.

mercedem suā. Vt autem scimus hæc intelligi de corporalibus actibus, recipit scilicet ad hospitium, vel ad mensam, vel alioqui in visceribus pietatis, quo illi beneficiat: ita rationabiliter definimus, non solum intelligi de illis corporalibus beneficijs: quia dicit textus, recipit, indeterminate, ac sine addito: quare poterit intelligi in generalitate sua: recipit scilicet siue ad iam dicta, siue ad honoré atque præconium laudis, vel in domo sua exhibendo illis hospitalitatis beneficium, vel in existimatione cordis sui, qua de corde bono conuertit in illos omne id, quo digni sunt sub nomine Prophetæ, aut nomine iusti, aut nomine Apostoli vel discipuli iam regnātis cum Christo. Quare enim restrictè intelligemus, quod in generalitate dixit Saluator? Si iustum mortalem, aut Prophetā mortalem aliquo dictorum modorum recipientes, Deū recipiunt: quantò igitur magis qui iustos iam glorificatos, & deiformes recipit in existimatione cordis, ad omne id quo digni sunt, sub nomine Sanctorum ac Diuorum, mercedem Sanctorū recipiet à Deo? Ratio est, quia dum recipit Sanctos ad culturæ honorem, in ipsis Christum recipit, & in Christo Deum, sicut audiuiſti ex verbo Saluatoris. Qui Sanctos laudat, in ipsis laudat Christum & Deum. Gratia enim Dei sunt quod sunt, & gratia Dei in ipsis vacua nō fuit. Ipsi per Christum in Deo, & Deus in ipsis per Christum. Vnde Prophetā, Laudate, inquit, Dominum in Sanctis suis.

*Quid sit
recipere ius-
tū in nomi-
ne iusti,
quotq; mo-
dis contin-
gat.*

1. Cor. 15.

Psal. 150.

D. Verum in istis verbis non præscribit nobis Prophetā ullum cultum, aut venerationem Sanctorum, vti apparet, sed solum hoc vt Dominum Deū laudemus in ipsis.

M. Coniungit Prophetā tria videlicet, Laudate Dominum in Sanctis eius, Laudate eum in firmamento virtutis eius. Laudate eum in virtutibus eius, secundum multitudinem magnitudinis eius. Laudate autem Dominū

*Quid sit
laudare
Deum in
Sanctis eius.*

G

in vir-

DE DECALOGO

1. Cor. 15.

in virtutibus eius, quid aliud est quàm prædicare, & extollere virtutes & mirabilia facta Dei, dando ei laudem, quòd dignatus sit per tantas tamq̃ue stupendas virtutes nobis declarare multitudinem magnitudinis suæ? Sic laudare Deum in Sanctis suis, quid quæso aliud est, quàm colere, prædicare, & magnificare Sanctos, quòd Dei beneficentia, per pretiosa dona, euecti sunt de limo terræ, ad tam inexplicabilem vnionem cum ipso, in proprio suo throno gloriæ: adeo vt non sit dimissurus, donec omne quod corruptibile erat in Sanctis, induat incorruptionem, & omne mortale induat immortalitatē, prout Paulus pulchrè deducit ad Corinthios, fiantq̃ue per omnia similes Christo resurgenti à mortuis, vno accepto quod ille, & Deus est per naturam, quam habuit ante secula, & Saluator secundum assumptam humanitatem, Dominus quoque & iudex, tam viuorū quàm mortuorum? Hæc dico prædicare, laudare, & colere in Sanctis, tribuendo gratiæ diuinæ, quòd eousque euecti sunt, est laudare Deum in Sanctis suis, est & ipsos Sanctos venerari veneratione verè religiosa, est quoque laudare Deum in virtutibus suis, quas in Sanctis, aut per Sanctos operatus est, est denique laudare Deum secundum multitudinē magnitudinis eius, qua potens est sibi subijcere vniuersa, coniungendo ima summis, non solū in Christo Domino, sed & in multis fratribus eius.

Qualem venerationem Sanctorum docuerit Ecclesia ab initio, & quibus de causis. CAP. XII.

M.
Cultū San-
ctorū ab ini-
tio docuit
Ecclesia
propter
quatuor.



B initio ergo constanter docuit Ecclesia catholica venerationem Sanctorum in terris. Primum, vt per mirabilia quæ Deus operatur in Sanctis (prout diximus, & multò adhuc latius explicatur Eccle. 44. & ad Hebræos 11.) discat populus Deum

Deū laudare, nō solū in se, sed & in Sanctis suis atque virtutibus. Secundò, vt populus discat in vita Sanctorū, qua sedulitate illi vsi sunt muneribus Dei in colēda virtute, quamque exactè & adamussim expresserint in vita sua Christi Euangelium, quamque perseuerauerint vsque ad vltimum vitæ habitum in eadem. Siquidem in libris legimus doctrinam Christi: in vitis autem Sanctorū clarè intuemur praxim siue vsum eiusdem doctrinæ, ne dicatur, Quis facere poterit, quod ille docuit & fecit? Nā Christus, eò q̃ Deus esset, potuit omnia. Tertiò, vt roboretur magis ac magis singulorum fides, fiduciaque in futuram remunerationem. Solent enim generosa facta praeuntium animare virtutem subsequētiū, & munificentia principis in illos, horum accendere desideria, ad imitandum fortiter illorum exempla. Quartò, vt & meritis eorum associemur, & intercessionibus adiuuemur, prout tradit diuus Augustinus pluribus in locis, & praesertim contra Faustum Manichæum.

D. Crediderim ego ex his quæ declarata sunt, non posse quenquam hominum esse tam vecordis tamque obtenebrati sensus, vt alicui Sanctorum deneget venerationem, modò constet eum esse de numero Sanctorum, & abusum excludas. Sed expone precor, an more isto Ecclesiastico Sanctos venerari liceat?

M. Siste modicū, Modò constet picis? De his quos per vniuersam vbique Ecclesiā proposuit venerandos prisca traditio patrum, de his dico constat propemodum eo modo, quo de sacrosanctis Bibliorum Euangelij, nempe per auctoritatem matris Ecclesiæ, per venerandam & succedentem à multis retrò seculis omnium patrum traditionem, & per vnanimem consensum totius populi acceptantis. Insuper constat de his ex stupendis ipsorū prodigijs ac virtutibus quæ operati sunt, & in vita, & in

*Vnde cōstat
aliquē esse
de numero
Sanctorum.*

Ioan. 3.

*Cultū San-
ctorū nō es-
se reiſcien-
dū propter
quorūdam
abūsum.
Inſipientis
eſt rē accu-
ſare pro-
pter abu-
ſum ipſius.*

morte, & poſt mortem. Nemo enim poteſt hæc ſigna
facere, niſi Deus fuerit cum eo. Addis, Si abuſum exclu-
das. In hoc tu ſicut vnus ex inſipientibus locutus es. Nō
eſt enim ſani hominis, ſed dementis iudicare de natura
rei ex abuſu ipſius. Natura ex proprijs conſtat principijs:
Abuſus verò ex malitia non bene vtentium. Optimarū
rerum plerunque peſſimus eſt abuſus. Nōne optimū
eſt eſſe Apoſtolum? Et tamen abuſus eſt ſcleratiſſimè
Apoſtolatu Iudas. Libertate Euangelica an quid dici
poſſet diuini? Tamen illam multi conuerterunt in oc-
caſionem carnis. Et quid magis neceſſarium gratia Dei:
nam gratia Dei ſumus hoc ipſum quod ſumus? Tamen
beneficijs gratuitæ bonitatis Dei abutimur ferè omnes,
Si abroganda ſunt cuncta, quibus abutitur intemperan-
tia quorundam, aut inſcitia, nulla res tandem tam neceſ-
ſaria quàm non ablatam oporteat. Nam & pane, & vino,
& lumine ſolis magna pars hominum, ne dicam maxima
indigniſſimè abutitur in ſuam pernitiem. Nequaquam
igitur reiſcienda erit veneratio Sanctorum, quia ſenſatu
la anus, aut ruſtica quorundam ſimplicitas magis colit
Sanctos ſuperſtitioſè quàm religioſè. Abuſum deteſta-
mur, ſuperſtitionem multorum omnino execramur.
Vſum autem veritatis in venerādis Sanctis non poſſunt
non probare omnes, quibus ineſt mens ſanior, & vlla or-
dinis conſideratio. Nunc perge ad tuum Sed.

D. Sed quod paulò antè volebam interrogare, an more
iſto Eccleſiaſtico liceat venerari Diuos, erigendo eis ſta-
tuas & altaria in titulum? An ſacra coram illis facere? thu-
ra incendere? hymnos ſeu cantica laudis per diē perque
noctem dicere? Item.

M. Eſt ſatis. Primò dicamus de hoc quod propoſuiſti.

D. De hoc certè dubitant non pauci, & magnæ eruditio-
nis viri.

Magnæ

M. Magnæ eruditionis esse non possunt, qui tam parua non penetrant. Tu autem contemplare quo in loco, & gradu ordinis sint Sancti, & statim fiet evidens in oculis tuis, quo cultu sint venerandi. Primò sunt sublimati su
*In quo ordi
 ne sint San
 cti.*
Apoc. 7.
 per omnem gradum, & dignitatem, & gloriam corrupti
 bilis mutabilisq; creaturæ, ad thronum vsque gloriæ
 magni Dei, & palmæ in manibus eorum: eò quòd victo
 res mundi effecti sunt. Secundò, sunt ante thronū Dei,
 & seruiunt ei die ac nocte in templo eius, & qui sedet
 in throno habitat super illos. Ergo diuinitate multò in
 feriores. Tertiò, licet inferiores sint Deo, sunt tamē vnū
 cum Deo, deiformes, toti in Deo, & Deus plenissimè in
 ipsis. In hoc itaque ordine venerandi sunt Sancti, non
 vltra, non infra, ne ordinem perueras: non etiam remis
 se nimis, aut quocunque volueris modo, ne vlli fiat iniu
 ria maiestati. Absit igitur, absit longè vt eos veneremur
 tanquam deos nostros. Quia Deus tuus, inquit omni
 potens, Deus vnus est, Non habebis deos alienos coram
 me. Et sanè ipsi Sancti seruiunt Deo die ac nocte, tantū
 abest vt dii sint. Iterum absit, vt non veneremur super
 omnem mutabilis creaturæ dignitatem, eos, qui mundo
 superiores effecti, de mundo triumphos agunt æternita
 tis. Quartò absit, vt aliter veneremur eos, quàm hacten
 us fecit Ecclesia sancta, in templis, in altaribus, religio
 so quodam cultu sacrarum cæremoniarum, in sacris con
 cionibus prædicando vitam eorum ad instructionē sim
 plicium: vt ex vita Sanctorum intelligunt vim & opera
 tionem gratiæ Euangelicæ: in orationibus insuper, &
 hymnis, & laudibus Ecclesiasticis tam nocturnis quàm
 diurnis.

*Quomodo
 venerandi
 sint Sancti.*

D. Domine, nōne hæc omnia spectant ad cultum vnus
 Dei?

M. Spectant vtique. Omnia tamen hæc Sanctis Dei facta
 sunt

Ceremoniarum cultus quo Deū colimus Sanctis est communis: quia vnum sunt Sancti cum Deo. sunt communia. Quia ipsemet Deus illos se dignos, & sui participes, sibiq̄ue conformes effecit, tali insuper eos metamorphosi in se transformauit, vt vnum sint secum, intus & foris, & per omnia deiformes effecti. Itaque si maiestas Dei, si regnū Dei, si gloria Dei, si thronus Dei facta sunt Sanctis communia: quare non etiam ritus colendi Deū, templa Dei, altaria Dei ipsis communia erūt? Dummodo excipias sacrificium, de quo inquit diuus

August. lib. 10. de ciui. Dei cap. 4. Exod. 22.

Augustinus, dicens: Quis verò sacrificandum censuit, nisi ei, quem Deū esse aut sciuit, aut putauit, aut finxit? De quo & Scriptura in Exodo, Qui immolat dijs occidetur præterquam Domino soli. Nos autem de hoc plura dicemus lib. 4. Dummodo etiam in forma colendi sit maneatq̄ue diuersitas, sicut magna in rebus est distantia. Vti ex præmissis abundè satis constat. Igitur vnus cultus cæremoniarum ac religionis communis est Deo & diuis, sub hoc tamen discrimine: quòd Deum colimus propter se, & super omnia tanquam primum omnium rerū principium, & obiectum beatificum, & vocatur *κατρία* siue *θεωσιβωα*. Sanctos autem veneramur super omnem corruptibilem aut mutabilem creaturam, tāquam electos Dei principes, consortes gloriæ & maiestatis eius, & vocatur *επιπροσώπιτα*. Hinc Concilium Gangrense cap. 20. suorum decretorum. Si quis, inquit, per superbiam, tāquam perfectum se existimans, conuentus, qui per loca & basilicas Sanctorum Martyrum fiunt, vel accusauerit, vel etiā oblationes quæ inibi celebrantur, spernendas esse crediderit, memoriasq̄ue Sanctorum contemnendas duxerit, anathema sit. Hactenus de Sanctorū veneratione. Nunc autem dicamus modicum de intercessionibus, quibus illi de cælo opitulantur, nobis in terra.

Inuocationem Sanctorum vtilem esse ac salutarem. CAP. XIII.
Domi-

D. **D**omine, multi inter abusus Ecclesiæ referunt quod inuocamus Sanctos vt intercedant aut opitulentur nobis.

M. Multi hoc seculo errant turpiter. Tu autem suscipe doctrinam veritatis. Conforme est Scripturis sacris, semperque creditum fuit in Ecclesia, quod Sancti apud Deum nostri sunt memores, & sollicita Deoque grata opitulatione pro nobis intercedunt: ita vt Deus patiat se misericorditer exorari propter intercessionem eorum, suaque nobis dona propter illos impartiat: semper tamen per Christum dominum & saluatorem nostrum. Nam omnia illa, per quæ Deo placent Sancti, Christus ipsis promeruit, impetrauit, obtinuit.

D. Credo ego sic esse: Sed obsecro ostende ista ex Scripturis, vt possim rationem reddere ijs qui contradicunt.

M. Ostendam, primò ex Scripturis, deinde ex vetustissimis patribus tam Orientalis quam Occidentalis Ecclesiæ, hinc exordio sumpto. Euidens est Angelos bonos esse de numero Sanctorum, nec vlla vnquam super eo fuit controuersia. At patet ex Scripturis: primò, Quod sancti Angeli fructuose orant pro nobis, Zacha. i. Domine exercituum vsquequo tu non misereberis Hierusalém, & urbem Iuda quibus iratus es? Iste iam septuagesimus annus est. Et respondit Dominus Angelo, qui loquebatur, verba bona & consolatoria. Itaque intercessio Angelorum, aliquid effecit apud Deum pro Iudaico populo. Secundo. Sancti Angeli nostras orationes studiose offerunt Deo. Tob. 12. Quando orabas cum lachrymis, & sepeliebas mortuos, & derelinquebas prandium tuum, & mortuos abscondebas per diem in domo tua, & nocte sepeliebas eos, ego obtuli orationem tuam Domino. Sequitur, Et nunc misit me Dominus vt curarem te, &c. Tertiò, Solliciti sunt de nobis, curam nostri gerentes. Patet

Quod semper creditum fuit in Ecclesia de inuocatione Sanctorum.

Fides Ecclesiæ de inuocatione Sanctorum ostenditur ex Scripturis. Angelis sancti orant pro nobis, et curam nostri gerunt. Sancti Angeli Dei nostras orationes offerunt Deo.

Sancti Angeli solliciti sunt pro nobis.

Matth. 18. Videte ne contemnatis vnū ex his pusillis. Dico enim vobis, quia Angeli eorum in cælis semper vident faciem patris mei, qui in cælis est. Contra, si contemnatis vnum ex his pusillis, indubiè Angeli eorum curā habentes, accusabunt vos coram patre meo. Quartò, Gaudium est Angelis in cælis super peccatore pœnitentiam agente, Luc. 15. Ita dico vobis, gaudium erit coram Angelis Dei super vno peccatore pœnitentiam agente. Quintò,

Psal. 90.

Heb. 1.

Angeli mittuntur in ministeriū eorū qui salui sunt.

Dicit Psalmista de iusto, Angelis suis Deus mandauit de te, vt custodiant te in omnibus vijs tuis. Et similiter Paulus, Omnes (scilicet Angeli) inquit, sunt administratores spiritus in ministerium missi, propter eos, qui hereditatem capient salutis. Itaque si orant Angeli pro nobis, si bonorum pias preces offerunt in conspectu Altissimi, si exultant super pœnitentia peccatorum, & contristantur in ruina iustorum, si omnes sunt administratores spiritus mandatum habentes custodiendi nos in omnibus vijs nostris, qua, precor, fronte, dici posset, Angelos Dei non tangi cura rerum nostrarum? Qua tandem ratione, aut qua posset sustineri temeritate, Angelos nō esse studiosissime inuocandos, qui tam sollicitè, tantaque instantia ministerium subeunt salutis nostrę, quibus statim ad vnā intercessionem respōdet Dominus bona consolatoriaque verba? Rumpatur folium oris eorum, decidant, intereant, pars illorum sit, ignis, aut laqueus, qui tam manifestè repugnant veritati. Insuper euidenter constat partim ex Scripturis Bibliorum, partim ex vetustissima traditione Sanctorum patrum quod Sancti Dei homines, etiam post carnis suę depositionem orant pro nobis, & cura tanguntur rerum nostrarum. Item quod Sanctorum in cælis orationes beneplaceant Deo in odorē suauitatis. Habes 2. Macha. 15. quod Iudas Machabæus vidit Oniam, qui fuerat sacerdos iam pridem

Ostenditur sanctis Scripturis quod Sancti orant pro nobis.

vita

vita defunctus, manus protendentē orare pro omni populo Iudæorum. Post hoc vidit aliū virum ætate & gloria mirabilem, de quo dixit Onias, Hic est fratruū amator, & populi Israël, hic est qui multum orat pro populo, & vniuersa sancta ciuitate, Hieremias Propheta Dei. An quid dici posset manifestius? Et Baruch 3. dicitur: Domine omnipotens Deus Israël, audi nunc orationes mortuorum Israël (Patriarcharum scilicet & Prophetarum qui mortui sunt) & filiorum ipsorum qui peccauerunt ante te, &c. Adhæc Hieremiæ 15. ipsemet Dominus dicit ad Hieremiam: Si steterint Moyses & Samuel corā me, non est anima mea ad populum istum. Quod exponens B. Gregorius, Quasi diceret, inquit, nec illos modò pro amicis audio, quos magnæ virtutis meritò orare pro inimicis scio. His adiunge ex Apocal. Ioannis conscribentis reuelationes cælestis Hierusalē, sic enim habet, Quatuor animalia & viginti quatuor seniores ceciderunt coram agno, habentes singuli citharas & phialas aureas plenas odoramentorum, quæ sunt orationes Sanctorum. Et cap. 8. eiusdem Apocalyp. Stetit Angelus ante altare habens thuribulum aureum, & data sunt illi incensa multa, vt daret de orationibus Sanctorum omnium super altare aureum quod est ante thronum Dei. Et ascendit fumus incensorum de orationibus Sanctorum de manu Angeli coram Deo. Ecce qualis conspiratio Scripturarum vtriusque testamenti, vt sit vniuersaliter verum, quod Psalmista dicit, Pro ea (scilicet remissione peccatorum) orabit omnis Sanctus in tēpore opportuno. Tempus autem quàm maximè opportunum est dies glorificationis. De quo secundum Bedam Doctorem venerabilem loquitur Saluator Ioan. 16. Venit hora cū iam nō in prouerbijs loquar vobis: sed palām de patre meo annuntiabo vobis. In illa die in nomine meo petetis. Hic

Apocal. 5.

1. Cor. 13.

loquitur in Prouerbijs : quia videmus nunc per speculū in enigmate, tunc autem palām videbimus eum sicuti est facie ad faciem. In illa die in nomine meo petetis, clarē contemplantēs nihil gratiarum, nihil virtutū, nihil posse defluere felicitatis ad quenquam, nisi per me. Ergo tempore claritatis illius diei non in alio nomine quā in nomine meo petetis. Igitur iuxta promissionem Christi, etiam Sancti in cælis intercedunt pro suis in nomine Christi. Vis addam plura?

- D. Meritò quidem hæc sufficerent: verū propter multam multorum huius seculi temeritatem, non foret inexpediens addere, quid ex his ac alijs Scripturis senserit & docuerit veneranda patrum antiquitas de inuocatione Sanctorum, & de opitulatione qua existentes in cælo nos hīc in terris adiuuant.

M. Audi igitur diuum Hieronymum qui sic colligit in tractatu suo aduersus Vigilantium huius erroris hæresiarcham. Vnus homo Moyses sexcentis milibus armorum impetrat à Deo veniam. Et Stephānus imitator Domini, & primus Martyr in Christo pro suis perfectioribus veniam deprecatur. Et postquam cum Christo esse cœperint minus valebunt? Paulus Apostolus ducenas septuaginta sex sibi dieit in naui animas condonatas, & postquam resolutus esse cœperit, tunc ora clausurus est, & pro his qui in toto orbe in suum Euangelium erederunt mutire non poterit? Simili vtitur argumento B. Ambrosius libro suo de viduis, tractans illud Luc. 4. Cum socrus Petri magnis febribus cruciaretur. Petrus & Andreas rogauerūt pro illa: Et tu, inquit, habes proximos qui Deo pro te supplicent. Habes Apostolos proximos, habes Martyres proximos, si ipse Martyribus deuotionis societate, muneribus quoque misericordiæ appropinques. Petrus & Andreas tunc cū viuerent,

potue-

M. Sanctos intercedere pro nobis ostēditur ex ordine charitatis.

potuerunt rogare pro viduis, nunc omnia possunt pro nobis, & pro omnibus impetrare. Simili quoque argumento vtitur & diuus Augustinus depingens vitam sancti Stephani sermone primo de sanctis dicens: Exauditus est sanctus Stephanus ut eius orationibus deleteretur peccatum quod commiserat Saulus. Commendemus ergo nos orationibus eius. Multò enim magis nunc exauditur pro bene oratoribus suis à regnante Domino nostro Iesu Christo. Hæc Augusti. Martyres Dei indyti, omnesque sancti adhuc mortales, ipsi quoque in agone positi, & pro se adhuc debitores tā viscerosè tamque efficaciter subuenerunt per orationes suas constitutis in necessitate, impendentes se suaque omnia, ut multos Christo lucrifacerent, & nunc in charitate radicati, ac sine mensura amantes, an viscera perdiderunt & affectionem? An in sinu misericordiarum Dei misereri dedidicerunt? An assistentes cum Christo (qui semper viuit ad interpellandum pro nobis, se exhibens aduocatū & propitiatorem pro peccatis totius mundi, ut Scriptura dicit) ipsi eius membra viuā poterunt non facere, quod caput facere vident sine intermissione? Vbi igitur illud, Caritas congaudet veritati, caritas benigna est, caritas nunquam excidit? Si amant sancti, indubiè secundum legem amant, & ordinem charitatis, Lex verò charitatis est, te ipsum quantum posses superimpendere necessitati patienti. Possunt autem sancti nunc magis, veriusque quam vnquam prius: quia nunc donatori omnium & coniunctiores sunt, & chariores, magisque vniiformes. Igitur & potentiores magisque spontanei nunc, quam vnquam prius ad subueniendum, iuxta incrementa, imò plenitudinem suæ charitatis in Christo Iesu. Satis. Vis ipsa in rebus, & pòdus dilectionis bene dispositæ per se demonstrant, constare non posse, ut quis adhuc longè positus à

Hcb. 7.

1. Ioan. 2.

1. Cor. 13.

Vis charitatis
quid demon-
stret.

Deo,

Deo, propter Deum amet proximos, curamque gerat fratrum: & iam intus in throno, ante Deum, inter thesauros diuitiarum bonitatis, & misericordiarum eius, fileat, & viscera contrahat, negligens, quod semper coluit charitatis officium. Pugnat istud contra ordinem charitatis, mente concipi non potest. Sit igitur certum in corde tuo, Sanctos cum Christo domino curam habere gregis Dominici, & fratrum suorum, Sanctos cum Christo interpellare apud patrem, Sanctos cum Christo velut membra cum capite, agones suos & mortes, martyria & stigmata proponere in conspectu Dei, ad inueniendam reconciliationem suorum: quia corpus sunt vnum, nec possunt membra discordare à capite Christo, qui semper interpellat pro nobis, &c. Nonne velut articulum si

D. dei credimus Sanctorum communionem?

M. Sic docet Symbolum Apostolorum.

*Ex articulo
fidei ostendi-
tur inuoca-
tionē San-
ctorum esse
utilem.*

Et hoc ideo, quod omnes tam Sancti in cælis, quam nos peregrinantes: in terra membra sumus eiusdem corporis. Christus caput est, Christiani membra, de carne illius & ossibus eius. Membra autem eiusdem corporis, non possunt non esse sollicita in inuicem, aut non communicare inter se mutuuum officium, mutuumque beneficiū.

D. Hoc satis testantur membra corporum nostrorum.

M. Quod plus est, expressè hoc docet Apostolus ad

*Quare in-
ter articu-
los Symboli
positum sit,
Sanctorum
cōmunionē.*

Rom. 12. & 1. Corint. 12. Ephes. 5. Atque hinc est, quod Spiritus Sanctus docuerit ab initio credendum esse hūc articulum, Sanctorum communionem. Primò, vt discamus nos in Ecclesia habere participationem, non solum eorum quæ Deus per Christi personam donauit: verum etiam omnium bonorum quæ Sancti Dei, quotquot fuerunt ab initio ad nos vsque, vnquam habuerunt. Secundò, vt discamus quod non solum persona Christi agit aduocatum pro nobis, & mediatorem apud Deum

patrem interpellando pro salute nostra : verùm etiam vniuersa membra, quorum ille caput est, hoc faciūt: maxime viua illa ac ardentia in charitate, hoc est, omnes sancti Dei homines, siue hīc militent sub Christo, siue ibi regnent cum eodem: magis tamen isti, quàm illi: quia intimitis, viuacius, securiusq; Christo coherant isti, quàm illi, sequentes agnum quocunque ierit.

Quomodo à Patribus secundum seriem temporum semper obseruata & docta fuerit inuocatio Sanctorum. CAP. XIII.

Is superaddam seriem traditionis antiquæ, vt plenius viribus consistat demonstratio nostra. Origenes docuit suo tempore inuocandos esse Diuos in hunc modum, Omnes Sancti qui de hac vita decesserunt, habentes adhuc charitatē erga eos qui in hoc mundo sunt, si dicantur curam gerere salutis eorum, & iuuare eos precibus suis, atque interuentu suo apud Deum, non erit inconueniens. Scriptum namque est in Machabæorū libris ita, Hic est Hieremias Propheta Dei, qui semper orat pro populo. Hæc ille. Nec id tantum docuit, verum etiam ipsemet admodum deuotē precatus est Sanctos dicēs : O beate Iob uiuens in perpetuum apud Deum, & victor permanens in conspectu regis Domini, ora pro nobis miseris, lib. 2. in Iob sub finem. Idem, Heu mihi, inquit, pater Abraham deprecare pro me, ne de finibus tuis aliener, quos valde concupiui, nec cōdignē quidem, propter ingens peccatum meum. Sub Lamenti sui finem. Idem, Incipiam, inquit, me genibus prosternere, & deprecari vniuersos Sanctos, vt mihi non audenti petere Deum propter nimietatem peccati, succurrant. O Sancti Dei vos lachrymis, & fletu, pleno dolore deprecor, vt procidatis misericordijs eius pro me misero, in eodem Lamento circa initium. Vides quā vir ille in Scripturis illustris deuotē

Origenes
homil. 3. in
Canti. Salo
monis,

tè inuocauerit Sanctos, probans Scripturis id ita conuenire. Addit quoque rationem cur ad diuos prius quàm ad ipsum Deum recurrat. Non audenti, inquit, mihi petere Deum, propter nimietatem peccati. An non idem nunc ex eadem Scriptura, & eadem ob causam sic faciendum docemus? Vixit autem Origenes anno post Christum passum plus minus 233. Post Origenem docet Cyprianus in hunc modum, Innocentes pueri ab Herode occisi, in ordine Sanctorum primum habent locum, & secretorum consij diuinorum propinquitate familiarissima clementiam Dei pro nostris exorant laboribus, Sermo. de stella & Magis. Scribens insuper ad Cornelium Papam, quem fratrem appellat, sic ait, Et si quis hinc nostrum prior diuinæ dignationis celeritate præcesserit, perseueret apud Deum nostra dilectio, pro fratribus & sororibus nostris apud misericordiam patris non cesset oratio. Vixit autem Cyprianus anno post Christum 260.

*Cyprianus
lib.1.*

Episto.1.

*Cyprianus.
D. Ambrosius.
fius.*

Post Cyprianum clauit in Italia anno à Christo 380. diuus Ambrosius, qui libro suo de viduis pulcherrimè demonstrat ipsis viduis, nobis apud Deum implorandas esse intercessionem Apostolorum, Martyrum, Sanctorumq; Angelorum, vtens triplici genere argumenti, Quoniam inquit, si potuerunt aliquid efficere dum viuerent nobiscum, ipsi mortales, magis ergo nunc. Si insuper ad ægrotos non ipsorum, sed aliorum precibus inuitetur medicus: certè nos quibus mens ægra est, & peccatorum vinculis impedita, debemus ad nos non nostris, sed Sanctorum intercessionibus Deum medicum animæ inuitare. Tertiò, inquit, Non erubescamus sanctos Martyres adhibere intercessores infirmitatis nostræ. Quia ipsi infirmitatem corporis, etiam cum viuerent, cognouerunt. Hæc summam ex eodem diui Ambrosij libro. Eodem

D. Basilii. pene tempore aut paulò antea floruit in Græcia Basiliius Magnus,

Magnus, qui describens vitam & agones quadraginta Martyrum, dicit: Beneficium hoc, fratres dilectissimi, gratiam hanc minimè deficientem, ac sine inuidia ex Deo obtinemus: ut paratū sit nobis & Ecclesiæ per hos auxilium, &c. Subdit, Sæpe laborastis, sæpe operam dedistis, ut vnum pro vobis orantem inueniretis, quadraginta sunt hi, vnā orationis vocem emittentes. Vbi enim sunt duo vel tres in nomine Domini cōgregati, ibi Deus est. Vbi verò quadraginta fuerint, quis dubitet Deum esse præsentem? Qui aliqua premittitur angustia, ad hos confugiat. Qui rursus lætatur, hos oret: ille ut à malis liberetur, hic ut duret in rebus lætis. Item in summis suis moralibus cap. 2. summ. 26. sic dicit, At iam potest re ipsa & opere sæpissimè compertum nobis esse, inuocationem Sanctorum ad intercedendum pro nobis non solum placuisse, verum etiam eis qui Sanctos (modo tamen pio, & absque superstitione) inuocassent, magno & admirando solatio, auxilio, & bono cessisse. Hæc Basilii qui vixit ante annos 1160. Quo ferè eodem tempore sanctus Gregorius Nazianzenus docuit Sanctos inuocandos. Et ipsemet studiose inuocauit primum diuum Basilium, dein de diuum Cyprianum, tertio sanctum Athanasium iam vita defunctos: ut est videre in orationibus eius. Nā oratione sua 18. in Athanasium sic orat, Tu autem Athanasi, è supernis propitiū nos respice, & populū hūc sanctū dirigere. Post Basilium & Nazianzenū cœpit clarere B. Chrysostomus, qui præter ea quæ suprā allegauimus dicit hoc modo, Idcirco sæpe eos (Iuuentinum scilicet & Maximum martyres, de illis enim loquitur) inuisamus, tumulos adornemus, magnæque fide tumulos eorum contingamus, ut inde benedictionem aliquam consequamur. Etenim sicut milites vulnera quæ in prælijs sibi inflata, regi monstrantes, fidenter loquuntur: ita & illi ab-

D. Grego-
Nazian.

D. Chryso-
stomus.

secta

secta capita gestantes & in medium afferentes, quæque voluerint apud regem cælorum, impetrare possunt. Proinde magna fide promptitudineque huc veniamus (ad memorias scilicet dictorum Sanctorum) quò & visis Sanctorum monumentis, & consideratis eorum præmijs, inde varios thesauros vndiquaque colligamus. Serm. in Iuuentinum & Maximum martyres. Vixit autem Chrysostomus ante annos 1150. Post Chrysostomum annis

D. Augusti
nus.

30. aut circiter claruit in Africa diuus Augustinus testis in doctrina fidei irrefragabilis, qui non docuit solum orationes nostras dirigendas ad Diuos: sed & ipse eisdem instantissime deprecatus est, uti constat ex pluribus locis scriptorum eius. Pro Martyribus, inquit, non oramus: sed ipsi orant pro nobis. In Euang. Ioan. Tracta. 84. Rursum, Orationibus sanctorum Martyrum propitiatur Deus peccatis populi sui. Quæst. super Exod. cap. 108. Addit, Tunc pro nobis absque vlla dubitatione sancti Martyres intercedunt, quando in nobis aliquid de suis virtutibus recognoscunt. Serm. 244. de tempore. Idem August. precatur hoc pacto, Vos igitur qui meruistis cõsortes fieri supernorum ciuium, & perfrui æternæ claritatis gloria, orate pro me ad Dominum, ut educat me de carcere isto in quo teneor captiuus & ligatus. De spiritu & anima cap. 59. Rursum, Orate, inquit, Dominum, orate pijsimi, orate omnia agmina Sanctorum, & vniuersi cœtus beatorum, ut vestris precibus meritisque adiuti, salua naue, & integris mercibus peruenire mereamur ad portum perpetuæ salutis, &c. Lib. Medita. cap. 24. Augustino contemporaneus fuit diuus Hieronymus, sed ætate maior illo, qui in Epitaphio Paulæ sic scribit, Vale ô Paula, & cultores tui vltimam senectutem orationibus iuua. Vides & opera tua Christo te sociant. Præsens facilius quod postulas impetrabis. Adhæc legitur lib. 11.

D. Hierony
mus.

Histo.

Histo. Ecclesiast. cap. 33. quòd Theodosius Imperator ante Martyrum & Apostolorum thetas iacebat, cilicio prostratus, & auxilia sibi fida Sanctorum intercessione poscebat. Refertur insuper libr. 6. eiusdem Histo. Ecclesiast. cap. 5. de sancta Potamiena Martyre, quòd cùm duceretur ad locũ supplicij, & Basilides vnus ex ministris iustitiæ, studio pietatis abigeret, quantũ poterat, populum insultantem Potamienæ eunti ad martyrium, dixit tandẽ Potamiena: Basilides, certus esto, quòd cùm abiero ad Dominum meum, sine dubio boni huius remunerationem tibi parabo. Quemadmodum intra triduum eidem Basilidi parauit, imponens capiti ipsius quam impetrarat ei coronam martyrij. Qua visione ille commotus, & conuersus ad martyrium peruenit. Præterea Ioannes Damascenus non ignotæ sanctimonix & eruditio-

Ioannes Da
masc.

nis, sic, dum viueret, orauit è profundissimo pectore, lachrymis & gemitibus misericordissimam Deiparam inuocando dicens: Domina & sanctissima mater, quæ Deũ meum peperisti. Amputata est dextera mea ob sanctas ac diuinas imagines. Tu qua de causa leo sæuiat non ignoras, proinde quantò citiùs succurre. Dextera enim altissimi, quæ de te incarnata est, per tuas intercessionem multas facit virtutes. Sanet oro hanc meã dexteram tuis precibus, &c. Vixit autem circa annum Domini 390. & inuocauit diuam Virginem modo iam dicto, manumque suam integrè restitutam virginis Mariæ intercessione accepit. Vti in historia vitæ ipsius de eo scribit Ioãnes Hierosolymitanus Patriarcha, ipsemet in fine eiusdem historix studiosissimè inuocans eundem defunctum Ioannẽ Damascenum in hunc modum: Et ò beatissime, ignosce mihi, proque me apud Deum feruens & irrepudiabilis intercessor esto, &c. Fac obsecro & me (tametsi adhuc peregrinũ) Trinitatis adoratorem, &c. Nec id præterire

H

possum

Theophylactus.

possum, quod habet eximius ille Theophylactus in expositione 11. cap. ad Hebræos dicens: Proinde tum perfecti videbuntur (Sancti scilicet cum per resurrectionem consummati fuerint) qui iam nunc arrhabonem & pignus honoris habent. Vnde aliis eis potestas esset, ut succurrere queant inuocantibus se? Vnde ipsis quod fiduciam habent intercedendi? Hæc ille de inuocatione Sanctorum circa annum Domini 750. quo claruit. Neq; minùs ex-

Theodoretus.

pressè docet hoc ipsum Theodoretus vetustus ille ac celeberrimus scriptor libro suo 8. de Græcarum affectionum curatione, pagin. 107. Martyrum templa, inquit, conspiciuntur, magnitudineq; præstantia, omni præterea ornatus genere variata, splendoremque quodammodo pulchritudinis suæ latè fundentia. Neque verò hæc per annum semel, aut bis, aut quinquies aduentamus: sed in eis sæpenuerò dies festos peragimus, sæpe diebus singulis eorum Martyrum Domino laudes hymnosque cantamus. Quique homines prospera sunt valetudine, conseruari eam sibi à Martyribus petunt: qui verò ægritudinem aliquam patiuntur, sanitatem exposcunt. Insuper & steriles viri, & mulieres, dari sibi filios petunt: qui verò parentes sunt, integra sibi, & propria custodiri quæ consecuti sunt, dona. Item qui peregrè aliquò proficiuntur, petunt Martyres sibi comites esse in via, vel potiùs itineris duces: qui verò iam sospites redierunt, gratias agunt, acceptum beneficium confitentes. Non qui se ad Deos accedere arbitrentur: sed qui orent Dei Martyres, tanquam diuinos homines, intercessoresque sibi eos apud Deum aduocent, ac precentur. Piè verò, fideliterque precatos ea maximè consequi, quæ desiderant, testantur illa, quæ votorum rei dona persoluunt, manifesta nimirum, adeptæ sanitatis indicia. Nam alij quidem oculorum, alij verò pedum, alij porro manuum simula

chra

chra suspendunt, ex argento auróue confecta. Gratissimè namque accipit eorú Dominus qualiacunque sunt dona, nec exigua, nec vilia dedignatur, quippe, qui ea pro ferentis facultate metitur. Hęc itaque omnium spectaculo exporrecta, testantur morborum depulsionem, cuius ipsa certissima signa sunt, à sanitatem consequutis allata, hæc, inquam, sepulcorum ibi Martyrum, quæ sit virtus ostendunt. Martyrum autem virtus quem ipsi coluerunt Deum, verum esse Deum declarat. Hęc Theodoretus de nostra ad Diuos inuocatione, & illorum ad nos opitulatione, de cultu insuper ac donarijs quæ illis impendimus, penitus nihil discrepas à doctrina, quæ nunc temporis retinetur de eisdem in Ecclesia. Et si, qua debes diligentia, legeris sermonem diui Basilij, quem habuit de sancto Mama nte martyre, videbis Sanctos nonnumquam apparere in somnis, & illos qui ad eorum sepulchra iacent deuoti habere Sanctos adiutores ad precandum, item Sanctos inuocari à nobis, & inuocatos opem ferre, aberrantes ad viam reducere, infirmis restituere sanitatem, pueros mortuos resuscitare, vitæ terminos prorogare, spiritualium charismatum diuitijs plenos esse. Tu ipse lege verba Basilij, quæ inuenies Tom. i. operum eius. Sed & ij qui claruerunt circiter annum 1000. à Christo, ac postea, vt Hugo de sancto Victore, Petrus Lombardus, sanctus Bernardus, sanctus Bonauentura, sanctus Thomas Aquinas, & infiniti alij cum religione, tum sacra eruditione nobiles viri, & inuocarunt, & inuocandos docuerunt Sanctos, quisque suo tempore, haud secus atque nos nunc facimus. At quid opus est fusiùs id ipsum citatis ex singulorum libris testimonijs probare? Cùm in Canonibus sexti vniuersalis Concilij *Concil. Cō-* Constantinopolitani cap. 7. ita constitutū sit, vt vnus *stantin.* quisque Christianus solo Deo creatore suo adorato

Concil. Nicaen.
 communis
 totius Ecclesie
 catholice
 usus.

(nempe adoratione latrię, quę vna ipsi debetur, de quò
 mox dicemus) inuocet Sãctos, vt pro se intercedere apud
 Maiestatem diuinam dignentur. Quòd ipsum crebrius
 repetitur in Actis. 7. Concilij vniuersalis in Nicęa Bithi-
 nię celebrati, circa annum Domini 781. non longè post
 illud Constãtinopolitanum. Cumq; ipsa catholica Ec-
 clesia publico Letaniarum officio Sãctos inuocet, hoc
 tamen ordine, vt primò supplicet Deo tanquam auctori
 vitę & salutis, dicendo: *κρίε ἡλίου*, id est, Domine mise-
 rere, *χρίε ἡλίου*, id est, Christe miserere. Pater de cælis
 Deus miserere nobis. Fili redemptor mundi Deus mise-
 rere nobis. Spiritus sancte Deus miserere nobis. Sancta
 Trinitas vnus Deus miserere nobis. Quod reuerà est
 adorare latria, siue inuocare Deum vt Deum, ac tanquã
 prorã & puppim salutis. Deinde transit ad Dinòs, quos
 hoc modo precatur. Sancta Maria ora pro nobis, sancte
 Petre ora pro nobis, sancte Stephane ora pro nobis, san-
 cte Martine, sancta Catharina, omnes denique Sancti &
 Sanctę Dei orate pro nobis, intercedite pro nobis, ro-
 gando ipsos, vt communem Dominum ac Deum simul
 nobiscum pro nobis exorent. Quod est inuocare San-
 ctos non vt Deos: sed vt amicos Dei, qui intercessionis
 suę beneficio haud parũ adiuuare possunt apud Deũ,
 & Christum filium eius. Quo sanè peractò rursus re-
 currit supplicatio ad vnum Deum, per ea quibus Chri-
 stus opus mediatoris ac redemptoris consummauit, vt ab
 omni malo nos liberare dignetur. Quis obsecro secum
 perpendens ista, dixerit aut nuperum esse, aut confictũ,
 aut mandato Dei contrarium, quod docemus nunc de
 inuocandis Sãctis, & illorum quibus nos adiuuant opi-
 tulationibus? An nouum, an vsurpatum, cuius demon-
 strauimus præscriptionem plusquam millenariam? An
 non radicatum in verbo Dei, quod traditione catholica,

acce-

acceptum à patribus fidei, deinde concilijs œcūmenicis est comprobatum, quod frequentat, & ab initio frequentauit vniuersalis Ecclesia per omnem Christiani orbis regionem? Vbi ergo illud Apostoli, Columna est & firmamentum veritatis? An deniq; producta illa sanctissimorum Patrum series mandati Diuini vim potuit aut sensum ignorare? Cæterum de opitulationibus Sanctorum, quibus opem nobis ferunt rogati, quomodo, & cuius præsentia fiant: audi precor quid dicat August. Nam quod succurrant nobis implorati, expressè testatur multis in locis, inquirens de modo, quo succurrunt cap. 15. de Cura pro mortuis agenda in hunc modum: Quanquam ista quæstio inquit, vires intelligentiæ meæ vincat, quemadmodum opitulentur Martyres ijs quos per eos certum est adiuuari: vtrum ipsi per seipsos assint vno tempore tam diuersis locis, & tanta inter sese longinquitate discretis, siue vbi fiunt eorum memoriæ, siue præter suas memorias ubicunque adesse sentiuntur: an ipsis in loco suis meritis congruo ab omni mortalium conuersatione remotis, & tamen generaliter orantibus pro indigentia supplicantiū, sicut nos oramus pro mortuis, quibus utique non præsentamur, neque vbi sint vel quid agāt, scimus? An Deus omnipotens qui est vbi-que præsens, nec concretus nobis, nec remotus à nobis, exaudiens Martyrum preces, per Angelica ministeria vsquequaque diffusa, præbeat hominibus ista solatia, quibus in huius vitæ miseria iudicat esse præbenda: & suorum merita Martyrum vbi vult, quando vult, quomodo vult (maximeque per eorum memorias, quoniā hoc nouit expedire nobis ad edificandam fidem Christi, pro cuius illi confessione sunt passi) mirabili atque ineffabili potestate ac bonitate commendet? Res hæc altior est quàm vt à me possit attingi, & abstrusior quàm vt à me


*De modo
quo opitu-
latur nobis
Sancti, ex
D. August.*

DE DECALOGO

valeat perſcrutari: & ideo quid horum duorum ſit, an verò fortaiſſis vtrunque ſit, vt aliquando iſta fiant per ipſam præſentiam Martyrum, aliquando per Angelos ſuſcipientes perſonam Martyrum, definire non audeo, mallem à ſciētibus iſta perquirere, &c. Hucusq; Auguſt.

Quomodo ſoluendæ ſint obiectiones quæ obijci hoc loco ſolent.

CAP. XV.

- D.**  Omne non poſſum hīc non obijcere pauca, quæ cogitationem meam conturbant.
- M.** Obijce audacter.
- D.** Principiò neque donare poſſunt Sancti
- Obiectio 1.** quod quærimus, neque condonare quod commiſimus, quorſum igitur imploramus auxilia eorum?
- M.** Ex Scripturis quæ ſignificant ſolius Dei eſſe, vel donare quæ ſaluti congruunt, vel cōdonare malefacta, quæ ſalutem impediunt, non aliud cōſequitur, quàm quòd eiufmodi nemo dat, aut condonat, niſi ipſe ſit Deus, aut alioqui dandi vel condonandi à Deo poteſtatem accepit. Vt mea bona in mea vtiq; poteſtate ſunt: ita & Dei bona in Dei ſunt poteſtate: & quidem multò magis, multoq; potentiùs quàm mea ſunt in mea poteſtate.
- Deus et per ſe, & per alios ſua dona largitur.** Quis obſecro poteſt de bonis meis facere eleemoſynam, niſi ego? Verùm nunquid ideo non potero diſtribuere pauperibus ſtipem, panem, aut veſtem per miniſtrum meum? Nōne domeſticis poſſum committere, vt de meo dent, quoties oportunum fuerit? Si ego mea, vel per memetiſum, vel per alios, aut etiam ad interceſſionem aliorum, alioqui non facturus: donare poſſum, an minùs poterit omnipotens Deus, quàm ego homo? Paſſim obuiū eſt in Scripturis ſacris, quòd Deus per Apoſtolos ac alios ſanctos homines dederit cæcis viſum, claudis greſſum, læproſis mundiciem, paralyticis ſanitatē,
- mor-

mortuis vitam, infidelibus gratiam fidei, peccatoribus reconciliationem. Siquidem per manus Apostolorum fiebant signa & prodigia magnam in populo. Tanta donauit Deus per morituros homines, longè à se peregrinantes: & nunc per eosdem secum regnantes, aut ad intercessionem eorum nihil donare poterit? Cur igitur testatur Scriptura, per ossa Helizæi donatam à Deo vitam defuncto? Cur scripta diui August. testantur contulisse Deum innumerà beneficia hominibus per Stephanum prothomartyrem post mortem eius? Cur fidæ historiæ commemorant eximia munera non rarò collata à Deo ad memorias Sanctorum, vt suprà recitauimus? Profectò adeo sunt blasphema in Deū, vt magis esse nequeāt, quæ finguntur hoc loco ab hæreticis. Dum enim opitulationes Sanctorum sublatae volunt, directè (etiā si nesciant) contendunt Deum minùs posse quàm hominem, minùs quàm principem terrenæ ditiunculæ, quàm patrem familiæ, quàm inopem possessorem sterili agelli. Quia illi possunt & de suis donare, & in se commissâ condonare, non minùs per alios, quàm per semetipsos. Imò contendunt minùs posse Deum cæli, quàm mendicum ad ostium diuitis. Nam & ille potest stipem quâ accepit, donare per alium cuiunque voluerit. Illorum itaque insipientia manifesta est. Etenim plurima donata condonataque à Deo hominibus, tam per Sanctos regnantes in cælis, quàm hîc nobiscum degentes, & eloquia Dei, & scripta Patrum, & tota denique Ecclesia luculenter comprobant: quæ utique donata non fuissent hominibus, nisi Sanctorum intercessisset oratio.

- D. Nonne discimus ex verbo Dei, quòd vnus est mediator Dei & hominum, homo Christus Iesus: quòdque Christus ipse est propitiatio pro peccatis nostris, & non est in aliquo alio salus? Obiectio 2.
1. Tim. 2.
1. Ioan. 2.

*Exaggeratio Argu-
menti.* M. Adde argumento, quòd solus Christus sempiternũ
habet sacerdotium, per semetipsum accedens ad Deum
patrem, semper viuens ad interpellandum pro nobis.

Heb. 7. D. Certè & hoc facit ad rem. Verũ quomodo consta-
bunt ista, Solus Christus est mediator, Solus ipse propi-
tator, & aduocatus, & tamen mediatores siue aduocati
sunt Sancti?

*Quomodo
constet q.
solus Chri-
stus sit me-
diator, &
tamen San-
cti sint in-
tercessores.* M. Dicam. Habet Scriptura quæ solui non potest, vnus
Deus, vnus et mediator Dei & hominũ, homo Christus
Iesus, qui dedit redemptionẽ semetipsum pro omnibus.
Verũ in hac Scriptura (vt ex alijs locis constat) propriè
vocatur mediator, qui pacẽ facit redẽptione interposita.

Solutio. Quod pulchrè explicat Paulus ad Hebr. inquiẽs: Quan-
tò magis sanguis Christi, qui per Spiritũ Sanctũ semetip-
sum obtulit immaculatum Deo, emundauit conscien-
tiam nostram ab operibus mortuis ad seruiendum Deo
viuenti? Et ideo noui Testamẽti mediator est morte in-
tercedente. Lege exactè, & diligenter perpende illatio-
nem Apostoli, quoniam vtilis est in hac materia, docens
qua de causa Christus est, diciturq̃ue mediator. Augu-
stinus multis locis pulchrè declarat, mediatorẽ propriè
dici, qui sic mediat, vt non sit in extremo, sicq̃ue interce-
dit, vt pro se intercessione nõ egeat. Christus itaq; vnus
& solus est mediator, tam ratione redemptionis & re-
conciliationis totius generis humani, quam solus inter-
posuit inter Deum offensum & hominem offendẽtem,
quàm ratione illius hypostaticæ vnionis naturæ huma-
næ cum diuinitate. Non sanctus Petrus hoc modo me-
diator, non sanctus Paulus, non sanctus Ioannes Bapti-
sta, non ipsa denique virgo Maria. Habes 1. Cor. 1. Nun-
quid Paulus crucifixus est pro vobis, aut in nomine Pau-
li baptizati estis? Quid Paulus? Quid Apollo? Ministri
eius cui credidistis. Christus verò ipse est propitiatio pro
pecca-

*Christus
qua ratio-
ne dicatur
mediator.*

*August. lib.
10. Confes.
cap. 42. &
43. Itẽ lib.
2. de pecca.
orig. cõtra
Pela. cap.
28. &c.
1. Ioan. 2.*

peccatis nostris: non solum autem nostris: sed & totius mundi. Christus pax nostra, Christus pretium redemptionis nostrę, Sicut Paulus scribit Corinthijs, Non vos o Corinthij ex Paulo, non vos in Paulo: verum ex ipso Deo vos estis in Christo Iesu (tanquam mediatore) qui factus est nobis sapientia à Deo, & iustitia, & sanctificatio, & redemptio, vt quemadmodum scriptum est: Qui gloriatur, in Domino gloriatur. Sancti omnes & ipsi redempti sunt, factique vnum cum Deo in sanguine mediatoris Christi. Vnus est Deus, vnum est genus humanum, summè distans ab illo in omnibus suis membris. Vnus quoque mediator inter genus humanum, & Deū vnum, homo Christus Iesus. Hinc tamen nequaquam consequitur, Igitur solus Christus orator, aut solus ipse intercessor, aut solus est mediator per viam supplicationis inter Deum & quotidie delinquentes. Alioqui manifestè sibi repugnaret Paulus, & veritas contradiceret veritati, quod nefas est credere. In hoc enim eodemque capite, vnoque contextu dicit Apostolus: Obsecro igitur primum omnium fieri obsecrationes, orationes, postulationes, gratiarum actiones, pro omnibus hominibus, pro regibus, & omnibus qui in sublimitate constituti sunt, vt quietam & tranquillam vitam agamus, in omni pietate, & castitate. Hoc enim bonum est, & acceptum coram Saluatore nostro Deo, qui omnes homines vult saluos fieri, & ad agnitionem veritatis venire. Sequitur, Vnus enim Deus, vnus & mediator Dei & hominum, homo Christus Iesus, qui dedit redemptionem semetipsum pro omnibus. Hac dico ratione vnus mediator: non vtique vnus mediator ex eo, quod intercedit pro nobis. Nam si Christus hoc pacto vnus est, siue solus mediator, adeo vt nemo aliorum posset se exhibere medium inter Deum & miseras atque peccata homi-

1. Corint. 1.

*Non solus
Christus est
mediator,
aut orator,
aut interces-
sor per viam
supplicationis.*

1. Tim. 2.

*Paulus præ-
cipit inter-
cessionem
fieri pro om-
nibus.*

*Christus nõ
vocatur me-
diator, quia
intercedit.*

num per viam supplicationis, valde ergo impiè hortatur Paulus Timotheum Episcopum & illius conpresbyteros, vt intercedant pro omnibus hominibus per obsecrationes, per orationes, per postulationes. Et falsissimè pronunciat bonum hoc esse, & acceptum coram Deo, &c. Rursum valde ergo falsa est ista assertio Apostoli: Omnis pontifex ex hominibus assumptus, pro hominibus constituitur, in his quæ sunt ad Deum, vt offerat dona & sacrificia pro peccatis. Quâdo Paulus petit orationes Romanorum pro se ad Deum, & ipse flexis genibus se exhibet intercessorem pro Corinthijs, pro Ephesijs, alijsque Ecclesijs, an sui obliuiscitur, & mediatori Christo contumeliam facit? Et Moyse, & Aaron, quoties Dominum suis precibus placauerunt, & sese interposuerunt sepem pro populo contra furorem indignationis Domini? Adeo vt dicat Moyse de se, Ego sequester & medius fui inter Dominum, & vos in tempore illo. Si quis autè dicat mortales & peregrinâtes hic à Deo posse intercedere, & mediare pro mortalibus: nō autem immortales & Dei domesticos, somnium hoc est, & vapor deceptionis palpabilem habens ignorantiam. Ab eo igitur ad suum genus vanitatis & errorum. Longè aliter docuit sanctus Hieronymus contra Vigilantium hæreticum, inquit: Si Apostoli & Martyres adhuc in corpore constituti possunt orare pro cæteris, quando pro se adhuc debent esse solliciti, quantò magis post coronas, victorias, & triumphos? Tu autem caue ne vnquâ Scripturis imponas falsum: has enim propositiones Scriptura sancta non habet, Solus Deus adorandus, Solus Christus interpellat pro nobis, aut per solum Christum habemus accessum ad Patrem, &c. In his dico sententijs & similibus nusquâ apponit Scriptura dictionem exclusivam, Solus: vt mentiuntur qui amant hæresim. Et si apponeret

Heb. 7.

Rom. 15.
Paulus intercedit pro alijs, et pro se aliorum intercessionem fieri cupit.
Moyse & Aaron interponunt se sepem inter Domini indignationem & populum.
Deut. 5.

Particulam
solus nō apponit Scriptura in multis, ubi apponunt hæretici.

poneret Scriptura eā particulam, aut similem, vt in istis, Vnus est bonus Deus, Vnus est pater vester, qui in cælis est. Magister vester vnus est Christus: non conturbamur in eiusmodi magis quàm in istis, Solus color visibilis, Solus odor odorabilis, cùm interim & paries albus, & herbæ odoriferæ immutent sensum. Sed multùm & vehementer instrueremur, intelligentes aliquid vni, siue soliconuenire, quoties per se, & sic appropriatè conuenit vni, vt nulli aliorum posset competere, nisi ratione illius, & per cōmunicationem. Hinc enim dicitur vnus est bonus Deus, quia nemo aliorum bonus, nisi gratia & miseratione illius. Vnus Dominus Deus, quia Deus sic Dominus, quòd nec Imperator sit dominus alicuius ditionis, nisi gratia & donatione illius. Vnus est pater vester, quia ab eo est omnis paternitas (vt Scripturæ verbo vtar) & quæ in cælis, & quæ in terra nominatur. Et solus Christus mediator: quia ipse per naturam est mediator, & omnis aliorum intercessio debet per Christum, & in Christo ascendere ad patrem, alioqui quasi nulla. Nemo enim venit ad patrem nisi per filium. Ita quoque solus Deus adorandus (sic enim loquuntur sancti Scriptores) & tamen religiosè adorantur sanctificati homines, non quidem ratione sui, sed quia Deus in ipsis. Sicut spectantur homo & paries, non ratione sui, sed quia color in ipsis. Nunquid impiè quis ageret, si quenuquam appellaret saluatorem Europæ?

D. Haud dubiè ita.

M. Tamen Scriptura sancta vocat Othonielem saluatorem filiorum Israël, dicens: Iratusque contra Israël Dominus tradidit eos in manus Chusanrasathaim regis Mesopotamiæ, seruieruntque ei octo annis, & clamarunt ad Dominum: qui suscitauit eis saluatorem, & liberauit eos, Othoniel videlicet filium Cenez, fratrem

*Particula
exclusiua
apposita
per Scrip-
turā non
turbat Ca-
tholicum.
Matth. 19.
Matth. 23.*

Ephes. 3.

Ioan. 14.

*Hominē di-
ci saluatorem
filiorum
Israël aut
mundi non
est contra
Scripturā.
Iudi. 3.*

Caleb

Caleb minorem. Eodem quoque capite Ehud filius Ge-
ra dicitur saluator Israëlitarum. Item Genesi. 41. Ioseph
vocatur saluator mundi: & nulla fit iniuria Deo, aut
Christo eius: quia isti non intelliguntur saluatores per
se: sed per gratiam & beneficium Dei.

D. Mortui sunt sancti Dei homines, & sepulchra eorum
Obiectio 3. monstrantur apud nos vsque in hodiernum diem, quo-
modo igitur constare possunt, quæ dicta sunt: nam me-
diare inter Deum & hominem præsupponit viuere?

M. Mortui? Nequaquam. Nam mors huius mundi quæ
Solutio. diuidit animam à corpore non aliud est viris Sanctis,
Sanctorum quàm ostium vitæ, quàm mortis liberatio, quàm acces-
mors corpo sus ad Christum vitam nostrā, quàm repositio ad quie-
ralis est tem. Vnde dicitur de Stephano migrante sub manibus
ostium vitæ. lapidantium, Obdormiuit. Et exclamat Paulus: Cupio
A. 7. dissolui, & esse cum Christo. Quia dissolutio corporis
Philip. 1. est migratio ad Dominum. Nec vsquam expressius istud
habetur, quàm Sapient. 3. vbi sic dicitur: Iustorum animæ
in manu Dei sunt, & non tanget illos tormentum mor-
Sancti nun- tis. Vili sunt oculis insipientium mori, illi autem sunt in
quam nomi- pace. Hinc ab initio doctū est in Ecclesia, quòd Sanctos,
nandi sunt qui migrarunt de hoc seculo, non debeamus appellare
inter mor- mortuos aut defunctos. Siquidē Diuus Hieronymus im-
guos. properat Vigilantio hæretico, quòd in suggillationem
cultus Sanctorum dicebat: Melior est canis viuus, quàm
homo mortuus. Eleganter conuincens eū, sicuti & Chri-

Matth. 22. stus conuicit Sadducæos, asseuerantes non esse Ange-
A. 23. lum, aut spiritum, aut resurrectionem, inquiens: De re-
surrectione autem mortuorum non legistis, quòd dictū
est à Deo, dicente vobis: Ego sum Deus Abraham, & Deus
Exod. 13. Isaac, & Deus Iacob. Non est Deus mortuorum, sed vi-
Dies mortis uentium? Hinc quoque factum est, quòd dies illi, in
Sanctorum quibus sancti Apostoli & Martyres transierunt de hoc
vocatur na- seculo
talis.

seculo appellati sunt dies natales, iam inde ab initio nascentis Ecclesie hucusque, festa que Sanctorum dicta sunt natalitia eorundem: quod diebus illis in quibus migrarunt, veraciter nati sint in futurum seculum, secundum verbum Christi. Marci 10. De quo vide Augusti. de Doctrina Christiana cap. 2. Cum ergo dicimus sancte Petre ora pro nobis, non acclamamus mortuo, sed viuenti in secula.

- D.** Quomodo in secula? Nam viuere in secula proprium est Deo, & Christo eius.
- M.** Verum quidem est: attamen quia Deus inuenit Sanctos dignos se: ideo etiam hanc suam proprietatem communicauit illis, sicuti & infinitas alias.
- D.** Ut autem demus Sanctos viuere in throno Dei cum Christo: ipsi tamen non vident cultus nostri obsequia, neque audire possunt clamantem cordis nostri affectum: vana igitur & frustratoria est omnis inuocatio, omnisque veneratio Sanctorum. Quomodo enim exaudiet, qui ne audire quidem potest?
- M.** Ex inscrutabili illa vnione Sanctorum cum Deo, & *Solutio.* capitis Christicum membris suis, crediderunt vniuersi Patres sanctos ipsos desideria nostra ex orationibus nostris percipere. Ita enim Magnus ille Basilius lib. de Virginitate ait, Virgo seipsam primum, conscientiamque suam reuerberitur, etiam si valde sit sola, deinde astantem sibi custodem Angelum. Subdit: Quid per singula pergam? Ipsas Angelorum infinitas multitudines, & vna patrum beatissimos spiritus reuerberitur. Nullus enim ex his est, qui non singula vbique consideret. Et si enim oculis carnis minimè cernant incorporeis tamen obtutibus ad agnitionem complectuntur omnia, & comprehendunt. Et Gregorius presbyter in vita Gregorij Nazianzeni dictis istis astipulatur, aitque, Sanctos letari, si quando

- do pro donis Dei ab hominibus laudentur. Beatus verò
Apocal. 14. Hieronymus audet aduersus Vigilantium ita argumen-
 tari. Sequuntur (scilicet Sancti in cælis) agnum quocun-
 que vadit. Ergo si agnus vbique est, & hi qui cum agno
 sunt, vbique esse credendi sunt. Vtique non præsentia
 corporali, sed celeritate percipiendi ea, quæ eos vult sci-
 re Deus. Errant toto (quod aiunt) cælo, qui ex se suis-
 que viribus metiuntur cælestia. Alia enim ratio, & alia
Cælestianō vis est eorum, quæ diuina sunt, alia hominum morta-
sunt metien- lium. Nam quid Deo inuium? Quid Deo non præsens?
da ex huma- Animæ igitur deificatæ quid erit difficile, aut inuium?
nis. aut non præsens ad cognitionem? Inquit beatus Grego-
Sancti in- rius, Quid non vident, qui videntem omnia vident?
tuētur spe- Hoc autem vt parum est, addo, Quid nō vident qui co-
culū in quo ram, & ante oculos suos limpidissimum intuentur spe-
relucēt om- culum, in quo & sunt, eminenter & relucet omnia,
nia. multoque eminentiùs quàm possunt, aut esse in seipsis,
1. Corint. 13. aut apparere. Sancti autem vident Deum sicuti est, facie
 ad faciem. Porro diuinitas forma est, & exemplar, siue
 idealis ratio omnium rerum, omnium qualitatum, om-
 nium operationum, omnium affectuum, omnium gene-
 rum, omnium indiuiduorum. Sancti igitur contemplan-
 tes diuinitatem, vident omnia & particulatim, & gene-
 ratim, & distinctè, & citra confusionem, quantum &
 quousque vult omnipotens Deus. Vt autem velit postu-
 lat vnio, de qua diximus, postulat perfectionis status,
 quem adepti sunt, postulat charitatis consummatio. Et
 ne hoc taceamus, anima sancta, à qualitate spiritus An-
 gelici, nihil ferè differt. De Angelis autem pronunciat
Matth. 18. Christus: Dico enim vobis, quoniam Angeli eorum (lo-
 quens de paruulis) semper vident faciem patris vestri,
 qui in cælis est. Patet igitur ex illo, quòd Angeli deputa-
 ti ad custodiam pusillorum (licet semper habeant noti-
 tiam

tiam; imò & curam eorundē pusillorum) nihilominus
 ramen semper vident in cælis faciem Dei patris. Ergo &
 Sancti semper videntes faciem Dei, possunt nihilomi-
 nus notitiam habere rerum nostrarum, nostręque salu-
 tis curam gerere. Suntenim sicut Angeli Dei in cælis. *Matth. 22.*
 Sed & hoc aduerte, quod in Actis dicitur de beato Ste- *Act. 7.*
 phano, Et cū esset plenus Spiritu Sancto, intendens
 in cælum, vidit gloriam Dei, & Iesum stantem à dextris
 virtutis Dei, & ait: Ecce video cælos apertos, & filium
 hominis stantem à dextris virtutis Dei. Homo mortalis
 in corpore mortali, quando & quādiu placuit Altissi-
 mo, vidit clarē abscondita cæli: nimirum gloriam Dei,
 & Iesum stantē à dextris virtutis Dei, idque hinc per aë-
 rem, per nubes, ac fortē etiam per tectum: quia stans co-
 ram tribunali Iudæorum. Quare igitur animæ, quę sunt
 in altissimis, simul cum Deo, & plenæ Deo ac virtutibus
 eius, nō viderēt illinc hæc inferiora huius mundi, quan-
 tū & quā diu vult Deus, & quousq; conuenit glo-
 riæ Sanctorum? Addam, si placet, sententias Patrū, quæ
 in hac parte sine numero sunt.

D. Meo quidem iudicio hæc satis conuincunt. Verū *Obiectio*
 quid dicemus ad illud? quod multis est in ore videlicet, *ex verbis*
 Nesciunt animæ Sanctorum quid agant in terris, etiam *August.*
 eorum consanguinei.

M. In Esaia propheta sic legimus, Et Abraham nesciuit *Solutio.*
 nos, & Israël ignorauit nos. Itē in lib. Reg. habes, quod *Esa. 63.*
 Dominus per Prophetam dixit ad Iosiam regem sanctū: *4. Reg. 22.*
 Colligam te ad patres tuos, & colligeris ad sepulchrum
 tuum, in pace, vt non videant oculi tui omnia mala, quæ
 introducturus sum super locum istum. Ex quibus Scri-
 pturis velut certum apparet, quod Sancti post mortem
 ignorant, quid hīc agatur inter viuos.

D. Sic apparet vtique. Si enim tanti Patriarchæ ignora-
 uerunt

uerunt quid ageretur in populo à se procreato : si tam sanctus rex non vidit calamitates , quæ superuenerunt populo regni sui, quomodo vlli Sancti post mortem viuorum rebus aut actibus cognoscendis adiuuandisque miscentur?

M. Scire debes hoc loco, quòd Abraham, Israël, Iosias tū temporis cū hæc de ipsis diceret Scriptura, erant in limbo longè à Deo semoti, necdum Diui ac deificati, necdū contemplantes facie ad faciem Deum, aut ideales illas omnium rationes quæ in ipso sunt. Nihil ergo tum temporis cognouerūt de rebus viuentium super terram, nisi per reuelationem Dei, aut relationem eorum, qui eodē ex hīc viuētibz veniebant. Vt factum creditur ex dictis Lucæ 16.

D. Cæterum ad illud, Nesciunt spiritus defunctorum, quid agant in terris etiam eorum cōsanguinei: quod generaliter dictum putatur à diuo August. de omnibus defunctis.

M. Diuus August. lib. suo de Spiritu & anima cap. 29. sic habet: Vbi siquidem sunt spiritus defunctorum, ibi non vident, neque audiunt quæ aguntur aut eueniūt in ista vita hominibus. Ita tamen est eis cura de viuis, quanquā quid agant omnino nesciant, quemadmodum cura est nobis de mortuis, quamuis quid agant utiq; nesciamus. Nesciunt quidem mortui quid hīc agatur, sed dum hīc agitur, postea audire possunt ab ijs qui hinc moriendo ad eos pergunt. Non quidem omnino, sed quantum finitur eis indicare, & eos oportet audire. Scire etiam possunt ab Angelis, qui hīc nobis præsto sunt, & animas nostras ad illos deferunt. Spiritu etiam Dei reuelante cognoscere possunt, quæ hīc aguntur, quæque necessariū est eos cognoscere. Hæc ibi August. similia habens libro de Cura mortuis agēda. In quibus loquitur generaliter de

de spiritibus defunctorum, docens quid cuique rerum per se conueniat, quodque spiritibus humanis post mortem non competit, ex suis naturæ viribus videre vel audire, quæ hîc aguntur: sed si quæ cognoscant, illa cognoscunt vel Dei reuelatione, vel corû qui hinc ad eos migrant, narratione, vel Angelorum relatione. Cæterû quando speciatim sermo est de glorificatis Sanctorum spiritibus an videant, an audiant, aut intelligât quæ hîc gerimus in terris, iam respondendum est, quod vtique cognoscunt quæ hîc agimus, non solum Dei reuelatione & Angelorû annunciatione, & eorum qui hinc migraverunt ad eos relatione, (quâquam illa meritò sufficere possunt) sed & viribus proprijs, non quidem puris, sed iam deificatis diuinisque proprietatibus ineffabili modo supra se eleuatis cognoscunt, inquam, partim in seipsis, partim in limpidissimo diuinitatis speculo, quantum & quousque perfectæ charitatis ordo requirit, & illorum gloriæ conuenit, atque nostræ hîc viuentium saluti expedit, meritaque nostra bonæ vitæ exposcunt. Quapropter etiam non ad singulas actiones nostras hîc viuentiû intendunt: sed ad eas duntaxat, quæ pondus habent & momētum, vt sunt illa ex quibus motio pendet, & promotio salutis. Nam in functiones domesticas, forenses, ciuiles, aut similes, quas habemus in hoc mundo, citra notabile commodum vel incommodum salutis aut damnationis, ad has dico non intendût Sancti, aut si vident eas, tanquam non videntes sunt. Ipsi enim cû adhuc in carne constituti essent, eiusmodi habebant vt sterco-
Philip. 3
 ra, dicente Apostolo: Veruntamen existimo omnia detrimentum esse propter eminentem sciētiam Iesu Christi Domini mei, propter quem omnia detrimentum feci, & arbitror vt sterco-
 ra. Quantò magis nunc speculatores facti diuinæ gloriæ? Præmissis addere lubet & il-

*Similia ap-
ta ad confir-
mationem
dictorum.*

Heb. 4.

lud, Is qui est multoties expertus barbariem maris, non potest non compati suis amicis, qui adhuc fluctibus pelagi iactantur & vndis. Et bellū vtut dulce videtur in- expertis: tamen experti innumera eius discrimina compatiuntur vniuersis inuolutis belli malis. Itaque Sancti in cælis scientes per experientiam quæ sunt pericula militiæ hominis in terris, & quàm dubijs hîc iactamur fluctibus, velut in concitatissimo quodam pelago, quomodo (si viscera habent, vt habent, nunc ardentiora quàm vnquam priùs) poterunt non meminisse suorum, & opitulatione iuuare ipsi astantes iam throno eius, qui dominatur morti, nedum potestati maris, & motibus fluctuum eius? Et ne istud leue argumentum existimes, vtitur planè simili Apostolus ad consoliditatem spei nostræ, cōcludens ad Hebræos 4. hoc modo: Habentes ergo pontificem magnum, qui penetrauit cælos, Iesum filiū Dei, teneamus spei nostræ confessionem. Non enim habemus pontificem, qui non possit compati infirmitatibus nostris, tentatum autem per omnia pro similitudine absque peccato. Adeamus ergo eum fiducia ad thronum gloriæ, vt misericordiam consequamur, & gratiam inueniamus in auxilio opportuno. Hæc Apostolus. Quasi diceret: Christus caro nostra, vt penetravit nunc ad thronum gloriæ Dei: ita priùs tentatus est per omnia in hoc mundo sicut nos, vnde non poterit non compati nobis. Adeamus ergo cum fiducia, &c. Sic & Sancti cognati nostri & fratres penetrarunt nunc cælos ad thronum vsque misericordiæ Dei, venientes de magna tribulatione, tentati hîc per omnia sicut nos: adeamus ergo cum fiducia ad illos. Non enim poterunt non compati: Si verò compatiantur, non poterunt non intercedere, ibi præsentes, ad thronum gratiæ & gloriæ: maxime videntes Christum caput nostrum ex simili compas-
sione

sione interpellantem pro nobis. Et hinc est, quòd pietas Christi fidelium cœpit tribuere quibusdam Sanctis speciale patrociniū in certis infirmitatibus. Velut sanctæ Agathæ patrociniū in dolore mamillarū, sanctæ Apolloniæ in cruciatu dentium, sancto Rocho in morbo pestifero, alijs item aliud patrociniū: quòd ipsi in his specialiter tentati fuissent in hoc mundo, & ideo promiores ad opitulandum illis, qui ijsdem malis affliguntur.

D. Sed dixit Apostolus, Adeamus cum fiducia ad thronum gratiæ eius, scilicet Christi, non autem Sanctorū, excludens, vt apparet, inuocationem Sanctorum. *Replica.*

M. Qui officium petit à manu, vel pede, is non recedit à capite: imò in hoc ipso caput inuocat, quod dirigit manum ac pedem, vt officium præstare possent. Item qui hortatur adeundam esse Cæs. Maiest. non dehortatur, ne cubicularios, aut domesticos eius exoremus: quatenus præparent nobis viam ad eandem Maiest. causam, quæ nostram reddant sua intercessione commendatiore. Ita Apostolus adhortando, vt Christum adeamus, non prohibet ne Sanctorum petamus intercessionem. *Solutio.* Qui petit officium à manu, caput non excludit. Quin potius in multis locis ipsemet Apostolus inuocat auxilium & intercessionem Sanctorum hominum, qui in hoc mundo sunt, dicens: Obsecro ergo vos fratres per Dominum nostrum Iesum Christum, & per charitatē Spiritus Sancti, vt adiuuetis me in orationibus pro me ad Deum. Quasi diceret, Ego quidē oro ad Deum: nihilo minus tamen vos obsecro, vt me orantem adiuuetis orationibus vestris ad Deum, vt etiam vestris intercessionibus fiat apud Deum commendatio causa pro qua postulo, videlicet vt liberer ab infidelibus, qui sunt in Iudæa. *Qui petit subsidium à sanctis, Christum non excludit.* Impossibile est, inquit Hieronymus, multorū preces non exaudiri. Insuper & hoc plenu est iudicio, ac sensu communi, cum per te sis parum gratus (quia in multo plenū. *Quid impossibile. Quid iudicio plenū.*

tis offendimus omnes) iungere tibi illos, quorum non potest non esse beneplacens supplicatio. Denique valde est alienum duabus vijs patentibus ad thronum gratiæ: priore per tuas solius preces, posteriore per tuam orationem iunctam simul cum precibus ac meritis Sanctorum, nolle illam acceptare, quæ expeditior est, & plus habet efficaciam ad impetrandum. O maledictum studium superbiæ, quod ut nouum dogma statuatur, etiam sui dispendium subire satagit. Malunt enim carere intercessione Sanctorum, quam non contradicere veteri traditioni Ecclesiæ. Quo modo inuidus quidam maluit perdere unum oculum, quam non perderet duos inimicus suus. Reddat illis Omnipotens secundum studium adinuentio- num suarum nisi resipiscant.

*Maledictum
studium su-
perbiæ.*

D. Interim testatur Scriptura, quod Saluator mulierem Chananæam non exaudiuit intercedentibus Apostolis: quam tamen postea audiuit, cum accederet per semetip-
sam.

*Replica ex
facto Salua-
toris.*

M. Nequaquam hoc testatur: sed longè diuersum. Nam ad intercessionem Apostolorum sistebat gradu, faciem-
que aduertebat Christus, præbens locum mulieri per se-
metipsam orandi. Quod ex eo fit verisimile: quia Chri-
sto respondente Apostolis, adfuit illa per se, diluens ar-
gumentum denegationis.

*Matth. 15.
Solutio.*

D. Repulit nihilominus Christus discipulos interceden-
tes pro ea.

M. Verba ista Christi, Non sum missus nisi ad oves quæ perierunt domus Israël, non sunt denegantis beneficiū, sed instruents super eo, quod verum erat: nempe quod corporali præsentia, & ad beneficia quæ ea præsentia ex-
hibenda erant, primò ac potissimum missus erat ad Iu-
dæos. Sicuti & illa verba ad ipsam Chananæam, Non est bonum sumere panem filiorum, & mittere canibus, non
sunt

sunt repellentis, sed incitantis ad incrementum fidei & humilitatis, quæ est præcipua vis orationis. Licet autem Theophylactus referat eo loco Apostolos repulsam passos: noluit tamen per hoc innuere, quod Christus auer setur alienas intercessionem. Siquidem eodẽ illo momento curauit filiam absentem ad intercessionem matris. Sicuti sanauit alio tempore seruũ Centurionis, ad intercessionem domini sui ac Iudeorum: socrum insuper Petri ad petitionem eiusdem Petri & Andreæ fratris eius: denique & Lazarum suscitauit à monumento ad intercessionem sororum eius. Sed magis voluit docere Theophylactus Christum tum noluisse largiri desideratum, nisi & ipsa, quæ Iudæis athea videbatur, palam exponeret fidem suam & humilitatem, quibus orabat. Idque ad instructionem tam illorũ quàm nostram, illorum quidẽ, vt viderent quantum valeat in oratione fides cum debita humilitate: nostram verò ne ipsi segnes, nimium confidamus in alienis opitulationibus, neue simus mox animo abiecto, si primastrarum precum instantia nõ impetret, opus enim est perseuerantia. Quod sæpius ac sedulo inculcat diuus Chrysostomus, primo Homil. 5. in Matth. cap. 1. Etiam si Abraham Patriarcha pro his supplicet, qui in suis vitijs permanẽdo, immedicabiliter ægrotant, abibit Deus relinquens rogantem, ne vocem pro talibus interuenientis exaudiat. Et subdit, Nõ igitur quasi oscitantes et desides ex aliorum meritis pendeamus. Habent enim vim pro nobis, & quidem maximam, orationes supplicationesque Sanctorũ: sed tunc profectò cum nos quoque id ipsum per pœnitentiam postulamus, & ad studia meliora confugimus. Hæc Chrysostomus. Per quæ abunde satisfactum puto obiectioni tuæ ex verbis Saluatoris Matth. 15. propositæ.


D Vnus restat scrupulus. Vox Inuocatio nõne includit

cultum soli Deo debitum, vt inuocare sit votis omnibus tendere in aliquem tanquam proram ac puppim salutis tuę? Quod si ita est, ergo qui inuocat Sanctos transfert honorem Dei ad alienos.

- M.** In disciplinis tradendis vtendum est vocibus ea significatione, quam habet apud omnes. Significat autem inuoco, subsidium peto, imploro, opem postulo. Et refertur tam apud auctores linguę Latinę quàm apud scriptores Ecclesiasticos, in ipsis etiam Biblijs, subinde ad Deum, nonnunquam verò ad alia: sæpius tamen ac proprius ad Deum. Apud illos sanè sicuti legimus Deos, Iouem, vel Iunonem inuocandos: ita inuenies ab eisdem dictum, inuocare arma. Item, In auxilium aliquem inuocare. Item, Sociorum subsidium inuocare. In Biblijs verò occurrit legenti primo, Iste (scilicet Enos) cœpit inuocare nomen Domini. Deinde inuocetur super eos nomen meum, nomina quoque patrũ meorum Abraham & Isaac. Tertiò, Si sapientiam inuocaueris, & inclinaueris cor tuum prudentię. Item, Omnis quicumque inuocauerit nomen Domini saluus erit. In quibus locis vtitur Græcus textus verbo *ἐπικλήσας* quod significat imploro, inuoco, prouoco. Refertur quę tam Latina vox inuoco, quàm Græca *ἐπικλήσας* (vti clarè vides) nunc ad Deum, nunc ad Christum, nunc ad sanctos Patres, nunc ad sapientiam, qua corda instruuntur hominum: quanquam aliter Deum, aliter inuocemus Sanctos: illum quidem tota fiducia animi, tanquam auctorem salutis: istos verò vt amicos Dei, qui intercessione opitulari possunt. Quę equidem tibi fusiùs explicauimus, eam ob causam, quod nuper deprehenderimus inueteratum quendam, qui eum non posset alia via tutari suam perfidiam, contra inuocationem Sanctorum, tandem ad hoc confugit, quòd vox inuoco, ad solum Deum sit referenda, includens cul-
- tum

rum vni Deo debitum. Ideoq; Sanctos etiam si possent rogari vt nobiscum Deum exorent: nō tamen posse eos à nobis inuocari. At suscipiens tandem meliorem informationem, publicè reuocauit, & abiurauit hunc suum errorem, cum vniuersis alijs, in quibus deprehensus fuerat, agens, pœnitentiam de vesania cordis sui.

De imaginibus ac statuīs Sanctorum. CAP. XVI.

D.  Sto. Sint venerandi Sancti & inuocandi, nosque illorum intercessionibus & opitulatione adiuuari posse.

M. Esto dicis? Tu an nondum credis?

D. Credo firmiter sic esse, nec equidem latum vnguem ab ea fidei sententia discedam. Attamē videtur planè repugnare huic mandato, vt imagines Sanctorū ac statuas erigamus, idque in templis Deo dicatis. Nam dicit præceptum expressè: Non facies tibi sculptile, neque omnē similitudinem, quæ est in cælo desuper, & quæ in terra deorsum, nec eorum quæ sunt in aquis sub terra. At statua sancti Petri, indubiè sculptile est, imago insuper Mariæ virginis, haud dubiè est similitudo eius, quod in cælo esse creditur. Quod & de reliquis Sanctorum & crucis Dominicæ imaginibus confiteri debemus. Exod. 20.

M. Nemo id negat. Nihilominus Catholicè confitemur licere, quod plus est, pium esse, has imagines venerari in templis & extra templa: attamen in sensu, quem superius explicauimus, & mox plenius aperiemus.

D. Dicitur tamen in fine mandati, nō coles ea, neque adorabis.

M. Nec hoc diffitemur. Interim certi, nos nihil peccare contra mandatū Domini, cum Sanctis erigimus statuas. Primò, quia indubitatum est, & ex Scripturis euidentissimè demonstratur, Deum noluisse his verbis mandati

Statuæ Sanctorū nō cōtrariantur, mandato Dei.

Probatur

ex Scripturis Deū nō prohibuisse omnē usum imaginum.

- fui prorsus omnem vsum tollere imaginum & statuarum. Nā Moyses huius legis promulgator, ex præscripto Domini fecit statuas ac similitudines Angelorum, duos scilicet Cherubim aureos, posuitque illos in tabernaculo, in summis propitiatorij partibus. Sic enim habet textus, **Exod. 25.** Duos quoque Cherubim aureos & productiles facies, ex utraque parte oraculi. Cherub vnus sit in latere vno, & alter in altero, respiciatque se mutuo versis vultibus in propitiatorium. Insuper Salomon sapientissimus in valis templi, quod extruxerat fecit bouem, leonem, ac Cherubim sculptiles imagines, & laudē accepit à Domino: tantū abest, vt criminatione dignus propter hoc fieret. Rursus 2. Paralip. 3. sculptur Cherubim. Et in veste pontificis erant malorum puniceorum simulachra. Denique Numerorum 21. fecit Moyses serpentem æneum, posuitque eum pro signo. Et quicumque percussi à serpentibus, aspiciebant illud sculptile, sanabantur. Ecce sculptile ex præcepto Domini factum, idque in vsum propitiationis. Quando enim inspiebant hunc serpentem æneum percussi, mox sanabantur, Domino sic disponente in figuram magni mysterij. Hæc qui legit, quomodo vel somniabit, Deum in hoc mandato prohibuisse prorsus omnem vsum imaginum? An sibi contrarius Deus? Aut sui immemor Moyses, vt fieret statim transgressor legis, quam prius promulgauerat? Quis obsecro credet tempore veteris legis nullum vsum fuisse picturæ aut sculptendi artis? Secundò, quia ex his, quæ præcedunt, hoc mandatum, & sequuntur, & quæ in eodem inuoluuntur, constat luce clariùs, Dominum voluisse prohibere solum nefandum idololatriæ vsum, qui tunc temporis latè per orbem dispersus erat in sculptilibus idolorum. Ne scilicet populus, more gentium, haberet simulachra, quæ loco numinis proponerentur adoranda. Constat, in-

*Probatur
ex cõmuni
textu man-
dati nõ om-
niũ imagi-
nem fuisse
prohibitã.*

inquam, tum ex eo, quod Hebræi & Septuaginta sic legunt, Non facies tibi idolum. Quid autem significet vox idolum, vox item simulachrum, & quantum intersit inter imagines Sanctorum, & idola gentium lib. 2. circa primum articulum fidei satis explicauimus. Tu ex filo verborum textus. Dicit enim, Ego Dominus Deus tuus. Nō habebis coram me Deos alienos. Nota Deos alienos: & Coram me. Subdit, Non adorabis ea neque eoles: haud dubiè more gentium tanquam numina: quasi in aliquo alio quid nūminis sit, & nō sim ego Deus solus. Excutes præterea non indiligenter emphasim illā Pronominis Tibi, cū dicit textus secundum Hebræos quidem, Non facies tibi idolum: secundum Latinos verò, Non facies tibi sculptile. Quod perinde est ac si diceret. Non facies idolum siue sculptile in salutem tuam, siue à quo salutem, aut redemptionem, aut diuinum subsidiū quæras vel speres. Neque vrget locus quē proferunt Iconomachi ex 26. cap. Leuitici, Non facietis vobis idolum & sculptile, nec titulos erigētis, nec insignē lapidem ponētis in terra vestra. Vbi coniunctim videtur prohibere Deus & idolum, & sculptile, & titulos, & insignem lapidem: quia hæc verba similiter intelligentiā suam accipiunt ex eo quod adiungitur videlicet, Vt adoretis eum. Ego enim sum Deus vester. Ex quo adiuncto facillimū est videre, non aliud prohiberi hoc loco, quā idololatriā. Alioqui cur sine culpa manet Iosue, *Iosue 24.* qui in Sichem subter quercum erexit per grandem lapidem: nisi quia hoc non adorandianimo fecerat, quin potius, vt esset lapis testimonij. Sicūt & Samuel lapidem *1. Reg. 7.* adiutorij in memoriā dati auxiliij erexisse legitur. Et Rubenitæ & Gadditæ altare construxerant ad Iordanē, *Iosue 22.* cum lege cautum esset, ne quis altare alibi erigeret. Quæ res primū quidem malè habuit alias tribus: verū vbi

perspectum haberent, non hoc sacrificij, sed recordationis causa fecisse Rubenitas & Gadditas, placatus est illorum animus. Intelligebant enim eos per hoc non violasse legem Domini. In Scripturis itaque diligenter observanda est & causa dicendi, & sententiarum series, & Patrum usus, qui utique est fidelissimus interpret legis divinæ. Crassa Ethnicorum inscitia, idola & similitudines crea-

*Quo loco
Gentes ha-
bebant sua
simulachra.*

turarum, opera manuum suarum adorabat, velut numina, eaque tanquam deos suos colebat commutando gloriam incorruptibilis Dei in similitudinem imaginis corruptibilis hominis, & volucrum, & quadrupedum, & serpentum. Vt Paulus Romanis improperat acerrime illos coarguens: Quia mutauerunt, inquit, hoc est, trans-

Rom. 1.

tulerunt gloriam incorruptibilis Dei in similitudinem imaginis, tribuentes ipsis statuis manibus hominum factis, numen & diuinitatem: vel saltē ipsis creaturis, quarum simulachra erant, æquantas eas Deo. Quod non mi-

Psal. 113.

nus apertē indicāt verba Prophetæ dicentis: Simulachra Gentium argētū et aurū, opera manuum hominum. Os habent & non loquentur, oculos habent & non videbunt. Aures habent & non audient, nares habent & non odorabunt. Manus habent & non palpabunt, pedes habent & non ambulabunt. Similes illis fiant, qui faciunt ea, & omnes qui confidunt in eis. Ecce improperat eis Prophetæ, quod crediderint numen inesse simulachris: cum tamen nec loqui, nec videre, nec audire possent. De qua

*Christiani
non mutant
gloriā Dei
in statuas.*

materia diximus fusiùs lib. 2. Tractat. 1. Nos autem non mutamus gloriam Dei in statuas aut imagines Sanctorum. Credimus enim & scimus Diuę virginis statuam esse opus hominis ex ligno, vel lapide, vel auro, vel argento, nec quicquam habere præter naturam ligni, lapidis, auri, aut argenti. Nec secus de omnibus alijs Sanctorum statuis & figuris esse credimus & scimus. Credimus præterea

per-


personas, quarum sunt similitudines, nullo pacto deos, sed creaturas esse, à Deo factas, à Deo redemptas, à Deo tandem ad solium gloriæ suæ sublimatas, vti suprà latius expressimus. Nec habemus Sanctos in cōspectu Dei tanquam deos, aut tanquam alienos ab illo: sed tanquam illius domesticos, illius electos filios, naturæ diuinæ participes: per gratiam tamen & misericordiam eius, & per meritum Christi Domini. Hos autem sic habere coram Deo, an impium? Loquatur ergo Scriptura, quæ dicit: Hi sunt qui venerunt de tribulatione magna, & lauerūt Apo. 7. stolas suas, & dealbauerunt eas in sanguine agni. Ideo sunt ante thronum Dei (Ecce quomodo coram Deo) & seruiunt ei die ac nocte in templo eius: (nō tamen velut serui: quia seruus non manet in domo in æternum: sed velut filij ac hæredes vniuersæ felicitatis paternæ) Et qui sedet in throno, habitabit super illos. In vsu igitur imaginum quid peccamus contra hoc mandatum? Aut quid aliud facimus, quàm quod Deum ipsum facere videmus? Prohibet mandatum ne corā eo habeamus deos alienos. Porro nos non habemus Sanctos tanquā deos: sed velut diuos, neque vt alienos à Deo cæli: sed tanquā illius domesticos, sua ipsius grātia quasi deificatos. Dicit præceptum: Non facies sculptile, in quod scilicet transferas gloriam Dei, colendo ipsum more Gentium, velut tuum Deum. Nos verò facimus statuas & figuras Sanctorum, quibus non tribuimus vllam diuinitatem, sed solū repræsentationem. Nec colimus statuas propter se, sed propter Sanctos, non cultu diuino, sed eo, quo colit illos ipsemet Deus, qualem scimus conuenire illis, qui triumphos agunt de hoc mundo: non vt illis numē inesse credamus, sed vt alios adhuc in certamine positos, ad fortia facta illorum exemplo animemus, & patrocinium aliquod ab ipsis coram Deo, in cuius cōspectu magni sunt,

sunt, inueniamus. Quid hic est gentilitatis? quid vitij? aut quid agimus, quod nō est rebus & ordini planè congruum? Si quis autem inter Christianos aliter credat, aut faciat, anathema sit, fiat in combustionem ignis, deuo ret eum os gladij scindentis inter caput & scapulas, quia plusquam hæreticus est.

- D. Vti magna est simplicitas vulgi, ita quoque multus est abusus, vt timeo, in hac parte.
- M. Hoc ipsum & ego timeo. Nec infrequenter miscet se abusus in sumptibus nimijs, extraneisq̃ue figuris statuarum & imaginum, vt non ad Christianæ honestatis formam, sed ad seculi vanitatem efficta videantur. Item in falsa imaginatione quorundam de plebe, qui credunt hanc imaginem præ cæteris habere aliquid numinis, aut virtutis, vel ob pulchritudinem, vel ob deformitatem, vel nouitatem, vel vetustatem. Sed nunquid vsum bonū & sanctum improbabimus, propter incitiæ vel improbitatis abusum? Minimè. Alioqui vniuersa improbare oportebit, quòd nullius rei non sit magnus abusus. Quemadmodum superiùs demonstraui.

De vsu legitimo imaginum.

CAP. XVII.

- D. Vis igitur legitimus vsus imaginum, quem retinere ac docere oportet?
- Quis sit legitimus M. Nusquam huius materiæ facta est plenior
vsus imaginum.  instructio, quàm in Oecumenico Concilio in Nicæa Bithiniæ celebrato, contra eos qui imagines in Ecclesia damnant & reiiciūt, quos Iconoclastas seu Iconomachos nuncupamus, quod inter vniuersalia Concilia est septimum, celebratum anno Domini 781. impetrantibus Constantino & Irene eius matre, sub Pontifice Adriano primo. Cuius Concilij traditionem super hac materia collegerunt Doctores Colonenses contra

ad-

aduersarios fidei, adeo succinctè, adeoque luculenter, vt non possem ego magis. Eandem ergo Concilij tractationem, & eodem ferè modo quo Colonienfes ex ordine tibi proponam, licet pleraque iam tetigerim, vt vel tanti Concilij auctoritate magis confirmeris in fide catholica. Siquidem exponitur & declaratur in hoc Concilio venuste & ad vnguem. Principiò, Quare Ecclesia Christi à sui initio semper permiserit imagines. Deinde quomodo imagines pie colendę sint, & quis earum vsus. Vtteriùs testatur idem hoc Concilium à Manicheis, Marcianitis, & alijs hæreticis (qui fateri volebant duplicem in Christo naturam) imagines primùm vilipensas & reietas, videlicet, ne vniuersali vsu imaginum in Ecclesia cõuincerentur eius, quòd Christus Dominus verus & sensibilis homo, nobis secundum carnem & membra similis per omnia fuit. Secundo demonstrat idem Conciliũ perpulchrè vsum imaginum nullatenus pugnare cum mandato illo Dei, Non facies tibi imaginem aut similitudinem, quam adores, aut cui seruias: imò fuisse & in veteri Testamẽto à principio multas imagines & similitudines, nõ modò extra, verumetiã intra tabernaculũ & templũ. Tertiò demonstrat rē esse longè aliã, idola ethnicorum, et aliã, nostras imagines: q̃ idola fuerint dæmonibus cõstituta, quibus ethnici, et aliquoties etiã Iudęi idololatrę diuinos honores & cultus exhibuerunt: nostrę verò imagines sint, & esse debeant signa tantum, & memorialia, quibus præcipuè Domini nostri Iesu Christi incarnationis, salutaris vitę, passionis, mortis, resurrectionis, ascensionis quoque & aliorum diuinorum operum eius, reminiscamur. Sicut imago nunquam satis laudatę virginis Marię matris Dei, sit tanquam signum quoddam, quo corde expendamus, quomodo benedicta illa mater (cum fuerit humanę nostrę naturę) inuisibilem

*Qui primò
exeperint
lipendere
imagines.*

*vsus imagi
nũ non esse
contrarium
mandato
Dei.*

*Aliud idola
ethnico-
rum, aliud
imagines
Christiano-
rum.*

lem illum & omnipotentem Deum, supra captum Angelorum & hominum in suo corpore conceperit, & de sua carne carnem subministrauerit genueritque. Quapropter eam tanquam veram Dei matrem laudamus magnificamus, & supra omnes visibiles & inuisibiles creaturas extollimus. Quodque modo simili imagines Prophetarum, Apostolorum, Martyrum, & aliorum Deo dilectorum Sanctorum, sint quædam signa, per quæ diuinæ conuersationis, vitæ, passionis, & transitus eorum, tanquam in speculo quodam admoneamur, quo sic animi dilectionem & affectum, quem erga eos gerimus, aspectu imaginum ipsorum resuscitemus. Atque idcirco honor ille, quem imaginibus impendimus, non imaginibus in se consideratis, secundum suam materiam, aut etiam artificij formam: sed prothotypo ipsi, cuius memoriæ imago constituitur, impendatur. Ac proinde nos Christianos (quando corâ imagine sanctæ crucis Iesu Christi genua curuamus) non lignum ipsum, sed eum, qui in ligno propter peccata nostra mortuus est, adorare. Similiter quando imagini matris Dei, aut aliorum Sanctorum exhibemus honorem, non alligari animum nostrum, aut hære in externa figura imaginis: sed respicere in viuos illos Sanctos, qui apud Deum sunt, neque tamen ipsos etiam sicut Deos adorare, aut eis diuinus cultus impendere: sed potius nos virgini Mariæ tanquam matri Dei, & alijs Sanctis tanquam fidelibus Dei ministris, in quibus Deus gratiam suam abundè operatus est, & ostendit, quique nunc apud Deum, cui præsentés adsunt, fideliter pro nobis orant, tantum decentem illum honorem, quem Christianum & fraternum requirit officiū exhibere. Quemadmodum etiam nos mortales illos homines, qui præ cæteris intelligentia maiori, aut præclaris virtutibus ornati sunt, non immeritò præ alijs honoribus

*Honor non
materiæ
imaginis,
sed protho-
typo ipsi
deferri de-
bet.
Non crucē
lignæ, sed
crucifixum
adoramus
corâ cruce.*

ribus debitis prosequimur. Dant quoque patres in eodem Concilio similitudinem eius rei talem, Quod sicut acceptis à Cæsare literis osculamur non ceram, aut figuram sigilli, aut forte plumbum, sed tali osculo absenti Cæsari honorem deferimus. Ita nostram Christianorū mentem, quando coram signo sanctæ crucis geniculamur, aut osculum figimus, non esse ut lignum illud adoremus. Siquidem lignum illud cum vetustate marcessit aut arroditur, nihili pendimus, sed quia lignum illud quasi sigillum quoddam passionis Christi aspicimus, eius admonitione salutamus, & adoramus ipsum, qui propter nos in cōcrucifixus est. Quodque propterea, id est, propter Christum, & eius passionem signum illud crucis in Ecclesijs, in domibus, in foro, in vijs publicis, et alibi passim erigatur, statuaturque, intexatur etiam vestimentis, quo eius frequenti aspectu omni tempore, omnibusque in rebus Domini nostri Iesu Christi, & salutiferæ passionis eius simus memores. Exemplo simili (ut in eodem dicitur Concilio) quādo librum Evangeliorum (quo more & Iudæi coram libro legis se inclinant & prosternunt) osculamur non membranas, non pelles, neque literas atramento pictas, verum salutifera & sancta illa verba, quæ ibi inscripta continentur, cordis osculo amplectimur. Ad eundem modum quando ossa, aut imagines Sanctorum veneramur, non figuras externas, sed dona veneramur, quæ in Sanctis mirabiliter operatus est Deus. Laudamus pietatem vitæ eorum, nosque ipsos ad imitationem accendimus, & petimus ut eorum intercessione dignetur nos Deus adiuuare: non autem imagines ipsas, aut Sanctos tanquam Deos adoramus. Propterea crucem Christi non ita affamur, neque etiam imagines Sanctorum, dij nostri estis. Non enim sunt dij nostri: sed tantummodo similitudines & imagines Christi,

*Aptum fia
mille.*

sti, & Sanctorum eius, ad commemorationem, honorē,
& decorem Ecclesiarum venerandæ. Nam qui Martyrē
colit, Deum ipsum colit. Qui matrem Christi honorat,
ipsi Christo honorem assignat. Qui Apostolum hono-
re prosequitur, ipsum qui Apostolum misit, honorat.

Athanasius

Rursus verò in eodem Concilio dicitur ex beati Atha-
nasij verbis: Qui in alicuius typum, imaginem, aut effi-
giem ignominiosus est, in illum cuius est typus, iniuriā

Chrysostomus.

factam arbitramur. Sicut & beatus Chrysostomus in re
simili dicit: Quisquis iniuriam imagini Cæsaris irroga-
uerit, eum iam Cæsarem ipsum iniuria affecisse. Adhæc
præter illa quæ commemorauimus, docet & constituit

*Solum vera
rū historia-
rū imagines
admittēdas
esse.*

concilium ipsum, non esse constituendas in Ecclesia
imagines quā verarum & piarum historiarum, ac dein
de imagines nullo fastu seculari, nullaquē leuitate esse
depingendas, quo sic diuinam Christi saluatoris nostri,
religiosāquē & piam Sanctorum vitam, Martyrum
passionem & transitum, quorum causa formantur, aptē
representent. Citatur in iisdem actionibus inter innu-

*Basilii cō-
fiteatur.*

merabiles testes Basilii loquens in hæc verba, Quemad-
modum à Deo Christianam & inculpabilem nostrā fi-
dem, veluti hæreditario iure accepimus, sic confiteor &
in eo maneo. Credo autem in vnum Deum Patrem om-
nipotentem, Deum Patrem, Deum Filium, Deum Spi-
ritum Sanctum, vnum Deum. Hæc tria adoro & glori-
fico. Confiteor etiam filij incarnatam *diuinitatem*, deinde
sanctam Mariam, quæ secundum carnem illum peperit,
hanc Deiparam vocans. Suspicio etiam sanctos Aposto-
los, Prophetas & Martyres, qui pro me apud Deum sup-

*Sentētia no-
tatu digna.*

plicant, quo per illorū mediationem propitius sit Deus
noster benignissimus, & remissionem peccatorum mihi,
& gratiam largiatur. Quam ob causam & historias ima-
ginum illorum honoro, & palam adoro, hoc enim no-

bis à sanctis Apostolis traditum, non est prohibendum: sed in omnibus Ecclesijs nostris eorū historias erigimus. Adhuc inter alios plurimos inducitur illic & sanctus Nilus, vt qui proconsuli Olimpiadorum (qui à beato viro sciscitatus fuerat quomodo templum, quod instituerat ædificare, imaginibus ornare deberet) rescripserit ita nimirum, sanctæ crucis imaginē locandam ad Orientem: (intellige in altari, quod Orientem versus statuebatur) Propterea quod passione Domini nostri Iesu Christi, per vnicum & salutiferum lignum crucis totum genus humanum liberatum sit, & idcirco per hanc desperandis vndiq; spes salutis annūcietur. Verum hinc inde parietes replendos doctissimi pictoris opera noui & veteris Testamenti historijs: quo scilicet hi, qui literas nō norunt, neque sacram Scripturam legere queunt contemplatione picturæ in memoriam reducant, quānam fortiter vero illi Deo per virilia facta seruiuerunt, atque in certamen excitentur gloriosorum & laudatorum facinororum, per quæ cælum cum terra commutarunt. Introducuntur in eisdem illis actionibus elegantes tres Epistolæ, quarum prima est Gregorij Secundi: reliquæ verò duæ Germani Patriarchæ Constantinopolitani, prolixiores quàm vt queant huic loco totæ interferi. Quamuis, o si in vernaculam nostram linguam, propter simplices quosque plebæos, translata essent Gregorius Secundus dicit, Ecclesiæ capita & columnas permisisse imagines, quod forma Domini Christi secundum humanitatem omnium oculis præponeretur, per quam humilitatis Dei altitudinem nosceremus, & dispositionem illius incarnationis, sanctæ conuersationis, sanctæ mortis, resurrectionis quoque & ascensionis in cælum in memoriam reduceremus. Si enim, inquit, res istæ nondum contigerunt, non propter picturam significantur: si autem

Literæ Nilii de imaginibus.

Epistola Gregorij et Germani Patriarchæ eleganter astruunt usum imaginum. Sententia Gregorij Secundi de usu imaginum.

DE DECALOGO

*Sententia
Germani
de imaginibus.*

Ante imagines luminaria accendi quatenus bonum.

cuncta contigerunt, magnumque hoc pietatis mysterium est, utinam fieri posset, ut & cælum & terra, & aqua, & quicquid in eis est, siue per voces, siue per colores, siue per picturas, omnibus ea possent narrari. Germanus vero in secunda epistola talem de rebus istis præbet informationem. Verum, inquit, non offendat quenquam, quod ante Sanctorum imagines lumina, & sua uolentia thymiamata accenduntur. Symbolicè enim ista fieri non lignis, aut lapidibus ipsis, sed in honorem illorum opinandum est, quorum cum Christo requies, quorum honor ad ipsum recurrit: Hoc ipsum testante sapiente Basilio, quod erga conseruos bonos honor, erga ipsum Dominum commune beneuolentiæ signum exhibet. Sensibilia enim lumina, symbolum sunt, immaterialis illius & à Deo dati luminis. Aromaticum autem incensio, sincerum & totum Sancti Spiritus afflatum & repletionem significat. Idem ille Germanus testatur eadem epistola, Deum sæpe mirifica designasse miracula hominibus, qui ad imitationem imaginum ardenti erga Deum & Sanctos eius, affectu commoti fuerunt. Inter plurima, quæ illic recenset, dicit reperiri apud Eusebium Pamphili scriptum, in Ecclesiastica eius historia extitisse Panneadæ (quam & Cæsaream Philippi Euangelium vocat) proforibus doctoris lib. 7. mus mulieris illius sanguinis profluuium laborantis, quæ tactu fimbriæ Saluatoris fuerat à profluuium liberata, imaginem ex ære fusam, quæ Domini nostri effigiem representaret. Ex aduerso autem aliam statuam eiusdem mulieris genibus prouolutæ, palmasque ad ipsam Christi Saluatoris imaginem, tendentis, ad pedes vero imaginis Christi, herbam quandam peregrina & ignota speciei succreuisse, qua omnium morborum genera fuerunt curata. Quod ipse Eusebius oculis suis se uidisse affirmat. Eundem præterea Eusebium allegat scribentem se, ima-

Ad præsentiam imaginum designari miracula à Deo.

Eusebius de imaginibus Saluatoris lib. 7. cap. 14. Hist. Eccles.

Vidit Eusebius imagines Saluatoris, & Apostolorum ad viuū depictas.

gines

gines ipsius Domini nostri Iesu Christi, Apostolorum
 item Petri & Pauli ex coloribus depictas vidisse ad viuā
 eorum speciem. Ac tandem ita concludit Germanus ille *Conclusio*
 epistolam suam. Hæc autem non diximus, quod arbitre *Germani.*
 mur nobis circa ærearum statuarum operositatem labo-
 randum: sed tantummodo vt admoneamus veterem
 consuetudinem non esse reiiciendam. Testantur quo-
 que actiones septimi illius Concilij patres qui sexto vni-
 uersali Concilio Constantinopoli habito, interfuerunt; *Concilium*
 concordī sententia declarasse & definiuisse Christianū *Constanti-*
 & pium esse vsum, vt in Ecclesia seruetur imago agni *nopolitani*
 Dei, quem Ioannes Baptista digito demonstrauit. Quo *approba-*
 per eam recordemur, Christum Dominum nostrum se- *uit vsum*
 cundum humanitatem fuisse verum illum agnum, & *imaginem.*
 esse, qui tollat peccata mundi. Quod quæ posthac in ima- *Cur imago*
 ginibus pro veteri agno Iudæorum erigi, possit & de- *agni Dei*
 beat noui agni talis figura, ac nos eiusmodi imaginibus *seruari de-*
 ad recordationem salutaris illius mortis, quam in carne *beat.*
 sua Christus pertulit manu ducendos. Verba Canonis
 sexti illius generalis Cōcilij, sicuti in septimo recitatur, *Verba Con-*
 sunt ista; In quibusdam venerandarum imaginum pictu- *cilij Con-*
 ris, agnus digito Præcursoris indicatus, qui in typum *stantinopo-*
 gratiæ est assumptus, verum illum nobis per legem præ- *litani.*
 significatum agnū Iesum Christum indicat. Veteres igitur
 typos & vmbas veluti veritatis symbola & præfigu-
 rationes Ecclesiæ traditas, amplexantes, gratiam & veri-
 tatem veneramur. Tandem in septima illa Oecumenica *Conclusio*
 Synodo in hæc sententiam concluditur, quod oporteat *eiusdē Con-*
 nos Ecclesiasticas traditiones siue scripto, siue consuetu- *cilij super*
 dine in Ecclesia retentas (quarum de numero sit imagi- *hac mate-*
 num effiguratio, quibus in hoc vtimur, vt recordemur, *ria.*
 & affectu amplectemur res significatas) vnanimiter &
 inuiolabiliter obseruare: quod quæ eiusmodi imaginibus

DE DECALOGO

honor debeat exhiberi: non quidem ille qui Deo debetur, quæ latrām appellamus, soli quæ suo creatori à creaturis omnibus debet exhiberi: sed tantum is qui fit in recordationem. Quemadmodum & typo veneranda ac viuificantis crucis, & sanctis Euangelijs, & reliquis sacris oblationibus, suffitus facimus, & luminaria reuerenter accendimus, prout veteribus piè hoc in consuetudinem adductum fuisse, idem Conciliū testatur. Sic enim sanctorum nostrorum patrum obtinere disciplinam, & traditionem catholicæ Ecclesiæ, quæ à finibus vsque ad fines Euangelii suscepit: Damnat quoque eos omnes, qui ausi fuerint aliud sentire aut docere, aut more impiorum hæreticorum Ecclesiasticas traditiones contaminare, aut nouam quandam vaniloquentiam inducere, aut quicquam de consecratis in Ecclesia ad cultum aut recordationem Dei (qualia sunt crux, & imagines, & veræ Sanctorum reliquiæ) abijcere: denique & illos, qui sacratis Deo rebus, tanquam vilibus & profanis vtuntur, cum ampliori istorum explicatione, uti in Decreto ipso, & subscriptionibus Episcoporum est videre. Atque hæc vniuersalis Concilij definitionem receperunt comprobaueruntque omnes illius temporis Patriarchæ, & catholici Episcopi, tam Orientalis quam Occidentalis Ecclesiæ, uti in epistolis Synodicis (quæ in eisdem actis reperiuntur) aperte satis est videre. Fili, si de his plura cognoscere volueris, videas Ioannem Damascenum lib. 4. de fide Orthodoxa cap. 17. Et beatum Gregoriū in Registro lib. 7. epist. 53. ad Secundinum Episcopum. Et lib. eiusdem epist. 109. ad Serenū Massiliensem Episcopum. Et lib. 9. epist. 9. ad eundem. Hæc prolixius quidē de imaginibus & veneratione Sanctorum, quæ conueniebat: sed tamen necessariò huic loco inferenda erant, propter temerarios huius seculi, qui Sanctorum memoriam à nobis

Ponitur cō
demnatio
eiusdē Con
cilij contra
rebelles.

bis prorsus sublatam volunt, id quæ potissimum per hoc primum mandatum Decalogi.

De comminatione Dei, quam subiungit primo suo mandato.
CAP. XVIII.

M. **E**go Dominus Deus tuus fortis zelotes, Deus *Exod. 20.*
æmulator, &c. repetit autem id, Ego Dominus *34.*

Deus tuus, ut iteratione demonstraret hanc esse unam ac sufficientem causam, cur sibi præ omnibus, amor, cultus, seruitus, & obedientia debeantur. Quod verò addit fortis zelotes, &c. ad terrorem quidem facit eorum, quos parum mouet sola præceptio: ad maiorem verò pro- uocationem eorum, qui spontanei existunt. Quasi dicat, Grauius fero, non sine extrema indignatione, si quis à fide mihi debita ad idololatriam desciscat, aut obedi- entiam, quam mihi iure debet, mutet in inobedientiam, qualem commutationem, mei contemptum meritò iu- dicare possum.

D. Mirabilis locutio hæc, Ego fortis zelotes, æmulator magnus: mirabilius autem quod sequitur, visitans ini- quitatem patrum in filios in tertiam & quartam genera- tionem. An iniquitas apud Deum, ut puniat filios, qui non peccauerunt, propter iniquitatem patrum?

M. Quod dignatur se vocare zeloten nostri is, cuius com- paratione, nos vix guttula sumus ad immensitatem vasti maris, utique summa est admiratione dignum. Sur- git autem (ut nosti) zelotypia non de vulgari, sed quasi nimio amore. Nam zelotypum vocamus eum, qui vx- orem adeo ardentè amat, ne dicam, deperit, ut ægrius fe- rat quempiam illi oculum porrigere, aut blandius loqui, aut propius assidere, nec faciliè eam, nisi se præsentem, in pu- blicum progredi permittit, non sanè aliam ob causam, quàm quia riualem metuit, propter pulchritudinè eius,

seque solum amari ab ea satagit, prout ipse totus est in amore illius. Est autem frequentissima in Scripturis, præsertim Prophetarum, collatio, qua sese comparat Deus marito: animam verò, seu synagogam, vel Ecclesiã, spon-
sæ: fidem denique maritali coniugio, quemadmodum videre est Hieremiæ 3. Osee 1. 2. 3. Amos 7. & Matthæi 22. in parabola illâ Euangelica de nuptijs, quas rex parauit filio suo. Ideoque Deus zeloten se vocans, appositè exprimit & amorem, quo est erga fideles sibi, & zelû, quo zelatur desertores sui, potissimum eos, qui in idolatriam defecturi sunt. Quantum verò ad vocem, Fortis, superadditam, exprimit pereleganter Esaias cap. 28. quanta fortitudine sit fortis Deus zelotes dicens: Ecce validus & fortis Dominus, sicut impetus grandinis turbo confringens, sicut impetus aquarum multarum inundantium, & emissarum super terram spaciosam. Talis autem est indignatio Domini contra præuaricatores, maximè huius primi mandatj. Itaque non solum zelotes: sed & fortis, nec fortis tantum: sed vindex in fortitudine, idque ex nimio amore cuiusdam zelotypiæ, quo nos prosequi dignatur.

D. Quantum ad alteram partem quæstionis meæ.

M. Resoluam tibi & istam difficultatem. Quid est, in-
Exech. 18. quit Dominus per os Ezechielis prophetæ, quòd inter vos parabolã vertitis in prouerbium istud in terra Israël, dicentes: Patres comederunt vnam acerbam, & dentes filiorum obstupescunt? Viuo ego dicit dominus Deus, si erit vltra vobis parabola hæc in Prouerbium in Israël. Ecce omnes animæ meæ sunt. Vt anima patris, ita & anima filij mea est. Anima quæ peccauerit, ipsa morietur. Hæc prophetia facta de tempore noui Testamenti promittit, quòd non amplius filij punientur propter peccata parentum, damnatione exilij à regno cælesti, aut lon-

ga captiuitate Babylonica, alijsque seruitutibus. Sicut Tobias, qui licet bonus esset & sanctus à iuuentute sua, seruiuit tamen seruitutem difficilem inter Chaldaeos propter peccata parentum. Sic etiam seruierunt Daniel, Misael, Abdenago, Esdras, Nehemias, Hieremias, & vniuersi, qui fuerunt ante Christum. Quia omnes debuerunt sustinere, quamlibet iusti essent, si non terrenam afflictionem, saltem lamentabile illud exilium à regno caelesti, quod inuexerat mundo peccatum primi parentis Adæ. Sed hoc erit, (scilicet à tempore Christi) Anima quæ peccauerit, ipsa morietur: Primò in se, sublato spiritu vitæ: deinde morte damnationis. Quæ verò benefecerit, illa salua erit, & à morte sua, & ab omni exilio, quod commeruerat parentum iniquitas. Non enim amplius iniquitas parentum, plaga inuoluet filios, neque filiorum peccatum plaga feriet parentes: nisi illi paternæ iniquitatis emulatores fuerint, aut isti nimia sua indulgentia negligentiaque perdiderint illos. Vti factum legitur in He 1. Reg. 2. 4
li sacerdote & filijs eius.

D. Veruntamen videmus etiam nunc, quod plaga super communitatem inuoluet bonos cum malis, filios cum parentibus, & nonnunquam multò magis feriat posteritatem, quæ non peccauit, quàm antecessores, quorum scelere prouocata est indignatio Dei.

M. Hoc dum fit, non ideo fit, vt vnus puniatur pro iniquitate alterius, aut filius pœnas luat patris: sed quia omnes peccauerunt, & egent poculo absinthij ad purgationem iniquitatum suarum: quo si non egent, tamen utilis est eis afflictio, sub tribulationibus mundi huius, propter varias causas, occultas quidem, sed tamè iustas. Vnde ad Corinthios sic inquit Apostolus: Ne magnitudo reuelationum extollat me, datus est mihi stimulus carnis meæ, angelus Sathanæ, qui me colaphizet. Quod

2. Cor. 12.

sancti scriptores intelligunt de stimulo afflictionum, quas patiebatur Apostolus in carne, ne magnitudo reuelationum extolleret eum. Vnam indicaui causam, tamen plures esse possunt, & sunt, propter quas boni & innocentes Christiani affliguntur in hoc mundo, simul cum malis, vt merces eorum sit eò copiosior in cælis.

D. Qua igitur ratione subiungitur huic mandato, quòd Deus punit parentum peccata in filijs vsque in quartam generationem?

N. Obseruabis hoc loco voces istas, zelotes, Visitans ad se relatas, & Qui oderunt me, hoc est, auersi sunt à me ad deos alienos: (ipsa enim talis auersio velut odium includit eius à quo auerteris) Dicit enim textus, Ego fortis zelotes visitans siue puniens iniquitatem, &c. id est, visitans non quocunque modo: sed ad instar eius qui ardenti zelo accensus seuerè animaduertit iniquitatem suorum, non quidem studio exterminandi, sed reducendi ad officium. Visitans autem iniquitatem non quoruncunque sed patrū in filijs, hoc est, in parentibus inchoatam, & in succedentibus generationibus continuatam. Et clarè videbis hunc esse sensum textus, Ego fortis zelotes amoris zelo succensus, visito quidem auersos à me in virga ac flagellis vsque in tertiam ac quartam generationem, non autem vltra. Nam eousque patienter quidē expecto ad resipiscentiā: Verūm si æstuantis amoris mei flagellis sæpius visitati, non obediant, si obsurdescant, pertinaciterque pergant ad quartam vsque generationem, non adijciam vltra, vt amore zelans visitem eos: sed deferam abijciamque eos, auertens zelum meum ab eis.

Ezech. 16. Quemadmodum apud Ezechielem dicit Dominus ad Hierosolymam, Propterea auferetur zelus meus à te, & quiescam, nec irascar amplius. Quasi diceret, Cessare faciam iram meam in te, & recedet zelotypia mea à te,

id est, extremis supplicijs afficiam te, nec te amabo amplius. Qualis profectò subtractio zeli Dei à nobis, est velut extremum irreconciliabilis indignationis supplicium. Quamdiu enim zelat nòs Deus, & zelando visitat, tamdiu ex ardenti amore adhibet increpationes, minas, verbera, dolòres, cum sanè ob finem, vt sic demonstreret cui obsequi oporteat, sicque reuocet nos ad se, iuxta illud Hieremix: Dolo ac flagello castigaberis Hierusalem, vt ne discedat à te anima mea. Non igitur aliud insinuat hoc loco, quàm quod Deus erga populum suum sibi fide velut iugali copula sociatum, haud secùs affectus est, atque maritus erga vxorem. Cuius si incipiat suspectam habere castitatem, eò quòd auertit se ad alienos, zelotypia afficitur, zelansque monet eam, corripit, castigat, flagellat, secundò, tertio, ac quarto, vt reuocet ab incepto, sibi que soli seruet. Quo pacto si nò proficiat, eiecit tandem velut inemendabilem, projicitque longè à facie sua in perpetuum. Haud enim dissimiliter agit Deus cum populo suo. Nam si filius fiat imitator patris iniquitatis: similiter & nepos ac pronepos, non ob hoc statim abiicit, ac perdit: quin potius zelo amoris zelando visitat eos monitis, minis, plagis vsque ad tertiam & quartam generationem: si forte hoc pacto reuocet. At si nec sic quidem reuocare potest, tandem longa (quod aiunt) ferit virga, hoc est, penitus & in æternum totam huiusmodi progeniem tam auersatricem, tamque adulteram derelinquit. Adeo vt verba textus simul insinuèt & miram abundantiam diuinæ bonitatis ac patientiæ in eos qui malè agunt, & horrendam extremi mali comminationem, in eos, qui pertinaciter nimia patientia Dei abutuntur. Priùs quidem in eo quod dicit se Deum zelotem, hoc est talem amatorem, qui nullum in amore fert riualem: & zelotem visitantem iniquitatem patrum

in tertiam ac quartam generationem. Nam visitatio zelantis fit ad eos quos præ amore corrigibiles habet, & tanquam suos tractandos iudicat, vel laude, vel munificentia, vel correctione, vel plagis: nunc leuius, nunc durius pro meritorum exigētia: alienos enim & abiectitios non visitamus. Posterius verò in eo quòd non promittit visitationem, nisi vsque in quartam generationem: quasi exinde non debeat expectari, nisi desertio, desolatio, diuinique zeli sui subtractio. Veruntamen nō dicit textus expresse sermone, post quartam generationem non miserebor amplius. Nimirum ideo, ne quis vnquam desperet, etiamsi secūdò, tertio, ac quarto & sæpius, iterauerit rebellionem, quod plus est, etiamsi producta fuerit iniquitas, in secundam, tertiam, ac quartam vsque generationem & vltra. Minime itaque dicitur hoc loco, quòd Deus sit puniturus filiū vel innocentem, vel eadem malitia nocentem propter peccatum patris, vt peccent alij, peccatum luant alij. Nam etiamsi filij patratores paternę iniquitatis, nempe odiētes Deum, (vt textus inquit) hoc est, auertentes se ad deos alienos, haud secus atque patres eorum, grauissimè à Deo flagellentur: tamen omnis plaga, qua temporaliter visitantur, minor est quàm sua idolatria requirit, nimirum diris æternisque cruciatibus digna. Non igitur flagellatur tum filius supra proprię iniquitatis meritum. Quamuis nonnunquam multò durius castiget Deus posteros, quàm erat factururus, si nō ita producta esset, adeoque continuata eadem patrum impietas ad nepotes vsque vel pronepotes. Quasi diceret Deus inter visitandum: hac vos, hac & patres vestri, hac insuper auia ac proauui vestri fuistis impietate contra me: certè feriā vos adhuc semel, & id quidē acriter pro meritis vestris: quòd si tum quoque vltra addideritis vos, vel filij vestri, auferam zelum meum à vobis. Quapropter

non

non est contrarius locus iste illi Prophetix Ezechielis
vbi dicitur. Filius non portabit iniquitatem patris, & pa- Ezech. 18.
ter non portabit iniquitatem filij: sed iustitia iusti super
eum erit, & impietas impij erit super eum. Quandoqui-
dem Ezechiel illa sua sententia & redarguit & prophe-
tat. Redarguit quidem superbiam populi sui dicentis, se
non ob suam, sed patrum suorum iniquitatem premi
captiuitate alijsque plagis: Quasi diceret, Non est vt vos
in prouerbum vertitis: sed ipsi vos vestra impietate mul-
tò grauiora commeruistis quàm patimini. Prophetat au-
tem de tempore Christi, quòd scilicet nullatenus inuol-
uet filium regeneratum in Christo iniquitas patris, li-
cet eo vsque omnis filius, quantumcunque liber ab om-
ni peccato actuali, originali, mortali, veniali: tamen ali-
quatenus portare debuit iniquitatem primi parentis, su-
stinens exilium à regno felicitatis, propter peccatum
Adæ. In Decalogo verò pollicetur Deus, quòd more ze-
lantium, præ nimio amore visitabit impietatem populi
sui deficientis ad idololatriam, arguendo, corripiendo,
flagellando etiam in filiis eorum vsque ad tertiam & quar-
tam generationem, si se similiter auertant atque patres:
verùm non vltra. Exinde fortè abiecturus eos, sicuti so-
lent abijcere irrecuperabiliter offensi. Quòd autem di-
cit, vsque in tertiam ac quartam generationem, ideo est:
quia solent patres nonnunquam suis oculis videre ter-
tiam ex se ac quartam generationem: Quemadmodum
de Iob dictum est. Et vidit filios vsque in quartam gene-
rationem. Si igitur patres senserint se suosque filios vs-
que ad quartam generationem cælitùs corripimur, ac
plagis zelantis Dei, ob commissam idololatriam: nec ta-
men vlla tanguntur resipiscentia, iam certè indigni sunt
tam ipsi, quàm posteri, quos amplius zelo zeletur om-
nipotens Deus, cui facile est vel de lapidibus suscitare
alium

aliud populum bene subditum sibi. Addit verò, Et faciens misericordiam in millia his qui diligunt me, & custodiunt præcepta mea. Quæ verba (quoniam dicitur in millia sine addito) intelliges qua possunt plenitudine, nempe in millia generationum, hoc est, etiam in milliesimam vsque generationem, in millia retributionum, in millia temporum, ætatum, seculorum, & quicquid his amplius dici potest. Nam quemadmodum zelus amor, seu zelus amatis erga filios subtractionis terminum habet, ita puræ charitatis dilectio, omnino finem nescit ac modum. Legi ego plurimos ex vetustissimis patribus circa istum locum: verum si hunc dicendi tramitem tenueris, proximè attinges Germanum sensum litteræ. Nec poterunt deinceps quicquam mutire contra Deum hæretici, qui vetus Testamentum non recipiunt, vel ob hunc locum malè intellectum. At pergamus nunc ad secundum mandatum.

Elenchus Capitū Tractatus Tertij.

M Agis vetitum esse noua lege quàm veteri, ne iuremus.	
Cap. I.	
De quibus nominibus loquatur istud mandatum.	Cap. II.
De iurationibus & periurijs.	Cap. III.
De tribus comitibus iuramenti liciti.	Cap. IIII.
Quam habeat vtilitatem & religionem iuramentū legitimū.	Cap. V.
Quomodo & quæ ratione liceat iurare per creaturas.	Cap. VI.
De periurio & dolosis iurationibus.	Cap. VII.
Epilogus huius præcepti cum aliquot quæstiunculis.	Cap. VIII.
	Tracta-

Tractatus tertius.

Magis vetitum esse noua lege quàm veteri, ne iuremus. CAP. L.

- D. Ec iures vana per ipsum.
- M. **N** Bene. Verùm in lege quid scriptũ est? quomodo legis?
- D. In Exodo legitur, Non assumes nomẽ do- Exod. 10.
mini Dei tui in vanũ. Nec enim habebit infontem Do-
minus eum, qui assumpserit nomen domini Dei sui
frustrà. Et in Deuteronomio sic præcipitur, Non vsur- Deut. 5.
pabis nomen domini Dei tui frustrà: quia non erit im-
punitus, qui super re vana nomen eius assumpserit.
- M. His adde illud Leuitici, Non periurabis in nomine Leuit. 19.
meo, nec pollues nomen Dei tui: ego Dominus.
- D. Sed hæc omnia sunt veteris legis.
- M. Sic est. In noua autem lege habemus. Audistis, quia di- Matth. 5.
ctum est antiquis. Non periurabis: reddes autem Domi-
no iuramenta tua. Ego autem dico non iurare omnino,
neque per cælum: quia thronus Dei est, neque per ter-
ram: quia scabellum pedum eius est, neque per Hieroso-
lymam: quia ciuitas est magni regis, nec per caput tuum
iuraueris: quia non potes vnum capillum album facere
aut nigrum. Sit autem sermo vester, est, est: non, non:
quod autem his abundantius est, à malo est. Hæc Salua-
tor apud Matthæum. Rursum Iacobus Apostolus in epi-
stola sua Canonica sic præcipit: Ante omnia autem fra- Iacob. 5.
tres mei nolite iurare, neque per cælum, neque per terrã,
neque aliud quodcunque iuramentum. Sit autem ser-
mo vester, est, est: & non, non: vt non sub iudicio deci-
datis.

D. Videntur sane plus ponderis ac rigoris habere hæc no-
uæ legis, quàm illa veteris.

M. Igitur memineris præceptum de non iurando, po-
tius esse Euangelicum mandatû, quàm Legale: & qui-
dem nunc obseruatu magis necessarium, quàm tempore
Que pro- legis. Constat autem per dictas Scripturas expressè præ-
hibeantur ceptum esse. Primum non assumere, siue vsurpare nomen
hoc manda- Domini in vanum vel frustra. Secundò non polluerenomen
to. Domini. Tertiò non peierare in nomine Domi-
ni. Quartò non iurare omnino neque per calum, ne-
que per terram, neque per capillum capitis, & , vt addit
Iacobus Apostolus, Non iurare quodcunque iuramen-
tum.

D. An ergo plures sunt prohibitiones super vsurpatione
nominis Dei?

M. Sunt quidem plures, sed citra inconuenientiã. Quia
Multe pro- omnes tendunt ad idem, vnumque efficiunt mandatû.
hibitiones, Cæterum immoremur paulò exactiùs, verbis Decalogi.
tanẽ vnum Interroga tu, & ego tibi singulorum rationem reddã,
efficiunt mã- cum ex Scripturis, tum ex traditione Patrum.
datum.

D. An sit aliquid mysterij in verbis istis Decalogi, vsur-
pare, & assumere sibi?

M. Iuxta phrasim communem, maximè Iurisprudentiæ
Quid vsur- & Theologiæ habent hæc duo non nihil in se vitij. Im-
pare, quid portant enim vsum rei cum quadam temeritate, præter
assumere. ordinem iuris, debitamue permissionem. Nam qui iure
aut legitima concessione re aliqua utitur, is non vsurpat
secundum Iurisconsultos: is etiam non assumit, neque
sumit sibi vel accipit secundum phrasim Euangelicam,
Matth. 26. quæ patet ex illo Saluatoris: Omnes qui acceperint gla-
Heb. 5. dium, gladio peribunt. Et ex illo Apostoli: Nec quisquã
sibi sumit honorem, &c. Duo igitur hæc continent in se
aliquam ordinis & veritatis perturbationem: quæ si fiat

circa

circa altissima illa, primæque dignitatis principia, nempe Deum & diuina, & hoc in vanū aut frustrā, non potest esse sine culpa: etiamsi nonnunquam fiat sine crimine, aut piaculo, vt infra audies. Et quoniam hic dicitur, Non usurpabis, siue non assumes, sic simpliciter sine addito: ideo simpliciter, & in latitudine sua intelligendum venit mandatum hoc modo. Non assumes vllō modo, nimirum neque in sermone tuo, neque in scriptis tuis, neque in iuramentis, neque in detestationibus, aut execrationibus, aut maledictionibus tuis, neque quocūq; alio modo, in vanum, aut frustrā.

Quare dictū est, Nō assumes simpliciter, et sine addito

D. Secundo, quid dicitur Vanum, & quid frustrā?

M. Vanum dicitur secundum Aristotē, quod nihil in se habet, vnde posset rationabiliter referri ad aliquem finē honestum, aut vtilem. Frustrā verò dicitur, quicquid præter necessitatem est, & fructu caret utilitatis, nec vllū habet officium honesti. Porro quod utili honestoque repugnat, vt malitia, falsitas, turpitudine, hoc sic est frustrā, sicque vanū, vt nulla ratione, nullius quoque contemplatione poni posset in ordine, aut ratione officij. Igitur plusquam vanum: quia sceleratum vanū, maior animaduersione dignum, quàm ea quæ sunt in priori genere vanitatis. Sicut stultum est omne, id quod ratione caret. Qui verò in fatuitate cordis sui agunt, non modo præter rationem: sed etiam sceleratè, hi non solum subannandi sunt velut fatui: sed & fustibus corrigendi, & nonnunquam exterminandi. Quisquis igitur prohibet stultitiam, multò magis prohibet sceleratam malitiam: quia insit illi nocentissima stultitia. Tu nūc collige.

Qui præcipit ne nomen Domini assumatur in vanum, multò magis præcipit ne assumatur super rem mala aut scelerata.

D. Igitur qui prohibet, ne quis usurpet nomen Dei super re vana, is multò magis prohibet ne assumat super malitia, aut falsitate, aut turpitudine, aut alia quavis re scelerata.

M. Rectè.

M. Rectè. Quoniam istis & vanum inest cum scelere, & scelus cum vanitate.

De quibus nominibus loquitur istud mandatum.

CAP. II

D. Quid de quo nomine loquitur mandatum?

M. **D**e nomine quod obicit, sub quo innotescit, veneraturque Deus aut Christus Dominus, qui Deus est & homo: siue sit nomen naturæ, vt Deus, Viuens, Qui est, &c. siue nomen personæ, vt Pater, Filius, & Spiritus Sanctus, Iesus, Christus, Emanuel: siue nomen maiestatis, vt Omnipotens, Dominus, Rex gloriæ, Triumphator in Israel: siue officij, vt Saluator, Redemptor, Mediador: siue nomen alicuius rei, per quam redemptio facta est, vt Crux sancta, sanguis Christi, mors Christi. Nec debet quispiam dubitare, quin hæc & similia sint vera nomina Dei: quandoquidem significant id quod Dei est, Deoque proprium manet.

D. Neque ego de hoc quicquam dubito: verum an Diuorum nomina, itidem Sacramentorum gratiarum, plagarum, & omnium denique creaturarum, sint hic computanda inter nomina Dei, adeo vt qui temerè iurat per diuinam virginem, vel per animam suam, vel per pestilentiam, sit prævaricator huius mandati?

*Ant nomina
Diuorū pla
garū, crea
turarū sint
cōputanda
inter nomi
na Dei.*

M. Fili, Duo hic aduertenda sunt: primum, nomina esse signa rerū, nihilque hic dici de nominibus ratione sui, vt voces sunt in aerem prolata: sed ratione rerum significatarum: secundum, textum mandati non dicere hoc modo, Nomen quod dominum Deum significat non usurpabis, &c. sed sic, Nomine domini Dei tui: quod scilicet aliquo modo est Dei, vel ratione impositionis: quia significat quid diuinum, vel ratione rei significata: videlicet si res significata aut yunionem habeat cum Deo, vti certum est de Sanctis, aut dependentiā gubernationemque.

nemque recipiat ab eodem, vt res omnes huius mundi, aut sunt instrumenta quibus vtitur Deus, siue ad saluationem bonorum, siue ad vindictam malefactorum. Verum non dico hæc, quasi putem contentiosè laborandum in hac parte, an nomina Sanctorum, per quæ sæpe iuramus, item nomina Sacramentorum, plagarum, & omnium creaturarum sint reductiuè computanda hîc inter nomina Dei: adeo quòd censeri debeat peccasse contra hoc mandatum Decalogi, quicumque vanè iurat per sanctam Mariam, per cælum, per terram, aut per Sacramenta. Alijs hunc sudorem relinquo. Certum est, Scripturam sua fertilitate crescere, & quod minùs, aut omnino non satis expressè dixit in vno loco, hoc plenius expressiusque docet in alijs locis. In hoc sanè secundo mandato Decalogi, nihil de iuratione aut periurio nominatim agitur: sed prohibitio requirit, vt sic æstimemus in corde, sicque veneremur Diuinitatis numen, vt ne appellationem quidem ipsius vsurpemus, aut assumamus in vanum aut frustra. Iuxta illud quod in precatione Dominica docemur orare, Sanctificetur nomen tuum. Idque eam ob causam, quòd tanta sit diuinæ celsitudinis maiestas, vt non solum venerandum sit ipsum numen, sed & ipsius numinis appellatio: adeo, vt assurgat quisque venerabundus, ad ipsam statim vocem Diuinæ laudis, prædicationis, vel appellationis: nedum ad numinis præsentiam: nullamque ferat, faciæque nominationem Dei, nisi in licitis & honestis, idque debita cum veneratione. Adeo, vt potissimum: ac in primis prohibeatur hoc mandato Decalogi, vsurpationes diuini nominis super rebus falsis, turpibus aut sceleratis, quibus inest aut mera falsitas, aut vanum cum scelere vel turpitudine: siue iurando id fiat, aut peierando, siue aliter. Est igitur mandatum Decalogi generale, prohibens, ne vnquam vsur-

Crescit Scriptura sua fertilitate.

Quid expresse prohibeat hoc secundum mandatum.

pemus nomen Dei in vanum : non solum in iuratione, sed neque in detestatione vel execratione, aut stultiloquio, aut scurrilitate, neque in quacunque alia re vel asserenda vel detestanda: nihil disponens, an iurare liceat per nomen Dei, maximè in rebus serijs ac necessarijs, nihilque præscribens de nominibus creaturarum, aut de ratione vel modo, quo per illa iuratio fieri possit.

De iurationibus & periurijs.

CAP. III.

M.



Alijs autem scripturis expressè atque nominatim vetantur periuria Leuitici 19. & Matth. 5. dicente Salvatore: Iterum audistis, Non periurabis. Et Apostolus 1. ad Timoth. 1. Iusto, inquit, nō est lex posita, sed impijs, &c. Subdit, Mendacibus, & periuris. Patet igitur periuriū sub suo nomine diuina lege prohibitum esse. Nihilominus etiam prohibitum est iure naturæ. Nihil enim adeo naturali rationi est contrarium, atque Deum, qui est prima veritas, supremaque maiestas, producere in testem falsitatis, vel eius quod iniquum est, impium, vanum, aut frustratorium. Vnde constare potest, quod periurium habet adeo conuolutam in se malitiam, vt nullo casu, nulla necessitate, nullius quoque finis contemplatione fieri possit sine iniuria maiestatis diuinæ. Ideoque semper crimen siue piaculum est: nisi actus imperfectio, aut surreptio, aut inaduertentia, aut simile quid malitiam facti extenuet, vt infra dicitur. De iurationibus autem, quæ sūt passim per nomen Dei, vel Sacramenta, aut creaturas, quid dicant aliæ Scripturæ nunc audiamus. Saluator noster terribiliter intonat apud Matthæum, tanquam auctoritatem habens, hoc modo: Audistis, quia dictum est antiquis, Non periurabis: reddes autem Domino iuramenta tua. Ego autem dico vobis non iurare omnino:

neque

*Periurium
habet cōuo-
lutā malis-
tiā, sic iura-
tio super
re vanā per
nomen Do-
mini.
De iuratio-
nibus quæ
sūt per Sa-
cramenta
aut crea-
turas.
Matth. 5.*

neque per cælum, quia thronus Dei est: neque per terram, quia scabellum est pedum eius: neque per Hierosolymam, quia ciuitas est magni regis: neque per caput tuum iuraueris, quia non potes vnum capillum album facere aut nigrum. Cui dicto Saluatoris con-^{Iacob. 5.} sonat illud Iacobi Apostoli: Ante omnia fratres mei, nolite iurare, neque per cælum, neque per terram, neque aliud quodcunque iuramentum. Nota autem quòd dicit vniuersaliter, Neque aliud quodcunque iuramentum. Et addit vltèrius tam Saluator quàm Apostolus eius. Sit autem sermo vester, est, est: non, non: quid autè his abundantius est, à malo est. Iacobus quoque adijcit, vt non sub iudicio decidatis. Ex quibus verbis maximè Saluatoris consequi videtur: primò, non esse iurandum per Sacramenta: quoniam vasa sunt gratiæ Dei, & vberima nostræ salutis subsidia: neque per Euangeliũ Christi: quoniam verbum Dei est, & pabulum vitæ: neque per nomina plagarum: quia instrumenta sunt vindictis iustitiæ Dei: neque per vllam omnino creaturarum, quoniam omnes subseruiunt voluntati diuinæ, non minùs quàm terra, quæ dicitur scabellum pedum eius: omnes quoque & esse habent, & veritatem à Deo: adeo vt nemo vnum capillum capitis sui posset facere album aut nigrũ, vel vnũ arboris ramũ in aliã transferre qualitãtẽ.

- D. Sed & consequi videtur ex eisdem verbis, planè omne iuramentum, omneque iusiurandum esse prohibitum. Ita enim illatio apparet bona. Ego dico, non iurare omnino. Item, Nolite iurare quodcunque iuramentum, vt non sub iudicio decidatis: Ergo non est permissum iurare, vel iusiurandum vllum interponere, etiam si exigaris coram tribunalibus.

- M. Ne sis festinus fili: solet enim decipere apparentia fallax. Hæresis est valdè scelerata, asserere Christianis planè

*Hæresis est
dicere esse
iuramentũ
illicitum.*

prohibitum esse omne iuramentum. In qua hæresi olim fuerunt Vvaldenses, Cathari, Pseudoapostoli: nostro autem seculo Anabaptistæ siue Catabaptistæ. Rursum hæresis est non minùs scelerata, asserere, quòd liceat & iurare simul & peierare ex causâ. Cuius erroris notæ sunt olim Priscillianistæ, prout constat ex libr. August. de hæresibus. His enim semper in ore erat, Iura, penura, secretum prodere noli. In quo errore fuerunt & illi, qui se Apostolicos solent appellare, vti constat ex sermone Bernardi 65. 66. super Cantica. Tu autem caue tibi ab vtrisque. In vtroque enim extremorum est vitium: virtus autem in medio consistit.

D. Mallè profectò non esse, quàm hæreticus esse. Verùm

An in ver- **anne in istis verbis tam Saluatoris, quàm Apostoli eius,**
bis Saluato sit prohibitum omne iusiurandum?

ris & M. Hæc quæstio similis est illi, qua quæritur, an in hoc
Apostoli verbo legis, Non occides, sit prohibita omnis interfectio
prohibea- hominis? Si sic, cur ergo dicit alia Scriptura, Maleficos
tur omne non patieris viuere? Sin minùs, cur mandatum pronun-
iusiurandū. ciat simpliciter, Non occides? Simili modo, si simpliciter
Exod. 22. prohibitum est per Saluatorem & Apostolū eius quod-

Psal. 62. cunque iuramentum, cur igitur dicit alia Scriptura? Lau-
Hierem. 4. dabuntur omnes qui iurant in eo, Et alibi: Iurabis, viuic

Dominus, in veritate, & in iudicio, & in iustitia? Item,
Deut. 6. dominum Deum tuum timebis, & illi soli seruias, ac
per nomen illius iurabis? Contrà, si aliquo modo iurare
licet, cur tam absolutè pronunciat Saluator, Ego autem
dico vobis non iurare omnino? Et Apostolus eius, Ante
omnia fratres mei, nolite iurare, neque per cælum, neq;
per terram, neque quodcunque aliud iuramentum?

D. Ista sanè augent quæstionis meæ difficultatem. Et
nos inter hæc tam pugnantia, quid sequemur?

M. Veritatem.

D. Rectè. Sed quæ est ista veritas?

M. Dicam. Occidere contingit multis modis malè: vno autem modo bene: nempe, si fiat auctoritate publica, secundum ordinem iuris. Sic contingit iurare multis modis malè: vno autem modo bene, scilicet si fiat in veritate, in iudicio, in iustitia. Vnde iuramentum his comitibus vestitum non est prohibitum.

Iurare fit multis modis malè, vno autem bene.

D. Apparet igitur quòd liceat iurare, & non liceat iurare, quæ sibi contradicunt.

M. Malè colligis: sed consequitur ex præmissis, quòd certo quodam modo liceat iurare: non autem quocunq; modo, vel quodcunq; iuramentum. Quemadmodum in certo casu licet occidere: verum non licet occidere quocunq; modo, siue quacunq; ex causa: neque est hîc aliqua contradictio. Itaque sicut occidere in genere est prohibitum, Sic & iurare in genere acceptum, est prohibitum. Porro, in specie illa quæ cohonestatur debitis circumstantijs, adeo vt subintret ordinem veræ virtutis, fiatq; actus religionis, planè licitum est, imò præceptum.

Occidere in genere prohibitum, in certa specie præceptum.

Exo. 22.

Iurare licet in genere

D. Et istud sanè nouum est in auribus meis, prohiberi quid in genere: & tamen idem illud licere in specie.

fit prohibitum, tanè in

M. Nihilominus te tuisq; auribus multò est antiquius.

certa specie sanctè

D. Nónne valet argumētum à remotione generis, ad remotionem cuiuslibet speciei?

fieri potest

M. Omnino, quamdiu species manet in familia illius generis. Sequitur enim, Non est virtus, ergo nec fortitudo, nec iustitia, &c. Similiter bene consequitur, Non est iuratio, ergo nec periurium, nec iusiurandum. Vt autem rem probè intelligas, animaduerte ad hæc similia. Multa licent in genere, quæ prohibita sunt in specie. Nam appetere pecuniam, sic in genere acceptum, nihil habet vitij. Porro appetere vsurariè, est iniustitiæ vitium. Sic generare prolem in genere, quid quæso habet mali? tamen ge-

nerare extra sanctiones matrimonij, vel adulterium est, vel fornicatio. Simili modo, multa in genere rationem habent vitij & offensionis, quæ in certa specie naturam induunt virtutis ac meriti, veluti abscindere membrum corporis, si nihil addas, tyrannidem sonat: verum abscindere membrum putridum, quod contagione perderet totum, prudentiæ opus est & charitatis. Abijcere merces, quid aliud est quam meræ fatuitatis factum? Cæterum abijcere in necessitate, vt corpus salues, magnæ est circumspeditionis, & laudem habet. Similiter occidere hominem in genere dictum, grande malum sonat: quo turbatur ordo, læditur charitas, damno afficitur Respublica, auctori denique naturæ non modica irrogatur iniuria. Porro occidere maleficum ex auctoritate publica, actus est iustitiæ, nonnunquam imperatus à charitate. Et hanc ob causam diximus suprà, valere quidem argumentum à remotione generis, ad remotionem speciei: quamdiu species manet in familia illius generis. Quando enim in particulari casu trahitur species extra suum genus, ad speciem aliquam virtutis: vt quando Prætor exequitur in aliquem supplicium mortis, tunc ingreditur eiusmodi interfectio familiam iustitiæ, propter modum quo fit, per determinationem scilicet iudicij: deinde propter finem, ob quem fit, nempe ne impunitas malorum perdat totam Rempublicam: tertio propter auctoritatem ex qua fit, quæ est à Deo, in cuius potestate sunt omnia. Vti est videre ad Rom. 13. Vnde non rectè infertur, Mandatū Dei habet, Non occides, ergo magistratus non potest interficere malefactorem. Et eodem prorsus modo dicendum est in hac materia, nempe iurare in genere, hoc est, necdum cohonestatum suis commitibus, Iustitia, Iudicio, Veritate esse prohibitum: quia continet irreuerentiam & vilipendium siue contemptū

*Iurare per
nomen Dei
in genere
continet
quandā irreuerentiam.*

numinis. Siquidem res indigna est, producere primam illam & altissimam maiestatem, ad testificandum super rebus perituris huius mundi, citra necessitatem, aut absque debita reuerentia. Veluti si plebæus vellet regiam dignitatem producere testem super suis minutulis negotijs, quis non culparet factum? Porro quando iurare trahitur ad genus religionis per tres istos comites Iudiciũ, Iustitiam, & Veritatem: tunc vocatur iusiurandum siue iuramentũ legitimum, potiùs quàm nuda iuratio, omnibusque licet. Quapropter non consequitur, Prohibitum est iurare, ergo & iusiurandum aut iuramentũ cohonestatum tribus illis comitibus. Cũ dicat Propheeta, Iurabitis, viuit Dominus in iudicio, & iustitia, & veritate.

De tribus comitibus iuramenti liciti. CAP. IIII.

M. **N**on equidem ego, sed beatus Hieronymus interpretando Hieremiam, vocat iudiciũ, iustitiam, & veritatem, comites iuramenti, quos legitimũ iuramentum semper secum habere debet, vt ijsdem cohonestatum ponatur in ordine religionis.

D. Verũ quid per ista tria significatur?

M. Per iudiciũ intelliges circumspectionem siue discretionem, quomodo in populari colloquio iuxta phrasim quandam dicimus, loquaris cum iudicio, siue nihil dixeris sine iudicio, hoc est, loquaris prudenter, circumspectè, siue discretè. Iurare igitur in iudicio, est discretum esse & circũspectum in iuratione. Primò ne fiat diuinæ maiestatis inuocatio super re vana aut fabulosa, nec etiã super re alicuius momenti absque notabili necessitate, deficiente scilicet alia via confirmandi veritatẽ. Secundò, vt fiat debita cum reuerentia, aperto scilicet capite, &c.

Quid per iudiciũ intelligitur.

Quid iurare in iudicio.

*Quid per
iustitiā in-
telligitur,
& quid iu-
rare in ius-
titia.*

Per iustitiam verò intelliges æquitatem rei, tam in se, quàm in ordine ad alium, vt res super qua iuratur, sit licita, ac iusta in se, nec iniuriosa alicui. Qui enim iurat super scelere, aut iniquitate, aut turpitudine, aut cum iniuria proximi, illius iuratio non cohonestatur iustitia. Vltimò, adhibenda est iuramento veritas, vt in ore iurantis non sit mendacium, aut falsitas, simulatio, vel dolo: sed correspõdeat veraciter sermo rei, & res sermoni: vnum quoque & idem sit foris in voce, & intus in mente, ac voluntatis proposito. Quæ quidem tria ornamenta siue comites si adsint, constituunt iurationem in ordine virtutis, efficiuntque legitimum iusiurandum. Cæterum si vel vnum ex dictis tribus desit, statim illicitè iuratur, quocunque modo iuretur, aut ex quacunque causa. Si desit veritas, fit periurium, quod prohibetur Leuiti. 19. Non peierabis. Si desit iustitia, vehementer polluitur nomen Dei, contra præceptum illud: Neque pollues nomen domini Dei tui. Si absit iudicium, fit præuaricatio mandati, Non assumes nomen Dei tui in vanū.

*Pulchra cõ-
sonantia
Scriptura-
rũ in prohi-
bitione iu-
ramētōrũ.*

Vt igitur intelligas Scripturarum consonantiam, Exo. 20. religiosè prohibetur quæcunque vsurpatio nominis Dei in vanum aut frustrā. Non enim habebit insonantem Dominus eum, qui assumpserit nomen domini Dei sui frustrā. Quæ comminatio vt probè euitetur, docet Hieremias iurandū esse in iudicio discretionis, quo excluditur quicquid vanū est, aut leue, aut frustraneū: Iterum Leuiti. 19. expressè prohibetur periuriū, & pollutio nominis Dei. Quorum vtrunque per se, & secundum se malum est. Hieremias autem, vt tam hoc quàm illud malū vitetur, docet iurandū esse in iniustitia & veritate. Ad hæc, quoniam in frequenti iuratione, assiduaque nominatione Dei, maximum est periculum iniquitatis, vt Sapientia ostendit dicens: Iurationi non assuescat os tuum: multi

*In iuratio-
ne multi
sunt casus.
Eccles. 23.*

multi enim casus in illa. Nominatio autem Dei non sit
 assidua in ore tuo, & nominibus Sanctorum non admi- *Causa ob quam prohi-*
 scearis: quoniam non eris immunis ab eis. Sicut enim ser- *buit Salu-*
 uus interrogatus assidue, à liuore non minuitur: sic om- *uator iura-*
 nis iurans, & nominans in toto à peccato non purgabi- *re omnino.*
 tur. Vir multum iurans implebitur iniquitate, & non
 discedet à domo eius plaga. Et alibi, Loquela multum *Eccles. 27.*
 iurans, horripilationem capiti statuet: & irreuerentia ip-
 sius obthuratio aurium. Hucusque Sapiens. Ideo plena
 & expressa voce vetat Saluator iurare omnino, siue quo-
 cunque modo. Et Apostolus eius Iacobus iurare prohi-
 bet quodcunque iuramentum: nimirum vt hoc pacto
 fiamus quam alienissimi ab omni iuratione, propter ca-
 sus & pericula quæ sunt in illa. Vnde beatus August. ex
 factis Apostolorum, qui leguntur in suis scriptis iurasse,
 ostendit dictum Saluatoris, videlicet: Dico autem vobis
 non iurare omnino, sic accipiendum esse, ne scilicet iu-
 rando ad facilitatem iurandi perueniatur: & ex facilita-
 te iurandi, ad consuetudinem: ex consuetudine verò in-
 periurium decidatur. Nam in iurando, etiam qui verum
 iurat, propinquat periurio, vnde longè abest, qui omni-
 no non iurat: & quamuis non peccet qui verum iurat,
 remotior tamen est à peccato, qui non iurat. Vnde ad-
 monitio non iurandi, conseruatio est à peccato periurij.
 Illud quoque quod positum est, omnino, ad hoc posi-
 tum esse, vt quantum in te est, non affectes, vt quasi pro
 bono, & cum aliqua delectatione appetas iusiurandum.
 Hæc August. sparsim in diuersis locis. Addit lib. 19. con-
 tra Faustum Manichæum cap. 23. Itaque & Apostolus
 in sermonibus quos habuisse narratur, nunquam iura-
 uit: ne iurandi consuetudine aliquando vel nescius in
 periurium laberetur. In Scripturis autem vbi est confide-
 ratio maior atque perpensis, pluribus locis iurasse in-

uenitur, ne quisquam putaret etiam verum iurando peccari: sed potius intelligeret humanæ fragilitatis corda, non iurando tutius à periurio conseruari.

D. Qua igitur de causa Saluator tam prohibet rigorosè, Ego autem dico vobis non iurare omnino?

M. Iam diximus. Primò, vt humanæ fragilitatis corda nō iurando tutius à periurio, alijsque periculis, quæ sunt in iuratione, præferuentur. Secundo, vt intelligat vnusquisque iurare in genere, siue quocunque modo vniuersis esse prohibitum: quamuis nihilominus liceat facere iusiurandum, siue eam iurationem, qua iuratur in iudicijs, qua fœdera ligantur, qua subditi magistratui subijciuntur, qua lites inter fratres finiuntur, qua denique res seriæ multumque vtilis confirmantur (quales iurationes fiunt cum iudicio, in iustitia, & veritate) sine quibus consistere non potest mortalium conuictus.

Quam habeat vtilitatem & religionem iuramentum legitimum.

CAP. V.

M.
Iuramentū
finis est con-
trouersiarū
Heb. 6.

Iurare legi-
timè per
Deum, est
Deū colere
actu reli-
gionis.

Estatur Scriptura, quòd iuramentum est finis omnis controuersię hominum ad confirmationem, scilicet veritatis. Finire autem controuersias hominum, stabilire quoque veritatem, alioqui incertam & ambiguam, res est utilis in moderatione Reipublicę, imò planè necessaria: sine qua tribumalia non subsistunt, & deficit omnis veritatis inquisitio. Si quis ergo alijs medijs finiendi controuersias deficientibus, confugiat ad inuocationem nominis Dei, per iusiurandum siue iurationē, is facto suo confitetur apud Deum esse euidentem omnium rerum inspectionem, & irretractabilem attestationem veritatis. Quare si iuret quis bene, hoc est, debito modo, scilicet cum iudicio, in iustitia, & veritate, indubiè colit Deum, tanquam primam

nam & infallibilem veritatem, quæ nec falli potest, nec fallere. Quapropter huiusmodi iuratio nequaquam digna est criminatione, sed laude & remuneratione. Hinc dicit Scriptura, Laudabuntur omnes qui iurant in eo. Et iterum. Iurabis, Viuit Dominus in iustitia, &c. Item, Illi soli seruius, & per nomen illius iurabis. Quæ Scripturæ indubiè intelligendæ sunt de iureiurando, prout actus est religionis: cò quòd solus actus virtutis cadat sub præcepto, & Dei commendatione. Lex enim spiritus sapientiæ intellectus, scientiæ, & consilij nihil præcepit temerè aut imprudenter agendù: sed in omni executione præcepti affirmatiui intelligenda est circumstantia prudentiæ, iustitiæ, & veritatis. Neque idem spiritus agit aut loquitur per sanctos Dei homines, quòd legitur iurasse, Dei quoquo modo aduersetur. Est autem certum, primum patres & Patriarchas veteris Testamenti multoties iurasse, & fœdera iunxisse sub sacrosanctis iurationibus, patet Genes. 21. 31. Iudic. 21. 1. Reg. 24. ac infinitis alijs locis. Deinde & Apostolum Christi Paulum iurasse haud infrequenter in suis epistolis. Ad Rom. 1. 2. ad Corinth. 1. ad Philip. 1. 1. ad Thessal. 2. qui tamè Spiritu Sancto plenus, non potuit non esse memor doctrinæ magistri sui Saluatoris. Tertiò ipsummet Deum iurasse: & cum non haberet maiorem se, iuravit per semetipsum, ad Hebræ. 6. & Genes. 22. & idem testantur Psalmi. 88. 94. 109. Vt autem de hominibus taceam, certè in Deum nullum cadit omnino malù. Debet igitur tibi, omnibusque Christianis esse certissimum, quòd liceat iurare in causa iusta, super veritate eius: modò nò fiat leuiter, sed ex necessitate, cum debita reuerentia, sic vt actus iurandi, verè religionis naturam induat.

Quomodo & qua ratione liceat iurare per creaturas. CAP. VI.

D. Scri.

D.



Cripturæ iam inductæ, sanctorumque exempla satis conuincunt, quod liceat sub certis conditionibus per nomen Dei iurare: verum, credo plus difficultatis habere, an liceat per creaturam iurare.

M.

Genes. 42.

Id licitum esse, patet: quia testatur Scriptura, quod Ioseph, qui erat exemplar pudicitie, ac sanctimonie, iurauit per salutem regis Pharaonis: nec reprehenditur: & Apostolus Paulus per gloriam fratrum.

D.

Attamen non esse licitum, apparet ex verbis Saluatoris, Ego autem dico vobis non iurare omnino, neque per cælum, neque per terram, neque per caput tuum.

M.

*Quomodo
liceat &
quomodo
non liceat iu-
rare per
creaturam.
Iurare per
creaturam
more Iu-
deorum ma-
lum est.
Matth. 23.*

Benè replicas. Accipe ergo distinctione veritatis. Contingit iurare per creaturas, more Iudeorum, qui credebant iurare per templum, per aram, aut per cælum, nihil esse, neque ligare hominem: iurare autem per aurum templi, aut donum altaris, aut thronum Dei, multum esse, atque hominem teneri periurij, si non seruasset tale iuramentum. Quod utique malum est, & erroris plenum. Redarguit enim huiusmodi homines Saluator cum stomacho dicens: Væ vobis duces cæci, qui dicitis, Quicumque iurauerit per templum, nihil est: qui autem iurauerit in auro templi, debitor est. Stulti & cæci, quod enim maius est: aurum, an templum quod sanctificat aurum?

Et quicumque iurauerit in altari, nihil est: quicumque autem iurauerit in dono quod est super illud, debet. Cæci, quod enim maius: donum, an altare quod sanctificat donum? Qui ergo iurat in altari: iurat in eo, & in omnibus quæ super illud sunt. Et quicumque iurauerit in templo: iurat in illo & in eo qui habitat in ipso. Et qui iurat in cælo: iurat in throno Dei, & in eo qui sedet super eum. Secundò contingit iurare per creaturas more stultorum Christianorum, vt credamus tale iuramentum:

plus

plus ligare, quàm quod factum est per nomē Dei: quales homines similiter redarguit beatus Chrysostomus *Chrysost. in tractans præfatū locum Saluatoris, Multa enim, inquit, cap. Matth. & modò Christiani simpliciter, & insipienter intelli- 23.* gunt. Ecce enim si aliqua fuerit causa, modicū videtur facere, qui iurat per Deum: qui autem iurat per Euangelium, magis aliquid fecisse videtur: quibus similiter dicendum est: stulti, Scripturę sanctę propter Deum sunt, non Deus propter Scripturas. Maior est enim Deus, qui sanctificat Euangelium, quàm Euangelium, quod sanctificatur à Deo. Ita & reliquę creaturę factę sunt propter Deū, non est autem Deus propter illas. Vnde maius debet esse iuramentum factum per Deum, quàm per creaturam. Tertiò contingit iurare per creaturas more Gentilium: quasi insit eis aliquid numinis, aut habeāt occultam inspectionem, vel indubitātā testificationem rei. Quo modo iurare grande malum est, & plus quàm *iurare per creaturas more Gentilium malum* periurium. Est enim peccatum idololatrię, commutans est. cultum incorruptibilis Dei, incorruptibilem creaturam. Omnis enim qui iurat, colit ac veneratur id quod iurat. Quid enim aliud est iurare per Deum, quàm ius veritatis confirmandę Deo tribuere? Iurare per Deum (inquit beatus August.) est testem adhibere Deum, idem valens atque istud, testis est mihi Deus. Tribuere autem ius veritatis confirmandę idolis dæmoniorum, quid obsecro aliud est, quàm perniciosissima idololatria? Tribuere verò confirmationem veritatis mutis ac sine sensu creaturis, vt soli, lapidi, capiti, templo, an non est insanire, potius quàm errare? Lapis neque hominem scit, neque cordis secreta vlla inspectione attingere potest: illi ergo tribuere ius veritatis latentis in scrinio cordis, dicēdo: Ego Ioannes iuro per caput, aut per saxum, verum esse quod dico: an non hoc ipsum facere, est saxo stupidiorem esse?

D. Tamen Christiani passim iurant per Euāgelium, & sanctos Dei. Et (vt dixisti) Ioseph iurauit per salutem Pharaonis.

M. Siste modicum, donec pergā in cōcepta distinctione. *Iuratur bene per creaturas more Sanctorū.* Quartò contingit iurare per creaturas more Sanctorū, & iuxta consuetudinem receptissimā in Ecclesia. Quod quidem licitum est cum hoc pietatis intellectu: vt intentio iurantis sit, Deum in creatura sua adferre testem, nō ipsam secundum se creaturam, prout beatus Augusti. docet, Hoc esse iurare per creaturam, creatorem eius testem adhibere: sicuti fit in iuramentis assertorijs, vel creaturā ipsam Deo obligare: vti fit in iuramentis execratorijs.

Dupliciter iuratur per creaturam licitè:

Augusti. sermo. 28. de verbis Iacobi, Ante omnia nolite iurare.

Hinc diuus Augusti. Cū quis iurat, inquit, per salutē suā, salutem suā obligat Deo. Cū quis iurat per filios suos, eosdem oppignorat Deo, vt hoc eueniat in caput eorum, quod exit de ore ipsius. In omni ergo iuratione per creaturam, vel Deus creator testis adhibetur, vel creatura Deo obligatur siue oppignoratur, vt hoc sit iurare, Deum testem adhibere, vel Deo aliquid oppignorare. Nemo igitur potest iurare per creaturas, nisi intelligat iurando, vel se testem inuocare creatore in creatura, (quod ipsius veritas in ea reluceat) vel creaturam se oppignorare Deo.

D. Ergo licet hoc modo iurare, Per animam meam hoc vel illud faciam.

An liceat iurare M. per animā.

Nondum dixi quòd liceat sic iurare, neque etiā quòd non liceat: sed hoc dixi, nisi fiat isto modò, bene fieri nō posse. Nam si alio modo fiat, obnoxium est aut infidelitati & idololatriæ, aut stultitiæ & stupiditati. Nunc autem dico & tibi, & mihi, & omnibus hominibus licere iurare per creaturas: sed modo iam supradictò: vt scilicet accedant prænominati comites, iudicium, iustitia & veritas. Alioqui qui per lapidem iurat falsum, periurus est:

In iuratione per creaturas debet adesse tres comites.


quo-


quoniam non lapidem, qui non audit, sed eius creatorē adhibet testem, qui omnium rerum inspectionem habet. Sic quoque de alijs dices. Sancti autem quicunque per creaturas iurasse leguntur, intelliguntur à beato Augusto. & alijs iurasse modo iam dicto. Et secundum hanc *utilis distinctionem*, discernes diuersa Doctorum scripta prohibentia, vel concedentia iurationem per creaturas. Nā quæ prohibent, intelliguntur de creatura secundum se, & de modo quo passim sine iudicio iuratur, peieraturque. Quæ verò concedunt, intelliguntur de creaturis, non secundum se: sed prout in eis relucet Deus, prima veritas, adhibitis debitis circumstantijs suprà enumeratis.

D. Quid igitur dicemus de prohibitione Saluatoris? *Quid dicē dū ad prohibitionem Saluatoris vetantis iurare per creaturam.*
Matth. 5. & Apostoli eius Iacobi. 5.

M. Hoc ipsum quod diximus prius, videlicet per illam prohiberi iurationem, siue per creaturam fiat, siue per Deum: iurationem dico, simpliciter & in genere acceptam, hoc est, quamdiu nō accedunt prænominati tres comites trahentes in ordinem virtutis. Adde si placet ex Magistro Sententiarum, ideo iurationem per creaturam esse à Saluatore & Apostolo eius prohibitam, ne vel aliquid diuinum inesse creaturis crederetur, pro quo eis reuerentia debeatur: vel ne per eas iurantes falsum homines, se iuramento non teneri putarent: utque exacta seueraque prohibitione fierent homines quàm alienissimi à praua consuetudine iurandi per creaturas: quia multi casus in illa. Pergamus nunc ad alia.

De periurio, & dolosis iurationibus. CAP. VII.

D.  N quicunque iurat malè, statim periuriū committat?

M.  Nequaquā. Sed quicunque iurat aliter quàm oportet, aut peierat, aut polluit nomen domini Dei sui.

Non quicūque iurat malè, periurus est, sed quicunque iurat falsum.

Per-

Quid sit Peririū diffinitur esse mendatiū, aut fallacia iuramēto peririū. firmata. Licet enim multæ sint deformitates in malis iurationibus: tamen illa præcipuè cōstituit speciem peririij, quæ cōtrariatur proprio fini iuramēti. Est autē proprius finis iuramēti, cōfirmatio dicti humani: ita q̄ ad hoc directē Deus inducitur testis, vt quod asseritur, siue promittitur, firmū sit, sultū diuino testimonio, multò plus q̄ si esset sultum testimonio mille hominū quantūcūq; grauium. Vnde periurus est, qui iurando asserit mendacium. Nam mentiri adhibita iuratione peririū est. Itē periurus est, quicūque iurando promittit se facturum, quod intendit non facere. Qui autem promittit sub iuramento veraciter, & absque dolo: tamen postea non seruat promissum, mutato animo, ille ex quo iurauit, non erat periurus: sed ex quo propositum mutauit, & terminum transgressus est, iuratio eius facta est peririū. Qui autem iurat falsum syncerè, putans verū esse, quod iurat, iste non ex animo peierat, (inquit August.) sed fallitur. Verū qui iurat super turpitudine aliqua, aut ini-

Iuratio sua per turpitudinem, aut iniquitatem, magis est pollucere nomen Domini q̄ peierare.

quitate, aut re vana, vel citra mendacium: is magis polluit, aut prophanat nomē domini Dei sui, quā peierat.

D. Quid si quis iuret nolens seipsum obligare, aut verba sua aliter intelligens, quā intelligit is, cui iuratur?

M. Quacūque arte verborum quis iuret: Deus tamen (qui conscientia testis est) ita hoc accipit, sicut ille, cui iuratur intelligit, atque alius vir prudens intelligeret. Dupliciter autem reus fit, qui dolose iurat: primò, quod nomen Dei in vanum assumit: secundò, quod proximū dolo fallit. Is autem qui iurat nolens seipsum obligare, tamen est periurus, vt vix alius posset magis.

D. Quid si quis incautē iurando promittat, quod magis de incertis aut expedit aut necesse est non facere: veluti si quis promittat se vindicaturū de suo inimico, idq; sub iuramēto?

M. Re-

M. Respondet tibi Ambrosius dicens: Est contra officiũ Dei nõnunquã promissum soluere (siue reddere) Sacramentum. Vti Herodes fecit, dando puellæ saltanti caput Ioannis Baptistæ in disco, eò quòd iurauerat se daturũ, quodcunque illa peteret. Nam cũ peteret malum, debebat ille rescindere promissum. Vnde pro regula tradit doctus Isidorus, In malis promissis, rescinde fidem. In turpi voto, muta decretum. Quod incautẽ nouisti, ne facias. Impia est promissio, quæ scelere adimpletur. Non enim est obseruandum Sacramentum, quo malum incautẽ promittitur. Vt si quis adulteræ perpetuam fidem cũ ea permanendi polliceatur: tolerabilius enim est non implere Sacramentum, scilicet iuramenti, quàm permanere in stupro. Idem dicendum de eo, quod à principio quidem non erat malum: sed postea obseruatum, peiorẽ vergit in exitũ. Vnde Beda doctõr venerabilis: Si quid, inquit, nos incautiũs iurare contigerit, quod obseruatum peiorem vergat in exitũ, liberẽ illud salubriori consilio mutandum nouerimus, ac magis instante necessitate peierandum esse nobis, quàm pro vitando periurio in aliud crimen grauius esse diuertendum. Denique iurauit Dauid per Deum occidere Nabal virum stultum: sed ad primam intercessionẽ Abygayl fœminæ prudentis remisit minas, reuocauit ensẽ in vaginam, nec aliquid culpæ se tali periurio contraxisse doluit. Ex quibus faciliẽ colliges tria. Primum, eum qui propter iuramentum emissum facit quod iniquum est, aut turpe, aut sceleratum, dupliciter peccare: tum quia irreligiõsẽ iurauit: tum quia facit quod non debuit. Secundum, eũ qui incautiũs iurat quod postea in deteriore vergit exitum, peccasse quidem incautẽ iurando: sed bene agere, non implendo quod iurauit. Tertium, qui bona fide, & corde bono iurauit aliquid, at postea deprehendit hoc

Ambrosii. in lib. 1. de Officijs.

Isidorus in lib. 2. Synonymis.

Iuramentũ vergẽs postea in deteriore exitũ rescindendũ est.

Beda Homil. 43.

1. Reg. 25.

ipsum magis impedire salutē quā promouere, ille nec malē egit iurando, & optimē agit postea mutādo, quod

An ligetur iuramento promissum erat: Sed quid apparet tibi de his, qui dolose iurant, tenenturne iuramento suo?

to qui dolose iurauerunt. D. Omnino. Fraus enim & dolus nemini patrocinari debent.

Regula iuris.

22. *Quest.* M. Sic habet regula iuris. Vnde in Decreta Pontificum relatum est, quod dicit Isidorus, Quacunque arte verborum quis iuret, Deus tamen qui conscientiae testis est, ita hoc accipit, sicut ille, cui iuratur, intelligit. Maxime si huiusmodi iuramenta fiant coram tribunalibus, & iuris ordine, alioue legitimo modo exacta fuerint. Peccat nihilominus grauissimē, quicumque in iudicio dolose iurat: siquidem & Deum quasi irridet & iudicem fallit, & veritatis inquisitionem turbat, & id vnde tota salus reipublicae pendet, hoc est, iudicium publicum subuertit. Tu ergo tecū perpende, quā graue sit tale delictū.

An liceat aliū cogere ad iuramentum. D. Ego igitur nesciens quid proximus meus facturus sit, an eum in causa legitima cogere possum ad iurandum?

In ser. de periurijs. M. Respondet beatus August. dicēs: Qui exigit iurationem, multū interest, si nescit illum iuraturum falsum, an scit. Si enim nescit, & ideo dicit, iura mihi, vt fides ei sit, non est peccatum: tamen humana tentatio est. Si vero scit eum fecisse, & cogit eū iurare, homicida est. Qui enim prouocat hominem ad iurationem, & scit eum falsum iuraturum esse, vicit homicidā: quia homicida corpus occisurus est, ille animam: imō duas animas, & eius animam, quem iurare prouocauit, & suam.

Augustin. ser. de decoll. sancti Ioannis. 22. *Quest.* animam, quem iurare prouocauit, & suam.

5. Ille qui hominem.

Epilogus huius praecepti cum aliquot quaestiuiculis. CAP. VIII.

D. Vnc summatim. Qui obsecro peccant contra istud mandatum?

M. In primis periuri ac blasphemī, & quicumque;

nomi-

nomnibus diuinis Sanctorum aut creaturarū abutuntur in iurationibus, in execrationibus, maledictionibus, incantationibus, aliſue generibus ſaſcinationum. Item, qui inuocāt nomen Dei in attestationem turpitudinis, aut ſceleris perpetrati, vel perpetrandi: & hi indubiè ſlagitium committunt, hoc eſt, magnum & horrendum peccatum, æterna damnatione vindicandum. Adhæc, delinquant contra iſtud mandatum, omnes qui iurationem faciunt in vanum aut fruſtrā, aut ſine debita reuerentia per Deum, per fidem, per ſanctam Mariam, per ſanctum Ioānnem, aut per alios quosuis Sanctos, per ſanguinem Chriſti, vulnera, crucem, aut mortē eius, per animam ſuam, vel caput ſuum, aut nobilitatem ſuā: & hoc in ſtultiloquio, aut turpiloquio, aut ſcurrilitatibus ſuis, aut denique citra neceſſitatem, vllāmue iuſtam vtilitatem.

D. Domine, ſi iſti omnes violant præceptum Dei, vbi *De cōſuetudine iurādē an excuſet.* Gallus? vbi Italus? vbi Flādrus? vbi Vveſtſalus? vbi quæſo parebunt, quibus vix tertium de ore labitur vērbum, abſque dira aliqua iuratione? Niſi fortaliſis conſuetudo ſic agendi eos excuſet.

M. Vt in omnibus ſerè peccatis, ita & in iurationibus al-
leuiant culpam ſurreptio, perturbatio, inaduertentia, actus imperfectio, metus, coactio: praua autem conſuetudo nequaquam: Nam ſi ſemel peieraſſe, aut alioqui impiè iuraſſe polluit nomen Dei; multò magis polluet, feciſſe hoc ipſum ſæpius, maximè autem feciſſe ſine numero, & ex conſuetudine.

D. Interim, non puto grande delictum eſſe, iuraſſe in *iurare leuiter in vanū* vanum, ſiue leuiter, vt paſſim fit.

M. De hoc iudicēt alij. Ego certè vehemèter perpendendū ſentio, & timendū, q̃ omnipotēs Deus ſubiūxit huic mādato, dicēs: Nō enim habebit in ſontē Deus eū, qui aſſum *an grāde ſit peccatum.*

pferit nomen domini Dei sui frustra. Et Deuteronomij
 5. Non enim erit impunitus, qui super re vana nomen
 eius assumpserit: & illud quod addit diuus Iacobus, in-
 quiens: Vt non sub iudicio decidatis. Hanc censuram
 viuētis Dei, atque Apostoli eius, & mihi, & tibi, & om-
 nibus Christianis, modis omnibus præcauendā sentio?
 Quod utique fiet, si sermo noster, tam in serijs, quàm in
 ludicris fuerit est, est: non, non. Nam, quod his abūdan-
 tius est, à malo est: non utique malum, sed à malo, sic af-
 firmante Salvatore nostro. Circa quā Saluatoris do-

*De verbis
 Saluatoris
 quod am-
 plius est à
 malo est.*

*Iusiurandū
 cōputari de-
 bet inter ea
 quæ neces-
 saria sunt,
 nō inter ea
 quæ per se
 bona sunt.
 Obiectio.
 Solutio.*

ctrinam annotauit diligenter D. Augusti. iurationem
 etiam vbi legitimè fieri potest, non esse expetendam tan-
 quam bonam: nec tamen fugiendam tanquam malam:
 cum est necessaria. Non enim est mala in se, quia actus est
 religionis: est tamē à malo, scilicet infirmitatis illius, qui
 te iurare cogit, nolens credere simplici assertioni: quæ
 utique infirmitas malum est, aliquando pœnæ, aliquan-
 do culpæ. Vnde debet iusiurandum computari inter ea,
 quæ necessaria sunt: non autem inter ea, quæ per se bo-
 na sunt, & appetibilia.

D. Iusiurandum est actus religionis, uti docuisti me: igitur per se bonum est, & appetibile: quia religio per se bona est.

M. Non consequitur. Quemadmodum enim occidere maleficos actus est iustitiæ: non tamen per se appetibilis. Item proijcere merces propter tempestatem, actus est charitatis, tendens ad saluationem eorum, qui in naui sunt: non tamen per se bonus aut appetibilis. Sic iusiurandum est actus religionis, quo eximie colitur Deus, tanquam prima veritas, habens infallibilem omnium rerum attestationem: tamen neque appetendus, neque per se bonus: quia à malo est. quod quæ bonus sit ac religiosus, habet ex necessitate, qua non existente, fit malus

lus, continens magnam irreuerentiam Dei. Quod bonū est per se, hoc per se est appetibile. Quod bonum est ex causa, vel necessitate, propter causam aut necessitatē admittitur potius, quā appetitur. Siquidem appetitus nititur in contrarium, cum propter superexcellentem maiestatem diuinam, tum propter pericula, quæ concurrunt in iurationibus: acceptat tamen quia vrgetur per id quod est necessarium. Hoc igitur loco Saluator vt prohibet malum, dicendo, non iurare omnino: ita suadet bonum dicendo: Sit autem sermo vester, est, est: nō, non: ita & indulget necessarium, addendo, Quod amplius est, à malo est. Ideoque non admittendum, nisi vr gente necessitate, aut alioqui iusta vtilitate.

D. Sed quid dicemus de exorcismis, & adiurationibus per nomen & virtutem Dei, per Christū ac merita eius, quibus vtitur Ecclesia non rarō? *Quid dicendum de exorcismis, qui fiunt per adiurationes.*

M. Quod in eiusmodi nō agit Ecclesia contra mandatū Dei. Non enim frustrā aut in vanum, neque leuiter, aut omni modo fit in Ecclesia exorcismus, vel adiuratio per nomen Dei, & Christi virtutem, & nomina fortassis Sanctorum: sed debita cum veneratione, & in rebus serijs ac arduis, necessitate, magnāue vtilitate sic postulante: idque iuxta formā ab Ecclesia præscriptam. Vnde sacerdos dicēs in exorcismo Baptismi, aut salis, aut aquæ benediçtæ, Adiuro te per Deum viuum, per Deum verum, per Deum sanctum, non peccat iurando: sed verissimum in facit meræ religionis actum. Quia adiurat cum iudicio non solū suo, sed & totius Ecclesiæ sic præscribentis: idque in iustitia & veritate. Ceterū qui nouas fingūt adiurationes & exorcismos, ad pellēdas infirmitates nūc hominū, nunc pecorū, abutentes nominibus ac rebus sacris, ad vsum non suum, adiunctis sæpe occultis inuocationibus dæmonum, hi certē grauissimē peccant

DE CVLTV VNIVS DEI
contra hoc mandatum, committentes sæpe blasphemiam,
simul & idololatriam. At pergamus ad sequens man-
datum.

Elenchus Capitū Tractatus quarti.





- D** Efficacia & pondere verborum, quibus datum est man-
datum Decalogi. Cap. I.
Cur Deus septimū diem voluerit esse celebrem magis quā
alios. Cap. II.
Quōd Christo resurgente inceperit septima ætas, vera requies &
Sabbatum Christianorum, hoc est, Dominica. Cap. III.
Quaratione Sabbatum Iudeorum sit mutatum in Dominicā Chri-
stianorum. Cap. IIII.
Ad quid obligemur in Dominica. Cap. V.
A quibus operibus, & quousque cessandum sit in Dominica. Cap. VI.
Quosdam vtiliter, quosdam inutiliter, alios verò sceleratè obseruare
hoc mandatum. Cap. VII.
De festiuitatibus Sanctorum. Cap. VIII.
De antiquitate festorum in Ecclesia. Cap. IX.
De eo, An quelibet dies omnibus pijs æquè sacra esse debeat. Cap. X.
Summarie qui debeant computari inter transgressores huius man-
dati. Cap. XI.

Tracta-

Tractatus quartus.

De efficacia & pondere verborum, quibus datum est mandatum
Decalegi. CAP. I.

D.  Abbatum sanctifices.
M.  Quin potius audiamus ex Scripturis, quo pondere, quâue diligentia inculcet Deus hoc suum mandatum. Dicit enim sub his verbis in Exodo, Memento ut diem Sabbati sanctifices. Quod in Deuteronomio dicit sic, Obserua diem Sabbati, ut sanctifices eum, sicut præcepit tibi dominus Deus tuus. Sex diebus operaberis, & facies omnia opera tua. Septimo autem die Sabbatum domini Dei tui est, id est, requies: (sic enim interpretatur textus Deuteronomij) Nō facies omne opus in eo, tu & filius tuus, & filia tua, servus tuus, & ancilla tua, iumentum tuum, & aduena, qui est intra portas tuas. Sex enim diebus fecit Dominus cælum & terram, & mare, & omnia quæ in eis sunt, & requieuit in die septimo. Idcirco benedixit Dominus diei Sabbati, & sanctificauit eum.

Qua diligētia sit inculcatū istud mandatum.
Exod. 20.
Deut. 5.

D. Profectò non potest non esse metuendū, quod tanto pondere, tamque exactè cælitus inculcatum est.

M. Sic expediebat: quoniam non est tam morale hoc mandatum, quàm cæremoniale, & positium magis quàm iuris naturæ: est tamen in parte etiam morale, & iuris naturalis. Ideoque expediens erat, ut Deus daret præceptum istud, sub exacta sui iustruptione, exprimendo & substantiam præcepti, & finem, & rationem institutionis, nec non nominis Sabbati interpretationem, denique præfationem quandam, quæ attentos redderet auditores. In Exodo quidē dicit legislator Deus, Memento: in Deu-

Istud mandatum magis est cæremoniale quàm morale.

Interpretatio verborū mandati. teronomio verò, Obserua diem Sabbati, vt sanctifices illum. Quasi dicat, Sit hoc alta mente repositum, & numquam recedat de serinio cordis tui: sed semper mens tibi vigili cura circūspiciat, vt spacio sex dierū sic distribuas & otia & negotia tua, quatenus posses septimum celebrem habere. Siquidem sex diebus operaberis, & facies omnia opera tua: septimus dies Sabbati est, id est, re-

Que sit substantia precepti huius. quies domini Dei tui. Hucusque præfatio. Quod sequitur, Non facies in eo omne opus, siue non facies in eo quicquam operis, tu, & filius tuus, & filia tua, &c. punctum continet siue substantiam præcepti. In illo ve-

Quis finis præcepti huius. rò, vt sanctifices illum, finis exprimitur mandati. Ad eū enim finem prohibemur operari in septimo die, vt illum velut Sabbatū Domini sanctificemus. Denique in clau-

Que ratio mandati huius. sula finali videlicet, Sex enim diebus fecit Deus cælum & terram, &c. ratio habetur mandati.

Cur Deus septimum diem voluerit esse celebrem magis quàm alios.

CAP. II.

D.
An discernēdum sit inter diem & diem.



Principio, cur potius septimum diem voluit celebrem esse, quàm primum, tertium, aut quintum? Scio quidem quòd numero gaudet imitari Deum: verum an discernendum sit inter diem & diem?

M. Nullo modo, si rationem spectes temporis: nisi quòd hyemales sunt breuiores, æstiuales longiores. At si spectes mysterium, & beneplacitum domini Dei tui, iam ab initio mundi cœptum est discerni & iudicari inter diē & diem, haud secus atque nunc discernimus inter panē Eucharistiæ, & vsualem, inter templum & ædes, inter sacerdotem & hominem laicum. Ratio est, quoniam in ipso exordio creationis rerum, benedixit Deus vni dierū, non singulis, illumque sanctificauit præ cæteris, id est, con-

con-

consecrauit siue sacrum effecit ac sanctum, hoc est, segregatum ab vsibus prophanis, ac prorsus deputatum: non quidem otio, sed pijs religionis & virtutum exercitijs, quibus requiescimus in Deo. Sicut nunc benedictione Episcopi sanctificatur domus aliqua in basilicâ. At multò venerabilior est sanctificatio septimi diei, quàm vllius basilicæ. Illum enim per semetipsum consecrauit, non per hominem: id quæ mox rebus mundi conditis, vt expresse habetur Genes. 2. & Exo. 20.

D. Sed cur magis septimum diem, quàm primum aut tertium, aut aliquem reliquorum?

M. Ratio istius est in textu: quoniam die septimo requieuit ab omni opere suo. Sex enim diebus creauit Deus cælum & terram, & maria, & omnia quæ in eis sunt: septimo autem die requieuit. Idcirco benedixit diei septimo, & sanctificauit illum. Hucusque verba Scripturæ: nec caret mysterio, quòd die septimo requieuit, eaq̃ue ob causam illum sacrum ac celebrè esse voluerit. Sex sunt enim ætates, quibus homo in ergastulo inquietæ carnis laborans, sub elementis & rebus egenis mundi huius, non potuit quoquo modo peruenire ad requiem, neque secundum carnem, neque secundum spiritum ante Christi resurrectionē de sepulchro, à qua Christi resurrectione incæpit ætas septima: offerens cunctis per Christum paratum transitum, non solùm ad quandam consolationem, sed ad ipsam requiem æternam, ad immortalitatem, ad regnum æternæ felicitatis, ad omnes denique delicias Dei, in quibus est sacer ille ac verè beatus Sabbatismus, in quem spectant omnia.

D. Abraham & Lazarus erantne in requie etiã ante Christum glorificatum?

M. Lucæ 16. loquens Abraham ad diuitem epulonem, dicit, Fili recordare quia recepisti bona in vita tua, & Lazarus

*Ratio cur
septimus
dies conse-
cratus, non
primus aut
quintus.*

*Requies
sanctorum
incæpit
post Chris-
tum resur-
gentem.*

rus similiter mala, id est, afflictiones. Nunc autē hic consolatur, tu verō cruciaris, chaos magno existente inter nos & vos. Ex qua parabola constat, quōd iusti ante septimam ætatem erant extra tormenta, & in consolatione, magnoque interuallo diuisi ab improbis: sed quōd requiem accepissent, non memoratur ibidem. Incœperunt enim hæc cantica, Requiescant in pace. Requiem æternam dona eis Domine, Requieuit in Domino, Obdormiuit in Domino, tempore septimæ ætatis, hoc est, à Christo domino resurgente. Quod pereleganter insinuat Simeon iustus, qui postquam proprijs vlnis complexus fuisset Christum natum, Nunc dimittis, inquit, seruum tuum Domine secundum verbum tuum in pace. Nunc, Christo scilicet nato, illucēte iam velut auro-
 ra quadam septima ætate, nunc dimittis seruum tuum Domine: non dicit, Nunc dimittis me, aut me seruum tuum, sed simpliciter (prophetans quod futurum erat in septima ætate) seruum tuum, hoc est, omnem personam tibi seruientem, cuiuscunque sit conditionis. Et id quidem in pace: transmittendo eum ad veram & sempiternam requiem. Patres existentes in limbo, erant non minùs anhelī spiritu ad promissam requiem figuratam in Sabbato Domini, quàm fuerant antea in hoc mundo. Licet enim Dei beneficio separati essent ab impijs & inquietis hominibus per chaos magnum interpositum, licet quoque inuenissent specialem consolationem, qua securi erant de sua salute futura, nondum tamen Sabbatissimum Domini, hoc est, requiem in Deo inuenerant: quia nondum erant facti vnum cum Deo in gloria, licet facti essent vnum cum Deo in gratia.

Luc. 2:

Interpretatio dicti Simeonis.

Quōd Christo resurgente inceperit septima ætas, vera requies & Sabbatum Christianorum, hoc est, Dominica. CAP. III.

M. Christi

31.



Christo nato, cœpit septima ætas illucescere ve-
lut aurora diei venientis. Porro Christo resur-
gente in gloria, tunc demum consummatum
est regnū Dei apud homines, & exorta est se-
ptima ætas mundi. Tunc enim coniuncta sunt summa
imis, & ima summis, cœpitque humana nostra substan-
tia, & in Christo, & in omnibus qui resurrexerunt cum
Christo, de quibus Matthæi 27. prorsus ac omnimodè
requiescere in Deo, absorpta morte in victoria, mundo
quoque omnibusque inimicis rebus, sub quibus labora-
uerat, longè, imò in infinitum superatis: Quod Aposto-
lus pulchrè demonstrat ad Hebræos dicens de Christo: *Heb. 4.*
Qui enim ingressus est in requiē eius, (scilicet Dei) etiā
ipse requieuit ab operibus suis, sicut & à suis Deus. Da-
tur autem eadem requies in hac septima ætate, iustis se-
cundum animam migrantem è corpore: dabitur verò
vniuersis Sanctis, tam secundum corpus, quàm secundū
animam, in consummatione huius eiusdem ætatis, quæ
in Scripturis vocatur consummatio seculi. Cuius quidē
requiei typum gessit Sabbatum Domini, non ab heri, *Requiei*
aut nudiustertius, sed ab exordio mundi conditi. Inte- *quæ est per*
rim tamen & in lege datum fuit Sabbatum positiua or- *Christū ty-*
dinatione filijs Israël in signum, & in fœdus, atque pa- *pum gessit*
ctum sempiternum, prout pulcherrimè habes Exodi 31. *Sabbatum*
& Ezech. 20. Sic enim dicit Dominus per Ezechielem, *Domini ab*
Insper Sabbata mea dedi eis, vt essent signū inter me *initio mūdi.*
& eos, & scirent, quia ego Dominus sanctificans eos. Sic *In lege da-*
insper per Moysen; Videte, inquit, vt Sabbatū meū cu- *tum est Sab-*
stodiatis: quia signū est inter me & vos in generationi- *bātū in pa-*
bus vestris, vt sciatis, quia ego Dominus qui sanctifico *ctū & fœ-*
vos, &c. Subdit, Pactum est sempiternum inter me & fi- *dus.*
lios Israël, signumque perpetuum. Quapropter Sabba-
tum erat filijs Israël in signum & pactum sempiternum,
si-

Christo na-
to illuxit
quasi auro-
ra Christo
resurgente
prorsus ac
manifestè
incœpit.

Ephes. 1.

significans, quòd Deus erat eos sanctificaturus in omni benedictione in cœlestibus per Christum dominum, daturusque illis omnimodam requiem, segregando illos ab omnibus prophanis, vt populum electũ & sanctum sibi: quomodo olim ipsemet requieuit ab omni opificio creationis, & benedixit diei septimo, illumque sanctum effecit ac sacrum sibi.

Qua ratione Sabbatum Iudæorum, sit mutatum in Dominicam Christianorum.

CAP. IIII.

D.
Sabbatum
filijs Israël
datũ in præ
ceptum, nõ
Christianis.

IN dictis Scripturis habetur, Custodiant filij Israël Sabbatum, & celebrent in generationibus suis: nã pactũ sempiternũ est inter me & filios Israël. Igitur non est, quod nos Christiani celebremus Sabbatum: quia nobis non est in præcepto: sed duntaxat filijs Israël in generationibus suis.

M. Bene quidem hoc annotasti. Neque enim nobis est in signum aut pactum, neque in præcepto: nam pactum fit super exhibendis, non super exhibitis. Et signum datur de occultis, aut futuris, nõ de his, quæ in aperto omnibus exposita sunt. Nunc verò millia Sanctorum apprehenderunt requiem olim promissam, quæ eadem est omnibus alijs nunc temporis ad manum, per Christũ dominum nostrum: tantũ restat extendere manum & apprehendere. Quòd autem nullo modo nos obliget præceptum Sabbati illius, quod Iudæis celebre erat, hinc fit. Quoniam erat cæremoniale, datum illis in signum, & typũ futuri Christi, vt expressè testatur Apostolus ad Colloss. 2. dicens: Nemo vos iudicet, in cibo aut potu, aut in parte diei festi, aut Neomeniæ, aut Sabbatorum, quæ sunt vmbra futurorum, corpus autem Christi. Quo loco duo sunt obseruanda: primũ, Sabbata & festa Iudæorum fuisse vmbra Christi, secundum

dum, interijſſe ea cum lege, nec quenquam amplius obli-
 gare, propterea quòd eiufmodi ſunt. Facta enim ſunt
 mendacia & noxia his, qui obſeruant, prout tota lex ve-
 tus nunc eſt mortifera his, qui confidunt in ea. Hinc ſe-
 riuntur anathemate, habenturque Iudæaſtri, quicunq;
 præſumunt celebrare Sabbatum, hoc eſt, diem Sabba-
 ti, quem Iudæi celebrem habent. Nobis enim eſt aliud
 Sabbatum, quod cum millibus Sanctorum egit Chri-
 ſtus in die reſurrectionis, quem diem & nos poſſumus
 optimo iure vocare Sabbatum Domini, id eſt, requiem
 Domini. Tunc enim requieuit Chriſtus dominus &
 Deus noſter à multo labore, multis opprobrijs, ſudori-
 bus, pœnis, ſanguiniſque effuſionibus. Propter quod
 (ac etiam ne iudaizare videamur) conſilio Apoſtolo-
 rum ac Patrum, adeoque totius Eccleſiæ, mutatum
 eſt nomen & dies Sabbati in nomen ac diem Domini-
 cum: vt neque eundem diem, neque eodem ſub nomi-
 ne ſabbatizaremus nos. Quia neque eadem eſt ratio
 Sabbatiſmi noſtri & Iudæorum, neque idem dies con-
 ſummationis operum creationis & reſurrectionis. Ille
 prior, iſte poſterior concurrens cum primo die creatio-
 nis rerum non ſine myſterio. Quandoquidem vt in illo
 opificium huius ſeculi inceptum eſt, ita in iſto exordium
 incepit futuri ſeculi, cuius Chriſtus pater appellatur per
 Prophetam dicentem: Et vocabitur nomen eius fortis,
 conſiliarius, &c. pater futuri ſeculi. Etenim Deus quo-
 dammodo bis condidit mundum: primò creando quod
 non erat, ſecundò reſtituendo quod perierat. Vnde à
 tempore reſurrectionis Chriſti mutatum eſt ſabbatum
 Iudæorum in diem Dominicam: quæ ſanè ab illo tempo-
 re manet celebris inter Chriſtianos, in memoriam reſur-
 rectionis & glorificationis naturæ humanæ. Vide Au-
 guſt. lib. ſiue epiſt. de Ritibus ad Ianuarium.

*Sabbatum
mutatum in
Dominicam*

*Deus quo-
dammodo bis
condidit mun-
dum.*

A quo D. Verùm à quo, aut cuius auctoritate hæc mutatio festi?
et cu- M. Sabbatū Iudæorū sua spōte interijt, sicut tota lex vetus
ius auctori impleta per Christū. Nostrā verò Dominicam Apostoli
tate sit sa instituerunt auctoritate diuina, Spiritu Sancto sic sugge
ta transla rente, sicut & pleraq; alia, Christo dicēte: Adhuc multa
tio Sabbati habeo vobis dicere: sed non potestis portare modò. Cū
in Domini venerit ille Spiritus veritatis, docebit vos omnē veritatē.
can.

Dominica D. At istud vnde constat?

instituta M. Ex vniuersali totius Ecclesiæ traditione: eodem pror
per Aposto sus modo, quo constat de quatuor Euangelij, quòd ab
los. Apostolis dicta sunt & traditā. Nempe, quia vniuersa
Ioan. 16. vbique Ecclesia (non solum quæ nunc est: sed etiam quæ
 fuit ab initio dati Euangelij) semper credidit Domini-
 cam diem resurrectionis debere celebrem esse quolibet
 septenario dierum: non autem Sabbatum Iudæorum,
 sicque tradidit posteris suis. Quam traditionem appro-
 bavit & confirmavit Concilium Laodicense Phrygiæ,
 contra eos qui vbique exigunt, Vbi scriptum est? Inte-
 rim tamen Scriptura Apocalypsis satis insinuat diem se-
 ptimanæ, qua Dominus resurrexit, fuisse celebrem tem-
 pore Apostolorum, atque appellatam tunc temporis
 Dominicam. Dicit enim Apostolus Ioannes, Ego Ioan-
 nes fui in Spiritu in Dominica die. Ante resurrectionem
 sanè Domini, nulla dies fuit appellata Dominica. Nō scri-
 beret igitur Ioānes Apostolus, Ego Ioānes fui in Spiritu
 in Dominica die, nisi tunc tēporis illa fuisset nota ac cele-
 bris cūctis sub illa appellatione Dominica, prout exinde
 māsīt celebris sub eodē nomine vsq; in præsentem diem.

Scriptura
nō tacet de
die Domi-
nica.

Apocal. 1.

D. Verùm an per Dominicam intellexerit Ioannes pri-
Dominica mum diem septimanæ, qui est proximus post Sabbatū?
probatur **M.** Ambrosius Ansbertus vetustus & eximius auctor,
semper fuis qui claruit ante annos quingentos & quinquaginta,
se in vsu ex tractans hunc locum, dicit, Notandum verò quòd idem
patribus.

Ioan.

Ioannes non in Sabbato (quo septimus dies septimanæ
 exprimitur, quo & requieuit Deus ab operibus suis) sed
 in Dominica die (quæ prima est septimanæ proxima post
 Sabbatum) in Spiritu fuisse se dicit. Quia nimirum iā
 vetus illa, quæ mortem operabatur, lex trāsierat, & no-
 ua quæ viuificat in Christi resurrectione, claruerat, at-
 que corporalis illa vocatiō Sabbati in Spiritualem ani-
 marum requiem conuersa vigeat, quando ille hæc Sa-
 cramenta cernebat. Hucusque Anſbertus. Qui si ad au-
 thoritatem obscurior videatur, diuſus Auguſt. accedat. eo
 & vetuſtior & multò illuſtrior, qui ſcribens contra Ada-
 mantum Manichæum, dicit: Nos & Dominicū diem
 & Paſcha ſolenniter celebramus, & quaſlibet alias Chri-
 ſtianas feſtiuitates. Addēs alio loco, Dominicū diē Apo-
 ſtoli & Apoſtolici viri ideo religioſa ſolēnitate habendū
 ſanxerūt: quia in eodē Redemptor noſter à mortuis re-
 ſurrexit. Audis hīc ſimul nominari Dominicū diem &
 Paſcha, quia tū temporis vterq; dies celebris erat ſub ſuo
 nomine. Paſcha quidē ſingulis annis: Dominica verò ſin-
 gulis ſeptimanis. Annuus ille dies reſurrectionis Domini
 ſemper vocatus eſt, aut reſurrectio Domini, aut feſtiuitas
 Paſchæ: eò q̃ Chriſtus verum Paſcha noſtrū poſt immo-
 lationē tū primū tranſierit, cum ſuis ad immortalitē &
 gloriā corporis. Primus autē dies in hebdomade poſt Sab-
 batū, ſemper vocatus eſt Dominica, in hebdomadalē re-
 cordationem reſurrectionis (ſicut Sabbatū fuerat institu-
 tum in hebdomadalem recordationem creationis rerū)
 etiā tempore Apoſtolorum. Qui ſpiritu intelligebāt,
 meritò nos hebdomadatim debere magis celebrare eum
 diem, quo tandem poſt ſex ætates incepit vera plenaque
 quies, felicitas, immortalitas animarum & corporum,
 quā eum, quo poſt ſex dies ceſſauit vltior creatio re-
 rum, quæ vt mutabilium erat: ita nullam animabus ac-

corporibus nostris felicitatem per se attulit. Nam beatus Ignatius discipulus Ioannis Apostoli, secundus Antiochenæ Ecclesiæ Episcopus, in epistola sua ad Magnesianos, cuius beatus Hieronymus meminit, docet pro Sabbato celebrandum esse diem Dominicum, ob resurrectionem eo die factam. Notandum autem quòd docet pro Sabbato Dominicam celebradam. Ergo prima cuiuslibet septimanæ, quæ sequitur, post Sabbatum, erat populo Christiano celebris sub nomine Dominicæ loco Sabbati Iudæorum. Quem eundem diem septimanæ, & eandem ob causam sanciuit. Constantinus Magnus contra rebelles debere esse celebrem cunctis: quia in ea resurrexit Christus à mortuis, idque ante annos 1200. lib. 1. hist. tripart. cap. 9. his verbis. Die verò qui Dominicus vocatur, quem Hebræi primum (scilicet hebdomadis) vocant, Græci autem soli distribuunt: & qui ante septimum est (nempe Veneris dies) sanciuit à iudicijs alijsque causis vniuersos habere vacationem, & in eo tantum orationibus occupari. Honorabat autem Dominicum diem, quia in eo Christus resurrexit à mortuis: aliud verò, quia in eo fuerat crucifixus.

Ad quid obligemur in Dominica.

CAP. V.

D.
M.

Obligamur
ad feriandū
in Dominica
vt sanctificemus
illam.
Ab initio
mundi septimus
dies
fuit sanctus
& celebris.

D quid igitur obligamur nos Christiani?

Ad feriandum singulis hebdomadibus eo septimo die, quem placuit Spiritui Sancto & Apostolis appellare Dominicam: idque illum ad finem, vt sanctificemus eundem. Nam vt vnus ex septem diebus sit celebris ac sanctus Domino, nihil antiquius eo. Hoc enim ante legem fuit, hoc sub lege, & hoc post legem. Ante legem quidem in recordationem creationis: sub lege verò etiam in pactum & signum sempiternum sanctificationis futuræ per Christum in memoriam

riam quoque liberationis à seruitute Aegyptiaca. Denique post legem sub Euangelio in memoriam resurrectionis Dominice, quæ consummatio est operis creationis. Quid enim profuisset creatum esse, aut natum, deinde renasci, nisi contigisset & immortalem fieri, per resurrectionem, quomodo Christus resurrexit per gloriam Dei patris? Nobis igitur celebris est Dominica, non tam in memoriam creationis, quam perfectæ reparationis naturæ humanæ: tamen etiam in memoriam creationis. Reparatio enim quam effecit Christus, præcuntis creationis est consummatio. In quam reparationem cum reducta fuerint omnia, quæ Deus ab æterno prædestinavit in illam per Christum, tunc erit consummatio seculi, tunc finis omnium, eritq; Deus omnia in omnibus. Quapropter tunc demum requies perfecta, in qua cantabunt singuli Sanctorum canticum illud, Absorpta est mors in victoria. Vbi est mors stimulus tuus? Vbi est mors victoria tua? Quam igitur o fili est nunc deuotè requiescendum in Deo & Christo domino, vel semel in septem diebus, hoc est, in Dominica, vt tandem ad illam consummatam requiem per Christum transserri mereamur.

Dominica nobis celebris in memoriam resurrectionis.

1. Cor. 15.

Adhortatio

D. Profectò quam deuotissimè. Cæterùm nondum audiui, ad quod præcisè obligemur in Dominica Sabbato nostro.

M. Iam nunc audies. Nihil rationi confinius, quam vt homo qui totus ex Deo, totus in Deo, totus subsistit per Deum, tam secundum corpus quam secundum animam, nihil habens ex se, ne velle quidem, aut cogitare aliquid boni, non panem quo vescitur, non vestem qua tegat nuditatem, non spatium terræ longum pedè vnũ, non horulam vnã vitæ suæ, semper filius mortis, nisi misericordia Altissimi adoptetur in filium vitæ, mox iterum futurus pabulum eiusdem mortis, vbi desierit esse

Ad quid obligemur in Dominica.

Nalum.

*Indubie ali-
quo tēpore
vacandum
Deo.*

alumnus vitę quę in Christo est: nihil, dico, confinius rationi, quā ut talis, sic dependens à Deo, saltem destinato aliquo tempore ascendat, & animo in Deum, & corpore quātum potest, interquiescens modicū à terrenis istis occupationibus, seque totum illi impendens, à quo omnia accepit: imò à quo nunquam non accipit quę habet, & quamdiu habet: adeò ut me ad momentū quidem retinere possit, quę accepit, Deo non donante assiduè per conseruationem. De quo neque tu, si mentē habes, dubitare potes.

D. Equidem de illo nihil dubito. At quęstio est de die septimo, An scilicet illud quod dixisti, quolibet septimo die fieri debeat?

*M.
Septimo die
vacandum
Deo pro-
pter tria.*

Quid potest propius contingere dictamen rectę rationis, quā ut hoc fiat saltem septimo quoquo die? Primo propter beneficium: Secundò propter exemplum: tertio propter sanctificationem septimę diei, quam ipsemet Deus fecit. Nōne iustissimum est, ut post exercitamenta in rebus mundi huius, operasque manuales sex dierum, septimo die quiescamus in Domino, per gratiarum actionem in laudem & gloriam illius, qui omnia quę fecit opere sex dierum, in vsum fecit & utilitatem atque solatium hominis? Hominem autem fecit propter se, iuxta illud Apostoli: Omnia vestra sunt, siue Paulus, siue Cephas, siue Apollo, siue mundus, siue vita, siue mors, siue presentia, siue futura, omnia enim vestra sunt: vos autē Christi. Christus verò Dei. Dixi secundò propter exemplum. Si enim Deus post operas, & exercitamenta in rebus huius mundi, duxit quiescendum esse in seipso die septimo: cuius, quęso, exemplum poterimus nos insequi fructuosius quā Dei nostri, septimo die quiescendo in Deo, sepositis aliquantulū corporis istis operibus, quibus variè turbamur & fatigamur?

Dixi

1. Cor. 3.

Dixi tertio propter sanctificationem. Nam cui Deus ipse tanta cum solennitate benedixit consecrando ipsum: idque statim mundo creato, quomodo poterit non haberi specialiter sanctus ac sacer à nobis: maximè cum nō propter se, sed propter hominem sanctificauerit illum Deus? Si sacrum habetur à nobis ac sanctum & inuiolabile templum, quod Deo cōsecrauit minister eius Episcopus: certè optimo iure sanctior, sacratior atque inuolabilior haberi debet dies, quem consecrauit sanctus sanctorum, ipsemet Deus Opt. Max.

D. Ceterum nunc non colimus illum diem, quem tūc consecrauit Deus, at sequentem diem, nobis per Christi resurrectionem sacram, vti dictum est.

M. Et id sanè ideo: quoniam Deus quam tūc fecerat consecrationem Sabbati, hanc nunc post Christum glorificatum transtulit in diem sequentem, hoc est, Dominicam: quæ est dies reparationis, & saluationis totius humanæ naturæ: eò quòd hoc opus meliori iure colendum erat, quàm opus creationis. Siquidem vtilior est homini quies, quam Christus inuenit resurgēdo post mortem, quàm quies qua quieuit Deus post opificium rerū mundi huius. Si quæris vnde constet: dico, vt prius dixi, ex Apostolica traditione, & vniuersa totius Ecclesiæ approbatione, quæ columna est & firmamentum veritatis. Neque ignoro, quin determinatio ad certum diem sit Positiuæ legis diuinæ & cæremonialis: sed talis cæremonia, quæ antiquitate quasi in naturam versa est: quomodo habitus diuturnitate solet verti in naturam? Nec propriè pertinebat determinatio septimæ diei ad cæremoniam legis Mosaicæ: sed ad ordinationem Dei, quæ olim ante legem longè præcesserat, & in populo Israëlítico confirmata fuit, cum plueret Deus manna de cælo, etiam antequam essent præcepta Decalogi data. Nam

Consecratio septimæ diei facta ab initio trahit in sequentem diem Dominicā.

De determinatione diei septimæ.

Exod. 16. cap. sic habes, Hoc est, inquit Moyses, quod locutus est Dominus, Requies Sabbati sanctificata est Domino. Ideoque die sexta debebant colligere duplices cibos, id est, duo gomor: ut vacarent die septima. Decalogus autem datus postea cap. 20.

D. An igitur ante legem feriæ erant septimo quoquo die?

M. Et ante legem, & ab initio inde mundi cūdicti sabbati-

Tempore legis naturæ agebant ferias 7. die: zatum est die septimo. Quod licet scriptum non legitur: tamen nemini de hoc dubium esse debet. Quomodo enim foret possibile, aut verisimile, quod Deus tam solenniter consecrasset septimum diem, ut sanctus esset, & sacer hominibus, nec tamen id ipsum patribus legis naturæ indicasset, in quorum usum & cultum quo-

Quod alio quando requiescamus est legis naturæ. Deum colerent, sanctum fecerat? Legis itaque naturæ est, quod aliquando feriemur ab operibus prophanis vacantes Deo ac diuinis. Legis verò diuinæ, quod id faciamus septimo quoquo die. Porro Apostolicæ ordinationis,

Quod septimo die est legis diuinæ. Spiritu Sancto sic suggerente, quod idem fiat eo die hebdomadis, quo Christus resurrexit à mortuis, hoc est, Dominica, quæ est octaua post primum creationis rerum diem propter mysterium antè expressum. Transit ergo

Transijt quod ceremoniale legis erat: manifestum sit quod naturale & diuinum. ab hoc tertio præcepto Decalogi quod ceremoniale erat veteris legis (scilicet datum esse in signum, foedus siue pactum futuræ sanctificationis, & in recordationem quietis à seruitute Aegyptiaca) mansit autem quod morale erat, diuinitusque præscriptum (translatum tamen in sequentem diem) nempe tota substantia præcepti, cū fine ob quem datum est præceptum, videlicet, Non facies in eo quicquam operis tui, & filius tuus, & filia tua, seruus tuus, & ancilla tua, iumentum tuum, & aduena, siue peregrinus, qui est intra portas tuas, & id sanè ad eū finem, ut sanctifices illum. Quod quidem eo modo ut fuit semper: ita & erit in præcepto, quamdiu stabit mun-

dus,

aus, sub eadem etiam pœna: tamen paulò aliter intel-
lecta, nimirum quòd morte morietur, peribitque anima
eius de populo suo, qui violauerit Dominicam sacram
domino Deo suo.

A quibus operibus & quousque cessandum sit in Domi-
nica. CAP. VI.

M. **N**unc audi responsum ad quæstionem tuam.
Obligamur, dico, ex rigore mandati, Domi-
nicis diebus cessare, ac feriari à laicis operibus,
& omnibus prophanis exercitijs, qualia sunt
agricultura, artificia, negotiationes, operæ conductitiæ,
laicalia officia, quæsturæ, prætoria, officinæ rerum ven-
dibilium, scripturæ rerum iudicialium, & id genus alia.
Hæc enim contrectare in Dominica, reuerà prohibitum
est.

D. Me occupato in sacris officijs Ecclesiæ per Dominicā,
possuntne iumenta mea, & serui in agro aliquid facere
operis ac vtilitatis?

M. Scriptura prohibet expressè, quòd neque tu quic-
quam operis facies in die Dominico, neque filius tuus,
neque filia, neque seruus, neque ancilla, neq; bos tuus,
aut asinus, aut omne iumentum tuum, neque peregrin-
us, qui tecum intra portas domus tuę hospitatur. Quid
dici posset expressiùs?

D. Quid si necessitas occurrens cogat, velut incendium,
inundatio aquarum, hostium oppugnatio, aut simile
quid?

M. Secundum regulam iuris, necessitas legem non pati-
tur. Et in Euangelijs docet Saluator, necessitatis causas
subitò & insperatò occurrentes, non esse comprehensas legem.
sub præcepto de Sabbato sanctificando, quare nec sub
præcepto de sanctificanda Dominica, dicens: Sabbatum.

*Necessitas
non habet
legem.*

Marc. 2.

Matth. 12. propter hominem factum est : & non homo propter Sabbathum. Addensque exemplum, *Quis erit ex vobis*, inquit, homo, qui habeat ouem vnam : & si ceciderit hæc Sabbatis in foueam, nonne tenebit & leuabit eam? Quanto magis melior est homo oue? Itaque licet Sabbatis benefacere. Item, Cuius vestrum asinus, aut bos in puteum cadet, & non continuo extrahet illum die Sabbati? quasi diceret, nemo. Si igitur licet laborare die Sabbati, ut ouem vnam aut asinum salues, multò iustius licebit, ut hostem profligas, ut ciuitatem liberes, ut domum serues aut viciniam ab incendio, vel prouinciam ab inundatione. Sed quid apparet tibi de his, quæ in usum victus necessaria sunt, an liceat ea parare in Dominica?

D. Aliàs, quomodo possemus viuere?

M. Ne quis igitur scrupulosus fiat in hac parte, constat ex Euangelio non prohiberi hoc mandato parare necessaria in usum victus: maximè quæ præueniendo commode parari non possunt. Apostoli enim necessitate famis urgente, vellicabant spicas, & confricabant in usum cibi. Quod videntes Pharisei dixerunt ad Iesum, Ecce, discipuli tui faciunt, quod non licet eis facere Sabbatis.

1. Reg. 21. Respondit Iesus, Non legistis quid fecerit Dauid, quando esuriit, & qui cum eo erant: quomodo intrauit in domum Dei, & panes propositionis comedit, quos non licebat ei edere, neque his qui cum eo erant, nisi solis sacer-

Sacerdotes dotibus? Et tamen sine reprehensione fuit. Non tamen ideo licitum erit pistoribus pinsere panes, aut lanij tra-
et ministri Ecclesie laetare macellum in Dominica: quia hæc commodè fieri possunt Dominicam præueniendo. Et qui curam gerunt
boyat in Do minica matædium sacrarum, quos vulgo matricularios vocant, item
minica ma gis quàm sacerdotes & cantores, nonne laborant in Dominica, &
gis quàm alijs diebus. festiuis diebus?

D. Semper, & quidem multò plus quàm alijs diebus.

M. Nihilominus sine peccato sunt, faciūt quæ citra offensam, prout constat ex doctrina Saluatoris dicentis: Non legistis in lege; quia Sabbatis sacerdotes in templo Sabbathatum violant, & sine crimine sunt? Ea enim quæ tractant ipsi aut diuina sunt, aut in promotionem diuini cultus directè instituta. Quapropter nec prohibita censerī debent hoc mandato, sicuti nec opera charitatis eodem prohibentur: opera, inquam, charitatis, quæ purè sunt propter Deum ad iuuandum proximi necessitatē, dicente Euangelio, Et ecce homo manum aridam habens, erat ibi in medio, scilicet, Synagoga: ipsi autē Pharisei obseruabant eum, & Dominus ait ad hominem, Surge in medium: deinde ad illos: Interrogo vos, si licet Sabbatis benefacere an malè, animam saluare, an perdere? Quis ex vobis qui habet ouem vnā, & si ceciderit hæc Sabbato in foueam, nōne tenebit & leuabit eam? Quāto magis melior est homo oue? Itaque licet Sabbatis benefacere. Tunc ait homini, Extende manum tuā, & restituta est sanitati sicut altera.

Opera charitatis non sunt prohibita in Dominica.
Marc. 3.
Matth. 12.
Luc. 6.

D. Miser itaque & inops, grauatus multa prole, possētne laborare in Dominica, vt saturaret esurientem ventrem prolium suarum?

M. Audi precor. Quando tulit hoc mandatum Deus, etiam tunc erant pauperes ac miseri, sicut modò. Insuper tunc certò præcognouit omnisciens Deus, semper, & in omni loco futuros multos egenos, inopes, & miserabiles: prout etiam Christus prophetat, dicens: Semper enim pauperes habebitis vobiscū. His tamē nō obstantibus, dedit hoc suum mandatum Deus omnibus indistinctè, cuiuscunque sint fortunæ, aut conditionis, adeò vt Numerorum cap. 15. habeatur. Factum est autem: cū essent filij Israël in solitudine, & inuenissent hominem colligentem ligna in die Sabbati, obtulerūt eum Moyse

*Non minus pauperes & diuites prohibentur laborare in Dominica. Quā horum poena fuerit celi-
tus decreta in eū qui colligebat ligna in Sabbatho.*

& Aaron & vniuersæ multitudini. Qui recluserunt eum in carcerem, nescientes quid super eo facere deberent. Dixitque Dominus ad Moysen, Morte moriatur homo iste, obruat eum lapidibus omnis turba extra castra. Cumque eduxissent eum foras, obruerunt eum lapidibus, & mortuus est sicut præceperat Dominus. Haud dubiè pauperum est & miserorum, colligere ligna in desertis locis, & ea ratione misertus super eo Moyses cum populo, nesciebant quid facere deberent: attamen Domini iudicio propter hanc leuiusculam transgressionem exterminabatur morte de populo suo.

- D. Hui tantane erat seueritas legis?
 M. Non hoc pacto nunc agitur. Erat quidem tum temporis lex iræ, lex seruitutis, & rigoris: nos autem incidimus in tempus gratiæ & mansuetudinis. Veruntamen ex eo facto legis constat, tunc temporis non fuisse exemptos magis ab hoc mandato pauperes, quàm diuites: quare nec modò illi magis, quàm isti exempti erunt. Nonne omnis homo, tam pauper quàm opulentus animam habet & corpus à Deo? Nonne singuli eandem speciem habent eiusdem redemptionis ac salutis? Nonne nutriuntur ab eodem domino Deo Sabbaoth: adeo ut ne momentū exempti ab vnum esse possunt sine illo? Meritò igitur omnibus sub isto mādato batizandum.

Ratio cur non magis pauperes quàm diuites debeant esse exempti ab vnum esse possunt sine illo? Meritò igitur omnibus sub isto mādato batizandum.

Quosdam vtiliter, quosdam inutiliter: alios verò sceleratè obseruare hoc mandatum. CAP. VII.

- M. Eritò debēt omnes, saltem semel in hebdomade, retrahere cor suum à perituris huius mundi rebus, et prophanis occupationibus, ad eum finem, ut se totos possent extendere in Deum, per orationes, per gratiarum actiones, per puras meditationes, per charitatis opera, per exercitia sancta: in audiendo

diendo verbum Dei, in offerendo sacrificium missæ, &c. In his enim vnitur cor nostrum cū Deo, & requiescit ac deliciatur in Domino, attingens velut præludium quoddam siue prægustationem eius dulcedinis, quæ secundum Deum est, & finem nescit: quia æterna est.

D. An verò omnia hæc nobis sunt præcepto?

M. Iam suprâ dixi quòd non. Nam solum in præcepto est cessare ab operibus seruilibus siue prophanis exercitijs: id tamen ad eum finem, vt per ista iamiam enumerata sanctificetur dies festus, corque nostrū liberius ascendat in Deum. Finis autem non cadit sub præcepto: sed ea quæ sunt ad finem. Qui autem sic vacant à seruilibus, vt finem præcepti attingant, sanctificando Dominicam operibus sanctis, hi demum vtiliter, & cum fructu, salutis suæ, sanctificant diem festum: modò id faciāt per charitatem de puro corde, conscientia bona, & fide non ficta. Qui autem cessant ab operibus mechanicis, nec tamen cor conuertunt ad Deum, & officium virtutis, ij quidem faciunt opus præcepti, atque culpam declinant & iram: sed serui inutiles manent. Intermittunt enim lucrum temporale, & nullum attingūt emolumentum spirituale, neque vllam apud Deum promerentur gratiam. Dicant ergo serui inutiles sumus, quod facere debuimus, fecimus: nihil facti meliores, nullam gratiam cōsecuti, tempus perdidimus, & lucrum cessans accreuit nobis: lucrum verò accrescens nullum inuenimus. Porro qui Dominicam aut festum diem transigunt in crapulis, in choræis, in impudicijs, in ebrietatibus, in criminibus, illi violant, prophanant, atque dehonestant, quod Dei vel Ecclesiæ mandato sanctificandum erat, delinquentes plerunque magis, quàm si sua artificia contrectarent. Et si non committant duplex malum: tamen circūstantia diei sic aggrauatur peccatum, vt sæpe dupli-

Finis præcepti qui est sanctificare Dominicā non cadit sub præcepto. Qui obseruent Dominicam fructuose. Qui inutiliter. Ponitur hic dictū Chrysost. & Ambrosii. Qui scelerate & dānabiliter.

Esaï. 1.

Qui otioso
agunt in Do-
minicis.

cis delicti meritum in se contineat. Siquidem circūstan-
tia diei festi, haud secūs atque circūstantia loci sacri au-
get malitiam facti, licet non semper trahat in aliam spe-
ciem delicti. In quos verissimè competit, quod improp-
erant Esaïas Iudæis dicens: Neomeniam & Sabbatum (in-
quit Dominus) & festiuitates alias nō feram, iniqui sunt
cœtus vestri. Calendas vestras, & solennitates vestras
odiuit anima mea, facta sunt mihi molesta, laboraui su-
stinens. Et cū extenderitis manus vestras, auertam o-
culos meos à vobis: & cū multiplicaueritis orationem,
non exaudiam. Nec sunt sine culpa, licet fortassis sine cri-
mine, qui contenti vno sacro tepidè audito, totū dein-
ceps diem agunt in otio.

D. Hi tamen seriantur.

M. Et ideo puto eos nō peccare contra hoc mandatum:
peccant tamen, quoniam & otium peccatum est, & mul-
tam semper malitiam docuit otiositas. Dicit autem Sal-
uator, De omni verbo otioso, quod locuti fuerint ho-
mines, reddent rationem de eo in die iudicij. Si tempus
perdere malum est, multò peius erit perdere diem san-
ctum, Deo sacrum. Requiescere in Deo finis est huius

Quiescere
in Deo non
est otiosi.

mandati, non otium. Quies autem in Deo summum est
negotium, quæ quò fuerit purior, quò intimior, eò est
viuacior & negotiosa magis: Deus enim actus purus est,
& quò vnumquodque Deo est cōiunctius, eò fit & ip-
sum actu magis.

De festiuitatibus Sanctorum.

CAP. VIII.

D.

M.

Festa Sancto-
rum sunt non
sola quod
Sabbata.

DE alijs autem Sanctorum & Christi festiuita-
tibus quid dicemus?

Præter Dominicam (de qua satis diximus)
etiam aliæ festiuitates, Paschæ scilicet, Pente-
costes, Natiuitatis, Virginis deiparæ, Apostolorum, Mar-
tyrum,

tyrum, Confessorum, &c. sunt nobis instar Sabbato-
rum, id est, dierum requiei Domini, in hoc consecrati
& sanctificati à Domino per suos legitimos vicarios,
quos habet in Ecclesia, Papam scilicet & Episcopos:
idque per auctoritatem diuinam cælitis eis communi-
catam à Christo domino nostro, accedente interim ap-
probatione vniuersalis Ecclesiæ. Vis autem nunc cogno-
scere an talis ordinatio siue impositio festorum habeat
auctoritatem? Audi quæso Scripturam, sic docet: Amen
dico vobis, quæcunque alligaueritis super terram, erunt
ligata & in cælo. Iterum, Et ego dico tibi Petre, quia tu
es Petrus, & super hanc petram ædificabo Ecclesiā meā.
Et quodcunque ligaueris super terram, erit ligatum &
in cælis. Ecce iudicio Saluatoris ratum est in cælis, quod
præpositus Ecclesiæ vinculo suæ auctoritatis alligauerit
in terris, vel puniendo, vel præcipiendo, vel constituen-
do. Ne verò paruipendatur à quopiam obedientia rebel-
lioue hominis, contra præpositos Ecclesiæ, superaddi-
dit Saluator alio loco, Qui vos audit (hoc est, vobis obe-
dit: siquidem audire est obedire) me audit, Qui vos sper-
nit (id est, vestra mandata aut constitutiones reiicit) me
spernit: qui autem me spernit, spernit eū qui misit me.
Ostendens omnem rebellionem, quæ fit in pastores Ec-
clesiæ, omnemque obedientiam eis exhibitam redunda-
re in ipsum Christum ac Deum. Quid dicemus ad hæc?
Nunquid nos repugnabimus Dei ordinationi, vt irritā
dicamus impositionem Ecclesiasticam legitime factam,
quam Christus testatur ratam esse ac firmā in cælis? An
non super omnia horrendum, spreuisse Christum filiū
Dei, & patrem eius omnipotentē? Clamat autem Chri-
stus & se & Deum patrem sperni, spretis præpositis Ec-
clesiæ. Qui haud dubiè spernuntur quoties eorum au-
ctoritas in vsu legitimo aut contemptui est, aut non re-
cipit

*Quæ aucto-
ritatis
debeat esse
constitutio
festorum.
Matth. 18.
Matth. 16.*

LUC. 10.

cipit suam apud subditos pro dignitate obedientiâ aut venerationem.

D. Verùm dicent alij, non esse legitimum potestatis Ec-

An potestas Ecclesiasticæ vsum constituere festa.

stas Ecclesiastica posset cōstituere festa.

M. Quam ob causam?

D. Quia legitur apud Paulum, Nemo vos iudicet in ci-

bo, & in potu, aut in parte diei festi, supple non obser-

uati.

Coloss. 2.

M. At perge porrò ad id, quod ibidem sequitur.

D. Aut Neomeniæ, aut sabbatorum, quæ sunt vmbra fu-

turorum, corpus autem Christi.

M. Ecce ibi est solutio obiectionis tuæ. In hoc enim

Legis festiuitates non

sunt obseruandæ sicut

nec Sabbatū legis.

quòd dicit Apostolus, quæ sunt vmbra futurorum, &c.

manifestè declarat se loqui de delectu ciborum, ac festiui-

tatibus veteris legis: quæ quia figuram ac typum habe-

bant venturi Messiæ, ideo interierunt, sicuti & tota lex

vetus. Cedit figura adueniente veritate, cedit vmbra cor-

pori. Christus autem & corpus est & veritas. Sicut igitur

nemo nunc iudicatur peccasse, si non obseruet sabbatū

Iudæorum: ita nemo iudicari debet, si nō obseruet alias

festiuitates legis: imò iudicandus esset & puniendus, si

obseruaret, quasi à Christo excidisset, iam conuersus ad

vmbas Christi. Vt autem pergamus. Si Pontifex aut

Episcopus habet auctoritatem sanctificandi siue conse-

crandi hominem laicum in sacerdotem Christi: si adem-

prophanam sua benedictione potest facere perpetuò sa-

cram Deo: cur non haberet quoque potestatem conse-

crandi diem operarium, in diem festum, ac sacrum, vel

Christo, vel alicui Sanctorum eius? Fili sit tibi loco regu-

læ infallibilis, Quicquid agit minister ex vicaria aucto-

ritate tanquam locum tenens Domini sui, id ratum est

nō minùs, quàm si ipse Dominus fecisset. Et qui resistit

ministro, iniuriam facit domino, qui talem voluit esse

pote-

potestātē in suo vicario. Hęc regula certa est in omni prætorio, in omni senatu, in omni lege, ciuili, canonica, & Euāgelica. De Euāgelica iā probauimus, quantū satis est huic proposito: de alijs suo loco probabimus. Sit igitur procul à te, & valde procul, omnis contentio impietatis. Ab olim celebrata sunt Nō enim est adeo nuperū aut recēs, celebrare festiuitati-
bus natalitia Sanctorum, ab olim factum est per vniuersam Ecclesiam. Nam beatus Ignatius discipulus Ioannis festi natalitia Sanctorum in Ecclesia.
Apostoli, sicut in Epistola sua ad Magnesianos hortatur pro Sabbato celebrandum diem Dominicum: ita & Ignatius.
epistola sua ad Philippenses docet & alios dies festos honorandos esse. Post Ignatium etiam Origenes tractans illud Matthæi Rachel plorans filios suos, &c. Bene, inquit, secundū Dei voluntatē horū innocentium memoriā sancti patres celebrare mandauerunt in Ecclesijs. Igitur tum temporis erāt dies festi populo Christiano celebres.

D. An itaque tempore Christi fuerint aliqua festa Sanctorum?

M. Non. Nec vlla etiā fuere festa Christi tempore Christi. Non enim celebrari debet in terris, nisi quod glorificatum est in cælis. At tunc temporis, nec Christus glorificatus erat, nec aliquis Sanctorum.

D. An fuerint tempore Apostolorum?

M. Tempore Apostolorum postquam Christus erat in gloria Dei patris, & Spiritus Sancti de cælo datus, coeperunt vtique festa quædam Christi, Dominicæ, scilicet de quadiximus, Paschæ Pentecostes.

D. Verū an tunc fuerint festa Sanctorum?

M. Non, quia prius debebat Ecclesia fundari, deinde suis solennitatibus exornari. Ad hæc, tū temporis duces dei & magistrī religionis adhuc nobiscū agebāt sub ergastulo morituræ carnis, ipsi mortales sicuti & nos: quomodo igitur coli potuissent nondum glorificati?

D. Qui.

D. Quidam ex eis longè antè alios martyrio coronati erant, vt Iacobus minor Apostolus, beatus Stephanus protomartyr, Ioannes Baptista præcurſor Domini, innocentes pro Christo occiſi.

A. 12.

A. 7.


Marc. 6.

Matth. 2.

M. Sic ſe res habet: nihilominus neque coli ſtatim debent, nec palam feſtiuitatibus celebrari in medio nationis prauæ, id quæ à cæteris Apoſtoliſ: nimirum ne ſuſpicio fieret, quod non purè annuntiarent veritatem: ſed ſuos ambirent ſuorum quæ fratrum honores, ſtudentes in hoc abolere cultû deorum Gentilium, vt ſuos ſuorum quæ honores poſſent ſubſtituere.

De antiquitate feſtorum in Eccleſia.

CAP. IX.

M.  Aeterum, poſtquam latè per orbem plantari cœpiſſet Eccleſia, ac varijs locis velut in Reſpublicas coaleſcere, habens ſuas dominicas ſive baſilicas, publicæ oratoria, cœperunt tû Chriſtiani palàm celebrare, mirabili quæ religione obſeruare dies feſtos, non ſolùm Reſurrectionis Dominicæ, Aſcenſionis, Pentecoſtes, de quibus narrat D. Auguſt. ad Ianuariũ epiſt. 118. quod anniuerſaria ſolennitate celebra erant toto terrarum orbe, uſque ad ſuum tempus.

Hieron. in
vita Pauli
Heremita.

Quorum & D. Hieronij. meminit dicens: Quod beatus Antonius Heremita, diebus ſolennibus Paſchæ & Pêtecoteſtes, ſemper veſtiebatur tunica Pauli primi Heremite, quam ille ſibi de folijs arboris palmæ contextu erat. Ergo & ante illa tempora in uſu erant feſtiuitates Paſchæ & Pentecoſtes. Nam & hiſto. Eccleſ. libr. 7. cap. 1. loquitur de ſolenni die Paſchæ. Verum etiam aliorum Sanctorum, qui hinc migrarant ad cælum. Nam de feſto D. Laurentij expreſſe meminit Auguſt. Tract. 27. ſuper Ioannem. Prout etiam meminit feſtorum Natalis Domini, & S. Stephani ſerm. eiſdem Stephani, qui eſt primus

mus eius sermo de Sanctis. Quod autem festa Natiuitatis, & Assumptionis virginis Mariæ fuerint in populo celeberrima, etiam ante August. & Hieron. tempora constat luce clariùs ex Homilijs siue Sermonibus, quos de ijsdem festis scriptos reliquerunt. Sicut & Theodoretus Cyrus reliquit nobis tetrastichon in dormitione ^{turris} pro eius solennitate scriptum. Adhæc testimonio nobis sunt fidæ historiæ, singulorum Apostolorum festos dies celebratos fuisse, longè ante tempora Siricij Papæ, qui præfedit Ecclesiæ circiter annum Domini 398. Quo etiam tempore iam longo vsu celeberrima erant & alia Sanctorum festa, sic attestantibus vetustissimis scriptoribus. Nam de septem Machabæis: item de Cypriano Episcopo & Martyre testatur D. Gregor. Naziāz. quod ^{Gregor. Nazian. oratio} festiuitatibus & panegyribus celebrabantur ante annos 1270. De festis verò sancti Georgij militis Cæsariensis, ^{ne sua 20. et oratione} & sancti Mamantis, ac sanctæ Iulitæ martyrum testatur Basilus Magnus in sermonibus conscriptis, de eisdem. ^{19.} De festo autem beatæ Agnetis virginis ac martyris testatur diuus Ambrosius describens martyrium eiusdem. De festo insuper sancti Philogonij Episcopi testatur Ioā ^{104. Chrysost. Tom. 3. fol. 609.} nes Chrysostomus. De festo denique sancti Petri martyris testatur Rufinus presbyter. Præter hæc autem est ^{Rufinus lib. 10. histo. Eccl. cap. 14} inuenire tam apud Basilium, Chrysostomum, Cyprianum, Augustinum, quàm in Concilijs Ecclesiæ, quod ^{10. histo. Eccl. cap. 14} debeant in singulis quibusque locis, vbi sancti Martyres per martyrium generosè triumpharunt, aut vbi eorum seruantur corpora, festa eorundem celebrari. Nec non inuenitur per Conciliū Lugdunense, & cap. final. de ferijs per Gregorium nonum diligenter vetitum, ne quis audeat non obseruare festa ob reuerentiam Dei instituta, scilicet Natalis Domini, sancti Stephani, Ioannis Euangelistæ, Innocentum, sancti Syluestri, Circun-

cifronis, Epiphaniarum, Dominicæ Passionis, Resurrectionis, cum 7. sequentibus, Ascensionis, Pentecostes cum duobus qui sequuntur, Natiuitatis Ioannis Baptistæ, festiuitatum omnium gloriosæ virginis, duodecim Apostolorum: & præcipue Petri ac Pauli beati Laurentij, Dedicationis sancti Michaelis, solennitatis omnium Sanctorum. Hæc Gregorius, præcipiens ne quis cesset celebrare hæc festa, quæ iam ab olim toti populo celebra fuerunt, vti de quibusdam iam demonstrauimus. Celebrare itaque annuis festiuitatibus natalitia Sanctorum, nequaquam nuperum est aut confictum: sed vetustate venerabile, sed acceptum traditione à patribus fidei, & productum continuo per omnem seriem succedentium temporum.

D. Verum, an vetusti Patres inceperint olim eiusmodi solennitates Sanctorum absque verbo Dei?

M. Nequaquam: sed id fecere instituti verissimo purissimoque verbo Dei, partim viuæ traditionis. Nam quod docet discipulus Ioannis Apostoli **D.** Ignatius de festis Sanctorum hauserat ex viuâ doctrina eiusdem Apostoli: partim scripto in membranis per manum diui Pauli in sua epist. ad Hebr. cap. 13. vbi sic habet: Mementote præpositorum vestrorum, qui vobis locuti sunt verbū Dei, quorum intuentes exitum conuersationis, imitami fidem. In quibus verbis, quoniam dicit: Mementote, addens, Intuentes exitum conuersationis, certum est eum loqui de sanctis prælatis iam vita hac defunctis, docendo illorum memorias seruandas, ad eum finem, vt intuentes eorum perseuerantiam in bono, vsque ad exitū, imitentur fidem ipsorum. Non seruantur memorie, nisi defunctorum, nec exitus conuersationis cuiuspiam considerari potest, nisi cum migrauerit, at neque tum quidē nisi ab eo, qui vel præsens viderit, vel ab illis audierit, qui aut

aut ipsi viderunt, aut scriptam historiam vitæ eius legerunt. Itaque vel ex hac vna sententia Pauli licet colligere argumentum, quo demonstratur, sanctorum Episcoporum, post eorum obitum memorias seruandas esse in Ecclesia, ad eum finem, vt populus commonefactus perpendendo sanctam illorum conuersationem, imitetur fidem ipsorum, hoc est, studeat habere non quantulamcunque fidem: sed qualem habuere ipsi Sancti, sic ardentem, sic viuam charitate, sic ad cor transeuntem in omni opere bono, sic denique perseuerantem vsque in finem. De præpositis quidem Ecclesiæ adhuc viuentibus dicit eodem cap. Apostolus. Obedite præpositis vestris, & subiaceate eis, ipsi enim peruigilant, &c. De præpositis verò iam vita defunctis sic dicit: Mementote præpositorum vestrorum, &c. hoc est, retinete & celebrate memorias eorum, idque haud dubiè cum laudibus, sicut scriptum est, Memoria iusti cum laudibus. Et quidem dum stabit Ecclesia. nam dixit Propheta: In memoria æterna erit iustus. Non utique in cælo, vbi præsentibus sunt, siquidem præsentium non seruatur memoria: sed hic in Ecclesia Christi fidelium, vnde migrarunt ad Dominum. Atque hinc est, quòd veneranda Patrum antiquitas appellauerit olim festiuitates Sanctorum, & celebres illos conuentus, qui fiebant in natalitijs ipsorum, memorias eorundem, voce dictis scripturis admodum consona. Hinc & D. Chrysost. habes orationem de vita & virtutibus beati Philogonij, eo anniuersario die, quo ille migravit ad Dominum, dicit se cum populo celebrare memoriam eiusdem beati Philogonij. Quales memoriarum Sanctorum, quia fiebant, vt fieri debent, cum veneratione, gratulatione, panegyribus, laudibus ac hymnis (vti testatur Greg. Nazianz. quòd suo tempore septem Machabæi martyres honorabantur annuis festiuitatibus & panegyribus).

Prouer. 10.


Psalm. 111.

gyribus) ideo cœperūt postea appellari festa siue dies festi Sanctorum. Festum enim significat solenniter letum, atque ad diem pertinet. Vnde festa Sanctorum, dicuntur dies, in quibus populus feriat ad celebrandum cū lætitia ac deuotione memorias eorundem, & audiens ex sacris concionibus nobilia facta illorum, quibus mundū vicerunt, celumque penetrarunt, excitatur ad imitationem eius fidei, quæ in illis tāto perē claruerat. Caue itaque vlli loquentium de abrogādis Diuorum festis aurē præbeas: nam Spiritum Christi eiusmodi non habent, & te quoque exortem eius facerent. Quicumque enim habent Spiritum Christi non possunt non existimare, omni celebritate esse dignissima, viua illa & glorificata membra Christi, quæ Deus pater digna ducit festiuitate superna, perenni, inenarrabili in throno gloriæ suæ.

D. Cauebo sedulō.

De eo, An quolibet dies omnibus pijs æquē sacra esse debeat.

CAP. X.

D.  Egi fortuito in libello quodam istam propositionem, Futurum est, vt verē pijs quæuis dies sit æquē sacra.

Verē pijs quæuis est dies M. æquē sacra, quē sensum catholicū & quē habeat hereticum.

Talis propositio si intelligatur de eo quod futurū est post cōsummationē seculi: itē si intelligatur de pijs iam nunc cū Christo regnantibus in cælis, verissima est, habetque altū sensum, bene consonantem scripturis. Quia Sanctis nunc in cælis, & post cōsummationem seculi, vniuersis qui salui erunt, non solum omnis dies, sed & omnis nox æquē sacra, & æquē ferialis erit. Nam ibi vniuersi serias agunt sine intermissione, seruientes Deo in requie sempiterna, & plena sanctitate, & perfecta iustitia, dulcedineque ineffabili beatitudinis omnibus diebus corā ipso, in templo eius, prout expressē testatur Apocalypsis Ioannis, dicens: Hi sunt qui venerūt

Apoc. 7.

ex magna tribulatione, & lauerunt stolas suas in sanguine agni: ideo sunt ante thronum Dei, & seruiunt ei die ac nocte in templo eius: & qui sedet in throno, habitabit super illos. Non erit ibi labor, aut dolor, neque vllus æstus, quoniam priora transierunt. Perpetuò esse sine labore in templo Dei, ante thronum eius, seruiendo ei in laudibus verè diuinis per acclamationem Sanctus, Sanctus, Sanctus, Dominus Deus Sabaoth. Item, Salus Deo nostro, qui sedet super thronum & agno. Et illud, Benedictio, & claritas, & sapientia, & gratiarum actio, honor & virtus, & fortitudo Deo nostro in secula seculorum. Amen. Perpetuò, dico, sic esse, sicque Deo acclamare laudem, & gratiarum actionem, in quiete & dulcedine, cum inenarrabili tripudio cordis, an non verissimè est, Sabbatum Domini agere ac festum diem, & centuplo eminentius quàm nos vnquam hìc agere possumus? O fili in cælo est verus sabbatismus, veraque requies, qua in se requieuit Deus septimo die, qua & Christus filius hominis requieuit in Deo, mysterio redemptionis consummato: vt pulcherrimè deducit Apostolus ad Hebræos 4. ex verbis Prophetæ dicentis, Hodie si vocem eius audieritis, nolite obdurare corda vestra, &c. Festinemus ergo ingredi in illam requiè, ne quis in idipsum incidat incredulitatis exemplum. At qui non dignatur hìc, vel semel in septimana ad mandatum Dei sui sabbatizare Dominicam, nunquam ingreditur in illum Sabbatismum Domini, quem inuenit, quem & dedit omnibus redemptor noster Christus. Cæterum si eadè propositio intelligatur de tempore nouæ legis, quasi hìc in hoc mundo debeat omnis dies omnibus pijs esse æquè sacer, profectò optimo iure à venerabili Facultate Theologica Parisiensi condemnata est his verbis. *Propositio ista innuens cultum diei Dominicæ, & aliorum festorū*


Sensus manifestus sine hereticis præsertim propositionis.

ab Ecclesia vtiliter & sanctè institutorū, aliquādo in Ecclesia militāte abolendū, quod in magnā vergeret perniciē Christianismi, irrationabiliter asseritur, nēpe conformiter ad errorē Beguadorū, qui dicūt tertiū præceptū Decalogi, scilicet, Sabbatū sanctifices, iā cessare, quantū ad iustos. Hæc illi. Cui sententiæ celeberrimę facultatis Theologicę Parisiensis, si adiunxeris, quæ asserit beatus

Chrysoft. Chrysoft. in oratione quā habuit de S. Philogonio, die
Tom. 1. fol. quinta ante Natālē Domini, nempe diē natalem Christi
 103. secundum carnem esse festum omniū festorum, maximè venerandum, adorandumque, quod si quis, inquit, appellat omnium festorum metropolim, haudquaquam aberrat. Ab hoc enim illustratio Dei festum videlicet Epiphaniarum ac sacrum Pascha, Ascensio, & Pentecoste originem ac fundamentum ducūt. Subiungens, Verūm non ob hoc tantūm par est hunc diē cæteris anteponi: sed etiam ob id, quod id, quod in hoc natum est, cæteris omnibus est venerabilius. Et paulò inferiūs, Propter hoc, inquit, potissimū amplexor diligoque diē hunc, & amorem eius in medium propono, vt vos huius amatorij pharmaci participes reddam. Eoque rogo vos omnes obsecroque, vt summo studio summaque cum alacritate, velitis adesse: sed prius suam quisque domum repurget, &c. Hæc ex Chrysoft. Quibus si addas quæ paulò superiūs demonstrauius, videbis antedictā tuam propositionem esse à vero alienissimā.

D. Sufficit mihi.

Summariè qui debeant computari inter transgressores
 huius mandati. CAP. XI.

D.  Recor autem repete mihi paucis ac summariè, quos oporteat censere præuaricatores huius mandati.

Vti

M. Vtique peccant contra hoc mandatum vniuersi, qui in Dominica, vel festiuis diebus non cessant ab operibus seruilibus, à laicis officijs, ac prophanis laboribus, secundum declarationem & exceptionem superius factas. Itē qui seruos suos, aut ancillas non minùs occupant opere manuali in Dominicis & festis, quàm in profestis. Peccant dico heri qui imperant, peccant & ministri qui obtemperant. Nam respondere deberent, Obedire magis oportet Deo, & vniuersali Ecclesiæ, quàm cuiquam hominum. Peccant quoque qui diebus feriatis negotiantur per equos suos, aut asinos, aliàue iumenta: nam & hoc facere non possunt absque occupatione familiæ suæ. Et qui non magis intendunt diuinis ac sacris in Dominica quàm alijs prophanis diebus: sed occupant se aut vanis, aut petulantibus, aut luxuriosis otijs, subinde magis negotiosis quàm si consuetas operas suas manuales tractarent. Cætera tu collige ex præmissis.

*Summarie
qui offendunt
contra
hoc manda-
tum.*

D. Verùm an semper peccent mortaliter?

M. Quis obsecro hoc definire poterit: cùm nullum sit peccatum tam graue, tamque enorme, quod non ex causa, & adiacente circūstantia, veniale aliquando fiat: etiā odium Dei, vt docet consolatorius Doctor Gerson? Scimus inobedientiam esse peccatum mortale ex genere: verùm potest ex ea surreptione, & ex tali perturbatione aut tanta infirmitate procedere, vt non sit nisi venialis culpa, sitque aliquando sine culpa. Quidam violando Dominicam peccant grauiùs, quidam leuiùs. Non omnes peccant eodem modo: quia non omnes similiter affecti, neque eisdem ex causis, neque propter eundem finē violant Sabbatum. Relinquamus igitur hæc Deo, qui scrutatur renes & corda, & nouit abscondita tenebrarū, pergentes ad mandatum, quod quidem est quartum in ordine, primum verò in promissione.

*An omnis
transgressio
huius mada
ti sit pecca-
tū mortale.*

Elenchus Capitū Tractatus quinti.



*Va de causa tanto studio ac cura datum sit hoc quantum
mandatum.*

Cap. I.

*Qui sint nomine patris & matris intelligendi in hoc man
dato.*

Cap. II.

De quo honore debeat intelligi præceptum.

Cap. III.

*Quousque extendat se istud præceptum affirmatiuum, & quale inclu
dat negatiuum.*

Cap. IIII.

Quomodo tria prædicta debeant singuli suis superioribus.

Cap. V.

Penes Episcopos & Prælatos Ecclesie esse auctoritatem iurisdictionis.

Cap. VI.

Apostolos vsos fuisse potestate iurisdictionis in singulos subditos.

Cap. VII.

Cause ob quas debeant & possint percuti fulmine Excommunicationis contumaces & scelerati.

Cap. VIII.

*An Prælati Ecclesie possint nouas facere constitutiones, earq; præci
pere que extra Euangelium sunt.*

Cap. IX.

*Principibus & magistratibus deberi ea que hoc præcepto mandan
tur.*

Cap. X.

Summatim qui peccent contra hoc mandatum.


Cap. XI.

Tracta

Tractatus quintus.

Qua de causa tanto studio ac cura datum sit hoc quantum
mandatum. CAP. 1.

D. Abeas in honore parentes.

M.  Quin potius in lege Domini quid scriptum est? Quomodo legis?

D. Honora patrem tuum & matrem tuam, ut sis longæuus super terram, quam dominus Deus tuus dabit tibi.

M. Sic habet textus Exod. 20. Deut. verò. 5. cap. sic legimus, Honora patrem tuum & matrem, sicut præcepit tibi dominus Deus tuus, ut longo viuas tempore, & bene sit tibi in terra, quam dominus Deus tuus daturus est tibi. Renouauit autem istud mandatū Saluator in Euangelio dicens adolescenti: Si vis ad vitam ingredi, serua mandata. Illo verò interrogante, Quæ? Inter alia enumerat ei Dominus, Honora patrem tuum, & matrem tuam. Rursum Matth. 15. affirmat hoc ipsum esse Dei mandatum. Sic enim respondet Phariseis, vos irritum fecistis mandatum Dei, de honorandis parentibus, propter traditionem vestram. Persuadet autem & Paulus huius mandati obseruationem ex triplici ratione. Quæ prima est, Hoc enim placitum est in Domino. Secunda, Hoc enim iustum est. Tertia, quia primum est in promissione, nempe, ut bene sit tibi, & sis longæuus super terram.

Mandatum istud renouatum in Euangelio: Matth. 19.

A Paulo triplici ratione diligenter persuasum. Collos. 3. Ephes. 6. Ibidem.

D. Memini me legisse in Valer. Max. primam esse naturæ legem, diligere parentes.

M. Quæ lex adeo insidet omnium pectoribus, ut etiam bruta animalia eo instinctu ducantur.

D. Quorsum igitur opus erat tanta cura, tamque varijs

Val. Max. lib. 5. cap. 4. Quare tam studiose est inculcatum mandatum istud.

in locis inculcare hoc mandatum?

M. Vel hinc debes colligere: quanta corruptione labefactauerat naturam nostram peccatum, vt fuerit necesse præcipere tanta cura rem omnium iudicio, omniq; iure æquissimam, quam etiam bruta animantia sibi ex naturali suo instinctu & inditam habent, & obseruant: homo tamen non sit obseruaturus, nisi incitet auctoritas Dei suis mandatis, inuitet promissione, deterreat pœnarum comminatione. Quemadmodum patet in lege, nec vsquam fusiùs, quàm in Ecclesiastico siue Sapientia Iesu filij Syrach cap.3. Olim quærebatur à quodam legislatore, cur nullam pœnam statuisset ei, qui vel patrem vel matrem occidisset. Respondit se non putasse, tantùm impietatis inesse humanis pectoribus, vt audeat quispiam occidere eum, per quem initium accepisset vitæ. Deus verò, cui omnia sunt manifesta, præsciens tantam humani generis impietatem, vt ne parentes quidem securi sint futuri à maledicentia, plus dico, à truculentis manibus suarum prolium, hoc est, suorum quæ genuerunt viscerum, compulsus est pœnam constituere tam parricidio quàm maledicentiæ in parentes, dicente Apostolo.

1. Timot. 1. Lex iusto non est posita, sed iniustis, & non subditis, patricidis & matricidis, &c. O maledictum peccatum, quod protrulisti nobilem illam hominis substantiam, vt non

Non solum solum homo, fortassis alienus fieret homini non homo: *homo homi* verùm etiam filius patri, & partus egrediens de vtero *ni lupus, sed* tris fieret genetrici suæ, & non homo, & lupus, & viper- *filius patri,* ra. Quæ vt in conceptu suffocat marem seminantem, ita *et matri* in partu corrodit viscera matris partutientis. Vt non im- *vipera.* meritò concionetur Ioannes Baptista, dicens: Genimina

Matth. 3. viperarum, quis vobis demonstrabit fugere à ventu-

Matth. 12. ra ira? Et Saluator, progenies viperarum. Rursum, Ser-

Matth. 23. pentes, genimina viperarum: quomodo fugietis à iudi-
cio

cio gehennæ? Ecce ego mitto ad vos prophetas & sapientes, & scribas: & ex illis occidetis & crucifigetis, & ex eis flagellabitis in synagogis vestris, & persequemini de ciuitate in ciuitatem: vt veniat super vos omnis sanguis iustus, qui effusus est super terram, à sanguine Abel iusti vsque ad sanguinem Zachariæ filij Barachiz, quem occidistis inter templum & altare, &c. Occiderunt enim Iudæi primùm prophetas, deinde Christum, post Christum verò Apostolos: idque in ipso adhuc enixu, quo velut parturientes nitebantur generare in affectibus eorum, veritatem, per veritatem, virtutem: per virtutem denique Deum ac Christum. Post Iudæos verò etiam principes Gentium, qua non sunt vsi crudelitate in mandandis sanctis Dei hominibus? Laborabant ipsi vt extinguerent: laborabant isti vt in suis extinctoribus vitam seminarent æternam. An non planè viperinum est, in ipso partu trucidare parentem?

Genes. 4.


2. Paral. 24

D. At istud videtur extra propositum esse. Mandatum enim de honorandis progenitoribus loquitur: præmissa autem respiciunt martyria Sanctorum.

M. Extra propositum? An tractare in hoc mandato de parricidio & matricidio sit extra propositum? Quod fecerunt illi, veraciter parricidium fuit: erant enim quos trucidabant tantò iustiùs vocandi patres, quantò generabant in eis vitam infinitis modis digniorè ea vita, quæ datur à progenitoribus carnis. De quo nunc incipimus dicere.

Qui sint nomine patris & matris intelligendi in hoc mandato.

CAP. II.

M.  T. autem huc pertinere scias quod diximus, examinemus, qui nomine patris ac matris hoc loco sint intelligendi. Quid tibi apparet?

O 5

D. Cer-

D. Certè ego nominibus patris ac matris intelligendos puto progenitores nostros.

M. Non alios quàm qui carnem genuerunt?

D. Non. His enim hæc nomina imposita esse videntur.

M. Erras, non aduertens phrasim & cõsuetudinem scri-

Primò pater et mater sunt progenitores carnis, ascēdendo etiā bla- tra attauū. pturarum. Secūdum scripturas, namquē primò pater & mater intelliguntur progenitores carnis nostræ, à quibus vel mediatè, vel immediatè accepimus esse naturæ: vt pater, auus, proauus, attauus, mater, auia, proauia, attauia, sicquē ascendendo, si placet, in Adam vsque, primum naturę parentem. Patet istud Prouerb. 20. 23. Ioan- nis 6. Heb. 13. Secundò patres sunt, qui generant in nobis spiritum Christi, siue nouam illam creaturam, qua quis uiuit in Christo vitam sanctam, Deoq; placentem, quemadmodum Apostolus. 1. ad Corint. 4. testatur dicens: Non vt confundā vos hæc scribo: sed vt filios meos charissimos moneo. Nam si decem millia pædagogorum habeatis in Christo: sed nō multos patres. Nam in Christo Iesu, per Euangeliū ego vos genui. Et ad Galatas 4. Filioli mei, quos iterum parturio, donec formetur in vobis Christus. De quibus patribus potissimè dictum videtur illud Deut. Interroga patrem tuum, & annūtiabit tibi: maiores tuos, & dicent tibi. Hoc pacto & potiores Prophetarum olim vocabantur patres. Eliseus enim vocat Eliam patrem, dicens: Pater mi, pater mi, currus Israēl, & auriga eius. Et alij Prophetæ vocabant Eliseū patrem suum. Præpositi igitur Ecclesiarum, sacerdotes, pastores, episcopi, doctores quoque & concionatores verbi Dei, tibi filii, mihiq; patres sunt, tantò venerabiliores parentibus secundum carnem, quantò dignior est ea vita quam ipsi seminant in visceribus nostris. Tertiò patres sunt gubernatores Reipublicæ, nimirū principes, prætores, magistratus, qui gladij potestatem habent, & præs-

Deut. 32.

4. Reg. 2.

Tertiò patres sunt gubernatores Reip.

præs-

præſident non ſolùm ad conſeruatiõem rerum ac poſſeſſionum: ſed etiam ad vitæ ac innocentie tutelam: vnde Romani Senatores ſuos patres conſcriptos: eos verò qui feliciter Reipublicæ præſuiſſent patres patriæ appellabant. Et in libris Regum legimus ſeruos Naaman Syri 4. Reg. 5. principis militiæ regis Aſſiriæ dominum ſuum appellafſe patrem, dicentes: Pater, ſi grandem rem dixiſſet tibi Propheta, certè facere debueras. Haud diſſimili ratione tutores & curatores, & magiſtros morum patres vocamus: eò quòd vitæ bene formandæ, curam quaſi paternam impendūt: vnde iuſtum videtur, vt iuxta nomenclaturam etiam honorem accipiant parentibus debitum. Quod hîc de viris dictum eſt, hoc ad ſexum ſcœmineum ſimili ratione trãſſerre debes. Verùm in nomine matris, *In nomine matris ſpecialiter intelligenda* ſpecialiter intelligenda venit Eccleſia catholica. Nam ſecundum Apoſtolum ad Galatas, Illa quæ ſurſum eſt *telligenda Eccleſia. Galat. 4.* Hieruſalem, libera eſt, quæ eſt mater noſtra. Scriptum eſt enim, Lætare ſterilis, quæ non paris: erumpe, & clama, quæ non parturis: quia multi ſunt filij deſertæ, magis quàm eius quæ habet virũ. Nos autem fratres ſecundum Iſaac, promiſſionis filij ſumus: eius quæ libera fuit, & typum geſſit Eccleſiæ Chriſtianæ. Siquidem Eccleſia, quæ olim ante Chriſtum ſterilis erat, ſub Chriſto facta eſt ſcœcundiffima, generans quotidie Deo per Baptiſmum numeroſum populum. Quem generatũ exinde velut lacte ab ubribus ſuis educat ac format ſedulo, per verbum Dei, per Sacramenta, per preces, & pietatis exempla, haud ſecũs atque piã ac ſedula mater. Poſtremo dicuntur patres appellatione ſcripturæ, viri ac mulieres grandæui, ſenio venerabiles, moribus compoſiti, experientia rerum periti, adeo vt idonei ſint multos erudire ad virtutem in communitate. Hinc Apoſtolus ad Timotheum, Seniore, inquit, ne increpaucris, ſed ob- 1. Timot. 5.
ſecra

seca vt patrem, anus vt matres. Si Apostolus Christi voluit Episcopum Timotheum grandæuis viris, ac mulieribus deferre honorem, tanquam patres essent ac matres communitatis, quantò magis debemus id ipsum & nos facere?

D. Conuincit ratio, Veruntamen nequaquam eo modo patres nostri sunt senes in communitate, atque proprii parentes.

M. Neque sic patres nostri sunt, progenitores carnis, atque ij, qui in nobis generant Christum, & per Christum vitam æternam. Itaque pro regula habebis: quò vnusquisque magis participat in nomine patris aut matris, quòque meliori ratione nobis parens est, & dicitur, eo sollicitius ei impendendus est honor, qui hoc mandato præcipitur.

De quo honore debeat intelligi præceptum. CAP. III.

M. **N**unc dicito, de quo honore intelligas, cum dicitur, Honora patrem tuum, & matrem tuam: nam ibi præcipua est difficultas.

D. De honore reuerentiæ, veluti dum assurgimus, aut genu illis flectimus, aut caput aperimus, aliòue modo reuerentiam impendimus.

M. Aliquid dicis: sed necdum plenitudinem attingis præcepti. Quandoquidem verbum honorare iuxta proprietatem Scripturæ sacræ includit in se tria. Primum spontaneam obedientiam: enim uerò honos magnus est parentum, habere filios dicto obedientes: contra confusio patris est filius proteruius, & indisciplinatus. Hinc Apostolus, Filij obedite parentibus vestris: hoc enim iustum est. Quapropter non obsequi, iniustum esse oportet, contra æquitatem naturalem. Rursum, Hoc enim beneplacitum est in Domino, qui mandando sic præcepit. Et ob-

Collos. 3.
Ephef. 6.

seco

secro in quo potissimum honorauit Christus dominus, *Quomodo*
 Deū cæli patrē suū dicens: Sed honorifico patrem meū, *Christus*
 & vos inhonorastis me: nōne in hoc, q̄ vbiq; prætule- *honorauit*
 rit volūtate patris proprijs votis, factus illi obediēs vsq; *patrē suū.*
 ad mortē, mortem autē crucis? Quia descēdi, inquit, de *Ioan. 8.*
 cælo, nō vt faciā volūtatem meā: sed volūtatem eius, qui *philip. 2.*
 misit me. Porro Christi actio, nostra est instructio. Hinc *Ioan. 6.*
 Sapiens, Fili mi audi disciplinā patris tui, & ne dimittas *Prouerb. 1.*
 legē matris tuæ: vt addatur gratia capiti tuo, & torques
 collo tuo. Et alibi, Qui timet Dominum honorat paren- *Eccles. 3.*
 tes, & quasi dominis seruiet his, qui se genuerunt. Ha-
 bes exempla Sanctorū innumera, quæ huc te adhortan-
 tur. Isaac enim figura Christi patri suo, vt immolaretur *Genes. 22.*
 lubens copiam sui fecit. Rechabite iussui patris sui Iona- *Ierem. 35.*
 dab obtemperauerunt, non bibentes vinum in æternum.
 Denique Christus, & ipse Deus existens, subditus erat *Luc. 2.*
 Ioseph & Mariæ parentibus suis hominibus. Secundò
 includit in se honor parentum pietatem, siue benignita-
 tem in eosdem, vt filius subueniat parentibus, modò
 egeant, pro viribus ac facultatibus suis: nec id semel dun-
 taxat atque iterum, sed perseveranter pro omni tempo-
 re vitæ eorum. Dicit enim Sapiens, In opere, & sermo- *Eccles. 3.*
 ne, & omni patientia honora patrem tuum. Fili, suscipe
 senectam patris tui: & non contristes eum in vita illius:
 etsi defecerit sensu, veniam da, & ne spernas eum in vir- *Eccles. 7.*
 tute tuæ: & gemitus matris tuæ ne obliuiscaris. Memen-
 to quoniam nisi per illos, natus non fuisses: & retribue
 illis, quomodo & illi tibi. Querula est omnis senectus, *Non quales*
 & habent sua vitia parentes: tamen etiam si morosi sint, *sint paren-*
 aut deliri fiant, semper anteponenda sunt quibuslibet *tes, sed q̄*
 vitijs amabilia illa patris ac matris nomina: nec quales *eos habe-*
 moribus sunt: sed quòd parentes sunt, æstimandum ven- *mus paren-*
 nit. Esto rex fias aut Episcopus, etiam hoc vel ignobilis- *tes æstima-*
 simo

simo patri acceptum ferre debes: quoniam quod es, de-
 bes patri secundum Deum, & nisi esses, rex aut Episco-
 pus esse non posses. Ioseph euectus ad sceptrum Aegy-
 pti, & factus saluator mundi, disce, qua ipse diligentia
 aluerit, quo studio coluerit patrem indigentem, pastore
 ouium ab adolescentia sua. Genes. 46. 47. 48. cap. Hic
 certè non possum non exclamare in vitia huius tempo-
 ris. Equidem vidi, & bene cognoui matronam quandā
 centum annorum, quæ de suis visceribus genuerat ma-
 rito suo viginti duas proles, & easdem honestissimè edu-
 cauerat, omnem substantiam dependens in illas. Cùm
 autem facta esset centenaria, & planè inops omnium tā
 rerum quàm virium, non inuenta est ne vna quidem ex
 omnibus illis prolibus, (cùm tamen superessent plures
 mediocris fortunæ) quæ matrem iam capulo proximam
 reciperet sub tectum, aut extremæ vitæ necessaria præsta-
 ret. O rem non solùm indignam, sed plusquam crude-
 lem! Verùm missa isthæc faciamus. Quòd autem honor
 parentum includit subsidium eisdem impendendum,
 Matth. 15. palàm testatur Saluator dicens: Quare vos transgredi-
 mini mandatum Dei, propter traditionem vestram? Nā
 dixit Deus, Honora patrem & matrem, &, Qui maledi-
 xerit patri vel matri, morte moriatur. Vos autem dicitis:
 Quicumque dixerit patri vel matri, Munus quòdcunq;
 est ex me, tibi proderit. & non honorificabit patrem suū
 aut matrem suam: & irritum fecistis mandatū Dei pro-
 pter traditionem vestram. Quasi diceret, Vos docuistis
 satis esse, obtulisse in templo, quod debebatur subuen-
 tionem parentum. Ego autem dico vobis, quòd per hoc ir-
 ritum fecistis mandatum Dei de honorandis parentibus:
 quia subuenire est honorare, non subuenire est inhono-
 rare. Siquidem vt magna est afflictio parentum, ita cer-
 tē non modica videtur confusio, derelinqui in egestate
 &

& angustijs, etiam ab ijs, qui quod sunt, non nisi de ip-
 forum visceribus sunt. Tertiò includit honor iste exhi-
 bitionem debitæ reuerentiæ: qualis sit non solùm denu-
 datione capitis coram eis: sed etiã ac magis, si per omnia
 primas illis tribuamus in colloquijs, in conuiuijs, in con-
 sessibus, in amicitijs, in familiaritate, in humanitatis stu-
 dio, in disponendo de rebus domesticis, in consultâdo,
 ac alijs. Cuiusmodi sanè probatione non egent: quia per
 se manifesta sunt, omnium hominum iudicio. Salomon
 ille sapientissimus matri venienti assurrexit, eãque ado-
 rans iuxta se in solio gloriæ collocauit. Itaque in his tri-
 bus honorantur parentes. Quæ qui non exhibet, indu-
 bièprehenditur esse præuaricator huius mandati.

D. An etiã impleat istud mandatum hæc exhibens dun-
 taxat foris in opere?

M. In omni prætorio, & coram vniuersis tribunalibus
 pro eodem habentur, non esse & semiplenè esse. In offi-
 cijs autem humanis, quod foris est in opere, & non pro-
 dit syncerè ab intus de affectu cordis, hoc semiplenè est:
 eamque ob causam quasi non esset, ita iudicatur à Do-
 mino. Debet enim integrum esse, ac syncerum, non fi-
 ctum, non simulatum, non semiplenum, quod vel man-
 dat vel commendat Scriptura sacra. Honor ergo, de quo
 loquitur præceptum, debet surgere de corde, & ex eo af-
 fectu, quo quis habet & æstimat parentem, velut eum,
 cui nunquam redditur æquivalens. Iuxta illud Aristo-
 telis, Dijs, parentibus, & magistris non redditur æquiva-
 lens. Alioqui non satisficit huic præcepto, & longè porro
 proijcitur à magnifica illa promissione, nimirum, Vt sis
 longèuius super terram.

*Honor pa-
 tris non
 debet esse
 fictitijs, sed
 verus &
 cordialis.*

D. Putarent pij magnificentiore esse promissionem,
 citò dissolui, & esse cum Christo.

M. Hoc ipsum & Apostolus iudicat multò meliùs, quo-
 niam

Eph. 5.

1. Ioan. 5.

niam dies mali sunt: & totus mundus in maligno positus est. Olim tempore legis in populo carnali, cum cælum adhuc clausum esset, indubièrat magnifica hæc promissio, vt longo viuas tempore super terram. At nunc patefactis cælis, Apostolus allegas apud Ephesios huius mandati promissiones non solum intellexit de terra elementalibus: sed & mysticè ac anagogicè de terra viuientium:

Matth. 5.

prout & Christus intellexit illud Matthæi: Beati mites, quoniam ipsi possidebunt terram. Nihilominus certum est vlticem manum Domini, etiam nunc temporis multos perdere de terra hac & vita, eâ ob causam, quod inhumani aut impij fuerint in parentes suos.

Quousque extendat se istud præceptum affirmatiuum, & quale includat negatiuum. CAP. IIIL

D.



Erùm quid si tam procul absim à parentibus meis, vt eis exhibere reuerentiam aut subuentionem non valeam?

M.

Istud præceptum quia affirmatiuum, ligat semper, sed non pro semper. Neque votum soluendum, neque matrimonium vt subuenias parentum necessitati. Hieronym. Tom. 1. epistol. 1.

Nusquam peccat, non posse: nihil enim impossibile cadit sub præcepto. Est istud præceptum affirmatiuum, quale obligat semper: quia nemo vnquam eximitur ab eius obligatione: sed non pro semper, hoc est, non ad id obligat, vt pro omni temporis momento fiat eius executio. Sufficit enim fecisse opus præcepti affirmatiui pro loco & tempore congruis, nempe vbi se offert congrua occasio, vel iusta exequendi causa. Etenim, si hæc es, non oportet statim Romanum currere, vt ibi honores parentem. Si voto ligatus es, non oportet (quod hodie multi dicunt) soluere monasticam professionem, vt inseruias progenitoribus carnis. Audet enim diuus Hieronymus sanctimonia & eruditione probatissimus (cui vni plus credendum est, quam vniuersæ Protestantium hereticorum turbæ) constanter pronunciare inuitans Heliodorum

rum

rum ad vitam solitariam in heremo, in hunc modum,
 Licet paruulus ex collo pendeat nepos, licet sparso crine
 & scissis vestibus, vbera quibus te nutrierat mater osten-
 dat, licet in limine pater iaceat, per calcatū perge patrem
 siccis oculis, ad vexillum crucis euola. Solum siue (vt alij
 legūt) solidū pietatis genus est, in hac parte esse crudelē.
 Hæc ille. Si denique tu in vna ciuitate cū vxore & proli-
 bus habitas, pater verò in alia: non te cogit præceptū de-
 relinquare vxorem & liberos, quò inseruias patris ne-
 cessitati. Alioqui quomodo verum erit, quòd Dominus
 per os Adæ pronunciauit, Propter hoc relinquet homo
 patrem & matrem & adhærebit vxori suæ? Veruntamen
 vrget te præceptum, vt tantum impendas subsidij, quan-
 tum fieri potest, saluis legibus matrimonij. Sic quoque
 vrget monachum & monacham, vt tantum se impendat
 egenis parentibus, quantum patitur monastica profes-
 sio. Quis enim dicet, minùs habere roboris, voti promif-
 sionem Deo cæli solenniter factam, quàm fœdus matri-
 monij hinc inde homini ab homine cōpromissum? Inte-
 rea hoc quoque aduerte, mandatū istud præsuppo-
 nere cūctas leges charitatis & iustitiæ, quibus obstringi-
 mur vniuersis hominibus, & exigere vltra has honore,
 de quo iam diximus. Igitur vt turpiter impij sunt, qui
 proprijs parentibus non plus impendunt, quàm lex cha-
 ritatis iubet impendendum omnibus: ita peccant supra
 modū cōtra hoc mandatū, qui exasperant parentes suos
 aut subsannāt, aut fraudant, aut cōtumelijs afficiūt, aut
 abliguriūt substantiā illorū, labores illorum, stillantem
 sudorem vultus eorum, aut bonam famam eorum deni-
 grant, si non sermone, saltem opere, adeo perdite viuen-
 do, vt dedecori sint progenitoribus suis? Porro qui ver-
 berant, aut manus suas commaculant sanguine paren-

Genes. 2.

*Mandatū
istud præ-
supponit
præcepta
charitatis
et iustitiæ.*


*Contume-
liosus in pa-
rentes aut
iniurijs gra-
uissime pec-
cant.*

P. tum,

L. Pet. 4. tum, hi denique ubi parebunt? Si iustus vix saluabitur (vt inquit Petrus) quid, precor, agent isti, quorum impietas commaculat omnem legem, naturalem, humanā, diuinam, amicitiarum, iustitiæ, charitatis? Nec deponit solum affectum hominis: sed & omnium serè quæ viuunt sub sole, degenerans in naturam prorsus viperinam. Hæc equidem non attingerem, nisi subinde ita fieri exploratum haberem.

D. Tamen nihil de parricidio aut matricidio loquuntur verba præcepti istius.
Prohibetur hic parricidia & matricidia. Præceptum affirmatiuum includit in se negatiuum.
M. Esto. Verum quotiescunque mandatum affirmatiuum præcipit actum aliquem, in effectu prohibet idem mandatum, omne id quod actui illi repugnat. Vnde qui præcepit honorandos parentes pro loco & tempore, ille in effectu prohibuit, ne vnquam afficiantur dedecore, iniuria, contumelia, aut tristitia.

Quomodo tria prædicta debeant singuli suis superioribus CAP. V.

M.  Tunc applicemus ista, etiam ad illos, qui licet non vulgò, tamen veraciter inter parentes numerandi sunt. Meministi qui nomine parentum intelligantur?

D. Memini. nempe Episcopi, pastores, sacerdotes, doctores, prædicatores verbi, rectores Reipublicæ, tutores, & mater nostra Ecclesia Christi.

M. His igitur debemus tria illa quæ sub nomine, honorare, comprehenduntur: scilicet obedientiam, deinde & subuentionem in temporalibus, tertio reuerentiam unicuique in gradu suo, & secundum meritum ministerij quod impendit.

D. An hoc etiam testentur Scripturæ sanctæ?

M. Abundè, Obedite, inquit Apostolus, præpositis vestris.

stris, & subiaceite eis: ipsi enim peruigilant quasi ratione pro animabus vestris reddituri, ut cū gaudio hoc faciāt, & non gementes. Igitur honorandi sunt per spontaneā obedientiam. Rursus ad Timoth. Qui bene præsunt *1. Timot. 5.* presbyteri, duplici honore digni habeantur: maximè qui laborant in verbo & doctrina. Dicit enim Scriptura, Nō alligabis os boui triturāti. &, Dignus est operarius mercede sua. Ergo patribus fidei ac religionis, hoc est, præpositis, pastoribus, euangelistis, & doctoribus debemus præter obedientiam etiam subuentionem rerum temporalium. Quod certè Apostolus admodum insigniter demonstrat ad Corinth. Primò ex lege naturali, deinde ex lege Moysaica, tertio ex ordinatione Christi, dicens: Quis militat suis stipendijs vnquam? Quis plantat vineam, & de fructu eius non edit? Quis pascit gregem, & de lacte gregis non manducat? Nunquid secundum hominem hæc dico? An & lex hæc non dixit? Scriptum est enim in lege Moyse: Non alligabis os boui trituranti. Nunquid de bobus cura est Deo? An propter nos utique hæc dicit? Nam propter nos utique scripta sunt, quoniam debet in spe qui arat, arare, & qui triturat, in spe fructus percipiendi. Si nos vobis spiritualia seminauimus, magnū est, si nos carnalia vestra metamus? Si alij potestatis vestræ participes sunt, quare non potiùs nos? Sed non vli sumus hac potestate, sed omnia sustinemus, ne quod offendiculū demus Euangelio Christi. Nescitis quoniā qui in sacrario operātur, quæ de sacrario sunt, edunt? Et qui altario deseruiūt, cū altario participāt? Ita et Dominus ordinauit his, qui Euāgeliū annuntiāt, de Euāgelio viuere. Hæc autē meritò sufficere deberēt huic loco, nisi perfidiæ ministri (ut vbiq̃, ita hīc quoque) conturbarent doctrinā veritatis. Quorum alij contendunt Apostolos & eorum successores prorsus nullā habere

*1. Cor. 9.**Deut. 25.*

Quam varie hereses repugnant præmissis.

bere auctoritatem condendi canones aut leges: ideoque Decretales apocryphas, nulliusque momenti. Alij dicunt Romano Pontifici, alijsque præpositis Ecclesiæ in nullo esse obediendum. Alij verò non esse obediendum, nisi his, quæ præcepta inveniuntur in Scripturis sanctis. Alij insuper dogmatizant, imperfectos quidem debere subesse: verum eos qui ad perfectionis statum iam promouerunt, non esse ulterius ulli humanæ potestati subiectos. Alij denique contendunt obediendum esse laicis principibus, eorumque baliuis, propter dictum Apostoli ad Romanos 13. Non autem præpositis Ecclesiæ: eò quod isti nullam habeant iurisdictionem, sed tantummodo verbi ac Sacramentorum ministerium.

Odiendi sectarij vel ea ratione quòd non subsistat in vno. D. Etego quidem multa audiui de eiusmodi, sed fugio & istos, & vniuersos sectarios, vel eo nomine, quia non consistunt in vno.

M. Vna fides, inquit Apostolus, vnū Baptisma, spes vna vnus vocationis, vnus Deus, & pater omnium, vnus mediator Dei & hominum, homo Christus Iesus, vnum

Ephes. 4. 1. Timot. 2. Euangelium, & vnica sponsa Christi Ecclesia, in qua licet inuenire hæc omnia. Quandoque igitur aliqui

Argumentū infallibile cognoscere de sectarijs aut variant inter se super doctrina fidei, aut aliud dicunt quam Ecclesia, nec adferunt quod receptum ab initio; hucusque in publica traditione retentum est, hoc vno, eoque infallibili argumento constat illos schismaticos

Galat. 1. esse, in quos pronunciat Apostolus dicens: Si quis vobis euangelizauerit præter id quod accepistis, anathema sit. Non veniat, fili, anima tua in consilium eorum.

D. Præcor igitur trade mihi solidam aliquam instructionem aduersus eos qui eiusmodi sunt.

Penes Episcopos & prælatos Ecclesiæ esse auctoritatem iurisdictionis.

CAP. VI.

M. Prin-

M. **P** Rincipio certò certius constat, quòd Romanus Pontifex, cæteri que Episcopi habeant veram potestatem, veramque iurisdictionem super alios sibi commissos. Primò ex eo quòd dicit Saluator Matth. 19. Amen dico vobis, quòd vos qui secuti estis me, in regeneratione cum sederit filius hominis in sede maiestatis suæ, sedebitis & vos super sedes duodecim, iudicantes duodecim tribus Israël. *In Ecclesia esse tribu-
nalia & ve-
ram aucto-
ritatē iuris-
dictionis.*

D. Scriptura hæc loquitur de extremo iudicio.

M. Nequaquam. Siquidem tempus illius iudicij extremi vocatur in Scripturis consummatio seculi. Tempus verò Euāgelij, quo vigere cœpit Baptismus, vocatur, Christo quidem regeneratio: Prophetis autem, futurum seculum, dicente Esaia de Christo, Pater futuri seculi: tunc *Esa. 9.* utique futuri, nunc verò præsentis: quia nunc fit regeneratio. Igitur in regeneratione, quæ exercetur sub Baptismo, potissimum tunc cum filius hominis ad immortalitatem, & thronum conscenderit Dei patris, atque exinde sederit in sede maiestatis suæ, Tunc dico, & vos (quod adiuro vobis dicendo: Amē) sedebitis super duodecim sedes, id est, habebitis non vnam omnes, sed singuli suam cathedram, siue iudiciariam potestatem: nec quidem vacuam illam, & sine usu, sed sedebitis actu iudicantes duodecim tribus Israël, hoc est, vniuersitatem populi credentis in Deum, qui tunc in duodecim tribus distributus erat. Tacet pro tunc de Gentibus: quia nondum aperuerat Apostolis mysterium hoc, de vocatione Gentium, quod post missum Spiritum Sanctum aperuit Petro. Et quidem in regeneratione, cum sederit filius hominis, &c. hoc est, quamdiu sederit filius hominis in sede maiestatis exercens iudiciariam potestatem in omnes, durante regeneratione, tamdiu sedebitis & vos pro tribu-
A. 8. 10.

omnes credentes, hoc est, vsque ad finem mundi: quia tunc cessabit regeneratio, & succedet seculi consummatio. Quid posset dici expressius de iudiciaria potestate, quæ est in Ecclesia? Quod si quispiam contendat ex scriptis Patrum hunc locum Euangelij ad Ecclesiæ militantis gubernationem non pertinere, (quod nos certè non possumus inducere in animum nostrum) superaddes tū ea loca, quæ citra omnem controuersiam loquuntur de ea iurisdictione, quæ exercenda est in Ecclesia militante:

*Quod sum-
mus Ponti-
fex habet
iudiciariā
potestatē.
Matth. 16.*

Et in primis hoc quod dixit Saluator, primū Petro & eius successoribus: deinde omnibus Apostolis eorumque successoribus, Et ego, inquit, dico tibi Petre. quia tu es Petrus, & super hanc petram ædificabo Ecclesiam meam. Et tibi dabo claues regni cælorum. Et quodcunque ligaueris super terram, erit ligatum & in cælis: & quodcunque solueris super terram, erit solutum & in cælis. Dicit per verbum futuri temporis, Dabo: quia nō tunc temporis, sed post resurrectionem dedit, dicens:

Ioan. 21.

Pasce oues meas, pasce agnos meos, tu me sequere. Te enim meo nomine vniuersalem pastorem instituo. Pastor indubiè habet potestatem super gregem suum: nam si non habet, pastor non est. Hæc itaque dicens Saluator nominatim Petro, dedit ei, & successoribus eius, irrefragabilem auctoritatem siue potestatem, super vniuersum populum Christianum. Et ne alij Apostoli essent sine

Matth. 18.

auctoritate ac iurisdictione quisque super populum sibi concreditum, dixit etiam ad illos: Amen dico vobis, quæcunque alligaueritis super terram, erunt ligata & in cælo, & quæcunque solueritis super terram, erunt soluta & in cælo. Vnde post resurrectionem suam Christus

Ioan. 20.

*Quod ha-
beāt pote-
statē in so-
ro conscien-
tiæ.*

ascensurus iam in cælum, dixit suis Apostolis his verbis, Pax vobis: sicut misit me Pater, & ego mitto vos, hoc est, cum eadem potestate, ad eosdem actus, & ad eundem fi-

nem

nem, qua & ad quos me misit Pater, & ego mitto vos. Ille dedit mihi suam potestatem, ego vobis communico meam, eandem scilicet illam, quam à Patre accepi. Et ne quis dicat potestatem hanc solùm esse in iurisdictione forensi, & non etiam in ipsas animas hominum, vltiùs insufflauit & dixit eis: Accipite Spiritum Sanctũ, quorum remiseritis peccata, remittuntur eis, & quorum retinueritis, reteta sunt. Hæc sine dubio significant, quòd Apostoli eorumque successores habuerint potestatem regendi Christi fideles auctoritate aliqua à Deo accepta. Quemadmodum & Paulus dicit Act. 20. Attendite, vobis & vniuerso gregi, in quo vos Spiritus Sanctus posuit Episcopos, regere Ecclesiam Dei, quam acquisiuit sanguine suo. Obserua hoc loco quod Apostolus testatur, eos quos sibi successores ordinauerat Mileti, & Ephesi, à Spiritu Sancto positos esse Episcopos ad regendum Ecclesiam Dei. Ad regendum, inquit: nemo autem regit communitatem sine auctoritate iurisdictionis. Cathedralam iudicialiæ potestatis adeo non respuit Euangelium, vt præcipiat Christus seruanda esse, quæcunque secundum cathedram dicta sunt, inquit: Super cathedram Moysi sederunt Scribæ & Pharisei, omnia ergo quæcunque dixerint vobis seruate & facite, secundum opera verò eorum nolite facere. Dicunt enim & non faciunt. Indubiè hæc verba non sunt damnantis cathedralam, sed malam vitam illorum, qui sedent in cathedra: alioqui non dedisset præceptum faciendi quæcunque dicunt, id est, docent, decernunt vel statuunt. Hæc certè & eiusmodi loca certum est non posse de alia potestate intelligi, quàm de ea quæ in terris est, & in hac mortali vita exercenda est.

*Approbat
tur à Chris
to cathedra: damna
tur tamen
mala vita.
Matth. 23.*

Apostolos vfos fuisse potestate iurisdictionis in suos subditos. CAP. VII.

D. Aeterum, an Apostoli sint vsi vlla eiusmodi potestate in populum?

M. Frustrà est calceus, inquit Aristot. cuius non est vsus, frustrà & sine causa (quod impiù Apostolos et eorū suc est credere) collocasset Christus hanc potestatem in Apo- cessores v= stolis, eorumque successoribus, si nullum illius voluissos esse iudicet esse vsum. Et hoc, Cùm sederit filius hominis in sede diciaria po maiestatis suæ, sedebitis & vos iudicantes: quid aliud testate. est, quàm vos eritis actualiter exercentes iudicium potestatis Euangelicæ, tam diu quàm sedebit in sede maiestatis suæ Christus? Dicit enim, Sedebitis iudicantes, quod significat actuale exercitium potestatis. Sedet autē ille in sede maiestatis suæ à die Ascensionis, vsque ad con summationem seculi, hoc est, vsque ad diem iudicij extremi. Tunc porrò finis, inquit Apostolus: quia tunc tradet Christus regnum Deo & patri, & erit Deus omnia in omnibus. Igitur quamdiu stabit mundus, erit vsus istius potestatis. Sed & Apostoli vsi sunt ea non infrequenter. Vsus est ea Paulus in incestuosum illum Corinthium, tradendo eum Satanæ ad interitum carnis, vt spiritus ipsius saluus esset in die Domini nostri Iesu Christi. Vsus est eadem condonando illi absolutionem à peccato suo, dicens: Nam & ego quod donauì, si quid donauì propter vos in persona Christi, vt non circumueniamur à Satana. Ibi nota quod dicit, In persona Christi: & discite, Episcopos, si quid agant secundum potestatem quam habet, hoc eos agere in persona Christi. Quod autem fit in persona Imperatoris, quasi à sacratissima ipsius Maiest. factum, sine controuersia reuereri debet. Iterum vsus est hac potestate in Hymenæum & Alexandrum propter illorum hæresim dicens: Quos tradi di Satanæ, vt discant non blasphemare. Tradere Satanæ, est excommunicare. Porrò excommunicatio in nascente Eccle-

1. Corin. 15.

Ponuntur loca vbi Apostoli vsi sunt sua potestate.

1. Cor. 5.

2. Cor. 2.

1. Timot. 1.

Ecclesia, etiam visibilem habebat effectum per corporale
 obsessionem dæmonis: patet id 1. Corint. 5. & loco præ-
 allegato: vt vel sic palam constaret robur potestatis Eccle-
 siasticæ, quam Christus reliquerat in terris. prout tunc
 quoque Spiritus Sanctus dabatur visibiliter, & habebat
 sensibiles quosdam effectus, in linguis nouis, & prodi-
 gijs, & signis, ad maiorem certitudinem virtutis Euan-
 gelicæ. Nec obscure vsus est sua potestate princeps Apo-
 stolorum Petrus in Ananiam & Sapphiram vxorē eius, Act. 5.
 qui ceciderunt mortui statim ad verbum increpationis
 Petri, vt tantò terribilior esset omnibus auctoritas sum-
 mi Pontificis, quantò expeditiùs operata est suum effe-
 ctum. Vnde ibidem sequitur, Et factus est timor ma-
 gnus in vniuersa Ecclesia, & in omnes, qui audierunt
 hæc. Quin & hoc audi quàm constanter minetur Pau-
 lus suam auctoritatem in rebelles, dicens: Quid vultis? 1. Corin. 4.
 in virga veniam ad vos, an charitate & spiritu mansue-
 tudinis? Rursus, Ideo, inquit, hæc absens scribo, vt non 2. Cor. 13.
 præsens duriùs agam secundum potestatem, quam Do-
 minus dedit mihi in ædificationem, & non in destru-
 ctionem. Hæc verba an sint hominis habentis nudum
 ministerium verbi, & nihil vltra iurisdictionis? Quid igi-
 tur minatur virgam? Quorsum allegat potestatem, quā
 dedit ei Dominus? Quorsum sic intonat ad Thessalo-
 nicenses, Denúciamus autē vobis fratres in nomine do- 2. Thes. 3.
 mini nostri Iesu Christi, vt subtrahatis vos ab omni fra-
 tre ambulante inordinate, & non secundum traditionē Ibidem.
 nostram, quam acceperunt à nobis. Item, Quòd si quis
 nō obedierit verbo nostro, per epistolam, hunc notate,
 & non commisceamini cum illo, vt confundatur. Et ad
 Galatas primo, Sicut prædiximus, & nunc iterum dico
 vobis, si quis vobis euangelizauerit præter id quod acce-
 pistis, anathema sit? Quorsum mandat Ioannes, Si quis 2. Ioan. 1.

venit ad vos, & hanc doctrinam non affert, nolite recipere eum in domum, nec aue ei dixeritis. Qui enim dicit illi aue, communicat operibus eius malignis? Confitetur vniuersa Ecclesia omnem potestatem Ecclesiasticam datam esse in ædificationem, non in destructionem. Prout Paulus testatur de sua. Quòd si quis prælatorum huius temporis vtatur ea in destructionem Ecclesiæ, hoc omnes dolentes audimus, hoc & vehementer detestamur: non tamen propter hoc patiemur eripi nobis rem non minùs necessariam, quàm bonam. Et vt omnes Scripturæ taceât, nònne natura ipsa loquitur, ouem morbidā segregandā esse à caulis, ne totus grex pereat? Cuius, precor, auctoritate segreganda? Nònne eius qui pastor est gregis? Pastor igitur Ecclesiæ, vel ex eo quòd pastor est, ipso iure naturæ potestatem habet eiiciendi procul à caulis Christi morbidos & contagiosos Christianos. Si ignis pestilens percusserit membrum vnum aut alterum, nònne tempestiuè præcidendum est, ne contagio inficiat totum? Et cuius iudicio? Nònne medici, qui eius rei peritiam habet? In corpore itaque Ecclesiæ, si qui aut scelerē ardeant, aut pestulenti doctrina, mox vitiaturi totū, nisi arceantur: cuius, precor, auctoritate eiiciantur? An non illorum, qui clauem scientiæ acceperunt cum potestate iudicandi inter lepram & non lepram, corruptum & incorruptum, emendabile & inemendabile? cura totius corporis est penes caput corporis, cura gregis penes pastorem ipsius. Est & pars omnis propter totum: non autem totum propter partem. Fouenda quidem pars debilis, quantum fieri potest, & curanda quæ tabem habet modis omnibus, oleo, vino, malagmate. Cæterum si curationem non recipit contagium, iam excindenda venit, ne pereat totum propter partem: id quæ auctoritate eius qui præsidet toti. Quem certè fontem naturæ secu-

tus Saluator noster dixit sponsæ suæ Ecclesiæ: Si oculus tuus dexter scandalizat te, erue eū & projice abs te. Expedi enim tibi, vt pereat vnum membrorum tuorū, quàm totum corpus tuum mittatur in gehennam. Et si dextera manus tua scandalizat te, abscinde eam, & projice abs te. Expedi enim tibi vt, &c. Sic de pede, eijsce, abscinde, projice, scilicet tu Ecclesia, per tuos Episcopos, & præpositos, quos habes. Expedi enim tibi magis ô sponsa mea Ecclesia, vt pereat tibi vnum membrorum tuorum, quàm vt totum corpus tuum in gehennam eat. Eandem quoque rationem tā naturæ quàm Saluatoris insequentes Apostoli, non solum per semetipsos eiecerunt pestiferos à communione fidelium, sed & perpetuos canones eijsciendi, siue excommunicationis suis successoribus præscripserunt. Primò contra hereticos, dicente Paulo: Hereticum hominem post vnam & secundam correptionem deuita. Item, Si quis vobis euangelizauerit præter id quod accepistis, anathema sit. Secundò contra vniuersos contumaces, eodem Apostolo statuente. Si quis non obedierit verbo nostro per epistolam, hunc notate, & cum eo ne commisceamini, vt confundatur. Tertiò contra eos, qui notorijs criminibus obscurāt siue commaculant celebritatem nominis Christiani, eodem Apostolo cōstituente ad hunc modum, Nunc autem scripsi vobis (scilicet pro canone) non commisceri. Si is qui frater nominatur, est fornicator, aut avarus, aut idolis seruiens, aut maledicus, aut ebriosus, aut rapax, cum eiusmodi nec cibum sumere.

Matth. 5.

Canones di-
floritis
exercendæ
quos præ-
scripserunt
Apostoli.
Tit. 3.
Galat. 1.

1. Cor. 5.

D. Expedi ergo heremitam fieri, quia plerique hominū sunt eiusmodi malis irretiti.

M. Haud dubiè, intelligit istud Apostolus de ijs qui tales sunt, non solum facti perpetratione, sed aut iudicis sententiæ, aut publica reputatione ad infamiā vsq;. Ad-
dit,

1. Cor. 5.

dit, Expurgate vetus fermentum. Item, Auferte malum (scilicet incestuosum illum Corinthium) ex vobis. His si coniungerem sanctorum Patrum testimonia, dies me enarrantem deficeret. Sed nec illis credituri essent, qui prædictis non credunt, in quibus est certius argumentum veritatis quàm in illis. Abeant igitur animarum latrunculi, qui contendunt Ecclesiæ pastores nihil habere potestatis aut iurisdictionis in subditos suos, nihil posse suis excommunicationibus in publicè criminosos, in contumaces, in perfidos, in seductores; cum Apostolus Petrus in virtute suæ potestatis vel obiurgando quosdam exterminauerit de hoc mundo. Paulus quoque sic excommunicauerit, vt visibiliter tradiderit Satanæ ad interitum carnis. Denique Christus dicat, eum, qui auctoritatem Ecclesiæ, hoc est, prælatorum non audit, habendum esse velut ethnicum & publicanum, hoc est, velut eum qui non communicat nobiscum in bonis Spiritus Sancti, fidei, ac religionis, neque in civilibus vsibus huius mundi extra necessitatem: prout constat ex 2. Canon. Ioannis, & 2. Pauli ad Thessalon. quorum alter prohibet cibum cum huiusmodi sumere, alter vetat aue illi dicere. Eat nunc ille, quem Lutherum vocant, & dicat excommunicationem non solum non metuendam esse, sed cum gaudio suscipiendam esse & procurandam.

D. Profectò ego admodum metuendum censeo, quod habet tam clarum testimonium in Scripturis, deditque tam euidentis experimentum suæ virtutis sub manibus Apostolorum Petri & Pauli.

*Scriptura
exprimit
causas M.
ob quas li-
cet excom-
municare.*

Causæ ob quas debeant & possint percuti fulmine excommunicationis contumaces & scelerati. CAP. VIII.



Vnc quoque attingamus aliquid de causis ob quas licet rationabiliter vtī fulmine excommunicationis, aut alioqui seuerè ac palam animaduertere

uertere in eos de quibus iam dictum est.

D. An causæ istæ Scripturis sint demonstrabiles?

M. Admodum luculenter. Vna est: quia sic expedit cor- *Prima cau*
pori Ecclesiæ, ne totum pereat. Hanc expressit Saluator *sa excōmu*
Matth. 5. Expedit enim tibi (spōsa mea Ecclesia) vt vnū *nicationis.*
membrorum tuorum pereat, quàm totum corpus tuū
eat in gehennam. Hanc & Paulus expressit dicens: Mo- *1. Cor. 5.*
dicum fermentum totam massam corrumpit. Expurga-
te ergo vetus fermentum: nempe incestuosum illū, qui
audet habere vxorem patris sui: qualis fornicatio nec in-
ter Gentes auditur. Hanc quoque natura docuit opi-
liones, nimirum ideo morbidā ouem expellere, ne grex
totus pereat. Secunda causa est: ne boni communicent *Secunda*
eorum operibus malignis, sicque in die Domini confun- *causa.*
dantur: Hanc tetigit Ioannes 2. Canon. circa finem
dicens: Nec aue ei dixeritis. Qui enim dicit illi aue, com-
municat operibus eius malignis. Ecce prædixi vobis: vt
in die Domini nō cōfundamini. Tertia est, vt confun- *Tertia cau*
datur is, qui excommunicatione secernitur. Et istam cau- *sa.*
sam expressit Apostolus scribens Thessalonicensibus in
hunc modū, Quòd si quis non obedit verbo nostro per *2. Thess. 3.*
epistolam, hūc notate: & ne cōmisceamini cū illo, vt cō-
fundatur. Ecce, vt cōfundatur, inquit. Non igitur opor-
tet differre excōmunicationem ne cōfundatur: imò ip-
sa eius cōfusio, debet esse finis intētus, quo scilicet vel eo
modo pudefiat, & pudefactus redeat ad saniorē mētem.
Sicut diuus ille Ambrosius nequaquam distulit prohi-
bere Theodosium Imperatorem ab ingressu templi, ne
confunderetur: sed hanc confusionem magis intende-
bat, quo sic confusum Christo lucrifaceret. Quarta cau- *Quarta*
sa est: vt ceteri timorem habeant. Hanc causam seueram *causa.*
& publicæ redargutionis docuit Apostolus Timotheū
dicens: Peccantes coram omnibus argue: vt & ceteri ti- *1. Timot. 5.*
morem

*Quinta
causa.*

1. Cor. 5.

*Excomuni-
catio par-
tim fit pro-
pter emen-
dationem
eius qui ex
comunica-
tur, partim
propter
preserua-
tionē alio-
rum. D.
Obiectio
prima.
Obiectio
secunda.*

*M.
Dilutio pri-
mæ obie-
ctionis.*

morem habeant. Non solum ut illi, sed etiam ut alij pec-
care metuant. Quinta, ut spiritus eius, qui excomunica-
tur, sit saluus in die iudicij. Ideo enim & in corpore per
obsessionem dzmonis, & in bonis temporalibus per in-
terdictum multari potest: ut saluetur anima ipsius, ve-
xatione dante intellectum. Quam sanè causam clarè insi-
nuauit Apostolus dicens: Ego quidem absens corpore,
præsens autem spiritu, iam iudicaui ut præsens, &c. tra-
dere huiusmodi hominem Satanæ, in interitum carnis,
ut spiritus saluus sit in die domini nostri Iesu Christi.

Itaque excommunicatio fit, partim propter emendatio-
nem & salutem eius qui excommunicatur, partim pro-
pter communitatem credentium, ne inficiantur simili
malitia, qui hactenus fuerunt integri. Quapropter etiam si
in excommunicatis nulla speretur emendatio: nihilomi-
nus prælatus Ecclesiæ uti potest & debet gladio censuræ
Ecclesiasticæ in sceleratos, ut ceteri non inficiantur, ter-
reantur in super seueritate disciplinæ, ne simile quid au-
deant. Hæc est vera & Apostolica doctrina, cui qui ob-
gannit, Christo & Apostolis eius contradicit.

D. Excommunicatio si fiat ad emendationem eius qui
excommunicatur, ergo est medicinalis, & per consequens
non metuenda. Insuper si tantum feratur in sceleratos
aut contumaces: ergo per eam non traditur quis Satanæ:
quia tales antea suo ipsorum scelere traditi erant.

M. Medicinalis quidem est ijs, qui pudefacti resipiscunt:
ut fecit Theodolius Imperator, fecerunt & Corinthij:
sicut constat ex 2. epist. cap. 7. At eadem mirum in mo-
dum est exitialis ijs, qui in sua contumacia persistunt.
Sed nec medicina venit computanda inter ea quæ per
se expetibilia sunt: sed inter ea duntaxat quæ ob finem,
& ex necessitate quæruntur. Quia uti corpori malè affe-
cto est necessaria medicina, etiam si amara sit: ita corpori
bene

bene disposito eadem est incôueniens. Plerumque enim
 vim facit & lædit suis excedentibus siue repugnantibus
 qualitatibus. Ad secundam verò obiectionem dicimus, *Dilutio seu
cûde obiectionis.*
 aliud esse venire siue incidere in manus aduersarij, aliud
 tradi in manus eius ab eo qui tradendi potestatem ha-
 bet: aliud aliquousque subiectû esse, aliud plenè ac prorsus
 venisse in potestatem eius. Itaque concedimus, ex-
 communicatos, ante sententiam iudicis, venisse quidem
 hætenus in potestatem dæmonis sua malitia, quòd rei
 facti sint gehennæ ignis, ad illius voluntatem damnan-
 di. Et eo sanè modo Corinthium per incestum, Hyme-
 næum verò & Alexandrum per blasphemiam, non du-
 bitamus venisse in potestatem Satanæ, vel antequam tra-
 derentur à Paulo: non tamen plenè ac prorsus, quamdiu
 adhuc manabant in gremio, & inter amplexus matris
 Ecclesiæ, sub alis, & protectione piorum, perpetuò in-
 tercedentium pro delictis & negligentijs fratrum suo-
 rum. Verùm cum excommunicarentur à Paulo, iam ple-
 nè ac prorsus quantum fieri potest, per sententiam eius,
 qui vicem Dei gerit in terris, tradebantur Satanæ, peni-
 tus excussi de gremio Ecclesiæ, ac omni protectione sub-
 sidijque, quæ illa indefinenter impendit pro suis mem-
 bris: adeò, vt etiam visibiliter possideret eos cacodæmō.
 Dico autem & constanter dico ex Euangelio Christi,
 quòd non minùs potestatis habet diabolus in excommu-
 nicatos, quàm in ethnicos, & publicanos, ac quoslibet
 alios, qui foris sunt extra Ecclesiã. Imò plus habet pote-
 statis in istos quàm in illos: quòd deteriores sint, & Deo
 abominabiliore, conculcantes sanguinem Testamenti,
 & contumeliã facientes spiritui gratiæ. An mentieba-
 tur Apostolus cum diceret, Tradere huiusmodi Satanæ?
 Certè si non tradidit aliter quàm priùs traditus erat,
 aliud egisse se significauit, quod est mendacium quod-
 dam.

*Aliud est
incidere,
aliud tradi
ab Ecclesia
in potestatem
diaboli.*

*Plus potestas
habet
diabolus in
excommuni-
catis quàm
in ethnicum
hominem.*

dam. An fefellit nos ipſius oratio dicens: Quos tradidi Satanæ, vt diſcant non blaſphemare? Quomodo enim didiciſſent non blaſphemare, niſi per hanc traditionem accepiſſet in eos Satanæ apertioreſ aliquam vindicandi & poſſidendi poteſtatem, quam priùs habuerat ex peccato blaſphemix? Simile accipe. Sacerdos ſceleratus ſuo ſcelere reuerà eſt reus mortis, reuerà obnoxius legibus quatenus membrum eſt communis: nihil tamen poteſt in eum prætor, ob priuilegia ſtatui Eccleſiaſtico conceſſa, & protectionem Episcopii. Verùm ubi Episcopus tradiderit eum manui ſeculari, iam poteſt in eum prætor, vt in quemuis alium laicum. Sic propter priuilegia, Eccleſiæ cōceſſa per Seruatorem Ieſum, propter protectionem & ſubſidiariam opem eiſdem matris Eccleſiæ, non tantùm iuris ac poteſtatis habet diabolus in Chriſtianum, quantum in ethnicum: niſi poſtquā abſciſſus & traditus fuerit.

D. Nec tum quidem vt apparet. Nam poſt excommunicationem non pluſ inſert mali, aut vexat magis diabolus, quàm antea.

M. Intellige viſibiliter, qualiter nec ethnicum magis infeſtat aut agit quàm Chriſtianum. Diſpenſatio hæc eſt diuini conſilij & lōganimitatis, quòd neque hunc neque illum ſtatim poſſideat diabolus, ſtrangulet, diſperdat. Interea vterque extorris à regno Chriſti, ad regnum diaboli pertinet, citra differentiam, niſi quòd character Baptiſmalis in iſto quidem manet, in illo verò nunquā fuit. Itaque vt finiam: ſi nō eſt metuendum; procul fieri à pia matre, priuſquam tibi ſufficiat: extrudi inſuper de familia, & menſa domeſtica, atque eò extrudi, ubi nullū eſt pabulum vitæ: tertio deſtitui præſidio, idq; inter hoſtes capitales, iuratos, teq; potētiores: denique fieri, hoc eſt, ſine Deo. Non enim eſt Deus diſſenſionis aut

rebellionis, sed pacis. Si, inquam, hæc non sunt metuenta, reuerà nec excommunicatio metuenda erit.

- D. Vtinam atque vtinam intelligerent hæc, qui audent polluto ore respuere tam sanctam, tam vetustam, tamque Apostolicam atque diuinam vitæ disciplinam: meritò sanè metuerent nobiscum excommunicationem, haud secùs atque fulmen quoddam, quod ferit intus hominem: etiamsi foris in cute nullum sui relinquat vestigium. Verùm nunquid crudele est, hominem fratrem abscindere prorsus, & abijcere ab Ecclesia, extra quam saluari non potest.


- M. Dum fit iure & per iustitiam, eiusque auctoritatem qui habet commissam sibi Ecclesiasticam potestatem, nequaquam crudelitas, sed disciplina, sed iustitiæ executio nuncupari debet. Sicut & gladio interimere, aut laqueo, aut rogo, vel vndis, dum iure fit auctoritate publica, & pro malefactis, non tantùm caret vitio: sed & virtutis opus est, imò plurium virtutum: nempe iustitiæ reddentis vnique secundum meritum suum: & ordinatæ charitatis plus diligentis totum quàm partem, quæ est propter totum: atque ideo zelo iustitiæ vindicatiuæ, auferentis partem vt præseruetur totum. Quod vtique totum magis diligere debet, etiam ex iustitia magis defendere tam præful quàm prætor: quia vterque ex officio suscepto. Et hoc sanè pacto iustæ vindicantur malefacta per potestatem quidem secularem, infligendo mortem corporalem: per potestatem verò Ecclesiasticā mortem spiritualement: Ecclesiasticam, dico, noui Testamenti. Nam licet olim per Synagogam fieret etiam corporalis trucidatio rebellium hominum, quamdiu carnalis duraret circuncisio: tamen Ecclesia non nisi gladio spirituali ferit, inferendo mortem spiritualement, tantò magis metuendam, quantò mors spiritualis periculosior est morte

Excomunicatio dum iure & debite exercetur nihil habet crudelitatis.

Ecclesia non percutit nisi gladio spirituali.

te corporali: Propter quod dicit Cyprianus epist. ii. lib. i. Interfici Deus iussit sacerdotibus suis non obtēperātes, iudicibus à se ad tēpus constitutis non obediētes. Et tunc quidem gladio occidebantur, quando adhuc & carnalis circuncisio manebat. Nunc autē quia circuncisio spiritualis esse ad fideles seruos Dei cōepit, spirituali gladio superbi & contumaces necantur, dum de Ecclesia eijciuntur. Neque enim viuere foris possunt, cūm domus Dei vna sit, & nemini salus nisi in Ecclesia possit contingere. Haftenus ille.

An praelati Ecclesiarū possint nouas facere constitutiones, eaquē prācipere, quā extra Euangelium sunt. CAP. IX.

M.  Vnc prosequamur an virtute potestatis Ecclesiasticæ possent Pontifex & Episcopi leges condere, & facere statuta siue constitutiones, quibus obligamur in conscientia. Præterea an possent præcipere quid extra Euangelium.

An praelati possint facere leges & cōstitutiones. D.

Memini me audisse à quibusdam: constitutiones hominum esse doctrinas dæmoniorum: imò Ecclesiasticos non debere uti verbo præcipiendi, nisi idem præcipiant, quod Christus prius præcepit in Euangelio.

M. Quid audio? Siccinē obtenebrati sunt? tantāne malitia obdurati: ut dum clamant vbique Scripturam, aduertere nolint quod in ipsis Scripturis nusquam nō est obuium? Ex 15. Actorum constat Apostolos & seniores præcepisse, & pro lege statuisse ea ad quæ nullus prius obligabatur ex Euangelio vel mandato Christi, videlicet, Ut abstineant ab immolatis simulacrorum, & sanguine, & suffocato. Et hanc suam constitutionem vocant impositionem, dicentes: Visum est Spiritui Sancto, & nobis, nihil vltra imponere vobis oneris, &c. Et Paulus. i. ad Corinth. ii. cap. pro lege constituit, Viros debere ora-

Apostoli fecerūt nouas cōstitutiones præter eas quas fecerat Christus.

re nudato capite: mulieres autem velato capite: quod tamen antea nulla Scriptura expreſſerat. Item cap. 7. eiufdem epiſt. inquit, Nam cæteris dico ego, non Dominus, Si quis frater vxorem habet infidelem, & hæc conſentit habitare cum illo, non dimittat illam, &c. Ecce præcipit, ac ordinat quod Dominus non præceperat. Subdès cap. 11. Si quis autem videtur contentioſus eſſe, nos talè conſuetudinè nõ habemus, neque Eccleſia Dei. Quod poſtremùm addidit, teſte Hieronymo, ne quis diceret, Vbi ſcriptum eſt? Quomodo dicunt rebelles noſtri temporis. Satis erat in exordio Eccleſiæ legitima auctoritate conſtitutum eſſe in ædificationem Chriſti fidelium. Si quis obſtrepebat, aut ad Scripturam appellabat, Nos, inquit Apoſtolus, talem conſuetudinem non habemus, neque Eccleſia Dei. Adulterina Eccleſia malignantium gaudet obſtrepere maiorum ſanctis conſtitutionibus. Nos autem filij pacis, ſequamur ea quæ pacis ſunt, quæ vnionis & concordiæ. Non enim eſt diſſenſionis Deus, ſed pacis. Si Apoſtoli habuerunt poteſtatem præſcribendi canones perpetuos excommunicationis, vt ſuprà oſtendimus. Si inſuper fecerunt firmas ac ſtabiles conſtitutiones ſuper ijs rebus, de quibus antea nihil erat præſcriptum aut ordinatum: indubiè habuerunt & poteſtatem præcipiendi, prohibendi quæ, etiam id quod neque præceptum, neque prohibitum fuit à Domino: vt patet ex vno illo verbo Apoſtoli, Nā cæteris dico ego, nõ Dominus, id eſt, Ego præcipio & ordino, ſuper quo Dominus nihil præcepit aut ordinauit. Itē ex illo. 1. ad Corint. 11. Cætera cū venero diſponam. Nam quod accepi à Domino, hoc & tradidi vobis, quoniam dominus Ieſus, in qua nocte tradebatur, accepit panem, &c. Verū cætera, ſuper quibus ſcilicet à Domino nihil certi eſt conſtitutum, ego cū venero, diſponam: indubiè per certas

constitutiones seu canones obseruandos in Ecclesijs vestris. Quàm multa autē fuerint ordinata & cōstituta ab Apostolis, de quibus antea nulla fuerat facta ordinatio aut praeceptio à Domino, satis fuisse demonstrauimus tibi in priori libro, vbi egimus de traditionibus Apostolicis.

D. De Apostolis non puto quenquam mortalium dubitare, quin habuerint potestatem praeceptiendi, & puniendi, & constituendi. Verùm de Episcopis & sacerdotibus controuertitur, An aliud possent quàm praeedicare verbum Dei, & administrare Sacramenta.

M. Principiò hoc donabis mihi, Timotheum & Titum non fuisse Apostolos.

D. Libenter: quia multo tempore post Christum accesserunt ad Euangelium, facti discipuli doctrinae Apostolicæ, & tandem ordinati in Episcopos.

Episcopos Apostolorum successores, fecisse nouas constitutiones demonstratur. M. Deinde donabis & hoc, videlicet, praecepere, arguere, increpare, corripere, cum omni imperio, & coram omnibus, inter accusationem aduersus presbyterum suscipere vel non suscipere, insuper quod defuncti corrigere, adhuc constituere, & per ciuitates presbyteros, ordinare sacerdotes non esse hominis priuati, sed eius, qui ius habet & potestatem super alios.

D. Nec illud videtur posse negari.

M. Quoniam igitur Apostolus aperta Scriptura tribuit hæc Episcopis Tito & Timotheo, non possunt non conuenire eadem Episcopis nostri temporis, qui eadem ratione & auctoritate Episcopi sunt, qua illi. Quod autem illis tribuat prædicta, patet, dicit enim ad Titum cap. 2. Hæc loquere, & exhortare, & argue cum omni imperio. Nemo te contemnat. Cum omni imperio interpretatur Theophylactus, hoc est, cum seueritate & auctoritate. Item. 1. ad Timoth. 4. Præcipe hæc & doce. Nemo adolescentiam tuam contemnat. Vbi aduerte, quod rerum alique indigent doctrina et institutione, indigent alique adhortatione, alique

verò

verò mādato. Veluti de rapina nō exercēda, est præcipien
dū, de virginitate seruanda est adhortandū, de credendis
verò & colēdis ritibus sunt homines instruēdi ac docen-
di. Propterea utrūq; ponit Paulus, Præcipe & doce: Præ-
cipe quæ necessario sequenda sunt, pro temporum va-
rietate, & communi fidelium salute. Doce verò tam illa
quàm ista, quæ in arbitrio cuiusque posita existūt. Quia
autem communis præsumptio & opinio facilè contem-
nit adolēscētiā & iuuentā præcipientem populo,
aut nouum quid constituentem: ideo, præcipe, inquit,
maiori auctoritate. Nemo te contemnat: quia vbi de sa-
lute aliorum agitur, ibi non nunquam opus est austeri-
tate: itaque & cum fiducia impera pro meritis rebellū.
Rursum quoniam, inquit, ad maiores natu, quos præ-
fecerat Mileti & Ephesi, quòd ipsos Spiritus Sanctus po-
suit regere (nota regere quod non fit sine auctoritate iu-
risdictionis) Ecclesiam Dei. Tertiò quoniam adhorta-
tur Timotheum, quem ordinauerat Episcopum, in hūc
modum, Prædica verbum, inquit, Nec illo contentus
addit, Insta opportunè, importunè. Nec ibi sistit Apo-
stolus sed addit: Argue, obsecra, increpa in omni patien-
tia & doctrina. Itē in priorē epist. cap. 5. sic scribit eidem
Timotheo, Aduersus presbyterum accusationem noli
recipere: nisi sub duobus aut tribus testibus. Non dico
omnino non recipias, quasi nullā habeas iurisdictionē:
sed nō recipias nisi sub duobus aut tribus testibus: vt sen-
tentia quā postea pronūciabis, legitima & irrefragabilis
existat. Quæ indubiè tribuūt Timotheo Episcopo po-
testatem citandi, præcipiendi, cognoscendi, iudicādi, ab-
soluendi, puniendi pro meritis causæ. Nam quorsum,
Paulo monente, admitteret Timotheus accusationem
iudicalem, audiendo desuper productos testes: nisi in
eo fuisset potestas iurisdicendi, hoc est, potestas facien-
di,

A. 20.

2. Tim. 4.

Episcopi
habent po-
testatē citā-
di, præci-
piendi, iudicā-
di, &c.

di quę causę merita postulant. Denique quoniam dicit; Peccantes, coram omnibus argue: non quidem leniter, sed vehementer, sed cum debita seueritate, adeo vt ceteri timorem habeant. Quibus si addas rationem à rebus sumptam, videlicet quòd Episcopi sint reuerà pastores gregis Dominici, & eadem facultate pastores, qua Apostoli. (vti suprà demonstratum est) Pastor autem eo ipso quòd pastor est, curam habet gregis, ei que incumbit pabulum dare, educere, reducere, custodire, regere, minare, prohibere, segregare denique quod contagione vitare potest. Quę sanè omnia competunt ijs qui verè pastores sunt, in hoc suis manibus baculum pastorem tenentes, eò quòd per potestatem & imperium debeant continere in officio eos, qui alioqui discoli fierent aut immorigeri. Dico autem quoniam si hæc ita se habent, consequitur euidenti demonstratione, penes Episcopos esse veram, legitimam, & Apostolicam auctoritatem, nò solum prædicandi verbū Dei & ministrandi Sacramenta, sed & arguendi, præcipiendi, causas audiendi, & ius desuper dicendi, constituendi insuper pro temporum locorumque exigentia quę desunt, & ordinandi per ciuitates presbyteros. Quia & hoc commisit Tito Apostolus dicens: Huius rei gratia reliqui te Cretæ, vt ea quę desunt corrigas, (nò enim omnia adhuc instituta erant per Apostolos) & constituas per ciuitates presbyteros, sicut & ego disposui tibi. Eodem sanè modo quo ego, quę desunt perficias: quia eadem in hac parte polles potestate, qua ego. Et hæc dicta de pastoribus & præpositis Ecclesiæ, qui nobis patres in fide & religione sunt, sufficiant. Quid autem ipsi patres vicissim debeant filiis ac subditis suis, non est huius loci.

Tit. 1.

Principibus & magistratibus deberi ea quę hoc præcepto
mandantur.

CAP. X.

Debe-

M. **D**ebemus autem & principibus ac magistratibus eadem illa, quæ hoc mandato præcipiuntur, nempe, obedientiam, venerationem, subventionem, potissimum in eo, sine quo esse non possunt, quod dicuntur, patres scilicet patriæ.

D. Etiam huius expediret fieri demonstrationem ex verbo Dei.

M. Princeps Apostolorum Petrus ac Paulus scribendo, alter Israelitis in dispersione Gentium positus, alter Romanis, circumspectè cauent, ne Christiani occasione libertatis consecutæ per Christum, gerant se pro exemptis à subiectione principum secularium, fidelium vel infidelium. Petrus quidem his verbis, Subiecti estote omni humanæ creaturæ propter dominum: siue regi, quasi præcelenti: siue ducibus tanquam ab eo (scilicet Deo vel rege, potest enim ad vtrumque referri) missis ad vindictam manifestatorum, laudem verò bonorum, quia sic est voluntas Dei, ut bene facientes obmutescere faciatis imprudentium hominum ignorantiam: quasi liberi, & non quasi velamen habentes malitiæ libertatem, sed sicut serui Dei. Hæc ille.

Principibus & magistratibus debetur honor & obedientia.
1. Pet. 2.

D. An hoc loco voluerit Petrus nos subditos omni homini, eò quòd dicit, Omni humanæ creaturæ?

De illo, Subiecti estote omni humanæ creaturæ.

M. Ne sic intelligatur, ideo subiunxit specificando, cui humanæ creaturæ debeamus nos subdere, nempe Regi & ducibus, relinquens idem dicendum de magistratibus ac præsidibus.

D. Quare autem dixit sub hac forma, Omni creaturæ?

M. Ut scias nihil considerandum in illis, quàm quòd humanæ creaturæ sunt constitutæ in loco regis vel ducis vel magistratus: non an pii sint aut impii, fideles an infideles, in te propensi, an à te auersi.

D. An infidelibus & atheis hominibus debeant parere

ij qui sunt Dei & vitæ æternæ filij?

- M. Hoc isto loco ex præscripto docet Archiapostolus dicens: Sic est voluntas Dei, vt obmutescere, &c. Ideoque dixit, Omni creaturæ, regi vel duci, qualis qualis fuerit, fidelis vel infidelis: idque propter Dominum, quod à Deo sit illorum potestas gubernandi, & sciat quisque hac relatione teneri se in conscientia ad eiusmodi subiectionem, vti iam ex Paulo clariùs audies. Docet enim Romanos in huc modum: Omnis anima potestatibus sublimioribus subdita sit. Non est enim potestas, nisi à Deo. quæ autem sunt, à Deo ordinatæ sunt. Itaque qui resistit potestati, Dei ordinationi resistit. Qui autem resistunt: ipsi sibi damnationem acquirunt. Nam principes, &c. Omnis anima, inquit, tum vt videatur significasse nullum omnium viventium, ne fidelem quidem, neque eum, qui prouectus apparet ac perfectus in fide, exemptum esse ab hac ordinatione Dei & Apostolica: tum vt intelligamus non solum res nostras, nostraque corpora, sed & animas nostras debere subijci ad obediendum potestatibus sublimioribus, hoc est ijs, qui in aliqua potestate sunt: vt sunt reges, duces, magistratus, præfides, prætores: siue illi fideles fuerint siue infideles. Addit pro ratione, Omnis enim potestas (omnis, inquit, citra exceptionem infidelium vel impiorum) à Deo est. Quæ autem sunt, supple, potestates, à Deo ordinatæ sunt.

D. Putabam ego odisse Deum potestates & dominationes, quæ exercentur ab impijs & infidelibus hominibus.

M. At longè aliud putat D. Paulus definiens eas ab ipso Deo esse: etiam si mali sint qui eisdem funguntur, prout hoc lucidissimè declarant aliæ Scripturæ. Nam Osee 13. Dominus prouocatus idololatria populi dicit: Dabo tibi regem in furore meo, & auferam in indignatione mea. Rursum Esaie. 3. Et dabo, inquit Deus, pueros principes

*Tam malis
principi-
bus obedi-
um quam
bonis.*

pes eorū, & effœminati dominabuntur eis. Sic & Elihu Iob. 34. pronunciat de Deo, quòd regnare facit hominē hypocritam propter peccata populi. Hæc in istis Scripturis. Ex quibus certum est, tã à Deo esse potestatem qua præfident mali, atque eam qua præfident boni: secundū illud Hieremiæ, Et dabo vobis pastores iuxta cor meū. *Hierem. 3.* Prosequitur autem intentum suum Apostolus, atque concludit in huncmodum, Itaque qui potestati resistit, Dei ordinationi resistit. Quod certè ne parui æstimet quispiam, adiungit: Qui autem resistūt, ipsi sibi damnationem acquirunt, hoc est, resistendo peccant peccatum, quo digni fiunt damnatione: nimirum grande peccatū, quod mortale aut damnabile appellamus. Itaque cōstat ex his dictis Apostolorum Petri & Pauli nos ex cōscientia & sub-pœna peccati mortalis, debere subditos esse nostris principibus ac magistratibus, ad obediendum obuiē & exactè: adeo vt idē Apostolus scribat Tito Episcopo dicens: Admone illos, scilicet Creteneses, principibus & potestatibus subditos esse, dicto obedire (quasi dicat: Nō expectēt vœculas istas, sic iubeo, sic impero, aut sic ordino, vel constituo tibi: sed mox vbi dictum fuerit, obediant, hoc est, sint quàm obedientissimi) ad omne opus bonum paratos esse.

D. Quid si præcipiant quod est contra verbum Dei, aut contra honestatem, aut contra iniunctum à Deo ministerium? *Nullus obediendū contra iustitiā aut veritatem.*

M. Hic certè oportet promptum habere (vt dixi suprā) & in corde, & in ore illud Apostolicum, Obedire oportet Deo magis quàm hominibus. Quando iusserunt principes Iudæorum Apostolos venire in conciliū, venerunt: quando iusserunt secedere extra conciliū, rursus paruerunt: quando autem iussi sunt, non amplius docere in nomine Christi, tunc demum responderunt: Obe-

Q s dire

dire oportet Deo magis quàm hominibus. Quapropter dum iubent, quod ad gubernationem Reipublicæ spectat, nec religioni officit aut pietati, neque facultatem iurisdictionis suæ excedit, parendum est. Quando verò iubent quod contra Deum est, aut animarum salutem, respondendum est, Si iustum est in conspectu Dei, vos potius audire quàm Deum, iudicate. Non enim possumus quæ Deo placent, & salutis nostræ necessaria sunt non prosequi. Debent itaque subditi suis dominis secularibus obedientiam: nec sanè id solum secundum Apostolum propter iram, hoc est, punitionem: quia scilicet gladium portat, & vindices sunt in iram eis qui malè agunt, sed etiam propter conscientiam, quæ læditur peccato per inobedientiam, etiamsi ille non inferat iram siue punitionem. Debent præterea eisdem subuentionem in eo, sine quo patres siue tutores patriæ esse non possunt, vti quàm apertissimè declarat Apostolus in subsequenti-
bus verbis dicens: Ideo enim & tributa præstatis. ministri enim Dei sunt: in hoc ipsum seruientes. Obserua rationem Apostoli. Ex eo namque quòd incumbunt diuino ministerio ad vtilitatem Reipub. vult ipsis soluenda esse tributa, hoc est, ea quæ singulorū est contribuere in hoc, vt Principis ministerium, quòd Dei vice subeunt, implere valeant. Ex illo concludens, Reddite ergo omnibus debita: cui tributum, tributū: cui vectigal, vectigal: cui timorem, timorem: cui honorem, honorem. Debent & tertio loco subditi principibus suis timorem simul & honorem. Non enim sine causa gladium portat Princeps, inquit Paulus, Dei enim minister est: vindex in iram, ei qui malum agit: tibi verò in bonum, in laudē, & tranquillitatem, si bene egeris. Quod & diuus Petrus docuit his verbis, Omnes honorate. Fraternitatem diligite. Deum timete. Regem honorificate. Quanquam enim

Act. 4.

Rom. 13.

Ibidem.

Subditi debent principibus timorem & honorem.

1. Pet. 2.

enim dixerat generatim omnes honore prosequendos: tamen subiungit speciale præceptum honoris peculiariter exhibendi principibus: eò quòd specialis urgeat ratio ad honorandum eosdem, quòd pro Deo gubernèt, vicem Dei gerentes inter homines.

Summatim qui peccent contra hoc mandatum.

CAP. XI.

D. **R.** Epetat dominus compendio quodā, qui sint
M. **R.** cōputandi inter transgressores huius mādati.
 In primis patricidę, matricidę, & qui verberibus, aut cōtumelijs, aut iniuria, aut irrisiōibus, aut scōmatibus, aut alio quouis incōmodo vel dehonestamento parentes afficiunt. Deinde qui parentibus non impendunt loco ac tempore congruis reuerentiam & honorem, aut monitis ipforum ac mandatis, in his quę paternam facultatem non excedunt, haudquaquā paret. Item qui non subueniunt necessitatibus parentum, vbi & quando possunt, eoq̃ue modo quo possunt. Atque hæc quidem siue vnum istorum commisisse in patrem, auum, proauum, attauum, matrem, auiam, proauiam, attauiam, est præuaricatorem esse huius diuini mandati. Similiter quā grauissimè impingunt in hoc mandatū, qui sanguinem fundunt, aut vitę, & famę, aut prosperitati infidiantur eorum, quos Deus posuit in Ecclesia Episcopos, vel pastores, vel Ecclesiasticas, vel mystas, vel Sacramentorum ministros, aut eisdem honorem, vel obedientiam, eamue subuentionem, quę est necessaria officio implendo, quo patres sunt, aut alioqui ipsis ex fundatione debetur, non impendunt. Quiq̃ue hæc eadem non impendunt Ecclesię Christi, quę mater nostra est. Potissimū autem qui constitutiones Ecclesiasticas derident, lacerant, conculcant, reuelantes vbi vbi possunt nuditatem ac lapsus eorum qui præsident in Ecclesia;

non

Genes. 9.

non aliter quàm impudentissimus Cham ostendit fratribus suis verenda patris sui. Peccant denique contra hoc mandatum, qui principibus, aut magistratibus honorem denegant, aut obedientiam, vel ipsi subtrahunt ea subsidia, sine quibus patres patriæ esse non possunt: & quidem grauissimè, si illos incommodo, dedecore, cõtumelia, infamiæ afficiant sparsis à tergo ipsorum quæ non oportet.

Elenchus Capitum Tractatus sexti.



Vid sit viuere, quid occidere, & quòd non prohibetur hic occisio quorumlibet viuentium, sed hominis duntaxat.

Cap. I.

Quòd animæcide, hoc est, seductores, directe peccent cõtèra hoc mandatum.

Cap. II.

Principes interimendo maleficos non peccare contra hoc mandatum.

Cap. III.

Non solum manum prohiberi hoc mandato, sed & animum.

Cap. IIII.

De his qui rei pereuntium efficiuntur, ex eo quòd non præseruant dũ possunt & debent.

Cap. V.

Non omne bellum illicitum esse, quanuis multi in eo interimantur.

Cap. VI.

Quæ requirantur ad bellum iustum.


Cap. VII.

Tractatus

DE QVINTO MANDATO.

Tractatus sextus.

Quid sit viuere, quid occidere, & quòd non prohibetur hic occidere
quorumlibet viuentium, sed hominis duntaxat. CAP. I.

- D.** Vintum mandatum est, Non occides.
- M.**  Sub illis præcisè verbis, Nō occides, præcipitur istud mandatū, nō solū in Decalogo legis, sed etiā in nouo Testamēto. Nā Saluator enumerat & istud mādātū inter ea quæ sunt necessaria ad salutē, tempore Euangelij, dicens: Si vis ad vitam ingredi serua mandata. Interrogante verò adolescente, Quæ? Dixit inter alia, Non occides, Non homicidium facies, sicut hoc concorderit tradunt tres Euangelistæ. Verūm quid significat vox, occidere?
- D.** Occidere est vitā rei viuētis interimere, seu adimere? *Quid occi-*
- M.** Bene: at nunc duo tibi aduertenda sunt, prius vnde *dere.*
habeant viuētia quòd viuunt, alterum in cuius dominio sit viuētiū vita. Quibus diligenter consideratis mox videbis, quæ viuētia occidere liceat, quæ non: secundò cuius generis peccatum sit homicidium: tertio, An omnis qui interficit hominem, peccet in istud mandatum.
- D.** Viuētia quòd viuant, indubiè à Deo habent, & ab *Vnde viuē-*
ijs, à quibus progenita sunt. *tia habent*
- M.** Quicquid viuūt, ex Deo viuūt, per Deum viuūt, nec *quòd viu-*
potest vel momentum vnum viuere, sine Deo. Qui ge- *nant.*
nerant cooperatores Dei sunt, suum isti complent officium, Deus autem esse viuificum inspirat, fouet, adauget, & quantum vult, & quamdiu vult. Ad cuius probationem sufficit vnica illa assertio Pauli, Quoniam ex *Rom. 11.*
ipso,

ipso, & per ipsum, & in ipso sunt omnia: ipsi gloria in secula seculorum, Amen. Non dubito quin scias ex Phisica ratione quid sit viuere.

D. Viuere est operationes vitales exercere. Est vita sine sensu, vt in plantis. Est vita cum sensu, vt in brutis animalibus. Est denique vita coniuncta cum sensu & iudicio, vt in hominibus.

M. Addere oportebat, Et hæc vita hominum est duplex: altera humana, pendens ex puris naturalibus, ex anima scilicet & potentijs eius.

Naturalis. Scio. Nam secundum definitionem Arist. principiū vitæ est anima.

M. Altera vita hominis est sancta & quasi diuina, procedens ex pretiosis illis donis Dei, quibus efficimur confortes diuinæ naturæ, secundum Apostolum Petrum. **2. Pet. 1.** Vbi enim anima coniuncta cum corpore glutino naturæ, ibi vita corporalis siue naturalis. Vbi verò Deus coniunctus cum anima glutino fidei & charitatis, ibi vita verè sancta vereque Christiana, quæ secundum Deum est. Nunc autem qui aufert vegetationem à plantis, interficit plantas. Qui aufert ab animalibus sensum, interficit animalia. Qui verò diuidit animā rationalem à corpore, occidit hominem. Porro qui facit aberrare à virtute, aut diuidit inter Deum & animam hominis per peccatum, is occidit animam, sitq; veraciter animæcida.

D. De plâis ac brutis, hæc nulla (vt puto) est quæstio. Nā interficimus animalia, quisque sua, & sine culpa sumus. **M.** An sine culpa esse potest destruere opus Dei? Brutū animal tam est opus Dei, q̃ homo. **Meæ,** inquit Deus, sunt omnes feræ sylvarum, iumenta in montibus, & boues, & oues, & vniuersa pecora campi.

Psal. 49. **Psal. 8.** Attamen confido nihil peccare nos interficiendo bestias nostras.

M. Re&e

M. Rectè quidem confidis. Quia licet omnia sint Domini, tamen quæ tu possides, tua sunt: & quæ ego possideo, mea. Non utique ex natura rei, sed ex donatione uiuentis Dei: quæ nisi intercessisset, profectò interficere non liceret.

Quomodo animalia nostra sunt non natura, sed donatione Dei.

D. Et quando, vel ubi facta est ista donatio?

M. Genesis primo, dicente Domino ad Adam, Subijcite terram, & dominamini piscibus maris, & volatilibus cæli, & vniuersis animantibus quæ mouentur super terrâ. Iterum Genes. 9. Terror vester ac tremor sit super cuncta animalia terræ, & super omnes volucres cæli, cum vniuersis quæ mouentur super terrâ. Omnes pisces maris manui vestræ traditi sunt, & omne quod mouetur et viuit, erit vobis in cibum. Quasi olera virentia tradidi vobis omnia. Ex quibus luce clariùs constat, quòd Deus tradiderit omnia humi nascentia, cuncta quæ animantia mundi in potestatem hominis: non abdicando à se dominium, sed in te transferendo vsum, & dispensationē. Constat secundo ex eisdem, te ante illam Dei traditionem, nullam omnino habuisse potestatem, neque in humi nascentia, neque in vlla animantia mundi. Quia si antea habuisti, quid opus erat traditione vel donatione Dei? Quod autem nec sic donauerit & tradiderit tibi, vt à se abdicauerit dominium earundem rerum, patet ex illo Psalmistæ suprà citato, Meæ, inquit, sunt omnes feræ sylvarum, &c. Quapropter ea quæ tu possides, & tua sunt, & Dei sunt: aliter tamen tua, aliter Dei. Apud Deum est dominium potestatis ac naturale: apud te verò dominium dispensationis, vt in vsum tuū, aliorumque dispenses, ad laudem & honorem ipsius Dei. Quare qui interficit etiam sua, & non per viam discretionis dispensationis, peccat tanquam seruus nequam, & iniquus dispensator rerum domini sui.

Bona nostra, & nostra sunt, et Dei: aliter tamen Dei, aliter nostra. Qui sua animalia interficit, peccat, sed non contra hoc mandatum.

D. An

D. An peccet violando istud præceptum?

M. Non: quia in hoc mandato prohibetur tantummodo occisio hominis.

*In hoc man-
dato prohi-
betur dun-
taxat occi-
sio hominis*

D. Vnde hoc constat, cum dicat præceptum absolutè, & sine addito, Non occides?

M. Constat ex Euangelio Matthæi pronuntiatis idem mandatum sub his verbis, Non homicidium facies, quasi interpretando verba legis: Marci item & Lucæ. Vt dum alibi dicitur, Non occides, subintelligamus hominem, hoc est, non homicidium facies: ad imaginem quippe Dei creatus est homo, non piscis, aut bestia terræ.

D. Erit igitur superfluum, quod suprà dixisti de inter-
*An hic pro-
bibeatur in-
terfectio
animæ per
seductionē.*

fectio animæ: quia anima non est homo.
Quòd animæcidæ, hoc est, seductores directè peccent contra
hoc præceptum. CAP. II.

M.



Orma est quæ dat esse rei. In anima verò ratio-
nali, velut essentiali forma, est totum esse ho-
minis: adeo ut Euangelium sæpius ipsam vitā
hominis, vocet animam. Et dicimus rectè

104. 16. 12.

13.

Aff. 20.

Sanctos in cælo esse: quia eorum animæ in cælis sunt.
Vnde qui saluat animam hominis, saluat hominem:
qui perdit animam hominis, perdit hominem. Quan-
doquidem ad sanctificationem animæ, consequitur
omnis totius hominis salus, tam in corpore quam in
anima. At internitionem quoque animæ, consequi-
tur omnis mors: mors prima, mors secūda, mors in men-
te, mors in affectu, mors in corpore, mors temporalis,
mors æterna, prout suprà declarauimus. Quamobrem
sicut rectè parentes vocantur, quicumque gratiam Dei
instillant in mentes hominum, ut audisti in quarto man-
dato: ita veraciter sunt appellandi homicidæ, quicum-
que hortatu, consilio, auxilio seducunt bonos in pecca-
tum

*Qui cōuer-
tit aliquem
ad Christiū,
pater ip-
sius dici-
tur: ita qui
seducit, ve-
rè homici-
da voca-
tur.*

tum mortale. Nam peccatum stimulus mortis est, secun- 1. Cor. 15.
 dum Paulum: verè occidens hominem, dum transit ad
 interiora animæ, dicente Sapiente: Homo per peccatum Sap. 16.
 occidit animam suam. Item, Os quod mentitur occidit Sap. 1.
 animā. Et hæc certè occisio tantò est nocentior, quantò
 plus habet nocumenti. Siquidem præter interitum ani-
 mæ & corporis, adfert etiam exilium perpetuum à re-
 gno Dei, adfert & damnationem interminabilem, & sup-
 plicium æternum, in loco tenebrarum, & igne inextin-
 guibili, vbi erit fletus & stridor dentium.

D. Deus bone, quantum malum faciunt qui seducunt
 quempiam ad peccandum.

M. Quantò plus mali faciunt seductores illi, qui lupos
 agunt in grege Dominico, sub pellibus ovium, & spar-
 sis vnde quaq; hæresibus inescant, mactant, perdunt eos
 quos Christus multo sudore quæsiuit, pretioso suo san-
 guine redemit. Et illi quoque qui replent mundū scan-
 dalis ad subuersionem pusillorum, etiamsi non malè
 doceant: vt faciunt, proh dolor, quidam interimentes
 eos, quos ex officio pascere debebant. Dicens Saluator: Matth. 18.
 Quis scandalizauerit vnum de pusillis istis qui in me cre-
 dunt, expedit ei, vt mola asinaria suspendatur in collo-
 eius, & demergatur in profundum maris, magnitudinē
 exprimit delicti, per id quod dicit, Expedit ei vt suspen-
 datur mola, &c. Quale genus supplicij, annotante diuo
 Hieronymo, pro consuetudine erat paratum grauiori-
 bus sceleribus. Cæterùm si hæc pœna pronunciata est
 per Saluatorem, in eum qui solum vnū de pusillis scan-
 dalizat: quæ, obsecro, pœna expectanda erit illi, qui non
 solum vnum interimit per scandalosam vitam, sed plu-
 res, sed mille, sed sine numero. Addit Saluator, Væ mun-
 do à scandalis. Necesse est enim vt veniant scandala. Ve-
 untamen væ homini illi, per quem scandalum venit.

R

Pro.

Profectò sonat vè in Scripturis comminationem æternæ damnationis, quo supplicio nihil potest esse grauius. Sed nunc dicamus de corporali homicidio.

Principes interimendo maleficos, non peccare contra hoc mandatum. CAP. III.

D. **M**iror si sine peccato esse possunt principes, & balii eorum, qui interficiunt maleficos, nunc gladio, nunc laqueo, aliquando vndis aut rogis: cum dicat præceptum simpliciter, & ad omnes, Non occides.

M. Quod faciunt principes in executione iustitiæ, Dei auctoritate faciunt, non sua cupiditate, Scriptura dante
Executio iustitiæ non est contra hoc mandatum. eis in hoc, non solum publicam potestatem, sed & mandatum, Maleficos non patieris viuere. Item, Princeps huius mundi non sine causa gladium portat, Dei enim minister est, vindex in iram ei, qui malum agit. Imposuit autem Deus hoc mandatum quod tractamus non sibi, sed homini. Potest igitur interficere vel per se, vel per ministerium hominis pro sua voluntate: etiam vbi nullum est crimen, nullæque culpa, in eo qui interficitur. Siquidem Deus non arctatur vllis huiusmodi legibus, neque enim arctari potest. Super omnia est, auctor omnium, Dominus omnium, habens omnia in sua potestate, suæque libera voluntate. Patet istud de Isaac, in quo nullum erat crimen, quem nihilominus pater eius Abraham interfecit, nihil metuens contrahere culpam ob eam causam, quia sic Deus factum voluit. Homini imposuit Deus mandatum, prohibens ne audeat occidere is, qui solum homo existit, nulla sunt gens inter alios potestate aut legatione pro Deo. Porro vbi homo eleuatus est ad eum locum, ut minister Dei sit, pro Deo gladium portans, ad defensionem pacis & tranquillitatis publicæ iam si interfici-

interficiat in executionem iustitiæ, non tam ipse interficit, quam Deus siue iustitia publica. Vnde talis interfectio vocatur potius executio iustitiæ, vel vindicatio in eos qui malè agunt & tantum abest à peccato, ut sit veraciter actus iustitiæ vindicatiuæ, actus insuper veræ charitatis erga Rem publicam, ne scilicet opprimatur maleficientia sceleratorum hominum, modò suis circumstantijs ad rationem virtutis requisitis, debite vestitus fuerit. Potest etiam fieri, ut qui non portat gladium, nec minister est publicæ iustitiæ, aliquando zelo & Spiritu Dei inflammatus, erumpat in vindictam sceleratorum hominum. Sicut fecit Phinees, & merito eiusce facti cessauit quassatio. Sicut fecit & Elias interficiendo sacerdotes Balaam: Et quinquagenarium principem cum quinquaginta qui cum eo erant, & hoc quidem secundo. Verum eiusmodi factum, nunc temporis nemini indulgeri debet, nisi manifestò cõstet, vel ex vita ipsius, vel ex modo faciendi, vel ex diuina approbatione, veraciter zelo Dei factum esse. Quoniam autem Scriptura testatur Deum odio habere omnem temerariam effusionem sanguinis, diligenter circumspectendum est omni magistratui & principibus; in negotijs, ubi de sanguine fundendo disceptatur, ut considerate agant, & non nisi iuste iudicent ad mortem, & pie. Iuste autem iudicat, qui iuris ordine seruato, secundum allegata & probata legitimum iudicium profert: sic ut nec sententia anteuertat cognitionem, nec cognitio præcludat reo defensionem. Hinc in Deuteronomio præcipitur: Iuste quod iustum est, persequeris. Pie verò iudicat, qui non odio personæ, sed solius iustitiæ zelo, tuendæque tranquillitatis publicæ amore, malefactorē puniit, dolenter præsciindens partem pestilentem, ut totum præseruet. Qui enim abruptè iudicat, aut legibus ad priuatum odium commodumue abutitur, seu ex cupiditate

*n. interfectio
quam prin-
ceps facit
nō propriè
vocatur ho-
miciidum.*

Num. 25.

3. Reg. 18.

4. Reg. 1.

*Valde cauē
dū ministris
iustitiæ ne
quid temere
agant.*


*In criminibus iuste
iudicandum
et pie.*

Deut. 16.

DE HOMICIDIIS

alicuius vindictæ, alioue sinistro affectu, vel pœnam, vel modum pœnæ excedit, is dubio procul peccat contra hoc mandatum: etiamsi alioqui dignus sit morte ille quem interficit.

Non solum manum prohiberi hoc mandato, sed & animum: CAP. IIII.

M.  E isto mandato quid tibi apparet, manum ne solum prohibet à sanguine proximi, an etiam animum?

D. Puto ego prohibere interfectionem hominis, non aliud.

M. Iudaicū intellectus est iste, prout pulcherrimè ostendit Saluator dicens: Audistis quia dictum est antiquis, Non occides. Ego autē dico vobis, quia omnis qui irascitur fratri suo: reus erit iudicio. Qui autem dixerit fratri suo racha: reus erit concilio. Qui autem dixerit, fatue: reus erit gehennæ ignis. Beatus August. contra Faustum tractans hunc locum docet, quod Iudæi, quia non intelligebāt homicidium esse nisi interemptionem corporis humani, aperuit Christus etiam iniquum motum ad nocendum fratri, in homicidij genere deputari, ut plenius in August. poteris legere. Est autem primus gradus ad lædendum proximum, ira in animo concepta, quæ nihil aliud est, quàm motus animi in vindictā pronus. Secundus gradus, confusa vox indignationis erumpens, quam Dominus vocat racha. Tertius, manifesta contumelia, ut est dicere, fatue, aut simile quid, à qua solet procedi ad verbera, per verbera verò ad interemptionem. Quos tres gradus prohiberi mandato non occidendi, demonstrat planè modus procedendi Saluatoris: quia post mandatum non occidendi subiungit per aduersatiuam dicens: Ego autem dico vobis, Quia omnis qui irascitur,

scitur, &c. Non ergo solum peccat in hoc mādātum, qui homicidium manu committit, sed etiam qui irascitur fratri. Quod tamen intelliges de ea ira, quæ lædendi affectum coniunctum habet, alioqui si quis ex causa & zelo iustitiæ irascatur, prorsus sine culpa est. Nunc autem tu tecum collige. Nam si ira hîc intelligatur prohiberi secundum interpretationem Saluatoris, quantò magis odium quod est velle alteri malum, etiamsi te non læderit, & invidia quæ est nolle alteri bonum, etiamsi tibi benefecerit. Et si isti violant præceptum, vt violant, sicut satis constat ex verbis Saluatoris, quantò magis illi, qui lædendi animo inuadunt, aut verberant, aut mutilant, aut vulnerāt, aut quoquo modo animam in sanguine quærent, etiamsi non occidunt. Item qui diris vtuntur deiectionibus in proximū, & execrationibus, dicendo: Perdat, eradicet illum Deus, pereat, intereat, plaga hæc aut illa cum inuoluat. Quales execrationes in proximum, præter hoc quòd violant istud mandatum imprecando proximo mortem, etiam faciunt contra secundum præceptum, quòd vsurpent sibi nomen Domini non solum in vanum aut frustra, sed etiam malitiosè in interitum fratris, quem Deus diligere iubet. Vnde huiusmodi deiectiones, aut duplicia sunt peccata, aut non minora duplicibus: maxime si maleuolo & deliberato fiant animo. Alioqui quod ex surreptione & sine affectione mali fit, alleviationem criminis habet, nõ tamen prorsus sine culpa est.

Isti tamen non occidunt: nam manet viuus is, cui irascuntur, aut mala hæc imprecantur.

Qui aliquid habet in voto, vel affectu, is hoc ipsum habet aliquo vsque siue aliquo modo: Nam Confessio in voto, Baptismus in voto, melior vita in voto, veraciter operatur salutem, dum Sacramentum foris adhiberi

Inuasio & lesio corporalis est contra istud mādātum.

Dire imprecationes mortis aut plagarum sunt contra istud mādātum.

Quomodo præfati occidunt, etiamsi corpus non tangant.

Qui habet aliquid in voto, aliquo modo habet

Sic qui affectu aliquid facit, facit aliquo modo.

Luc. 1.

nō potest. Sic quod voto vel affectu quis facit, id aliquo modo facit. Etenim puella quæ affectu cognoscit virū, aliquo modo cognoscit: nec dici potest iā virgo & mēte & corpore incorrupta. Hinc virgo Maria respondebat Angelo, Quoniam virum non cognosco. Quod indubiè non est intelligendum solū de actuali commertio carnis: nam quòd tali cognitione non cognosceret virū, Angelo ad oculum patebat: sed virum non cognosco, vlllo scilicet modo, quo cognitio fieri potest, non actu, non affectu, non meditatione mentis, neque in præsenti, neque proposito aliquo extendente se in futurum. Ad propositum igitur nostrum. Qui malè vult proximo, qui exardescit in sanguinem ipsius, qui mortem ei imprecatur, is aliquo modo mortem proximi operatur, etiam si corpus eius nondū contingat. Vnde in hoc præcepto ac similibus particula illa negatiua, Nō, negat absolutè omnem modum, quo potest vel coram homine, vel coram Deo fieri interemptio. Deus autem intuetur cor, nedum manum.

D. An igitur reputatur coram Deo pro facto, quod solo fit affectu?


Corā Deo pro facto reputatur, quod solo fit affectu.

M. Indubiè ita: si ad sit plenus cōsensus mentis, & quòd opus non subsequatur est vel propter metum, vel propter impotentiam. Probatur istud primū ex eo, quia mens principatum tenet in homine: nec enim differt homo, nisi iudicio à brutis. Secundò, quia expressissimè testatur Saluator, Qui viderit mulierem ad concupiscendum eam, iam mœchatus est eam in corde suo. Ex quibus clarè vides Salvatore in Euangelio nihil adiecisse ad præsens mandatum, sed magis expressisse germanum sensum mandati. Quòd autem ibidem expresserit varias pœnas, ideo est factum, quia varius est modus transgrediendi, nec omnis modus idem habet nocumentum, aut

can.

eandem malitiam. Qui irascitur solum, nihil lædit proximum, licet offendant in Deum per inobedientiam, & ordinem turbet charitatis. Vnde docet beatus August. tractans hunc locum, quod uti gradus sunt in istis peccatis, ita tres sint gradus reatus, iudicii scilicet, concilii, & gehennæ ignis. In quibus per gradus quosdam procedit Saluator à leuioribus ad maiora. Nam in iudicio adhuc locus defensionis datur: ad conciliam autem pertinere videtur sententiæ prolatio, quando inter se iudices conferunt, quo supplicio eum damnari oporteat, quem constat esse damnandum. In gehenna verò ignis, certa est damnatio, & pœna damnati. Vnde patet quantum inter sit inter iustitiam Phariseorum & Christi. Hæc ex August. sparsim collegimus. Tu verò si placet vide ipsum Augustinum.

De his qui rei pereuntium efficiuntur, ex eo quod non præseruant dum possunt & debent. CAP. V.

M.  Vdistine illud, Pasce fame morientem, si non paupisti, occidisti?

D. Frequenter.

M. Igitur contingit transgressorem fieri huius mandati, etiam si nulla adsit iniuria, aut læsio, aut imprecatio dira, aut odium, aut malevolentia, tantummodo si quem vides extremè laborantem fame, non pascis, licet habeas unde possis.

D. Hoc cène est occidere?

M. Prorsus. Quid enim interest manu ne inferas mortem, an subtrahas, sine quo vita subsistere non potest?

D. Equidem nihil ei subtraho rerum suarum, solummodo non porrigo quod meum est, & iure retinere possum.

M. In casu non dico indigentiae fratris sed necessitatis, panis tuus qui tibi superest, sit eius quem vides necessitate

1. Ioan. 3.

tem pati, sibi que debetur optimo potentissimoque iure naturæ. Quare si non porrigis eo casu quæ Ioannes Apostolus vocat necessitatem: Theologi verò paulò expressius ad informationem simplicium, extremam necessitatem, violenter detines alienum, atque violas ius, quo obstringeris & communi rerum matri naturæ, & ipsius naturæ auctori Deo: cuius faciemus demonstrationē proximo tractatu. Tua igitur crudeli detentione factum est vt moreretur: igitur occidisti. Nec vnum tantum occidisti, sed facto vno duos simul interemisti: nempe illū qui fame perijt, teque ipsum qui non dedisti, si eo vsque iustus eras: illum quidem in corpore, te verò in anima,

1. Ioan. 3.

dicente eodem Apostolo: Qui habuerit substantiam huius mundi, & viderit fratrem suum necessitatem habere, & clauferit viscera sua ab eo: quomodo charitas Dei manet in eo? Si verò non manet in eo ob illam impietatem, neque charitas Dei, neque proximi, igitur sibi met ipsi mortem infert. Certa etenim est hæc regula Apostolica, Qui non diligit, manet in morte. Neque istud tantummodo intelliges de pane materiali, sed & de pane spirituali verbi Dei. Qui enim ob reconditos thesauros eruditionis idonei sunt illuminare multos ad iustitiam, & certò sciunt ac vident perire multum populum fame verbi diuini, nec tamen se populo impendunt, quomodo charitas Dei manet in illis? aut quomodo poterunt excusari à transgressione huius mandati? Legistine illud

Ibidem.

Ezech. 3.

Ezechielis, Sanguinem eius de manu tua requiram?

D. Legi, & videtur ad Episcopos dictum, qui non annuntiant populo Dei scelera ipsorum.

M. Speculatores domus Dei, ad quos illic est sermo, dicuntur, qui in eminenti sunt specula constituti, vnde porrò ventura prospicere valent, curamque gregis Domini gerere, vt Episcopi, Pastores, Prophetæ, Euangelistæ.

listæ. Tales igitur si silentio prætereant ea quæ dicta oportuit, quo populû à pullulante impietate auertât, etiamsi vita ipsorum, reliquæque doctrina inculcata sint, rei fiunt transgressi mandati istius, sanguinemque pereuntium requirit Dominus de manibus ipsorum. Exempli gratia, Surgit & accrescit in cordibus multorum impietas, qua vel leue vel nullû ducunt peccatum adulteriû, quæue suffragia viuorum pro defunctis aut Sanctorum venerationem, aut missam, tremendi mysterij sacrificiû, aut Eucharistiæ Sacramentum, aut piorum operum merita, aut alia abrogata volunt, speculatore id ipsum animaduertente, nec tamen quicquam aduersus huiusmodi producit, etiamsi tempus, locus, Euangelij materia, piorumque vota postulent, instituendo populum doctrina sana circa eiusmodi materias: sed reliquis inoffensè annunciatis, hæc sola velut sicco pede pertransit, ne prurientem auribus populum offendat, offendendo verò perdat quam querebat gratiam, aut laudem, aut escam. Profectò ad hos loquitur Dominus horrendum illud Ezechielis, Si dicente me ad impium, morte morieris, non annunciaueris ei, neque locutus fueris, ut auertatur à via sua impia, & viuat, ipse impius in iniquitate sua morietur, sanguinem autem eius de manu tua requiram. Non vtique minùs seuerè, quàm si tu tuis ipsius manibus illum trucidasses, fundendo sanguinem eius in terram. Nec secùs metuendum est dictis speculatoribus illud Act. quòd Paulus dixit ad maiores natu congregatos Ephesi, in hunc modum: Quapropter contestor vos hodierna die, quia mundus sum à sanguine omnium. Non enim subterfugi, quo minùs annunciarẽ omne consilium Dei vobis. Dicit, Omne consilium Dei, hoc est, omne illud quod consilio Dei reuelatum est mundo super animabus saluandis: non partem, inquit, duntaxat

Ezech. 3.

Act. 20.

I. Cor. 9.

xat consiliorum Dei, sed omne, sed totum consilium Dei: neque ea solùm consilij Dei quæ auidè & perlibenter audiuntur, sed & acria, & amara infundens in vulnè: ra vestra, oleum simul & vinum, vti fecit benignus ille Samaritanus curaturus hominem ad necem vsque vulnèratum. Væ mihi, inquit Apostolus alio loco, si non euangelizauero. Adiūgens has duas clausulas, Necessitas enim mihi incumbit, Dispensatio mihi credita est. Væ igitur & illi, qui nō euangelizat id circa quod accrescit impietas, subuertens suo silentio paulatim magis ac magis animos plurimorum. Væ dico, quia dispensatio annuncianti illi concredita est, cū præsul fieret, aut pastor, aut Euangelista, iamque necessitas ei incumbit, non solùm ex lege charitatis, sed etiam ex iustitia, propter prouinciā cum suis emolumentis susceptam.

Non omne bellum esse illicitum, quamuis multi in eo interimantur. CAP. VI.

D.



Viirascitur fratri, qui odit illum, qui maledicta aut execrationes congerit in quempiam, qui seducit in peccatum, qui scandalizat, qui interimit, qui mutilat, aut quouis modo sanguinem proximi fundit, suadente diabolo, qui denique non præseruat à morte, quem præseruare potest & debet, quisque horū violat omnipotentis Dei mandatum de non occidendo, vti demonstratum est. Quid igitur dicemus de bello, in quo non vnum duntaxat ex his, sed omnia, sed cumulatum, aliisque infinitis modis peiora contingūt? Dici enim non potest, quanta fiat in bello iuuentutis corruptio, sanguinis effusio, strages animarum, pro quibus Christus mortuus est, quam præclara corpora, quam truncata reuertantur à castris, quot latrocinia, quot stupra, quot sacrilegia, quot item.

M. Sa-

M. Satis est. Nam centum si tibi linguæ, oraque centum *Mala quæ adfert bellū exprimi nō possunt.*
essent, non posses exprimere mala illa, & incommoda, quæ secum adfert bellum.

D. Ideo hoc mandato videtur planè prohibitum bellū, neque villo pacto gerendum, potissimum inter Christianos.

M. Caue ne dicēdo Manichæus fias, aut Oecolampadius, aut Lutheranus: hi enim omnes bellum improbat, *Hæresis eorū qui improbat bellum.*
sed diuersimodè. Manichæi quidem adeo in vniuersum damnabant omne bellum, vt reprehenderent ipsum

Moysem & Iosue. Et quidem insulsiſſimè: erant enim *Manichæi.*

illi dūtaxat executores diuinę iussiois, qua voluit Deus exterminatam gentem contaminatricem terræ in scelere multo. Si autem non peccat licitor exequendo iustam sententiam prætoris, multò minùs peccabant illi habentes expressum mandatum Dei sic exterminandi populū terrę, vt neque magno, neque paruo, neque mulieribus parcere possent, neque innocuæ ætati pendentium ab vberibus matrum, prout luce clariùs patet in veteri Testamēto. Oecolampadius verò paulò modestior illis, dicebat tempore mansuetudinis Euangelicę, non licere *Oecolampadius.*

Christianis bellum gerere. Lutherus deniq; asseruit nō *Lutherus.*

planè illicitum esse bellum: sed Christianos bellare contra Turcas voluit penitòs esse prohibitum: quòd hoc sit

(vti dicebat ipse) rebellare voluntati Dei, visitātis & corrigentis iniquitates nostras per illos, tanquam ultionis suę ministros. Quasi Christianus in Christianum bellū posset gerere, non autē contra canes, & atheos homines,

hoc est, Turcas, & alios aduersarios fidei. At isti quoniā non consistunt in vno, ideo ex Deo esse non potest doctrina ipsorum, vt diximus suprà: neque fidem docent,

sed sensus sui figmentum, hoc est, ficta fide negotian-

ur in populo. Aliud tradunt Scripturę sanctę, ordo

quoque

Doctrina veritatis de bello.

*Aureasens.
tentia Au-
gust.*

quoque naturæ, & vniuersitas omnium Patrum. Diuus Augustinus contra Faustum Manichæum lib. 22. cap. 74. & quatuoralijs sequentibus, exactè tractat hanc materiam dicens in effectu, Præcurzor Ioannes Baptista, quando militibus interrogantibus, Quid faciemus & nos? respondit, Neminem concutiatis, neque calumniâ faciatis, & contenti estote stipendijs vestris, non damnauit bellû, aut militiam, sed magis approbavit. Sciebat enim eos cû militarent non esse homicidas, sed ministros legis, & non ultores iniuriarum suarum, sed salutis publicæ defensores. Alioqui respondisset eis, Arma abijcite, militiam istam deserite, neminem percutite, vulnerate, prosternite. Eodè quoque argumento demonstrat August. non omne bellum esse illicitum Sermone de puero Centurionis. Pergit autem libro prædicto contra Faustum, hoc modo, Quid enim culpatur in bello? An quia moriuntur quandoque morituri? vt dominentur in pace victuri? Hoc reprehendere, timidorum est, non religiosorum. Nocendi cupiditas, vlciscendi crudelitas, impacatus atque implacabilis animus, feritas rebel-landi, libido dominandi, & si qua similia, hæc sunt quæ in bellis iure culpantur, quæ plerunque ita culpantur, vt etiam iure puniantur. Aduersus violentiam resistendum, siue Deo, siue aliquo legitimo imperio iubente, gerenda ipsa bella suscipiuntur à bonis, cû in eo rerû humanarum ordine inueniuntur, vbi eos vel iubere tale aliquid, vel in talibus obedire iustè ordo ipse constringit. Hoc sanctissimi simul & doctissimi viri dictum, sum datum in ratione, commonstratum in super ex sermone Ioannis Baptistæ, sit tibi fili pro milibus, contra omnè turbam hæreticorum damnantium bella. Est regula iuris, Vim vi repellere licet. Cui addit glossa, Seruato moderamine inculpatæ tutelæ. Cur igitur non licebit Principi

*Regula iu-
ris.
Bellû defen-
siuû indu-
biè iustissi-
mum est.*

cipi

cipi & communitati, repellere bellum illatum, contra-
bellando: modò incommoda ab August. narrata vitet,
quantùm potest? Nihil naturaliùs, nihil antiquiùs esse
potest, quàm sui conseruatio. Nemo igitur dicere potest
illicitum esse bellare per viam defensionis. In hoc enim
princeps sceptrum obtinet, & diadema glorię inter sub-
ditos, in hoc illi tributa præstantur, & vectigalia, teste
Apostolo ad Romanos, vt gladium portet, vibret, & ex- Rom. 13.

tendat in eos, qui populum, cui præfectus est, aut sce-
re, aut armis conturbant. Secundò constat omnino lici- Bellū vindi-
tum esse bellum, etiam per viam inuasionis susceptum, cantium in
quando incolarum rebelles nolunt custodire legitima eos qui ma-
regni: potissimùm quando malitia quadam religionis sta- lè agūt, in-
tum aut vitiant, aut inuertunt. Tunc enim non solùm dubie est li-
expedit ad arma conuolare, sed & oportet: præcipuè si citum.
multi sint qui cristas erigūt, si potentes, si muris inclusi,
si integræ decapoles sint aut provincie, quibus vnus aut
alter licitorum sufficere non potest. Tunc, dico, oportet
omnibus viribus, omniq̃ue apparatu occurrere, dū ma-
lum adhuc in foribus est, ne transeat ad medullam. Iu-
xta illud:

Venienti occurrite morbo,

Sed medicina paratur,

Dum mala per longas conualuere moras.

Istud autem Principē posse, & debere, docet clarè Apo- Rom. 13.
stolus, ostendēs, quoniā in hoc celsitùs potestaté accepit,
& in hoc gladiū portat, factus minister Dei, in hoc ip- Exod. 22.
sum seruiēs. Istud quoq; posse Rempub. perfectā, osten- Polit. 3.
dit Aristoteles ex eo principio, q̃ omnis Respub. perfe-
cta, debet esse sibi sufficiens, alioqui non posset subsiste-
re. Ex quo consequitur talem Rempub. habere potesta-
tem non solùm defendendi se, qualem habet res omnis,
sed etiam & vindicandi se de oppressoribus ac tyrannis,

etiam

etiam perindictum bellum: maximè si desit superior, qui posset ac velit imponere finem malo. Cui astipulantur gesta heroum veteris Testamenti Ionathæ & Simonis contra filios Iambri, qui fecerunt vindictam sanguinis fratris sui Ioannis. Quod autem dico de communitate, hoc & de Principe perfectæ communitatis intelligi debet.

Quæ requirantur ad bellum iustum.

CAP. VII.

M. Vt iuste indicatur bellum, tria requiruntur.



T autem iuste indicatur bellum, requiruntur tria, Primum, auctoritas vel Principis, vel Reipub. perfectæ. Siquidem ordo naturalis, inquit Augustinus contra Faustum, mortalium paci accommodatus hoc poscit, vt suscipiendi belli auctoritas atque consilium penes Principes sit. Secundum, causa iusta, vt ij qui impugnantur, reuera ac sufficienter commeruerint eiusmodi impugnationem. Solent enim teste eodem August. iusta bella diffiniri, quæ vlciscuntur iniurias, si gens vel ciuitas plectenda est: quia vel vindicare neglexerat: quod à suis improbè factum est, vel reddere quod per iniuriam ablatum erat. Tertium, recta bellandi intentio, vt scilicet spectetur proprius finis

Lib. quæst. super Iosuel cap. 10.

August. ad Bonifac. et lib. 19. de Ciuit. Dei cap. 12. ac alijs locis.

Qui auctores belli pectantur, aut pugillo terræ, castello, vel oppidulo, ex quibus neutiquam pēdet salus aut defensio regni: vel quod ijs est grauius, ex cupiditate dominandi, meræue crudelitatis, hi demum grauissimè peccant contra istud mandatum.

belli: finis autem belli, pax est, docente August. in hunc modum: Non queritur pax, vt bellum exerceatur, sed bellum geritur, vt pax acquiratur. Esto bellator pacificus, vt eos quos bellando expugnas, ad pacis vtilitatem vincendo perducas. Qui igitur bella suscitât absque debita auctoritate, vel absque sufficiente causâ, nempe prores belli pectantur, aut pugillo terræ, castello, vel oppidulo, ex quibus neutiquam pēdet salus aut defensio regni: vel quod ijs est grauius, ex cupiditate dominandi, meræue crudelitatis, hi demum grauissimè peccant contra istud mandatum. Nec solùm ipsi, sed & omnes qui suadēt, vel instigant,

gant, aut consentiunt in huiusmodi bellum. Nam & indubiè debent Deo tot mortes, quot iniusta homicidia in eiusmodi bellis committuntur, tot restitutiones rum ablatarum, quot ibi rapinæ exercentur & depopulationes. Quia iuxta regulam Apostoli, Non solum
 Rom. 12. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

Quid igitur dicemus ad doctrinam Christi, Ego au
 Mat. 5. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.
 De Verbis Christi, non resistere malo, sed si quis percussus
 te in dexteram maxillam tuam, præbe illi & alteram?
 Hæc dicta sunt à Salvatore secundum phrasim popu
 lo.
 em, qua tunc temporis significabatur tam debere alie
 m esse animum nostrum à vindicta, vt potius altera
 xillam præbendam cogitarem, quàm velle vindica
 llatum malum. Aut si magis placet, dicito sicut bea
 August. super hoc disseruit in sermone Domini in
 te, docens hæc Domini mandata semper seruanda
 in præparatione animi: vt scilicet simus parati animi
 gere, nimirum tum quando promotio fidei, salus pu
 a, vel lucrum animarum id exigere videbitur. Verùm
 ndo vel necessitas publica, vel salus illorum, quorū
 am suscepimus, vel cum quibus agimus, aliud ex
 tulat, ad arma concurrere licebit: potissimum si desit
 s pacis tuendæ modus, aut possit aliquo modo spera
 lud. August. ad Marcellinum dicentis: Cui licentia
 uitatis eripitur, vtiliter vincitur. Quoniam nihil est
 Armæ Christi
 licitius felicitate peccantium, qua pœnalis nutritur
 stianorum
 unitas, & mala voluntas, velut hostis interior, robo
 preces San
 r. storū, sed et
 Dicitur tamen quòd arma Christianorum sunt ora
 gladius, &
 es Sanctorū, quasi precibus ad Deum fufis prælian
 baculus pro
 dum neceffitate.

dum sit discipulo Christi, non ensibus, hastis, aut bombardis.

- M.** Obserua obsecro in Exodo cap. 17. qualiter, Moysen orante in monte, vincitur Amalech gladio Iosue. Christianus igitur dum necesse est, praeliari debet in primis oratione, Quia non in multitudine exercitus victoria belli, sed de caelo fortitudo est. Nihilominus etiam gladio: quia nisi fortiter egisset gladio Iosue, non vicisset oratione sua Moyses, interim & hoc obserua, quod addit textus, Cumque leuaret Moyses manus, vincebat Israel, Sin autem paululum remisisset, superabat Amalech. Hæc dico obserua, & intelliges hominem pendentem ex Deo, uti pedit omnis Christianus, debere pugnare orationibus atque armis, magis tamen orationibus, quam armis. Vnde quoties Princeps bene Christianus vrgetur ad bellum, mox clerus ac populum inuitat, rogat, inducit ad orationes, & supplicationes sedulo prosequendas.
- Augustin. epist. 19.** Sicut Bonifacius Comes per epistolam diuum Augustinum orat, imminente sibi bello, ut precēs fundat ad Dominum, pro populo suo pugnaturo, ut Deus, inquit, iacula in hostes dirigat nostra, ac se ipsi trucident mutua cæde. Ad quam Bonifacii epistolam respondet diuus
- August. Bonif. comiti epist. 194.** Augustinus in hunc modum, Graui de pugna conqueris: dubites nolo, utile tibi tuisque dabo consilium, Arripe manibus arma, oratio aures pulset auctoris: quia quando pugnatur, Deus apertis oculis spectat, & partem quam inspicit iustam, ibi dat palmam. Quoniam autem Saluator docet: Discite à me, quia mitis sum, & humilis corde. Item, Ego autem dico vobis, non resistere malo: profecto felix est illa communitas, in qua non alia ratione pertractantur bella, quam inter ægrotos fortia medicamina, inter insensatos vincula, inter leges, mortis decreta. Quibus equidem ut verbum addere volo: nam
- quæ

æ dixi sufficiunt.

Saltem summatim repete, qui sint annumerandi inter
euaricatores huius mandati.


Homicidæ, latrones, traditores, percussores, sitientes
guinem proximi, insidiatores vitæ aliene, & qui im-
cantur alijs dira, mortem, aut plagas, auctores & con-
tores bellorum iniustorum, falsi doctores, pseudopro-
phætæ, pseudoeuangelistæ, lupi voraces in populo, sedu-
ces ad malum, vel detinentes in malo, non defenden-
tes ab oppressione, quos ex officio defendere debent, nō
annunciantes populo scelera sua, & errores suos, post-
quam annunciandi prouinciam susceperunt. Singuli
horum occidunt vel hominem vel animam homi-
nis. Si quidem hominem, rectè homicidæ: si verò animā,
homicidæ dicuntur. Vtrique meritò rei huius manda-
ti causa mortis sunt, Domino præcipien-
te Non occides.

S

Elen-

Elenchus Capitulū Tractatus

SEPTIMI.

-  Vid sit mœchari aut adulterare, & quàm grave crimen sit adulterium. Cap. I.
Quid tradat Evangelium de adulterio. Cap. II.
De alijs speciebus libidinis quâ ratione continentur in nomine adulterij. Cap. III.
De simplici fornicatione. Cap. IIII.
De concubinato. Cap. V.
De alijs speciebus libidinis. Cap. VI.
De osculis ac lusibus alijsq; preludijs libidinis. Cap. VII.
Quo cōsilio quàm optatè cuitari poterūt opera carnis. Cap. VIII.

Tracta-

Tractatus septimus.

Quid sit mœchari aut adulterare, & quàm gr. ue crimen sit adulterium. CAP. I.

D. **N**on mœchus.

M. Subintellige, cris aut sis. Nam Decalogus sic habet, Non mœchaberis: Euangelium au- Exod. 20.
tem, Non adulterabis. Enumerat enim Salua- Matth. 19.
tor etiam istud mandatum inter ea quæ sunt necessaria ad salutem pro tempore legis Euangelicæ. Quare non solum est mandatum legis, sed etiam Euangelij. Verum quid propriè significant ista, Mœchus, Mœchia, Mœchari?
Quid proprie significent Mœchus et Mœchari.

D. Græci vtuntur istis vocabulis ad significandum adulterium.

M. Et quid est propriè adulterium: Nam in Euangelio dicitur, Non adulterabis?
Quid adulterium.

D. Adulter dicitur ab eo quòd alter coniugatorum ad alterum vadit, transferendo vsum corporis ad non suum coniugem. Inde verbum adulterare, significans arte aliqua rem synceram corrumpere.

M. Inde quoque adulterium, quò significatur illicitus vsus carnis, fraudans matrimonium: quando scilicet maritus cognoscit aliam præter vxorem suam, aut vxor aliù virum admittit præter maritū suum. Tales enim vitiant, & adulterant, hoc est, corrumpunt legitima coniugij, quæ ab initio cælitus sancita fuere.

D. Audio frequenter valde graue delictum esse adulterium.

M. Delictum, inquis? quin potius crimen est, siue enorme scelus, animaduersione publica dignum. Olim loquens ad filium suum sanctus Tobias: Fili, inquit, præ-

Crimen est potius adulterium quàm delictum.
Tob. 4.

ter vxorem tuam nunquam patiaris crimen scire. Ecce crimen vocat adulterium, nō delictum quod est leuius. Est autem crimen peccatum enorme, querela, id est, accusatione & damnatione dignum. Et verè pelagus omnium malorum est adulterium. Per adulterium violatur

Quod iniuria & deformitates sint in adulterio.

Genes. 2.

Matth. 19.

Ibidem.

ordo naturæ primitus institutæ, quem Deus conditor humana societate esse voluit. Ab initio enim faciens hominem, masculū & foeminam fecit eos, vt esset vna vnus mariti vxor, nec alter ab altero diuideret carnem suam, vt infrā audies. Per adulterium turbatur Euangelium Christi, qui reuocans coniugium ad puritatem sui instituti dixit, Quod ergo Deus coniunxit homo non separet. Qui autem adulteratur, separat quantum in se est quod Deus coniunxit.

D. Quinimo adulter manet cum vxore, illamque pro compare habet: quomodo igitur separat quod coniunxit Deus?

M. Manet quidem cohabitatione cum vxore, & vinculo matrimonij coniunx eius: verū quantum in se est contra institutum naturæ, & Christi ordinationem diuidit carnem suam ab vxore, faciens se vnum cum scorto dicente Apostolo: An nescitis quoniā qui adhæret meretrici vnum corpus efficitur? Si vnum corpus factus est cū meretrice, ergo non est amplius vnus vnus vxoris, aut vna caro cum illa, iuxta legitima matrimonij. Tertio per adulterium fit iniuria Sacramento: quoniam adulter tollit à coniugio, quantum in se est sanctitatem Sacramenti & significationem. Siquidē inseparabilis vnio viri vnus cū vna foemina significat inseparabile vnionem Christi cum Ecclesia. Quam significationem exprimit Apostolus ad Ephesios. 5. dicens: Sacramentum hoc magnū est. Ego autem dico in Christo & Ecclesia. Quarto per adulterium fit grauis iniuria cōsorti siue coniugi, quoniam

Ephes. 5.

niam

niam furtiuè & iniquissimè subtrahit illi fidem casti matrimonij: quod plusest, subtrahit hoc ipsum, cuius plenam potestatem sacrosanctè ad coniugem transtulerat, dicente Apostolo: Mulier sui corporis potestatem non habet, sed vir. similiter autem & vir sui corporis potestatem non habet, sed mulier. Nolite fraudare inuicem, nisi fortè ex consensu ad tempus, vt vacetis ieiunio & orationi. Quæ iniuria incomparabiliter grauior est, quàm si furaretur vxori suæ pecuniâ, vestes, aut clenodia ipsius.

1. Corin. 7.

Quid si alter coniugum consentiat: sicut legimus quòd Sara dedit ancillam suam in sinû Abrahæ viri sui, eò quòd ipsa senuisset?

Adulteriũ non potest fieri nec de consensu alterius patris.

Potest vterque coniugum consentire alteri inducias ab vsu matrimonij, vt vacent orationi & ad Corinth. 7. Verùm vt carnem suam iungat cum altera, nequaquam consentire potest propter naturæ institutum, Dei quoque & Christi ordinationem, de qua diximus suprâ.

Genes. 16.

Tamen legimus. sic factum ab vxoribus Sanctorum patrum.

Quod factum est tunc, factum est Deo annuente, seu potius conniunte propter fidei propagationem & significationem. Nunc vero reducto matrimonio per

Olim permissa pluralitas vxorũ.

Christum ad primæuam suam puritatem nullo prorsus modo id amplius fieri potest. Quintò per adulterium violatur iusiurandum legitimè interpositum, quo sibi mutuò sanctè ac publicè adiurauerunt fidem matrimonialè dicentes: Ita me Deus adiuuet, sancta Maria, & omnes sancti Dei, submittentes se sacrificio Missæ, vt tantò sit firmitus, tantoque sacratius iuramentum quod emisérunt. Vnde periuri & infames sunt omnes, qui se polluant adulterio, & meritò non deberent vltrâ admitti secundum iura ad locum vllum, vel officium honoris, veluti ad prætoriam aut senatoriam dignitatem. Cui enim fidè

Adulteri sunt periuri.

Ephes. 5.

seruabit, qui Deo, & propriæ vxori fidem non seruat? Cui non erit iniquus, qui sibi iniquus est? Nam vxor caro viri est. Denique quod tandem iuramentum inuiolabile erit illi qui violat iusiurandū, quod publicè, quod in loco sacro, quod benedictione sacerdotali consecratū est? Sextò per adulterium fit quasi iniuriaprolibus, quæ concipiuntur ex adulterio, aut cōcipi possunt. Quandoquidem secundum iura pro nothis reputantur, nec successione bonorum gaudere possunt in vindictam criminis paterni, plerunque pereuntes miseria & egestate, vt pulchrè prosequitur Salomon. Sapient. 3. & 4. cap. dicens: adulterinæ plantationes non dabunt radices altas, nec stabile firmamentum collocabunt. Et si in ramis in tempore germinauerint, infirmiter posita, à vento commouebuntur, & à nimietate ventorum eradicabuntur. Confringentur enim rami inconsummati, & fructus illorum inutiles & acerbi ad manducādum, & ad nihilum apti. Ex iniquis enim omnes filij qui nascuntur, testes sunt nequitix aduersus parentes in interrogatione sua.

D. Tantūmne mali & iniuriarum est in vno actu adulterij?

M. Imò multò amplius mali. Etenim adulterium conturbat adeo pacem & tranquillitatem Reipub. vt vix posset aliud crimen magis: quid enim non mali surgit de adulterio? Hinc zelotypia, inuidiæ, odia, decoctio bonorum, infamia, persecutio, traditio, homicidia, veneficia, vxoricidia, cæcitas cordis, obstinatio. Adulterium trucidauit Ioannem. Misit Ioseph castitatis speculum in carcerem. Generosum item militem Vriam cum multis alijs manibus hostium sic obiecit, vt mori debuerit. Sampsonem insuper virorū fortissimum in potestatem Philistij tradidit, viribus exutum, cæcitate deformem.

Salo-

Matth. 14.
Genes. 39.
2. Reg. 11.
Iudic. 16.

Salomonem quoque quo nemo vnquam prudentior ; Reg. ii. idololatrare coëgit. Denique Dauidē iustitiæ & man- 2. Reg. ii. suetudinis singulare exemplar, plusquam trecentorum homicidiorum reum effecit. Hęc ex Scripturis. Deficiet autem me dies, si enarrare velim omnia mala, quæ de se gignit adulterium.

Certè meritò deberet atroci supplicio puniri tantum tamque enorme crimen.

In veteri lege præter mortem æternam, quæ est com- *Adulteris*
mune stipendium omnium criminum, cælitus constitu- *cōstitutum*
tum est adulteris tam viris quàm scæminis supplicium *erat suppli-*
mortis corporalis. Nec isto contenta lex adiecit præterea *cium mortis*
maledictionem dicens: Maledictus eris in ciuitate, male- *in lege.*
dictus in agro, maledictum horreum tuum, & maledi- *Leuit. 20.*
ctæ reliquæ terræ tuæ, &c. scilicet si nō custodieris istud *Deut. 22.*
de non adulterando, & reliqua mandata domini Dei *Deut. 28.*
tui. Insuper horrendis quibusdam plagis visitauit Deus peculiariter hoc crimen in exemplum omnium viuentium, vti est videre in Genesi, libris Regum, ac alijs historijs Scripturæ sacræ. Adhęc in omni gente, etiam apud barbaras nationes legitur adulterium fuisse punitum morte corporali, ratione naturali sic suggerente. Et ô omnipotens Deus tibi querelas cum lachrymis deponimus super negligentia maiorum provinciæ nostræ in puniendo tantum tamque perniciosum malum.

Quid tradat Euangelium de adulterio.

CAP. II.

D. **E**T Euangelium quid precor dicit de adulterio?

M. **E** Primò, quòd sit peccatum communicās & *Quid dicat*
coinquinans hominem, Matth. 15. hoc est com- *Euangelii*
munem siue prophanum, spurcum, & immun- *de adulterio.*
dum efficiens, & per consequens, inidoneum futuræ *rio.*
vitæ. Secundò, quòd is qui adulterium committit, iudi-

cabitur Dei iudicio, ad Heb. 13. Tertiò, quòd hominem extorrem siue exulem facit à regno Dei & Christi. 1. Corinth. 6. Nolite, inquit Apostolus, errare, neque idolis seruientes, neque adulteri, neque molles, &c. regnum Dei possidebùt. Quartò, quòd tollit membrum Christi, & facit ex eo membrum meretricis. Diuidit igitur & separat à Christo. Satis de hoc. Siquidem certum est adulterium esse malum vehementer sceleratum, plenum iniuriarum, plenum infamiae, plenum abominationis, omni lege prohibitum, naturali, diuina, humana, in Decalogo, in Euangelio, in sanctionibus Imperatorum, in canonibus Ecclesiae. His tamen nihil obstantibus, etiam adulteri inuenerunt suae defensionis patronos: adeo obcecat foeda libido, ubi hominem semel occupauerit. Docuit Simon Magus (de quo Simone in Actis Apostolorum fit mentio) licitum esse promiscuum foeminarum usum. Idem docuit Saturninus quidam in Syria: idem & Nicolaite. Idem denique docuerunt Adamite, & Valdenses, & quidam impuri homines nostri seculi, quorum alij vocantur Badiani, alij Dauidistae, alij praecursores Antichristi. Qui omnes tradiderunt, & adhuc quidam ex ipsis tradunt, quòd quisque qua velit muliere uti potest sine peccato: homines profecto reprobis, caeci, corruptiores, nedum corrupti: qui & Deo, & Christo, & Sacramento, & naturae, & publicae honestati, ac proprijs denique corporibus iniuriam faciunt, corruptentes quicquid caelitùs, quicquid humanitùs, aut ab ipsa natura in legitimum usum generationis constitutum est, tam in praerudicium prolis, quam ad subuersionem totius honestatis. Quorum haud dubie finis erit interitus sine fine, & opprobrium illorum non delebitur ab eis in eternum. Quos Apostolus Petrus pereleganter depinxit suis coloribus, dicens: Hi uero uelut irrationabilia pecora, naturali-


Hereses defendentes adulteria. Lib. 3. cap. 29. Hist. Eccles. Tertullianus.

2. Pet. 2.

raliter in captionem & in perniciem, in his quæ ignorant blasphemantes in corruptione sua peribunt percipientes mercedem iniustitiæ, voluptatem existimantes, dei delicias: coinquinationes & maculæ delitijs affluentes, in conuiujs suis luxuriantes vobiscû, oculos habentes plenos adulterij, & incessabilis delicti. Nihil opus est hîc multis rationibus, vt error seu potiùs insania istorum conuincatur: quia per se nota est. Nam quid opus est ratione aduersus id, quod nulla omnino subsistit ratione? Gladijs vtendum est & ignibus potiùs quàm argumentis aduersus eos qui eiusmodi sunt.

Sic apparet.

De alijs speciebus libidinis qua ratione contineantur in nomine adulterij. CAP. III.

M.  T nunc videamus de alijs speciebus libidinis, quæ sunt, fornicatio, incestus, stuprum, raptus, sacrilegium, mollities, venus mascula, bestialitas, an similiter prohibeantur hoc mandato?

D. Apparet quòd non.

M. Et quare non?

D. Quia præceptum datur sub his verbis, Non mœchaberis, Non facies adulterium. Aliud autem est mœchari, aliud fornicari.

M. Vt Græcis *μοιχεύω*, ita Latinis adulterari verbû est generale ad omnẽ corruptionẽ. Nam vt monetâ adulterât qui eã vitiât: & adulterât verbû Dei, qui illud nõ synecrẽ prædicât, sicut Apostolus dicit. Ita adulterât legitimũ vsum generationis destinatũ à natura ad multiplicationẽ generis humani, quicunque illũ vitiant, aut quoquo modo corrumpunt. Est autem legitimus vsus generandi ille, quem instituit Deus condendo genus humanum Genes. 2. Et Christus comprobauit, Math. 19. dicens:

Verbû adulterari cõmunẽ ad omnẽ corruptionem.
2. Cor. 4.

Qui fecit hominem ab initio, masculum & foeminam fecit eos, & dixit, Propter hoc, dimittet homo patrem & matrem, & adhærebit uxori suæ: & erunt duo in carne una. Itaque iam non sunt duo: sed vnus caro. *Quod ergo Deus coniunxit, homo nō separet.* Hæc igitur sunt *legitima matrimonij*, nempe vt causa multiplicandi genus humanum, sint simul masculus & foemina, vnus cū vna, vnius viri vna sit vxor: id quæ coniunctione adeo indiuisa, vt duo sint in carne vna: imò iam non duo, sed vna caro. Neque posset quisquam mortalium quacunque fulgebat auctoritate, seiungere quod Deus coniunxit. Itaque omnis vsus carnalis copulæ, qui est præter hoc constitutum Domini, hoc est, extra sanctiones istas matrimonij, vitiat ac corrumpit legitima institutæ generationis. Nam voluit Deus coniugium duorum, esse vnicum medium multiplicandæ prolis. Hoc vnum in Adam & Eva est inceptum, hoc vnum posteritati donatum, solum hoc in Euangelio comprobatum est per Christum dominum nostrum, Matth 19. Quapropter quicquid est in vsu carnis extra has sanctiones coniugij, illegitimum, reprobum & adulterinum vocari debet. Nam sicut numus adulterinus dicitur, qui non habet approbationē Principis: ita adulterinus est quicumque actus carnis, non habens approbationem legis diuinæ ab initio institutæ, & à Christo in Euangelio comprobatæ. Vnde qui dixit, Non adulterabis, non solum prohibuit illud adulterium quod facere possunt, qui matrimonio iuncti sunt: sed absolutè omnem adulterinū concubitum à quibuscunque fiat. Nam omnis talis vitiat legitimum vsum generationis.

D. Nec ego veri dissimile puto, adulterinum dici, omne quod non habet approbationem legis.

M. Nihil dubites de hac re: quia certò certius est quod dico,

dico, nec aliena doceo, sed sequor diuum Ambrosium sic docentem in libro de Patriarchis, Non hoc, inquit, solum est adulterium, cum aliena peccare coniuge, sed omne quod non habet potestatem coniugij. Porro non habet potestatem coniugij, quicquid non est secundum legitima generationis, à natura & Deo instituta.

De simplici fornicatione.

CAP. IIII.

Nunc autem incipiamus demonstrationem de simplici fornicatione, quæ est commixtio soluti cum soluta, vtroque alteri consentiente.

D. Certè de hac dubitant nonnulli an sit peccatum: quia vterque liber est, & quod sit, de vtriusque procedit beneplacito, citra iniuriam cuiuscunque: quid igitur mali commiserunt?

An fornicatio sit peccatum.

M. Rogas quid mali commiserunt? Iam audisti. Corrupti sunt legitimus usus generationis, adulterantes quod cælitus primum à Deo, deinde à Christo constitutum erat. Insuper violauerunt ordinem naturæ primitus institutæ. Tertiò egerunt contra bonum prolis. Quartò peccarunt in proprium corpus. In quibus profectò offendit multò grauius Christiani quàm Ethnicici. Si mihi non credis, saltem crede Apostolo Christi, qui sic *1. Corin. 6.* habet, Fugite fornicationem. Omne enim peccatum quodcunque fecerit homo: extra corpus est: qui autem fornicatur: in corpus suum peccat. An nescitis quoniam membra vestra, templum est Spiritus Sancti, qui in vobis est, quem habetis à Deo, & nō estis vestri? Empti enim estis pretio magno. Glorificate & portate Deum in corpore vestro. Nescitis quoniam corpora vestra: membra sunt Christi? Tollens ergo membra Christi, faciam membra meretricis? Absit. An nescitis, quoniam qui adheret meretrici, vnum corpus efficitur. Vidēsne quàm multa mala sint

la sint in fornicatione maximè Christianorum? Primum profanatio proprij corporis, quod consecratum erat in templum Spiritus Sancti. Secundò contrectatio rei alienæ inuito domino: quia nemo est suus, sed domini, emptus pretio magno, vt seruiat non fornicationi, sed domino. Tertiò dehonestatio mèbri Christi: vnusquisque enim nostrum per fidem & Baptisma aptatus est in membrum Christi: quando autem se iungit scorto in turpitudine, fit statim impuræ meretricis membrum. Hæc itaque mala concurrunt in actu simplicis fornicationis. Et hæc qui faciunt, an precor nihil committunt mali? At dicito mihi, repugnare voluntati Dei, nōne malum est? Hæc est autem voluntas Dei sanctificatio vestra: & abstinētis vos à fornicatione, vt sciat vnusquisque vestrum vas suum possidere in sanctificatione & honore: non in passione desiderij.

1. Thessal. 4.

D. Verum an verba illa Apostoli comprehendant simplicem fornicationem?

M. Ne dubites, alioqui connumerasset etiam illas iniurias, quæ adulter compari suæ facit. Vt autem nemo dubitet, an sit illicita simplex fornicatio, Scriptura noui Testamenti in sua prohibitionē coniungit vtrunque, fornicationem scilicet & adulterium, clarissimè definiens de vtroque quod sit peccatum mortale, subiiciendum iudicio Domini ad Heb. 13. Nam fornicatores & adulteros, inquit Apostolus, iudicabit Deus. Vtrunque enim communicat siue coinquinat hominem, dicente Salvatore: Quæ autem procedunt de ore: de corde exeunt, & ea coinquant hominem. de corde enim exeunt cogitationes malæ, homicidia, adulteria, fornicationes, &c.

Matth. 15.

Marc. 7.

hæc sunt quæ coinquant hominem. Quod Marcus dicit, Hæc sunt quæ communicant hominem, hoc est, immundum ac spurcum, atque profanum faciunt. Vtrunque

que insuper excludit à regno Dei, Nolite, inquit Apostolus, errare: quia neque fornicarij, neque idôlis seruiētes, neque adulteri, neque molles, &c. regnum Dei possidebunt. Audisne in his testimonijs, tam fornicationem quàm adulterium nominatim à Christo & Apostolo eius, an numerari inter peccata damnabilia, quæ consueto vocabulo dicimus mortalia? Hinc idem Apostolus exhortatur Corinthios dicens: Neque fornicemur, sicut quidā ex ipsis (scilicet filijs Israël) fornicati sunt (in deserto cum filiabus Moab) & ceciderunt vna die viginti tria millia. Fili non potest esse partium malum, quod tam horrenda plaga punitur cælitus. Quapropter Apostolus multa cū vehementia inculcat dicens: Fornicatio autem & omnis immunditia, aut avaritia nec nominetur in vobis, sicut decet sanctos: aut turpitudine, aut stultiloquium, aut scurrilitas, quæ ad rem non pertinet: sed magis gratiarum actio. Hoc enim scitote intelligentes, quod omnis fornicator, aut immundus, aut avarus, quod est idolorum seruitus, non habet hæreditatem in regno Christi & Dei. Addit præterea, Nemo vos seducat inanibus verbis. Propter hæc enim venit ira Dei in filios dissidentix. Astipulatur quoque Apostolus Ioannes in sua Apocalypsi de fornicatoribus dicens: Pars illorum erit in stagno ardenti igne, & sulphure, quod est mors secunda. Quid apparet nunc tibi? An non multum mali in se continet fornicatio?


D. Profectò non potest non esse ingens malum, cuius pars erit in stagno ignis & sulphuris.

M. Præterea anne satis expressè sit prohibita simplex fornicatio?

D. Satis superque. Cùm enim Scriptura nominet vtrūque, dicendo: neque fornicarij, neque adulteri regnum Dei possidebunt: nemini dubiū esse debet, quin vtrūque

DE ADULTERIIS
quę in sua specie voluerit Deus esse prohibitum.

De concubinato. CAP. V.

D.  Ita se habent quę dicta sunt, vbi parebunt concubinarij, qui non semel fornicantur, atque iterum, sed indefinenter nocte dieque, & quoties lubet?

M. Certè hos manet ille locus vbi nullus est ordo, sed sempiternus inhabitat error. Hi enim extra matrimoniũ quasi matrimonialiter viuentes, conuictu, domo, thoro, rerum denique & corporum vsu indiuidui, omnia quę matrimonij sunt sibi vsurpant, præter institutum Dei ab initio factum inter masculum & scēminam, bonum prolis, & sanctiones Sacramenti. Siquidem hæc tria oderunt: reliqua verò quę ad libidinem spectant, laudant, volunt, amplectuntur, non obstante iniuria prolis, non Dei & naturę instituto, non positiuę legis prohibitio- nibus, non scandalis, nō periculis mortis, quibus inuolui subitò possent, non statu damnationis, in quo sunt quàm diu sic sunt, non dehonestatione suarum perso- narum, parentum, ac familiarium: quoniam infames ha- bentur, quicunque tales sunt, denique non obstante ia- ctura temporis, etatis, bonorumque operum. Nā quam- diu sic sunt, nullum possunt habere meritum bonorum operum, etiam si singulis diebus audiāt sacrum, & sub- stantiam suam omnem distribuunt in eleemosynas pau- perum. Hoc tamen intellige de operibus quę veraciter bona sunt, id est, Deo grata ac chara ad remunerationem futurę vitę. Quamdiu enim displicet persona propter statum peccati mortalis, actus eius grati esse non possunt ad futuram remunerationem. Ex his facile est confide- rare, quàm concurrant in cōcubinato multa, quę aggra- uant peccatum fornicationis. Præter hoc enim quod as-
fiduè

Aduè fornicando, assidue peccant contra hoc mandatū,
 etiam ipse status per se malus est, quia est cōstans perse-
 uerantia illiciti concubitus, repugnans instituto diuino
 & Sacramento, iniquus semini nascituro, perturbans nō
 parum communitatem, quōd illegitimus sit, scandalo-
 sus, & infamis, & ob hæc atque eiusmodi specialiter dā-
 natus. Hinc August. Serm. 243. Coram Deo, inquit, &
 Angelis eius testor atque denuncio vobis, ista mala
 semper prohibuisse, & nunquam ei placita fuisse, quia
 præcipuè temporibus Christianis concubinas habere
 nunquam licuit, nunquam licebit. Idem habet alijs in
 locis. Similia etiam legere licet apud D. Ambrosium, lib.
 de Patriarchis, & 32. quæst. 4. Quantum verò pertinet
 ad concubinatum clericorum, vide decreta Pontificum
 & Conciliorum: in primis Innocentij secundi 28. Dist.
 cap. Decernimus, vbi inquit, Decernimus, vt hi qui in
 ordine subdiaconatus & suprā, vxores duxerint, aut con-
 cubinas habuerint, officio atque Ecclesiastico beneficio
 careant. Cū enim ipsi templum & vasa Domini ac sa-
 crarium Spiritus Sancti esse debeant & dici, indignum
 est eos cubilibus & immundicijs seruire. Simile decretum
 inuenies dist. 81. cap. Maximianus. Item in Decretalibus
 lib. 3. titulo de vita & honestate clericorum cap. Vt Cle-
 ricorum. Et titulo de cohabitatione clericorum ac mulie-
 rum cap. Clericos. & cap. Sicut ad. & cap. Si autem. Sed
 quid his immoror? Cū sacræ Scripturæ, quæ prohibet
 omnem commixtionem carnis extra sanctiones matri-
 monij, prohibent insuper scandala quibus offenduntur
 fratres, sufficienter demonstrent, concubinatum malū
 esse, cō quōd includat & incentiuum libidinis, & conti-
 nuationem rei illicitæ, & apertum scandalum commu-
 nitatis. Igitur vt concludam, concubinatus non solum
 includit peccatum fornicationis, sed addit statum pec-
 cati

cati mortalis: qui vt in se malus, ita quoque in primis ac specialiter est vitandus. Et propterea ad sui veram penitentiam exigit non tantum omissionem actus carnalis, sed & recessum à tali statu: sic vt abijciat scortum à conuictu & cohabitatione, omniq; familiaritatis consuetudine, nedum à thoro suo ac thalamo. Vt autè prædictum malum incontinentiæ potissimum concubina-
tus, pertinentius expurgaretur à clero, decreuit Ecclesia in Concilio generali, cui præsedit Innocentius 3. aduersus negligentiam prælatorum in hunc modum. Prælati verò qui tales præsumpserint in suis iniquitatibus sustinere, maximè obtentu pecuniæ vel alterius commodi temporalis, pari subiaceant ultioni, nempe illi, quæ eadem decretali decernitur aduersus Presbyteros incontinentes, titulo de vita & honest. cleri. cap. Vt clericorum.

De alijs speciebus libidinis.

CAP. VI.

D. **Fornicationes non M. sunt omnes eiusdem nature. Stuprum.** **D.** Omne, fornicationes nonne omnes sunt eiusdem speciei?
Nequaquam. Quoniam qui fornicando tentat florem virginittis atque corrumpit, huius fornicatio fit stuprum: & est tantò sceleratior, quàm tò irrecuperabilius est ornamentum virginittis, quod abstulit. Vtteriùs, stuprum fit duplo adhuc grauius, si quis viciet virginem alteri viro iam desponsatam: quale stuprum olim supplicio mortis puniebatur, dicente Domino, Si puellam virginem desponderit vir, & aliquis inuenerit eam in ciuitate, & concubuerit cum ea, educes vtrunque ad portam ciuitatis istius, & lapidibus obruentur. Si in agro repererit vir puellam, quæ desponsata est, & apprehendens concubuerit cum ea, ipse morietur solus. Secundò, quando quis fornicationi addit raptum contrectans violenter mulierem inuitam, crescit scelus, fitq; fitq;ue

Deut. 22.

Raptus.

itque crimen morte puniendum. Nam si filius mortis
 est, qui vim infert bonis temporalibus, multò magis ille
 qui de meo corpore & de ornamento castitatis meæ ra-
 cinam facit. Fuit olim hoc delictum grauissimè punitū
 in Sichem filio Emor principis Sichemorum, què Deus *Genes. 34.*
 cum patre suo, & tota ciuitate plaga maxima percussit
 propter raptum Dinæ filiæ Iacob. Item in Amnon, qui *2. Reg. 13.*
 oppressit Thamar sororem suam. Tertiò quando quis
 libidini suæ adeo nullum ponit modum, vt nec sangui-
 nis, nec affinitatis, nec publicæ honestatis rationem ha-
 beat, huius libido vocatur incestus. Incestus, inquam,
 quandoque tam enormes, vt Apostolus propter eum tra-
 derit incestuosum Corinthium Sathanæ, ad interitum *1. Cor. 5.*
 carnis: grauitèr coarguens Corinthios quòd pertulerint
 suā societate hominem, qui tantū scelus operatus erat,
 & verbis, Omnino auditur inter vos fornicatio, & talis
 fornicatio qualis nec inter gentes, ita vt vxorem patris
 aliquis habeat. Et vos inflati estis, & non magis luctū
 habuistis, vt tollatur de medio vestrum, qui hoc opus fe-
 cit, &c. Plura de hoc genere fornicationis habentur
 uit. 18. & 20. Est etiam incestus quidam prorsus sacrile *Incestus sa*
 crilegus, quando quis violat virginem Deo sacram per votū *crilegus.*
 castitatis: qualem solent etiam Gentes mortis supplicio
 punire, vt patet de virginibus, Vestalibus. Porro si mona-
 chus, sacerdos, vel Episcopus se polluit libidine cū scor-
 tatione, huius fornicatio rectè sacrilegium vocari potest: eò *Sacrilegiū.*
 quòd rem Deo sacram contra votum, vel contra institu-
 tionem Ecclesiasticā in scelere turpitudinis prophanat,
 & eius ex se vile membrum prophani scorti: duplo qui-
 n sceleratius sacrilegium, si ipsum operetur cum virgi-
 ne Deo sacra. Præter hæc autem inuenitur in libidini-
 bus, & alia quædam species, quam vocant peccatū mu- *Peccatū cō*
 tra naturā. *tra naturā.*

T nocuæ

Gene. 18.

nocuæ pubertatis, vt de illo ne loqui quidem fas sit ad promiscuam plebem. Clamat enim in cælum magnitudo huius sceleris, horroreque concutit naturam, & stupere facit circumstantes parietes, saxa, aërem, solem, vincens turpitudine omnem immunditiam, scelere, omnem iniquitatem: adeoque obræcans, vt vir, contra omnem instinctum naturæ, in virum, fœmina in fœminam, homo nonnunquam in bestiam scelus operetur. Putat quidam solennis auctor, hominem eo infantiæ non posse derelinqui à Deo, nisi prius in perfidia & insipientia cordis sui ita apostatare cœperit à Deo, vt sic sentiat, sicque viuat quasi non sit Deus. Vbi perfidia, vbi apostasia, vbi idololatria, vbi regnare solet scelus hoc contra naturam, de quo loquimur: & quò Gens longiùs aberrauerit à Deo, eò magis huic nefando malo inuoluitur. Vti satis luculenter tradit Apostolus, dicens: Quia cùm cognouissent Deum, non sicut Deum glorificauerunt, aut gratias egerunt, sed euauerunt in cogitationibus suis, & obscuratum est insipiens cor eorum. Dicentes enim se esse sapientes, stulti facti sunt. Et mutauerunt gloriam incorruptibilis Dei, in similitudinem imaginis corruptibilis hominis, & volucrum, & quadrupedum, & serpentium. Propter quod tradidit illos Deus (nota, Propter quod) in desideria cordis eorum in immunditiam, vt contumelijs afficiant corpora sua in semetipsis. Qui commutauerunt veritatem Dei in mendacium, & coluerunt & seruierunt creaturæ potius quàm creatori, qui est benedictus in secula. Amen. Propterea tradidit illos Deus in passionem ignominie. Nam fœminæ eorum immutauerunt naturalem usum, in eum usum qui est contra naturam: Similiter autem & masculi, relicto naturali usu fœminæ, exarserunt, in desiderijs suis in inuicem masculi in masculos turpitudinem operantes, & mercedem quam oportuit erroris sui

Rom. 1.


in semetipsis recipientes. Et sicut non probauerunt
 um habere in notitia, tradidit illos Deus in reprobum
 sum, vt faciant ea quę non conueniunt, &c. Quidam,
 o, celeberrimus ac vetustus Auctor in suis Commen-
 js super hunc locum Apostoli scribit, Non posse na-
 nem aliquam, aut priuatum hominem eo dementiæ
 elinqui à Deo, vt hoc genere scetere incipiat: nisi ipse
 perit prius perfidia quapiam aut infidelitate apostatare
 eo. Non enim coeunt tam scedæ ac variæ libidines,
 cum perfidia & infidelitate. Quapropter ô tu vicina-
 tio, quę semper eximia quadā nobilitate generosa fui-
 cæteris armorum vsu, cæteris fide, cæteris animi con-
 tia, multò præstantior, quo te prostrauit perfidorum
 nachorum apostasia, docens te mollé fieri, quod prius
 ciebas, adeoque libidinibus tuam generositatem scæ-
 re, vt etiā de nefanda venere infamis esse incipias? Vti-
 a falsò, confido autē quòd falsò. Cæterum si es, qua-
 te rumor prædicat, certissimum habe ex dictā episto-
 postolica ad Romanos, quam tantopere colis, te quo-
 desertricem factam domini Dei tui, iamque defecis-
 a perfidiā nō modicā, à tempore quo cœpisti recipere
 rtores monachos, eosq; colere velut vascula Spiritus
 sti, qui & pleni erāt omni spurcitia & præter mollia
 iaq; carnis, nihil te docuerūt, cōtempta, vituperata,
 sta deniq; puritatis doctrina sanctorū patrum tuorū:
 antea illustis eras. At reuertamur vnde digressi su-
 s. Scelus illud cōtra naturā, de quo dicere cœperamus,
 ū est spectaculū mundi cū Deus subuerteret Sodo- *Genes. 19.*
 & Gomorrhā ciuitates nobiles, cū vniuersis oppidis
 cis, omniq; anima viuente quæ in ipsis erat, pluens ig-
 & sulphur de cælo, donec concremaret & demerge-
 a profundum. Qua autem pœna punierit lex vetus
 ē abominationē, habes Exod. 22. & Leuit. 18. & 20.

Haftenus de crassa illa libidine, quæ nomine caret, quia
foedior est, quàm quæ nominari debeat.

D. At explica, quæso, paulò specialiùs qualitatem huius
vitij.

M. Non faciam. Quia nõ expedit neque tibi, neque alijs,
qui fortassis hanc nostram disputationem lecturi sunt.
Nullus est adeo non homo, quem non torqueat consci-
entia facti, post commissum crimen, nullus adeo vecors, ut
non pudeat se sui feruore recedente. Nemo enim audet
in publico, turpe igitur iudicatur ab omnibus. Quare nec
opus est hic multa instructione, sed vnusquisque sui cu-
stos, suiq; iudex esto. Pulchrum enim ac prudens illud
quod Græcis erat in ore, *ῥυθμι δίκτυον*, id est, nosce te ipsum.
Custos tui ipsius esto, naturæ fabricam perpède, & memi-
neris te huius debere ordinem sequi, non inuertere.

De osculis ac lusibus alijsq; præludijs libidinis. CAP. VII.

D.  E osculis autem ac lusibus, quos parit non raro
sui impotens ignis amoris, quid precor dicemus?

M. Sicut hic prohibentur adulteria & fornicatio,
ac foeda illa libido, de qua dictum est: ita & impudicitia,
immunditia, luxuria, etiã inebriari vino, in quo teste Apo-
stolo est luxuria: maximè in eis qui post pocula nihil eru-
tant præter libidinem. De quibus Apostolus ad Galatas
dicit: Sicut prædixi vobis, & nunc prædico, quoniam qui
talìa agunt, regnum Dei non consequentur. Secundò
turpilòquium, & scurrilitas, quæ secundum eundè Pau-
lum nec nominari debent inter vos, sicut decet Sanctos.
Tertiò oscula, non quidem illa sancta, quæ nuntia sunt
mutuæ charitatis, de quibus Apostolus Petrus, Salutate
in uicè in osculo sancto: sed impudica illa, quibus solet op-
pignorari Venus. Deniq; cationes lubricæ, choreæ, lusùs,
tactus, & quæcunq; præparat viã ad illicitũ vsum carnis.

D. Ta-

Impudicia.

Commissa-
tiones.

Eph. 5.

Gal. 5.

Stultilo-
quium.

Scurrilitas.

Eph. 5.

Oscula im-
pudica.

1. Pet. 5.

Cationes
lubricæ.

Choreæ:

Tamen ista non sunt adulteria.

Ita nec ligna sunt ignis: veruntamen ex collectis lignis bonus componitur ignis. Non sunt quidem hæc adulteria: attamen per actus hos construitur in impuris hominibus adulterij ludus. Mirum enim quàm transmittant sese hinc inde amantium spiritus per oscula, tactus, oculum nequã. Et oculus meus, inquit Propheta, deprædatus est animam meam. Exemplum habes in Dauide, quæ conspectus traxit in adulterium Bethsabeę. Hęc igitur & huiusmodi ad adulterandum vsum legitimæ generationis, vehementer disponunt, incitant, inflammant. Vnde si audet Saluator constanter pronunciare, Quicumque viderit mulierem ad concupiscendum eam, iam mœchatus est in corde suo, hoc est iam adulterium commisit in corde suo: cur non & nos inferemus hoc modo, Igitur qui osculatus est mulierem ad concupiscendum eam, iam mœchatus est in corde suo? Rursum, Ergo qui lusit propè, qui choreas simul duxit, qui miscuit pedes, iam mœchatus est in corde suo: si modò id ipsum fecerit ad concupiscendum eam, hoc est, ad illum finem, vt concupiscentiam vel excitet vel expleat: (nam quid dicendum sit de ipsa concupiscentia in præcepto vltimo explicabimus) Dic mihi quid opus est impetu, vt mittas saxa deorsum?

Thren. 3.

Argumentū ex Scripturis.
Matth. 5.

- D.** Nihil: quoniam suo pondere ruunt.
M. Igitur qui addit impetum, omnino vult vt ruant.
D. Hoc certum est.
M. Porro sensus & cogitatio humani cordis per se in malū prona sunt, principaliter in opus concupiscentiæ, non minùs quàm saxa in motum deorsum. Qui igitur addit oscula, lusus, aliaque incitamenta lasciuix, & dicit, Nolo quod reliquum est, Quid tibi apparet de illo?
D. Certè quòd cum ratione insaniat, non minùs quàm ille, qui addit oleum igni, & dicit, Nolo vt ardeat.

M. Ex istis igitur satis intelligis, mādātum quod prohibet adulterium & fornicationes, etiam prohibere oscula, tactus, lusus lasciuos, aliaque prouocamenta libidinis: quoniam in istis quærentur, & appetuntur illa. Tu igitur fili fugies propter mandatum Dei, non solum eius quæ in carne est concupiscentiæ corruptionem: sed & vniuersa ille-

Quātū ma-
lorū in amo-
re lasciuo.
Prouerb. 5.

etamenta in eandem. Dulce quidē amor, & Veneris vsus: verū nouissima ipsius amara quasi absinthium: ignis vsque ad perditionem deuorans, & omnia eradicans, nempe, famam, Eccles. 9. Substantiam, Luc. 15. Cor, Osee. 4. Corpus, Iudic. vltimo: 2. Reg. 13. Animam ac totum denique hominem 1. Cor. 6. ad Gala. 5. ad Ephes. 5. Quodque omnium pessimum est, conuersionem cordis ad Deum prorsus retardat, faciens Dei ac cælestium recordationem homini grauem, Propheta dicente: Non dabunt cogitationes suas, vt reuertantur ad Deum suum: quia spiritus fornicationum in medio eorum, & Dominum non cognouerunt.

Osee. 5.

Quo consilio quā optimè euitari poterunt opera carnis.
CAP. VIII.

D.

T quis hæc euitabit, maximè cū omne pondus naturæ eò inclinet?

M.

Quare oculi
& crapula
sint fugienda.



Fuge, obsecra, ocium vita ac crapulas, & euasisti. A vetustis: & quidem sapienter dictum le-

gitur,

Ocia si tollas, periēre Cupidinis arcus. Et rursum,

Quæritur Aegisthus quare sit factus adulter,

In promptu causa est desidiosus erat.

Et illud, Sine Cerere & Baccho friget Venus.

Vt enim pudenda membra ventri, ita luxuriæ ocium & crapula proxima sunt. Nec fouent tantummodo vscitatæ Veneris ignem, sed etiam velut impetu quodā protrudunt

trudunt in innaturalitates, quas pudor est nominare, vti disertè testatur Ezechiel, hæc olim præbuisse Sodomitis ansam scditatis suæ, dicēs: Ecce, inquit, hæc fuit iniquitas Sodome sororis tuæ, superbia, saturitas panis, & abundantia, & ocium ipsius & filiarum eius. Et manum egeno & pauperi non porrigebant, & eleuatæ sunt, & fecerunt abominationes coram me, & abstuli eas, sicut vidiſti. Certa regula est vbi vinū & ebrietas, ibi effigies quidem hominis, sed nulla cordati viri proprietas. Vbi ocium, ibi magnum partis cōcupiscibilis negocium. Quod quid potest aliud quàm generare opera carnis? Opera verò carnis quid præter mortem? Nam prudentia, inquit Aposto-
 lus, carnis (ac si diceret, electissimum quod in carne inuenitur) mors est. Dixi præterea, fuge: non enim sufficit declinasse ocium & crapulam, nisi & longè fugias populorum consuetudinem. Quoniam non potest neque Cœ-
 cias nubes, neque adamas ferrum trahere ad se efficacius, quàm rapit mulier propè ludentis animum. Dicit enim Sapiens: Nunquid potest homo abscondere ignem in sinu suo, vt vestimenta illius non ardeant? aut ambulare super prunas: vt non comburantur plantæ eius? Docet experientia incendi ignem, quando approximat stipula. Vnde sanctus quidam heremita ægrotans exclamabat cōtra aduenientem fœminam, Tolle, tolle stuppam: adhuc est igniculus. Hinc & diuus Hieronymus, Flammi-
 gero, inquit, igne percutit fœmina conscientiam pariter habitantis. Tu igitur, fili, fuge, fuge, inquam, consortia fœminarum. In fuga enim est victoria: in lucta verò indubitatum salutis, nedum pudicitie discrimen.

Rom. 8.

Cur fugien-
dū in pugna
carnis.

Prouerb. 6.

D. Quid si fugiam ad heremum, aut monasticam solitudinem?

H. Hoc consilium in primis probat vita Sanctorum, vt constat ex fidei historijs: sed audi diuum Hieronymum

Hieron. ad Eusto. iam in herēmo habitantem, O quoties ego, inquit, ipse in heremo constitutus, & in illa vasta solitudine, quæ exusta solis ardoribus, horridum monachis præstat habitaculum, putabam me Romanis interesse delitijs. Horrebant sacco membra deformia, & squalida cutis, situm Ethiopissæ carnis obduxerat. Quotidie lachrymæ, quotidie gemitus, & si quando repugnantem somnus imminens oppressisset: nuda humo, ossa vix hærentia collidebam. De cibis verò & potu taceo, cū etiam languentes monachi aqua frigida vtantur, & coctum aliquid accepisse, luxuria sit. Ille igitur ego, qui ob gehennæ metum, tali me carcere ipse damnaueram, scorpionum tantum socius & ferarum, sæpe choris intereram puellarum. Pallabant ora ieiunij, & mens desiderijs æstuabat in frigido corpore. Hæc & plura alia Hieronymus, lege precor totā epistolam. Si autem sustinent ista, qui semoti in vasta solitudine, ab hominum consuetudine & aspectu, atque exeso iam corpore, solis cogitationibus oppugnantur: itaque nec fugisse hæc omnia satis erit: vt sis verè conti-

Ad orationem velut anchorā sacram confugiendum.
2. Corin. 12. nens & corpore & mente, nisi ad sit tibi indefinenter supplex oratio ad Deum, qua impetres velut auxilium præsidium ab illo, qui dixit Apostolo laboranti sub stimulo carnis. Sufficit tibi gratia mea. Siquidem expressè pronunciat Sapiens: Non possem esse continens, nisi Deus det.

Sap. 8.

D. Igitur non est in hominis potestate cōtinentem esse.

M. Non magis quàm vincere mundum, aut iustum fieri,

Non est hoc vel sapientem: attamen vicerunt mundum non pauci vt minis in populo patet ad Hebræos 11. Sapien. 5. Apoc. 10. Adeo vt audeat testate continētē esse Ioannes Euangelista dicere vniuersaliter: Omne quod natum est ex Deo, vincit mundum. Et hæc est victoria, quæ vincit mundum, fides nostra. Cui datum est vincere mundum per fidem, is an non per eandem vincet carnem

1. Ioan. 5.

nem

nem propriam? Alioqui quomodo vincit mūdum? Nam caro eius pars vna est mundi. Et quis iustus per se? Quis sapiens per semetipsum?

Prorsus nemo: nemo enim hæc esse potest sine fide: fides autem est donum Dei.

Sunt tamen iusti multi, multi quoque continentes, nec defuere vnquam in Ecclesia sapientes. Modum autem quo possumus nos tam facile quàm illi esse iusti, sapientes, atque continentes, intelliges, si coniungas duas duorum Apostolorum sententias, alteram Pauli dicentis: Omnia possum in eo qui me confortat: alteram Iacobi, *Philip. 4.* Deus dat omnibus affluenter, & non improperat. Igitur cum nihil possumus ex nobis, possumus tamen omnia esse *Omnia esse possumus in eo qui nos confortat.* & mundum vincere, & iusti esse, & continenter vivere, in eo qui nos confortat suarum gratiarum auxilio, *Iacob. 1.* cuiusque orationum instantia pulsatus dat citò, datque omnibus affluenter, & non improperat. Si quis igitur indiget sapientia, postulet à Deo, inquit Iacobus, postulet autem in fide nihil hæsitans, quasi diceret: Nemo indiget, nisi qui vult indigere. Nam si vel postulare velit in fide, faciendo quod in se est, vltra egenus non erit. Inductæ continentia donum Dei est, nec potest quisquā continere, nisi Deus dederit. Porro Deus rogatus siue postulat *Continētia donum Dei est.* in fide, dat omnibus affluenter, quo donante, potest homo omnia, etiam continentissimè viuere.

Ergo ex Deo pendet continentia nostra.

Nihil veriùs: non tamen ex solo Deo, sed etiam ex nobis, quia bonis donis Dei sæpe vel non vtitur vel abutitur peruersitas humana: verùm absque dono Dei nequicquam effecerit conatus noster in hac parte. Prout infra locis explicabimus.

Precor autem, repete adhuc semel summatim, quinnā contemnit contra hoc mandatum.

M. Imò dicam verbo vno. Præuaricantur hoc mandatum omnes qui adulterant siue corrumpunt aut vitiant legitimum vsum generationis ab initio institutum: adulterant, dico, vel mœchia, vel fornicatione, vel stupro, vel incestu, vel raptu, vel sacrilegio, vel alio quopiam genere Veneris. Præterea qui carnem exercent nequiter, adeo cōtra vel præter naturam, vt ex eo genere actus nequeat fructus expectari. Tertiò qui præparatoria quædam tractāt in osculis, in lusibus, in turpiloquio, &c. eo animo vt ad opus transeant.

Elenchus Capitulorum Tractatus octauus.



Vid nomine furti intelligatur.

Cap. I.

Ea quæ hoc mandato prohibentur etiam iure nature prohibita esse.

Cap. II.

Quæ sit diuersitas inter ius naturale, ius gentium, & ius ciuile.

Cap. III.

Ius naturale primæum antiquius esse & immutabilius iure gentium, & quæ hinc consequantur.

Cap. IIII.

Opus esse alia disciplina alijsq; legibus tēpore nature corrupte, quàm tempore nature integræ.

Cap. V.

Quid dicendum sit de communione rerum, & proprietate earundem ex Scripturis sacris.

Cap. VI.

De varijs modis contractandi alienum inuito domino nunquam vel absque omni transgressione huius mandati.

Cap. VII.

De ijs qui in necessitate occupant aliena.

Cap. VIII.

Quale peccatum sit furtum, & cuius malitiæ.

Cap. IX.

De rapina & raptu.

Cap. X.

Non omnia furti esse eiusdem generis & malitiæ.

Cap. XI.

De singulis speciebus furti sigillatim, et primò de sacrilegio.

Cap. XII.

De furtis Simoniacis.

Cap. XIII.

De plagarijs, peculatoribus, abigeis, institoribus, &c.

Cap. XIII.

De vsurarijs.

Cap. XV.

De vsuris quæ implicitè & clanculum committuntur.

Cap. XVI.

De furtis quæ cōmittuntur contra iustitiam distributiua.

Cap. XVII.

Tracta-

Tractatus octauus.

Quid nomine furti in hoc præcepto intelligatur. CAP. I.

Non furtum facies.

Sic habet Scriptura Exod. 20. & Deut. 5. Sic quoque habet Euāgelium, Matth. 19. Luc. 18. Marc. 10. In quibus locis Saluator enumerat & illud mandatum inter ea quæ sunt necessaria ad salutem pro tempore prædicati Euangelij: ne quis existimet tantum esse veteris legis mandatum. Nec opus est hîc multa interpretatione huius mandati: scis enim quid sit furtū, & quid furari.

Quidam auctores putant fures dictos à furuo, quod Romani atrum appellauerunt, eò quòd per obscuras at- *Quid furari & quid furtum.*
que atras noctes, opportuna sit eius mali effectio & per-
etratio.

Idem docet Isidorus antiquus & eximius scriptor. Alijs tamen magis placet furem à fero deriuari: quòd rat, id est, auferat res alienas. Alij à Græco *φῦρ* deductū olunt.

Parum refert vnde dicatur. Hoc tantummodo certū habere, quòd furtum sit occulta acceptio vel detentio rei alienæ inuito domino. Continet autem in se duas mali- *Furtū conti-*
as, nempe violationē iustitiæ, cuius est reddere unicui- *net in se*
que quod suum est. Nam furtum est occupatio rei non *duas mali-*
e cum iniuria alterius: dolum insuper ac fraudem quā *tias.*
rit fur occultè & quasi ex insidijs inuadendo alterius
na. Et hac ratione distinguuntur furtum & rapina:
quòd rapina sit manifesta, furtum occultum: rapina sit
violentiā, furtum verò per astutiam. Venit autem
has duas species reducenda omnis iniusta contrecta-
rei alienæ. Nam si occultè fiat per fraudem vel astutiā,
per

per insidias, per simulationes vel dissimulationes furti nomine appellari potest. Si verò fiat violentia, si aperto Marte, si concussione, aut precibus armatis (quales exaudiuntur, non quia supplices sunt, sed quia in promptu habet extorsionem nisi exaudias) recipit in se nomen rapinæ. Insuper quâdo contra ius & æquitatem quis perdit rem proximi sui, destruit, annihilat, ad alteram harum specierum reduci debet. Nam quando fit occultè, & per insidias, furtum est, quantum ad illum qui patitur iniustū; etiamsi auctor damni, nihil inde vtilitatis accipiat. Quando verò fit manifestè & per potetiam, rapina dici potest.

D. Cæterum vtrum horum duorū magis est offensiuum diuinæ maiestatis?

M. Est rapina multò grauius peccatū quàm furtum: quia *Rapina est grauius peccatum quàm furtum.* non solum infert damnum rebus: verumetiam non modica afficit ignominia personam possidentis per violentiam & incussum metum. Quod haud dubiè grauius cōturbat tranquillitatem publicam, quàm clancularia surreptio rerum.

D. Iudicat ergo rectiùs hac in re Hispanus quàm Germanus.

M. Quare hoc?

D. Quoniam, vt dicitur, apud Hispanos omnia tutissima sunt in campo, nulla ibi violenta depredatio: apud Germanos verò non item. Contrà in Germania sub tectis etiamsi æs effundas in atrium, tutissimum tibi manet: at in Hispania vel in domo sub tutela hospitij, si quid exeat de sub custodia manuum tuarum, perit tibi & eua nescit, non minùs subtiliter, quàm si arte magica sublatum foret.

M. Diuersæ sunt diuersarum regionum proprietates: nihilominus gens vtraque vtrunque pro malo & iniquo habet: quia vtrunq; repugnat tã charitati quàm iustitiæ.

D. An

An igitur omnia quę tam rapinę quàm furti nomine
telliguntur, sint prohibita hoc mandato?

Omnia planè, ne vno quidem excepto.

Quomodo autem id intelligam: mandatum enim
his datur verbis, Non furtum facies. Differt autem
pina à furto, ergo videntur hęc non prohiberi rapi-

*Hoc mada-
to prohibē-
tur tam ra-
pinę quàm
furta.*

Respondet beatus August. dicens: Furti nomine be-
intelligitur omnis illicita vsurpatio rei alienę: non
im rapinam permisit, qui furtum prohibuit: sed uti-
e à parte totum intelligi voluit, quicquid illicitè rerū
proximi aufertur. Quapropter hoc loco, sicuti sæpius in
ripturis, à parte totum intelligendum venit: nempe
b furti nomine omnis iniusta contrectatio rei alienę,
violenta, sit occulta, sit extorta per potentiam, sit frau-
lenter aut quouis modo facta. Nec istud mirum vide-
debet in professione Evangelica, nam & Iuris peritis
men furti accipitur generaliter. Quoniam libr. i. ff. de
rtis sic describitur, Furtum est rei alienę contrectatio.

*August. lib.
2. quęst. 79.
super Exod.*

rūm ut nullum maneat dubiū, an fraudes, & rapinę,
concussiones sint prohibitę lege Evangelica, Saluator
arc. 10. sic inquit, Pręcepta nosti? Ne adulteres, Ne fu-
is, Ne falsum testimoniū dixeris, Ne fraudem feceris.
biungens post pręceptum de non furando mandatū
e, Ne fraudē feceris. Similiter Apostolus 1. ad Thes. 4.

*Fraudes, ra-
pinas, cōcus-
siones pro-
hibitas esse
probat
manifestis
Scripturis.*

quis, inquit, supergrediatur, neque circumueniat in
gotio fratrem suum: quoniā vindex est Dominus de
omnibus. Idem quoque Apostolus 1. ad Corinth. 6.
lite errare, neque fornicarij, &c. neque fures, neque
ri, neque rapaces regnum Dei possidebunt. Mandat
uper Ioannes Baptista militibus, dicens: Neminem cō-
iatis, neque calumniam faciatis: & contenti estote sti-
dijs vestris. Omnia igitur hęc prohibita sunt expres-

Luc. 5.

se in

se in lege Euangelica, omniaque sub nomine furti intelliguntur prohibita in Decalogo.

Ea quæ hoc mandato prohibentur, etiam iure naturæ prohibita esse. CAP. II.

An furti
& rapinæ
sint prohibita iure naturali.



D. Erum an iure aliquo naturali sint hæc eadem prohibita?

M. Decalogus nihil aliud est, quàm expressa quædam determinatio iuris naturæ, prout supra declarauimus. Cæterum cur hoc quæris, aut quare de illo dubitas?

D. Ideo quæro, quòd sint qui dicant, Omnia bona mundi huius, debere omnibus esse communia: illa quæ duomeum & tuum oportere explosa esse à communitate, velut ea, propter quæ veniat omne dissidium.

M. Eone tendis? Augebo igitur & ego hanc tuam difficultatem, vt clariùs tandem elucescat veritas. Profus consentaneum videtur, vt qui ad mutuam vitæ societatem nati sumus ab vna natura, velut communi omnium matre, rebus vnius parentis vtamur communiter. Nec fingat quisque sibi proprium, quod omnium vñibus creatum, omnibus citra distinctionem dedit genitrix natura. Neque solent istud vrgeri solummodo infimæ notæ homines, sed & docti atque sapientes. Nam Plato Dialo. 5. de Repub. ac alijs locis, censet eas Respublicas fore beatissimas, vbi quod in Prouerbio est, de rerum communione, quàm maximè fieri potest, à ciuibz obseruetur, nimirum illud, Amicorum communia esse omnia, nec alterum altero ditiozem. Seneca insuper imitatus sententiã Platonis & verba, iudicat homines quietissimè in terra victuros, si hæc duo verba, Meum & Tuum, de medio sublata forent. Nec defuerunt inter barbaras nationes, qui Respublicas ita constituerunt, vt nemo quicquam proprii habeat.

Plato.
Argumenta
Philosophorum
contraproprietatē rerū.

haberet. Refert enim Strabo lib. 7. Geograph. suā talem
 empub. tenuisse Mymades gentem Scythicā. Et testa-
 re eos tam præclarè defendisse eam Rempub. vt Hesio-
 us libro suo de terræ ambitu, dixerit, eos exteris inex-
 ignabiles & inuictos fuisse: hanc præcipuè ob causam,
 quia nihil possidebāt, cuius conseruandi causa iugū ho-
 um (sicut fit) subire vellent. Quibus si quis addat facta
 etāq; Christi & Apostolorū, Matth. 4. 5. 19. Lucā 14.
 et. 2. 4. videbitur inuictū fecisse argumentū cōtra pro-
 prietatem rerum: maximè quo ad populum Christianū.
 quidem Acta Apostolorum luculenter testātur, quod
 omnes qui credebant, erant pariter, & habebant omnia
 communia, possessiones & substantias vendebant, & di-
 debant illa omnibus, prout cuique opus erat, nec quis-
 am eorum quæ possidebat, aliquid suum esse dicebat.
 s certè alijsque argumentis, malè tamen intellectis, di-
 Adamitæ, post illos Apostolici, nunc denique nostro
 culo Anabaptistæ contendunt debere omnia omnibus
 e communia: asserentes fures esse & raptores, contra
 e mandatum, eos qui præsumūt sibi aliquid esse pro-
 um de bonis huius mundi. E diuerso autem non mi-
 s inuicto argumento defenditur proprietas rerum ac
 sessionum perius gentium, omniaque iura diuina
 humana tam Ciuilia quàm Canonica, quibus apertè
 nitur iniquum esse & iniustum, si quis inuadat alio-
 possessiones. Atque eam ob causam veluti fures &
 tores habent sectarios istos, qui volunt omnia omni-
 esse communia. Nihilominus docet ratio, & probat
 ptura sancta, ac Patrum traditio, quod impij sint &
 sti, & grauiter offendentes in hoc mandatum, qui sic
 dicant sibi proprietatem rerum, vt nō sint sua com-
 icare ijs, qui veraciter necessitatem patiuntur: seu
 li dicunt) ijs qui in extrema sunt necessitate. Vides
 fili

*Argumenta
 ex Scriptu-
 ris contra
 proprietatem
 rerum.*

fili quàm bonam moueris difficultatem.

D. Et huc certè magis pertinentem (vt audio) quàm credebain.

M. Itaque oportet eam à fonte resolvere, vt vis mandati huius, & latitudo notior fiat. Tu attentus esto.

D. Faciam.

M. Canon decreti, vocat ius naturale, quod est cõmune

Quid ius commune.

omnium nationum, eò quòd vbique instinctu naturæ, non constitutione aliqua habetur: vt viri & scæminæ coniunctio, liberorum successio, communis omnium possessio, acquisitio eorum quæ cælo, terra, marique capiuntur, violentiæ per vim repulsio. Hucusque ex textu Decreti.

Quomodo cõmunis rerũ possessio sit iuris naturæ.

Sunt igitur hæc & eiusmodi iuris naturæ: non quòd ius naturale sic præcipiat, sed quòd adeo sint cõfinia instinctui naturali, vt à nulla vnquam natione sint habita iniqua aut impia, quin potiùs iusta conformiaque secundum naturam, rationi consona æquitate plena: non quòd (vti dixi) ius naturale præcipiat vt ita fiat, sed quòd approbet velut bonum si ita fiat, communi eorum qui faciunt consensu aut voluntate. Nam si vim vi repellere est iuris naturæ præcipientis: malè igitur egerunt primum Christus, deinde Apostoli ac Martyres, non repellentes quantum in se erat, illatas Tyrannorum violentias. Item si maris & scæminæ coniunctio sic est iuris naturæ, vt præcepti habeat obligationem: peccauit igitur contra ius naturæ Ioannes Baptista, quòd plus est, Saluator mudi Christus dominus, errauit quoque Apostolus docens Corinthios in hunc modum: Qui matrimonio iungit virginem suam, bene facit, & qui non iungit, melius facit. Et, Mulier alligata est legi, quãto tempore vir eius viuit. Quòd si dormierit vir eius, liberata est à lege. Cui autem vult, nubat, tantum in Domino. Beatior autem erit, si sic permanse- rit, secundum meum consilium. An Apostolus hæc con-

1. Cor. 7.

sulat

at contra præceptum iuris naturæ? Nequaquam. Vt
 m illi æquitati quam approbat natura in coniunctione
 ris & foeminæ, superaddit Apostolus quòd melius est
 diuinius, nempe virginitatem ac vidualem castitatem.
 ec autem dixi, vt similitum coniunctione lucidior fiat
 itas quam inuestigamus. Quoniam quidem eodem *Natura non*
 rsum modo communis rerum possessio attribuitur iu *præcipit cõ*
 naturali: non quòd ius naturæ dictet vel præcipiat om *munionem*
 possidenda esse communiter, & nihil esse vlli haberi *rerum.*
 m velut sibi proprium: sed quòd secundum ius natu-
 nulla est facta distinctio rerum aut possessionũ: quin-
 ius hæc est per humanum conditum ex communi
 nium nationum iudicio, quod Ius gentium voca-
 . Vnde proprietates possessionum, non est contra ius
 uræ, sed iuri naturali superaddita per inuentionem
 onis humanæ, quòd sic conueniat tranquillitati pu-
 e inter multos variè affectos homines. Natura etenim
 il præcepit de possidendis rebus communiter: tantũ
 it bona mundi huius in vsum hominũ. Quæ si com-
 niter possideantur vti citra distinctione donata sunt,
 et hoc natura velut æquum & consentaneum, relin-
 ns quod amplius est dispositioni rationis humanæ.
 a propter non delinquant contra hoc mandatum,
 ue peccant contra ius naturæ, qui bono titulo possi-
 t proprium. Neque rursus peccant in Ius gentium,
 spontanea voluntate possident omnia communiter.

Quæ sit diuersitas inter Ius naturale, Ius gentium, & Ius
 ciuile.

CAP. III.

VT autem penitus intelligas præmissa, debes dili-
 genter advertere, Primò quid sit Ius naturale,
 quid Ius ciuile, quid Ius gentium. Secundò,
 quomodo prior est natura, deinde conuictus
 V homi-

hominum & societas: prius quoque ius naturale, deinde Ius gentium, & omnis denique positiva ordinatio. Tertiò, quòd alia disciplina, hoc est, alijs legibus continenda est in officio natura corrupta, alijs natura integra. Quantum verò ad primum, obseruabis quòd sicut vox medicina significat primò remedium quod datur infirmo sanandi gratia: secundò ipsam artem medicam, qua paratur tale remedium. Sic vocabulum ius ex impositione, significat quidem ipsum iustum siue rem iustum: deinde verò deriuatum est ad significandum artem siue vim qua cognoscitur ac definitur quid sit iustum. Hoc verò loco quando ius diuiditur in ius naturale, Ius gentium, & ius ciuile, accipitur in secundo significato. Nunc autem quid æquum sit ac iustum, inuenitur in quibusdam definitum ex naturali affectione seu instinctu omnium hominum, imò omnium animantium, & vocatur ius naturale. In quibusdam ex communi omnium nationum iudicio, & vocatur Ius gentium. In quibusdam ex legibus superiorum auctoritate latis, & subditorum consensu receptis, & vocatur ius ciuile. Vnde ius naturale est quod impellimur omnes, & commouemur ad agendum quod oportet, siue æquum est, habens duas partes. Quarum altera est affectio naturalis conseruandi se, altera mens qua rerum necessitatem perspicimus, illique sic consulimus, vt tranquillitas & societas in hac vita retineri possit. Illam vocant Iurisconsulti instinctum naturæ, Philosophi verò ^{sapientiam} qua impellimur ad studium curamque nostri conseruandi, & eorum quæ ad nos pertinent. Nam secundum Aristotèlem, quælibet res contendit esse, & quantum fieri potest, suam speciem conseruare. Itaq; Iurisconsultus libr. i. Parag. Ius naturale. ff. de iust. & iur. definit, Ius naturale esse tale quiddam, quod natura omnia animalia docuerit. Sicuti manifestè videmus

Quid significet vocabulū, ius. Differētia inter ius naturale, ius gentiū, & ius ciuile.

Ius naturale habet duas partes.

omnia animalia magno impetu naturæ rapi ad curam
 sui, suique propagationem, & ad conseruationem eius
 quod ex se natum fuerit. Non opus est hîc testibus aut
 templis: res etenim per se nota est. Mentem verò voca-
 mus illud rationis iudicium, quod nobis diuinitùs indi-
 tum, nobiscum nascitur. Vnde naturalis notitia iusti, est
 quædam in animis hominû, qua, non admoniti, per
 æquum & iniquum naturaliter intelligunt. De qua
 quitur Apostolus ad Romanos. 2. dicens: Cùm enim
 ntes quæ legem non habent, naturaliter ea, quæ legis
 nt, faciunt. eiusmodi legem non habentes, ipsi sibi
 nt lex, qui ostendunt opus legis scriptum in cordibus
 is, testimonium reddente illis conscientia ipsorum, &
 gitationibus inter se inuicem accusantibus aut etiam
 fendentibus. Sunt enim quædam sententiæ, inquit
 cero, tanquam dedicata simulachra, per quas natura-
 er inuitamur ad agendum iustè, dehortamur ab iniu-
 Atque harum in nobis tanta vis est, vt nos cogant
 dentes & inuitos, non tantùm in alijs: verùm etiam in
 bis ipsis, damnare iniquum, collaudare quod æquum
 & rectum. Hinc Salomon: Secura, inquit, mens (scili- *Prover. 15.*
 sibi nullius conscia mali) iuge conuiuium. Et Salua-
 , Vermis eorum non moritur. Vermis, id est, remorsus *Marc. 9.*
 conscientia, quæ est sibi conscia mali, non moritur, ne in
 natis quidem: tam est cõnaturalis homini iusti iniusti
 e notitia quædam, semper assistens velut custos natu-
 mirè afficiens post boni executione, incessanter quo-
 e pudefaciens post delicti perpetrationem. Vocatur
 em naturalis ista iusti iniusti que notitia à Psalmista, *Psal. 4.*
 nen vultus Domini signatum super nos: ab Apostolo, *Rom. 2.*
 qua gentes, quæ legem non habent, ipsi sibi sunt lex:
 hilosophis verò & nonnunquam Iuris peritis, Ius na-
 ale simpliciter: à quibusdam verò ius naturale secun-

darium: nam primum vocatur illud, quod natura docet omnia animantia, non solum homines: in legibus denique Romanis, vocatur Ius gentium, tanquam id, quod naturalis ratio inter omnes gentes constituit, & apud omnes populos pariter custoditur & obseruatur. Vnde Caius Iurisconsultus, Quod naturalis, inquit, ratio inter homines constituit, id apud omnes gentes custoditur, vocaturque Ius gentium.

D. Igitur Ius gentium, nihil differt à iure naturali.

M. Differt à Iure naturali primæuo (vt Iurisconsultus inquit) quod illud omnibus animantibus, hoc verò solis hominibus inter se commune est. Verum à Iure naturali secundario, quam mentem vocamus, & inest ex lumine signato super nos, omnino non differt, sicut docent præcedentia: maximè definitio Caij Iurisconsulti, Ius autè ciuile est quod efficiunt leges, quæ auctoritate publica editæ subditorum consensu receptæ sunt. Et hoc quidè ius in alijs atque alijs prouincijs diuersitatem sortitur, pro nationum qualitate. Verum Ius naturale primum & secundarium, quod & Ius gentium appellamus, apud omnem vbique populum, vnum & idem est, nec immutari potest. Prout legitur matrem Dionysij Tyranni Sicilia, cum natus ex se filius sibi inferret stuprum, dixisse, Tyrannum quidem posse leges ciuiles mutare: sed iura naturalia prorsus tollere, omnino non posse. Valde autè eleganter docuit Marcus Tullius lib. 3. de Repub. dicēs: Est quidem vera lex, recta ratio naturæ congruens, diffusa in omnes, constans, sempiterna, quæ vocet ad officiū iubendo, vetando à fraude deterreat: quæ tamen neque probos frustrà iubet, aut vetat, nec improbos iubendo, aut vetando mouet. Huic legi nec propagari fas est, neque derogari ex hac aliquid licet, neque tota abrogari potest. Nec verò aut per Senatum, aut per populum solui

hac

Ius ciuile.

hac lege possumus. Neque est quærendus explanator, aut interpret eius alius. Nec erit alia lex Romæ, alia Athenis, alia nunc, alia posthac: sed & omnes gentes, & omni tempore vna lex & sempiterna, & immutabilis continebit. Hæc Cicero. Satis hinc intelligis, quid sit naturale Ius gentium, quàm immutabile, quàm sempiternum.

Ius naturale primæuum antiquius esse, & immutabilius Iure gentium, & quæ hinc consequantur. CAP. II. II.

N Vnc vellem declarares mihi id quod secundo loco propositum erat, videlicet priorem esse naturam: posteriorem verò conuictum hominum & societatem, &c.

M. Sex diebus creauit Deus vniuersa, cælum, & terram; & omnia quæ mundi circulo continentur: Hominem quoque, masculum & fœminam fecit eos, à quibus disseminatum est vniuersum genus hominum. Prius igitur natura in protoplastis parentibus, deinde post multiplicationem, conuictus plurium, postea ciuitas, hoc est, populus legibus sociatus (prout Cicero definit) atque exinde regnum, hoc est, populi seu ciuitates diuersæ sub vno moderatore, fœdus & societatem habentes. Est autem natura, communis mater omnium hominum, quæ habens omnes æqualiter in visceribus suis, omnia sua bona effundit atque largitur citra vllam diuisionem aut distinctionem in communem vsum omnium illorum, quos velut sua propria pignora habet, hoc est, hominum. Siquidem omnia propter hominem condita, homo autem propter Deum, vti præclare quidem dixerunt Stoici: multo autem præclariùs Scriptura sancta. Vnde donatione naturæ omnia sunt communia, hoc est, citra diuisionem & distinctionem data. Ex qua quidem donatione quæsitum est singulis personis ius quoddam indelebile, occupandi tan-

*Quando intravit mun-
dus ius natu-
rale.*

*Natura est
communis
mater om-
nium.*

tum de bonis naturæ communis parentis, quantum sufficere potest necessitati. Porro cum inciperet homo fieri populus, essetque iam non vnus atque alter homo, sed familia, sed ciuitas, sed regnum, tunc demum accessit Ius gentiū, ex cōmuni cōdictu cōmuniq; iudicio omniū, inducēs proprietatē rerū, vt hoc esset meū, illud verò tuū. Commune enim iudiciū hominū perpendens nō idē lumen discernendi, neq; eandem industriam conseruandi esse in omnibus: sed in alijs quidem maiorem, in alijs verò minorem, in multis serè nullam, circa res mundi vtiliter contrectandas. Esse præterea miram inæqualitatem affectuum & deprauationem, adeoque reflexum vniuscuiusque amorem in se, vt omnes quærerent quæ sua sunt, nulli verò aut vix pauci quod aliorum est, vel commune habet vtilitatem, æquum iudicauit, vt quod quisque occupauerat, vel industria sua conquisierat, velut suum, sibi que proprium retinere posset: idque propter tres causas. Quarum prima est, Ne neglecta perirent, quæ natura profusissimè donat, paucis sincerè intendentibus in id quod alijs secum commune est. Secunda, vt longius abesset confusio, quæ contingere solet, vbi quilibet de quibusuis disponendi ius sibi præsumere potest. Tertia, vt magis pacificus atque tranquillior esset conuictus hominum inæqualium, rarò eodem tendentium, nullo aliterum turbante in eo quod occupauerat, aut velut suum exercere cœperat. Has, dico, causas, aliasque perpendens mens hominum ex lumine naturali superaddidit ex communi cōdictu diuisionem rerum, dans vnicuique ius possidendi velut proprium, quod sibi in sortem venerat. Verum commune hoc iudicium hominum, & natum ex eo Ius gentium, sicut præsupponunt ipsam naturam, ipsum quoque hominem esse & viuere, ita etiam præsupponunt sufficientiam ad necessarium vsum singulorū.

Ius gentiū
induxit pro
prietatē rerū
propter
tria.

Qua-

Quapropter & Ius possidendi proprium, præsupponit, primum illud ius naturæ, quo iustum est, vt singuli sicut sunt viscera cõmunis naturæ: ita & habeant de cõmunibus bonis eiusdẽ naturę, quantũ sufficit necessitati. Vnde *Ius gentium cedit iuri natura.* de quoties aliqui necessitatẽ patiuntur, hoc est, extreme egent, toties debet quod proprium est Iure gentium, redire ad communem vsum eorum qui egent, quantũ sufficit necessitati. Debet, dico, propter primum ius naturæ, quod vt prius est Iure gentium, ita quoque indelebilius atque perhennius manet. Exempla huius rei vbique ad manum sunt. Nam puteus aquarũ quem fodi in domo mea, mihi vtique proprius est: attamen si casu omnibus vicinis meis defecerint aquæ, puteus meus mox omnibus communis esse debet. Haud dissimiliter in ciuitate quæ graui & longa affligitur obsidione, bona diuitum communia fiunt pauperibus ad sufficientiam necessitatis. Frumentum quoq; quod collegi in horreum meum ex proprijs meis possessionibus, meum solius est Iure gentium: tamen si per caritatem omnibus deficiat annona, frumentum meum omnibus commune esse debet Iure naturæ. Quemadmodum si quis in deserto, vel naui, solus panem habet, is cogitur Iure naturæ suum panem facere communem alijs, tam quoad vsum, quàm quoad proprietatem: cedit enim Ius gentium propter necessitatem: bene intelligẽdo, quòd dum est vnde posset proximus iustum pretium reddere pro eo quo eget, & tempus reddendi pretium intercedit, tam diu non habere eũ omnimodã necessitatẽ. Quã si non habet, certè quod meũ est Iure gentiũ, illius fieri nõ debet me inuito, propter vltimũ Ius naturæ. Quoniã Ius naturæ licet cõmunionẽ rerũ approbet: tamen non præcipit eam: dictat autem & præcipit cõmunicanda bona mundi pro necessitate: qua reue-
a occurrente tum demum cedit Ius gentiũ Iuri naturæ.

Opus esse alia disciplina, alijsque legibus tempore naturæ corruptæ, quàm tempore naturæ integræ. CAP. V.

M. Vnc transeamus ad tertium præpositum, videlicet, quòd alia disciplina alijsque legibus eget natura corrupta quàm integra.

D. Longè distare corruptum ab incorrupto multaque posse istud, ad quæ illud impotens manet, luce pomeridiana clarius est.

M. Natura integra, per se in officium spontanea, nusquam non ducitur virtutis amore: peccato verò vitata & dissidet secum, & passionibus agitur magis quàm agitur iudicio, vulneribusque saucia, non potest perficere etiam id quod vult, dicente Apostolo: Velle quidem adiacet mihi: perficere autem bonum, non inuenio. Non enim quod volo bonum, hoc facio: sed quod nolo malum, hoc ago. Tantum abest vt per se surgat ad omnia quæ merito præstare debet. Si natura mansisset integra, hoc est talis, qualis ab initio condita erat, dubium non est, quin rerum omnium communio, atque vera libertas inter homines conseruari potuissent. Verùm postquam per peccatum primi parentis, cœpit esse natura humana & ad bonum impotens, & ad vitium prona, varijs insuper ardere concupiscentijs, adeo vt neque diuites satiare potuerint rerum copix, neque reges regna: non vnum Alexandrum totius mundi vastitas, inciperetque illud: Non hospes ab hospite tutus: Non focer à genero, Fratrum quoque gratia rara est (Nam Cain qui fuit primus fructus naturæ corruptæ, trucidauit fratrem suum Abel, vel absque causa) tunc mens, pars melior hominis, cœpit ex ingenta recti notitia iudicare æquum esse & consentaneum, vt sub certis titulis fieret rerum appropriatio, nimirum occupatione, captiuitate, inuentione, natiuitate, alluio-

ne,

Multa per se potest natura integra, quæ per se non potest natura corrupta.
Rom. 7.

ne, plantatione, satione, cultura, traditione. Decernens
peruersum esse & iniquum, atque iniustum dignaque
animaduersione puniendū, si quis alterum in re sua tur-
paret, postquam aliquo dictorum titulorum eam possi-
dere cœpisset. Augescente verò numero hominum ma-
gis ac magis, qui sapientiores erant, vt Solon, Crates, So-
crates, Cato, alijq; moderatores populi, multis experien-
tijs edocti, quod ne sic quidem satis obuiatum esset iniu-
rijs, circumuentionibus, alijsq; malitijs iniquorum, su-
peraddidēre leges ciuiles de cōsensu communitatis. Quæ
& ipsæ habent suos titulos quibus acquiritur res, possi-
deturq; velut propria, vt sunt Vfuscapio, Præscriptio,
Donatio, Testamentū, Legatum, Fidei commissio, Ar-
rogatio. Difficultates autem quæ circa eiusmodi surgunt
titulos, Iurisperitis relinquo. Secundò, habent sua edi-
cta, statuta, & prohibitiones: ne alter alteri fiat damni cau-
sa in re sua. Tertiò, suas pœnas maiores minoresq; , pro
quantitate delicti. Nam alios puniunt pecunia, alios car-
ere, alios exilio, quosdam de vita tollunt, vel propter so-
lam proprietatis turbationem. Vt est videre, discurrendo
per libros Iuris ciuilis. Porro neque titulis his, & edictis,
neque pœnis aut comminationibus fuisset opus, si natu-
ra mansisset integra & incorrupta. Quapropter malitia
hominum, magis quàm pura naturæ inclinatio, coëgit
sapientes, vt discernere natura quam esse rerum proprietatē;
& disciplina seuerior animaduertendum in eos, qui ean-
dem turbare præsumerent. Intellexisti quæ dico?

Etiam, nempe quod communis rerum possessio sit Iu-
ris naturæ: proprietates autem & distinctio rerum, Iuris
peritijs, ac legum ciuiliū.

Sic tamen, quod neque illam Ius naturæ, neque hanc
Ius gentium ponat in obligationem, singulis habentibus
sufficientiam ad vsum necessitatis. Sed vtrunque Ius suā

*Neque Ius
naturale
præcipit cō-
munionē re-
rum, neq; Ius
gentium
proprietate-
tem.*


partem approbat, & velut æquam & consentaneam habet. Repetam simile superius allegatum. Maris & sceminae coniunctio, est Iuris naturæ, Virginitas verò legis Euangelicæ: attamen neque illam præcipit natura, neque hanc Euangelium. Sed ut istam velut sanctam, & præludium quoddam illius supernæ atq; Euangelicæ puritatis probat Euangelium, dicente Christo: Cum à mortuis resurrexerint, neque nubent, neque nubentur, sed sunt sicut Angeli Dei in cælis. Ita illam ab initio velut æquam probauit natura, uti suo loco latius dicitur: nullum astringens ad coniunctionem matrimonialem, nisi fortè in casu necessitatis, quo alioqui cessaret sufficiens propagatio generis humani. Quemadmodum Ius naturæ imponit obligationem communicandi bona, tum demum, quando occurrit casus extremæ indigentia. Quam ob causam superius adieci, Habentibus singulis sufficientiâ ad vltimam necessitatis. Aliud simile. Quæ pater moriens relinquit filiis suis bona, indiuisim & indistinctim, sunt omnium filiorum communiter, nec dici potest de vlla parte, hæc illius est, & non alterius. Verùm postquam per mutuum condictum facta est diuisio hæreditatis paternæ, iam vnicuique pars sua, sic facta est propria, ut non sit alterius. At si exinde alter alterius partem inuadat, fur efficitur, aut raptor, peccans contra hoc mandatum. Vnde sicut se habet mutuum condictum fratrum ad ius successionis: ita se habet Ius gentium ad ius primæuum naturæ. Et sicut Ius successionis non imponit fratribus necessitatem possidendi communiter bona communis patris: relinquit tamen libertatem hoc ipsum faciendi si velint. Sic Ius naturæ non imposuit vnquam præceptum possidendi bona naturæ communiter: reliquit tamen (prout adhuc sub tempore Euangelij) libertatem, hoc ipsum faciendi ijs, qui spontanea voluntate habent omnia inter se communia.

munia, de quibus statim agemus.

D. Sed hoc mirum, quæpiam fieri reum furti, per hoc quod rapit bona fratris sui, viso, quod sibi à patre relicta fuerint, & Iure successionis sint quasi sua.

M. In diuisione hæreditatis, per mutuum condictum cedit vnusquisq; iuri suo, quoad partem alterius, lege publica approbante talem cessionem. Quapropter si postea inuadat, sit occupator rei alienæ, in quam ius nullum habet. Ideoque fur: quia furtum est occupatio rei alienæ. Eodem ferè modo per diuisionem bonorum mundi huius, factam ab olim ex mutuo condicto cessit vnusquisque iuri suo, quod ex conditione naturæ habuit quoad id, quod in sortem alterius venit: communi iudicio omnium, hoc est, Iure gentium approbante talem cessionem. Quapropter quoties nunc quis aufert rem alterius, toties committit furtum, peccans contra Ius gentium, hoc est, contra Ius naturæ secundarium, & contra hoc mandatum Domini. Cessit, inquam, quantum cedere in sua erat potestate. Quod addo propter casum extremæ necessitatis: quia in nullius potestate esse potest, abdicare à se ius eorum, ex quibus necessariò pendet conseruatio vitæ suæ. Vnde redactus ad extremam egestatē, ius habet, illoque iure uti potest, occupandi tantum de bonis alterius, quantum sufficere potest extremæ suæ necessitati: non autem ultra. Si enim plus accipiat, quàm necesse erat, fur efficitur, & transgressor Iuris gentium: quod non cedit primæ Iuri naturæ, nisi quantum necessitas requirit.

Quid dicendum sit de communione rerum, & proprietate earundem ex Scripturis sacris. CAP. VI.

D.  T quid dicemus de proprietate rerum & communione ex literis sacris & Iure diuino?

M. Idem quod diximus hucusque, & penè eodem

dem modo. Nam conditor mundi Deus, ab initio dedit homini bona mundi huius, citra ullam diuisionem & distinctionem, vt expressè habes Genes. 1. & 9. cap. Omnia enim condita sunt propter hominem, hominiquè in vsum donata: adeo, vt dicat Apostolus, Omnia vestra sunt: vos autem Christi, Christus verò Dei. Et id sanè quasi in communi, absque eo, quod vni plus, alteri minus: vni hoc, alij aliud assignaretur. Ex quo indubiè quæsitū est vnicuique ius quoddam, plus quàm humanū, aut naturale, habendi tantum de rebus mūdi huius,

1. Cor. 3.

*Ius primæ
uum natu-
ræ nulla le-
ge aut ordi-
natione de-
leri potest.*

*Meum &
Tuū fuerūt
inter homi-
nes ab ini-
tio mundi,*

Iob. 1.

Genes. 13.

quātum sufficere potest necessitati. Quòd ius nulla lex, nulla ordinatio positiua superueniens, delere potest. Nihilominus faciens Deus hanc donationē nusquam præcepit, vt homines quæ sine diuisione donata erant, indiuisim & in communi possiderent. Quin potius incipiente multiplicatione generis humani, mox etiam incepit diuisio & proprietates rerum: testante Scriptura, quòd Abel obtulit Domino de primogenitis gregis sui, Genes. 4. Et Cain de frugibus suis. Abel pastor ouium erat, Cain agricola, & possessor fructuum terræ. Ecce, Meum & Tuū ab initio vsque mundi, sicquè vltèrius crescentibus familijs, creuit occupatio, creuit distinctio rerum, creuit proprietas possessionum, communi iudicio hominum superaddente ad communem donationem Dei, Meum & Tuum, etiam in iuris sanctis. Quod adeo non repugnat diuinæ donationi, vt in Biblijs sacris nusquam non sint obuia, Meum, Tuum, emptio, venditio, mutuum, commutatio, donatio, possessio. Quod plus est, Deus ipse valauit Iob bonis terræ super omnes coætaneos suos, eratque possessio eius septem millia ouium, & tria millia camelorum, quingenta quoque iuga bouum, & quingentæ asinæ, ac familia multa nimis. Dixit quoque Deus ad Abraham, Omnem terram quam conspicias tibi dabo, & semi-

semini tuo in sempiternum. Igitur terra illa Palestinae facta est Abrahamae propria possessio, etiam Dei donatione. Sed & Abraham dixit ad Loth fratrem suum, Ne quaeso lit iurgium inter me & te, & inter pastores meos, & pastores tuos: fratres enim sumus. Ecce vniuersa terra coram me est, recede à me obsecro. Si ad sinistram ieris, ego dexteram tenebo: si tu dexteram elegeris, ego ad sinistram pergam. Vides quòd etiam inter fratres, & sanctos fratres, qui Patriarcharum nomine digni sunt inuenti, non habebatur communis rerum possessio, sed erat inter eos Meum & Tuum? Habes insuper Genes. 10. quòd à filiis Noë diuisae sunt insulae gentium in regionibus suis, vnusquisque secundum linguam suam & familias in nationibus suis. Adhuc à Iosue diuisa est filiis Israël terra sancta in fuculo distributionis: quam tamen Deus dederat Abrahamae & semini eius citra diuisionem, vt patet euidenter ex scripturis praecallegatis. Imò discurrendo per totam historiam veteris Testamenti, vix inuenimus aliquem Sanctorum aut Patriarcharum, qui non habuerit proprium. Quin potius inuenimus quòd Deus ipse dans legem de caelo in manu Moyse, multifariam multisque modis approbauit possessionum proprietatem, decernens leges, minas quoque & supplicia in eos, qui turbatores deprehenderentur eiusdem. Quid enim aliud est quòd in Decalogo prohibetur furtum, & concupiscentia alieni, quam quòd Deus velit cuique suum sibi manere tutum? Quid quòd iubetur reddere duplum, aut quadruplum, aut septuplum, quod quis furatus est: nisi vt propter magnitudinem poenae quisque abhorreat inuadere alienum? Est igitur manifestum, quòd tempore legis, diuino iure licuit habere proprium. In nouo quoque Testamento praeepta euangelica de furtis, fraudibus, rapinis, concussionibus, circumuentionibus non perpetrandis, manifestè praesupponunt

*Proprietas
rerum probatur
licita
Scripturis
vet. Test.*

*Proprietas
rerum probatur
licita
Scripturis
nou. Test.*

Luc 6.

Luc. 12.


ponunt proprietatem rerum pro tempore Euāgelij. Insuper quando Saluator dicit, Mutuum date, nihil inde sperantes: subindicat apud mutuantem esse rei suæ proprietatem. Item, quando dicit: Quis me constituit iudicem aut diuisorem super vos? Videte, inquit, & cauete ab omni auaritia. Non autem dicit, Cauete à proprietate rerū: quod tamē eo loco dicendū erat, si est illicita. Quam sanè non esse illicitam, apertissimo argumento probauimus ex Actis Apostolorum. Nam Act. 5. Apostolus Petrus ad Ananiam conferentem partem pretij agri sui, quem vendiderat, in commune, ante pedes Apostolorū, dicens: Anania, Nōne manens tibi manebat, & venundatum erat in tua potestate? quasi diceret: Anania, ager tuus reuerā, salua fide, tuus erat, tibiq̃ue manebat, donec eum venderes, & venundatus etiam pretiū ipsius adhuc in tua potestate erat, Christianus esse poteras, & Deo fieri charus, seruatis possessionibus tuis. Quare ergo posuisti in corde tuo hanc rem: videlicet vt conferres in commune partem pretij, pro integro pretio, mentiendo Spiritui Sancto. In quo vno erat tota ratio peccati Ananiæ: non utique in possessione proprietatis, non etiam in venditione, aut in eo quod partem pretij seruaret: sed quod partem pretij offerret pro toto, mentiendo Spiritui Sancto, & fraudando communitatem in qua (quia singuli totum quod habebant conferebant in commune) singulorū necessitatibus de communibus ministrabatur, prout cuique opus erat. Approbavit igitur B. Petrus proprietatem rerum in homine Christiano, redarguens fraudem Ananiæ mentientis. Insuper Cornelius centurio factus fidelis, licet vir diues esset, non legitur tamen compulsus fuisse cōmunicare alijs suas possessiones. At quid tempus perdo in re manifesta? Tantū volo, vt duo hæc insculpta menti retineas: nempe, nulla vnquam lege Iu-

ris naturæ, aut Euangelij fuisse præceptā communem rerum possessionem. Deinde Iure gentium, Iure quoque diuino tam legis Moyſaicæ quàm Euangelij, & humanis constitutionibus, ſemper approbatam fuiſſe & eſſe, rerum proprietatem. Sic creditum, ſicque ſemper doctū fuit ab initio naſcentis Eccleſiæ hucusque. Sed & comuni conſenſu Chriſtiani orbis ab æuo receptæ ſunt leges ciuiles per omnem Eccleſiam. Quapropter debet Chriſtianus illis in diuiſione rerum acquieſcere, & iuxta eas commercia rerum exercere, modis inſuper acquirendarum poſſeſſionum, qui ab illis traduntur pacificè vti. Decet enim bonum ciuem, vt ſolicite cuſtodiat quod moribus & conſuetudine introductum eſt, nec vlli Iuri reperitur contrarium. l. De quibus. ff. De leg.

D. At quid dicemus ad ſententiam Philoſophorum Platonis & Senecæ, cuius ſuprà meministi? *Aliud argumentum.*

M. Quòd ſatis quidem per ſe ſpecioſa fuit illorum opinatio de communione rerum, præſertim iſſis, aut non intelligentibus naturalem totius humanæ naturæ corruptionem, aut arbitrantibus quòd ſuis philoſophicis præceptis poſſent affectus hominum incorruptos facere. Quod quàm ſit impoſſibile, vt luce clariùs docet Euangelium: ita palàm demonſtrat experientia ſumpta ſub lege veteri. Quoniam ne illa quidem lex, quæ cælitus ab ipſomet Deo data fuerat, potuit homines iuſtos facere, aut incorruptos. Si enim ex lege eſt iuſtitia, inquit Apoſtolus, ergo Chriſtus gratis mortuus eſt. De quo diximus libro primo. Aſpiciebant igitur illi Philoſophi à longè, quid foret optimum, verùm vnde fieret hoc ipſum, præſtare non potuerunt. Potuerunt autem Chriſtus & Spiritus Dei ſanctus. Quapropter iſſis reſeruatum eſſe oportuit peculiare hoc & eximiū genus vitæ, quod ſine magnis muneribus Dei in vſu hominum eſſe nō poſeſt.

De varijs modis contractandi alienum invito domino, nonnusquam
vel absque omni transgressione huius mandati. CAP. VII.

M. X præmissis consequitur, primò quòd sit trans-
gressor huius mandati, quicumque facit alium
non habere, quod alioqui suum est, aut sibi de-
bitum aliquo legitimo titulo Iuris naturæ, Iu-
ris gentium, aut ciuiliū legum: quocunque modo id fa-
ciat, clanculum vel palam, dolo aut fraude, auferendo vel
detinendo (prout faciunt qui restituenda non restituūt)
vel destruendo, vel annihilando, prout faciunt incen-
diarij, depopulatores, malefici.

D. Quid si quis per seipsum non faciat, suadet tamen,
aut consulit, vt fiat?

M. Regula Apostolica quam Paulus ponit ad Romanos
primo, sic habet: Non solùm digni sunt qui ea faciunt,
sed etiam qui consentiunt facientibus. Igitur non solùm
rei sunt furti, qui auferunt aut detinent alienum, sed
etiam quicumque consentiunt auferentibus vel detinen-

*De his qui
præbēt au-
xilium vel
consilium.*

tibus. Consentiūt autem proculdubio qui auxiliū præ-
bent vel consilium, potissimùm qui mandant, suadent,
vel hortantur, insuper qui occultant, recipiunt hospitio,
aut non manifestant. Item qui non impediunt aut pro-
hibent, intellige, vbi & quando ex officio prohibere vel
impedire debent.

D. Quid si consentiat is cuius res detinetur?

M. Rursus docet regula Iuris, quòd scienti & consen-
tienti non fit iniuriā: modò consensus sit liber. Alioqui si
*De his qui
extorquent
per vim, me-
tū, aut neces-
sitatem.* ob necessitatē quam aliās euitare non possum consentiā,
aut si minis, vel metu cadente in constantem virum con-
sensum à me extorqueas, etiam si dico. Tolle, do tibi: nō
tamen ob id cessat iniuria. Talis enim consensus non est
liber: sed fit duntaxat vt vitam redimam, aut maius incō-
modum

modū vitē. Vnde quod datur vsurario vltra sortē, furtū est, & peccat ille accipiēdo cōtra hoc mandatū: quia nō liberē datur, sed cōpellēte necessitate: vt scilicet pauper homo accipiens ad vsurā, maius malū euitet. Itē quod datur vt redimas iniustā captiuitatē, nō fit illius qui accipit: sed rapina illi est cōtra hoc mandatū. Sic quod das latroni, vt corpus salues. Quod Principi in gabellis iniustis aut impositionibus, ne via facti in reliqua manū mittat. Quod aduersario, vt iniquę litis vexationē redimas. Quod iudici: quod Aduocatis, quod Procuratoribus propinare cogis vltra iustā mercedē laboris: alioqui nō audiendus in iustitia: hęc et similia das quidē, & cōsentis in alienationē rei tuę. At quoniā reuerā esset in te dissensus, & dare omnino nolles, nisi vrgeret pręsens necessitas: ideo illi iniuste accipiūt, peccātes cōtra hoc pręceptū, et restituere tenētur.

D. Ergo peccant prętores, dum puniunt rerum confiscatione: fiunt enim eiusmodi confiscationes, illis, qui mulctantur, prorsus inuitis & reclamantibus.

*De baliuis
auferenti-
bus per cō-
fiscationē.*

M. Etiam huic difficultati diluendę sufficit vna illa regula Iuris perelegans, Nemo damnū facit, qui id facit, quod facere ius habet. Damnum enim aut iniuria proprie dici debet, quod contra legem aut ius infertur, vt is qui lege non permittente aliquid facit, damnum facere vel iniuriam intelligatur: facit enim quod facere ius non habet. Vnde magistratus vel prętor si vi quadam confiscet bona maleficorum, in iniuriam non redundat, neque ob id tenetur ad restitutionem: facit enim quod facere ius habet. Verum quidem est, quod inuito beneficium non pręstatur: attamen in inuitum pœna iuste decernitur, si delicti meritum sic postulet. Itaque qui plectuntur rebus suis, sicut qui capitis damnantur vel exilij: licet dissentiant actu voluto, consentiunt tamē actu debito: eo quod Deo iustitię quę publicę omnia subiecta esse debeant, tam bo

*De ablatis
in bello ius-
to.*

*De spolijs
Aegyptio-
rum factis
per Israēli-
tas.*

na quàm corpora, & tam corpora quàm bona. Iudex au-
tem damnans aliquem rerum suarum secundum iusti-
tiam, non hoc facit vt Petrus aut Paulus, hoc est, tanquàm
persona priuata; sed vt minister Dei & communitatis:
quare in tali facto, nec fur nec raptor censeri debet, sed
executor iustitiæ publicæ. Idem dicendum est de rapi-
nis & depredationibus quas faciunt in iusto bello mili-
tes: quoniam ministri sunt iustitiæ vindicantis aduersa-
riorum malitiam: quare non peccant contra hoc manda-
tum, neque ad restitutionem tenentur. Seciùs autem di-
cendum de iniustus bellis. Nam iniusta bella, quid aliud
sunt, quàm latrocinia? quàm rapinæ? quàm furta? Prout
lepidè dixit pirata quidam ad Alexandrum Magnum:
Ego, quia parua scapha ago, pirata dicor: tu verò quia tri-
remibus agis, imperator: Idem tamen agimus, speciosum
scilicet iniquitatis ludù. De bellis autem quæ licita, quæ-
que iniqua sunt, diximus abundè satis in præcepto,
Non occides. De populo verò Israēlitico spoliante Aegy-
ptios in exitu de Aegypto, iam non difficile erit respon-
dere, quoniam damnum nullum intulerunt, neque iniu-
riam fecerunt Aegyptijs. Nemo enim faciens id quod fa-
cere ius habet, damnum aut iniuriam facit. Israël autem
ius habuit faciendi quod fecit, Deo donante potestatem
vt spoliaret Aegyptios, Exod. 11. & 12. Voluit enim Deus,
vt filij Israël exeundo spoliarent Aegyptum, vtque pos-
sederent terram Chanaan interfectis habitatoribus eius,
vastarent quæ ipse vellet, seruarent sibi in vsum quæ vel-
let, distribuerent inter sese quomodo ipse vellet. Vt sic
palàm declararet se dominum mundi esse, & vniuersorù
quæ in mundo sunt: adeoque merum ac plenum apud se
esse dominium omnium: vt nemo dicere debeat, Cur fe-
cisti sic? Iusto siquidem iudicio facit Dominus vniuersa
quæ facit: quare hominis non est interrogare, Cur fecisti
sic?

fic? Nam Abraham accipiens mandatum interficiendi filium suum Isaac, non interrogavit Dominum, *Quare ita? Quid fecit? Aut, Quid peccauimus ipse vel ego?* Satis namque esse debet homini, Dominum sic præcepisse, Domini sic esse voluntatem. Nihil tam inculpatum, quam quod Domini sit iussione. Nihil tam iusti titulo possidetur, quam quod Dei donatione habetur. Si tua mihi donaret Deus, etiam te inuito raperem, nec reus fierem alicuius mali.

De ijs qui in necessitate occupant aliena.

CAP. VIII.



X præmissis consequitur & illud, quod laboras extrema egestate, si apprehendat alienum, ipsa apprehensione suum facit quod apprehendit, nec delinquit contra hoc mandatum, neque damni auctor haberi debet. Patet per eandem regulam iuris, Nemo damnum facit, qui id facit, quod facere ius habet. Porro iste per necessitatem in qua est, verum ius habet à lege naturali faciendi quod facit. Omnia enim in necessitate sibi communia sunt, quantum sufficere potest necessitati, vt doctum est supra.

D. Quid si nolit is cuius cibum aut vestem apprehendit?

M. Nihil impedit. Quid enim si malus sit ille, impius aut iniquus? Certè iste ea necessitate pressus, potius ius habet apprehendendi, quam ille possidendi. Antiquius siquidem est & immutabilius Ius naturæ quam Ius gentium aut civile. Quare vt Ius gentium, ita & Ius civile cedere debet, superueniente necessitate, prout superius declaratum est. Debet igitur ille cui aufertur, esse contentus. Quod si repugnat, nõ solum impius est in proximum, sed & iniquus. Quapropter constitutus in extrema indigentiâ, hoc est, verè necesse habens, si supplex petat à diuite subuentionem, & deneget diues, indubiè ille diues denegando

Constitutus in necessitate extrema, si rapit aliena, non peccat.

Qui negat constituto in necessitate, iniquus est, nedum impius.

do fur efficitur & raptor, peccans expresse contra hoc mandatum. Detinet enim iniuste alienum, alteri optimo iure debitum, non minus quam ille, qui post expiratum terminum, in mora est soluendi debitum. De quo infra latius. Et hanc ob causam diues Epulo, non solum impius erat, sed & iniustus, non dans Lazaro petenti in extrema necessitate. Iacebat enim ante fores: nam stare impotens erat, hulceribus plenus, ita famens ut de micis cadentibus de mensa Epulonis cuperet satiare latrantem ventrem. An non hoc erat esse in extrema (ut vocant Scholastici) necessitate: iacere humi pro debilitate, quam egestas attulerat, hominem hulceribus plenum, ita famentem, ut appetitus se extenderet ad cibum canum, hoc est, ad micas in terram decedentes, quas alij conculant pedibus? Ius igitur erat apud Lazarum petenti, imò rapiendi si potuisset. Econtrario magna impietas magnaque iniustitia apud Epulonem non dantem, imò non soluentem quod debitum erat Lazaro: quapropter & merito dicitur sepultus in inferno, Luc. 16. Nec excusat, si quis cogitet, Sunt multialij fortassis me ditiores qui subuenire poterunt: nam diuitem Epulonem hoc ipsum non excusabat. Quandoquidem tu nunc cognoscis statum extremè indigentis, tibi præsens est, à te petit sibi bono iure debitum: habes præterea tu unde possis, & vides, hoc est, clarè cognoscis, reuerà esse necessitatem, nedum indigentiam in petente. Igitur si non das, in mora es non soluendi, & ideo detentior alieni, violans Ius naturæ, & prævaricator efficeris huius mandati, imò homicida si ille necessitate pereat: iuxta illud Ambrosij, Pisce fame morientem: si non paupisti, occidisti. Et sanè multò crudelius latrone: quoniam ille non interficit, nisi spe magnæ prædæ: tu verò fame necas hominem tibi supplicem, idque ne vnius panis incommodum feras: nuditate contabescere permit

tis, malens vestem tuam tinearum esse cibum, quàm fratris sanguinis tegumentum. Nunc facile erit intelligere quàm verè iuxta ac ardentè locuti sint in hac materia eximij illi doctores Basilius Magnus, beatus Ambrosius, diuus Bernardus. Basilius quidè hoc modo, Quis, quæso, avarus? Ille qui paruo, & eo quod satis esse debet, non est contentus. Quis verò peculator? Ille qui aufert aliena. Tu ergo non avarus? Non tu peculator, cùm ea quæ ad dispensandum distribuendumque receperis, tibi propria facis? Num qui vestem diripuerit, spoliator nominabitur: qui autem nudum non texerit, modò possit, alterius cuiusdam nominis appellatione dignus erit? Esurientis est panis quem tu retines: nudi est vestis quam in arca custodis: discalceati calceus qui apud te marcescit: egentis argentum quod tu in terram fodis. Denique tot affers iniurias hominibus, quot deseris cùm iuuare possis. Ambrosius verò vbi tractat illud Euangelij, hominis cuiusdam diuitis huberes fructus ager attulit, dicit hoc modo: Non minus est criminis habenti tollere, quàm cùm possis, & abundas, indigentibus denegare. Esurientium panis est quem tu detines, nudorum indumentum est, quod tu recludis, miserorù redemptio & absolutio pecunia quâ tu in terram defodis. Tot te ergo scias inuadere bonâ, quot possis præstare, quod velis. Hæc ille. Et diuus Hieronymus sic dicit, Aliena rapere conuincitur, qui ultra necessaria sibi retinere probatur.

Basilius sermo. 1. in diuites auaros.

Ambros. serm. 81.

D. Hæc opinor dicunt sancti illi patres de ijs, qui arctissima anguntur necessitate.

M. Et de illis hucusque nos locuti sumus. Certum enim est, hæc & eiusmodi non dici de vulgo mendicantium. Nam illi frequenter & suauis acquirunt, quàm alij cõmunis fortunæ populares, & minus esuriunt: Licet enim ostiatim mendicantes non habeant ad pompam, habent

De vulgo mendicantium.

tamen ad sufficientiam, sæpe non minus quàm agricolæ, aut populares opifices: ipsi quidem assidue mendicando, agricolæ verò cæteri que opifices indefinenter laborando. In eo sanè agricolis artificibusque feliciores: quòd ociosa mendicitas minus habet sudoris, minus etiam anxietatis, quàm agricultura, aut ars manualis. Longè profectò aliter dicendum est de ijs qui egent rebus ad vitam necessarijs, seu verè necesse habent. Pallent labia fame, cibum tamen nullum habent: nudi sunt, attamen urgente frigore, necessario cooperculo prorsus carent. Aut vir languet, aut mulier proxima est partui, tamè ferè nihil adest eorù, quæ necessaria sunt: alget focus, vacat præptuaria, ad

Quando sit extrema necessitas.

requiè nihil quod supponatur, nihil quod superponatur. Neque putare debemus extremam tunc solum esse necessitatē, quādo quis iam fame moritur, aut perit egestate. Hæc enim non extrema, sed veriùs exterminij necessitas dici debet: quinimò interitus est, nec amplius necessitas vocari potest. Nemo enim eget, aut necesse habet iis, quæ iam prodesse non possunt. Morituro etiam si regias dapes adferas, nihil subuenis: periit appetitus, perierunt viscerum vitalia officia, nihil iam capit cibi, sed nec capere potest.

Quando peccent pastores & episcopi contra istud mandatum.

Quare non his rebus pro eo tempore eget, sed magis Christi Sacramentis, bonæque informatione, & consolatorij verbis atque oratione. Quæ si tunc neget pastor, aut illi quorum interest ministrare, indubiè & ipsi fures sunt & latrones, denegantes huic quod iure diuino ei debitum est, tantò crudelius peccantes contra hoc mandatum, quantò anima præstantior est corpore, & diuiniora sunt bona gratiæ bonis transitorijs huius mundi. Nec minus peccant contra hoc mandatum Episcopi, ecclesiarum curatores, qui non pascunt populum sibi commissum verbo, Sacramentis, & disciplina, uti oportet: sed patiuntur eos contabescere fame verbi diuini, aut defe-

Et Sacramentorum vel disciplinæ: sicuti infinitæ Ecclesiæ nunc derelinquantur in extrema necessitate, multis in æternum pereuntibus, nō ob aliud quàm propter defectum pabuli & congrui ministerij. Fili, sint tibi hæc dicta pro regulis, Pasce pane tuo fame morientem: si non paviisti, occidisti. Pasce verbo Dei subditum tuum morientem defectu eiusdem: si non paviisti, occidisti. Pasce Sacramento: si nō paviisti, occidisti eum qui moritur defectu Sacramenti. Consolida infirmum in fide: si nō consolidasti, occidisti pereuntem. Recollige errabundum: si non recollegisti, occidisti. Vesti nudum: si non vestisti, occidisti, si nuditate sua pereat. Verum subintellige in omnibus his, modò habes, vnde posses: maximè, modò eo cōstitutus es loco, vnde debeas: non solum ex lege pietatis, sed etiam ex officio: & per consequens ex iustitia, qua teneris officio suscepto satissacere. Omnia enim hæc, panis tuus, vinum tuum, vestis tua, sunt alijs communicanda ex Iure naturali dum necesse habent. Item verbum Dei, Sacramentum, instructio in fide omnibus indigentibus communicari debent, in primis ab ijs qui præsidendi potestatem acceperunt. Væ enim incumbit eis, si non faciunt: & quidem væ duplicatum, si cessantibus ipsis pereant illi. Sanguinem illorum, ait Dominus, de manibus ipsorum requiram. O quàm graue onus est cura pastoralis, quàm que horrenda pericula latent sub specioso præsulatus titulo. Sed de his hæcenus.

D. At quæ est propriè extrema necessitas?

M. Est verà necessitas, qua neque maior, neque diuturnior esse potest, quin allatura sit verisimiliter ingens malum, nempe defectionem, vertiginem, morbum, apostemata, aut alia eius notæ periculosa incommoda: aut quin cogat personam subijcere sese manifesto discrimini, vel notabilem subire infamiam, aut distrahere omnia quæ ha-


Que sit necessitas extrema.

bet etiam instrumenta artis suæ, quibus distractis neque sibi, neque suis prolibus alendis sufficiens erit. Dum autem hæc vel eiusmodi prorsus incumbunt ex defectu rerum quibus necesse habet, iam rectè vocatur extrema necessitas, cui ex obligatione Iuris naturæ teneris subuenire de abundantia tua, siue de eo quod superest tibi: maximè si humiliter postulatus fueris. Alioqui detines alienū secundum Ambrosium: & iniuriam facis secundum Basilium: nec potest in te manere charitas Dei secundū Ioannem Apostolum. Quid nunc tibi videtur? An superfluum erat quod digressi fuerauis ad explicationem discriminationis, quod est inter Ius naturale, Ius gentiū, & Ius ciuile?

- D. Nequaquam. Quoniam ex illo constat fures & raptores fieri, qui citra necessitatem in uadunt bona aliena, dicentes omnia debere omnibus esse communia. Item fures fieri & raptores qui alijs necesse habentibus non porrigunt, quo citra notabile periculum sui & suorum, carere possent. Et utrosque transgredi istud mandatum.
- M. Bene est. Infrà adhuc plura colligemus ex eadem distinctione: at nunc pergamus ad alias difficultates.

Quale peccatum sit furtum & cuius malitiæ.

CAP. IX.

- D.  Vo hoc loco interrogare debeo. Primum, An furtū sit peccatum mortale, mergens animam ad interitum? Secundum, An furta sint omnia eiusdem naturæ & malitiæ?

Furtum est peccatū ex genere mortale.

Quibus de causis furtū fiat peccatum veniale.

M. Quantum ad primum exactè satis & pertinenter, nec non consolatoriè scribit doctus Caietanus, cuius hæc in effectu sunt verba, Furtū (hoc est, occulta acceptio alienæ rei inuito domino) peccatum est mortale ex suo genere: quia iustitiam violat contra charitatem proximi. Potest tamen esse veniale propter imperfectionem actus, vel ex parte primi motus, vel ex parte paruitatis rei: quia modicum

cum

cū pro nihilo reputatur. non enim reputatur quis læsus in rebus suis ex eo, quod res minimi momenti sublata est, vt pomum vnum aut alterum, vna aut altera rapa, vel virgulæ aliquot de arboribus ad parādas scopas. Sunt autem quatuor circa furti peccatum aduertenda. Primū *Quatuor cōsiderāda circa peccatū furti.* animus furandi. Qua in re ne erres, intelligendo, si quis surripit pomū, peccet statim mortaliter: eò quod habeat animum furandi pomum illud, error est iste. Siquidem *Animus accipiendi,* animus furandi, importat animum inferendi nocumentum proximo. Non vocatur autem propriè nocumentū, *quia modicū est, non est propriè animus furandi.* si est nocumentum secundum quid, quale est nocumentum in re minima. Et propterea per animum furandi, intellige solummodo animum surripiendi aliquid notabile. Vnde si quis surripiat aliquid minimum, neutiquam habens animum surripiendi quod notabile est, & verè damnificaret, vel inter viros alioqui cordatos amicitiam solueret, is excusatur à furto mortali. Si autem paruum surripit, ita tamen quod si posset, notabile aliquid subduceret, proculdubio animo egit furandi, & peccauit ex furtiuo animo mortaliter. Et hinc habes, vnde furta famulorum famularumque excuses, quando domi comestibilia surripiunt vt comedant. Sunt enim communiter peccata venialia: & aliquando nullius omnino culpæ, potissimum quando vrget naturæ necessitas, & herorum inhumana est tenacitas. Signum autem animi non furtiuum est, si non permagni æstimat accipere, ea de causa, quoniam modicum est quod accipit. Sunt interim hæc minima summopere præcauenda & studiosè corrigenda, maxime in iuuentute. Sensus etenim & cogitatio humani cordis per se in malum prona, fiunt vel modica assuefactione multò propensiora. Aquarum licet singulæ vndæ non nisi modicum atterant terram: tamen assiduitate vel aggres rumpunt profluuntque in immensum malum. Secun

*Dupliciter
potest do-
minus rei
ablata esse
inuitus.*

dum est de inuito domino. Intelligi namque debet de eo qui est inuitus, respectu rei, ad hoc quod sit furtum. Potest siquidē dominus rei esse inuitus dupliciter, vel quantum ad rem quæ surripitur, vel quātum ad modum quo tollitur: puta quia displicet sibi quod occultē accipitur, non autem quod res tollatur. Vti sæpe contingit in furtis domesticis inter patrem & filium, inter dominum & famulum. Non utique furtum committit filius occultē surripies res patris, volentis filium res illas habere: tamen nolentis quod occultē surripiat: quia tūc propriē loquendo, non inuito, sed non vidente domino accipit. Et hinc multas surreptiones domesticas excusare poteris: dum præ verecundia tolluntur res occultē, non inuitis dominis, quoad rem: venialia siquidem sunt omnia.

D. Quid si parentes utroque modo inuiti sint, & quoad rem, & quoad modum.

M. Certe tunc furtum filiorum & filiarum est peccatum mortale, tantō grauius, quantō parentes minūs sunt iniuria afficiendi quā alieni. Veluti cū filij aut filię frumentum surripiunt de horreo parentum, aut pecuniam de officinis, aut res alias, ut habeant quod expendant in nequitijis suis, in scortationibus, vel potationibus, vel curiositatibus superfluis: si modō sit notabile quod furtantur, de quo præsumere nequeunt parentes non agrē laturos. Tertium, quod considerandum docet Caietanus,

*Quæ res di-
catur aliena.*
84.

est, quæ res dicatur aliena. Intelligitur enim in proposito res aliena, non solū quantum ad dominium: quia scilicet est res alterius, sed etiam quantum ad custodiam vel detentionem. Ita quod si quis rem propriam, quam alius vel in pignus, vel in depositum accepit, aut etiam quam alius occupat siue licitē siue illicitē, furtiue ei surripiat, is furti crimen incurrit. Quia rem alienam, quantum ad custodiam occultē accipit, custode inuito: debet enim Iu

ris ordine seruato rem suam repetere, & non sibi us dice-
re. Est autem hîc obseruandum, quòd licet ita fieri de-
beat regulariter, in casu tamen quo quis non potest Iuris *Licet alia*
via rem suam recuperare, aut propter suam paupertatē, *quo casu*
aut propter excellentiam detinentis, aut propter defectū *furtim sibi*
iudicis vel probationum, aut propter scandalum & dif- *res suas re-*
famationem eius qui detinet, potest tamen citra scanda- *cupere.*
lum secretò recuperare quòd suum est, non est reus furti
in tali casu; nec propriè sibi ius dicit: sed exequitur Ius
naturale circa rem suam, ex quo Ius ciuile impeditum est
sibi. Veruntamen in hac re, non tuo solius stabis iudicio,
sed consules prius virum aliquem timentem Deum, bo-
niq̃ue consilij: ne cadat in te quod vulgò dici solet, Ne-
mo idoneus est iudex in propria causa. Quartò confide-
randum est, quòd ea quæ inuenta sunt, inter aliena com-
putanda veniunt. Tenetur enim inuentor non sibi ser- *De rebus*
uare rem inuentam, sed eam reddere domino suo: alio- *inuētis re-*
qui furtum seu rapinam committit. Inquit enim B. Au- *stituendis.*
gustinus, Si quid inuenisti, & non reddidisti, rapuisti:
quantum potuisti, fecisti: quia plus non inuenisti, ideo *August.*
plus non rapuisti. Qui alienum negat, si posset & tolle- *Serm. 19. de*
ret, Deus cor interrogat, non manum. Addit B. Hiero- *verbis Apo-*
nymus super Leuiticum: Multi sine peccato putant esse, *stol.*
si alienum quod inuenerint, teneant. Et dicunt, Deus
mihi dedit, cui teneor reddere? Discant isti peccatū hoc,
simile esse rapinæ, si quis inuenta non reddat. Oportet
igitur rem inuentam reddere vero domino suo: si cogno-
scatur, aut diligentia præmissa inueniri potest. Si autem
dominus non inuenitur (quia fortè viatori excidit) tum
debet reddi illi in bonis spiritualibus: ex quo in tempo-
ralibus reddi non potest.

D. Quomodo in spiritualibus?

M. Vt conuertas in pium vsum diuini cultus, vel cleemo-
synarum

De bonis
perditis
per naufragium.

synarū ad refrigerium animæ illius qui perdidit. Quod si tu inuentor non minus eges, quā alij pauperes, ipse teneto per modū eleemosynæ. Attamen expedit in eiusmodi adhibere iudicium discreti viri, maximè eius qui pastor est animæ tuæ. Si verò res inuentæ domino carent, & prorsus pro derelictis habentur, iam sunt inuentoris, quomodo volucres cæli, pisces maris, animalia syluestria, & quæcunque in nullius dominio existunt, occupantis sunt. Porro naufragorum bona iuxta leges quorundam littorum confiscata ex hoc ipso quod ex naufragio sunt, nescio qua iustitia occupentur: nisi illa qua afflictio additur afflictis. Vnde non leges, sed legum corruptiones atque tyrannides sunt, quæ eiusmodi constitutionibus decernuntur. Nec excusantur obseruantes illas, imò (ut patet de rapto cap. Excommunicata.) nisi ablata restituât, excommunicationi se nouerint subiaccere: potissimum qui Christianos naufragium patientes spoliant hac confiscationis specie.

De rapina & rapto.

CAP. X.

M.
Rapina est
peccatum
mortale.



DE rapina verò, an sit peccatum mortale, sic testatur idem Caietanus, dicens: Rapina qua quis accipit res alienas per violentiam, peccatum est mortale: quia iniuriam infert proximo, & quantum ad res, & quantum ad modum, directè repugnans tam charitati quā iustitiæ: Qui nō diligit, inquit Ioannes, manet in morte. Porro qui facit proximo per vim & violentiam, quod nullo modo vellet sibi fieri, is indubiè agit contra dilectionem proximo debitam: peccat igitur mortaliter.

D. An sit rapina, quoties per violentiam auferitur res aliena?

M. Non sanè: sed solummodo tunc est rapina, quando aufer-

fertur per iniustam violentiam : videlicet contra leges
 & æquitatem. Verùm de hoc satis est dictum suprà. *Differunt*
 rt autem rapina à raptu , quòd raptus respicit personã, *rapina &*
 rapina verò rem. Cæterùm raptus quo rapiuntur perso- *raptus.*
 æ, maximè puellæ ad vsum carnis, tantò est grauius cri-
 men, quantò persona dignior est rebus exterioribus. De
 uo egimus suprà in præcepto, Non mœchaberis.

Non omnia furta esse eiusdem generis & malitiæ. CAP. XI.

Nunc ad alteram partem quæstionis tuæ , nem- *Quare non*
 pe, An omnia furta sint eiusdem naturæ & ma- *omnia fur-*
 litia , quam vt probè explicemus , advertere *ta sint eius-*
 debes. Primò, non eiusdem esse generis iustitiã *dè generis.*
 quæ violatur per furta. Secundò, non eiusdem rationis
 se, aut momenti nocumenta quæ inferunt. Tertiò, eo-
 rum qui furtis damnificantur diuersam esse dignitatem.
 Quartò modos furandi alios alijs esse pestilentiores in
 rebus. Quas ob causas furta aliquando diuersæ sunt
 naturæ secundum speciem: aliquando duntaxat diuersæ
 malitiæ secundum maius & minus. Iustitia est quæ red- *Quid iusti-*
 dit vniciq; quod suū est: iniustitia quæ contrà facit. Iu- *tia.*
 stitia est duplex, Distributiua & Commutatiua: & vtra- *Iustitia du-*
 que ex suo nomine, nota esse potest. Illa obseruari debet *plex.*
 in distribuendis rebus communibus, hoc est, rebus illis,
 quæ pertinent ad communitatem aliquam. Ista verò ob-
 seruanda est in commutandis seu contrectandis rebus
 particularibus personis peculiares sunt , aut in *Furta quæ*
 rebus non attendimus nisi æqualitatem rei ad rem. Est *violant iu-*
 iustitiam diuinius bonum commune quàm priuatum : & *stitiam dia-*
 eo sacratior iustitia Distributiua quàm Commutatiua. *istributiua,*
 quapropter & furta quæ violant Distributiua alterius *sunt peiora*
 sunt naturæ, & multò maioris malitiæ, quàm quæ vio- *q̃ quæ com-*
 lat Commutatiua. Insuper alia est maiestas Dei, alia *mutatiua*
 homi- *violant.*

hominis: alia rerum sacrarum dignitas, alia communium: alia Ecclesiæ, alia regni, alia priuatæ familiæ. Hinc sacrilegium & peculatus grauiora sunt, alteriusq; speciei quàm simplicia furta. Alia quoque hominis ratio, alia pecudis: atque ideo plagarij, nempe qui homines abducunt, longè sceleratiores sunt quàm abigei, hoc est, qui pecudes furantur. Ad hæc per vim rapere sceleratius est, quàm clanculū subducere, ut diximus suprâ. Itē sub specie pietatis fraudare, ut faciunt vsurarij, magnam malitiam habet: sub specie autem iustitiæ ministrandæ, aut iuris dicendi, maiorem, ut faciunt iudices iniquitatis, aduocati, procuratores, & cæteri iustitiæ ministri. At omnium maximam habet malitiam facere id ipsum sub specie ministerij sacri, ut faciunt nonnulli viri Ecclesiastici negotiantes simoniacè in populo per Sacramenta, per preces, per missas. Item fraudare per mensuras, & pondera iniqua, quæ sunt instrumenta publicæ æquitatis, tantò est pestilentius in communitate, quanto minùs quisque ab illo cauere potest, quantoque magis est contra ordinationem publicam, præscribentem iustum in ponderibus & mensuris. Vltimò specialem habet malitiam, furari per falsificationem mercium, ut faciunt institores quidam & cœnopolæ, atque falsarij monetæ. Et quò res quæ falsificatur est communior, ut moneta, eò fraus est sceleratior. Ut igitur summatim dicam, inter ea quæ violant commutatiuam iustitiam sunt sacrilegium, simonia, peculatus, plagatus, abigei, iudices iniqui, calumniatores, falsarij, iniqui institores, & cœnopolæ, impostores, piratæ, prædones, raptores, fures cõmuniter dicti. Et iuxta distinctionem nominum, est & malitia actuum distincta: aliquando secundum speciem, aliquando secundum maius & minus.


D. Monstra narras. Et quales, precor, sunt isti?

M. Ve-

- M. Verè monstra sunt in societate Christiana, qualia, si cælum petis, vitare necesse est, non minùs quàm beluas rapaces.
- D. Malum vitari potest: incognitum vitari non potest. Quæso igitur depinge mihi has bestias suis proprijs coloribus, quo vtcunq; cognosci, deinde & vitari possint.

De singulis speciebus furti sigillatim, & primò de sacrilegio.

CAP. XII.

- M.  I furtum fiat aut rapina de rebus Deo sacris aut diuis, iam vocatur sacrilegium: quod præter di- *Sacrilegiū.*
ctas malitias continet in se violationem rei sacræ cum iniuria Dei, cui pleno iure dicata est: unde sacrilegi sunt omnes qui templa demoliuntur, qui suppellectilem domus Dei furantur, qui prædia Ecclesiæ diripiunt, qui clericos & monachos suis domicilijs extrudunt, stipendijs priuant, decimis fraudant. Quos meritò *2. Mach. 3.* terrere deberet Dei vindicta in Heliodorum qui voluit Hierosolymis templū dispoliare: at multa caligine obrutus semiuuius de templo eiectus est. Vindicta quoque *2. Mach. 6.* Dei in Antiochum tyrannum, quem viscerum putrefactio, & fons vermium de corpore scaturiens adeo intolerabilem reddiderunt, vt foetor eius & dolor, etiam exercitum grauarent: eò quòd templum spoliare tentauerat. Nec minus manifestū exemplum spectatur in Balthasare Assyriorum rege, Daniel. 5.
- D. Solet dici quòd sacrilegium tribus modis committitur, videlicet: quando sacrum de sacro, vel non sacrum de sacro, vel sacrum de non sacro loco aufertur.
- M. Valde bene dictum: sic enim docet Magister sentent. distinct. 37. lib. 3. Addens, Sacrum verò dicitur quicquid mancipatum est cultui diuino, vt Ecclesia, vel res Ecclesiæ. Quapropter etiam sacrilegi sunt, qui recipiunt beneficia,


Qui beneficia, hoc est, decimas, aliaque emolumenta Ecclesie con-
cium reci-secrata Deo in stipendium diuini officij, & tamen nō fa-
piūt, non fa-
cientes offi-
ciū sunt sa-
crilegi.
ciunt officium, neque per se, neque per alium, aut sic fa-
ciunt, vt melius sit non facere. Quales grauissimè delin-
quūt contra hoc mandatum, facientes iniuriam & Deo,
& fundatoribus, & idoneis ministris quos excludūt, &
vniuersæ denique Ecclesie, quæ suo fraudatur officio.

D. An quicunque sacrilegium committit, peccet contra
hoc mandatum?

M. Non. Quoniam sacerdos polluens se fornicatione, sa-
crilegium committit, non contra istud mandatum, sed
contra mandatum de non fornicando. Sic laicus interfici-
ens clericum, sacrilegium facit, non contra istud, sed
contra mandatum de non occidendo. Hic autem loqui-
mur de furtis & rapinis sacrilegis. Nam per eiusmodi vio-
latur hoc mandatum: non de omnibus sacrilegijs.

De furtis Simoniacis.

CAP. XIII.

M.  Ecundò qui mercaturam exercet in beneficijs
Ecclesiasticis, aut Sacramenta, vel verbum Dei,
seu ministerium sacrum sub quæstum ponit, is
vendendo quod non est vendibile, & accipien-

Simonia.

Matth. 10.

do pretium pro eo quod appretiari non potest: imò gra-
tis communicari debet: iuxta illud Saluatoris: Gratis ac-
cepistis, gratis date: is dico graue furtū committit, quod
Simoniam vocamus à Simone mago, qui pecunia vole-
bat sibi emere donum Dei à beato Petro Act. octauo cap.
Quoniam autem Simonia, hoc est, emptio vel venditio
spiritualis rei, ponens sub pretio quod spirituale est, pe-
culiare iniuriam facit Religioni, ideo peccatū est mor-
tale, specie distinctum ab alijs, & vehementer exhorren-
dum. Quo genere furti laborabat Hieroboam promo-
uens quosunque qui implebant ei manum, vt fierent sacer-

sacerdotes excelsorum, prout nunc collatores quidam beneficiorum vendunt beneficia, aliquando pro munere, quo sibi manus implentur. Si numeras, habetis idoneus functione sacra. Si nihil attuleris, ibis Homere foras. Pauli idoneitas nihil: zelus animarum vel qualem Elias habuit, nihil: Hieronymi, Augustini, Chrysostomi opulenta eruditio nihil: nihil, inquam, mouent animum collatoris: tantummodo fuluum ducalis nummi respicitur aurum. Quò mater Ecclesia, quò, pro dolor, angustiarum redacta es. Sed transeo. Fuit olim domus Ieroboam deleta de superficie terræ propter hanc eandem iniquitatem, quam nunc Simoniacam vocamus. Non dubium quin & istos venditores beneficiorum exterminabit Dominus, postquam completa fuerit malitia eorū. Hoc quoque genere furti commaculatus erat Gihezi, furtim accipiens pecuniam & vestimenta duplicata à Naaman Syro pro curatione lepræ: sed & lepra, inquit textus, Naaman adhæsit ipsi & semini eius in sempiternum, in vindictam sceleris. Sunt autem veraciter Gihezitę quicunque pro Sacramentis, aut gratijs curationum, seu ministerio sacro pecuniam accipiunt. Vt autem in hac materia clara casuū emergentium notitia habeatur, tria sunt capita pertractanda secundum Caietanum, videlicet, res spiritualis, emptio vel venditio extrinseca: & rursus emptio vel venditio interior siue mentalis tantum. Quæ capita, quia idē Caietanus pertinenter & dilucidē atque succinctē pertractat, ideo illa suis verbis hīc ascribam, nec quicquam de meo addam. Circa primum caput, nempe quid appellatione rei spiritualis intelligatur in proposito, scito, inquit, hīc appellari rem spiritalem à Spiritu sancto: vt est spiritualis ratio vitæ qua in Christo viuimus, sentimus, intelligimus, & operamur. in cuius signum Simonia vitiū est Ecclesiasticum, non habens locum in prophanis. Sunt

Res spirituales in materia Simonie

Y autem

autem res spiritales multis modis. Vel quia sunt merè spiritales: vt dona Dei gratuita quæ ad vitam Ecclesiæ spectant: virtutes, gratiæ gratis datæ, potestas spiritualis tam ordinis quàm iurisdictionis, sacramentales effectus, ius spiritale quodcunque etiam viuendi ex altari, habendi decimas, beneficia Ecclesiastica, & similia. Vel quia compositæ sunt ex spiritali & corporali, sed formaliter ac principaliter sunt spiritales: vt Sacramenta Ecclesiæ omnia, & similiter sacramentalia: vt consecrationes virginum, benedictiones nubentium: Missæ, orationes vocales, Ecclesiasticus cultus, prædicare, oleum sanctum, chrisma, Ecclesiastica beneficia, & alia huiusmodi. Vel quia compositæ sunt ex spiritali & corporali, sed principale in illis est corporale: vt calices, cruces, officia Ecclesiastica, officium iudicis, doctoris, sacristæ, & economi. Multis igitur modis quum inueniantur res spiritales, notandæ sunt regulæ sex, vt non erretur in istis. Prima regula est. Nulla res spiritualis quatenus spiritualis, est licitè venalis, aut ratio maioris pretij: itaq; ex hac regula habes tria. Primò, q̃ res purè spiritualis nō potest emi aut vèdi. Secūdò, quòd res cōposita ex corporali & spiritali nō potest emi aut vendi ex ea parte qua spiritalis est, quantūcunq; spiritalitas illius sit minima. Tertiò, q̃ si aliqua res cōposita ex spiritali & corporali vèdi aut emi licitè potest (vt calix cōsecratus aut officii docèdi, &c.) nō tamē potest pluris æstimari, nec pluris vèdi aut locari, &c. ratione spiritalitatis, sed solūmodo tātū quantū valet ratione rei corporalis: alioquin Simonia cōmittitur. Secūda regula est. Nulla res cōposita ex spiritali & corporali, sic vt principale illius sit spiritale, potest vèdi vel emi absolute: quia ex quo principale in istis est spiritale, si simpliciter & absolute sub pretio ponitur, intelligitur vèdi spiritale. Vnūquodq; nāq; quū absolute tractatur & iudicatur, intelligitur tractari & iudicari secundū suum

*Regule sex
cōsiderandæ
in materia
Simoniæ.
Prima regu-
la.*

*Secūda re-
gula.*

suū principale: vt quū tractatur de homine, tractatur de homine secūdm q̄ est rationabilis: & quū tractatur de nauī, tractatur de illa secūdm q̄ est quid artificiale: & quū tractatur de Episcopo, tractatur de illo secūdm q̄ est pastor ouīū Christi: & sic de alijs. Et ex hac regula habes, q̄ non licet prædicatori pro prædicatione, sacerdoti pro celebratione, vel pro officio mortuorum, ordinatori pro collatione ordinum, & cæteris similibus pro similibus pacisci, aut quouis modo hæc sub pretio ponere absolute. Tertia regula est. Res quæcunque composita ex spiritali & corporali sic vt principale in illa sit corporale, potest absque Simonix vitio vendi vel emi absolute, nisi ex positio Iure inhibeat. Ratio regulæ est: quia ex eo quod principale est corporale, non intelligitur vendi nisi corporale quum absolute venditur, & seruatur antedictum moderamen, quod non pluri æstimatur ratione spiritualitatis, sed purè tanti venditur, quantum corporalis res valet. Addidi autem, nisi ex positio Iure inhibeat: quia quantūcunque res secūdm se venalis sit, si Iura disponunt ibi interuenire Simoniam, non quia secūdm se sit, sed quia prohibita, oportet parere Iuri: vt de multis officijs canonica Iura sic disponunt: vt sunt cœconi, castaldi, &c. Quarta regula est. Stipendium sustentationis exercentium spiritalia, licitum est velle & accipere, & in articulo necessitatis etiam pacisci. In hac regula dicuntur duo. Primum quod pro sustentatione ministrantium spiritalia, licitum est accipere temporalia. Et hoc satis clarè patet ex doctrina Domini in Euangelio, & Pauli Apostoli. Et ex ratione; quia hoc nō est vendere spiritalia, nec locare operas pro mercede, sed est velle habere necessaria ad vitam corporalem, sine qua non possumus spiritalia exercere. Secundum est, quod in articulo necessitatis licitum est deducere in pactū stipendium

Tertia res

gula.

Quarta res

gula.

sustentationis. Hoc namque articulus necessitatis tunc supplet, quod & iustitia deberet efficere apud populum recipientem spiritalia (quia tenetur sustentare ministros spiritalium) & ad quod superiorum auctoritas deberet cogere populum. Et licet hoc licitum sit: quia tamen habet speciem mali, & prohibitum regulariter est ex iure positio pacisci in huiusmodi, ideo non est faciendum: Habes tamen ex hac regula, quod licitum est cogere ad subuentiones statutas auctoritate superiorum vel consuetudine exhibendas in consecratione Ecclesiarum & virginum, in benedictione nubentium, in visitationibus & alijs huiusmodi: quia hæc in subsidium ministrorum intelliguntur statuta vel consueti: sicut decimæ & prouentus alij Ecclesiastici. Debent tamen prælati & eorum officiales prius exhibere gratis spiritalia hæc, & post cogere ad seruandas laudabiles consuetudines: ne nomen clericorum blasphemetur tanquam auarum, & quasi venalia spiritalia reputans. Quinta est regula. Locare operas suas ad exercitia spiritalia quæ principaliter sunt spiritalia, non est licitum nisi per accidens. Vbi scito quod tribus titulis res qualitercunque spirituales contingit afficere. Primus est, venditionis & emptionis: secundus est sustentationis ministrorum: tertius est, locationis & conductionis non spiritalium, sed operarum suarum. Primus, qui (vt infra declarabitur) comprehendit sub se omnem contractum debiti legalis, est totaliter prohibitus: vt in primis tribus regulis declaratum est. Secundus est secundum se totaliter licitus: vt in quarta regula explanatum est. Tertius autem qui secundum rem species est venditionis & emptionis (quia locare est quoddam vendere, & conducere est quoddam emere) & qui non refertur ad spiritale, nec vt rem locatâ, nec vt rationem locandi, sed refertur ad operas humanas concurrentes ad exercitationem spiritalium,

Tribus titulis afficiuntur res spirituales.

venit

enit in quæstionem, utpote medius. & de ipso dicuntur
 duo in hac regula. Primum est, quod locatio operarum
 non habet per se locum in exercitationibus spiritalibus,
 quæ principaliter sunt spirituales: ut sunt Missæ, prædica-
 tiones, consecrationes virginum, Ecclesiarum, collatio-
 nes Sacramentorum, orationes, & huiusmodi. Et ratio
 in dicta est: quia quum illa quæ sunt secundum suum
 principale spiritalia, tractantur absolutè, intelliguntur
 tractari secundum suum principale quod est spiritale, ac
 per hoc intelligitur locari & conducì spiritale, vel ut res
 conductà, vel ut ratio conducendi: & consequenter ap-
 preciantur opera ex spiritali: quod constat esse Simonia-
 um. Secundum est, quod per accidens, hoc est, propter
 adiunctum vinculum, locum habet in istis locatio ope-
 rarum consueta & approbata ab Ecclesiæ consuetudine.
 Multi enim sacerdotes locant operas suas ad officiandũ
 aliquam Ecclesiam per annum vel menses, toties celebra-
 turi in hebdomada, &c. Quamvis enim non liceat sacer-
 doti locare operam suam ad celebrandum Missam (quia
 hoc esset locare spiritale: quia Missa secundũ suum prin-
 cipale est spiritalis, ut dictum est) licet tamen eidem loca-
 re libertatem suam, contra quam toties debet occupatũ
 se tenere, & impedimentum ab operibus alijs. Et brevi-
 ter tot concurrunt temporalia in istiusmodi annuis, men-
 struis, hebdomadarijs, &c. obligationibus, ut intelliga-
 tur non spiritalem rem aliquam, sed temporalia locari &
 conducì. Sexta regula est. Locatio operarum in illis exer-
 citijs spiritalibus, quæ principaliter sunt corporalia, locũ *Sexta regula*
 habet absque scrupulo conscientiæ: ut patet de officio
 vicarij, sacristæ, iudicis, doctoris etiam in Theologia, &
 alijs huiusmodi, de quibus debentur certa stipendia. Et
 possunt in istis interuenire cõventiones ac pacta de quan-
 titate stipendij: quia de corporali ac venali opere pactio

fit, non de spiritali iustitia, veritate, &c. Et hæc intellige ex parte operarij: ita quòd ille qui in vicarium aut iudicè, &c. petitur, potest locare operas suas ad eiusmodi officia. Et similiter is cuius est dare officium illud, potest illud conducere sub certo stipendio. Et non intelligas hoc ex parte prælati, quasi ipse possit locare huiusmodi officia sub certo pretio: quoniam hoc est vendere officia spiritalia, & est expressè prohibitum, ne prælati committât vices suas sub annuo censu, &c. Circa secundum caput (scilicet extrinsecam emptionem vel venditionem, in qua consistit ipsa Simonia) scito tam emptionem quàm venditionem ex tribus constare: scilicet intentione, conuentione, & exequutione. Ex eo enim quòd humanus actus est, intentionē sui requirit ad hoc vt per se fiat: hoc est, vt intendat quis vendere seu emere. Ex eo verò quòd commutatio voluntaria est, oportet conuenire vtrique de pretio. Nec refert vtrum tūc disceptando conueniāt, an primo verbo conueniant: an sciendo pretium seu mutuum affectum detur, & accipiatur pretium: semper enim interuenit conuentio vel prius statuta, aut scita, aut tunc facta, etiam si subito & imperceptibiliter fiat, & breuiter explicata vel implicita: alioquin resileretur ab altera parte, & non subsequeretur emptio & venditio: vt patet in quotidianis venditionibus & emptionibus. Ex eo autem quòd actus talis exterior ad alterum est, exigitur ad sui consummationem datio & acceptio rei quæ venditur, & pretij: non enim consummata est venditio, nisi detur res quæ venditur: & similiter non est consummata emptio, nisi detur pretium: quia neutrum ab altero consummatè transfertur, nisi tradatur: & similiter neutrum consummatè acquiritur, nisi habeatur. Constat autem per emptionem & venditionem consummatam debere transferrī hinc rem, inde pretiū: & similiter acquiri hinc

pretium, inde rem. Vnde iuxta hæc habeto pro regula,
ad Simoniam quæ ab Ecclesia punitur, exigi duo. Vnum,
ex parte venditoris: scilicet venditionem consummatam
rei spiritualis. Alterum, ex parte emptoris: scilicet conuen-
tionem implicite vel explicitè de pretio, aut traditionem
pretij. Vbi nota quinque. Primo, differentiam partium
penes hoc, quòd ex parte rei spiritualis exigitur actus con-
summatus, ad hoc quòd Ecclesiæ censuris sublit: ex parte
verò pretij non exigitur actus consummatus, ita quòd si
Simoniaca cōuentio inter aliquos sit de ordine, benefi-
cio, sepultura, Missa, &c. pro tali pretio, si ordo, benefi-
cium, & breuiter res spiritualis non datur, etiamsi pecunia
pro pretio fuerit data, non incurritur Simonia subiecta
censuris Ecclesiæ: quamuis incurratur crimen Simonia.
Et ratio est: quia non est consummata venditio rei spiri-
talis, sed inchoata & in mente, & in conuentione. Pœnæ
siquidem restringendæ sunt ad consummatos actus. Se-
cundò, disiunctiuam seu alternatiuam æquiualentem ex
parte pretij penes conuentionem vel traditionem pretij:
ita quòd ex parte emptoris æquipollent pactio vel tradi-
tio pretij, ita quòd licet Simonia punita ab Ecclesia exi-
gat conuentionem seu pactum, si tamen concurrat tradi-
tio pretij, æquipollet conuentioni. Imò (vt melius lo-
quar) inuenitur plusquam pactio: quia ipsa traditio pre-
tij claudit in se conuentionem, vtpote consummatio il-
lius. Nam consummata emptio conuentionem explicitā
vel implicitam adimplet. Et propterea non fallaris inspi-
ciendo solum ad pacta explicita: sed intueri si interuenit
solutio seu traditio pretij, & perspice pessimā ibi Simo-
niam. Tertiò formalem loquutionem de pretio. Quum
enim dicimus traditionem pretij includere pactiōem,
loquimur de pretio in quantum pretium: hoc est, sub ra-
tione pretij. Potest siquidem multis modis tradi aliquod

*Simoniam vt
fit puniēda
ab Ecclesia
duo requir-
rit.*

*Quinq; no-
tanda.
Primò.*

Secundò.

Tertiò.

temporale: scilicet vel per modum liberalis doni, vel per modum sustentationis, vel per modum reuerentiæ, vel per modum oblationis, vel per modum debiti ex lege aut laudabili consuetudine, vel per modum pretij. Et hoc solo vltimo modo vocatur pretium, & vocatur traditio pretij.

Quartò. Nota qui timoratam habes conscientiam, quòd licet sacerdos minus benefaciat exigendo id quod secundum laudabilem consuetudinem solet dari, si autem collationem spiritualium exigat, aut si negat aut differt spiritualium collationem vt illud habeat, non tamen propterea Simoniacam iudices: quoniam si vt conseruet se indemnem, cognoscens præcipuè quod postea oportebit illum litigare, hoc facit, Simoniacus non est secundum rem: quia, non vendit spiritale. Nec huiusmodi exactio inducit modum pretij, quoniam non mutat modum debiti: quamuis speciem quasi Simonie habeat huiusmodi præuentio & castella: & propterea reprehenditur.

Quintò. Quintò, nota quòd triplex muneris genus, scilicet à manu: vt pecunia & alia bona mobilia, vel immobilia: ab obsequio: vt seruitia. & à lingua, vt laus, adulatio, preces, &c. ad hoc vt Simoniam ab Ecclesia punitam constituat, exigitur quòd pretij rationem habeat: alioquin ad venditionem spiritalem non spectabit vt emptio. Et propterea si laus, adulatio, preces, &c. non nisi per modum laudis, per modum adulationis, per modum precum concurrunt, quantumcunque sint nephariæ & carnales, ac pro indigno, & efficaces ita quòd inducant prælatum ad dandum beneficium, ad conferendum ordinem, &c. Simonia verè & propriè non incurritur, quamuis crimen aliud incurratur: quia nulla est hinc venditio, aut emptio nisi mentalis, si intentio adulantis aut prælati est adulationem vt pretium ponere, & sic de alijs. Circa tertium caput (scilicet emptionem seu venditionem mentalem)

scito

scito Simoniam mentalem cōsistere in intentione pretij: *Simoniam mē*
 ita quòd ex hoc ipso quod homo intendit sub pretio po- *talis.*
 nere siue emendo, siue vendendo rem spiritalem, aut vt
 venalem rem, aut vt rationem appretian- di, Simoniam men-
 talem incurrit. Et hoc est quandocunque intendit pro
 spiritalibus temporalia habere aut econtrariò, ita quòd
 vocula Pro, pretium denotet: & similiter quandocun-
 que principalis intentio ad temporale habendum ex col-
 latione spiritalis aut econtrariò tendit. Qui enim tempo-
 ralia ex spiritalibus intendit nō vt pretium, sed vt susten-
 tationem necessariam ministrorum Ecclesiæ liberaliter
 seu eleemosynaliter, aut statutam seu laudabiliter consue-
 tam, Simoniam mentalem non incurrit. Et similiter eco-
 trariò qui ex temporalibus spiritalia intendit, non vt ex
 pretio debita, sed vt ex his excitata, aut prouocata, aut
 expedita (vt contingit in eleemosynis, oblationibus, lega-
 tis, & quasi stipendijs sacerdotum & orantium ac prædi-
 cantium, & in seruitijs honestis, quæ prælatis exhiben-
 tur, & alijs huiusmodi) Simonia nulla in animo est: quia
 gratis dandum spiritale expectatur, & temporalia non
 vt pretium intenduntur. Potest autem mentalis Simonia
 tripliciter inueniri. Primò, ex eo quòd in solo actu inte-
 riori consistit: vt sicut homicidium mentale est delibera-
 tus animus occidendi: ita Simonia mentalis sit deliberata
 voluntas emendi vel vendendi rem spiritalem. Secundò,
 ex eo quòd exterius imperata latet intus: vt quum aliquis
 seruit aut munus offert pro spiritali consequendo, vel
 econtrariò spiritale dat pro temporali consequendo, nō
 tamen declarat prauam suam intentionem, scilicet quòd
 intentione emendi seu vendendi hoc facit. Est siquidem
 tunc Simonia non solùm intus, sed in exteriori actu im-
 perata & exercita, sed latente intus venenoso semine: &
 propterea inter mentales Simonias locatur. Tertiò, ex eo

*Simoniam mē-
 talis tripli-
 citer inue-
 nitur in ho-
 mine.*

*Primò.
 Secundò.*

Tertiò.

quòd non est consummata ex parte rei spiritalis, vt quì conueniunt simoniacè aliqui, & postmodum aut pœnitentia ducti, aut propter impotentiam aut quamuis aliã causam receditur à pacto, & breuiter, non mandatur exequutioni promissum spiritale. Hæc etiam Simonia quòd ad crimen; non mentalis, sed exterior est, sed quòd ad pœnas censurarum inter mentales collocatur: quia non est Simonia consummata. Quòd si pecunia in hoc casu vt pretium recepta fuisset, restituenda proculdubio esset. Et quamuis prima facie appareat quòd danda esset Ecclesiæ, & non emptori, quia datio fuit contra legem, rationi tamen magis consonat, vt reddatur illi qui dedit, vtpote adhuc ipsius: quia non plenè abdicata ab eo intelligitur pendente consummatione contractus Simoniacæ emptionis & venditionis: vt sic & pœnæ Simoniæ non amplientur, sed restringantur ad consummatam Simoniam: & fides naturalis qua venditor receptum ab emptore pretium tenetur illi, si non sequitur exequutio venditionis restituere seruetur: quasi perfidus namque haberetur si promissum spiritale non daret, nec acceptum pretium redderet, sub Ecclesiæ vel pauperum obtentu. Et hoc intellige quantum est ex parte illius qui accepit: nam si auctoritas iudicis interueniret, nò crederem ei restituendam, sed in pœnam ab illo tollendam, & pro Christi honore exponendam. Aduerte Simoniacos non teneri ad resignationem tam spiritualium quàm temporalium, quæ nullo pacto, sed affectu animi præcedente vtrunque acquiruntur: quoniam pro huiusmodi Simonia sufficit delinquentibus per solam poenitentiam suo satisfacere creatori. Textus est clarus & vniuersalis ac vniuersaliter intelligendus. extra de Simonia cap. vlti. Et hinc habes vnde infinitas quæstiones de seruitoribus, de precibus carnalibus; &c. soluas: quia hinc clarè patet non teneri ad
resi-

resignationem beneficiorum sic adeptorum absque pacto, aliquo, nulla facta differentia inter manū, obsequiū, linguam, & quicquid aliud temporale interuenire potest, & similiter nulla facta differentia spiritualium. Hucusque Caietanus. Quæ inserta voluimus, vt ex illis possis & instructionem & consolationem timoræ conscientia, vbi casus circa hanc materiam se ingerunt ad manum habere.

De plagarijs, peculatoribus, abigeis, institoribus. CAP. XIII.

PLagarij vocantur qui abducunt mancipia vel *Plagarij.*
 alienas proles, quorum meminit Apostolus ad *1. Timot. 1.*
 Timotheum. Peculatores qui suppilant de æ- *Peculato-*
 rario publico. Institores illi qui iniquo ponde- *res.*
 re, vel fallaci mensura emptorem circumueniunt, habentes in sacculis suis diuersa pondera, maius & minus, contra legem præcipientem, Nolite facere iniquum aliquid *Leuit. 19.*
 in regula, in pondere, in mensura. Statera iusta, & æqua sint, pondera, iustus modius, æquusque sextarius. Nam pondus & pondus, mensura & mensura, inquit Sapiens, vtrunque abominabile est apud Dominum. Ad eandē *Prover. 20.*
 iniquitatem accedunt, qui extrudunt merces, vendentes non quanti valent, sed quanti possunt, addentes fucos quantum possunt, occultantes vitium rei quantum possunt, speciosis verbis, aliquando mendacijs, nonnunquā diris iurationibus & imprecationibus inescātes emptorē, quantum possunt. Ad quos pertinet illud Amos prophetæ cap. 8. Audite hoc, qui conteritis pauperem, & deficere facitis egenos terræ, &c. Oenopolæ illi qui aquā *Oenopolæ.*
 sulphuratam, vel lixiuium, siue pomorum succum, pro vino vendunt. Impostores qui fucata vendunt pro veris: *Impostores*
 vt qui fictitias gemmas pro natiuis obtrudunt. Quo etiā *Adulterantes monetā.*
 pertinent qui adulterant monetam publicam, supponen-
 tes

Calumniatores.

tes falsam pecuniam pro vera. Calumniatores sunt qui calumniam struunt simplicibus, quod haud infrequenter contingit in fraudulentis litibus, aliisue commentis, quibus contendunt euertere ius pauperum, orphanorum, viduarum & similibus, aut saltem impedire. Super quibus Ezechiel Dominum loquentem facit in hæc verba:

Ezech. 22.

Populi terræ calumniabantur calumniam, rapiebant violenter egenum, & pauperem affligebant, & aduenam opprimebant calumnia absque iudicio. Et effudi super eos indignationem meam. Simile est, Zacha. 7. Prouerb. 22.

Iniquitas iudicij pertinet ad calumniam.

Ecclesiast. 4. Huc pertinet iniquitas iudicij, aduocatorum, procuratorum, scribarum, quorum vel cupiditate vel inscitia, vel negligentia, citati aut citantes pro iusto quod quærebant, referunt iniustum, quod non oportebat, cum iactura rerum suarum. Quod enim detestetur Deus horum malignitatem, patet Esai. 1. 3. Ierem. 5. Mich. 3. Sopho. 3. & alijs in locis. Nec solum peccant qui faciunt, sed & qui consentiunt facientibus, aut non impediunt, cum ex officio impedire teneantur: ut Principes & Episcopi, qui pretio, vel præte, aut rerum cupiditate corrupti instituunt pro officialibus suis, seu ministris iustitiæ, viros iniquitatis, homines nequam, indoctos, temerarios, quorum oculi nusquam non pendent ad munera. Non enim grandis est differentia, facias per te, an alium instituas in tuum locum, qui facit te id verisimiliter præsciente, & non præcauente. Longè aliud consilium dedit Iethro Moyfi genero suo dicens: Sed audi verba mea. Prouide de omni plebe viros sapientes & timentes Deum, in quibus sit veritas, & qui oderunt auaritiam, & constitue ex eis tribunos & centuriones, & quinquagenarios, & decanos, qui iudicent populum omni tempore. Quicquid autem maius fuerit, referant ad te: Ah quam multorum furtorum rei sunt, qui venditis tribunalibus & officijs,

Exod. 18.

ficijs, faciunt ministerium iustitiæ, esse prorsus quæstuarium ne peius dicam. Terribiliter pronunciat Scriptura, & contra instituentes, & contra institutos, dicens: Si læseritis viduam & pupillum, vociferabuntur ad me, & ego audiam clamorem eorum, & indignabitur furor meus, percutiam quæ vos gladio, &c. Esaias quoque vix horrendum comminatur ijs qui condunt leges iniquas, & scribentes iniustitiam scripserunt, vt opprimerent in iudicio pauperes, & vim facerent causæ humilium: vt essent viduæ prædæ eorum, & pupillos diriperent. Item, Qui calumniatur, inquit Sapiens, pauperem, vt augeat diuitias suas, dabit ipse ditiori & egebit. Item alio loco, Si videris calumnias egenorum, & violenta iudicia, & subuerti iustitiam in prouincia, non mireris super hoc negotio: quia excelso excelsior est alius. Illi autem qui fraudant mercedem operariorum, peccant contra hoc mandatum adeo enormiter, vt peccatum eorum clamet vindictam in cælum, dicente Apostolo Iacobo: Ecce merces operariorum, qui messuerunt regiones vestras, quæ fraudata est à vobis clamat, & clamor eorum in aures Domini Sabaoth introiuit. Hinc monet Moyses in Leuitico, dicens: Non morabitur opus mercenarij tui apud te vsque mane. Nihilominus peccat ex diuerso & operarius contra hoc mandatum, qui aut non præstat quod pollicetur, & præstare debet, aut infideliter præstat, ad oculum seruiens: præsentem quidem domino faciens debitum, absente verò eodem agens otium magis quam rem domini. Quos monet Apostolus loquens ad genus seruorum: Serui, inquit, obedite dominis carnalibus cum timore & tremore, in simplicitate cordis vestri, sicut Christo, non ad oculum seruientes, &c. Eiusmodi operarij ac serui accipientes integram mercedem, & ipsi inter fures meritò poni debent.

Exod. 22.

Esai. 10.

Prouer. 22.

Eccles. 5.

Fraudantes
mercedem
operariorum
Iacob. 5.

Leuit. 19.
Operarij ac
serui infide-
liter labora-
tes.

Ephes. 6.

De usurarijs.

CAP. XV.

Deni.

M.
Vfurarij.



Enique vsurarij sunt qui specie pietatis, hoc est, mutui (nam mutuum pietas est nō modica) iniustitias exercent & rapinas accipientes vltra sortem mutuatam.

D. Quid propriè est vsura?

M. Hoc ipsum quod vltra sortem, id est, vltra id quod mutuatum est, accipitur. Concilium Agathèse sic definit, vsura est vbi amplius requiritur quàm quod datur, verbi gratia, Si solidos decem dederis, & amplius quæsieris: vel, si dederis mutuo frumenti modium vnum, & supra aliquid exegeris, vsura est.

D. Non igitur vsura solùm committitur in pecunia.

M. Imò & in alijs rebus dicente B. Hierony. Putant quidam vsuram tantùm esse in pecunia. Quod præuidēs Scriptura diuina, omni rei aufert superabundantiam, vt plus nō recipias, quàm dedisti. Solent in agris frumenti & milij, vini & olei, cæterarumque specierum vsuræ exigi: siue vt appellat sermo diuinus, abundantia: verbi gratia: vt hyemis tempore demus decem modios: & in messe recipiamus quindecim, hoc est amplius partē mediam. Qui iustissimum se putauerit, quartam plus accipiet portionem, & solent argumentari ac dicere. Dedi vnum modium, qui satus, fecit decem modios. Nōne iustum est, vt medium modium de meo, plus accipiam, cū ille mea liberalitate nouem & semis de meo habeat?

Gal. 6: Nolite errare, inquit Apostolus, Deus non irridetur. Ambro. lib. Hucusque Hieronymus. Plerique restringentes præcepta legis, cū dederint pecuniam negotiatoribus, non in pecunia vsuras exigunt, sed de mercibus eorum, tanquam vsurarum emolumenta percipiunt. Ideo audiant quid lex dicat: Neque, inquit, vsuram escarum accipies, neque omnium rerum. Esca vsura est, vestis vsura est, & quodcūque accedit sorti vsura est: & quod velis nomen

ei imponas, usura est, siue vinum, siue oleum, siue triticum, siue quodlibet aliud, si plus quàm dederis expectes, *August. sua per Psal. 36.* fœnerator es. Quibus addit diuus Hierony. dicens: Alij pro pecunia fœnerata solent munuscula accipere diuersi generis, & non intelligunt vsuram appellari & superabundantiam, quicquid illud est, si ab eo quod dederint, plus acceperint. Hoc tamè intellige quasi ex mutuo siue pro mutuo. Nam Euangelium dicit, Nihil inde sperantes, inde, id est, ex ipso mutuo. *Luc. 6.*

D. Verum, an vsipiam Scriptura sancta, & lex naturæ prohibeant vsuram?

M. Planè & expressè. Nam Exodi. 22. sic habetur. Si pecuniam mutuam dederis populo meo pauperi, qui habitat tecum, non vrgebis eum quasi exactor, nec vsuris opprimes. Sic Leuit. 25. Pecuniam tuam non dabis ad vsuram, & frugum superabundantiā nō exiges. Simile Deute. 23. Eze. 18. & 22. Psal. 14. Sic quoque mādāt Saluator Luc. 6: Si mutuum dederitis his à quibus speratis recipere: quæ gratia est vobis? Nā & peccatores peccatoribus fœnerantur, vt recipiant æqualia: veruntamen mutuum date nihil inde sperantes. Addit his Philosophus naturali ratione ductus. Politic. 1. dicens: Usuraria acquisitio pecuniæ est maximè præter naturam: siquidem accipere vsuram pro mutuata pecunia, secundum se iniustum est.

D. Hanc certè iniustitiam necdum perspicio. Etenim *Obiectio.* domum meam trado alij, & ultra sortem, hoc est, ultra domum mutuatam, accipio pretium annuæ locationis: quare igitur non possum pecuniam meam mutuare, & ultra sortem mutuatam aliquid lucri exigere?

M. Hoc loco animaduertere oportet, quasdam esse res *Solutio.* quarum vsus est ipsarum consumptio, vt vinum, triticū, butyrum, lac, aliaque commestibilia, quæ ipso vsu consumuntur: in eiusmodi sanè rebus non debet seorsum *Distinctio rerū ē quæ pēdet notitia vsuræ.*

computari vsus rei à re ipsa, sed cuicunque conceditur vsus, conceditur & res, & e contrario: adeoque in eiusmodi per mutuum transit dominium rei: si quis ergo seorsum vellet vendere & vinum & vsum vini, is aut bis venderet idem, aut id venderet quod non est, nempe vsum vini ab ipso vino distinctum, quod manifestè est iniquum & iniustum. Ex quo faciliè est intelligere vsuram committi, quando quis mutuatur vinum, aut triticum, petens sibi duas recompensationes: vnam quidem restitutionem æqualis rei, modium pro modio, cantharum vini pro cantharo: alteram verò, pretium vsus: quod iniustum est. Quoniam vsus quo res consumitur, indistinctus à re haberi debet. Simile est de pecunia. Nam secundum Philosophum. 5. Ethicorum, & 1. Politicorum, Pecunia principaliter inuenta est ad commutationes faciendas: & ita proprius ac principalis vsus pecuniæ, est ipsius distractio, secundum quod expenditur in commercijs. Quapropter secundum se iniustum est accipere pro vsu pecuniæ mutuatæ, pretium, quod vsura dicitur. Et sicut alia iniuste acquisita restituere oportet: ita vsuram, hoc est, quod ultra sortem mutuata, acceptum est, restituere debemus. Quædam verò sunt res quarum vsus cum re manet, distinctus à re, & seorsum pretio æstimabilis. Et potest vtrumque seorsum vendi, aut locari, aut concedi. Exempli gratia: Cum quis vendit alteri domum, reseruato sibi vsu eiusdem domus ad tempus, aut cum quis concedit siue locat alteri vsum domus, reseruato sibi dominio eiusdem, estque vsus domus, hoc est, inhabitatio valde utilis ac pretio æstimabilis, uti constat omnium hominum iudicio, profectò in eiusmodi rebus potest quis citra iniquitatem concedere alteri domum suam, & ultra domum exigere pretium annuæ locationis. Iam, credo, intelligis quæstionis tuæ solutionem.

D. In-

P: Intelligo. Verùm subinde audio pastores animarum valde molestari casibus vsurarum, maximè earum quas rectas siue coloratas vocant: in quibus facile falsum pro vero, aut verum pro falso iudicari potest. Precor igitur obnixè, vt me paulò fusiùs instruas super eiusmodi, ne fortè & ego ad curam animarum missus, incidam in laqueum Diaboli.

N: Sint igitur tibi pro indubitatis regulis ea, quæ tradi- *Regule pro*
dit doctus Caietanus in sua summula vitiorum, sub hoc *vsuris con-*
velut præambulo, Ad lucrum vsurarium requiruntur *gnoscentis.*
& sufficiunt duæ conditiones. Quarum prior est, vt id *Primū præ-*
quod vltra sortem accipitur, sit aliquid pecunia æstima- *ambulus Cai-*
bile. Posterior verò, est, quòd non sit suum. Cui subiun- *ietani.*
git certos casus, ex quibus collegimus subsequentes regu-
las, quibus casus occurrentes in eiusmodi materia quàm
facilimè dinosci possunt, seruatis serè eisdem Caietani
verbis. Quarum regularum Prima est ista, Si quis mu- *Primæ regu-*
tuat ad hoc, vt ille sit sibi amicus, non est vsura: quia *la.*
amicitia non est pecunia æstimabilis: nulla tamen potest
hîc conuentio ciuilis interuenire: quia amicitia res est cui
repugnat obligatio ciuilis. Est enim interior amor spon-
taneus: obligatum autem ciuilitè est necessitati subiectû:
ita quòd velit nolit teneatur exhibere illud. Vnde ridi-
cula esset obligatio ciuilis ad amicitiam, quæ pecunia æsti-
mari non potest. Secunda regula est, Si quis mutuat vt *Secunda re-*
redhibeat suum quod est apud petentem mutuum, quo- *gula.*
modolibet occupatum aut detentum, non est vsura: quia
nihil lucratur, sed suum recuperat. Tertia regula, Si quis *Tertia re-*
mutuat, vt redimat vexationem suam, nō est vsura: quia *gula.*
nihil lucratur, sed quod suum est seruat: vt si quis mu-
tuat alicui comminâtû sibi aut suis, vt mutuando exuat se
à multis sumptibus, quos oporteret ad sui tutelam face-
re, & sic de qualibet alia redemptione vexationis suæ.

Quarta regula. Quarta regula, Si quis mutuando deducit in pactum, vt soluatur sibi vltra sortem suum interesse, quod incurrit ex mutuo. Verbi gratia, quia accepit sub vsuris vt mutuet illi, vel quia minoris vendit rem suam, vt habeat pecuniã quam illi mutuet, & sic de similibus. Nulla siquidem hîc interuenit vsura, quia nullum est lucrum ex mutuo, sed sola vitatio proprii damni. Decet enim mutuantem seruare se indemnem, & hoc quoad damnum emergens.

Quinta regula. Quinta regula est, Si quis pecuniam quam veraciter parata iam negotiatione esset expositurus, mutuet petenti, deducens in pactum, vt vltra sortẽ sibi persoluatur damnum lucri cessantis, non est vsura, si duæ conditiones adsint: Prior est, quòd mutuans ex hoc mutuo impediatur verè à lucro, quod tunc in certa expectatione erat. Quoniam si mutuans habet aliam pecuniã præter mutuatam, qua posset sibi in eadem negotiatione lucrifacere, iam nõ impeditur ex mutuo à lucro. Posterior est, quòd non totum lucrum speratum ex illa negotiatione deducatur in pactum: quia lucrum in potentia, nondum est, & potest multipliciter impediri, ac per hoc nõ valet tantum quantum si esset in actu. Et propterea si exolueretur totum, solueretur plus quàm debet solui. Vnde potest aliqua pars lucri cessantis ad arbitriũ boni viri taxari, vt sit contractus licitus. De quo diffusè videre poteris Commentaria eiusdem Caietani super secundam secundæ, quæst. 78. art. 2. ad primum. & hoc quoad damnum lucri cessantis.

Sexta regula. Sexta regula, Si quis mutuatur alicui ex pacto, vt remuneretur sibi quando ipse indigebit, vsura est: quia obligatio ista pro quanto est ciuilis, est pecunia æstimabilis. Quãuis enim accipiens mutuum teneatur ex debito morali ad remutuandum, quando opus erit, & poterit, non tenetur tamen ex debito ciuili, quale debitum oritur ex pacto. Vnde quum obligatio ista sit pecunia æstimabilis, nõ potest

potest ex mutuo in lucrum duci absque usura. Septima *Septima regula.*
 regula est, Si quis mutuatur sub pacto, ut veniat ad molen-
 dum in mola sua, aut ad emendum ab officina sua, aut
 aliquid eiusmodi, usura est, quia obligatio ista ad molen-
 dum in hac mola, ad emendum ab isto, & huiusmodi,
 vendibilis est: & ideo non licet ex mutuo, hoc lucrum
 alienae obligationis reportare. Octava regula similis est *Octava re-*
 isti. Si quis mutuatur alicui domino temporali sub pacto, ut *gula.*
 concedat sibi officium praetoris, vel aliquod aliud offi-
 cium, usura est: quia concessio ista vendibilis est. Et pro-
 pterea, non licet ex mutuo lucrum talis concessionis exi-
 gere. Discerne tamen in his proximis regulis duo lucra,
 alterum usurarium, & alterum licitum. Nam usurarium
 lucrum est, obligatio ad remutuandum, obligatio ad mo-
 lendum in hac mola, obligatio ad emendum ab hac offi-
 cina, obligatio ad concedendum tale officium, & sic de
 similibus. Licitum verò lucrum, est merces debita pro
 mola, pretium rerum venditarum, stipendia ac prouen-
 tus officij, & sic de similibus: quia ista lucra non sunt ex
 mutuo, sed alijs contractibus, seruitijs, industrijs, operis,
 officijs, &c. Et propterea ex huiusmodi usuris non tene-
 tur, qui sic mutuauit, ad restituendum mercedem mola-
 rum, pretium venditarum rerum, stipendia prouentusque of-
 ficij, & similia. sed tamen ultra poenitentiam de peccato
 usurae tenetur primò ad relaxandum vinculum obliga-
 tionis de continuanda mola aut officina, de continuanda
 manutenentia in officio. quia huiusmodi obligatio,
 est lucrum usurarium: secundò ad recompensandum illi
 pro dicta obligatione, quae vendibilis erat, quamuis ipse
 nolisset vendere eam. Ad arbitrium autem boni viri
 spectat, determinare, quantum pro huiusmodi obliga-
 tione restituendum sit: ut satisfiat secundum aequalitatem
 iustitiae. Nona regula, Si quis mutuatur domino vel com-
 muni.

munificatio pacto, vt donec restituatur sibi mutuatum, non soluat gabellas, vsura est: quia ex mutuo lucrum reportat exemptionis, à debita solutione gabellarum. Constat autem quòd hæc exemptio pecunia æstimabilis est, & tenetur iste ad restitutionem communitati seu domino gabellarum de toto retento quod soluere debuisset:

Decima regula.

quia lucrum vsurariū est. Decima regula, Si quis mutuatur alicui centum ea ratione vt emat à mutuante, quædam sua iura desperata, aut inutilia, aut agrum sterilem, aut aliquid huiusmodi, vsura est pessima: tum quia mutuū damnum infert proximo annexæ malæ exemptionis: tum quia etiam si res quæ venales proponuntur, essent vtilis valde, tamē contra naturam contractus mutui est, quòd is cui mutuatur obligetur ciuilitè ad emendum, seu

Vndecima regula.

quodlibet aliud, vt dictum est. Vndecima regula, Si quis mutuatur super pignore, ea ratione vt habeat tres pro centenario, non quasi lucrum ex mutuo, sed quasi subsidiū ac stipendium necessarium ad custodiam pignorum, & excussionem siue purgationem eorundem pignorum, aut alia huiusmodi, vsura est: quoniam in veritate iste non mutuaret, nisi lucra hæc ex hoc quod mutuatur, expectaret. Ex hoc tamen non sequitur errare illos qui pignora onerosa bona fide accipientes, volunt indemnes se seruare. Sicut enim non debent ex pignore fieri locupletiores, ita nec pauperiores: & sicut fructus pignoris sunt computandi in sortem, ita expensæ qualitati pignoris annexæ, imputandæ sunt domino pignoris. Duodecima regula

Duodecima regula.

est, Si quis mutuatur alicui nauiganti mille, ea ratione vt cum ipso eodem mutuante fiat contractus assècurationis dictorum mille, soluendo eidem mutuanti tot pro centenario, vsura est: vera quidem, quia mutuans ultra sortē vult obligationem ad subeundum contractum assècurationis: præsumpta autem, quia mutuuum ad hoc lucrum

ten-

tendere videtur, & ideo damnatur in cap. Nauiganti de
 vsuris. Secundo ponit idem Caietanus velut præambu- *Secundum
 præambulū
 Caietani.*
 lum quoddam, Vsuram esse lucrum vsurarium ex mu-
 tuo, non aliunde. Et ideo si quis non mutuatur, sed accom-
 modat seu locat, aut vendit pecuniam, cum pacto recipiē-
 di aliquid plus, non est vsura, sed liciti sunt huiusmodi
 contractus, dummodo pacta sunt moderata iuxta quali-
 tatem temporum, &c. Similiter si aliunde quàm ex mu- *Aliæ regu-
 le ex alijs
 præsupposi-
 tis.*
 tuo superueniat, quo præsupposito, sunt regulæ istæ, *Prima regu-
 la.*
 ex quibus inuenies claram explicationem plurium casuum.
 Prima est, Si quis accommodat pecuniam alicui ad ostenta-
 tionem faciendam (vt nummularij soliti sunt monstrare
 publicè, quasi aceruos nummorum & aureorum) & ex-
 inde vult sibi lucrum aliquod, non est vsura: quia non
 ex mutuo, sed quasi ex locatione lucrum habet. Secunda *Secunda regu-
 la.*
 est similis, Si quis locat nummos aureos ad ponendum
 in balneo, vel potione aliqua medica aut alia, accipiens
 inde, moderatum lucrum, non est vsura. Tertia, Si quis *Tertia regu-
 la.*
 nummos aureos vendit pro argenteis, & inde moderatū
 lucrum exigit, nulla est vsura, & ratio horum & similiū
 est: Quia pecunia ex istis contractibus non mutuatur,
 sed quasi res quædam accommodatur, locatur, venditur:
 sicut licitè in similibus casibus, aurum non monetatum,
 gemmæ, iocalia, & alia huiusmodi, possent accommo-
 dari, locari aut vendi cū honesto lucro. Quarta est, Cū *Quarta regu-
 la.*
 lucrum venit ex mora debitorum, ita quod postquam
 debitor non soluit tempore debito, potest creditor duo
 lucrari, scilicet pœnam conuentionalem, & aliquid pro
 interesse tam damni emergentis quàm lucri cessantis.
 Nullum siquidem excrementum huiusmodi est vsura-
 rium: quia non ex mutuo prouenit, sed ex mora debito-
 ris. Et hoc intellige, si & quamdiu contra voluntatem
 creditoris contracta est, & durat mora. Nam si creditor

prorogasset terminum, aut esset contentus de mora continuanda, usura esset: quia tum ex mutui continuatione seu conseruatione lucrum proueniret, & non ex mora. Non enim est in mora, qui consentiente creditore moratur, sed solus qui inuito creditore differt solutionem. Et hæc dicta sunt de usura ex mutuo explicitè.

De usuris quæ implicitè & clanculum committuntur. CAP. XVI.

M.



E usura autem consurgente ex mutuo implicitè, hoc est, ex interpretato mutuo, quale nunquam reperitur in contractibus emptionis & venditionis, has habeto regulas. Prima est,

*Regula cō
siderandæ
circa usu-
ras implici-
tas.
Prima regu-
la.*

Si quis vendendo pluris, non pio & moderato, sed rigoro pretio vendit, quia expectat tempus quo sibi soluendum est, usuram committit: quia quasi mutuum est expectatio temporis. Quando autem venditor seruaturus erat res in aliud tempus vendendas, potest (vt suprà dictum est) vendere pluris quàm nunc valent, iuxta ambiguum verisimile pretium futuri temporis. Et similiter si quis expectans tempus futuræ solutionis, vendit pluris iuxta verisimile medium, seu dubium pretium tempore solutionis futurum, excusatur: vt si piper nunc valet sex, & in Iulio creditur valiturum octo: si vendo nunc pro octo soluendis in Iulio, excusor à Decretali cap. in ciuitate, tanquam emptio non consummata intelligatur vsque ad Iulium, quo emptio erit in opere, quæ nunc est in solo contractu: quasi venditio cum correspondente sibi emptione nunc inchoetur, & in Iulio consummetur.

*Secundæ re-
gula.*

Secunda regula est, Si quis emit minoris, quàm res reuera valeat, ex eo quòd nunc promptum pretium numerat, usura est: quia ex tempore pecuniæ solutæ plus habet, quàm pecunia valeat. Tertia regula, Si quis debitor alicuius ad annum, minus soluit nunc, quia anticipat so-

*Tertiæ re-
gula.*

lutio-

lutionem (vt si debet centum, det nunc octoginta pro tota summa) sine dubio vsura est: quia ex tempore solutionis anticipato, lucrum reportat. *Quarta regula.* Si quis emendo frumentum assignandum sibi tempore collectionis frugum, quia prius dat pecuniam, minoris emit quàm æstimetur honestum pretium: tempore assignationis frugum, vsura est manifesta, ex supradicta radice. *Quinta regula.* Si quis emit minoris iusto pretio, cum pacto de retrouendendo, interim quasi locans venditori, & recipiens ad rationem quinque pro centum pretij dati, vsura est: quia nō est ibi vera emptio, sed mutuum palliatum sub dictis contractibus. Quod patet ex eo quod emitur lōgè minoris, quàm sit iustum pretium. Secus autem esset, si super domo vel agro constitueretur perpetuus census ad rationem tot pro centenario, iuxta patriæ morem, cum pacto quod possit debitor census se liberare: quoniam contractus iste determinatus, est licitus per sedem Apostolicam. *Sexta regula.* Si quis pecunias suas dat artificii seu nummulario volens capitale sibi saluum, & tantum lucri absolute: etiam si verisimile aut certum sit quod nummularius seu artifex multo plus inde lucrabitur, vsura est, non societas, nec innominatus (quem vocant) contractus: quia capitali saluo, statatur lucro, & non damno, & quasi ex mutuo lucrum expectatur. *Septima regula.* Si quis emit rem non extantem tanquam extantē putā agrum, domum, vel argentum, & locat venditori vt det quasi pretium locationis, seu censum singulis annis tot aureos, vsura est, cum sint contractus ficti ad palliationem mutui & vsuræ. *Octaua regula.* Si quis Romæ pecunijs egens accipit à nummulario mille aureos ad rationem cambij pro Lugduno, & tamen Romæ reddendi sunt, vsura est quia cambium est fictum ad palliandum mutuum sub vsura. *Nona regula.*

similis est, Si quis cum egēte pecunijs, palliat multos contractus simul latos: puta dicit se vendere tot pannos mille aureis reddendis octauo mense, & se emere ab eadem pro octingentis aureis nunc soluendis, & sic dat nunc octingentos, & fit contractus pro mille hinc ad octo mēses, vsura est palliata sub multis contractibus. Nec excusatur ex eo quod ipse non est deterioris conditionis quā alter, qui emeret illos pannos pro octingentis, tum quia interuenit pactum de retrouendendo sibi, perdendo ducentos, quod non interuenit cum alio, tum quia iste in veritate non venderet illi, nisi propter hoc lucrum. Hæc fili de vsuris dicta sufficiunt, ad cognoscendum quis ex hac parte peccat contra hoc mandatum. Nam omnis qui vsuram facit ex mutuo, furtum committit, estque transgressor huius mandati.

D. Et qui ad vsuram accipit (vt faciunt multi) an is quoque, reus sit huius mandati?

M. Non, quia non facit iniustum, sed patitur, & id quidem inuitus, quare magis miser dicendus est quā iniquus: quia necessitate compulsus facit dispendium rerū suarum: nihil autem aufert non suum.


D. Esto. Attamen consentit facientibus iniustum, quia petit & accipit mutuum ad vsuram.

M. Consentit quidem in mutuum: hoc enim petit, hoc vult, ad hoc inducit, quod meræ pietatis opus est: Vsurā verò siue id quod vltra sortem cogitur soluere, non vult aut eligit, sed patitur, necessitate compulsus, dolens & quod ille non vult absque vsura mutuare, & quod ipse non potest habere mutuum absque rerum suarum damno. Quapropter non consentit iniquitati alterius, sed patitur illam, vtens ea ad subleuandam propriam necessitatem aut indigentiam, dum sic rerum suarum status exponat. Nam si absque rationabili causa peteret ad vsurā,

*Petere ad
vsuram non
est consen-
tire in pec-
catum.*

iam non omnino esset sine culpa. Tu interim diligenter obserua, aliud esse petere mutuum ad vsuram, aliud inducere hominem ad faciendam vsuram. Primum enim, nullum sonat peccatum, vt dictum est: & ideo ex causa rationabili licet. Secundum autem semper est peccatum mortale. Nulla enim necessitate excusatur à peccato mortali, qui inducit per se (hoc est, ex intentione) quempiam ad peccandum mortaliter, dicente Apostolo: Digni sunt Rom. I. morte, non solum qui faciunt, sed etiam qui consentiunt facientibus. Minus autem est consentire quàm inducere. Et propterea dicitur, & quidem bene, quòd licitum est Licitum est mutuum accipere sub vsura, à parato vsuram facere: non accipere autem ab imparato, eò quòd nō licet inducere ad facien- vsurā à pa- dum malum, quamuis liceat, vti iniquitate parati, hoc rato, &c. est, licet mihi petere mutuum ab homine, qui nomine, fama, et officina vsurarius est, paratus semper ad negotiandum sub iniustitia vsuraria: licet, inquam, mihi petere mutuum patiendò quòd ille non mutuatur absque vsura, sine qua posset vtique mutuare, & id quidem mihi foret multò gratiùs. Itaque nec ego induco illum ad vsurariam iniquitatem, nec consentio illius malæ voluntati: sed induco illum ad mutuandum quod est opus pietatis: & consentio potius perdere quod ultra sortem exigitur, quàm non consulere rebus meis.

De furtis quæ committuntur contra iustitiam distributi-
nam. CAP. XVII.

M.  Ontingit denique (vt tandem finiam) etiam furta & rapinas committere, contra iustitiam distributiua. Primò pereos qui præsumunt Reipub. dum ex bono publico peculium faciunt, Peccāt, qui de publico faciunt peculium sibi. conuertētes res regni, ciuitatis, vel exercitus ad propriam vtilitatem, quemadmodum ædiles, Xenodochiorum gubernatores.

bernatores, magistratus, capitanei, qui de rebus regni, ciuitatis, vel exercitus faciunt propriam vtilitatem, fraudata communitate. Item Pontifices, Abbates, Præpositi, &c. Secundò, per collatores beneficiorum, si conferendo non prouideant Ecclesiæ, sed personis. Quoniam enim hoc vnum habent in mandatis, vt prouideant Ecclesiæ. Quicquid aliud spectauerint extra boni dispensatoris fidelitatem est. Quapropter qui conferunt consanguineis, quia consanguinei sunt, aut ministris suis: quia inseruiunt, aut nobilibus: quia nobiles sunt, aut alijs, quia muneribus repleuerunt sibi manus, denique quacunque alia ratione, quàm vt prouideât Ecclesiæ, fures sunt, delinquentes contra hoc mandatum.

D. Tamen Christus promouit suos consanguineos ad Apostolatam, Iacobû & Ioannem, Iacobû & Philippû.

M. Quàm in illis fuerit bene prospectum Ecclesiæ, postea exitus, euidenter docuit. Non dixi ego, iniquum esse conferre beneficium consanguineo, aut ministro: sed conferre consanguineo, eam ob causam, quia consanguineus est, aut ministro, quia minister est, id dixi & dico iniquû & iniustum esse. Vnde si quis habet nepotem, vel seruû, cuius ingenium & studium atque industriam iam probè nouit, adeo vt probabiliter posset præsumere, in eo bene fore prospectum tali officio siue ministerio Ecclesiæ, iâ indubiè iusta ratione potest in eum conferre beneficium, aliàs minimè.

D. An non licet spectare paupertatem, aut eruditionem illius, cui fit collatio?

M. Admodum cordatè respondit mihi Prior domus Carthusianæ apud Louanienses, commendanti quendâ ad præsidentiam collegij Buslidiani à paupertate & eruditione dicens: Charissime, nobis commissum est prouidere collegio de bono & utili Præsidente, non autem

paupere.

pauperibus vel eruditis de bona ac utili præsidentia collegij. Quapropter paupertas eius quem tu commendas non debet me mouere. Veruntamen si perspexero eum fore utilem ac idoneū collegio gubernando, libenter annuam petitioni tuæ. Vtinam atque vtinam hoc dictum boni viri esset benè impressum cordibus singulorum, ad quos spectat collatio vlla beneficiorum. Peccant itaque contra hoc mandatum, vt summatim dicam, fures, raptores, peculatores, abigei, plagarij, incendiarij, impostores: adulterantes monetam publicam, vinum, aliâsue merces, fraudantes mercedem operariorum, & serui infideliter operantes, Simoniaci, vsurarij, possessores iniuste acquisitorum, nō facientes restitutionem de alieno, negotiantes in diuerso pondere ad deceptionem, & quicunque contra iustitiam Comutatiuam vel Distributiuam fraudem faciunt aut damnum inferunt.

Summa eorū quæ hoc mādato prohibentur.

Elen .

Elenchus Capitem Tractatus noni.

M Andatum octauum tam pertinere ad Euangelium, quàm ad veterem legem, & in qua latitudine sint verba eius intelligenda.	Cap. I.
De falsis testimonijs que perhibentur in iudicijs.	Cap. II.
De modis quibus contingit dicere falsum testimonium extra iudicium.	Cap. III.
De hypocrisi qua quis falsum de se perhibet testimonium.	Cap. IIII.
De iactatoribus sui.	Cap. V.
De nequiter humiliantibus se.	Cap. VI.
De maledicis, conuicatoribus, contumeliosis.	Cap. VII.
De susurronibus.	Cap. VIII.
De adulatoribus.	Cap. IX.
De iudicijs temerarijs.	Cap. X.
De iudicijs personarum & actionum personalium.	Cap. XI.
De mendacio.	Cap. XII.

Tracta:

Tractatus nonus.

Mandatum octauum Decalogi tam pertinere ad Euangelium
quàm ad veterem legem, & in qua latitudine sint verba eius
intelligenda. CAP. I.

D. **N**on testis iniquus.

M. Quin potius dic verba Scripturæ.

D. Non loqueris contra proximum tuum falsum testimonium.

M. Bene est. Sic enim habet Decalogus Exod. 20. Deu. 5. Idemque prohibet Euangelium sub his verbis, Non falsum testimoniū dices, siue loqueris, Matth. 19. Mar. 10. Luc. 18. dicente Salvatore nostro ad adolescentem: Si vis ad vitam ingredi, serua mandata Dei. Non furtum facies, Non falsum testimonium dices, &c. Ex quo clarum est, obseruationem istius mandati de necessitate esse salutis, tam pro tempore Euangelicæ libertatis, quàm legis Moy saicæ. Verum an intelligis vim mandati?

D. Verba quidem in se nihil habent difficultatis: Nam quid sit loqui aut dicere, quid insuper falsum intelligimus omnes. Et testimonium nihil aliud est quàm attestatio, qua in iudicio ad probationem eorum, quæ obscura sunt vel ambigua passim vtimur.

M. Quid autem hoc, Contra proximum?

D. Id vulgò dicimus contra quempiam esse, quod illi nocuum est, repugnat aut iniuriam facit.

M. Et quis tibi proximus?

D. Omnis quicumque mecum eiusdem est naturæ, habens animam & corpus sicut & ego.

M. Non dixisti malè. Attamen quàm dixeris insufficienter docebit te interrogatio mea. Quæro igitur, An
li-

liceat dicere falsum testimonium de proximo aut pro proximo seruando, vel defendendo?

D. Equidem non ausim id dicere.

M. Rursum. Cùm quis notat proximũ nigro (vt vocant) lapillo, hoc est, cùm detrahit famæ illius, etiam extra iudiciũ forense, dicendo mendaciter eum sycphantam esse, aut furem, aut ganeonem, nõne is dicit falsum testimonium contra proximum?

D. Sic apparet.

M. Igitur etiam extra iudiciũ forense peccatur cõtra hoc mādatum. Adhęc qui non loquitur cū alio, sed secum in scrinio cordis sui malè iudicat de proximo, nõne is sibi dicit falsum testimonium aduersus proximum?

D. Is non loquitur, tantũ abest vt loquatur falsum, aut testimonium ferat.

M. Non loquitur quidem voce, sed cogitatione. Est enim quoddam verbum internum in mente manens, vt cogitatio. Est & externum de corde exiẽs foras, vt sermo oris. Licet itaque ille talis taceat alijs, sibi tamen loquitur cogitationibus intus defendentibus vel etiam accusantibus, sibiq̃ue testimonium reddit de proximo, siue bonũ siue non bonum. Nõne sæpe tecum loqueris, tecum ratiocinaris, tecũ disputas in conclauĩ cordis, citra sermonem?

D. Sæpissimè.

M. Denique contingit in literis ac libellis famosis seu difamatorijs, scribere falsum testimonium aduersus proximum. Item nutibus ac signis fit aliquando comprobatio eius quod est contra proximum. Vt si quis quærat, Petrus fuitne heri in prostubulo? Alius quidem nihil dicat, innuat tamen capite, dando signum affirmationi consonum. Et de istis quid tibi apparet?

D. Certè quòd faciunt contra hoc mandatum, non minus

nus quàm is qui loquitur voce. Quod enim sermo est inter præsentes, hoc literæ sunt inter absentes. Et sæpe dum piget aut pudet loqui, signis utimur pro vocibus.

M. Ut igitur intelligas mandatum in sua plenitudine. *Quædā ob-
servanda pro
intellectu
mandati.*
Primò in verbis istis. Non dices vel loqueris, debes subin-
telligere, neque per sermonem, neque per cogitationem,
neque per epistolas, neque per libros, neque per libellos,
neque per nutus, neque per signa, neque per aliquid
aliud quo indicari potest iudicium cordis nostri de pro-
ximo. Secundò debes observare non dici falsum hoc loco
quod in vocum significatione veritati est contrarium.
Non enim licet testari de proximo quòd impurus est,
aut avarus, aut hypocrita, etiamsi id verissimum existat.
Nam eo casu etsi non est falsus sermo quem pronuncias,
est tamen falsum testimonium quod perhibes. Vnde fal- *Quid hic
falsum dica-
tur.*
sum hic vocatur tam id quod iniquum est aut illegitimum,
quàm quod est veritati contrarium. Ea certè phrasi ser-
monis qua monetam reprobam vocamus falsam monetā.
Igitur, non dices falsum testimonium, hoc est, testimo-
nium mendax, aut aliàs iniquum, quod proximum dati
nificat in fama vel in rebus suis citra Iuris ordinem.

D. Quare addis, Citra Iuris ordinem?

M. Quoniam si quis ordine Iuris legitimè citatus dicat
contra malefactorem testimonium, ex quo iudex proce-
dit ad supplicium mortis, exilij, vel confiscationis, non
peccat contra istud mandatum: licet testimonium dicat
contra proximum: & quidem tale testimonium, ynde
imminet proximo mors, vel exilium, aut summa diffama-
tio. Quod enim facit, ordine Iuris facit, iustitia publica
sic exigente. Dedimus autem superiùs hanc regulā: Ne-
mo peccat faciendo id, quod facere ius habet. Attamen si
idem testaretur eadem contra eundem malefactorem ex-
tra ordinem Iuris, dicendo inter vicinos suos: fur est, aut
ga-

DE FALSIS TESTIMONIIS

ganeo, aut adulter, iam certè esset falsum testimonium: quia iniquum & illegitimum, etiamsi verissima sint verba quæ profert. Tertiò debes obseruare Saluatorem renouando hoc mandatum in Euangelio, non addidisse particulam contra proximum, sed in generalitate dixisse, Non falsum testimonium dices: nimirum neque contra te, neque contra alium, neque pro te, neque pro alio, neque contra Deum aut traditionem sanctam, non contra fidem aut virtutes aut vitia, asserendo bonum malum, aut malum bonum, dicendo pax vbi non est pax. Nam quicumque reddit falsum testimonium de Deo suo, de fide aut religione sua, de virtute vel vitijs, aut de seipso, tam peccat contra hoc mandatum, quàm qui falsum testatur, contra proximum suum.

*Esai. 5.
Hierc. 6.*

D. An minus olim tempore legis, quàm nunc?

M. Non.

D. Quare ergo tum temporis addita est particula contra proximum, non autem modò?

Non aliud in lege quàm in Euangelio prohibet. M. Dum enim rem propiùs penetramus, nemo homini magis proximus, quàm ipsemet sibi, nec potest rationali creaturæ quid esse proximius Deo: quoniam ex ipso, per ipsum, & in ipso sunt omnia. Qui autem testatur contra verbum Dei, contra fidem, aut religionem, is testatur, & contra Deum (per hæc enim glorificatur Deus inter homines) & contra omnem proximum. Nemo enim hominum sine his saluus esse potest. Sic de virtute ac vitijs. Nam virtute efficitur melior nobiliorque conditio hominis: & vt virtus seinen habet immortalitatis: ita & vitium est introductio mortis. Qui igitur detrahunt virtuti, aut pro virtute commendant vitium, illi adulterant semen immortalitatis tollentes ab homine omnem mensem futuræ vbertatis & gloriæ, quod sine dubio valde est dispendiosum. Non igitur aliud in lege prohibitum, aliud

aliud in Euangelio, sed expressius loquitur Euangelium dicens absolute: Non falsum testimonium dices. Quartò debes obseruare nusquam addi isti mandato hanc particulam in iudicijs siue prætorijs, aut coram tribunalibus, sed absolute dicitur, Non falsum testimoniũ dices. Nusquam scilicet neque in iudicijs cum exactus fueris per iustitiam, neque extra iudicia cum tua sponte fabularis, neque in cogitatione cordis cum tecum hominum merita demeritaque perpendis, neque vllò denique modo, aut in vllò omnino loco. Quintò, tibi obseruandum est, mã datum non prohibere testimonium, sed falsum testimonium: quia sanctum est, & iustum perhibere testimoniũ veritati, imò tenetur vnusquisque ad hoc ex iure naturæ, adeò vt sit peccatum mortale, negare testimonium in articulo debitæ requisitionis: Incommodat enim & proximo & Reipub. eiusmodi denegatio. Veruntamen præceptum de ferendo testimonio, quia affirmatiuum est, ideo non obligat semper, sed pro loco & tempore, dum datur occasio tollendi dissidij inter vicinos vel proximos, aliòsue dissidentes: maximè dum exactus fueris per auctoritatem publicam, aut vrget notabilis necessitas, etiamsi sit contra proximum. Quisque enim pars est cõmunitatis, omnis autem pars est propter totum: non autem propter aliam partem. Quapropter si quis citetur ad ferendum testimoniũ etiam in causa sanguinis, tenetur dicere veritatem. Magis enim tenetur diligere bonũ publicum quàm particulare: & ideo magis collaborare ad conseruandum bonum iustitiæ publicæ, quàm ad liberandum hunc vel illum malefactorem.

*Præceptum
de ferendo
testimonio.*

D. At quid potissimum est obseruandum in ferendis eiusmodi testimonijs?

M. Primò, ne sis repentinus, nihilque dicas frustra, id est, non properes ad testandum, sed legitime citatus veni.

*Quæ obser
uanda sint
in ferendis
testimonijs.*


A a

Post.

DE FALSIS TESTIMONIIS

Postquam autem citatus comparueris, nihil dicas citò, nihil etiam præter id quod es interrogatus. Habetenim
Prouer. 12. Scriptura, Qui testis est repentinus, concinnat linguam mendacij. Et illud, Ne sis testis frustra (hoc est, sine causa
Prouer. 24 te legitimè ad hoc compellente) contra proximum tuum. Secundò vt sis verax & syncerus, hoc est, non dicas plus aut minus, aut aliter quàm perspectum habes, addens modum quo cognoscis an scilicet per auditum, an per ocularem inspectionem, an euidenter, an vtcunque. Etenim sic agendo eris testis fidelis, qui multum commendatur in Scripturis, Prouerb. 14. 24. tantum abest, vt vel hìc vel vsquam prohibeamur ferre siue dicere testimonium. Nam hoc mandatum duntaxat prohibet testimonium falsum.

De falsis testimonijs quæ perhibentur in iudicijs. CAP. II.

M.  Ontingit autem dicere falsum testimonium tri-
Tribus mo- fariam. Primò in publicis iudicijs sub sacrosan-
dis contigit cta iuratione: secundò extra iudicium forense:
dicere falsum tertio extra populum apud temetipsum. Quan-
sum testimo- tum ad primum, Quis citatus auctoritate iudicis, & ex-
nium. etus sub iuramento dicere veritatē, si contrà fecerit pro-
nuncians non verè, sed mendaciter, reuera is perhibet fal-
sum testimonium contra proximum. Quale dixerunt
contra Susannam duo senes inueterati, Daniel. 13. Con-
tra Naboth Iezraëlitem filij Belial. 3. Reg. 21. Contra bea-
tum Stephanum Iudæi. Act. 7.

D. Hóccine graue malum est?
Graue M. Non potest non esse graue malum, quod grauiter
peccatum perhibet Scriptura sancta in pluribus locis veteris ac no-
testimoniū ui Testamēti: Iaculum, inquit Sapiens, & gladius, & sa-
falsum. gitta acuta, homo qui loquitur contra proximum suum
Prouer. 25. falsum testimonium. Rursum, Sex sunt quæ odit Domi-
Prouer. 6. nus,

nus, Testem fallacem, &c. Et illud, Testis falsus non erit impunitus. Item, Testis mendax peribit.

Prouer. 19.
Prouer. 21.

D. Et quàm graue malum?

M. Certè non solùm mortale, dignum gehenna ignis: sed & infame. Nam præter hoc quod iniuriam facit proximo suo, qui sibi frater est, etiam conturbat Rempublicam. fallit iudicem, ius dicendum obscurat, & quod omnium sceleratissimum est, manifestam ignominiam facit Deo, diuorumque maiestati, nec non sacrosancto Euangelio Christi. Quandoquidem omnis testis in iudicijs iurat se dicturum meram veritatem, dicendo: Ita me Deus adiuuet, beata virgo Maria, & omnes sancti eius, tangendo librum Euangelij, vel imaginem Crucifixi, quibus omnibus non obstantibus contrarium facit, iurando falsum, efficiturque veraciter periurus. Quare & infamis, merito submouendus extra locum, omnemque functionem honoris. Quid tibi nunc apparet, nonne ingens crimen est, falsum testimonium in processu iudiciario?

D. Est, omni dubietate procul.

M. Sic quotiescunque sub sacrosancta iuratione perhibetur falsum testimonium, etiam extra forum iudicij, crimen est, si fiat in re seria alicuius momenti cùm debita de liberatione. Adhæc quoties iudex sciens & volens pronunciat falsum iudicium super factis personarum, aut reportator siue aduocatus sciens prudensque aliud pronunciat de statu causæ quàm pro meritis eius, toties perhibet falsum testimonium contra proximum. Et vix (inquit Scriptura) illi, qui iudicat falsum iudicium: quoniã abominabilis est, & maledictus coram Domino Deo suo.

Omne testi-
monium fal-
sum sub iu-
ramento dan-
tum crimen
est.

De modis quibus contingit dicere falsum testimonium
extra iudicium.

C A P. III.

DE FALSIS TESTIMONIIS

M.
Multiplici
ter dicitur
falsum testi
moniū ex
tra iudiciū
forense.



Ecundò, contingit falsum testimonium dicere, vel de se, vel de alijs extra processum iudiciariū, prout faciunt detractores, contumeliosi, hypocritæ, infamatores, calumniatores, susurriones, iactatores, adulatores, præsumptuosi, nunc dictis, nunc scriptis, nunc publice, nunc priuatim, nonnunquam manifesta criminatione, aliquando sic testè, vt licet nihil dixisse videantur, tamen per vnum Sed, aut signum, sustulerunt omnem existimationem proximi.

D. Hoc autem postremum quomodo?

M. Vt cum quædam laudauerint, post multa subnectūt particulā aduersatiuā, sed, siue, *maer*, ibi hærentes, quasi religiosum eis sit reliquum exprimere, qua forma dicendi sæpe plus diminuunt æstimationem proximi quàm si clarè exprimerent. At pergamus ad reliqua. Detractores sunt qui detrahunt proximo bonam æstimationem, inuidentes malam notam nomini eius. Infamatores, qui prorsus infamem reddunt in populo, qui & criminatores dici possunt. De quibus inquit Scriptura: Nolite detrahere alterutrum fratres mei, Iacob. 4. Addit Apostolus, Quòd si inuicem mordetis & comeditis (videlicet per detractionem) videte ne ab inuicem consumamini, ad Gala. 5. Abominatio hominum detractor. Prouer. 24. Imò Deo odibilis omnis detractor. Nam si serpens mordeat in silentio, nihil minus eo habet detractor. Hanc ob causam voluit diuus Augustinus in triclinio suo scriptū esse magnis characteribus ante oculos omnium,

Quisquis amat dictis absentum rodere vitam,

Hanc mensam vetitam nouerit esse sibi.

De ijs D.
qui leuiter
loquuntur
detractoria

Quid si leuiter per loquacitatem nobis aliquid exciderit (vt fit) contra famam proximi, non puto hoc statim esse damnabile peccatum.

M. Audi fili, Si quis citra intentionem lædendi famam

pro-

proximi, ex quadam garrulitate dicat, non peccat ille peccatum mortale: quia non detrahit formaliter (vt loquuntur Scholastici) sed materialiter, nisi a deo notabiliter lædat, vt actus redundet in naturam suæ formæ, eò quòd non curauit præcauere à tanta proximi læsione, potissimum si dicat de prædicatore, de pastore, de rectoribus Reipub. de statu Ecclesiæ. In eiusmodi enim personis etiam modica detractio vehementer lædit, non solù personam, sed & communitatem, cuius salus magna ex parte pendet à bona existimatione eorum qui præsunt. Porro si quis studio seu ex intentione lædendi famam alterius, reddit in societate malum testimonium de proximo, siue id fiat dicendo verum siue falsum, siue asserendo siue referendo, siue addendo, siue minuendo, siue interpretando, siue tacendo, aut quouis alio modo, is detrahit formaliter, & peccat ex genere peccatum mortale: nisi fiat super re minima. Nam minimum quasi pro nihilo reputatur: Si graue peccatum est damnificare proximum in bonis fortunæ, multò grauius esse debet detrahere alicui bonam famam, siue bonum nomē. Quoniam melius est bonum nomen; quàm diuitiæ multæ, super argētum enim & aurum gratia bona, Prouerb. 22. Nec immunes sunt ab isto peccato, quin potius participes eius, qui in conuiujs aut fabulis, facile aurem præbent detractio-
Formalis detractio ex genere peccatum mortale.
 nibus. Hinc Propheta: Detrahentē, inquit, secretò proximo suo, huc persequerbar: ne scilicet delicti participes fierem. Hinc & Sapiēs, Sepi aures tuas spinis, & linguam nequam noli audire, & ori tuo facito ostia, & feras auri-
An audire detrahentē sit peccatū Psal. 100. Eccles. 28.
 bus tuis.

D. Tamen audientes nihil mali pronunciant de proximo: tacent enim.

M. Tacent quidem, sed audire gaudent, corrident, colludunt, præbent aures, ideoque & consentiunt quodā

ROMA. 1.

modo in damnum ac malum, quod patitur proximus. Est autem regula Apostolica, Digni sunt morte, non solum qui faciunt, sed & qui consentiunt facientibus. Alacritate quoque audiendi non parum animant detrahentem ad liberiùs dicendum, Iuxta illud: Auditoris intentio suscitatur spiritum docentis. Quàm verò inexcusabiles sint, hinc liquet. Si enim asinum vel bouem fratris, qui in via ceciderit subleuare iubemur: quanto magis famam proximi, qua nihil homo habet pretiosius, defendere, nobis mandatum esse intelligere debemus. Solet quidam pius dicere, Detrahente vel detrahentem audire, quid horum damnabilius sit, non facile dixerim.

EXOD. 22.

D. Quid si in colloquio detractiois, nec me oblet infamatio proximi, nec consentiam in factum detrahentis, an ne tum prorsus immunis sum à peccato?


M. In audiendis detractioibus aliter peccat pastor, aliter populus.

Non oportet facilem esse ad corrumpiendum. Eccles. 31.

Distinguo. Si pastor es aut ecclesiastes, commissam habens curam salutis eorum quibus conuiuis, & taces, certè iam tibi peccatum est, quia non euangelizas populo Dei peccata eorum, prout ex officio teneris. Sin verò priuatus es, interim tamen verisimile est tibi tuam modestam correptionem posse fructum facere, nihilo seciùs pudore quodam humano taces, nō es sine delicto, neque enim illi qui patitur infamiam, charitatis officium impendis, neque correptionis beneficium illi, qui in errore positus est, hoc est, detractori. Tu tamen ne facilis sis ad corripiendum, nisi & locus & tempus, & proximi facilitas omnino persuadeant fructum subsequuturum. Valde enim prudenter monet Sapiens: In conuiuio vini non arguas proximum tuum. Quòd intempestiuum sit inter pocula corripere, ubi peccantem non ad poenitentiam, sed citiùs ad furorem concitaueris, & conuiuentes non ad misericordiam, sed magis ad contemptum & dilacerationem proximi commoueris. Si autem non est oportet.

oportunum correptione vel monitione impedire verba detractoria quæ audis, saltem vultus demissione, aut alienæ fabulæ interiectione, ostende te illubentē auditori rem esse. Dicit enim Sapiens: Facies tristis dissipat linguā *Prouer. 25.* detrahentem. Vetus prouerbium est. Nemo libenter est orator inuitis auditoribus: Hoc igitur age, & quod audisti, ad alios ne perferas, iuxta consilium Sapientis: Audisti verbum aduersus proximum tuum, commoriatur in te fidens, quoniam non te dirumpet. Quod quidem Sapiens protulit contra eos, qui, ubi audierint verbum contra proximum, id statim festinant effundere apud alios, velut ex compassione proximi, dolentes quod illius fama adeo miserè sit corrosa à tali aut tali: interim ipsi diffamantes imprudenter & illos à quibus audierant, & eum contra quem dictum fuerat. Quod genus quo magis speciem inducit pietatis & compassionis, eò est pestilentius & nocentius.

De hypocrisis qua quis falsum de se perhibet testimonium. C A P. IIII.

M.  Vt etiam pertinent illi, qui de seipsis perhibent falsum testimonium per hypocrisin, aut iactantiam, aut præsumptionem, aut dominandi studium, nonnunquam etiam per metum aut supplicia.

D. Isti nihil dicunt falso contra proximum, sed nec contra seipsos, quin potius quod dicunt aut faciunt, id faciunt vt bene sit sibi.

M. At falso, per simulationem veri, aut falsi dissimulationem contra mandatum Euangelicum, quo absolutè, & citra restrictionem dictum est: Non loqueris falsum testimonium: nimirum neque contra proximum, neque pro proximo, neque contra te, neque pro te. At dicitò

A a 4 mihi,

mihi, quid hypocrisis?

D. Fictio, qua homo personam iusti vel iustioris simulat: aut iniusti vel iniustioris dissimulat.

Quid hypocrisis. **M.** Hoc certè malo mirum in modum laborabant olim Donatistæ, & Cathari, sic dicti, quòd se puros esse testarentur, non recipientes alios ad consortium suum. Hoc eodem malo laborabāt Scribæ & Pharisei tempore Christi, dicit enim Saluator: Omnia verò opera sua faciunt, ut videantur ab hominibus. Ecce studium simulandi coram hominibus effigiem virtutis: Et alibi, Vē vobis Scribæ & Pharisei hypocrite, quia similes estis sepulchris dealbatis, quæ à foris parent hominibus speciosa, intus verò plena sunt ossibus mortuorum, & omni spurcitia: sic & vos à foris paretis hominibus iusti: intus autem pleni estis hypocrisis & iniquitate. Ecce studium dissimulandi iniquitatem. Quorum damnatio tam certa, tamque est indubitata, ut à Christo præsupponatur, cum dicit Matth. 24. Partemque eius (loquēs de infideli seruo) ponet cum hypocritis. Illic erit fletus & stridor dentium.

D. Ergo hypocrisis est peccatum mortale.

M. Si verè est & formaliter hypocrisis, peculiari actione, vel habitu, vendicante sibi in populo existimationem sanctitatis, à qua prorsus aliena manet, quis precor audebit pronunciare tale quid non esse peccatum mortale? Veluti sifilli qui non ieiunant, exterminant facies suas, ut videantur hominibus ieiunantes, aut qui nulli rei minus intendunt quam Deo esse deuoti, fingunt tamen orationes in omni loco, ut religiosuli habeantur, aut qui habitum sanctitatis circumferunt, ut appareant foris quod intus esse volunt: dumque intus pleni sunt occulta spurcitia, tamen supra alios sibi famam ac nomen sanctimonie artificiosis fictionibus à populo extorquet: huiusmodi, dico, indubiè habent perfectam hypocrisis, & peccat mor-

mortaliter. Non solum propter malitiam quam occultat, sed magis propter fictionem perniciosam, qua imponit populo, extorquentes ab alijs famam, & venerationem sibi indebitam. Vnde Saluator terribiliter improperat, vix his qui tales sunt. Adhuc manifestè peccatum damnable est illorum hypocrisis, qui veniunt sub vestimentis ouium, intrinsecus autem sunt lupi rapaces. Instillantes sub specie pietatis pestiferum dogma in animas eorum, qui minus cauti sunt: vt faciunt pseudoprophetae, pseudoapostoli, falsi doctores, operarij subdoli. Quorum *Philip. 3.* nis, inquit Paulus, & gloria in confusione ipsorum. Portabunt enim iudicium suum, quicumque sunt eiusmodi. Sic qui fingunt longas orationes vt expolient mulierculas oneratas peccatis, aut sine eruditione titulos sibi & insignia eruditionis, emunt vt in populo possideant fructus scientiae, quam non habent, hoc est, honorè & emolumenta, quae debentur literis & scientia candidatis.

D. Et nos omnes licet intus mali sumus: (nemo enim dicere potest. Innocens sum aut sine peccato) foris tamè & in populo, pro bonis Christianis reputari quærimus, verum nūquid ideo hypocritæ reputabimur peccantes contra hoc mandatum?

M. Aliud est fingere aut simulare fraudandi gratia, aliud iure suo vti. Est autem ius, vt qui non est malefactor in publico, publicè bonus habeatur. Omnis enim homo præsumitur bonus, donec de contrario constet. Itaque dabo tibi quasdam regulas indubitatas, quarum prima est. Quicumque facit opera ad Dei seruitium sua natura ordinata: qualia sunt ieiunium, oratio, eleemosyna, missa, confessio, sacra synaxis, auditio verbi Dei, non quidè animo seruiendi Deo, sed ob gloriam humanam, aut quæstum, aut ventrem, is reuera hypocrisim committit, qualis inuoluit præter mendacium facti, etiam iniuriam

An omnes peccatores cupientes pro bonis Christianis reputari, sint hypocritæ.

rerum sacrarum quas ordinat in fines indebitos. Iuxta modum autem finium crescit decrescitque malitia talis hypocriseos. Si finis est, ne perdat in populo communem existimationem boni Christiani, is finis ex quo non est malus, neque sibi indebitus: nisi ipsemet sit publicè & riè malus, nihil addit de malitia. Si finis est inanis gloria, indubiè superaddit. Si deniq; finis fuerit extorquere à populo subsidia vitæ indebita, diuitias, famam, aut nomen sanctitatis, iam fit sceleratissima huiusmodi hypocrisis. Cui Christus terribiliter imprecatur illud Euangelicum vā, quod sonat æternæ damnationis comminationem, vti est in multis locis Euangelij videre. Secunda regula est. Quicumque facit prænominata opera bona veraciter, & ex primaria intentione seruiendi Deo, cupiēs interim per hæc reputari ab alijs pro viro Catholico ac bono Christiano, sicut ceteri, is haudquaquam notandus est hypocriseos, nec vllum committit peccatum: quia nulla hic est simulatio, nulla cupiditas indebiti. Illa enim communis existimatio viri Catholici, optimo iure sibi debetur: donec palam sceleratus esse incipiat. Sicut Canonici si eat ad diuina officia veraciter, & ex primaria intentione seruiendi Deo, volens tamen simul recipere plumbeta (vt vocant) tanquam emolumenta vitæ suæ, nullam committit Simoniam sic faciendo: quia facit officium propter suum finem, & faciendo non querit indebitum. Tertia regula. Omnis hypocrisis est mendacium facti, hoc habens præter cominam rationē mendacij, quod fiat plerunque circa sacra & pietatis officia. Sed istam regulam fusius explicabimus, vbi tractandum erit de mendacio.

M. **I**actantia est, qua se quispiam effert insolentiùs *Iactantia:*
testando verbo plus de se, quàm sit aut appa-
reat in se. Quòd si iactitet se sanctum esse, aut
puru, idque in contemptu aliorum, graue
peccatum est, & perniciosum testimoniù suiipsius. Cui
malo obnoxij erāt, quorum meminit Esaias dicens: *Qui* *Esai. 64.*
dicunt, Recede à me, non appropinques mihi: quia im-
mandus es. Et Phariseus ille Euangelicus, qui ausus est,
etiam coram Deo, qui scrutatur corda & renes, se inani-
ter iactare, & hoc quidem cum contemptu alterius me-
lioris se, dicens: Deus gratias ago tibi, quia non sum sicut *Luc. 18.*
cæteri hominum, raptores, iniusti, adulteri, velut etiam
hic publicanus. Tales quoque fuerunt, vt dixi, Donati-
stæ & Catheri hæretici sic dicti, quòd se puros esse testa-
rentur, alios autem impuros & peccatores. De hoc pec-
cato inquit Psalmista: Disperdat Dominus vniuersa labia *Psal. 11.*
dolosa, & linguam magniloquam.

D. Disperdat? An igitur iactantia non infrequens huma-
ni generis labes, sit peccatum mortale? *An iactan-*

M. Dicam. Iactantia continet capita multa: ex quibus pē-
det consideratio malitiæ eius. Primum est, mendacium: *tia sit pec-*
quia iactantia est species quædam mendacij. Et ideo di-
scernere oportet: interueneritne in iactione sui menda-
ciū perniciosum, an iocosum, an officiosum. De quibus
infra. Secundum est laus propria: non enim purè narrat
iactator, sed tanquam laudans narrat. Tertium est, arro-
gantia ex qua procedit, & secundum qualitatem arro-
gantiæ atque laudis propriæ, iudicandum est de iactan-
tia. Nam si illa perniciosa fuerint iactantia erit peccatum
mortale. Si verò nihil habeant præter vanitatem vel ina-
nem quandam gloriam, vt solet contingere in ventosis
hominibus, est venialis duntaxat: nā & illa venialia sunt,
nisi in eis ponatur vltimus finis. Quartum est lucrum
quod

DE FALSIS TESTIMONIIS

quod quis iactando sectatur. Vnde qui se iactant falsò peritos rerum & prudentes, vt præturam vel senatoriam dignitatem obtineant, aut doctos se iactitant ac pios, vt designentur in populo prædicatores verbi Dei, vel pastores, animarumque custodes, horum iactantia habet in se perniciosam iniquitatem Reipub. valde nociuam. Peccât tamen grauius isti, quàm illi: quantò pretiosior est salus animarum operibus mundi huius, & cura pastoralis gubernatione ciuitatis.

De nequiter humiliantibus se.

CAP. VI.

D.



Vnt qui laborant vitio prorsus contrario, minus testantes de se quàm in se habeant: hian etiam offendant contra hoc mandatum?

M.

Qui se humiliant nequiter peccant contra hoc mandatum.

*Prover. 26
Eccles. 19.*

Si nequiter, & fallèdi studio se humiliant, indubiè offendunt perhibentes de se falsum testimoniũ. Et peccatum eorum iudicandum est ex qualitate mendacij, & fine quem intendunt: Monet autem Scriptura sedulò cauendum esse ab huiusmodi hominibus, dicens: Qui submiserit vocem suam, ne credideris ei, quoniam septem nequitie sunt in corde illius. Item, Est qui nequiter humiliat se, & interiora eius plena sunt dolo. Vt igitur concludam, non falsum testimonium dices, inquit mandatum: neque de teipso quidem, neque contra teipsum.

D.

Hoc postremum an vnquam contingat?

M.

Contingit aliquando, maximè sub torturis.

D.

At tum fit excusabile propter magnitudinem pœnæ.

M.


An liceat falsum testari propter se propterea torturas.

Fili, nunquam sunt facienda mala vt inde eueniant bona. Nemo mentiri potest, aut falsum testari de se, ne animo quidem liberandi se à pœnis aut periculis. Detrahere sibi ipsi, siue infamare seipsum grauius malum est quàm detrahare proximo: quantò quisque principa-

lius

lius tenetur diligere se, & famam suam propter Deum & commune bonum, quàm famam proximi: nec excusatur à peccato mortali propter vllum metum vel tormenta. Quoniam sicut nullus metus, nullumque tormentum excusat à vulneratione aut occisione sui, ita nec ab infamatione sui. Pati quidem detrimentum famæ propriæ in hominis est arbitrio constitutum, modò id in aliorum malum non redundet: quemadmodum pati vulnera & mortem. Verùm inferre sibiipso damnum famæ, illicitum est, sicut vulnerare seipsum ex proposito aut occidere. Porro si fiat humiliatio qua se nequiter quis se humiliat in iudicio, duplicatur iniquitas ipsius: quia adiungitur mendacium perniciosum, fallens iudicem in iure dicendo, coque pertrahens vt condemnet innocentem.

De maledicis, conuitiatoribus, contumeliosis. CAP. VII.

M.  Dhæc, maledici, qui mala loquuntur de proximo, calumniatores qui alijs falsò & callidè ac malitiosè crimen imponunt, conuitiatores, criminatores, contumeliosi, non minùs, imò subinde grauiùs offendunt in hoc mandatum, quàm detractores. Et sunt eiusmodi plerunque peccata damnabilia: quoniam malitiosè proximo in faciem eius improperant indigna, ad dehonestationem ipsius: quod est ex diametro contra fraternam dilectionem. Sicut enim mittens lapidem in volatilia, deijcit illa: sic & qui conuitiatur amico, dissoluit amicitiam. Nec dissoluit solùm, verùm sicut ante ignem camini vapor & fumus ignis in altatur, sic & ante sanguinem maledicta, & contumeliæ, & minæ, inquit Sapiens. Adiungens, Quæ viderunt oculi tui, ne proferas in iurgio citò, ne postea emendare non possis, cum dehonestaueris amicum tuum. Maledici. Calūniatores. Eccles. 22: Prouer. 25:

De susurronibus.

CAP. VIII.

Eodem

M.
Sufurrones

Eccles. 28.



Odem modo hîc dicendum est, de susurrionibus, qui falsum testantes de proximis, conturbant (vt inquit Sapiens) amicos, & in medio pacem habentium immittunt inimicitiam. Nam susurratio propriè est oblocutio ad amicitiam tollendâ inter diligentes sese, item ad fouendas inimicitias inter odientes se mutuò.

D. Non solùm igitur mala est susurratio, sed & incentiuum quoddam multorum malorum & fomentum.

M. Rectè dicis. Hinc præcepit lex vetus, Non eris criminator, nec susurro in populis. Nam susurro & inquinabit animam suam, & ab alijs odietur. Addit Scriptura

Eccles. 28. alio loco quod plus est perpendendum: Susurro, inquit, & bilinguis maledictus: multos enim conturbauit pacè

Susurratio
gravius peccatū q̄ contumelia.
habentes. Quapropter susurratio est de genere peccatorum mortalium: tantò grauius offendens, quàm contumelia & detractio, quantò amicitia est melior fama & honore.

D. Profectò durum foret, si quæcunque maledicentia, aut calumnia, aut conuitiū, aut contumelia, semper esset peccatum damnabile.

M. Propterea te semper memorem esse volo eius, quod diximus sæpe, plerunque peccata, quæ ex genere sunt mortalia, venialia fieri posse: vel propter imperfectionem actus, vel quia subitaneus est motus, vel quia contingit in re minima: ex parte insuper modi, nempe quia iocose & non seriò dicuntur: aut si seriò, tamen prorsus præter omnem intentionem lædendi. Quod tamen debes intelligere: nisi ob magnitudinem nocumenti actus, redeat in naturam suæ speciei. Quo sanè casu essent peccata mortalia, propter involutâ nimîâ negligentîâ considerandi quântitatē nocumēti quod insertur proximo in fama sua. Quemadmodū suprà dictū est de detractioe materiali.

De

D. **A**dulatores, qui perhibent alijs falsum testimonium de dictis, vel factis eorum causa gratiæ captandæ aut attribuendo eis quod non habent, aut laudando in ipsis quod non solum non est dignum laude, sed vituperio magis vel criminatione, hi an etiam delinquant in hoc mandatum?

M. Omnino, & grauitè.

D. Omnis vbique familia diuitum ac potentum, plena est huiusmodi hominibus.

M. Sic est. Eò quòd familiare sit, præcipuè aulicis illud Terentij, Quicquid dicunt, laudo: id rursum si negant, laudo id quoque. Negat quis, nego. ait, aio. *Terent. in Eun. Act. 2. Scen. 2.*

D. An solis illis?

M. Etiam sacerdotibus, etiam monachis, etiam doctoribus, etiam primatibus Reipub. dum venantur. quo carèt, aut se maiores fieri student.

D. Non potest igitur vsque adeo grande malum esse adulatio.

M. An ideo minus mala, minusque pestilens epidimia, quòd inuasit iam multos?

D. Non: sed peior periculosiorque ea de causa.

M. Sic est in proposito de adulatione. Vt autem plenè intelligas, quàm grande malum sit adulatio, aduertenda sunt quæ operatur in homine. Primò etenim facit adulantem bilinguem, ac duplici esse corde. Secundò impedit proximum ne rectum sui de se habeat iudicium. Tertio facit apparere malum, bonum: & bonum, malum. Quantum verò ad primum, ex qualitate mendacij, iudicanda est malitia adulationis. Si enim admiscuerit adulator mendacium perniciosum, est adulatio peccatum damnable. De mendacio autem dicetur infra. Quantum ad

secun-

secundum, si obscuret principi aut prælato suum de se, suaque potestate iudiciũ, indubiè crimen est. Nihil enim adeo perniciosum communitati, quàm vt princeps, aut pastor non rectam habeat sui suæque potestatis existimationem. Et quòd grauiora sequuntur ex hoc incommoda, eò crimè istud est sceleratius. Vt umbra corpus, ita principatũ sequitur adulatio. Nec potuit aditus ad aures principum vltra patere veritati, posteaquam oppleri cœperunt adulationibus. Et quæ mala non sequuntur, quando principi suadet adulator, quòd vti liceat plenitudine potestatis. quòd sit dominus omnium, quòd vectigalia, gabellas, tributa, & id genus alia imponere potest, prout libitum fuerit: quòd generosum sit bello se vindicare: bello virium suarum ostensionem facere? Aut quando Pontifici inspiratur ab adulatoribus, quòd ipse sit Dominus beneficiorum Ecclesiæ, non tantum dispensator: quodque actionum suarum regula sit voluntas ipsius? Ex quibus duobus consequens foret: primò non posse Simonix esse obnoxium Pontificem: secundò licere ei, quicquid libuerit: tertio Pontificem posse eximere, incorporare, dispensare, reformare, difformare pro sua voluntate. Cuiusmodi proles haudquaquam minus procul absunt ab Euangelio, quàm ipsarum mater adulatio. Quantum autem ad tertium: adulatio est peccatum mortale, si laudet quempiam iniquitatis suæ, aut turpitudinis, aut alius sceleris, persuadens illi bonum esse vel honestum, quod veraciter malum est, inhonestum, aut iniquum. Vnde Psalmista, Quoniam laudatur peccator in desiderijs animæ suæ, & iniquus benedicitur: exacerbauit Dominum peccator. Huc pertinent doctores subdoli studentes placere affectibus eorum qui prurientes sunt auribus, hoc est, illi qui prædicant populo non veritatẽ, sed insolita, sed placentia, hoc est, suauia secundum carnem,

nem, aut gloriæ, aut honoris, aut ventris causa. De quibus Ezechiel, Væ, inquit, qui consueunt puluillos sub omni cubito manus, & faciunt ceruicalia sub capite vniuersæ ætatis ad capiendas animas. Et cum caperent animas populi mei, viuificabant animas eorum, & violabant me ad populum meum, propter pugillum hordei, & fragmentum panis, ut interficerent animas quæ non moriuntur, & viuificarent animas quæ non viuunt, mentientes populo meo credenti mendacijs. Propter hoc, hæc dicit Dominus Deus, Ecce ego ad puluillos vestros, quibus vos capitis animas volantes, & dirumpam eos de brachijs vestris, & dimittam animas quas vos capitis, animas ad volandum. Et dirumpam ceruicalia vestra, & liberabo populum meum de manu vestra neque erunt ultra in manibus vestris ad prædandum, & scietis, quia ego Dominus. Pro eo quod inœrere fecistis cor iusti mendaciter, quem ego non contristauimus, & confortastis manus impij, ut non reuerteretur à via sua mala, & viueret: propterea vana non videbitis, & diuinationes non diuinabitis amplius, & eruam populum meum de manu vestra, & scietis, quia ego Dominus. Hæc Ezechiel. Addam & illud Pauli Act. 20. cap. vbi postquam maiores natu Ecclesiæ multorum diligenter admonuisset, dixit tandem, Confiteor vos hodierna die, quia mundus sum à sanguine omnium. Non enim subterfugi, quo minus annuntiare omne consilium Dei vobis. Inquit omne consilium Dei tam scilicet consilium Dei super puniendis impijs, & ijs qui non obediunt Euangelio Christi, quam consilium Dei super premiâdis bonis, tamque consilium Dei super confitendis peccatis sacerdoti super pœnitentijs agendis, super ieiunijs obseruandis, super pœnis purgatorijs & infernalibus, &c. quam consilium Dei super fide & fiducia habenda in Christo, super misericordijs, & miserationibus

DE FALSIS TESTIMONIIS

nibus Dei. Quo minus, inquit, annunciarer vobis omne consilium Dei: nihil prorsus subterfugiendo, ut gratiam inirem populi cupientis audire noua, dulcia, faciliaque factu. Vti nunc, proh dolor, faciunt plurimi pseudoeuangelistæ, quorum omnium damnatio certa est. Nā qui in adulationibus suis abutuntur Euangelio, aut nō annunciantes integrum Euangelium, aut aliter quā oportet interpretantes per adulationem quandam, hi proculdubio sceleratissimè peccant. Vltimò damnabiliter peccant adulatores, qui mirè euehunt, alios laudibus, ut vel sic extrudant ad tentandum quod viribus maius est, vnde tandem infamiam, aut corporis aut animæ periculum incurrant: veluti si quis idiotam falsis laudibus animet ad prædicandum vel docendum, quò eum inceptè docentem aut concionatē faciat ludibrium esse hominum, Aut Thraasonem quempiam admodum laudet de virtutibus factisque præclaris, ut propensum efficiat in certa vitæ suæ discrimina. Denique cū quis laudando alium, sit illi occasio peccandi mortaliter. Quod postremum discretè & non nisi cum grano salis intelligendum accipe.

De iudicijs temerarijs.

CAP. X.

M. **N**unc dicamus de tertio modo transgrediendi hoc mandatum, hoc est, de temerarijs iudicijs, quibus homo reddit sibi ipsi falsum testimonium de proximo suo: iuxta illud Sapientis: In

Eccles. 10.

via stultus ambulans, cū ipse insipiens sit, omnes stultos æstimat. Nec dissimiliter, malignus cū ipse sit nequam, omnes in corde suo malos iudicat: quod est sibi ipsi dicere falsum testimonium de proximo. contra istud mandatum Domini, Non falsum testimonium dices: & contra alias Scripturas prohibentes temeraria iudicia, de
qui.

quibus infrà dicemus.

D. Et qui iudicat fornicatores, aliosque peccatores condemnandos, an peccet contra hoc mandatum?

M. Neque contra hoc mandatum, neque contra quodcunque aliud: sed regulat iudicium suum secundum Evangelium Dei, quod est Christiani hominis. Aliud est iudicare de personis, aliud iudicare de rebus. Nam istud non solum licet, sed & oportet: si veri Christiani esse velimus. Tota enim institutio Evangelica, omnisque notitia fidei eò tendit, ut sciamus discernere, & diiudicare inter bonum & malum, lepram & non lepram, inter gratiam & naturam, inter peccatum & virtutis officium. Qui iudicat adulteria, homicidia, blasphemias, &c. peccata esse coinquantia hominem, conformiter iudicat Saluatori nostro dicenti: Quæ procedunt de ore, de corde exeunt, & ea coinquant hominem. De corde enim exeunt cogitationes malæ, homicidia, adulteria, furta, fornicationes, falsa testimonia, blasphemias. Hæc sunt, quæ coinquant hominem. Non lotis autem manibus manducare, non co inquinat hominem. Conformiter quoque Apostolo eius qui pronunciat de varijs ac diuersis hominum actibus, quod excludant à regno Dei. Primum ad Galatas dicens: Quæ prædico vobis sicut prædixi: quoniam qui talia agunt, regnum Dei non consequentur. Quo loco addidit, Et his similia, ut insinuaret se necdum enumerasse omnia quæ extorrem faciunt à regno Dei. Deinde ad Ephesios, Hoc enim scitote intelligentes, quod omnis fornicator, aut immundus, aut avarus, quod est idolorum seruitus, non habet hæreditatem in regno Christi & Dei. Nemo vos seducat inanibus verbis. Propter hæc enim venit ira Dei in filios dissidietæ. Tertiò ad Corinthios ubi enumeratis decem peccantium generibus, iudicat expresso sermone de ipsis, quod regnum Dei non possidebunt.

Aliud iudicare de personis, aliud iudicare de rebus.

Matth. 15.

Galat. 5.

Ephes. 5.

1. Cor. 6.

bunt. Igitur hoc pacto iudicare, tam nō est malum, vt sit verissimus vsus Euangelicæ doctrinæ. Quapropter habeto pro regula. Vnumquemque secum iudicare posse de his quæ certa diffinitione constituta sunt in lege Euāgelica, aut in decretis Pontificum, aut in Iure ciuili, in Iure naturæ, in Iure gentium. Et debet quisque cū occasio expostulat, sic iudicare, prout in prædictis iudicatum inuenitur: nisi errare velit in suum aliorumque graue præiudiciū. Nā iudicare in corde suo aliter esse quā in prædictis constitutum inuenitur, sæpe hereticum est; aliquando temerarium, & iniuriosum Reipub. semper autem perniciosum: modò fiat per malitiam, destinato animo, ad dissoluendum quod pro salute animarum, vel publica pace sanctè constitutum legitur. Exempli gratia: Quidam, quem Lutherum vocant, iudicauit, non esse nisi vnum peccatum damnans hominem videlicet infidelitatem, manifestè contra prænominatum iudiciū Saluatoris & Apostolicus, qui ponunt plura peccata excludentia à regno Dei. Item non esse nisi vnā virtutē quæ saluat, videlicet fidem. Rursum contra iudiciū Saluatoris testantis de dilectione, Dimissa sunt ei peccata multa: quoniam dilexit multum. Et alibi, Hoc fac, scilicet quod mandato charitatis præscribitur, & viues. Item, Si vis ad vitam ingredi, serua mandata. Hoc igitur iudiciū Martini, est error sceleratus in fide, militans expressè contra doctrinam Christi: quare nec leue peccatum, sed crimen hæreseos. Iudicare autem indignè de rebus Deo sacris, vt puta de Sacramentis Ecclesiæ, de mysterijs Religionis, de articulis fidei, de Euangelio salutis, de Sanctis, Sanctorumque reliquijs, non solum continet communē malitiam falsi testimonij, sed & violationem rei sacræ. Si cut enim furtum calicis, non nudum furtum est, sed furtum sacrilegum, violans sanctificationem qua Deo con-

secre-

Lutherus
lib. suo de
captiui. Ba
bylo.

Luc. 7.

Luc. 10.

Iudicare in
dignè de re
bus Deo sa
cris.

secratus erat: sic eiusmodi falsum iudicium de rebus sacris, sacrilegium dici debet, nedum temerarium iudiciū, affectu quantum in se est, violans rem sacram. Cui iudicio cū accedit pertinacia, hoc est, obfirmatio siue obstinatio animi non dimittendi tale iudicium, fit error perfidiae, excludens ab omni spe salutis: etiam si solum maneat intus in scrinio cordis. Quod si quis proferat in alios talem errorem aut scripto aut viua voce, iam fit dogma falsitatis siue doctrina pestilens. Cuius auctores in *2. Corin. 11.* Scripturis vocantur operarij subdoli, magistri errorum, pseudoprophetae, pseudoapostoli, errantes & in errorem mittentes. Quibus procella tenebrarum seruata est in *2. Pet. 2.* æternum, inquit Scriptura: quorum gloria in confusione ipsorum, quorum finis interitus: quorum damnatio certa est. Qui haberi debent ab omnibus verè Christianis veluti ethnici & publicani: adeoque vitari, vt nec in domum recipiantur, imò nec aue illis dicamus, secundum Ioannem Euāgelistam, Qui enim, inquit, dicit illis aue: *2. Ioan. 1.* communicat operibus illorum malignis. Ecce prædixi vobis: vt in die Domini non confundamini. Nihil enim periculosius infectione multitudinis. Tam diu enim aggrauatur damnatio inficientis, quā diu accrescit numerus eorum qui decipiuntur seminati ab illo erroribus. Hinc beatus Hieronymus dicit Arij damnationem necdum consummatam esse: quia adhuc multi illius erroribus decipiuntur.

D. Audio vsque in hanc horam manere reliquias hæresis Arianae.

M. Igitur, necdum consummatum est supplicium damnationis eius. Quanti autem periculi sit, agere pseudoecclesiasten non satis scitur, nisi dum sentitur ratum deum sero nimis.

D. Quid si surrepat cuiquam (vt fit) iudiciū erroneū,

circa ea quæ fidei sunt & religionis?

M. Si subito, si citra deliberationem ex quadam surreptione, aut perturbatione animi incidat homini tale iudiciū, certè aut nullum est peccatum, aut valde leue. Tentatio magis dici debet primusque conceptus animi ad peccandum quàm peccatum: nisi accesserit consensus voluntatis bene deliberatæ: nam tum fit verè peccatū, & tale peccatum quale diximus.

D. Rursum quæro, Quid si ex simplicitate aut defectu institutionis iudicet quispiam non bene de rebus fidei, vt faciunt simplices & idiotæ iudicantes patrem in diuinis esse virum senem candida promissaque barba, habentem filium in sinu suo, crucis stigmatibus decoratum.

M. De eiusmodi simplicium iudicijs censendum est iuxta negligentiam qua non curauerunt se institui in necessarijs ad salutem. Quoniam si negligentia fuerit crassa aut culpabilis, iam erroneum eorum iudicium meritò culpari debet: si verò nulla fuerit negligētia discendi, faciūtq; quod in se est, iuxta modulū conditionis suæ, iā nulla est culpa. Nam qui facit quod in se est, culpari nō debet in eo quod non potest: nec est omniū, scire omnia mysteria fidei, vt diximus in primo harum Demonstrationū libro.

D. Ne quæso indigneris domine, si adhuc semel interrogem. Quid si doctus aliquis, aut interpres iudicet falsum pro vero in his quæ fidei sunt?

M. Si fiat hoc (vt fit) simplici corde, citra studiū statuenti nouum dogma, cum promptitudine corrigendi sententiam, vbi melius instructus fuerit, non est peccatum: neque talis hæreticus vocari potest, dicente Augustino: Errare possum, hæreticus esse non possum: quia errorem meum nolo pertinaciter defendere contra auctoritatem Ecclesiæ. Pergamus itaque. Præter hæc autem contingit iudicare penes se indignè de decretis & mandatis Ecclesiæ:

fiæ: quod profectò scissuræ cuiusdam initium habet, cui si accedat pertinacia post debitam ac sufficientem monitionem, iam crescit in apertum schisma, faciens hominem prophanum, ac alienum à salute, iuxta illud Saluatoris: Si Ecclesiam non audierit, sit tibi sicut ethnicus & publicanus. Graue itaque peccatum est, malè iudicare de canonibus & constitutionibus Ecclesiasticis. Nec immunes sunt à præuaricatione huius mandati qui malè iudicant in corde suo de legibus ciuilibus aut senatusconsultis aut plebiscitis: quia perhibent sibi falsum testimoniū contra bonum publicum. Quem errorem si incipiant persuadere alijs, transit conceptum malum in seditionē. Cuius vtique malitia crescit, iuxta modumurbationis pacis, & vnitatis quæ in Repub. esse debent. Verum si quis iudicet secum malè de rebus indifferentibus, quæ siue sic, siue aliter se habeant, perinde est: vt si iudicem Imperatorem Bruxellæ esse, cum fortassis ibidem non sit, aut mensem Maium præterlapsum, cum necdum sit finis Aprilis, iudicium hoc quædam ignoratio est. Quæ, quoniam, nō est de his quæ scire oportet, ideo non est peccatū, sed potius aut conditio naturæ cui non est datum omnia scire, aut pœna peccati. Nam propter peccatum primi parentis, detrusi sumus omnes in regionem vmbrae mortis, multamque ignorantiam rerum. Quo modo autem alius error iudicantium de rebus sit noxius, alius innoxius, alius utilis iudicanti, alius inutilis, alius ab alijs difficile, tolerabilis, vide diuum Augusti in sua Enchiridio cap. 19. 20. 21. & lib. 2. de Trinitate ac alijs locis.

De iudicijs personarum & actionum personalium. CAP. XI.

M.



Vcufque egimus de iudicijs rerum: nunc verò agamus de iudicijs personarum & actionū personalium, pro quibus sit tibi regula talis. Quod

iudicare de actionibus proximorum, vel ex se indifferentibus, vel per se bonis, quod male sunt, est dicere falsum testimonium contra proximum. Veluti cum sacerdotem mulieri colloquentem video, iudico eum pacisci de lusu Veneris: aut publicè orantem iudico hypocritam: omnia enim huiusmodi iudicia temeraria sunt & iniqua, quibus dicit sibi homo falsum testimonium contra proximum.

D. Attamen dominus docet, hypocrisin esse exterminare faciem, vt videaris aò hominibus ieiunans, orare in angulis platearum, vt lauderis.

Matth. 6.

M. Sic quoque docent omnes Theologi probè insequentes doctrinam Saluatoris.

D. Quare igitur non licet nobis sic iudicare?

Aliter iudicant Doctores, aliter temerarij.

M. Christus & Doctores iudicant, de rebus in se secundum veritatem, quam euidenter afferunt secum, videlicet quòd exterminare faciem vt videaris hominibus ieiunans, est res mala & hypocrisis, à quocunque etiam fiat: sic orare coram hominibus vt laudem popularem captes. Illi autem de quibus agimus, iudicant de eo quod prorsus nesciunt, imò quòd nec scire possunt, videlicet de particulari facto huius vel illius personæ, & non tam de facto quod vident quàm de animo siue intentione facientis quam nò vident. Licet enim videas publicè orantem, tamen videre non potes quo animo, quæue intentione oret. Intentio autem operi nomen imponit. Quòd si noveris exactè animum ipsius, vel per reuelationem vel per propriam ipsius confessionem: quia dicit se hæc facere propter laudem popularem, iam potes, imò debes iudicare factum eius malum esse.

D. Et factum, vt apparet, & personam.

M. Non omnino personam, nisi quatenus communicat in facto. Verùm de hoc nunc audies. In Scripturis sic habemus,

bemus, Tu quis es, qui iudicas alienum seruum? Domino suo stat aut cedit. ad Rom. 14. Ibidem, Tu autē quid iudicas fratrem tuum, aut tu quare spernis fratrē tuum? Omnes enim stabimus ante tribunal Christi. Non ergo amplius inuicem iudicemus. Sed hoc iudicate magis, ne ponatis offendiculum fratri vel scandalum. Addit diuus Iacobus cap. 4. Qui detrahit fratri, aut qui iudicat fratrem suum, detrahit legi & iudicat legem. Si autem iudicas legem, non es factor legis, sed iudex. Vnus est legislator, qui potest perdere & liberare. Tu autem quis es, qui iudicas proximum tuum? In quibus sanē scripturis prohibentur expresse iudicia vsurpata super personam tibi non subditam, hoc est, super eū qui seruus est alienus, id est, non tuus, sed alterius domini, tibi verò æqualis, quia frater tuus, aut proximus, in quem nullam accepisti iudicij potestatem, neque à Deo, neque à Repub. neque ex ordine Iuris naturæ, aut si accepisti aliquam in eum potestatem, tamē nō in eo in quo iudicas ipsum. Si prætor es, habes quidem potestatem iudicandi malefactores: quia dicit Scriptura, Maleficos nō patieris viuere. Verūm non habes potestatem vt tecum iudices hunc, quem interficis, esse filium irę diuinę, aut damnationis æternę: hoc enim excedit iudiciariam tuam facultatem. Si pater es, in his igitur poteris iudicare filiū tuū, quę concernunt paternā auctoritatem. Verūm iudicare filium tuum aut ^{atq;} esse, aut malę cōscientię, aut æternaliter, condemnandū, non potes: quia in huiusmodi alienus seruus est, tibi proximus & frater. Præterea habent Scripturę sanctę hoc præcepto, Nolite ante tempus iudicare, quoadusq; veniat Dominus, qui & illuminabit abscondita tenebrarum, & manifestabit cōsilia cordium. Et alibi, Nolite iudicare secundum faciem: sed iustum iudicium iudicate. Rursum, Vos secundum carnem iudicatis. Iudicare autem ante tem-

1. Cor. 4.

1oan. 7.

1oan. 8.

pus est iudicare ante plenam cognitionem causę, siue incognita causa ius dicere. Iudicare verò secundum faciem, est iudicare secundum apparentiam quandam, citra veritatis inspectionem. Iudicare secundum carnem est iudicare vel secundum sanguinis cognationem, vel secundum carnalis sensus cogitationes. De cuiusmodi iudicijs temerarijs habes Matth. 11. 12. Lucę. 7. Venit Ioannes Baptista, inquit Saluator, neque manducans panem, neque bibens vinum, & dicitis, Dæmonium habet. Venit Filius hominis manducans & bibens: & dicitis, Ecce homo vorax & potator vini, amicus publicanorũ & peccatorum. Si autem sciretis quid est, Misericordiam volo, & non sacrificium, nunquam condēnassetis innocentes. Et Lucę 18. Deus gratias ago tibi quia non sum sicut cæteri hominum, raptores, iniusti, adulteri, velut etiam hic publicanus, aiebat superbus ille Phariseus prorsus secundum faciem iudicans. Descendit autem publicanus de templo iustificatus præ illo. Quando igitur iudicamus de conscientijs proximorum, tunc certè ante tempus iudicamus: quia illę nondum apertę sunt. Aperientur autem in consummatione seculi, cum Dominus illuminabit abscondita tenebrarum, & consilia cordium, & tunc coniu dicabimus cum Domino. Itē quando ex apparentia quadam iudicamus, scilicet quia videmus virum transeuntem vicum, in quo nidum habent Veneris filię, aut sacerdotem loquentem cum muliere, ideoque impurum esse censemus, iam iudicamus secundum faciem, cōtra Evangelium Christi. Tertio habent Scripturę sacrę, Quid autem vides festucam in oculo fratris tui: & trabem in oculo tuo non vides? Aut quomodo dicis fratri tuo, Frater, sine eijsiam festucam de oculo tuo: & ecce trabs in oculo tuo? Hypocrita eijsce primum trabem de oculo tuo, & tūc videbis eijscere festucā de oculo fratris tui. Matth. 7.

Qui-

De iudicio
hypocriti-
co.

Quibus verbis Saluatoris prohibetur iudicium hypocriticum, quo quis iudicat aliū corripiēdum super minimo, neglecto seipso in maioribus, vt videatur sanctulus esse. Quartò habet Scriptura ad Rom. 2. Propter quod inexcusabilis es ô homo, omnis qui iudicas. In quo enim iudicas alterum, teipsum condemnas: eadem enim agis quæ iudicas. Scimus enim quoniam iudicium Dei est secundum veritatem in eos qui talia agunt. Existimas autem hoc ô homo qui iudicas eos qui talia agunt, & facis ea, quia tu effugies iudicium Dei? An diuitias bonitatis eius, & patientiæ, & longanimitatis contemnis? Ignoras quoniam benignitas Dei ad pœnitentiã te adducit? &c. Ecce quàm exactè detestatur hîc Apostolus iudiciū condemnatiū suiipsius, quo quis proximum iudicat propter factum aliquod, & nihilominus ipsemet facit idem, prout frequens est in hypocritis. item in cōcionatoribus, & confessionarijs, qui mirè debacchantur contra vitia, quibus ipsimet vehemēter inuoluti sunt. An existimas ô homo, qui iudicas eos qui talia agunt, & facis eadē, quoniam tu effugies iudicium Dei? Eodem sanè vitio laborant patres & matres iudicando & arguendo proles super iurationibus & execrationibus: nihilominus ipsimet tertio cuiq; verbo diras quasdā iurationes et execrationes admiscēt. Ex prædictis itaq; scripturis certū est, quatuor esse genera iudiciorum, quibus peccatur contra hoc mandatum, videlicet usurpatum, temerarium, hypocriticum & condemnatiuum suiipsius iudicantis. Quorum quodlibet continet falsum siue iniquum testimonium contra proximum, habens sua incrementa malitiæ, iuxta quantitatem nocimenti quod infertur proximo. Nemo igitur mortalium debet iudicare proximum suum esse extra gratiam Dei, aut peccatorem, aut templum diaboli, aut reum gehennæ ignis.

Quadruplicia iudicia prohibentur in Scripturis.

D. Quid

D. Quid, si viderem proximum committentem homicidium, aut adulterium?

M. Hoc etiam si videris, non tamen propterea debes iudicare ipsam personam, aut longè esse à salute, aut ream esse æternæ damnationis. Ratio cuius assignatur, quoniam in hac parte alienus seruus est, domino suo, stat aut cadit: non tibi: tibi enim frater est, non subditus. Quapropter si iudicas, usurpas tibi indebitum iudiciû, nec solum indebitum, sed & temerarium, & ante tēpus, priusquàm habeas debitam notitiam causæ. Nescis enim, an faciendo offenderit Deum mortaliter. Potuit namq; homicidium quod commisit esse, aut casuale, aut mera defensio sui ipsius seruato moderamine inculpatæ tutelæ, aut contigisse zelo quodam zelantis pro gloria Dei, quomodo Phinees interfecit simul virum, & mulierem, & non solum non peccauit, sed & laudem meruit & sempiternum sacerdotium. Potuit denique ex tali ignorantia vel perturbatione animi processisse: quòd aut nullam, aut omnino minimam habuerit culpam. Legimus enim quòd Iacob dormiuit cum Lia non sua vxore: tamen absque culpa adulterij fuit. Et vt demus quòd peccauerit occidendo,

Num. 25.

Genes. 29.

1041. 11.

nunquid duodecim horæ diei sunt? inquit Saluator, volens insinuare quod singulis horis potest homo mutare voluntatem suam de malo in bonum. Nōne igitur & ille statim postea vel in primo momento post factum poenitere potuit? Intrauit templum peccator Publicanus? sed mox post vnam precationem exiuit iustificatus. Negauit Dominum Petrus: at statim post fletum amarum, meruit esse princeps Apostolorum. Quemadmodum videmus Christi fideles crebrò peccare in publico: sic non rarò videmus eosdem humiliter prostratos ad orationem in templo. Quapropter de nemine possumus citra temeritatem iudicare quòd sit malus, aut longè à Deo, aut in statu

statu damnationis. Quisque enim omni momento, deposita malitia, bonus fieri potest, per Dei gratiam & pœnitentiam cordis. Nullo autem modo possumus aliquem iudicare ex his, quæ bono maloue animo fieri possunt, vel ex leuibus dubijsque suspicionibus, dicente Saluatore: Nolite secundum faciem iudicare.

- D. Certum est, omnibusque notum, aliquando per manifestam euentiam, aliquando per superioris sententiam, quod iste sit concubinarius, aut leno, aut usurarius aut excommunicatus.

- M. Certè de talibus iudicare licet quod sint in periculoso statu, in quo si perseuerent, saluari non possunt, idque cum dolore animi: quoniam fratres sunt. Neque temerarium est huiusmodi iudicium: quia ex veritatis cognitione. Non iniurium: quoniam non lædit famam, ex quo cunctis notorium est. Non etiam contra charitatem: quia est ex cõpassione, & cum dolore animi. Nõ usurpatum quoniam est iudicium de facto personæ, & non de persona: nisi in quantum communicat in facto. Verum ex eo facto porro procedere ad iudicandum directè personam, dicendo, filius damnationis est, saluari non poterit: hoc neutiquam fieri debet: eò quod usurpatum sit & temerarium. Quãdoquidem potuit ille eadem hora, antequam tu tecum sic iudicares mutasse propositum, & incepisse iam veram de corde pœnitentiam, iamque se disponere ad immutationem status. Fili, valde venit obseruanda in omnibus, quæ videmus circa proximum, illa diui Bernardi sententia dicentis: Caue alienæ conuersationis esse aut curiosus explorator, aut temerarius iudex. Etiam si perperam actum quid deprehendas, nec sic iudices proximum: magis autem excusa. Excusa intentionem, si opus non potes: putà ignorantiam, putà subreptionem, putà casum. Quod si omnem omnino dissimulationem rei certitudo

Ioan. 7:

De notorijs
quid sit iudicandum.

Bernardus
serm. 40. sup
per Cant.
Cantic.

recusat, suade nihilominus ipse tibi, et dicito apud te-
 ipsum. Vehemens fuit nimis tentatio. Quid de me illa
 fecisset, si acceperisset in me similiter potestatem? Itaque ne-
 mo iudicet fratrem suum, proximum suum, alienum servum,
 ante tempus, vel secundum faciem (has enim interpre-
 tationes adfert Scriptura) sed unusquisque iustum iudi-
 cet iudicium, secundum veritatem, & dum tempus est,
 nimirum causa plenè cognita, id què non nisi in eum qui
 sibi subditus est, non etiam nisi secundum auctoritatem
 legitimam, sibi vel à natura, vel à Deo, aut à communita-
 te concreditam in hac parte.

De mendacio.

CAP. XII.

M.



Voniam autem in falsis testimonijs, & in detra-
 ctionibus, & in usurpatis ac temerarijs iudicijs,
 quibus peccatur contra istud mandatum, ferè
 semper se miscet mendacium, estq; omne men-
 dacium falsum testimonium de aliquo: ideo expedit hinc
 modicum inquirere de natura malitiaq; mendacij: quid
 mendacium sit, quid mentiri, vtrum omne mendacium
 sit peccatum & quare.

D.

Memini me audisse D. Augustinum valdè exactè scri-
 bere de natura mendacij.

M.

Quid sit
 mendacium.

Sic est. Definit autem B. August. mendacium hoc mo-
 do, Mendacium est falsæ vocis significatio cum intentio-
 ne fallendi, hoc est, falsum dicendi. Nam qui vult falsum
 dicere, is intendit fallere. Vt igitur sermo oris sit menda-
 cium, necesse est vt falsum proferatur: & id quidem cum
 intentione fallèdi. Est enim proprium mentientis, aliud
 habere in corde, aliud promptum in lingua, ad fallaciam
 audientium. Hinc mentiri, est loqui contra mentem, hoc
 est, contra id quod in mente sentis, siue verum illud sit,
 siue

sine non. Quapropter omnis qui ex proposito loquitur mendacium, mentitur: quia loquitur contra hoc, quod animo sentit, idque voluntate fallendi. Sed non omnis qui mentitur, mendacium dicit: nam loquitur aliquando quod verum est, mentiendo: sicut si Iudæus asserat Christum esse Deum, nihil minus sentiens animo, non est mendacium quod dicit: tamen veraciter mentitur, dicendo contra mentem quod verum est.

D. An omne mendacium sit peccatum?

M. Respondet D. August. dicens: Mihi videtur omne mendacium per se malum esse. *Omne mendaciū malū.*

D. Etiam si fiat citra nocendi voluntatem?

M. Imò, etiam si fiat studio iuvandi: sic quòd profit alicui, & nemini obsit. Habet enim mendacium adeo conuolutam secum malitiam, vt nulla ratione, nulliusque pietatis contemplatione, bonum esse possit. *Mendaciū habet cōuolutam malitiam.*

D. Miror, & vnde surgit hæc conuoluta malitia?

M. Ex eo quòd repugnat per se rectæ rationi dictanti, nunquam vtendum rebus contra naturalem ordinem ipsis ab initio insitum: at postulat ordo rerum, vt vox sit nūcia mentis. Verba siquidem, inuenta sunt, non vt per ea homines se inuicem fallant, sed vt per ea alter in alterius notitiam suas cogitationes transfundant. Vti ergo verbis ad fallaciam, contra finem institutionis suæ, utique; repugnat ordini naturali, estque peccatum homini modo voluntariè fiat.

D. Quid si interrogatus à libidinoso, vbi sit scortum, dixerò me nescire, vt hominem præseruem ab iniquitate, cum tamen sciam. Aut si innocentem quæsitum ad mortem prodere nolim, dicens: Nescio vbi sit: cum tamen sciam, Nunquid benefaciendo peccati reus ero? *Nullus pietatis inuitum mentientum est.*

M. Est regula Apostolica beati Pauli, quæ docetur, Non sunt facienda mala, vt inde eueniant bona. Nam et si possit

magni est momenti, ita multa parua simul aggregata, magnum efficere solent. Nullum lignum facit ignem: sed ex lignis multis magnus construitur ignis. Vnde Ecclesiasticus: Noli, inquit, velle mentiri omne mendacium: assiduitas enim illius non est bona. Posterius est, ne fiat nec iocofum quidem mendacium circa doctrinam virtutis, aut circa fidem, aut circa Scripturas sanctas, vel etiam circa famam proximi. Nam non potest non esse perniciosus, vel leuissimus iocus, mentientis circa res tam arduas. Vti oculus, ita nec fides patitur iocum, quantò minus mendacium. Secundum mentiendi genus dicitur mendacium officiosum, quo vtitur quis vt profit: tamen citra læsionem cuiuscunque, quale aliquando necessitatis ratio, aliquando pietas siue misericordia, aliquando zelus religionis extorquet. Vt contigit in obstetricibus, Exod. 1. Et in Rahab meretrice, Iosue. 2. In Iudith quæ in verbis suis decepit Holofernem, Iudith. 12. Eiusmodi autem mendacium quamuis non sit mortale, aut grande malum: tamen prorsus à peccato excusari nõ potest, propter rationem superius dictam. Tertium vocatur mendacium perniciosum, eo quòd noxium sit siue nociuum vel diuinis vel humanis rebus: & istud sanè ex suo genere est peccatum damnabile, quoniam repugnat charitati: Atque de ipso intelliguntur, eiusmodi scripturæ: Os quod mentitur, occidit animam. Item, Perdes omnes qui loquuntur mendacium, videlicet in perniciem, aut iacturam aliorum. Est autem vehementissimè perniciosum mendaciũ quod committitur circa sacrã Scripturam. Nam (vt inquit August.) si ad sacras Scripturas admista fuerint mendacia, nihil remanet in eis soliditatis. Quapropter tale mendaciũ, cedit in perniciem & destructionem totius Christianis: sublata enim soliditate scripturarum, omnia quæ scripturam est dei sunt, remanēt nobis incerta. Væ igitur illis qui, scientes

Eccles. 7.

Mendaciũ
officiosum.Mendaciũ
pernicio-
sum.

Sap. 1.

Psalm. 51.

Mendaciũ
multiplici-
ter est vehe-
menter per-
niciosum.Omne menda-
cium, circa
sacrã Scri-
pturam est
pernicio-
sum.

tes & volentes miscēt scripturis bibliorū mēdacia, aut tol-
lēdo quod erat, aut addendo quod nō erat in textu, aut
versionibus & commentarijs siue paraphrasibus aliud ex
scripturis docēdo, q̄ auctor Spiritus Sanctus intendebat,
aut ascribēdo textui vel in margine, vel in sumarijs ca-
pitulorū, vel in indicibus, quod ibidem non inuenitur.
Quemadmodū frequenter fit hoc nostro infelicissimo
seculo, quò facilius stabiliant noua sua dogmata. Verūm
portabunt tales iudicium suum, quicumque sunt illi.
Vtinam legerent diligenter Apostolicas sententias Apo-
calypsis vltimo cap. circa finem, & 2. Petri vltimo, etiam
circa finem, profecto quā apertissimē viderent demon-
stratam suam ipsorum damnationem: Dicant ipsi si po-
terūt, an aliud sit assuere falsum diuinis scripturis, quā
mentiri Spiritui Sancto? Quod quā graue est crimen
non solū patet Act. 5. sed & ordo rerum Dei quē maie-
stas demonstrant. Deinde perniciosum est omne menda-
cium prædicatoris verbi Dei in prædicatione verbi Dei,
eò quòd detrahat verbo salutis suam auctoritatem: si qui-
dem, quod fallit, aut mendacio nititur, auctoritatem ha-
bere non potest. Vnde inexcusabiles sunt qui è suggestu
loco Euangelij aniles fabulas, aut exempla imprudenter
conficta vulgo prædicant. Item qui loco Euangelij an-
nunciant peccatoribus placentia, dicentes, pax pax, vbi
non est pax: sed magna diuinæ indignationis prouoca-
tio. Iuxta illud, A Propheta vsque ad sacerdotem cuncti
faciunt dolum. Et curabant contritionem filiarum populi
mei, dicentes, pax pax, & non erat pax. Cōfusi sunt, quia
abominationem fecerunt. Quin potius confusione non
sunt confusi, & erubescere nescierunt. Quamobrē cadēt
inter ruentes, in tempore visitationis suæ corruent, dicit
Dominus. Huc huc pertinent perniciosissima mendacia
hæreticorū, quibus docent non esse bene operandū: sed

Hierem. 6.

tantummodo cōsidendum in redemptione Christi, non esse faciendam confessionem peccatorum, non esse orandum pro defunctis & id genus alia quàm plurima: qui quo magis abutuntur Scripturis sanctis ad comprobationē talium suorum mendaciorū, eò sunt damnabiliores. Tertiò perniciosum est mendacium iudicis, vt iudex est: aduocati, vt aduocatus est: testis, vt testis est: quoniam hæc non possunt non adferre secum multam perniciem in Repub. Addidi vt iudex est, vt aduocatus est, vt testis est: quoniam de alijs eorum mendacijs, iudicandum est cōmuniter. Quartò perniciosum est omne mendacium circa disciplinas, pro quāto sunt bona intellectus. Quintò perniciosum est omne mendacium quod alteri iniuriam infert, aut notabile dispendium rerum suarum, manifestè repugnans fraternæ charitati.

D. Quid ergo dicemus de Patriarcha nostro Iacob, qui mentiendo se esse Esau, præripuit fratri benedictionem paternam, fallens & fratrem suum, & patrem, ne dicam proximum, an peccauit vir sanctus mortaliter?

M. Respondet diuus August. Iacob quod fecit, matre autore fecit, vt falleret patrem. Et si diligenter attendatur res gesta, videtur non esse mendacium: sed mysterium. Intendebat enim matri obedire, quæ per Spiritum nouerat mysterium. Et ideo propter familiare consilium Spiritus Sancti quod mater acceperat, à mendacio excusatur Iacob. Et erat iam verum, quod de se dicebat Iacob, videlicet, Ego sum primogenitus tuus Esau. Iure enim emptionis possideo primogeniturā fratris mei Esau, quam ille sponte vendidit mihi. De qua & mater didicit oraculo Dei quòd ad me pertineret, dicente Deo. Maior seruiet minori, hoc est, qui prior egredietur de utero tuo, eoquē maior natu inter homines vocabitur, seruiet minori, hoc est, ad minorem pertinebit ius primogenituræ.

Genes. 25.

Ibidem.

Nec omnino certum est Esau prius accepisse vitam in utero materno, quam Iacob: quamuis prior de utero sit, editus in mundum. De quo nec sic exiuit, quin simul egrederetur manus Iacob, tenens plantam fratris sui Esau: ut & illinc constaret, non omnino fuisse Esau primogenitum. Sed & significatio vocis Esau (quæ interpretatur faciens siue operans) tam conuenit personæ Iacob quam personæ Esau. Ut facile sit declarare tanto mysterio non interuenisse mendacium: quamuis fuerit ibi simulatio & fraus quædam, hoc est artificiosa quædam assimulatio senioris fratris, ut sic perueniret Iacob ad benedictionem primogenituræ, optimo iure sibi debitâ. Qualis fraus & citra mendacium ac culpam fieri potuit. Possum enim ar-

Tripliciter debita, ubi alia acquirendi media mihi defuerint. Interim obserua diligenter quod sæpe monuimus, posse contingere tripliciter mendacium etiam perniciosum citra culpam peccati, mortalis: vel quia fit ex surreptione quadam, ut in primis motibus: vel quia non infert notabile aliquod nocumentum proximo: nam quod minimum est, pro nihilo reputatur: vel quia accidit præter omnem intentionem nocendi. Hoc tamen postremum intellige nisi propter enormitatem nocumēti, peccatum re-

deat in naturam suæ formæ: eò quod non sufficienter præcauit iacturam proximi, ubi, & quando, & quantum præcauere debuit. Ut igitur finem faciam dicēdi de mendacio: certum habe quod omne mendacium peccatum est, continens falsum testimonium: sed nō omne est peccatum mortale. Omne procedit à malo: quoniam diabolus mendax est, & pater eius, scilicet mendacij, iuxta sententiam Christi: non tamen omne mendacium facit templum diaboli, aut reum gehennæ ignis. Quod si in historijs scripturarum inueneris quædam mendacia, ut in hi-

storia

Ioan. 8.

Multa in Scripturis quæ videntur mendacia excusantur.

storia Iudith, in historia Iosue de Rahab meretrice, in *Iudith. 13.*
 Exodo de obstetricibus, in Genesi de Abraham, Isaac, & Ia- *Iosue. 2.*
 cob: certè multa prorsus ac facile excusabis, declarata veri- *Exod. 1.*
 tate historiarum: uti Abraham reprehensus mendacii à Pha- *Genes. 12.*
 raone iuste se excusauit, dicens de vxore sua: nam verè so- *10. 26. 27.*
 ror mea est, filia patris mei, & non matris meæ. Erant in-
 super iuxta ritum gentis, omnes filij Israël, inter se fratres
 & sorores. Quædam verò excusabis hac ratione, quòd
 animus sic agens, quasi ex se totus seruiebat ductibus Spi-
 ritus Sancti in mysterio. Vbi verò nō poteris omnino ex-
 cusare, ut in Rahab, in obstetricibus, in Iudith, admitte
 mendacia fuisse, sed minima & officiosa: quia ut iuuabāt
 afflictos, ita ab omni nocendi proposito alienissimæ erāt.
 Nec mirum, quòd in sanctis patribus minutula fuerint
 mendacia, in quibus etiam grauissima fuisse crimina scri-
 ptura teste constat. Enimvero in Dauide inuenitur adul- *2. Reg. 12.*
 terium, homicidium insuper & superbia. In filijs autem *2. Reg. 23.*
 Iacob crimen pessimum, odium fraternum, nec non fla- *Genes. 37.*
 gitiosa illa venditio Ioseph sanguinis sui. De Iudith ve-
 rò muliere sancta licet dicere quòd æstuabat pietate in
 Deum, & populum suum, ideoque minutula illa men-
 dacia nihil attulisse ei detrimenti: sed magis inflammasse
 ignem quo plena erat, multo ardore pectoris absumente
 vniuersa. Quemadmodum guttulæ aquæ etiam multæ
 dum incidunt in ignem copiosum non extinguunt: sed
 incendunt, incitant quæ magis ardorem: quæ tamen gut-
 tulæ si assidue cadant in modicum ignem, ut diminuunt
 paulatim, ita tandem extinguunt.

D. Veruntamen videntur perniciofa fuisse mendacia Iu-
 dith: insidebatur enim per huiusmodi figmēta vitæ Ho-
 lofernis.

M. Quem iuste occidere posses, illum etiam insidijs &
 modis omnibus circumuenire licet. Nec respiciendum

DE FALSI TESTIMONIIS

tum quale illi nocumentum, sed quale communitati adferas beneficium. Satis de hoc.

D. Vt semper fecisti, ita, precor, & hic summam dicas, qui sint transgressores huius mandati.

Sūma præcepti. M. Falsi testes tam in iudicio quàm extra iudicia, falsi iudices, detractores, & qui accommodant aures suas detractionibus, infamatores, susurriones, iactatores sui ipsius, criminatores, contumeliosi, hypocritæ, nequiter se humiliantes, aut fictis actionibus sanctitatem mentientes, adulatores, suspiciosi, temerariè iudicantes apud se de proximis, de Sanctis, de diuinis Scripturis, mendaces, & qui falsa spargūt dictis vel scriptis in perniciem proximi aut Præpositorum Ecclesiæ: maximè si in perniciem fidei aut Religionis fingant quæ non oportet vt pseudoapostoli, seductores, hæresiarchæ, magistri subdoli, falsi interpretes Scripturarum, blasphemi in Sanctos, in Sacramenta Ecclesiæ, derisores virtutum ac pietatis. Omnes enim hi perhibent falsum testimonium.

Elen:

24

Elenchus Capitū Tractatus decimi.



Quod rationabiliter post sextum & septimum mandata superaddantur nonum & decimum mandata, propter depravatam carnalium hominum iudiciū.

Cap. I.

Quid præcisè prohibeatur istis duobus mandatis, & cui sit prohibitio facta.

Cap. II.

Prohiberi his præceptis, ne concupiscas tu uxorem aut rem proximi: non autem prohiberi ne sit in te concupiscentia rerum non tuarum.

Cap. III.

Quomodo cognoscemus, consenseritne ratio mentis concupiscenti carni, an non.

Cap. IIII.

Non esse à toto genere prohibitum concupiscere uxorem proximi, aut rem alterius.

Cap. V.

Duo nouissima mandata esse in lege noua abundè renouata.

Cap. VI.

De plenitudine dicti huius, Qui uiderit mulierem ad concupiscendum eam, &c.

Cap. VII.

Quid intersit inter concupiscentiam cordis & operis impletionem.


Cap. VIII.

Cc 4

Tracta-

Tractatus decimus.

Quàm rationabiliter post sextum & septimum mandata superaddantur nonum & decimum mandata, propter deprauatum carnalium hominum iudicium. CAP. I.

- M.**  Vnc dicitō nonum & decimum mandata.
- D.** Alterius nuptam, nec rem cupias alienam.
- M.** Quin potius in lege Domini quid scriptum est, quomodo legis?
- D.** Non concupisces domum proximi tui. Nec desiderabis uxorem eius, non seruum, nō ancillam, non bouem, non asinum, nec omnia quæ illius sunt.
- M.** Habet quidem hoc modo Decalogus Exod. 20. cap. inuoluendo vtrumque præceptum simul. Deuter. verò paulò distinctiùs habetur, vt præcedat nonum præceptum, & subsequatur decimum hoc modo: Non concupisces uxorem proximi tui. (In quo datur nonum præceptum) Non domum, non agrum, non seruum, nō ancillam, non bouem, non asinum, & vniuersa quæ illius sunt. (In quo datur decimū præceptum). Olim quidem Origenes secutus Hebræos ex his duobus sic in Scriptura copulatis, fecit vnum mandatum, diuidens primum mandatum prioris tabulæ in duo præcepta, quò numerus denarius integer remaneret. Cæterum magis placet mihi diui August. sententia, qui primæ tabulæ fecit tria præcepta, & secundæ septem, hæc posteriora diuidens in duo. Cui sententiæ tu quoque adhærebis. Cæterum de his duobus mandatis, quid tibi apparet?
- D.** Certè quòd parum aut nihil distat à sexto & septimo mandatis, scilicet, Nō mœchaberis, Non furtum facies. Nam qui prohibet factum, faciendi quoque voluntatem siue concupiscentiam prohibere videtur.
- M.** Poterant quidem sextum & septimum mandata intelligi in illa generalitate, vt simul prohiberent cum fa-
- 86

Et o exteriori etiam concupiscentias animi : verum sic diuina dispensatione factum est, vt in illis prohiberet opus adulterij & furti: in his verò, vtriusque voluntatem siue affectum, qui subinde est vel absque opere.

- D. Sic & affectus homicidij, nō rarō est absque opere homicidij: & tamen nō propterea fecit Deus duas prohibitiones: vnā facti, alterā animi. Vnde igitur hæc diuersitas, & quæ causa ipsius?

- M. Populus Iudaicus adeo erat carnalis, & (vti Scriptura dicit) incircuncisus corde, vt cūm perpenderet vniuersis natura inditum esse appetitum habendi, quod pertinet ad conseruationem indiuidui, appetitum quoque faciendi quod attinet ad propagationem speciei: non potuerit iudicare appetitum tam naturalem, esse peccatum, quā diu maneret sine opere nefario inferente iniuriam proximo. Nam ipse appetitus dū manet in corde, vt nulli facit iniuriam, ita est secundū naturalem inclinationem habentis, quemadmodum experimur vniuersi. Quare igitur esset peccatū? Longè verò aliud est de appetitu homicidij. Item de voluntate dehonoriandi parentes, aut diffamandi proximum. Quamuis enim non inferant iniuriam dum solū manent in corde: tendunt tamen contra naturalem inclinationem hominis. Homo enim natura est animal sociabile, natum ad gratitudines & amicitias colendas. Quam ob causam quisque suo pte ingenio abhorret à periurio, ab homicidio, à parentū dehonestatione, à falso testimonio, natura nullam specialiter cōferente vim ad talium affectus. Itaque quò ad ista non erat opus prohibitionibus præter illas, quibus prohibetur opus. Verū cūm ab adolescentia naturaliter pronisimū ad corporeas voluptates, & seculi opes, quod in illis species, his verò cōseruetur indiuiduū. Hinc est quòd speciatim Deus circa vsum rerum temporalium & car-

*Quare non
nū & decimū
difficili
rant à sexto
& septimo*

Iosephus
Antiq. lib.
12.

nis voluit esse distincta præcepta, alterum prohibens opus, alterum vetans expresse etiam operis voluntatem: ne natura per se procliuvis in huiusmodi, deciperet iudicium hominis: quomodo deceptum legimus carnalium hominum iudicium, etiam non obstantibus illis mandatis, sic speciatim datis. Nam Iosephus probatus Historiographus reprehendit acriter Polybium ethnicum, eò quòd Antiochum illustrem miserè perijisse testetur ob id quia voluit templum Dianæ in Persida deuastare: quòd Iosephus absurdè dictum esse putat, definiens male sano quidem iudicio, eum nullatenus egisse peccatum, nulloque reatu teneri, quia tantum cogitasset. Ex qua vna sententia Iosephi viri percelebris, facile constat, quàm erat necessarium prohibere etiam cõcupiscentiam mulieris alienæ, & rerum non suarum.

D. Quid igitur Iosephus cæteri que Iudæi dicebant ad ista duo mandata quæ manifestè prohibebant tempore intellectus Iudaicus duorū M. ultimatorū. Dicebant in sexto mādato prohiberi opus carnis, hoc est, adulterium, fornicationem, Sodomiam. In nono verò mandato prohiberi concupiscentiam eam quæ parti insinuat luxibus, osculis, signis, literis, persuasionibus, tactibus: omnia tamen citra opus principale. Hæc enim præludia dicebant vocari in scripturis concupiscentias: quæ spiritus concupiscentiū hinc inde, in alterutrum mirabiliter transferātur his medijs. Concupiscentiam verò profusus intus immanentem neque hic, neque vsquam prohiberi, ob hoc quòd sit secundum naturam, nullique iniuriam inferat, neque mali alicuius occasionem, aut tentamentum præbeat. Similiter dicebant in mandato septimo prohiberi furta, rapinas, concussiones, & cætera huiusmodi. In decimo autem prohiberi eam concupiscentiam rerum proximi, quæ iam ad proximum applicatur, in

in technis, dolis, vaftricijs, callidisq̃ue inuentionibus

D. Itaque errabant.

M. Prorfus, illorumq̃ue eorrem manifestè conuincit Euangelium, prout inferiùs audies.

Quid præcisè prohibeatur istis duobus mandatis, & cui sit prohibitio facta. CAP. II.

M. **N**unc autè quid tibi videtur prohiberi istis duobus mandatis?

D. Ipsa concupiscentia.

M. An omnis, & à toto genere?

D. Non, sed concupiscentia vxoris alienæ, & rerum non suarum.

M. Rectè dicis: nam & Spiritus noster habet suas concupiscentias moderatas, honestas, sanctas, insitas desuper à Spiritu sancto. Iuxta illud Apostoli: Spiritus concupiscit aduersus carnem, & caro aduersus spiritû. Hæc enim sibi inuicem aduersantur. Habet & homo, vt homo est, iudicio & ratione præditus ex naturæ qualitate suas concupiscentias haud quaquam illicitas. Concupiscit homo esuriens cibum, sitiens potum, nudus vestimentum, algens focum, æstuans refrigerium, lassus requiem, timens securitatem, dolens consolationem, moriens vitam. Vtq̃; concupiscimus omnes vsum rerum nostrarum: ita & maritus consuetudinem vxoris suæ: & qui non habet comparem sine culpa maritus esse desiderat. Quales concupiscentiæ si ratione moderatæ sint, nihil habent mali, neq̃; intelliguntur propriæ in Scriptura sacra sub his nominibus Concupiscere & Concupiscētia: quod tamen si aliquando fiat, id ipsum facile ex filo orationis deprehendi potest. Vt ibi, Sine dolo lac concupiscite vt in eo crescat. Quin potius intelliguntur in dictis nominibus Concupiscere & Concupiscentia, primò praua illa inclinatio naturæ corruptæ, quam nos fomitem: Apostolus verò

Non omnis concupiscētia mala. Gal. 5.

1. Pet. 2. In nomine concupiscentiæ intelliguntur, primò concupiscentia habitualis in malum.

vocat

vocat peccatum habitās in carne, aut legem membrorum repugnantem legi mentis, ad Rom. 7. aut carnem, 8. cap. ac alijs locis. Eiusmodi appellatione vocatur cōcupiscentia habitualis seu congenita. secundo affectiones seu

Secundo
actuales in- actus eiusdem prauæ inclinationis, quibus caro actu cō-
clinationes cupiscit aduersus spiritum, aut aduersus iussiones diui-
siue affectio- nas, vel fraternam dilectionem, quærens quæ sua sunt,
nes. non quæ aliorum: quas concupiscentias dicimus prauas

Rom. 8. esse: tum quia sunt contra legem Dei, tum quia non diriguntur nisi prudentia carnis, quæ, secundum Apostolū, mors est, & inimica Deo: legi enim Dei non est subiecta, neque enim potest: nobis tamen renatis in Christo imputari in peccatum vel culpam non possunt, nisi vincant, trahentes secum rationem in consensum: nam tunc deum incipiunt imputari ad culpam quæ prius inerant vel ad pœnam, vel ad exercitium, vel ad humiliationem.

Duplex cō-
cupiscētia. Scriptura itaque docet duas esse cōcupiscentias, & vtrasque malas, congenitam scilicet & actualem. Congenita quidē semper est in homine, tanquam perennis quædam miseria, & infelicitas naturæ lapsæ: rationem tamen peccati non habet, neque imputatur ad culpam in renatis.

D. Tamen vocat eam Apostolus peccatum habitans in carne, ad Rom. 7.

M. Non apellat eam Apostolus simpliciter peccatū, sed
Habitualis peccatum habitans in me, hoc est, in carne mea, sic enim
concupiscē- ipsemet interpretatur. Peccatum verò habitans in carne,
tia non est non est peccatum propriè aut simpliciter dictum: sed vi-
peccatū sim- tium siue malum carnis, ipsam carnem inhabitans. Ideo
plicitèr. autem inhabitans, quoniam non ad horam aut diem sed perpetuò inhæret velis nobis, tanquam innatum malum siue congenitum naturæ: quemadmodū peccatum scripturæ, non est peccatū simpliciter, sed vitium orthographiæ, aut artis pingendi.

D. At dicit præceptum, Non concupisces. Omnis itaq;
concupiscentia est præuaricatio huius mandati.

M. Cæterum cui id dictum est, lapidîne an homini?

D. Homini arbitror.

M. Ne dicas arbitror, certo certius habe, nullam legem *Præcipitiâ*
veteris aut noui Testamēti datam esse, nisi homini. Sen- *datū ne ho-*
sus itaque est, Tu homo, vt homo es, hoc est, ea parte qua *mo cōcupis-*
homo es, nempe ratione agens & deliberata voluntate, *scat.*

non concupisças vxorem proximi tui, domum, agrum,
&c. sic enim habent verba mandati, Non concupisces, tu
scilicet, vxorem proximi tui, domum, agrum. Actus, non
est veraciter hominis, neque humanus dici potest: nisi
procedat à voluntate ratione deliberata, hoc est, nisi ho-
mo sciens ac volens ipsum eliceat. Et tunc demum laude
vel vituperatione, premio aut criminatione dignus habe-
tur. Hinc Apostolus ad Rom. 7. Concupiscentiam ne-
sciebam, id est, ignorabam qualis esset, de genere ne bo-
norum an malorum, nisi lex diceret: Non concupisces,
tu, inquam, homo non concupisces. Scimus itaque ex
præscriptione legis, eam concupiscentiam qua homo
scienter ac voluntariè concupiscit, esse peccatum illi ad
culpam imputabile: eam verò quæ surgit à carne vel con-
tra legem Dei, vel contra spiritum aut contra charitatem
proximi esse quidem de genere malorum: non tamen ho-
mini Christiano imputari ad culpam aut damnationem,
quamdiu est citra consensum rationis. Quamdiu enim
luctatur voluntas aduersus concupiscentiam, tam diu
condelectatur homo legi Dei, vt verbis Apostoli vtar. Et
licet carne seruiat legi peccati: mente tamen seruit legi
Dei: quod laude & remuneratione tâto est dignus, quâ-
to incentiuum cōcupiscentiæ erat ardentius. Homini er-
go prohibitum est vt non concupiscat vxorem proximi,
&c. non autem carni, non sensualitati, non fomiti. Caro

*Præceptum
nō est datū
carni aut fo-
miti, sed ho-
mini.*

enim

*Actualis
cōcupiscen-
tia potest
esse sine cul-
pa.*

enim non est legi Dei subiecta, neq; enim potest, inquit, Apostolus. Sed de hoc dicemus fusiùs in Sacramento Baptismi. Actualis quoque concupiscentia potest inesse contra offensionem & culpam: vti in parte iam diximus, & mox plenius audies. Certum igitur est quòd non prohibetur hic omnis concupiscentia à toto genere, neque in vniuersum omnis concupiscentia mala: sed solummodo, vt dixisti bene, concupiscentia vxoris alienæ, & rerum non suarum.

Prohiberi his præceptis, ne concupiscas tu vxorem aut rem proximi: non autem prohiberi ne sit in te concupiscentia rerum non tuarum.

CAP. III.

M. Aliud habere cōcupiscētiā aliud cōcupiscere. M. Concupiscentia quæ est in carne, quomodo & quādo peccatū.



T nunc advertere oportet, aliud esse habere in se, hoc est, in carne sua concupiscentiam vxoris alienæ, aliud cōcupiscere vxorem alienam. Quæro igitur vtrum istorum sit hic prohibitum?

Vtrumque arbitrari.

Caue: quia potest cōcupiscentia tam vxoris alienæ, quàm rerum non tuarum esse in te, hoc est, in carne tua, vti factum legitur in sanctissimis viris contra voluntatem, & citra omnem consensum te nolente, tuaque volūtate repugnante: quæ si sic insit, iam tu non illam operaris, neque reuera tu concupiscis: sed quod inhabitat in te, hoc est, carne tua malum. Homo propriè non dicitur facere, nisi quod ipse libero suo iudicio, & spontanea facit voluntate, prout pulcherrimè demonstrat Apostolus, ad Rom. 7. dicens: Scimus enim quia lex spiritualis est. Ego autem carnalis sum, venundatus sub peccato. Quod enim operor nō intelligo. Non enim quod volo bonum, hoc ago, sed quod odi malum, illud facio. Nunc autem iam non ego operor illud: sed quod habitat in me peccatum. Scio enim quia non habitat in me, hoc est, in carne mea, bonū. Nam velle adiacet mihi: perficere autem honum, non inuenio

uenio. Non enim quod volo bonū, hoc facio: sed quod nolo malum, hoc ago. Si autem quod nolo, illud facio: iam non ego operor illud: sed quod habitat in me peccatum? Igitur ego ipse mente seruius legi Dei: carne autem legi peccati. Nihil ergo nūc damnationis est his qui sunt in Christo Iesu, qui non secundum carnem ambulant.

Rom. 8.

Ex quibus verbis Apostoli notabis tria. Primum etiam nos renatos manere in ea miseriarum necessitate, vt perpetuò in nobis ipsis circumferamus fomitem peccati, & concupiscentias non modicas. Secundum, has concupiscentias nos pati potius quàm facere aut operari, quamdiu dissentimus, & nolentes sumus. Homo enim nō dicitur facere, nisi quod ea parte facit, qua homo est, hoc est, iudicio, & spontanea voluntate. Tertium, nihil damnationis, hoc est, culpæ aut offensionis contra istud mandatum nobis inesse, propter insurgentes à carne concupiscentias, etiam vehementes, etiam diuturnas, etiam fædissimas, quamdiu non ambulamus secundum carnem, id est, nostro iudicio ac voluntate non sequimur tractum carnis consentiendo in id quod concupiscit caro siue malum habitans in carne. Sicut enim ambulare secundum Christum, est sequi vestigia Christi: ambulare secundum Spiritum, est sequi aut facere ad quod inuitat Spiritus: sic ambulare secundum carnem, est sequi carnem, siue id facere ad quod instigat caro, aut prosequendo opus, aut saltem oblectando se in operis meditatione, non obstante quod vetitum est. Vt sententia sit certa diui Augustini dicentis, Quòd si ratio in sua sede consistit, nec declinat scilicet (post desideria carnis) à peccato immunis est homo, etiam si fomes ebulliat. Et illa plusquam aurea sententia diui Gregorij, Cogitatio, quantumcunque turpis mentem non polluit, si ratio humana non consentit. Addit beatus Hieronymus dicēs, Inter πάσις & πονηρίαις,

Tria notanda in verbis Apostoli, ad Rom. 7.

Hieron. in cap. 5. Mat.

id

Differentia inter passionem & propassionem. id est, inter passionem & propassionem, hoc interest: quod passio reputatur in vitium: propassio, licet vitij culpam habeat, tamen non tenetur in crimine. Ergo qui viderit mulierem, & anima eius fuerit titillata, hic propassione percussus est. Si verò consenserit, & de cogitatione affectum fecerit: sicut scriptum est in David: Transierunt in affectum cordis: de propassio-
Psal. 72. no transiuit ad passionem, & huic non voluntas peccandi deest, sed occasio. A nemine autem pertinentius describitur ordo quo consummatur in nobis peccatum quàm à beato Iacobo in sua Canonica cap. 1. ibi sic habet, Vnusquisque verò tentatur à concupiscentia sua abstractus & illectus. Deinde concupiscentia cùm conceperit, parit peccatum: peccatum verò cùm consummatum fuerit, generat mortem. Hæc ille.

D. Certè difficilis apparet hæc Apostoli sententia.

M. Facilima est intellectu, si perpendas quod perpende-
Tria sunt quibus impletur peccatum. runt vetusti patres August. Grégor. ac alij, nempe tria esse, quibus completur in nobis peccatum. Primum est suggestio quæ fit per memoriam & corporis sensus, visum scilicet, tactum, gustum, auditum, odoratum. His enim suggeritur homini quod illicitum est, aliquando volenti, aliquando etiam nolenti: & ibi sanè initium tentationis. Secundum est delectatio siue affectio eius, quod suggestum est, cum scilicet concupiscentia abstrahit & illicit hominem ad cogitandum, aut meditandum de fruitio-
 ne eius, quod in se concepit per sensum: & ibi perfecta tentatio. Hinc Apostolus, Vnusquisque tentatur à concupiscentia sua abstractus & illectus. Tertium est consensio, cùm homo aduertens & bene deliberatus consentit in id quod suggestio proposuit, & concupiscentia iam appetit: & ibi tandem consummatio peccati. Itaque in appetentia concupiscentis carnis est initium peccati, siue
 nisus


nifus aut via ad peccatum: nō autē peccatū imputabile ad mortē: nisi accefferit liber cōfensus. Hinc Apostolus, Cōcupiscētia verò cū conceperit, scilicet suggestionem: ita vt affici incipiat et oblectari, parit peccatū, id est, enitur, siue est in efficientia ad peccatū. Porro peccatū cū consummatum fuerit per liberum arbitrium consentiens, generat mortem, diuidens scilicet inter Deū & hominem, propter transgressionē: inter gratiā quoq; , quæ vita est animæ, & ipsam animā, inducens in eam mortem, iuxta illud: Stimulus autem, mortis peccatum est. Hinc ulte-
1. Cor. 15.
rius reatus gehennæ, meritum damnationis æternæ, tandem condemnatio, vltimò omnium mors secunda, quæ est in stagno ignis & sulphuris. Vt igitur finiam, concupiscētia vxoris alienæ, aut rerum non suarum, quæ inest citra cōfensum & complacētiam voluntatis, nō est transgressio huius mandati: sed tentatio alliciens hominem in malum, sed partus siue parturitio ad peccatū. Quā si reprimat ratio, consentiens potiùs legi Dei, iam meritum nascitur ad cumulum gloriæ, nō peccatum. Beatus enim vir qui suffert tentationem: quoniam cū probatus fuerit, accipiet coronam vitæ, quam repromisit Deus diligentibus se.

D. Pone obsecro exemplum.

M. Vidisti decoram & amabilem puellam, de hac si suggerit concupiscētiæ tuæ vel oculus dum vides, vel recordatio dum domi es, ibi est suggestio, nihil habens mali, nisi periculum ruinæ: propter quod periculum inquit Iob: Pepigi fœdus cum oculis meis, vt ne cogitarē quidem de virgine, hoc est, modis omnibus contendere, ne priùs incautē aspicerem, quod postea inuitus amarem. Vt terius concupiscētia quam visus excitauit, si incipit per titillationem abstrahere & illicere iudicium rationis ad contemplandum & meditandum circa hanc rem, quæ fieri

fieri solet cum amabili virguncula, iam non solum est tentatio, sed incipis in via esse & efficiētia peccati: Quod si victa ratio consentiat, incipiens oblectari, & complacentiam habere in re concupita, proponens prosequi, vel saltem optans vt sit prosequendi occasio, non obstantibus prohibitionibus, iam est in te consummatum peccatum coram Deo. Si verò opus accedat, tunc demum prorsus atque omnino est consummatum, etiam humano iudicio, quo de opere externo iudicare licet.

Quomodo cognoscemus consenserit ne ratio mentis concupiscenti carni an non. CAP. IIII.

D.  Vx dicta sunt satis probè intelligo. Verum quādo iam inundant in me concupiscentiæ carnis, vnde sciam si consentiat, aut non consentiat ratio?

M. Si mox vbi aduertere cœpisti, conuertis te ad aliquod remedium more sanctorum patrum diui Hieronymi & diui Benedicti, quorum alter vicit carnis cōcupiscentias, volutando se nudum in spinis & vepribus: alter tundendo indefinenter pectus proprium saxo. Aut more illius, qui dum æstum sentiret libidinis, misit digitum suum in flammam candelæ ardentis, vt carnis incendio, de carne pelleret libidinis æstum, malens comburere digitum, quàm aduri in conscientia.

D. Rem difficilem narras.

M. Si hoc difficile videatur, saltem placeat modus Christi vincendi per scutum fidei, qui singulis suis tentationibus obiecit Scripturam, dicens: scriptum est. Sic quoque tu fac cū tentaris, cogitando quid facerem ego, dictum est, mandatum est à Domino cæli & terræ: insuper scriptum est in volumine legis, Non concupisces vxorem proximi tui. Item, Neque fornicatores, neque adulteri, neque

Modi quibus cognoscimus nos non consentire in concupiscentias

Matth. 5.

Deut. 5.

1. Cor. 6.

neque molles regnum Dei consequentur. Ego qui sum, qui resistam domino Deo meo? Et extra regnum Dei quid obsecro inueniam, præter supplicium & mortem, præter confusionem & amaritudinem? Istud est vti fide, quæ suo loco adhibita miram habet vim superandi. Iuxta illud Ioannis: Hæc est victoria quæ vincit mundum, fides ^{1. Ioan. 5.} nostra. Si igitur tale aliquid feceris, certum est rationem tuam non consentire in opus concupitum à carne. Si verò nec tale aliquid feceris: interim tamen constantiam retines mentis, nec dimoueris illeceamentis carnis, certum est te non consentire, iuxta Apostolum, Si quod nolo malum: rursus, Si quod odi malum hoc facio, iam ego non operor illud: sed quod habitat in me peccatum.

D. Et me retinere nolitionem hanc siue constantiam, unde sciam?

M. Si gemitus, si ignea desideria cordis ascendant sursum, vt aduocent auxilium desuper, si tundis pectus, si spuis à te dicendo: vade post me satana, si nomen Iesus sit in ore, si meditatio passionis in corde. Iuxta illud: Beatus qui te- ^{Psal. 136.} nebit, & allidet paruulos suos (hoc est, prauos motus siue prauas concupiscentias subito insurgentes) ad petram: petra autem erat Christus. Si nouissima quæ superue- ^{1 Cor. 10.} nient ob oculos reuoces, prout Sapiens dicit: Memorare nouissima tua, & in æternum non peccabis. Si cœperis in- ^{Eccles. 7.} cumbere studiosè alicui negotio sancto, pio, honesto: quoniam desideria (vt Sapiens inquit) occidunt pigrum: ^{Prouer. 21.} noluerunt enim quicquam manus eius operari, tota die concupiscit & desiderat. Si, dico, vel vnum ex præmissis, aut simile aliquid feceris, certum habes, te nolentem esse, ^{Cum lumbri} nec consentire in opus concupiscentiæ. Rursus autem ^{cis cogita-} certum habes diuerso, si manseris in otio, si luseris secum ^{tionibus lu-} circa hæc cogitatio tua dum es in lecto, aut sedes in cubi- ^{dere admo-} culo, vel ambulas solus per vias: & si principio fueris no- ^{dum pericu-} lens ^{losum est.}

lens, toties tamen recurret suggestio, toties titillabit mentem nouus pruritus, donec de nolente faciat volentem. Et si forte abhorreas opus externum propter pericula infamiae quæ sunt in illo: tamen quod intra te, aut sub lintheaminibus lecti tui secretò fieri potest, incipies velle, deinde pertractare, & discurrere cogitatione cordis de hoc in illud, de modo ad modum, fiet interea delectatio morosa, quæ nõ est sine consensu, saltè interpretatiuq: quia cum potest, se non auertit: tandem verò subsequetur, quod fortassis multò maius est ac foedius adulterio, quod aures piæ non ferunt, quodque latius exponere minimè consultum puto.

*Consensus
interpretatus.*

Non esse à toto genere prohibitum concupiscere vxorem proximi, aut rem alterius. CAP. V.

D. Vid autem mali est, si, concupiscam vxorẽ proximi ad conuiuium, aut ad colloquium, vel vt mea sit post mortem illius?



Nihil.

M. Præterea, quid offendo si concupisco, vt proximus det mihi, vel vendat agrum suum, aut mutuet pecuniam domum, equum, asinum?

M. Nihil.

D. Ergo nec hoc, scilicet hominem concupiscere vxorem proximi, domum vel agrum à toto genere prohibitum est.

M. Verba mādati sunt propriè intelligēda, Non concupisces vxorẽ proximi tui, scilicet vt tua sit, dum illius est, aut tu vsum habeas carnis eius, soli marito ipsius debitum: quomodo Herodes concupiuit ac rapuit vxorẽ fratris sui adhuc viuētis: hoc, inquam, vetatur: ne dum alterius est, tuam esse velis, aut te in ea oblectare, quæ se indiuidua vitæ consuetudine alteri oppignorauit, sicut in deci-

ma

mo præcepto vetamur concupiscere rem proximi, vt dum illius est, nostra fiat citra illius voluntatem, aut iustum commutationis titulum. Vt autem appetam rem proximi pro iusto pretio, aut per commutationem rei pro re, vt mercatores faciunt, aut donationis titulo, vt mendici, aut iure successionis, vt hæredes, neque hoc loco, neque vsquam prohibitum est: modò concupiscentia sit ratione moderata. Iuxta illud: Omnibus adde modum, modus est pulcherrima virtus. Verùm per fas perque nefas appetere, solùm spectando vt habeas, hoc verè est concupiscere rem proximi, dum proximi est, vt faciunt subdoli, dolosi, circumuentores &c. de quibus abundè diximus in præcepto septimo.

D. Verba mandati sic habent, Non concupisces vxorem proximi tui. An igitur mulieri liceat appetere virū proximæ suæ?

M. Nequaquam. Vir caput est mulieris: quod igitur in hac parte viro prohibitum est, multò magis mulieri prohiberi intelligendum relinquitur. Nam in his quæ matrimonij sunt, maiorè libertatem lex permisit viro quàm mulieri. Vir ex causa offerre potuit libellum repudij, mulier non. Vir vnus plures vxores habere potuit, mulier autem vna vt simul plures haberet viros, nulla vnquam lex permisit, nulla dispensatio, nulla ferè gēs quamlibet barbara vnquam sustinuit, quæ politicè regeretur.

An liceat mulieri concupiscere alienū virū.

Deut. 24.

D. Et de his qui matrimonio iuncti non sunt, quid dicemus? Nunquid non adolescens iuenculam, aut iuencula adolescentem licitè concupiscere potest?

M. Honestam procationem, qualis solet esse inter eos qui se mutuo ambiunt ad matrimonium, nemo damnare potest, tales indubiè se mutuo concupiscere possunt, ad perpetuam & indiuiduam vitæ consuetudinē, interueniente Sacramento: modò concupiscentia sit ratione moderata.

Concupiscētie solutio rū quæ or quādo male.

*Prohiben-
tur istis mā-
datis om-
nes concu-
piscencie
eorū quæ
prohibētur
sexto et se-
ptimo mā-
datis.*

ta. Verūm concupiscere ad vsum scortationis hanc aut il-
lam virginem, etiam sub pollicitatione futuri coniugij,
hoc haud dubiè hīc prohibitum intelligitur, quoniam
hæc duo mādata sunt declarationes quædam sexti & se-
ptimi mādatorum, vt diximus suprà. Quapropter in hoc
nono prohibetur vniuersaliter omnis concupiscencia om-
nium illorum quæ sunt prohibita in sexto mandato, Nō
mœchaberis. Sunt autem ibi prohibita adulterium, forni-
catio, stuprum, raptus, sacrilegium, mollities, sodomia,
bestialitas. Fuiſſet autē et hoc loco tractandum de prælu-
dijs ac præparatorijs ad istiusmodi mala, videlicet osculis
impudicitæ, tactibus, lusibus, choræis, cantilenis: quia
meræ concupiscenciæ sunt, tantò ardentiores, quanto se
foras magis extulerint. Sed apud populum Christianum
maluimus de huiusmodi agere in præcepto sexto, vt in-
telligant, hæc coram Deo in adulteria, eius reputari, si ex
concupiscencia adulterandi procedant, prout Christus
docet oculum nequam ad concupiscendum, mœchiam
esse coram Deo.

D. An igitur peccet duo peccata, & cōtra duo mandata,
qui ex concupiscencia carnis osculum offerat impudici-
tiæ?

M. Non, sicut nec ille qui concupiscendo ad actum adul-
terij procedit. Sunt enim mandatum sextum & nonum
sibi subordinata: adeo vt etiam si peccetur contra vtrum-
que mandatum: tamen vnum duntaxat efficitur peccatū.
Idemque dices de illo, qui concupiscit rem proximi, &
concupiscendo furatur.

Duo nouissima mandata esse in lege noua abundè reno-
uata.

CAP. VI.

M.



Icut diximus iā de nono, ita & de decimo mā-
dato dicendum est. Prohibetur enim vniuersa-
liter concupiscencia omnium quæ prohibita
sunt

sunt in septimo mandato de non furando. Tu æpete tecum quæ ibi prohibita sunt. Nihil addam vltra.

D. Domine, necdum exposuisti, an ista mandata Decalogi sint resumpta in nouo Testamento, sicut alia: adeo vt eorum obseruatio sit necessaria pro tempore Euangelicæ libertatis.

M. Deus bone, de hoc an dubium esse possit? Certum est *Christianū* populum Christianum qui iam præparatur non terrenis *oportet magis alienum* felicitatibus, vt olim, sed throno Dei, & æternorum gloriæ, *esse à concupiscētis q̃* debere multò magis alienum esse à prauis concupiscētis, magisq̃ spiritualement, quàm illum carnalem veteris legis populum: siquidem caro & sanguis regnum *populum legis.* Dei non possidebunt, neque corruptio incorruptelam, inquit Apostolus. Quæ sanè Scriptura non de substantia *1. Cor. 15.* carnis & sanguinis intelligenda, sed de affectionibus & concupiscētis secundum carnem & sanguinem. Atque huc tendit omnis institutio Euangelica, vt corda nostra sint templa Spiritus Sancti, vtq̃ spiritu ambulemus, vt spiritu facta carnis mortificemus, vt spiritu Deum colamus, magis quàm carne: attamen & carne, vt non secundum carnem ambulemus, neque desideria carnis faciamus: sed mente seruiamus legi Dei: etiam si aliorsum trahat caro, denique vt spirituales simus. Nam spiritu cōiungimur cum Deo, spiritu recedimus à Deo, & non est hic cōmunicatio cum Deo nisi secundum spiritum. Adhæc *Matth. 15.* dicit Scriptura: De corde exeunt furta, homicidia, adulteria, fornicationes. De corde vita procedit. Item, Purifica *Prouer. 4:* te corda vestra. Et illud: Beati mundi corde. Quapropter *Matth. 5.* quicquid præcipitur homini Christiano, quicquid etiam prohibetur, ad cor hominis & spiritum est referendum. *Quicquid præcipitur in primis ad* Deus spiritus est, & scrutator cordium: ideo in omnibus *cor referendum.* magis spiritum requirit, q̃ corpus: attamen et corpus, mundi-
ciāq̃; cordis magis q̃ corporis. Quapropter nō impletur

affirmatiuū mandatū, nisi ea obediētia quę de corde procedit: adeoq; nihil est gratū Deo, ne pietas quidem in ipsum Deū, neq; iustitia, neq; inuocatio, nisi procedat de corde puro, cōscientia bona, fide nō ficta. Similiter nō fit transgressio prohibitionū, nisi actionibus ijs qui de consensu & cōplacentia cordis procedūt. Omnium autē pręuaricatio fieri potest vel ex solo corde. Nam volūtas cordis pro facto reputatur coram Deo. Cor enim & spiritus primas obtinēt in homine. Quę vt clariūs intelligeremus, nō tā resumpsit Saluator in Euāgelio duo posteriora mādata Decalogi quā dedit viuā germanamque interpretationē sexti & septimi mādati, sciens & in hoc resumpta

Quā rī-
gorosē sit
in Euange-
lio prohibi-
ta cōcupi-
scētia car-
nis.

fore abūdē satis, etiā illa postrema Decalogi. Dicit enim, Audistis quia dictum est antiquis, Non mœchaberis: ego autem dico vobis, quia omnis qui viderit mulierem ad cōcupiscendum eam, iam mœchatus est eam in corde suo. Dilucidē igitur prohibitum est in Euangelio, concupiscere vxorem proximi: & cum hoc clarē declaratū solum oculum nequam ad concupiscendum, esse veraciter mœchiam, hoc est, adulterium coram Domino, contra pręceptum sextum: etiamsi nihil aliud sequatur in opere. Sed nec illo contentus legislator, Christus fecit insuper nobis abundē inculcari, per suos Apostolos, concupiscentias carnales neutiquam admittendas. Paucula citabo. Dicit enim Paulus: Nam concupiscentiam nesciebam, nisi lex diceret, Non concupisces. Ex lege ergo disco, ipsam concupiscentiam peccatum esse, ad Rom. 7. Qui autem sunt Christi, carnem suam crucifixerunt cum vitijs & concupiscentijs, ad Galat. 5. Non regnet ergo peccatum in vestro mortali corpore, vt obediatis concupiscentijs eius. Quoniam obedire concupiscentijs per consensum rationis, est peccatum, regnare in corpore vsque dum mortem inducat, ad Rom. 6. Mortificate ergo membra vestra quę

sunt

sunt super terram fornicationem & immunditiam, libidinem, concupiscentiam malam, & avaritiam, quæ est simulacrorum seruitus. Propter quæ venit ira Dei super filios incredulitatis, in quibus & vos ambulastis aliquando cum viueretis in illis, ad Coloss. 3. Simile habes 2. Petr. 2. Abundè igitur prohibitz sunt concupiscentiæ carnales in nouo Testamento.

D. Et de cupiditatibus rerum non suarum quid dicit Euangelium? *Quomodo cupiditates*

M. Quando prohibet Saluator sollicitudinem in crastinum: imò quando prohibet ne simus solliciti quid manducemus aut bibamus, Matth. 6. Quando insuper prohibet thesaurizare in terris dicens: Nolite thesaurizare vobis thesauros, in terra, vbi ærugo & tinea demolitur, & vbi fures effodiunt & furantur. Thesaurizate autem vobis thesauros in cælo, vbi nec ærugo nec tinea demolitur, & vbi fures non effodiunt nec furantur. Vbi enim thesaurus tuus, ibi est & cor tuum. Adhuc quando dicit, Si quis vult tunicam tuam tollere, dimitte ei & pallium: quado, inquam, laborat Christus huiusmodi præceptionibus eruere de cordibus hominum cupiditatem rerum, etiam earum quæ iuste haberi possunt: nonne multo magis vult eos prorsus alienos esse à cupiditate rerum alienarum, quæ citra iniquitatem haberi nequeunt? Hoc est, ne concupiscamus domum proximi, agrum, bouem, asinum, seruum, vel ancillam? Si argumentum valet à minoris remotione, ad remotionem eius quod maius est, ut valet secundum præcepta Logices: indubiè sequitur, eum qui prohibet affectum thesaurizandi, qualis per se iniquus non est, multo magis prohibere affectum & concupiscentiam alieni, quæ conuolutam habet iniquitatem. His addit Apostolus, Nihil intulimus in hunc mundum: haud dubium quia nec auferre quid possumus. Habentes autem alimen-

bitæ in Euangelio.

Matth. 5:

Argumentum à minori,

1. Tim. 6.

ta, & quibus tegamur: his contenti simus. Nam qui volūt diuites fieri, incidunt in laqueos diaboli, & desideria multa inutilia, & nociua, quę mergunt homines in interitum & perditionē. Ecce velle diuitem fieri mergit hominem, non solum in desideria inutilia: sed & nociua: hoc est, in concupiscentias rerum, tales quę animā occidunt. Super-

Iacob. 4. addit diuus Iacobus, Vnde bella & lites in vobis? Nonne ex concupiscentijs vestris, quę militāt in membris vestris? Concupiscitis, & nō habetis: occiditis & zelatis, & non potestis adipisci: litigatis & belligeratis: non habetis, propterea quod non postulatis. Petitis, & non accipitis, eō quod male petatis: vt in concupiscentijs vestris infumatis. Adulteri, nescitis quod amicitia huius mundi, inimica est Dei? Hęc ille. Nec puto elegantius posse depingi cupiditatum fructus, quā fecit hoc loco diuus Iacobus. Sapiēs autem audet dicere: Avaro nihil est scelestius. Idem, Nihil est iniquius, quā amare pecuniam. Hic enim & animam suam venalem habet, quoniam in vita sua proiecit intima sua. Insuper, pręcipit Saluator dicens: Videte & caute ab omni auaritia: quia non in abundantia cuiusquam vita eius est ex his, quę possidet: modum in diuitijs habet.

Quid aua- D. Et quid precor auaritia?

ritia. M. Auaritia est sitis ardens ultra tēperiem habendi. Hęc autem, suas habet partes. Nam sitis thesaurizandi, auaritia est. Secundo diuitijs cor apponere, & sperare in incerto diuitiarum, auaritia quędam est. Tercio cupiditas habendi alienum, auaritia quędam est. Pręcipitur Saluator. Cauete ab omni auaritia, non solum ab hac vel illa: sed ab omni. Ergo maximē à cupiditate alieni, quę est pessima auaritia, inuoluens iniquitatem, & iniuriam proximi. Rationem addens, Quia non in abundantia cuiusquam, hoc est, quarumcunque etiam rerū huius mundi, quę quis possidet, vel possidere potest, est seu

confi-

consistit vita eius: non utique corporis vita, quando & opulenti vel inter copias rerum moriuntur: non etiam animæ: nam hanc ut nunquam fouet cupiditas, ita semper affligit, perdit, interimit, ut eleganter describit Apostolus dicens: Radix omnium malorum est cupiditas. Quam 1. Tim. 6. quidam appetentes errauerunt à fide, & inseruerunt se doloribus multis. Tu autem ô homo Dei, hæc fuge: sectare verò iustitiam, pietatem, fidem, charitatem, patientiam, mansuetudinem. Sint ergo mores sine auaritia, contenti presentibus. Ipse enim dixit: Non te deferam, neque derelinquam. Nunc quid apparet tibi, Nonne hæc duo postrema præcepta Decalogi prohibita sunt & in nouo Testamento, ab ipso met legiflatore Christo, & Apostolis eius?


- D.** Sunt certè: & multò quidem exactius multoque expressius, quàm in veteri lege. *Euangelium prohibet exactius cupiditates et concupiscentias quam lex.*
- M.** Hoc bene dicis: quoniam lex vetat tantum concupiscentiam vxoris alienæ: Euangelium autem vetat concupiscentiam mulieris non tuæ, dicens generatim, Quicumque viderit mulierem ad concupiscendum eam. Lex dicit, Non concupisces. Euangelium verò definit mæchatum esse eum, qui viderit ad concupiscendum. Lex dicit, Non concupisces domum proximi, agrum, &c. at Euangelium dicit ab omni auaritia cauendum: quod plus est, volenti tollere tua non resistendum. Nec ibi sistit: sed adiungit, Nolite solliciti esse de crastino: imò dico vobis, ne sitis solliciti animæ vestræ quid manducetis, neque corpori vestro quid induamini. Nonne anima plus est quàm esca, & corpus plus est quàm vestimentum? Quærite ergo primum regnum Dei, & iustitiam eius, & hæc omnia adicientur vobis. Et quod omnium maximè mirandum, Vx, inquit, vobis diuitibus. Facilius est camelum per foramen acus transire, quàm diuitem intrare in regnum Dei. Quo *Luc. 5.*
Marc. 10.
Matth. 19. audi-

audito discipuli mirabantur, dicentes: Et quis potest saluus fieri? Aspiciens autem Iesus dixit illis, (mitigationis verbum) Apud homines hoc impossibile est: apud Deum autem, omnia possibilia sunt. Subindicans hominem habentem possessiones multas, nō posse sine speciali auxilio Dei, non apponere cor: quod non adeo difficile est pauperi. Facile enim retrahimus cor ab eo quod non habemus, & felicitatem Euangelizatam facile recipimus in affectum cordis præ felicitate rerum mundi, quas habere non possumus. Vnde diuiti adolescenti dedit consilium Saluator dicens: Si vis perfectus esse, id est, perfectè expeditus esse ad prosequendam salutem Euāgelicam, vade, & vende quęcunque habes, & da pauperibus, & veni sequere me. Quod consilium audiens adolescens, contristatus abiit: erat enim habēs possessiones multas. Et in te simili, & in me, nihil adeo excludit ab affectu nostro Euāgelium salutis, atque præoccupans cor nostrum cupiditas rerum mūdi huius. Et quando Domine, quando bone Deus, qui es seminator sancti cōsilij, eradicabis de cordibus nostris radicem istam tam amaram tamque grauis odoris? Sed pergamus.

*Facilius
pauperem
saluū fieri
q̄ diuitem.*

Marc. 10.

De plenitudine dicti huius, Qui viderit mulierem ad concupiscendum eam, &c. CAP. VII.

D.  Dhuc modicum precor de hac Christi sententia, Qui viderit mulierem ad concupiscendum eam, &c. Cur obsecro, dixit Saluator, Viderit ad concupiscendum: & non potius sic, Qui concupierit?

M. Vt verbo vno veritatis plenitudinem ostenderet. Verum est, quicunque concupierit mulierem, id est, eā quæ comparatione eius, mulier tantum est, non sibi vxor, idque voluntate deliberata (alioquin ipse non concupiscit, vti

ALIORVM NON CONCVPISCENDIS. *us*
 uti diximus supra) ille indubiè iam mœchatus est in cor-
 de suo. At superaddit Dominus dicens: Qui viderit, siue
 aspexerit ad concupiscendû, hoc est, eo animo vel studio
 contemplatur mulierem, vt concupiscèntiam excitet quę
 fortassis non sequitur: natura non obediēte desiderio
 voluntatis, iam mœchatus est in corde suo. Sicut qui am-
 plexatur, vt concumbat: interim natura recusante of-
 ficiū, iam mœchatus est. Nam in voluntate mœchia
 erat: etiamsi non fuerit neque in opere, neque in car-
 nis illecebris. Si quod dixi seueriusculum apparet, sal-
 tem diuo Hieronymo crede, qui in hunc modum in-
 terpretatur verba Saluatoris: Qui viderit mulierem ad
 concupiscendum, id est, inquit, si aspexerit, vt con-
 cupiscat, vt facere disponat, iste rectè dicitur eam mœ-
 chari in corde suo. Nemo igitur dicat, Non feci: ni-
 hil ergo mali perpetravi: quoniam si concupiuiſti,
 iam mœchatus es in corde. Nemo etiā dicat, necdum
 sensi in me dulcedinem carnis: quoniam si vel aspexisti
 (quod minimum est) eo animo vt cōcupisceres, iam mœ-
 chatus es in corde tuo. Iam enim tu voluisti: etsi natura
 tua non voluerit: quantò magis si defixisti in eam ocu-
 lum, si propè lufisti, si os ori cōiunxisti, si palpasti ad con-
 cupiscendum iam mœchatus es in corde tuo. Si quidem
 hæc facis concupiscendo, indubiè mœchia cordis est. Sin
 hæc facis, necdum concupiscendo: tamen volens ac quæ-
 rens concupiscere, etiā mœchia in corde tuo est: licet
 nondum sit in inguine, aut parte sensitiua. Licet autem
 nunc porrò inferre conformiter ad verba Saluatoris. Er-
 go qui viderit virginem ad concupiscendum eam, iam
 stuprum commisit in corde suo. Insuper, Ergo qui aspe-
 xerit, non solū ad concupiscendum: sed præter hoc ad
 rapiendum, etiamsi non audeat tentare factum, iam ra-
 ptum commisit in corde suo. Adhæc, Quicumque ergo
 facer-

*Illationes
 conformes
 dicto Salua-
 toris.*

sacerdos viderit mulierem ad concupiscendum eam, iam sacrilegium commisit in corde suo. Haud dissimiliter si laicus nonnam, hoc est, virginem Deo sacram viderit ad concupiscendum eam, iam sacrilegium commisit in corde suo. Nam opus corde concupitum, est violatio virginis Deo sacræ. Item, Si professus professam viderit ad concupiscendum eam: aut nonna monachum ad concupiscendum ipsum, iam voti reus est vterque in corde suo, sacrilegus vterque, adulter vterque, violans spirituale suum matrimonium, quod contraxerunt cum Deo in die professionis suæ. Non quòd tria in corde commiserint peccata: sed quòd peccatum illorù habeat tres deformitates, ex quibus vt peius, ita & abominabilius efficitur. Cætera hic inferenda, tu tecum, si placet, perpède. Et hæc, si ita se habent, vt certè habent, vbi quæso apparebunt Anabaptistæ? Qui vt concupiscentias magis magisque excitent in ardorem, nudi nudis spectacula præbent, accumbunt nudi, ludunt nudi, choreas ducunt nudi. Tractant nudis corporibus tractandumque docent sub fuco nouæ religionis, quod Religio est nominare, quòd cæli pura facies sustinere non potest, ad quod stupet ær circumstans & parietes, & saxa: vt interim de auribus taceam. Et hi se bellè religiosos iudicant, quòd fucù inuenerint ex innocentia Adæ, ex verbis insuper Scripturæ, Crescite & multiplicamini. Interim (vt Petrus inquit) oculos habentes plenos adulterij, & incessabilis delicti.

*Applicatio
contra Ana
baptistas.*

2. Pet 2.

D. Quid de illo qui non videt aut aspicit: sed sedens in cubiculo suo, imaginatur pulchritudinem certæ sceminae ad concupiscendum eam, an iam peccauit?

M. Non dixit Saluator, Qui viderit oculis corporis: sed absolutè, Qui viderit, scilicet aut oculis corporis, aut oculis cordis: vtrisque enim res mundi contemplamur. Quapropter quicumque sedens in conclauis, aut recumbens sub


ALIORVM NON CONCVRISCENDIS. 216


sub linteaminibus suis, phantasiando contemplatur formas scemineas, vel actu concupiscendo, vel ideo vt excitet in se gratam sibi concupiscentiam, iam mœchatus est in corde suo. Omnia enim genera libidinis compleri possunt in solo corde phantasiantis. Intelligis quæ dico?

D. Nimis bene, & ad horrorem vsque animi.

Quid intersit inter concupiscentiam cordis, & operis implementationem.

CAP. VIII.

D.  Erum an æqualiter rei sunt concupiscens, & opus adimplens?

M.  Nequaquam: multò enim grauius, multòque iniquius est peccatum operis, quàm concupiscentia cordis. Si concupiscentia filij principis Sichimitarum in opus stupri non prorupisset, non fuisset data causa tã horrendæ stragi. Si cõcupiuissent tantum Israël. *Genes. 34. Num. 25.* litæ, & non etiam ipso opere scortationem cordis & idolatriam commisissent, non fuissent ipsorum principes suspensi in patibulis: nec fuissent eodem die occisi viginti quatuor milia hominum, Deo sic iubente: Si Beniamitæ alienam vxorem cõcupiuissent tantum, & non etiam nefando stupro enecassent, tanta clades nequaquam fuisset subsequuta, qua ceciderunt Beniamitarum viginti quinque milia, & Israëlitarum quadraginta milia. Si cõcupiscentiam suam rex Dauid cohibuisset, nec impregnasset vxorem alienam, neque tegendi facinoris gratia, adulterio plura homicidia copulasset, non vtique sustinisset tam insensam proprij filij persecutionem. Ex his & similibus Scripturæ locis fit liquidû, permultum discriminis esse inter adulterium cordis, & adulteriû operis, inter opus carnis, & concupiscentiam carnis citra opus. *Iudi. 19. 20. 2. Reg. 11. 3.*

D. Et vnde quæso nascitur hæc differentia?

M. Ex

M. Ex eo quòd opus externum, potissimùm in Venereis. *Multis de causis aggrauat opus concupiscentiam cordis.* Primò intendit atque còsummat concupiscentiam cordis. Deinde & corpus cùm proprium, tum cooperantis dehonestat, non citra iniuriam Christi, & Spiritus Sancti: si modò Christianus existat. Tertiò opus externū includit seductionem comparis, iniuriam quoque proximi: quādo vel ipse maritus, vel illa vxor est alterius. Quartò tranquillitatem publicam legibus Dei & hominum sancitam, conturbat. Vltimò, famam vtriusque operantis in discrimē adducit. Hæc siquidem & eiusmodi operi operato indiuidua sunt: non autem concupiscentiæ cordis. Quinimò qui corde concupiscit, odit hæc omnia & detestatur, differēs sæpe opus propter hæc: quod plus est, eligens nonnunquam sola concupiscentia cordis se oblectare, ne incidat in hæc tam nefaria operis incommoda. Singula tibi ex ordine demonstrabo. Quantum ergo ad primum, sicut sensibile sensum immutat, & auget sensationem: ita & còcupiscibile coniunctū carni auget carnis concupiscentias, adeoque rapit ad se totum hominem, vt sui prorsus impotens fiat. Quòd tamen malum excusant in matrimonio Dei constitutio Sacramentum, & bonum prolis. Quantum verò ad secundum, sic inquit Paulus: Nescitis, quoniam corpora vestra, membra sunt Christi? Tollens ergo membra Christi, faciam membra meretricis? Absit. An nescitis, quoniam qui adhæret meretrici, vnum corpus efficitur? Erunt enim, inquit, duo in carne vna. Qui autem adhæret Domino, vnus spiritus est. Fugite fornicationem. Omne enim peccatum quodcunque fecerit homo, extra corpus est: qui autem fornicatur, in corpus suū peccat. An nescitis quoniā membra vestra, templū est Spiritus Sācti, qui in vobis est, quē habetis à Deo, & non estis vestri? Empti enim istis pretio magno. Glorificate & portate Deum in corpore vestro.

Quæ

Quæ sanè adeo studiose exaggerat Paulus eo loco, ut doceat Christianum pluribus de causis peccare, & ideo grauius si fornicetur, quàm ethnicum hominem: quoniam ille non expellit à se Spiritum Sanctum, non conspurcat Dei templum, quod est corpus eius, non fugit à Domino, cuius pretio emptus est, non tollit membrum Christi, ut faciat membrum meretricis: hæc enim nunquam fuerat ethnicus. Christianus verò in Baptismo fit hæc omnia. Quantum autem ad tertium, Qui concupiscit tantum, adhuc sibi soli peccat: qui verò conceptum intus ardorem foras effundit, sollicitando alienam pudicitiam donec persuadeat, iam non suæ tantum: sed & alienæ perditionis auctor efficitur. Quòd si illa quoque parata erat: tamen utroque agente, fit yterque audentior in malum, abit pudor, crescit ardor, & tandem callum obducit impudentia. Si sollicitata mulier non acquieuit: tamen ille venenum miscuit, illiusque animam infecit, quàm in se erat: quæ si propinatum venenum corde hauserit, nisi singulari gratia custodiatur, tandè haud dubiè conceptum malum aliquando pariet in opus. Quantum denique ad quartum, quintum, sextum, abundè satis diximus supra in sexto mandato. Estque luce pomeridiana clarius, has malitias inesse nephario operi adulterij: non autem concupiscentiæ cordis. Multis itaque gradibus peius est, detestabiliusque opus mœchiæ foris perpetratum, quàm concupiscentia adhuc se continens inter secreta cordis.

*Gravius
peccat Chri-
stianus for-
nicando
quàm etho-
nicus.*

D. Attamen pronunciat Saluator, quasi nihil prorsus esset discriminis inter opus externum, & cogitationem cordis, dicens: Qui viderit mulierem ad concupiscendum eam, iam mœchatus est in corde suo.

Obiectio.

M. Perpende bene verba Saluatoris, & aliud inuenies. Nō enim dicit absolutè iam mœchatus est: quia necdum

Responsio.

Ecce perpe-

perpetrauit adulteriū: sed, inquit, mœchatus est in corde suo. Népe, quia cōcupiuit, & disposuit facere adulteriū, quod non est mœchari simpliciter, sed mœchari in corde suo. Sunt quidē mœchia cordis & operis, eiusdē speciei in genere moris: sed tamen non eiusdē malitiæ: eò q̃ multę pollutiones corporū, & iniquitates cōcurrunt, vti diximus, in facto mœchiæ exteriori: quæ etsi non desint mœchiæ cordis, sunt tamen citra proximi perditionem vel iniuriam, & citra corporum suorum dehonestationem. Quapropter aliter confitendum & pœnitendum de adulterio perpetrato: aliter de concupiscentia perpetrando. Nam adulter resipiscens, laborare debet, vt mulierem quam peccati fecerat sociam, etiam resipiscentiæ cōsortem efficiat, quantum potest.

D. Cur dictū est, à Salvatore, de visu potius, quàm de tactu vel auditu?

*Cur dictū à
Salvatore
de visu.*

M. Quod dixit de nō videnda muliere ad concupiscendum, hoc indubiè de alijs sensibus similiter intelligi voluit. Quia vt scintillam flatus: ita solent singuli sensus corporis excitare concupiscentias cordis. Omnium autem sensuum velocissimus est oculus, omnium quoque salacissimus. Nequius oculo quid creatum est? rogat Sapiens. Gyrat & circumuolat, & dum delimo obtutu, quasi non videns, cernit, spiritum mira efficacia transmittit. Oculus meus, inquit Ieremias, deprædatus est animam meam. Quod præter quotidianam experientiam, etiam scripturarum exemplis declaratur. Nam Genes. 6. Viderunt filij Dei (hoc est, qui vicem Deiungebantur in terra, quales erant potentes & famosi in populo, propter iudicia & gubernacula quibus inter alios eminebāt) filias hominū (hoc est, inferiorum qui non nisi homines erant) quòd essent pulchræ, acceperunt sibi vxores ex omnibus quas elegerant (pro carnis libidine, non secundum

Eccles. 31.

Iheru. 3.

dum Dei ordinationem). Item Genes. 34. Dina egreditur incautiùs ad videndum mulieres regionis illius, videtur ipsa, concupiscitur, rapitur, & opprimitur. Item Genes. 39. Vxor Putipharis iniecit oculos suos in Ioseph, & concupiscencia erga adolescentem accenditur. Deniq; David Propheta, & vir sanctus cum videret lauantem Bethsabeam, videndo concupiscit, & concupiscendo in opus nephariù rapitur. Proinde in primis periculosum est oculis adimere cautionis frenum: quin potius consilium Saluatoris debet esse ad manum. Si oculus tuus dexter scandalizat te, erue eum, & projice abs te. Hoc est, nihil debet esse tam charum, intimum aut necessarium, quod nolles perdere, ne patiaris scandalum animæ. Hæc filii abundè sufficiunt pro intellectu noni & decimi mandatorum.

D. Nunc itaque dicito saltem summam, qui offendunt contra hæc mandata.

M. In nonum offendunt omnes viri qui corde deliberato concupiscunt ad vsum carnis mulierem non suam: omnes quoque mulieres, quæ sic concupiscunt virum non suum. Ad hæc omnes qui veraciter ac animo deliberato affectant quæcunque opera carnis prohibita mandato sexto. Item qui vident, audiunt, colludunt, aut aliud quid agunt ad concupiscendum, hoc est, vt concupiscant, aut eo fine, eoq; animo vt sibi concupiscenciam excitent vel augeant. Denique qui oblectant animum morosis cogitationibus ad consensum vsque, vel expressum vel interpretatiuum. In decimum verò mandatum offendunt, qui affectu cordis furantur, aut rapiunt, licet in opus non prorumpant timore supplicij. Item quibus cor plærumque est intentum in fraudes ac imposturas, circumventiones, aut processus malarù causarù, vt expilet quod nō suū est, etiam si conceptū malū perficere nō valent. Satis.

CONCLUSIO.



Concludendo igitur dico: si vis euadere maledictionem Dei, mortem quoque damnationis æternæ. Secundò, si vis esse & dici hic est ille, in quo sese cumulant omnia quæ in homine desiderari possunt. Tertiò, si habere vis amicitiam cum Deo, si viuere æternum, si gloria regni cælestis, si denique beatitudo tibi curæ sint, serua & obserua mente & opere mandata domini Dei tui. Etenim dicit Saluator: Si vis ad vitam ingredi serua mandata. Iterum, Qui facit voluntatem patris mei, qui in cælis est, ipse intrabit in regnum celorum. Qui fecerit voluntatem Dei, hic frater meus, & soror mea, & mater mea est. Addit Ioannes: Et mundus transiit, & concupiscentia eius. Qui autem facit voluntatem Dei, manet in æternū. Superaddit Sapiens: Deum time, & mandata eius obserua, hoc est omnis homo. Nam custoditio legum consummatio incorruptionis est: incorruptio autem facit esse proximum Deo.

Matth. 19.

Matth. 7.

Marc. 3.

1. Ioan. 2.

Ecclef. 12.

Sapien. 6.

Elen.

219

Elenchus Capitem Tractatus

VNDECIMI.



Vr summa diligentia tractandum de præceptis æ viribus
charitatis. Cap. I.

Quaratione vocetur præceptum charitatis primum, maxi-
mumque mandatum. Cap. II.

Cur instantius accuratiusq; sit hoc præceptum datum in noua q̃ vete-
ri lege, & quid differentie sit inter diligere & amare. Cap. III.

Quid vocibus istis cor, anima, mens, fortitudo, in præcepto indice-
tur. Cap. IIII.

An possibile sit implere præceptum charitatis, in hac vita secundum
eam formam qua datum est. Cap. V.

Quòd significatio totius non consistit in indiuisibili, sed magnam ha-
beat latitudinem, quodq; ea ratione charitas incrementa sua ha-
beat. Cap. VI.

Quomodo diluendæ sint quorundam obiectiones quæ hic fieri so-
lent. Cap. VII.

Quibus scripturis demonstretur posse hic impleri præceptum chari-
tatis. Cap. VII I.

Qui debeant intelligi sub nomine proximi hoc in præcepto. Cap. IX.

Quòd omnis Christianus omni Christiano pluribus rationibus sit pro-
ximus, q̃ infidelis fidei, aut infideles inter sese esse possunt. Cap. X.

Condemnatos ad pœnas infernales non esse annumerandos inter pro-
ximos. Cap. XI.

An Angeli in celis sint cõputandi inter proximos nostros. Cap. XII.

Quòd non præcipiatur hic nisi dilectio amicitie, & quæ sit illa.
Cap. XIII.

Quousq; se extendat particula præcepti, Sicut teipsum. Cap. XIII I.

Non omnes proximos æqualiter esse diligendos. Cap. XV.

Secundum mandatum charitatis simili forma fuisse in veteri lege datum
qua in noua. Cap. XVI.

De eo quod dictum est, Mandatum nouum do vobis, vt diligatis inui-
cem sicut dilexi vos. Cap. XVII.

Tractatus vndecimus.

Cur summa diligentia tractandum de præceptis & viribus
charitatis. CAP. I.

M. **B**eatus Gregorius tractans illud Ioannis : Hoc
est præceptum meum, vt diligatis inuicem, Cum
cuncta sacra, inquit, colloquia Dominicis plena
sunt præceptis, quid est, quod de dilectione,
quasi de singulari mandato, Dominus dicit, Hoc est
præceptum meum, vt diligatis inuicem: nisi quod omne
mandatum de sola dilectione est, & omnia vnum præceptum
sunt? Vt autem multi arboris rami ex vna radice
prodeunt, sic multæ virtutes ex vna charitate generantur.
Nec habet aliquid viriditatis ramus boni operis: si non
manet in radice charitatis. Præcepta ergo Dominica &
multa sunt, & vnū: multa per diuersitatem operis, vnum
in radice dilectionis. Cui consonat illud Augustini, Omnia
quæ præcipit aut docet Scriptura ad nutriendam &
corroborandam charitatem, & ad vincendam & extinguendam
cupiditatem valent, totamque magnitudinem & amplitudinem
diuinorum eloquiorum possidet charitas, qua Deum proximumque diligimus. Vt autem
hos missos faciamus, in ipsa Scriptura sacra, quæ solui non
potest, licet hæc sparsim legere. Plenitudo legis dilectio.
Finiis præcepti charitas. Vinculum perfectionis charitas.
Et illud: In his duobus mandatis, scilicet charitatis, vniuersa
lex pendet & Prophetæ. Nervos itaque nostros, omnemque
vigilantiam huc intendere oportet, vt fiat ex verbo Dei dilucida atque
succincta demonstratio mandatorum charitatis, & eorum quæ circa hanc
materiam controuerti solent, ab ijs qui cupiditatis alumni, quam
charitatis esse malunt. Tu itaque fili, quam hætenus præbuisse

Ioan. 15.

Grego. lib.

40. Homil.

27.

*Aug. lib.
de doct.
Christ. cap.
10.*

*Vis charitas
scriptura
vis probatur.*

*Rom. 13.
1. Tim. 1.
Colos. 3.
Matth. 22.*

*Adhortatio
ad discendum
que charitatis
sunt.*

buiffe videris, nunc præsta maiori studio, mentis attentionem: fontem enim ac summam pertractabimus omnium legum, naturalis, diuinæ, humanæ. Et per Dei gratiam productis ex verbo Dei argumentis, excutiemus de corde tuo, etiam si multum obduruerit, scintillulas quasdam, quibus inflammabitur totum meditationum tuarum corpus: haud secus atque strues lignorum accenditur, excusso ex silice igniculo ferri ictibus.

D. Vtinam ignis, quem Christus venit mittere in terrâ, aliquantulum pectoris mei focum accenderet.

M. De illo igne nunc agemus: ille enim est ipsamet charitas, cuius vis quædam occulta inseritur pectoribus nostris per Spiritum Sanctum dum regeneramur: quemadmodum durissimis ac frigidissimis petris inditus est à natura ignis quidam, sed occultus, sed imperceptibilis, donec excutiat ferro. Si non atteris ictibus, nec ignem ostendit petra, nec aliud quàm frigidissimum cōtactum habet. Si verò cōcutias, mox ignem euomit, quo syluam licet incendere & vrbes. Nos ergo dura frigidaque nostra corda atteramus, demonstrationibus ex verbo Dei compositis de materia charitatis, & ignescent haud dubiè (modò purè Deum querimus) dabuntque tandem flammulas veræ pietatis non modicas.

D. Paratum cor meum Domine, paratum cor meum. Verum si plenitudo legis charitas, si insuper totam amplitudinem diuinorum eloquiorum possidet charitas: quid igitur opus erat tot tractatibus demonstrare naturam & vim præceptorum Decalogi? Superflua videtur illa, omniaque alia, quæ extra charitatem præcipiuntur: cuncta enim ad salutem necessaria possidet charitas, implet, perficit.

M. Omnia quidem illa obseruatu perquam necessaria esse, ostendit Saluatoris sententia, qua dicit, Si vis ad vitam

Alia à charitate licet necessaria sunt: non tam sufficiunt sine ea.


DE DILIGENDO DEVM

tam ingredi, serua mandata: Non quidem hoc duntaxat aut illud: sed quæcunque mandata, aut hic enumerata, aut alibi in doctrina nouæ legis promulgata, ne vno quidem excepto: quia qui totam legem obseruat: offendit autem in vno, teste diuo Iacobo, factus est omnium reus. Insuper & fides, & Sacramenta, & orandi sedulitas, & sacrificium præter charitatem summè necessaria sunt: quemadmodum partim audisti in primo & secundo libris, partim in sequentibus audies. Verùm quantumlibet omnia illa sint necessaria: non tamen sufficiunt ad salutem, sine charitate, vti certum est ex regula Apostolica Ioannis dicentis: Qui non diligit manet in morte: non diligit, inquam, vti oportet, Deum super omnia, & proximum sicut semetipsum, talis manet in morte. Itaque longè est extra viam quæ ducit ad vitam: etiamsi totam aliorum congeriem probissimè obseruarit. Quæ sanè regula Apostolica habet vim propositionis vniuersalis. Nā in traditionibus omnis indefinita valet vniuersalem, teste Aristotele. Quomodo autem plenitudo legis sit charitas diuinorum eloquiorum totam amplitudinem possidens, quanquam & reliqua obseruare necesse sit, iam nunc paulatim explicare incipiemus.

1. Ioan. 3.

Qua ratione vocetur præceptum charitatis primum, maximumque mandatum.

CAP. II.

M.  **Vot sunt præcepta charitatis?**
D. **Vnum, sed bipartitum in duo membra: quorum altero Deus, altero iubetur diligere proximus.**

M. **Rectius sanè conformiusque dixeris verbo Dei, quod sunt duo mandata charitatis: quorum alterum vocatur primum ac maximum mandatum, nempe quo præcipitur dilectio Dei: alterum verò vocatur simile illi priori, nempe**

*Duo esse
præcepta
charitatis.*

nempe quo præcipitur dilectio proximi. Nam Saluator respondens legisperito interroganti de magno mandato legis, inquit: Diliges Dominum Deum tuum ex toto *Matth. 22.* corde tuo, & in tota anima tua, & in tota mēte tua. Hoc *Marc. 12.* est maximum & primum mandatum. Secundum autem simile est huic, Diliges proximum tuum sicut teipsum. Igitur sunt duo mandata charitatis, vnum primum, alterum secundum: illud maximum, hoc simile illi.

D. At qua ratione illud primum ac maximū? Istud quoque in quo dicitur simile illi?

M. Non vtique primum, quia priori loco positum, aut quia literis est descriptum in ipso frontispicio legis: sed *Quaratione præceptū charitatis dicatur primum ac maximum.* primum hac ratione, Quia præcipuum est potissimumque mandatum totius legis, eo quod principaliter ac velut primarius scopus erat in intentione dantis legem, quodque spectari debet ac quæri præ omnibus ab eo qui legem accipit. Imò si penitus rem inspiciamus, non opus est hic relatione ad legem, quam Legisperitus fecit, nihil cogitans præter suam legem. Sed dicendum est, sicut Saluator respondet, quod mandatum dilectionis Dei sit maximum ac primum absolute & citra relationem: quia primum maximumque omnium quæ in lege naturæ, omnium insuper quæ in veteri aut noua lege præscripta sunt, omnium denique quæ homini ad salutem vlla ratione præscribi possunt. Magnum autem siue maximum dicitur mandatum aliquod: primò à vehementia imperatoris voluntatis, qua legislator præcipiendo id vnum præ cæteris, ac maximè obseruari voluit. Secundò à quantitate rei quæ præcipitur: charitas enim hoc loco præcepta est suprema omnium virtutum, multo inter alias maximi ponderis, summæque dignitatis, & in primis necessaria: tertio à fructu quem parit in ijs quibus datur præceptum. Per obseruationem autem istius mandati magis

quàm omnium aliorum est inuenire vberimum fructum salutis æternæ. Quæ duo posteriora quæ luculentissimè demonstratur ab Apostolo per totum decimum tertium caput prioris suæ epistolæ ad Corinthios. Vbi inter cætera sic docet: Si habuero omnem fidem, ita vt montes transferam: charitatem autem non habuero, nihil sum. Et si distribuero in cibos pauperum omnes facultates meas, & si tradidero corpus meum, ita vt ardeam: charitatem autem non habuero, nihil mihi prodest. Charitas patiens est, benigna est. Charitas non æmulator, non agit perperam, non inflatur, &c. quorum explicationem vsque in finem huius tractatus differemus.

D Malè igitur legunt Græci & multi Latinorum hoc loco magnum, pro maximum.

M. Neutiquam malè legunt illi: quia in vetustissimis quibusdam exemplaribus sic scriptum inuenitur: Et subinde Positiuus plus habet emphasis ac energię quàm Superlatiuus, vt in istis sententijs, Vnus est bonus Deus. Magnus es tu, & faciens mirabilia, tu es Deus solus. Tunc videbunt Filium hominis venientem in nube cum potestate magna & maiestate. Hæc enim & similia, significantiùs dicuntur per Positiuum de Deo & eius maiestate, quàm per Superlatiuum. Indicatur enim per Positiuum quòd tanta eminentia conueniant huiusmodi Deo, vt in eisdem comparari cum alijs non possit. Nam quomodo dicetur Deus aut maior aut maximus, aut melior aut optimus cuiuspiam rei comparatione, cum omnia alia multipliciter deficiant & à bono, & à vero, & ab ipsa subsistendi virtute: imò omnia Deo comparata nihil sunt. Quid enim laudabis, aut quid miraberis in alijs: nisi quod Dei est? Dicitur igitur, Hoc est magnum mandatum in lege: vel vt Christus loquitur, Hoc est mādātum magnum, citra additionem. Vt intelligas Scripturam vix

ferre

*Præceptū
charitatis
cur à quibusdā
dicatur magnum
non maximum.*

Matth. 19.

Psal. 85.

LUC. 21.

ferre vllam aliorū mandatorū comparisonem ad istud: eò quòd istud præstet omnia, & reliqua nullius sint ponderis & efficaciz ad salutem introducendam absque isto. Dum comparamus vnum alteri, duo esse, discretaq; indicamus, vnumque altero præstantius in eo in quo fit comparatio. At quid, precor, sunt pietas in parètes, amicitia erga omnes, miserorum subuentio, continentia, iustitia, fides, & cætera huiusmodi separata à charitate? An aliud quàm corpus sine spiritu, aut numisma sine approbatione Principis? sunt quidem bona, nec reprobari debet illorum operatio: attamen forma carent, quæ dat esse veræ virtutis Deo probatæ, nec alas habent, aut igne cælesti succensa sunt: ideoque ad supernæ felicitatis remunerationem nihil adferunt momenti: quapropter hac in parte charitati comparari non valent. Dicitur itaque præceptum charitatis rectè magnum ratione rei præceptæ: magnum item ratione præceptoriz voluntatis iubentis: magnum denique à fructu quem parit in nobis: & id sanè absolutè, ac citra omnem comparisonem ad alia. Secundum autem simile huic, Diliges proximum *Secundum præceptū in quo sit simile priori.* tuum, sicut teipsum. Quæsiuisti autem in quo simile illi. In eo dico: quia magnum præ omnibus alijs sicut illud. Illud tamen primum, hoc secundum, ex illo ordinem sumens & vigorem: vt qui ipsum seruauerit, omnia impleuerit dicente Apostolo: Qui diligit proximum, legem *Rom. 13.* impleuit. Nam, Non adulterabis, Non occides, Non furaberis, Non falsum testimonium dices, Non concupisces, & si quod est aliud mandatum, in hoc verbo instauratur, Diliges proximum tuum, sicut teipsum. Dilectio proximi, malum non operatur. Plenitudo ergo legis, est dilectio. Hæc Apostolus ad Romanos 13. Ad Galatas verò sic dicit: Omnis lex in vno sermone impletur, Dili- *Galat. 5.* ges proximum tuum, sicut teipsum. Si enim sic diliges pro-

DE DILIGENDO DEVM

proximū, omnia aliorum mandatorum decreta ex ipso qui intus est amore, elegis, exoptas, perficis, spōte propria amantissimē in hoc propensus quasi non esses vlla præscriptione obligatus: non enim facis ob vim vllius præcepti: sed solummodo quod te moueat amor, & faciendū persuadeat sincera dilectio. Vnde verissimē Augustinus: Dilige, inquit, & fac quod vis. Dilectio enim proximi, malum non operatur, nempe aduersus proximum. Et amanti, omnia nihil supple sunt. Ergo minimum est amanti, impendere proximo, quod eidem impendere iubetur. Nam plus ei vult, omnia siquidem quæ sibi ipsi: quia diligit eum sicut seipsum.

Rom. 13.

D. Quaquam diligens proximum sicut seipsum, impleat omnia, quæ sibi præcepta sunt, respectu proximi: non tamen per hoc implet primum illud maximumque mandatum, & quæ ex ipso immediatē sequuntur, hoc est, quæ præcepta sunt respectu Dei. Quomodo igitur omnis lex impletur in vno illo verbo, Diliges proximū sicut teipsum?

*Diligens
proximum
quomodo
impleat to
tan legem.*

M. Quæstio magna est, an possit quis diligere proximum suum iuxta exigentiam secundi mandati, non diligendo Deum ex toto corde, iuxta exigentiam primi mandati.

Caietan. in Doctus Caietanus multis pregnantibusque argumentis
Coment. su resoluit id posse fieri, nec hoc loco præceptum esse, vt di
per 22. cap. ligatur proximus ex charitate Dei super omnia, magis
Matth. quàm quod vt honorentur parentes ex charitate. Verum quidem est, nos neque proximos diligere, neque parentes honorare fructuosē ac meritoriē sine charitate. Sed durum foret nimium asseuerare, neque huius neque illius transgressionem posse vitari sine charitate. Et hanc sanē sententiam sequendo, dicendum est, quod mandatum de diligendo proximum sit simile primo, secundum quandam proportionem. Nam sicut illud mādatum da-

tum

tum de Deo omnium principio, includit in se vniuersa alia mandata: ita istud datum de proximo complectitur omnia nobis præcepta respectu proximi: vt testari videtur declaratio Pauli ad Rom. 13. enumerantis ibidem eaduntaxat mandata, quæ homini sunt præscripta respectu proximi. Beatus verò Augustinus paulò aliter sentit quàm Caietanus, docens neutrum præceptorum posse impleri sine altero. Quis enim, inquit, potest diligere proximū, id est, omnem hominem, tanquam seipsum: nisi Deum diligat, cuius præcepto & dono dilectionem proximi possit implere. Cum itaque adeo cōnexa sint, vt diuidi non valeant etiam vnum horum commemorare plerunque sufficit, cum agitur de operibus iustitiæ. Hæc in effectu August. tractans illa verba Pauli, Omnis lex in vno verbo impletur. Subiungit autem Saluator vtrique mandato coniunctim hanc periodum, In his duobus mandatis vniuersa lex pendet & Prophetæ, Pendet, inquit August. hoc est illo refertur, & finem habet. Pēdent vtique media ex fine, eaquæ de causa sunt media inter agentem & finem intentum: vt per ipsa tandem ad optatum perueniatur finem. Omnia autem quæ in lege veteri, aut prophetis, aut libris Euangelicis docta, ordinata, ac consulta inueniuntur, omnia, dico, huc spectant, atque eum ob finem tradita sunt, eumquæ ob finem obseruari debent, vt diligantur Deus & proximus secundū formam istorum duorum mandatorum. Quod Apostolus dixit verbo vno, Finis præcepti charitas: finis, inquam, quem intendit præcipiens: finis, quem intendere debent ij quibus præcipitur: finis denique ad quem cum peruenerint, sunt quod esse debent, omnes. Dicitur nihilominus vnumquodquæ pendere ex eo, vnde habet vim, vigorem siue efficaciam suam: atque hoc pacto, quemadmodum ex radice arboris pendent viror frondium & vbertas sic reliqua

August. in
præf. ex-
pos. epist.
ad Galatas.
August. lib.
1. Quæst.
Euā. quæst.

33.

DE DILIGENDO DEVM

reliqua omnia, quæ legi sunt, pendent ex his duobus mandatis. Inde fluunt, inde vim & efficaciam salutis promouendæ accipiunt, ab illis si diuidantur, nullum deinceps adferunt fructum salutis: sicuti nec ramus, vbi à radice separatus fuerit, dicente beato Gregorio: Non habet aliquid viriditatis ramus boni operis: si non manet in radice charitatis. Considerasti ne quod ostia domorum, sunt quidem ostia etiam antequam pendeant in suis cardinibus, in quibus vbi tandem suspensa fuerint, tum demum & excludendi hostes, & includendi domesticos, & conseruandæ suppellectilis officium præstant. Sic quæ in lege vel libris noui Testamenti continentur, decreta quidem aut consulta Dei sunt: verum vbi cœperint in dictis præceptis charitatis pendere, & in eisdem velut in suis cardinibus volui, tum demum fouendæ augendæque salutis idonea media existunt.

Cur instantius accuratiusque sit hoc præceptum datum in noua quam veteri lege, & quid differentie sit inter diligere & amare. CAP. III.

M. **P** Ræceptum dilectionis Dei datum est in veteri lege Deuter. 6. his verbis: Audi Israël dominus Deus noster, Deus vnus est. Diliges dominum Deum tuum ex toto corde tuo, & ex tota anima tua, & ex tota fortitudine tua. In noua verò lege Matth. 22. renouatur sub his verbis, Diliges dominum Deum tuum ex toto corde tuo, & in tota anima tua, & in tota mente tua. Quibus addit Marcus, Et ex tota virtute tua. Lucas verò dicit, Diliges dominum Deum tuum ex toto corde tuo, & ex tota anima tua, & ex omnibus viribus tuis, & ex omni mente tua. His sanè verbis proponitur præceptum dilectionis Dei: primum in veteri, deinde in noua lege: magis autem accuratiusque in ista quam illa: quod magis ad istam veluti veræ libertatis legem, quam ad

Marc. 12.

Luc. 10.

Accuratius
exprimitur
præceptum
charitatis
in noua
quàm veteri
lege.

ad illam, quæ erat lex seruitutis, pertineat, sicuti & multo maxime ad statum supernæ beatitudinis pertinebit, eò quòd ibi sit superna, verissima, purissimaque libertas, vbi nullum erit præter vnum charitatis mandatum. Seruorum est minisagi: filiorum verò affectu & dilectione duci. Quo igitur quisquam magis à seruili conditione ad consortium tranſierit filiorum, eò conuenit magis amore contineri ipsum in officio, quàm externis aliarum rerum præceptionibus. Olim quidem tempore legis, promissit Deus dicens: Dabo legem meam in visceribus eorum, & in corde eorum scribam eam. Nato autem Euangelio dixit Apostolus ad Corinthios: Epistola estis Christi, ministrata à nobis, & scripta nò atramento, sed spiritu Dei viui: non in tabulis lapideis, sed in tabulis cordiscarnalibus. Hæc autem lex tum scribenda nunc autem scripta spiritu Dei in cordibus credentium, est ipsa charitas de corde puro, & conscientia bona et fide non ficta, agens, & intus tua sponte filiali secundum formam & ordinem præcepti dilectionis: qualis charitas diffunditur siue describitur in cordibus nostris, per spiritum qui datus est nobis. Merito igitur debebat præceptum dilectionis scriptius repeti, accuratiusque inculcari in Euangelio, quàm in veteri lege. Quid enim aliud est Euangelium Christi, quàm forma adoptionis in filios Dei, norma veræ dilectionis exercendæ?

Lex charitatis olim promissa in Euangelio est data. Ierem. 31. 2. Cor. 3.

Rom. 5.

P. Capió. Verum quorsum adeo variant Euangelistæ, & inter se, & verbis Moyſi in descriptione huius mandati? Nam Moyſes dixit tertio loco, Et ex tota fortitudine tua, cuius non meminit neque Matthæus, neque reliqui: sed pro eo posuit Matthæus tertio loco, Et ex tota mente tua: alij verò Euangelistæ aliud.

Cur variēt Euāgelistæ in explicando præcepta charitatis.

M. Omnis talis varietas, vt nullam contrarietatis notam habet: ita causa veritatis explanandæ facta est. Nā vnum & idem

dicere amorem, aliud dilectionem siue charitatem. Nam ipse Dominus Petrum Apostolum interrogans, cum dixisset, Diligis me plus his? Ille respōdit, Domine, tu scis: quia amo te. Et iterum Dominus quæsiuit, non vtrum amaret: sed vtrum diligeret eum Petrus. At ille respondit ei iterum, Domine tu scis: quia amo te. Tertia verò interrogatione & ipse Iesus nō ait, Diligis me, sed Amas me. Vbi secutus ait Euangelista, Contristatus est Petrus: quia dixit ei tertio, Amas me: cū Dominus non tertio: sed semel dixerit, Amas me: bis autē dixerit, Diligis me. Vnde intelligimus, quod etiam cū dicebat Dominus, Diligis me: nihil aliud dicebat quā Amas me. Petrus autem non mutauit huius vnus rei verbum, sed etiam tertio, Domine, inquit, tu omnia scis, tu scis, quia amo te. Hoc propterea cōmemorandum putauī: quia nōnulli arbitrantur aliud esse dilectionem siue charitatem, aliud amorem. Dicunt enim dilectionem accipiendam esse in bono, amorem in malo. Nam amorem in bono dici iam ostendimus. Sed ne quis existimet amorem quidem in bono & in malo, dilectionem autem non nisi in bono esse dicendam, illud attendat quod in Psalmo scriptum est, Qui autem diligit iniquitatem, odit animā suam. Et illud Apostoli Ioānis, Si quis dilexerit mundū, nō est dilectio Patris in eo. Ecce vno loco dilectio, & in bono & in malo accipitur. Amorem autem in malo: quia in bono iam ostendimus, ne quisquam flagitet, legat quod scriptum est, Erunt homines seipsos amantes, amatores pecuniæ. Hactenus ex Augustino. Quod autem dilectio etiam brutis animalibus conueniat patet ex Ecclesiastico: Omne animal, inquit, diligit simile sibi. Neque omnino verum est, charitatē differre à dilectione in eo, quod solummodo charitas dicatur ardens ille amor vel dilectio, qua cælitus succenduntur corda piorum hominum

*Eccles. 13.
Charitas
in quo differat à dilectione.*

ad Deum super omnia, & ad proximum propter Deum. Quandoquidem: Apostolus scribens Timotheo, non audebat dicere, Finis præcepti charitas, nisi cum hac adiuncta restrictione, de corde puro, cōscientia bona, fide non ficta: quasi non omnis charitas, sicut nec omnis dilectio statim esset finis præcepti: sed ea duntaxat quæ præcedit de corde puro, &c. Passim tamen in scripturis & plerumque accipitur vox Charitas, pro ea dilectione qua purè, sincère ac fideliter, siue secundum veram formam huius mandati, diligimus qualis & diffunditur in cordibus nostris per Spiritum Sanctum qui datus est nobis, vt est videre ad Rom. 5. & 1. ad Coriuth. 13. neque vnquam trans-

Vox charitas neq; ad malum, neq; ad inanimata aptatur.

fertur vox Charitas ad malum, aut ad impuram, vel aliqui ad inhonestam animi affectionem, sicut vox amor ad eadem transfertur: neque item aptatur ad inanimata vel bruta animantia, vt illa charitate se diligere dicantur. His itaque differētis saluis, pene idem sunt amor, dilectio, charitas: nec aliud significant, quàm propensam affectionem animi, qua quis earum sibi habet id, cui afficitur.

Quid vocibus istis, cor, anima, mens, fortitudo in præcepto indicetur. CAP. III.

D.



Vid autem cor, quid anima, quid mens, quid deniq; vox tota singulis adiuncta, hoc loco significant?

M.

Cor pro quo accipitur in præcepto.

Cor, carnea pars corporis animati, est secundum Physicos primum sentiendi organum, domicilium vitæ, sedes caloris, fons sanguinis vitalis, homini quidem collocatum intra læuā papillam: cæteris verò animatibus in medio pectore, primū viuunt, vltimūq; moritur. Quod quia inter reliquas corporis partes, viuendi vitæque fouendæ primas obtinet: ideo voce cordis valde metaphori-

Inter. 4. y. videtur Scriptura sancta, dum dicit, Laua à malitia cor tuum

tuum Hierusalem. Item, In corde eorum scribam legem *Exech. 36.*
 meam. Item, Auferam cor lapideum de carne vestra, & *Ierem. 17.*
 dabo vobis cor carneum. Item, Prauum est cor hominis
 & inscrutabile. Item, Sensus & cogitatio humani cordis *Genes. 8.*
 in malum prona sunt ab adolescentia sua. Itē, Beati mun- *Matth. 5.*
 do corde. Et hoc loco, Diliges dominum Deum tuum
 ex toto corde tuo. Nā in his ac similibus scripturis, etiam
 secundum literalem sensum, accipitur cor pro eo quod
 in familia eorum quibus viuitur vita rationali, id ipsum
 est quod cor carneum inter ea quibus viuitur vita sensiti-
 ua, nempe quærendi audendique principium, fons amo-
 ris, functionum auriga perpetuò calens habendi fruen-
 diq; ardore, haud secus atque semper feruet cor carneum
 bullientis sanguinis calore, dicente Propheta: Concaluit *Psal. 38.*
 cor meum intra me.

D. Cæterum, quid istud est in anima, & quæ nomencla-
 tura eius?

M. Affectus rationalis, distinguendo rationale cōtra bru- *Cor, affec-*
 tale, hoc est, affectus qui iudicio & ratione aliqua fertur *tus ratio-*
 quocunque fertur, qui alio nomine dicitur animus. Nā *nalis, ani-*
 animus ab anima differt, quod anima viuimus, animo ve- *mus scē idē*
 rò eligimus, sapimus, conamur, audemus. Anima homi- *sunt.*
 nes, animo verò in officium functionesque proni atque
 prompti sumus. Pertinent autem ad animum siue cor ho-
 minis desideria, vota, studia, conatus, functiones, ardor,
 zelus. Hinc dicimus vecordes, socordes, excordes, pusil-
 lanimos, aut nihil habere animi, eos qui his affectibus ad
 vtendum lumine rationis, dū locus est ac tempus, carent:
 cordatos verò ac magnanimos, animosos, siue bene ani-
 matos, qui strenuè prosequuntur dictamen rationis: at-
 tamen non nisi loco ac tempore. Nam qui ante tempus
 vel sine iudicio tentant ardua, temerarios esse constat.

D. Cur igitur non dixit Saluator hoc loco, Diliges ex to-

to animo tuo.

M. Vitæ obscuritatis gratia: quòd animus subinde pro anima, & ediuerso anima nonnunquam accipiat pro animo. Quam ob causam maluit loqui metaphoricè, sub voce cordis, quàm propriè ex toto animo. Igitur diligere corde, est affectuosè diligere, promptè, ardentè, zelosè: diligere verò toto corde est id ipsum prorsus ac pleno affectu facere, ita vt ad nihil aliud magis aut æquè tendas corde, hoc est, studio affectus, ardore aut zelo, quàm ad dominum Deum tuum, cuius pleniorè explicationem mox audies. Alia licet tibi arrideant tanquam bona aut suaui vel vtilia: non tamen illis cor apponas, iuxta illud: Diuitiæ si affluant nolite cor apponere. Diligere autem aliquid propter me non veto, imò præcipio quòd diliges proximum tuum sicut teipsum: sed dilectionem ex corde, potissimùm ex toto corde mihi conseruatam esse volo. Eleganti sanè schemate dicimus id cordi esse, aut ex corde fieri, quod fit præcipuo ardentiq̃ue studio, quodq̃ue hominem intentum atque attentum præ cæteris retinet. Quo etiam modo aut dictum quid, aut factum dicimus ex animi sententia, dum quod factum aut consultum erat, cordi esse, significamus. Ad quam phrasim re-

PROV. 23. spexit Scriptura cùm diceret, Præbe fili mi cor tuum mihi. Quod quid aliud est, quàm dilige me ex corde: quia si mihi præbueris cor tuum, primus præcipuusq̃ue & inter omnia tibi charissimus ero. Nec dissimili phrasi dicit Apostolus: Corde creditur ad iustitiam: quia quando sic creditur vt cor immutetur afficiaturq̃ue, tum demum iustificamur. Addit autem hoc loco Saluator explicationis causa vocem Toto, dicens ex toto corde, tum quia potest quid diligi ex corde vel animo, sed minus quàm deceat maiestatem & eminentiam eius qui diligitur: tum quia debemus quidem, & nos & proximos nostros ex corde

siue

siue ex animo diligere. At illū qui supra omnia est oportet diligere ex toto corde : & quidem solum illum , non autem proximum , quem sufficit ex animo diligere , eo modo quo diligimus nos ipsos. Nos autem ipsos si diligamus ex toto corde ordinem inuertimus præferentes hominem Deo, rem perituram in sterquilinio suo summæ maiestati, summæque bonitati . Nunc porrò dicamus de anima, & quid sit diligere ex tota anima.

Anima quid significet in præcepto.

D. Anima, inquit Aristoteles, est principium vitæ.

M. Rectè: quicquid enim in nobis est sensuum vitalium, & operationum, id totum habemus ab anima, qua migrante è corpore, migrat cum ea, tota & omnis viuendi agendique potestas. Ideoq; accipitur subinde anima pro ipsa vita qua viuimus, tam apud historiographos, dicente Salustio : Quid enim superest nobis præter miseram animam? id est, vitam: quàm in Scriptura sacra, asserente Salvatore: Qui amat animam suam, hoc est, vitam suam qua corporaliter viuit, perdit eam: & qui odit animam suam in hoc mundo, in vitam æternam custodit eam. Et alibi asserente Euangelista: Ille, scilicet Christus, animam suam pro nobis posuit, & nos debemus pro fratribus animas ponere. Diligere itaque ex tota anima: vel vt quidam testus habet, in tota anima, vel sicut alij legunt, tota anima, est diligere tota vita tua, siue quàm diu viuis, non hac vel illa duntaxat ætate: sed omni momento vitæ tuæ, idque omnino veraciter. Nā qui dicit ex tota vel omni anima, nullam vult partem vitæ aut vini exclusam.

Ioan. 12.

1. Ioan. 3.

Diligere tota anima quid sit.

D. Tertiò, quid per mentem debet hoc loco intelligi?

M. Primùm, nō idem est mens & anima (verbis vtor Lactantij) Aliud enim est quo viuimus, aliud quo cogitamus. Nam dormientium mens, non anima sopitur: & in furiosis mens extinguitur, anima manet: & ideo nō exanimis, sed dementes vocantur. Hæc ille. Prima vis animæ

Mens quid significet in præcepto. Lactant. diu. instit. lib. 7. cap. 12.

mens est, cuius actus est perpetua contemplatio veritatis. Secunda ratio, cuius actus veritatis inuestigatio. Tertia phantasia, cuius actus collectio eorū quæ sensus porrigūt, perq; illa discursus. Hoc autē loco vno nomine mentis, omnes animæ vires cognitiuæ cōprehendūtur. Nam vox Græca *διάνοια* hoc loco posita significat mentē, intellectū, sensum, cogitationē, sententiā, ingeniū, intelligentiā. Et repetēs Scriba Marc. 12. respōsionē Domini, dicit, Ex toto intellectu siue intelligētia: cui in Græco textu correspondet vox *ἐννοια* significans intellectum siue intelligentiam, prudentiam, cōscientiam: vt diligere tota mente sit prorsus, sapienter, ingeniosē, prouidē, prudenter, circūspiciē atq; attentē siue tota intelligentia, & citra obliuionē diligere. Postremò diligere ex tota fortitudine vel virtute, siue omnibus viribus quæ idem sunt, est constātissimē diligere, animo prorsus constanti & in fracto, tam sub aduersis, quàm cū omnia prosperē succedūt, & ē diuerso: quia solent incautos facilius deijcere ab amore Dei prospera quàm aduersa. Sub vtriusvis autem oportet citra deiectionem aut formidinem firmissimē feruentissimēque amare Deum, tanquam fontem omnium bonorum, omnia largiētem, omnia dispensantem in vtilitatem nostrā, omnia inspicientem, vbique præsentem, ab omnibus malis eripientem. Sicuti fecerūt illustres illi patres Iob, Tobias, Daniel, Iudith, Mardocheus, & Apostoli, de quibus scriptum est, Ibant Apostoli gaudentes à conspectu concilij: quia digni habiti sunt, pro nomine Iesu contumeliam pati. Quantum autem retraxerit ab amore Dei prosper rerum successus magis quàm aduersitas, Dauidē, Salomonem, Sampsonem ac alios, historiæ Scripturæ sacræ luculenter declarant. Illam nihilominus particulam, Ex omnibus viribus tuis, à Luca ceteris adiectam, putant quidam non ineruditē veluti epitomen esse omniū præceden-


Diligere
tota mente
quid sit.

Diligereto
ta fortitu-
dine quo-
modo intel-
legendum.

Ad. 5.

cedentium plenioris explicationis gratia. Vt scilicet in te nihil omnino sit virium quod non prorsus impendas dilectioni Dei tui, siue id oculis præcedētibus expressum intelligatur, siue non.

An possibile sit implere præceptum charitatis in hac vita, secundum eam formam qua datum est. C A P. V.

D.  T nunc quærere debeo, vtrum præceptum dilectionis secundum eam formam, & sub illis modis quibus latum est, impleri valeat in hac vita?

M. Inquit Saluator, Sine me nihil potestis facere. Et Apo^{Ioan. 14.} stolus eius: Non quod sufficientes simus cogitare aliquid ^{2. Cor. 3.} à nobis, quasi ex nobis: sed sufficientia nostra ex Deo est. ^{Præceptū charitatis non potest impleri sine fide & gratia Spi-ritus sancti.} Itaque si eò tendit tua quæstio, An homo valeat sine gratia Dei adiuuante implere hoc mandatum, respondendum est, omnino non posse. Si verò interrogas, An Christianus fide illuminatus & Spiritus Sancti gratia adiutus, possit in hoc mundo sic diligere Deum, sicut obligatio mandati requirit.

D. Eò, & non aliò tendit interrogatio mea.

M. Principio itaque quasdam sanctorum Patrum vniuersales sententias præmittam, & exinde paulatim ad propriam huius quæstionis tuæ explicationem descendam. ^{Nullum impossibile est sub præcepto.} Beatus Hieronymus docet in hunc modum: Execramur eorum blasphemiam, qui dicunt impossibile aliquid homini à Deo præceptum esse: & mandata Dei, non à singulis, sed ab omnibus in commune posse seruari. ^{Hieronymus ad Damasum in Symb. expl. Chrysost.} Deinde Chrysostomus: Nequaquam, inquit, Dominum incules, haud mandat impossibilia. Tertiò August. locis pluribus ^{Homil. 8.} testatur Deum non præcepisse quicquam impossibile, vt ^{Augustinus serm. 61. de temp.} in sermonibus de tempore, Deus, inquit, nec impossibile aliquid potuit imperare: quia iustus est, nec damnatus.

DE DILIGENDO DEVM

rus est hominem pro eo quod non potuit: quia pius est. Sed credo te malle audire demōstrationem ex Scripturis.

D. Profectò verbum Dei, quia omnibus maius est, meritò omnibus præferri debet.

M. Moyses vt excludat socordium hominum cauillatio-
Deut. 30. nes, Mandatum hoc, inquit, quod ego præcipio tibi hodie, non supra te est, neque procul positum, nec in cælo situm, vt possis dicere, Quis nostrum valet ad cælum ascendere, vt deferat illud ad nos, vt audiamus atque opere cōpleamus? Neque trans mare positum, vt causeris & dicas, Quis ex nobis poterit transfretare mare, & illud ad nos vsque deferre, vt possimus audire & facere quod præceptum est? Sed iuxta te est, sermo valde in ore tuo, & in corde tuo, vt facias illum. Ecce quàm eleganti Procatalepsi præoccupat ne quis diceret, Impossibile est obseruatu, quod præcepisti nobis.

D. Cæterum, An Moyses ibi locutus sit de præcepto charitatis?

M. Proximè ante illa verba, sermonem fecerat de præcepto dilectionis Dei ex toto corde, & pergendo rursus idem commemorat mandatum. Adhæc Saluator noster cū tractat de iugo suo & onere Euangelico: Nōne tibi videtur loqui de ordinationibus, quas præscribebat, quarum prima maximaque portio est diligere Deum ex toto corde?

D. Omnino.

M. At ipse constanter asserit iugum suum suauē esse, & onus suum leue. Si autem leue, si suauē: ergo valde possibile. Quis enim dixerit impossibile, quod ipse Christus asserit leue & suauē, quodque Apostolus eius Ioannes
1. Ioan. 5. graue esse negat, dicens: Mandata eius grauiā non sunt.

D. Fortassis intelligit id Ioannes cum exclusionē mandati charitatis.

M. Ora:

- M.** Oratio Ioānis sic procedit, In hoc cognoscimus quoniam diligimus natos Dei, cū Deum diligimus, & mandata eius faciamus. Hæc est enim charitas Dei, vt mandata eius custodiamus, & mandata eius grauiā non sunt. Quæ hic exclusio mandati charitatis? Imò quæ non inclusio omnium mandatorum? Cæterū quid te impulit in hanc dubietatem?
- D.** In malum procliues sumus omnes, & pondere concupiscentiarum adeo impellimur, vt nequeat nō affici subinde cor nostrum ad alia à Deo, ad quæ si vel prorsus, vel partim afficiatur, iā non diligitur ex toto corde Deus.
- M.** Hoc sanè admodum bene animaduertisti. Nam corpus aggrauans animam, & caro concupiscens aduersus spiritum, siue lex membrorum repugnans legi mentis, & peccatum habitās in carne (his enim schematibus utitur Apostolus ad Romanos & ad Galatas) reuera non sinūt, in hac lubricitate mundi, inter tot tantaque auocamenta omnes vires animæ niti amore erga Deum, vt omnino non afficiantur ad aliud à Deo.
- D.** Igitur aliqua ex parte vacua manent amore Dei quare nec toto corde diligitur Deus: sed partim ipse, partim aliud in quod fertur affectio.
- M.** Huius difficultatis gratia, tria nobis discutienda erūt. Primum quid vox totum significet ex impositione: quid secundum phrasim tam scripturarum quam eruditorum & communem. Deinde omnibus ne datum sit hoc præceptum, an tantum his qui peregrinantur in carne à Domino. Tertiò, An ne præceptum hoc aliud & aliud exigat ad sui impletionē in alio ac alio statu hominis. *Quid significet vox totum secundum impositionem, & quid secundum phrasim.* Quibus discussis, constabit luce pomeridiana clariùs, fieri posse, vt hīc diligatur Deus ex toto corde, iuxta exigentiam præcepti. Vt autem exordiamur: Vox Totum, secundum phrasim, ex impositione quidem refertur ad quantitatem, accipiturque

turque pro integro, siue eo cui prorsus nihil deest. *Qua* sane significatione dicimus, tota hæreditas paterna mea vnus est: quando quispiam nostrum ex asse hæres efficitur. *Qua* dicitur & illud Euangelij: Donec fermentetur totum, hoc est, per omnem sui partem, nulla prorsus excepta. Veruntamen secundum phrasim tam illius strium in lingua Latina, quàm Scripturæ sacræ, intelligitur significatione totius, quòd præcipuum est, aut cui ferè nihil deest. Quo pacto dicit Apostolus Ioannes, Mundus totus in maligno positus est: quia omnium ferè hominum, & longè maioris partis mundi præcipuum studium erat malignum. Quemadmodum dictum est & illud Acto. 21. *Quia* tota confunditur Hierusalem. Atque illud: Mûdus totus post eum abiit, hoc est, valde multi, plurimi, ac sine numero. *Qua* eadem phrasi dicimur ex toto corde facere, quod ex animo, & syncerè, præcipuè que studio facimus. Nam Cicero cùm diceret, Plancius totus noster est: neutiquàm significabat Plancium præter vnum Ciceronē nullos omnino habere amicos, aut iam omnium officiorum beneficiorumque erga alios oblitū, vt soli Ciceroni deditus esset: sed id voluit significare, se suamque domum præ omnibus alijs amari ac coli à Plancio, idque syncerè & ex animo. Quomodo & Terentius dixit, Ego nunc totus mihi displicio: significans prorsus & ex animo se displicere sibi magis quàm quoduis aliud eius negotij quodd tractabatur. Nec sanè desunt eiusmodi phrasès per omnem Scripturam sacram.

Cùm enim dicit David ad Deum, In toto corde meo scrutabor mādāta tua. Et alio loco, Clamaui in toto corde meo, exaudi me Domine, an tum precor, nulla affectio erat in tanto rege, ad officia vel amicorum, vel reipublicæ, vel naturæ propriæ? Si erat, vt erat, nihil enim humani ab eo alienū: qua ratione audet dicere, In toto corde

Luc. 13.

Toto animo dicitur fieri quod præcipuum sit studio.

1. Ioan. 5.

Ioan. 12.

Cic. ad Qu. frat. lib. 2.

Terentius Heaut.

Psalm. 118.

exquisiui te? nisi quia admodū, quia potissimum, tamq̃;
 syncero ardētīq; animo quærebat Deū vt nihil æquē, ni-
 hil adeo atque Deum. Testatur autem & ipse Dominus
 quòd David ambulauerit post Deū in toto corde suo,
 dicens ad Hieroboam: Non fuisti, inquit, sicut seruus
 meus David, qui custodiuit mandata mea, & secutus est
 me in toto corde suo. An Deus sic testando perhibuerit
 testimonium falsitati? Rursus quæro, An David penitus
 exors fuerit fomitis, quo nemo caret mortalium, aut
 actionum quibus distrahitur omnis homo: potissimum
 rex, præsidens cum priuatis tum publicis rebus? Nequa-
 quam: vt dicta factaq̃ue Davidis quàm optimè declarāt.
 Obseruauit itaque David etiam Dei testimonio manda-
 tum diligendi Deum ex toto corde, cūm viueret in ter-
 ris vt homo, cūm regem ageret, atque publicis simul &
 priuatis intenderet negotijs. Nam quid est aliud ambula-
 re post Deum in toto corde, quàm amare Deum ex toto
 corde? Habes præterea apud Hieremiam, Cūm quæsie-
 ritis, inquit, me in toto corde vestro, inueniar à vobis. Et
 in Deutero. Cūm quæsieris dominum Deum tuum, in-
 uenies eum, si tamen toto corde quæsieris, & tota tribu-
 latione animæ tuæ. Quo loco tibi obseruanda est illatio
 quam facit coniunctio, Si, qualis est necessaria. Atque
 exinde quarendum ex ijs qui mira fingūt. An nulli vn-
 quam reuersi sint toto corde ad dominum à via sua ma-
 la? Quorsum igitur dicatur de Iosia rege, Similis illi non
 fuit ante eum rex, qui reuerteretur ad Dominum in om-
 ni corde suo, & in tota anima sua, & in vniuersa virtute
 sua, iuxta omnem legem Moyfi. Cuius prima & maxima
 portio erat, Diliges dominum Deum tuum ex toto cor-
 de, &c. Hocne verbum Dei est? Nōne & illud vaticini-
 um Hieremiæ veritati diuinæ innititur, Et erunt mihi
 in populum, & ego ero eis in Deum: quia reuertentur ad
 me.

3. Reg. 14.

Hier. 29.

Deut. 4.

4. Reg. 23.

Hier. 24.

me in toto corde suo? Rursum quærendum ex illis, An nulli sanctorum inuenerint Deum in hoc mûdo? Quor
Hiere. 29. sum igitur & illud Hieremiæ: Quæretis me, & inuenietis? Ergo verum est, quòd sancti patres hîc reuerſi sunt, hîc insuper quæſierunt Deum in toto corde suo, & inuenerunt. Itaque & amarunt illi, atque amare possumus nos omnes ex toto corde Deum, dum adhuc degimus in hoc mundo. Intellexisti quæ dico?

D. Optimè.

M. Pergamus ergo ad secundam difficultatem, pro qua
Eodẽ præcepto charitatis obligantur homines ubique fuerint. elucidanda certissimum habet: eodem præcepto charitatis, sub vna eademque forma obligari omnes homines, omni tempore, & pro omni statu naturæ integræ, naturæ corruptæ, redemptæ, iustificatæ, glorificatæ in regno cælesti, ante peccatum, post peccatum, ante legem, sub lege, post legem, ante mortem, post mortem, ante resurrectionem, post resurrectionem, in via peregrinationis huius, in regno cælestis beatitudinis, in locis purgatorijs, in puteo infernalis damnationis. Nam creatura rationalis dum est, ubicunque est aut quomodocunque disposita existit, semper debet Deo suo amorem ex toto corde, tota anima, &c. Ad qualem nõ tam obligat nos præceptio positiua in lege aut Euangelio facta, quàm ipsa natura, ipseque ordo & dependentia rerum: eò quòd toti subsistimus ex Deo, per Deum, & in Deo, in quocunque sumus statu rerum, nihil habentes, nihil valentes, nihil expectantes, nisi ab ipso, & per ipsum. Quod animaduertens Saluator respondit Legis perito absque restrictione, hoc esse primum & maximum mandatum. Quo insinua ret simpliciter primum & maximum esse etiam ante legem, etiam post legem & Euangelium in paradyſo, in hac peregrinatione, in cælo, in infernalibus locis. Quoniam autem peccatum lumen rationis obtenebrauerat, affectum

affectum insuper incentiuo malarum concupiscentiarum
 infecerat, voluit Deus expresso sermone positum ob o-
 culos singulorum primum illud maximumque naturæ præ-
 ceptum, ne præceps rueret homo in indignationem Dei,
 sui; ipsius damnationem. Tertium verò membrum dif-
 ficultatis propositæ, nempe quòd præceptum dilectionis
 aliud, & aliud exigat pro alio ac alio statu hominis, ita
 demonstramus. Verba quibus exprimuntur præcepta iu-
 ris naturæ, neque diutius, neque ad maiora obligat, quàm
 exigentia seu vinculum naturæ requirit. Præceptum est
 non furari: at cessant verba hæc præcepti obligare, ubi na-
 tura vult alterius bona huic esse communia, propter ip-
 sius necessitatem. Præceptum est, non occidere: at cedunt
 verba præcepti, ubi bonum publicum, cui inagis intendit
 natura quàm particulari, suadet morte vindicanda esse
 scelera inquietorum hominũ, aut ubi defensio sui ipsius
 fieri non potest sine enormi læsione alterius. Nec præ-
 ceptum dandi eleemosynam datum omnibus, aliter obli-
 gat quempiam quàm iuxta rerum suarum facultatem.
 Nam docuit filium suum Tobias dicens: Fili quomodo
 potueris, ita esto misericors. Si multum tibi fuerit abundan-
 ter tribue: si exiguum tibi fuerit, etiam exiguum libenter
 impartiri stude. Ex quo ulterius consequitur, si nihil tibi
 fuerit, etiam nihil tribuas, præter bonam animi affectio-
 nem, quæ, modo velis, nunquam tibi deest. Quorsum
 oro, sic docuit vir sanctus: nisi quia sciuit præceptum ele-
 mosynæ non ad æquale obligare virum opulentum, cui
 milia sunt auri & argenti in arca, & mediocrem, cui vix
 pauculi supersunt quadrates? Certè hanc præceptionem
 Saluatoris: Omnis ex vobis qui non renunciat omnibus
 quæ possidet, non potest meus esse discipulus, tam im-
 plement Petrus & Ioannes, non relinquentes nisi vilia
 piscandi retia, quàm Matthæus relinquendo theolonium
 &

Præceptum
 charitatis
 aliud exi-
 git pro alio
 statu homi-
 nis.

Habendi
 qualitas in-
 terpreta-
 tur præcep-
 tum dandi
 eleemosyna-
 nam.

Tob. 4.

Luc. 14.

& pecuniarium acervos. Postquam princeps ordinavit, non debere dimitti captivos, nisi pendant singuli pro redemptione vitæ totum quod habent, An non ex illa ordinatione obligatur is, qui potens est rebus ad multò plura, quàm civis parvæ fortunæ? Et ille, nōne ad plura quàm inops rerum, habendi qualitate interpretante præcepti obligationē? Viden quàm diuersimodè & ad actus inæquales obligat diuersos vnum atque idem præceptum ob inæqualem vel naturæ, vel status, aut rerum cōditionem eorum quibus datum est?

D. Video.

M. Vidēsne præterea, quòd verba quibus exprimuntur præcepta iuris naturæ, non diutiùs, neque ad maiora obligant, quàm dictamen exposulat naturæ?

D. Et hoc clarè video.

M. Idem ergo tibi cogitandum est de præcepto dilectionis Dei ex toto corde, quod est primum & vltimum, potissimum què præceptum iuris naturæ. Nam ad aliud obligat paruulum, ad aliud virum, ad aliud corruptum, ad aliud natura integrum, ad aliud vulneribus faucium, ad aliud virtute & gloria circumdatum: ad multò enim plura obligatur is, cui viuax, integra, incorrupta què est natura, vt erat tempore innocentie, quàm is qui post peccatū viribus fractis ac vitiatissimam omnem cespitat partem. Ad multò autè maxima obligatur is, qui habet naturam non solum plenè restitutam: sed & lumine gloriæ, & habitu immortalitatis ad omnia potentem citra retardationem, ipsa naturæ conditione interpretante obligationem verborū mandati. Nam & infans vt nihil intelligit de Deo: ita nihil offendit, etiamsi non amet, nec cogitet Deum. Noluit enim Deus suis præceptis expressiuis iuris naturæ, obligare ad aliud quàm ad quòd ipsa natura obligat. Sed nec verba istius præcepti probè intellecta vnquam plūs

exigunt, quàm conditio naturæ potest: rectè enim dici-
mur facere toti, quod pro naturæ facimus possibilitate.

Quodd significatio totius non consistit in indiuisibili: sed ma-
gnam habeat latitudinem, quoddque ea ratione charitas incre-
menta sua habeat. CAP. VI.

Totum, perfectum, omne infallibiliter sese comi-
tantur, ut ubi unum sit, reliqua esse oporteat.
Siue igitur dixeris, Diliges Deum ex toto cor-
de, siue ex omni corde, siue perfecto corde idè
significas. Verum perfectio significata per hanc vocem
perfectus, habet suam latitudinem, uti demonstratu
facilimum est ex vno illo Apostoli, Non quod iam acce-
perim, aut iam perfectus sim: sequor autem si quomodo
apprehendam, &c. Subdit, Quicumque ergo perfecti su-
mus, hoc sentiamus. Ecce Apostolus, quia nondum as-
secutus erat brauium supernæ vocationis: ideo se nondum
perfectum asserit. Quia autem pleno amore totum se ex-
tendebat, ut aliquando apprehenderet, omnibus alijs post-
habitis: ideo connumerat se inter perfectos. Propter ius-
titiã, quæ inerat pro capacitate huius vitæ se perfectum:
propter eam verò quæ adhuc expectanda erat in futura
vita, se imperfectum asserens. Lege August. libr. 3. contra
duas epistolas Pelagianorum, cap. 7. & inuenies eum idem
ex eodem loco Pauli demonstrare quod ego. Obsecro
Domine, inquit Ezechias, memento quæso quomodo
ambulauerim coram te in veritate, & in corde perfecto,
& quod placitum est coram te fecerim. An sanctus rex
dicere voluerit: quod egerat hic tam perfectè coram Do-
mino, quàm sancti in cælis? Absit. Aramè, inquit, quod
perfecto corde ambulauerim coram te, Domino dictum
eius miraculo approbante: ut sit verum aliam esse perfe-
ctionem viz, aliam patris. Quapropter & plenitudo si-
gnificata

*Perfectum,
totum, & om-
ne sese coa-
mitantur.*

*Significa-
tio perfecti
habet suam
latitudinẽ.
Philip. 3.*

4. Reg. 20.

Plenitudo
significata
in voce to-
tius habet
magnā lati-
tudinem.

gnificata per vocē Totius non in indiuisibili cōsistit: sed suam latitudinem habet. Certum enim est in nullo statu, ne innocentiae quidem, aut felicitatis aeternae sic vnicē aut sic toto corde diligere Deum, vt nihil simul diligatur cum Deo. Nam mox post primum praeceptum subiicitur secundum, quo iubemur diligere proximum, sicut nosmetipsos: idque simul quando diligimus Deum ex toto corde. Erit autem proximus meus multo mihi proximior in caelo quam modo: quia tunc totus mecum & in Deo, & in eadem gloria, & in eadem immortalitatis vita: magis ergo tunc diligendus à me quam modo, cum nihilominus quam maximè diligendus erit Deus ex toto corde. Hoc tamen differentiae est, quod in caelis ubi clarè intuebimur quam sit Deus omnia in omnibus, nihil in nobismetipsis, nihil in proximis, nihil in alijs amabimus, nisi quod Dei est: ita quod amor erga nos vel proximos minimè impediet totius cordis, animae & mentis lationem in Deum, eritque ibi inuenire illud Euangelicum vnum, quod elegerat Magdalena. Hic verò diligimus & in proximo, & in nobismetipsis etiam quod humanum est ac caducum, & non nunquam parum gratum Deo, varietque distrahimur per officia naturae, officia pietatis, officia domestica, officia denique publica & priuata. Quae tametsi non prorsus impediant, quin possit homo toto corde diligere Deum, & quantum ius naturae requirit & quantum verborum praecepti significatio exigit, iuxta consuetum modum scripturarum: habeant crebrò non modicum laudis ac meriti: dicit tamen Saluator ad pientissimā Martham his intentam, Martha Martha sollicita es, & turbaris erga plurima: porro vnū est necessarium. Maria optimā partem elegit, nempe sepositis omnibus vnicē inhaerere Deo, quae pars non auferetur ab ea. Quam ob causam verissimum, est quod minus vnicē

LUC. 10.

vnice ac purè diligitur Deus hîc quàm in calo, atq; ideo *Minus to-*
 minus toto corde hîc quàm ibi. Sicuti minus clare, mi- *to corde di-*
 nus vnice, minusq; purè diligebatur Deus in veteri Te- *ligitur De-*
 stamento quàm nunc in nouo, quòd vmbræ legis habe- *us hîc quàm*
 rent non parum tenebrarum, licebatq; tunc magis affe- *in calis.*
 ctu inherere temporalibus quàm modò, quòd illa tunc *Minus ex*
 promissâ essent à Deo in præmium virtutis & obediëntiæ, *toto corde*
 quæ eadem nunc per Euangelium docentur posthaben- *diligebatur*
 da, proijciendaq; plus dico, & stimâda vt stercora, quæ- *Deus tẽpo-*
 admodum Paulus loquitur, soli que Deo ac cælestibus *re legis,*
 intendédum tanquã veris verè Euangelicę virtutis præ- *quàm tẽpo-*
 mîjs, itaq; tunc minus toto corde quàm modo: attamen *re Euange-*
 etiam tunc reuera toto perfectoque corde diligebatur *lij.*
 Deus à Dauide, ab Ezechia alijsq; Sanctis, iuxta atte- *Philip. 3.*
 stationem scripturæ, Dico tertio minus vnice, minusque *Minus dili-*
 purè diligitur nûc Deus ab animabus sanctorum, quàm *gitur toto*
 diligitur ab eisdem post resurrectionem corporû: quòd *corde à san-*
 nunc earum amor per naturalem affectionem ad sua cor- *ctis ante,*
 pora, aliquantulum retardetur ab omnimoda plenitudi- *quàm post*
 ne charitatis. Prout oculatissimè perspexit diuus Bernar- *resurrectio*
 dus in tractatu suo de diligendo Deû. Quibus corpori- *nẽ corporû*
 bus reassumptis, & per beatitudinem immutatis ab infir- *1. Cor. 15.*
 mitate in virtutem, ab ignobilitate in gloriã, à corrupti-
 bilitate in incorruptibilitatem, ab animalitate in spiritua-
 litatem, penitus expurgatis concupiscētiã, lege membro-
 rum, peccato habitante in carne, ac cæteris huiusmodi:
 tũ demum diligit Deum omni totalitate cordis, anime
 mentis, omniumque virium, implendo quicquid aliqua
 ratione, in significatione verhorum præcepti compara-
 tione sui contentum intelligi potest. Quanquam autem
 non sit in omnibus pro omni statu par facultas præstan-
 di æqualem gradum dilectionis: omnium tamen est ha-
 bere voluntatē seu affectionem præstandi tantum, quan-

tum diuini numinis maiestas, rerūq; ab ea depēdentium ordo requirit, præstando interim quantum pro naturæ suæ infirmitate rerumque indigentia valent, haud secus atque illi, qui ex animo affectu pauperibus, cupiunt reuera ac optant se posse tantum præstare, quantum illorum inopia requirit, tantumque simul præstant quātum pro suis facultatibus possunt. Vt & illud Apostoli: Velle quidem adiacet mihi, perficere autem bonum non inuenio: etiam suum locum habeat in præcepto charitatis. Ex quibus manifestè consequitur, etiam ipsam charitatem, quæ hoc præcipit qua & Deo grati sumus, habere suos gradus, suæque incrementa, vt maior pleniorque sit in vno q̄ alio: imò nūc minor, nūc maior in vno eodēq; homine, dicente Domino: Simō Ioānis diligis me plus his? Et illud, Cui autē minūs dimittitur, minūs diligit. Vnde beatus Aug. Virtus inquit, est charitas, qua id quod diligendū est, diligitur: Hęc in alijs est maior, in alijs minor, in alijs nulla: Plenissima verò quæ iā nō possit augeri q̄ diu homo viuit est in nemine. Quòd autem cōtingat habere hīc charitatē, reuera in suo genere perfectam, demonstrat illud Ioānis, vt cētera taceā, dicentis: Qui autē seruat verbum eius, verè (nota verè) in hoc charitas Dei (haud dubiè illa qua hīc diligitur Deus) perfecta est: nequaquā tamē consummata, aut ea perfectione plena, quā habitura est in cælis. Cor enim hominis ex amore obseruantis mandatum Dei, perfectum est cum Domino sicut scriptum est, Erat cor Asa perfectum cum domino Deo suo cunctis diebus suis. Et illud: Nec erat cor eius perfectum cum domino Deo suo, sicut cor David patris eius. Est autem inter perfecta inuenire perfectius & perfectissimum. Vt igitur respondeam quæstioni tuæ: vtique potest & obseruari & impleri præceptum charitatis in hac vita, & quidem eo modo, vt gratiam, vt laudē, vt bonum meritum

Rom. 7.

1o. an. 21.

Luc. 7.

August.
epist. 29.Charitas
aliquo modo
perfecta
etiā hic po-
test haberi.

1. Ioan. 2.

3. Reg. 15.

meritum inuenias apud dominū Deum pro tua præcepti sui impletione: nedum eo modo, vt culpam transgressionis euadas. Ratio est: quia potest homo hîc diligere Deum toto corde, tota anima & mente tantum, quantum ius naturæ requirit pro peregrinationis statu, tatum etiam quâtum significatio verborum præcepti postulat, modò intelligantur secundum eam phrasim, quæ passim in vsu est, per omnem Scripturam factam, quoties sermo occurrit, vel de reuertendo ad Deum, vel de inquirendo Deum ex toto corde, vel de ambulando post Deum, siue coram Deo, aut de seruandis mādatis eius ex toto corde, aut ex corde perfectō: quanquam interim cor simul alijs aliquo vsque afficiatur, etiam ijs nonnunquam quæ in Deum referri nequeant: vt sunt vana, ociosa, repentina, lubrica, motus petulantes, concupiscentiæ leuiore: dum modo fundamentum cordis finisq̃ amoris tui maneat Deus. Cur enim verba data ad exprimendam obligationem iuris naturæ, vltra naturæ exigentiam aut vires obligabunt? Cur quod humano idiomate expressum est, seorsus intelligetur quàm iuxta proprietatem eiusdem idiomatis? Aut aliter quàm intelliguntur similia verba dum sermo est inter ipsum Deū & hominem, de faciendo aliquid ex toto corde. An in alijs iudicat Deus factū ex toto corde quod ex animo pro naturæ possibilitate factum est: in solo autem præcepto charitatis, non censer dilexisse quempiam ex toto corde, anima, mente, nisi omnes affectiones cordis, omnes facultates animæ, omnesq̃ considerationes mentis actu conuertat in Deum, ac velut suis suorumq̃ & omnium tandem functionum oblitus, nihil querat, nihil appetat, nihil consideret, nisi vnum Deū? Alienum est, somnio dormitantium consensius quàm rectæ rationi probe iudicantium.

DE DILIGENDO DEVM

Quomodo diligendæ sint quorundam obiectiones quæ hic fieri solent.

CAP. VII.

D.
*Obiectio
ex diuo Au-
gust.*



Vdiui tamen, & quidem sæpiusculè beatum August. eius esse sententiæ, quòd præceptum diligendi Deum ex toto corde impleri nõ potest in hac vita.

M.
*Solutio ex
eodem.*

Aut certè tu audisti malè, aut dixerunt illi non bene: talis enim assertio nusquam inuenitur in libris beati Augustini. Nam quomodo sic doceret, qui expressè dicit cap. 69. de natura & grãtia: Eo quippe ipso quo firmissimè creditur Deum iustum & bonum impossibilia non potuisse præcipere; hinc admonemur, &c. Omnia quippe facilia sunt charitati. Et paulò inferius: Conuersus ergo quisq; sicut ibi (scilicet in Deuter. 30. cap.) ad Dominum Deum suum ex toto corde suo, & ex tota anima sua, mandatum Dei non habebit graue (multò ergo minus impossibile.) Quomodo est enim graue cum sit dilectionis mandatum? (Ecce quàm expressè de ipso præcepto dilectionis loquitur). Aut enim quisque nõ diligit, & ideo graue: aut diligit, & graue esse non potest. Diligit autem, si quod illic admonetur Israël, cõuersus fuerit ad dominum Deum suum, ex toto corde, & ex tota anima sua. At deinde edisserens possibilitatem implendi præceptum

1041.13.

*Aliud querit qui in-
terrogat de
præcepto
charitatis:
aliud qui in-
terrogat de
ipsa chari-
tate.*

dilectionis proximi subiungit illud Apostoli: Plenitudo ergo legis charitas. Hucusque August. Cur autem plenitudo legis dilectio: nisi quia plene implet præcepta legis charitas? Non vtique illa plenitudine quæ in celis erit: sed ea quæ hîc habetur in terris. Præcepta autem prima præcipuaque legis, sunt duo mandata charitatis. Profectò aliud est querere, An præceptum charitatis impleri valeat in hac vita: aliud, An posset impleri ipsamet charitas, aut ipsamet iustitia, dum sumus in hac vita. Nam ibi queri-

quæritur, An valeat in isto mûdo verè, & cum laude fieri id, ad quod vrget obligatio præcepti: hîc verò, An sit possibile dum peregrinamur à Domino, habere charitatem, in ea plenitudine, vt maior fieri nequeat. Docet vtique de posteriore quæstione diuus August. varijs in locis aduersus hæreticos, neque iustitiam posse, neque charitatem hîc haberi plenam ac consummatam. Quia vtriusque plenitudo spectat ad præmium cælestis beatitudinis: qua nostra hîc militantium dilectio iustitiæque tandem coronantur, valdè seriò passim inculcans, in hoc mortali corpore neminem mortalium posse Deum diligere toto corde secundum omnem rationem totalitatis (vt ita dicam) eaque plenitudine, qua diligunt eum Sancti in cælis. Potissimum autem libr. de perfect. iust. cōtra Celest. vbi expressè tradit, Quòd iustitia ac charitas tunc augebuntur & implebuntur, quando cōtemplabitur homo, quod antea credebatur, & quod sperabat, adeptus erit, in qua, inquit, plenitudine charitatis præceptum illud implebitur, Diliges dominum Deum tuum ex toto corde tuo, & ex tota anima tua, & ex omnibus viribus tuis. Nā cū est adhuc aliquid carnalis concupiscentiæ, quod vel continendo frēnetur, non omnino ex tota anima diligitur Deus. Subdit, Tunc erit iustus sine vllō omnino peccato: quia nulla lex erit in membris eius repugnans legi mentis eius: sed prorsus toto corde, tota anima, tota mente diligit Deum, quod est primum summumque præceptū. In quibus verbis, si bene obserues has voces, In qua plenitudine, Non omnino, Prorsus, quas sollicitè adiecit Augusti. clarè videbis eum nō significare, quòd hîc non impleatur præceptum charitatis: sed quòd hîc non impleatur ea plenitudine, qua implebitur in cælis, quòdquæ non omnino ac prorsus toto corde hîc diligitur Deus, quomodo diligitur quando & nihil erit carnalis concu-

Aliud est diligere toto corde, aliud prorsus ac omnino toto corde diligere. piscetia, & aderit perfectio felicitatis æternæ. Aliud enim est diligere toto corde, aliud diligere prorsus siue omnino toto corde, hoc est, perfectissimè, toto corde, absque omni penitus remora aut distractione. Nam posterior hic modus requirit omnem plenitudinem, quæ in verbo totius intelligi potest, ad priorem verò modum sufficit verè attigisse eam plenitudinem quæ secundum tropum sermonis cõmuniter in voce Totius intelligitur, & secundum naturæ possibilitatem adesse valet, adiuuante gratia Dei, quod semper in hac materia pro expresso haberi volumus. Adhæc, aliud est implere hoc præceptum perfectè perfectione viæ, aliud perfectè perfectione patriæ. Quæ admodum alia est perfectio currentis, alia apprehendentis: quas duas perfectiones exprimit simul Apostolus vno & eodem loco, vti diximus suprâ, & easdem August. fusissimè ex Paulo declarat libr. 3. contra duas epistolas Pelagianorum cap. 7. & de peccatorum meritis cap. 13. & 15. ac alijs. Sunt autem prædictæ distinctiones adeo pertinentes ad hanc materiam, vt qui eas non aduertunt, & perperam intelligant August. & concedendo præceptum dilectionis non posse in hoc mortali corpore impleri, sine causa arma offerant aduersarijs quibus iugulemur.

Alia est perfectio viæ alia patriæ.

Quando autem eodem libro de perfect. iust. sic interrogat August. Cur ergo non præciperetur homini ista perfectio, quamuis eam nemo in hac vita habeat? Hoc duntaxat voluit interrogare, Cur non præscriberetur dilectio ea forma sermonis, in qua posset simul intelligi expressa etiam illa perfectio, quæ non hîc, sed tantummodo habetur in cælis. Et respondens sibi August. dicit, Quia nõ rectè curritur, si quò currendum est, nesciatur. Quo autem modo sciretur, si nullis præceptis ostenderetur? Hæc August. Expediebat itaque præceptum sic poni, vt non solum constaret ex verbis eius quid agendum: sed &

quò

quod currendum, utque hic diligeres toto corde, quantum pro statu viæ tibi possibile est, & eò anhelus festina-
res, ubi prorsus ac plenissime fertur amore in Deum, tota
anima, totum cor, omnesque vires, & quantum conuenit pro
dignitate rei quæ diligitur, & quantum fieri potest pro pos-
sibilitate eius nature, quæ iam deificata est, nedum quam
optimè disposita. Non autem sic intellexit August. illa
sua verba, Cur non præciperetur homini, hoc est, cur non
poneretur homini mortali, pro statu huius viæ, in obli-
gationem ea perfectio, quæ nunquam hic: sed tantummo-
do in cælis habetur? Quia longè aliud testatur tota dedu-
ctio eius loci, longèque aliud luce clariùs exprimunt alia
eisdem auctoris loca. Nam super Psal. 56. loquens de im-
plendo mandato charitatis sic inquit, Nequeenim impe-
raret hoc Deus ut faceremus, si impossibile esse iudicaret,
ut hoc ab homine fieret. Et rursus libr. de Spiritu & li-
tera cap. 36. Neque enim si nondum esse potest tanta di-
lectio Dei, quanta illi cognitioni plenæ perfectæque de-
betur, iam culpæ deputandum est. Aliud est enim totam
nondum assequi charitatem, aliud nullam sequi cupidi-
tatem. Quamobrem debet homo, quamuis longè minùs
amet Deum, quam eum potest amare conspectum, nihil
tamen appetere illicitum. Sicut etiam in his, quæ adiacēt
sensibus corporis, potest oculus nullis tenebris delectari,
quamuis non possit in fulgentissima luce desigi. Hæc
August. Quis autem audebit dicere, stricto iudicio Dei
requiri ab infirmo fortia, ab infantilibus membris virilia
facta, aut à sedentibus in regione umbræ mortis exactam
omnium perfectionem? An iniquitas apud Deum?
Absit.

- D. At nostro malo, nostrorumque parentum demerito, *Alia obiecta*
incidimus in hanc impotentiam præstandi quod Deus *aitio.*
iubet: merito igitur imputat Deus, si non præstamus.

M. Quàm diu sumus in Adam, nondû expoliati veterem hominẽ, quia nondû renati in Christum: tam diu contra tracta mala ex Adam imputari possunt. Verùm facta regeneratione & renouatione per Baptismum, in quo & veterem hominem expoliamur, & nouũ induimur, qui est secundum Deum in Christo, nihil iam nobis eorum quæ contracta sunt ex Adam imputari potest in peccatũ, aut culpam, aut damnationis causam, dicente Apostolo:

Rom. 8.

Nihil ergo damnationis est ijs, qui sunt in Christo Iesu, qui non secundum carnem ambulant, hoc est, qui non sua volũtate gradiũtur eò, quò malè inclinat caro. Quàm diu enim sumus in Adam, demeritum, corruptela, impotentia, rebellio, quæ per Adam inuecta sunt, nobis nocent, nosq̃ue peccati reos tenent: quia aliquo modo nostra sunt, si nõ propria, saltem primi parentis, in quo adhuc sumus, voluntate. Quàm diu verò sumus in Christo, Christi meritum, Christi gratia, Christi satisfactio, nobis proficiunt ad laudem, ad iustitiam, ad profectum virtutum, ad gloriam: adeo quòd illa quæ est relicta in renatis impotentia, & ignoratio, & fomes, aut alia quæuis habitualis virium rebellio post sacrum fontem Baptismi, nequaquam peccatum est, quo Deus offenditur: sed miseria, sed vitium naturæ, sed bene agendi, bene viuendi, exercendæque virtutis materia: vt qui legitimè certauerit, coronetur: reddatq̃ue Deus vnĩcuique secundum opera sua.

D. At interim vitium illud exundat subinde in actuales concupiscentias, quibus distrahitur cor, auertiturque non rarò à Deo etiam in sanctis Dei hominibus.

M. Nimium subinde, proh dolor, nimiumque multifariam, adeo vt propter hoc vitium verissimæ sint hæ scripturarum sententiæ, Non est homo iustus in terrâ, qui faciat bonum, & non peccet. Non iustificabitur in

con-

conspēctū tuo omnis viuens. Si dixerimus quoniam pec- 1. Ioh. 1.
 catum non habemus, ipsi nos seducimus, & veritas in no-
 bis non est. Quas sententias voluit Deus in voluminibus
 sacris seminatās esse, vt humiliemur, & continuo prece-
 mur, Dimitte nobis debita nostra: qualiter orandum est Matth. 6.
 omnibus in hoc mundo ex præscepto Saluatoris Matth.

6. Luc. 11. Nequaquam tamen ex hoc consequitur, Ideo
 nemo mortalium diligit hūc Deum toto corde, anima,
 & mente: sed hoc tantummodo consequitur, Ideo ne-
 mo diligit toto corde secundum eam plenitudinem, quę
 erit in cēlis, cui nihil deest, nihil potest perfectionis acce-
 dere. Hoc quoq; consequitur, Igitur nemo mortalium,
 etiam dum amat Deum toto corde, potest dicere, sine pec-
 cato sum. Nam ipsa remora, ipsa surreptio, ipsa distractio,
 ipsa tristitia, ipsa fatigatio, ipsa affectio ad suauia secun-
 dum sensum, ipsa sollicitudo, ipsa turbatio erga multa,
 ignoratio, obliuio, cessatio, quam aut quas ingerūt par-
 tim concupiscentia, partim infirmitas, partim incolatus,
 partim priuata, partim publica, partim aliena, partim
 propria negotia, subinde secum peccatum habent, subin-
 de ipsamet peccata sunt: sed talia peccata, qualia inter mi-
 nuta & venialia computantur, quā diu nō sic auertūt
 hominem à Deo, vt cor suum alijs apponat, aliāue Deo
 præferat, vel æquet.

D. Audio tamen ab August. doceri quod pertineat tan- Quarta ob
 tummodo ad vitam immortalem cælestis beatitudinis, iectio.
 diligere Deum ex toto corde, tota anima, &c.

M. Augustinus quando sic docet libro de Spiritu & lite- Solutio.
 ra cap. vlt. ac alijs locis, sicuti nunquam adducit vocem
 Tantummodo, ita omnis eius deductio & declaratio cla-
 re ostendunt, eum sua verba intelligere de omnimoda to-
 talitate (vt sic dicam) ac plenitudine cordis, cui hūc nihil
 desit, cui nihil possit accrescere per gloriā. Quia si restat

aliquid addendum, iam non erit omnino totum. Quo-
modo & intelligebant vocem Totum in præcepto cha-
ritatis ofores gratiæ Dei, contra quos disputat ibidem,
& in multis alijs locis diuus August. ostendens neminem
posse hîc assequi perfectam cõsummatamque iustitiam,
qualem habituri sumus in cælo (quod tamen illi conten-
debant posse fieri) quia nemo potest tantum, tamq; per-
fectè toto corde diligere Deum hîc, atque in cælo, sub er-
gastulo inquietæ carnis, atque in gloria supernæ beatitu-
dinis. Dicimus quidem omnes verissimum esse, quòd re-
gula iustitiæ est charitas præcepta. Cæterum sicut chari-
tas suscipit incrementa, ita & iustitia qua iusti sumus co-
ram Deo. A deo vt diuus August. dicat, Charitas inchoa-
ta, inchoata iustitia est: charitas prouecta, prouecta iusti-
tia est: charitas magna, magna iustitia est: charitas perfe-
cta, perfecta iustitia est. sed charitas de corde puro, & cõ-
scientia bona, & fide non ficta. Quod sanè addidit, ne
putet quis eum loqui de quacunque dilectione inchoa-
ta, prouecta, magna, perfecta: sed de ea quæ finis præce-
pti est, quæ sola antonomastiis & consuetò modo scri-
pturarum vocatur charitas: licet alioqui vox Charitas si-
gnificet omnem dilectionem. Qualis charitas de corde
puro, &c. si finis est præcepti, ergo citra dubium im-
plet id, ad quod stringit ista præcipua Dei iussio, Dili-
ges dominum Deum tuum ex toto corde, ex tota anima,
&c. Nam si non implet, non rectè dicitur finis præcepti:
nam quid est aliud implere præceptum, quàm sic facere
opus præceptum, vt finem intentum attingas, & laudem,
bonumque meritum apud præcipientem inuenias. Qua-
re nec facile est acquiescendum illis, qui opinantur Au-
gust. eo loco distinguere inter charitatem de corde pu-
ro, conscientia bona, & fide non ficta, & charitatem qua
diligitur Deus ex toto corde. Nullo autem modo sunt

audien-

*Charitas
præcepta
regula est
iustitiæ non
ficta.*

*August. de
natu. &
grat. cõtra
Pelag. cap.
70.*

60. 11. 20

audiendi sectarij, qui fingunt nos indefinenter peccare, & contra præceptum charitatis, & contra illud: Nō concupisces, vt statuunt ista sua cacodidagmata, Homo in omni opere quantumuis bono peccat, Nemo iustus iustitia intrinseca: si qui iusti dicuntur, extrinsecè iusti sunt iustitia quæ in Christo est, Sola fides iustificat & saluat, Nullus apud Deū respectus ad opera nostra bona, ac plura alia, non minus horrēda. Tales, dico, nullo modo sunt audiendi, quia prorsus à via veritatis deuiāt. Et dum per se sua noua inuentione consultum, pieque subuentum pauidis & afflictis conscientijs iactitant: non nisi meras desperationes docent. Quid enim adeo illaqueat desperationum funibus, atque persuasum habere, Non posse impleri præcepta Dei, Non posse hominem in omni opere suo non peccare, Non valere nos assequi vllam rectitudinem iustitiæ: ne gratia quidem Evangelica sanante & adiuuante vires nostras? Sane nihil. Valeant igitur nouatores isti cum suis desperabundis inuentionibus: tu autem sectare veritatem, quæ & lucem habet, & cultoribus suis vitam præbet.

Quibus scripturis demonstretur posse hic impleri præceptum charitatis.

CAP. VIII.

31.



T autem certo certiùs cognosceas rectè à nobis doceri, posse hominem hic in mortali corpore diligere Deum ex toto corde, anima, & mente; iuxta exigentiam præcepti, adhuc vnam superaddam ex scripturis demonstrationem. Venit ad Iesum quidam Legisperitus tentans eum, & dicens: Magister, quid faciendo, vitam æternam possidebo? At ille dixit ad eum, In lege quid scriptum est? Quomodo legis? Ille respondens dixit, Diliges dominum Deum tuum ex toto corde tuo, & ex tota anima tua, & ex omnibus viribus

tuis,

Hominē pos-
se implere
hic præcep-
tū charita-
tis demon-
stratur ex
Euangelio.
Luc. 10.

tuis, & ex omni mente tua, & proximum sicut teipsum. Dixitque illi, Rectè respondisti, Hoc fac & viues. Obserua precor hîc singula. Quærit ille, Quid faciendo vitam æternam possidebo? Remittit Christus ad legem: illoque proferente mandatum dilectionis præscriptum in lege, respondet Christus, Hoc fac, & viues. Quæ hîc insinuatîo impossibilitatis? Imò quæ non hoc loco demonstratîo possibilitatis perficiendi quod propositum erat? Nam si factu erat impossibile, Cur dicit Christus, Hoc fac? Nunquid falsum respondendo fallere voluit ipsa veritas? Interrogabat ille de eo quod hîc est faciendum, vt ad vitam æternam perueniatur. Itaque si id quod mandato dilectionis præcipitur, fieri nequit in hac mortalitate, debuisset dicere Saluator, Fili relinque illud mandatum: quia ad futuram duntaxat spectat immortalitatem, neque præceptum est vt fiat in hoc mûdo: sed vt per ipsum quò sit tendendum hominibus insinuetur. At nunc respondet Saluator: Fac hoc, non autem, Disce ex hoc, aut quantum tibi hîc deest, aut quò sit tibi properandum, vt tandem facias: verùm, Fac hoc nunc temporis: quia verbum Fac præsentis temporis est, et modi, quo imperatur quod actu fieri debet. Quid autem hoc? Hoc, dico, quod mandatum legis per te citatum præcipit, nempe diligere dominum Deum ex toto corde, &c. Egône hîc dicam, Non potuit sic diligere is, quem Christus hortatur vt diligat sicut præceptum est? Nec dicit duntaxat Christus, Fac hoc: sed addit, Et viues. Viues, inquam, hoc faciendo. Ne arbitreris quòd faciendo hoc, solummodo culpam euades transgressionis. Viues, inquam, nõ sanè corporali vita, qua iam vixisti tempore multo: sed viues vita illa, quæ semen est & prægustatio illius vitæ æternæ, de qua quæris: imò quæ est veraciter ipsamet vita æterna. Itaque fili certissimum habe ex sententia Saluatoris, & posse hîc fieri hoc

ri hoc quod mandato dilectionis præcipitur, & posse sic fieri, vt per id viuas Deo donante, hoc est, vt iustus à Deo tuo efficiaris, viuendo iam vitam, quæ secundum Deum est. Nam quod potest viuificare hominem, potest & iustificare, dicente Apostolo: Si data esset lex quæ posset viuificare, verè ex lege esset iustitia. *Quod Pauli argumentum fusissimè tractauimus lib. 1. Tract. 2. Nō hīc disputamus, An nostris solius naturæ viribus possumus implere præceptum charitatis, aut nostris dilectionibus nos viuos aut iustos facere. Scimus enim id diuinæ esse gratiæ per fidem, quæ est donum Dei, & per charitatem desuper diffusam in cordibus nostris per Spiritum Sanctum, qui datus est nobis. Nec Christus hīc moratur, An gratiam habuerit Legis peritus (quāquam sine gratia, nec hoc præceptum posset impleri, nec alia) Sciuit enim homini credenti, qualis erat Legis peritus, dum facit, quod in se est, non deesse gratiam necessariam ad faciendum, quod Dei ordinatione factum oportet. Dicat autē nunc aliquis, An ne implere præceptū sit, ita facere opus præcepti, vt placeas præcipienti, illequet tibi, & vitam addat & iustitiam? Si est, igitur Christi sententia, qua elauantur vniuersa, potest præceptum dilectionis, in ea forma qualatum est in lege, & renouatum in Euangelio custodi, obseruari, impleri à mortali homine, & quantum satis est præcepto, & quantum gratum est præcipienti, & quantum expedit facienti, ad magnam ipsius vtilitatem, nempe vt per hoc vitam consequatur æternā. Facit enim quantum obligatio præcepti pro hoc statu requirit: id quod eo modo, vt faciendo viuat vitam quæ secundum Deum est. Implere autem omne illud quod vocibus, quibus exprimitur præceptum, aliqua ratione significatum intelligi potest, nec tempore naturæ integræ fieri potuisset, nec ab animabus sanctis fiet ante resurrectionem corporum.*

Et,

Et, An tum quoque fiet tanta, tamque absoluta plenitudine, vt nihil possit intelligi in voce Totius, aut Perfecti: quin hoc inueniatur in vniuscuiusque sanctorum amore, disputari potest. Nam & personæ diuinæ multò magis toto affectu, & in infinitum maiori plenitudine amoris sese amant, quàm amentur à Sanctis. Et Sancti su premi ordinis plenius ardentiusque feruntur in Deum, quàm alij inferioris ordinis: omnes tamen plenissimè iuxta capacitatem suæ naturæ. Omnes enim satiabuntur cum apparuerit gloria Dei, Vis autem vt his subiungam ex verbo Dei & aliam demonstrationē, quæ pauidis conscientijs non modicam inferat consolationem?

D. Precor obnixè.

M. Ioannes Apostolus in prima sua Canonica epistola ponit hanc aduersatiuam propositionem, Qui dicit se nosce Deum, & mandata eius non custodit, mendax est, & in eo veritas non est. Qui autem seruat verbum eius, verè in hoc charitas Dei perfecta est. Mendax quidem ille: quoniam asserit se habere, quod non habet, nempe notitiam Dei. At in hoc reuera est charitas Dei perfecta. Ille, quia non custodit mandata Dei, ne noscit quidem Deum: Hic verò, quoniam seruat verbum Dei, hoc est, mandata Dei, non solum cognoscit: sed & perfectè diligit Deum. Dicit enim, Qui seruat verbum Dei, verè in hoc charitas Dei perfecta est. Si autem in tali reuera perfecta dilectio est erga Deum: igitur perfectè & reuera implet præceptum. Quis enim laudabit eum, qui Domini sui mandata non custodit? Aut quis dixerit perfectam habere dilectionem erga Deum, eum qui necdum diligit, sicut ille se diligendum præcepit?

D. Cæterum, An verè dicitur non agnoscere Deum, quisquis præcepta Dei non custodit?

M. Prorsus, etiamsi diuinarum rerum peritissimus existat. Non

Non enim decipit nos Spiritus Sanctus: sed utitur consuetis tropis & scematibus ad captum popularem idoneis, quibus receptissimum est inter homines, ut filius discipulus & immorigerus dicatur non cognoscere patrem suum, quoties non iudicat de patre suo neque æstimat eum, sicuti oportet: non quòd ignoret à quo sit genitus: sed quòd se genitoris sui voluntati non magis subijcit, quàm si alienus esset. De appretiatiua enim notitia sermo est, qua dicitur Matth. 7. Tunc confitebor illis, quia nunquam noui vos, hoc est, nunquam habui vos me, meaque felicitate dignos, propter opera vestra mala. Qui itaque non custodit mandata Dei, reuera non æstimat diuinam maiestatem, sicut oportet, quod est non cognoscere. Cui per aduersatiuam subiungendum erat, Qui verò obseruat verbum eius, verè in hoc notitia Dei perfecta est. Sed maluit Ioannes, ut est planè consolatorius, subiungere quod multò est eminentius dicens: Verè in hoc charitas Dei perfecta est, nedùm notitia Dei: eò quòd talis iam præ omnibus & æstimat Deum, & diligit, posthabens omnia illi & mādatis eius, illi vni tanquam summo bono, summæque maiestati præbens cor suum, ut ipse primas obtineat, ipse in eo regnet & dominetur, non peccatum, non concupiscentia, non lex membrorum aut mundus, dicente Apostolo: Nō regnet peccatum in vestro mortali corpore, ut obediatis concupiscentijs eius. Quibus profectò non obeditur, quando sic cordialiter diligitur Deus, ut per omnia seruetur verbum eius: quod est perfectæ charitatis. Totum autem & perfectum inseparabiliter sibi mutuo coherent: neque enim perfectum esse potest, quod partim est, neque totum dici, quod est imperfectum: Et quomodo conuenit vnum alicui, conuenit & alterum eidem. Vbi enim charitas perfecta perfectione viæ, ibi & ea totalitate cordis diligitur Deus, quam

*Quo sensu
dicatur non
cognoscere
Deum qui
mandata
eius nō cu-
stodit.*

Rom. 6.

*Totum &
perfectum nō
separantur
ab inuicem.*

*Scripturæ
indicantes
quando im-
pleamus mā-
datū chari-
tatis.*

Ioan. 14.

quam est inuenire in viatoribus. Vbi charitas perfecta perfectione patrię, qualis est in Sanctis, ibi & simili totalitate diligitur Deus: vt crescente plenitudine vnus, crescat plenitudo alterius: consummato vno sit consummatum & alterum. Regula itaque Apostolica, ex qua licet pijs colligere, An verè obseruent primum præceptū charitatis, est, quam ponit Ioannes in prima sua epist. Canonic. cap. 2. & 5. dicens: Qui seruat verbum Dei, verè in hoc charitas Dei perfecta est. Item, Hęc est charitas Dei, vt mādata eius custodiamus, & mandata eius grauiā non sunt. Quibus accedit & illud Christi dicentis: Qui habet mādata mea, et seruat ea, ille est, qui diligit me. Igitur qui post Baptismū sic adhæret Deo corde, anima, mente, per syncerum amorem, vt nihil committat eorū quæ à Deo vetita sunt, nihil etiam omittat eorum, quæ illius mandato sunt præscripta: & id quidem ea de causa vt in nullo maiestatem Dei exasperet, aut offendat, aut colat minus quàm oportet, is reuera obseruat & implet primum mandatum charitatis, is viuīt, is iustus est, & filius Dei secundum veritatem. Cui si obrepat quippiam fallacia concupiscentiæ, distrahens cor aliō, vt sit non rarò, clamet continuo ad Patrem, cuius adhuc filius manet, Dimitte nobis debita nostra.

Qui debeant intelligi sub nomine proximi in secundo præcepto charitatis.

CAP. IX.

D.



Ecundum præceptum simile illi priori est, Diliges proximum tuum sicut teipsum.

M.



Sic manifestè habent tres Euangelistæ Matthæus, Marcus, Lucas, atque Paulus Apostolus. Pro huius autē mādati elucidatione demonstrandū erit ex verbo Dei: primum quid sit dilectio: deinde quī nomine proximi significantur: tertio quousque se extendat

dat illud, sicut te ipsum : quartò, An istud eo modo fuerit in lege præceptum, quomodo in Euangelio : postremò, An nullum inueniatur discrimen dilectionis, qua bonos ac pios diligo, à dilectione qua diligo malos ac impios tanquam proximos: item dilectionis qua diligo sanguine iunctos, à dilectione qua diligo tanquam proximos, eos qui & à sanguine & à notitia mea sunt alieni. Tu de primo primum dicito.

D. Proximi nomen ad aliquid est, nec quisquā nisi proximo, proximus esse potest.

M. Vnum quidem, sibi idem est: at proximus dici non potest, nisi inter duos, idq; relatione utriusq; ad alterū. Nō anima mea mihi proxima, neq; caro mea: sed anima mea, & caro mea sunt, quod ego sum. Illa animans, mea vita est, ista animata, mea viuens substantia est: ego verò ab utrisque simul iunctis indiscretus. Quæ verò à se distincta sunt, & nihilominus sine medio iuncta, illa sibi proxima dicimus: & quidem proxima secundum id quo sine medio coniuncta existunt. Secundum naturā pinum pino, pyrum pyro proximam esse constat, etiam si loco quàm longissimè distent. Secundum situm verò pinum pyro proximam fatemur, si proximè illam crescat, etiam si natura sit ab illa quàm alienissima. Quod te præmonitum volumus, vt incipias animaduertere, primò, hominem posse homini proximum esse non vna tantum ratione, sed varijs, sed pluribus, nempe natura, gente, sanguine, religione, redemptione, felicitate, gloria: & alium quidem pluribus, alium verò paucioribus rationibus. Secundò non dici hūc quempiam proximum, quia situ, aut sedibus, aut accidente: sed quia natura adeo est propinquus, vt propinquior esse nequeat: quia si propinquior fieri potuit, non erat utique proximus.

D. Quis igitur meus proximus secundū sensum mādātī?

H h

Sic

Proximus non nisi relatione ad alium dicitur.

Vnus alteri pluribus rationibus proximus esse potest.

DE DILIGENDO DEVM

M. Sic quærebat Legisperitus à Salvatore Luc. 10. Cui
*Quis proximus se-
 cundū sen-
 sum mādati* arguta admodum & pulcherrima quādam parabola de-
 monstrauit Saluator omnem hominem omni homini es-
 se proximum. Vt facilius perspicias, si probè perpendas
 verba & factum Domini respondentis. Nam Dominus
 audita interrogatione Legisperiti mox suspexit, ad mo-
 dū ingemiscantis & admirantis ineptiam hominis, quòd
 ipse enutritus in lege, & titulo eruditionis candidatus,
 velut dubius interrogaret de eo, cuius idiotæ, imò bruta
 animantia satis exactam notitiam habent: omne enim ani-
 mal diligit sibi simile, & homo proximum suum: id quæ
 instinctu naturæ, etiamsi nihil vnquā de lege vel Euan-
 gelio audierit. Introducit itaque Dominus hominem
 Samaritanum alienum à lege, & quærendæ salutis noti-
 tia, qui ex sola naturali ratione intellexit sibi proximum
 esse illum, in quo nihil aliud potuit cognoscere quàm
 quòd homo esset. Nam cum pertranseundo casu in via
 reperisset quendam dispoliatum à latronibus, atq; adeo
 vulneribus saucium, sanguineque cruentatum, vt vix for-
 ma ac vita hominis illi superesset: nihilominus vbi consi-
 derando intellexisset hominem esse, mox agnouit sibi
 proximum esse, & tanquam proximum diligendum tra-
 ctandumque, prout in ea necessitate tractauit, alligans
 vulnera eius, &c. nulla omnino facta interrogatione, san-
 guine ne esset, aut gēte, aut religione propinquus? meri-
 tōne an immerito, iure an iniuria eam calamitatem per-
 pessus? At eo vno duntaxat cognito, quòd homo erat,
 mox inter proximos annumerādum intellexit, & offi-
 cium quod homo debet proximo suo, illi à se debere im-
 pendi. Sic iudicauit homo Samaritanus, sicque misericor-
 diā fecit in eū, quem præterierat sacerdos & Leuita ve-
 stri Iudaici generis, o Legisperite, nullo misericordiæ
 aut humanitatis beneficio in eum collocato. Quis igitur
 horum

*Quicūque
 cognoscitur
 homo
 esse debet
 diligi &
 tractari tan-
 quā proximus.*

horum trium videtur tibi proximus illi qui incidit in latrones? At ille dixit, Qui fecit misericordiam in illum. Et ait illi Iesus, Vade, & tu fac similiter.

D. Hoc est, tu fac simili modo misericordiam, vt proximus iudicaris eorum quibus eam præstas.

M. Nequaquam ille est germanus sensus literæ, quem tu ibi exprimis, neque attingunt sententiam Saluatoris, qui putant Christum hac coronide significasse, inter proximos annumerandos omnes, qui possunt aut tibi facere, aut à te accipere beneficium misericordiæ. Profectò alio,

Quo refertur illud, Vade, & tu fac similiter.

quàm ad responsionem Legisperiti immediate præcedentem refertur vox, Similiter, nempe ad totam actionem Samaritani. In qua hoc potissimum erat, quòd reputarit sibi proximum, & vt talem, misericordissimè tractauit eum, de quo nihil aliud cognouit, quàm quòd homo esset. Vade igitur Legisperite, & tu fac similiter, hoc est, tu simili modo, intellige, reputa, æstima tibi proximum, quemcunque cognoueris hominem esse, illique sedulo misericordiam impende dum in necessitate constitutum videris: etiamsi nec genere, nec gente, nec religione, nec amicitia tibi proximus existat. Optima sanè certissimaq; demonstratione ostendens Saluator, & quis sit proximus, nimirum omnis homo, & quomodo idem in sua necessitate diligendus, nempe opere & veritate, vt infra

ex epistola Ioannis Apostoli explicabimus. Diuus autem August. etiam ex ratiocinatione Apostoli qua ad Rom. 13. vtitur dicens: Qui diligit proximum legem impleuit. Nam non adulterabis, non occides, &c. in vno verbo instaurantur, Diliges proximum tuum sicut teipsum: demonstrat in nomine proximi intelligi omnem hominem. Si enim mandata ibidem denumerata implentur in vno illo, Diliges proximum tuum sicut teipsum, debet certè nomine proximi omnis omnino homo intelligi, quicum

August. de doctr. Christi. cap. 30. Omne hominè omni homini proximi esse alijs scripturis demonstratur.

que & qualiscunque sit ille. Nec præter consuetudinem est vetustæ scripturæ, vt proximus dicatur omnis homo.

Psalm. 14. Cùm enim dicit Psalmista, Nec fecit proximo suo malû.

Psalm. 11. Item, Vana locuti sunt vnusquisque ad proximum suum.

Psalm. 14. Item, Opprobrium nõ accepit aduersus proximos suos.

Proximum, inquit Augustinus, omnem hominem oportet intelligere. Nõne extremæ foret dementia, putare aut Psalmistæ aut Apostolo visum fuisse, non esse peccatum, si quis adulterauerit vxorem hominis non Christiani, aut probro, aut iniuria, ac eadē affecerit? Ergo & illi proximi sunt. Nam si Arabs aut Scythia nõ est proximus, non erit prohibitum illorum bona diripere, corpora trucidare, falsum aduersus illos testari. Omnia enim ad quæ obligatur homo homini, implentur in vno illo verbo, Diliges proximum sicut teipsum. At nunc interrogabis qua de causa, qua item re sit omnis homo omni homini proximus.

*Qua de
causa om-
nis homo
omni homi-
ni proxi-
mus sit. D.*

Iam id ipsum vt interrogarem inter labia erat.

M. Dicam igitur. Homo ab homine nec genere distat, nec specie: sed tantummodo supposito. Quod quoniam vltimè diuidi non potest nisi in partes integrales, & accessorias qualitates, rectè à Physicis indiuiduum vocatur. Omnes enim habent eadē specie animam, eandēque specie carnem, nec potest sermone veritatis dici, quod puer minùs sit homo, quàm grandæuus, aut femina quàm vir, aut Scythia quàm Christianus, aut plebeius minùs quàm regia persona. Vna enim eademque natura omnes æquè homines sunt: quare & verissima locutione proximi, quia adeo propinqui natura, vt hac ratione propin-

*Omnis ho-
mo omni ho-
mini natu-
ra proxi-
mus.*

*Principio
generatiuo
omnes ho-
mines pro-
ximi inter
se.*

quiores esse nequeant, nisi ex duobus fiat vnum indiuiduum. Deinde sunt omnes homines proximi inter se, ratione principij à quo omnes enim ab eodem vitam accipiunt. Itaque fratres: si verò fratres: ergo proximi.

D. Ho

D. Homines nunc viuentes, nequeunt referre suam genealogiam, in communem aliquem parentem: nisi fortè in Noë & Adam. Generaliùs certè principium, quàm vt ab eo nuncupetur cognatio aut propinquitas.

M. Si Protoplastes Adā, & alter mundi parēs Noë omnes homines de suis genuerūt visceribus. Igitur omnes reuera inter sese fratres ac sorores: nullo autem non idiōmate proximi appellantur, qui inter se fratres esse dicuntur. Quamuis autem in infinita multitudine hominum, secundum leges ciuiles & ecclesiasticas, non nominetur aut colatur cognatio aut propinquitas, nisi comparatione eiusdem principij generationis vsque ad certos quosdam gradus: tamen secundum Scripturam & veritatem natura sunt fratres, ideoque proximi, quotquot sunt eorundem viscerum pignora, hoc est, ab eisdem parentibus geniti. Quemadmodum per omnem Scripturam fratres vocantur qui descenderunt ab eisdem parentibus Abraham, Isaac, & Iacob, etiam post centesimū ac millesimum gradum productæ generationis, Venerunt autem vniuersæ tribus Israël ad Dauid in Hebron, dicentes: Ecce nos os tuū, & caro tua sumus. Rursum Dauid ad populum Iudaicum: Fratres mei vos, os meum & caro mea vos. Quare nouissimi reducit is regem. Et Amasæ dici iussit, Nōne os meum & caro mea es? Sed vt hoc missum faciamus, est & aliud principium, & primo primum ante omnia: & nihilominus proximè proximū omnibus, nempe Deus. De quo Apostolus pronunciat, Quoniam ex ipso, per ipsum, & in ipso sunt omnia. Etenim ex ipso æquè sumus, quod sumus omnes. Per ipsum æquè conseruamur quotquot in rerum natura subsistimus. In ipso denique velut omnium finem æquè natura aptati sumus, quotquot hominis nomen & naturam gerimus. Nam quicquid egerint progenitores nostri, nihil efficiūt

Nati ab eisdem parentibus fratres dicuntur secundū scripturā etiā ad centesimam vsque generationem.

*2. Reg. 5.
2. Reg. 19.*

Principio beatifico omnes homines proximi inter

A. 5.

nisi Deus dederit. Neque nascitur homo, nisi ipse desuper infuderit animam, quæ non est ex traduce parentum, sed immediatè à Deo. Et Ananias & Sapphira vxor eius, nunquid dum occumberent languebant, aut ullū mortis sentiebant indicium? Minimè: sed tantummodo Deo vltra non conseruante eos, propter peccatum ipsorum, subito expirarunt. A Deo itaque conseruamur omnes. Et hoc quid aliud est, quàm continuò vitam ab ipso accipere? Insuper fecit Deus, vt habet scriptura hominem, (itaque omnem hominem) ad imaginem suam: & per hoc sui suæq; beatitudinis capaces. Quod posterius nequitiam inanimatis ac brutis animatibus nobiscum commune est. Nam licet illa proximè nos contingant in eo quod sunt à Deo, & per Deum æquè immediatè ac nos imò immediatius quàm nos: quia post alia condita sexto die factus est homo, de eo, qui antea erat, limo terræ. Vt habes Genes. 1. 2. Quia tamen non contingunt nos proximè, simul in eo quod est veræ amicitiae principium nempe in imagine Dei qua capaces nobiscum essent eternæ fruitionis in Domino. Sicuti Apostolus dicit, Ita frater, ego te fruar in Domino: Quod paulò inferius fusiùs explicabimus. Ideo nō sunt talia computanda inter proximos nostros.

Phil.

Quod Christianus Christiano pluribus rationibus sit proximus, quàm infidelis fideli, aut infideles inter sese esse possunt.

CAP. X.

M.



Ræter rationes autem quibus omnis homo omni homini reuera proximus esse demonstratur, sunt & aliæ, quibus peculiariter omnis Christianus omni Christiano est proximus, quibus nec infideles cum fideli, nec infideles inter se conuenire possunt.

D. Et

D. Et quæ, precor, sunt istæ rationes?

M. Esse membra eiusdem corporis sub eodem capite: ha- *Rationes*
bere eundem Deum patrem, eandem Ecclesiam matrem, *ob quas*
eundem redemptorē Christum, eundem viuificantem *sunt pecu-*
Spiritus Sanctum, eandem fidem, eadem Sacramenta, *liariter pro-*
idem pabulum salutis verbum Dei, eundem aduocatum *ximi inter*
& mediatorem dum peccamus, eandem spem eiusdem *se homines*
vocationis supernæ dum peregrinamur à Domino. Hęc, *Christiani.*
inquam, omnia dum eadem habemus nos Christiani, vt
sanè omnium æquè participes esse possimus an non re-
stet proximi dicimur?

D. Rectissime, iustissimeque ac summis de causis, modò
ita sese res habeat.

M. Rem utique eo modo se habere ex scripturis demon-
stratur. Nam Apostolus scribit, vt Ephesij dignè ambu- *Ephes. 4.*
lent vocatione qua vocati sunt in hunc modum, Obser-
uato vos fratres, &c. vt dignè ambuletis vocatione qua vo-
cati estis, cum omni humilitate, & mansuetudine, cum
patientia supportantes inuicem in charitate, solliciti ser-
uare vnitatem spiritus in vinculo pacis. Ecce mentionem
cum dilectionis qua proximus debet proximum diligere,
tum vnitatis conseruandæ in colligatione pacis. Vnum,
inquit, corpus; & vnus spiritus, sicut vocati estis in vna
spe vocationis vestræ. Vnus Dominus, vna fides, vnum
baptisma, vnus Deus, & pater omniū, qui super omnes,
& per omnia & in omnibus nobis. Cur, precor, tam cor-
dialiter inducit hæc Apostolus? An aliam ob causam,
quàm quia omnem Christianum omni Christiano pro-
ximum faciūt, alia ratione quàm antea proximi erāt, ha-
beātq; per hoc velut virum quoddam & efficax incita-
mentū peculiaris dilectionis, & vnitatis seruandæ inter se
Christiani. Dicit etenim, Vnū corpus, supple, est, cuius
omnes vos qui Christum induistis membra estis; Chri- *Ephes. 1.*

*Christiani
inter se
proximi
sunt haud
secus atque
membra eius
de corpo-
ris.*

1. Cor. 12.

flus verò caput, sicut dicitur: Et ipsum dedit caput super omnem Ecclesiam. Nec ibi sistit, sed addit, Vnus spiritus, supple est, quo viuificantur & sanctificantur quotquot sub Christo viuunt & iusti existunt. Nō enim alio spiritu uiuit in Christo, ac iustus est, nobilis, alio ignobilis, alio diues, alio pauper, alio præsul, alio Leuita: sed vnus atque idem spiritus diuidens singulis prout vult. Sicut enim corpus vnum est, & membra habet multa: omnia autem membra corporis cū sint multa, vnum tantū corpus sunt, ita & Christus. Etenim in vno spiritu omnes nos in vnum corpus baptizati sumus, siue Iudæi, siue gentiles, siue serui, siue liberi, & omnes in eodē spiritu potati sumus. Nam & corpus non est vnum membrum, sed multa. Et subdens ibidem Apostolus iucundissima lectu de harmonia, sympathia, concordia, sollicitudine membrorum inter se eiusdem corporis, tandem subsumit, vos autem estis corpus Christi, & membra de membro. Ex quo inferendum restat, Ergo omnes vos inter vos proximi. Quid enim adeo propinquum alteri atque membrum membro in eodem corpore? Quæ quot sunt, eodem sunt spiritu: quod quærunt, ad cōmunem quærunt vtilitatem. Diximus quidem suprā, Omnem hominem omni homini natura proximum esse, quod habeant omne eandem specie viuificantem animam: multo

*Boni Christiani tan-
sunt proxi-
mi inter se,
quam quæ
viuificatur
ab eadē ani-
ma.*

igitur magis sunt proximi inter se Christiani, qui quod sunt in Christo eodem sunt spiritu: eodem, dico, secundum numerum, nedum secundum speciem: haud secus atque membra eiusdem corporis viuificantur spiritu eodem secundum numerum. Quod procul dubio multo maiorem adfert propinquitatem, quā habere naturam specie eandem.

D. At nō omnes Christiani viuificātur Spiritu Christi.

M. Hoc licet verum sit: nemo tamen Christianus de alijs sic

sic iudicare debet, quàm diu Sacramento, confessione, consensu manent in gremio matris Ecclesiæ: sicut docuimus libr. 2. Tractat. de Ecclesia: Esset enim huiusmodi iudicium temerarium ac usurpatum, de quibus iudicijs vitandis diximus hoc libro tract. 3. Fingamus autem quòd confiteatur quispiam se criminofum esse, aut id ipsum per Prælati iudicium, vel facti euidentiâ notoriè constet, nunquid potest talis omni die, & omni hora, imò omni momento resipiscere & fieri quod in Christo esse debebat, mox particeps omniû beneficiorum quæ sunt à Christo, fortassis multò magis quàm tu? Ethnicus natura capax nobiscum æternæ felicitatis, manet semper nobis proximus, etiamsi quàm maximè alienus sit ab illo fine per infidelitatem suam. Multò igitur magis Christianus semper proximus erit, etiamsi per peccatum spiritu Christi careat. Potest enim vel omni momento per fidem cum poenitudine ac mutatione animi esse in Christo quod sumus omnes. Progreditur autem

- D.** At eiusmodi non natura, sed accidente proximum faciunt.
- M.** Qui syncerè Baptismum suscepit, & credit fide per di-

*Omnes
Christiani
conferui
sunt eiusdē
domini, &
coheredes
eiusdē felici-
tatis per
eandem Re-
ligionem.*

*Baptisma
& fides na-
tura proxi-
mū faciunt.*

non enim est mortuorum Deus, sed viuentium: adeo vt infideles & idololatraz meritò vereque ^{etiam} appellentur. Gentium quidem sicut & reliquarum creaturarum est Deus conditor; nō autem pater: nisi hætenus quòd inter alia solum hominem condiderit ad imaginem suam. At Christianòrum reuera Deus pater est regeneratione, qua gignuntur ei per baptismum ex vtero matris Ecclesiæ: adeò vt verè clamemus ad Deum abba pater: ipso Spiritu Sancto testimonium reddente spiritui nostro, quòd sumus filij Dei. Propter quod & Ioannes dicit, Videte qualem charitatem dedit nobis Pater, vt filij Dei nominemur, & simus: non solum nominemur, sed & simus: nec simus quidem clanculùm, sed & manifesta appellatione nominemur tales. Legite, inquit August. Apostolum, & videte quia fratres quando dicit Apostolus sine aliquo additamento, non vult intelligere nisi Christianos. Non est autem subiectus, inquit, frater aut soror huiusmodi: cùm diceret de coniugio. Fratrem & sororem dixit Christianum vel Christianam. Iterum dicit: Tu autem quid iudicas fratrem tuum, aut tu quid spernis fratrem tuum? Et alio loco, Vos, inquit, iniquitatem facitis & fraudatis, & hoc fratribus. Quem loquendi morem seruauit Apostolus: quia sic oportet secundum veritatem, secundum quam nec gentes, nec Iudæos, fratres nostros appellare possumus. Quid tibi nunc videtur? Nōne graphicè & admirandis schematibus depingit Scriptura eam proximitatem (vt ita loquar) quæ peculiariter est inter Christianos: nō autem inter alienos à fide?

D. Depingit sanè & maiori mysterio quàm putaram.

M. Quòd autem sit vna cōmunis mater omnium Christi fidelium, cuius foetu nascimur, cuius lacte nutrimur, cuius sinu fouemur, vt inquit Cyprianus, nempe Eccle-

Galat. 4. sia catholica; habes apud Paulum dicentem: Illa autem

quæ


quæ sursum est Hierusalem, libera est, quæ est mater nostra. Declarauimus autem istud abundè libr. 2. Tract. 8. Adhæc, quòd sit vnus mediator inter Deum & hominè, vnus redemptor omnium, qui suo solius sanguine redemit nos omnes ab eadem massa perditionis, eadem seruitute, eadem morte in eandem adoptionem filiorum, in eandem libertatem, in eandem denique salutem, multò clariùs exprimitur per omnem Scripturam, quàm vt demonstratione egeat nostra, nosque de ea re copiosè diximus Tractatu 3. libr. 2. Est autem & alia quædam ratio arctissimæ propinquitatis inter patrem & filium, fratres item & sorores eorùdem parentum, qua reuera proximi sunt inter sese, communicantes in eodem sanguine & eisdem visceribus. Inter reliquos verò cognatos vsque septimum aut remotiorem gradum, non inuenitur ratione sanguinis nisi propinquitas quædam, & ea, inter nepotes, quidem maior, inter pronepotes verò minor, inter abnepotes minima: quòd illi viciniùs communicent in eisdem visceribus quàm isti. Qui autem eque communiscant & in eadem natura, & in eadem fide, & in eisdem visceribus, & in eodem spiritu Dei intus viuificante, & in eadem mortalitate, eademque gloria Dei, ij denique quàm numerosissimis rationibus inter se proximi esse dicuntur.

- D. Et sanè soli proximi, vt apparet: nam omnes alij fieri possunt proximiores, primo per spiritum sanctificationis, deinde per gloriam beatitudinis. ergo necdum proximi erant.
- M. Non consequitur quòd infer. Satis enim est ad hoc, *Satis est* vt quis tibi veraciter proximus sit, quòd vel vna re adeo *vnare proximi esse.* tibi propinquus existat, vt eadem propinquior fieri nequeat, nimirum aut natura, aut sanguine, aut regeneratione, aut spiritu sanctificante, aut beatitudinis gloria: quod-

DE DILIGENDO DEVM

quodlibet enim illorum est basis siue fundamētum eius, quæ est, aut esse potest, mutuæ benevolentix, mutuæq; fruitionis in Domino. Quòd si duabus aut tribus, aut pluribus rebus adeo est propinquus, vt secundū easdem propinquior fieri nequeat, iam multoties multisq; de causis est proximus: propriè tamen proximior dici non potest, nisi hoc sensu, quia pluribus rationibus proximus. Nunc enim non magis homo cum illo quàm antea, licet nunc non solū illi consors natura sit, sed & gratia & sanctificatione, & tandem beatitudine cum ambo in cælis erunt.

Condemnatos ad pœnas infernales non esse annumerandos inter proximos. CAP. XI.

D.  I peccatores, si hæretici, si infideles annumerandi sunt inter proximos, quos oportet diligere sicut nosmetipsos. ergo & condemnati ad pœnas infernales erunt proximi nostri, & tãquam proximi diligendi.

M. Quare hoc?

D. Quia natura nobis fratres sunt, natura nobiscū communicantes in illo principio, ex quo, & per quod, & in quo sunt omnia: natura beatitudinis nobiscum capaces, sicut & cæteri peccatores terræ.

M. Vtique fuerunt illitales ab initio: quare & ab initio diligendi vt proximi: nūc verò postquam malitia & obstinatio eorum, maculæ item & rugæ, ac cicatrices ex peccatis relictæ, ipsis in naturam conuersa sunt, idque definito Dei iudicio, quo sunt condemnati vt deinceps perpetuo & in eternū mancant, quod vsq; ad articulum iudicij diuini obstinata sua volūtate esse voluerunt, malitia, obstinatione, maculis, cicatricibus exinde insidētibus in visceribus eorū, immobiliter, haud secus atque ipsa natura.

*Damnatis
versamali-
tia eorū in
naturam.*

tura. Sicut enim secundum Physicos, Habitus boni ac mali vertitur nonnunquam nimia assiduitate in naturam: ita malitia reproborum post nimiam obstinationem convertitur tandem ipsis in naturam: adeo ut amplius dici non poterunt nobiscum Dei eiusque beatitudinis capaces secundum naturam, sicut & ceteri peccatores terræ, in quibus adhuc separabilis est malitia à natura. Quapropter non omnino vera erat assumptio tua. Verum id si minus penetret acies mentis tuæ, saltem hoc perpende Deum à nobis amandum esse super omnia, præ omnibus, & in omnibus viribus nostris. Amantium autem debet cor vnum esse, & anima vna. Non licet igitur ut affectus noster discordet vnquam à voluntate Dei, ut quos ille proiecerit procul ab amore suo, à societate sua, à beneuolentijs ac beatitudine sua, nos eosdem ad talia amplius amemus. Frequens est in Repub. ut princeps quempiam iusto iudicio exterminet à ciuitate in furcam aut exilium perpetuum. Et exterminatus ille nonne exinde carere debet omnibus priuilegijs, beneuolentijs, amicitijs, consuetudinibus, quibus antea in ciuitate gaudebat? Nonne & reliqui conciues post tale iudicium, exonerati sunt & à societate, & à beneuolentijs atque amicitijs, quas antea illi debebant, optimeque faciunt, conformando se iusto principis sui iudicio: offenderent autem grauiter, si exinde in contubernium suum reciperet talem, tamque sceleratum hominem iusto principis sui iudicio in exilium abactum?

*Damnati
nō amplius
nobis natu-
ra proximī
sunt.*

*Damnati iu-
dicio Dei
reieci sunt
ab amici-
tijs nostris.*

Simile.

D. Haud dubie.

M. Multo igitur magis nos nunc absoluti sumus ab obligatione impendendi quicquam dilectionis ac beneuolentiæ ijs quos constat per iudicium Altissimi & Omnipotentis Dei æternaliter condemnatos esse. Cui iudicio nos merito imò necessario conformare debemus tamquam

ab

ab omni iniustitia alienissimo. Nā & oramus, Fiat voluntas tua, sicut in cælo & in terra. Quapropter etiamsi maneat in damnatis natura quam prius habuerunt, sintque ea nobis proximi, nunc æquè atque prius: tamen nunc Dei iudicio ab omni beneficentia beneuolentiaque abscessi sunt & prouecti in æternum & irrecuperabiliter, malitia eorum sic demerente.

D. Etiam Iudæi & Saraceni, & quicunque non credunt in Christum condemnati sunt, dicente Salvatore: Qui non credit iam condemnatus est.

M. Non dixit Saluator, iam condemnatus est: sed nec verè sic dicere potuisset. Nondum enim super quoquam infidelium aut delinquentium, dum adhuc viuit in terris, prolata est condemnationis sententia. Quod clarissimè insinuat Dominus Marc. ult. dicens: Qui verò non crediderit, condemnabitur, per verbum futuri temporis, nempe si in sua infidelitate permanferit. At dixit Saluator Ioan. 3. Qui non credit iam iudicatus est, nimirum iudicio interlocutorio, qualia multa interlocutus est Christus in terris.

*Differētia
inter sentē-
tiā interlo-
cutoriā &
principālē.*

Distinguunt Iurisperiti eleganter ac verè inter sententiam definitiuam & interlocutoriam: quòd illa pronuncietur super principali, eaque pronunciata iudex vltra causam pertractare non potest: perfunctus enim est officio suo: Ista verò datur super incidente aliquo circa modum aut ordinem procedendi, aut circa iudicis competentiam vel incompetentiam, vt Iurisperiti loquuntur. Querunt quidem infideles ius sibi dici felicitatis obtinendæ, alij à Ioue, alij à Sole, alij à Saturno, alij à Venere, alij ab alio quopiam. Verùm Christus sua interlocutoria sententia, quam diximus Ioan. 3. declarauit vniuersos illos putatiuos deos, esse incompetentes iudices in causa salutis obtinendæ. Vni verò filio, quem misit Pater, competere iusti iurisque dicendi in hac parte potest.

testatem, ab illo & per illum duntaxat querendam esse
 animarum corporumq; salutem. Omne enim iudicium
 Deus pater dedit filio, dataque est illi omnis potestas in *1041.5.*
 cælo & in terra. Itaque qui non crediderit in filium iam *Matth. 28.*
 iudicatus est: postea autem condemnabitur, vt planè exci-
 dat ab omni actione & spe salutis recuperandæ. Quæ-
 runt insuper Iudæi iustitiam & felicitatem per legem
 Moyfi, quærūt et Græci per bona opera naturę: at quærūt
 vtrique indebitè modo & ordine quibus inueniri nō po-
 test, super quo iam interlocutum est per Apostolū Chri-
 sti, Quoniam ex operibus legis non iustificabitur omnis *Rom. 3.*
 caro. Itē, Si enim per legem iustitia, ergo gratis Christus *Galat. 2.*
 mortuus est. Adhæc contendunt hæreticorum alij natu-
 ram sibi sufficere, vt peccatum vitent, ac iusti fiant: alij
 contrā volūt naturam nihil efficere: sed omnia in omni-
 bus præstare Christum: alij omnia vni fidei tribuunt, alij
 alia confingunt. At interlocutum est cōtra tales per Chri-
 stum dicentem: Nisi quis renatus fuerit ex aqua & Spiri- *1041.3.*
 tu Sancto, non potest introire in regnum Dei. Item, Sine *1041.15.*
 me nihil potestis facere. Et per diuum Iacobum asseren-
 tem, Quod sicut corpus sine spiritu mortuum est, sic fi- *Iacob. 2.*
 des sine operibus mortua est. Est, dico, interlocutū (quo-
 niam si sic procedere pergatis, causa excidistis, condem-
 nabimini) ne quis ex inde ignorātiā prætendat. Itaque
 qui permāserint sine fide, sine baptismo, sine bonis ope-
 ribus, aut in grauib; peccatis, ne semel audiendi erunt
 postea coram tribunali Altissimi in principali actione,
 quam habent ad summum bonum, partim ex creatione,
 potissimū autem ex redemptione per Christum inter-
 posita, Et certè in forma iudicij extremi quam describit
 Matth. 25. cap. sui Euangelij, non inuenies vllam fieri
 mentionem, aut disceptationem super perfidia infidelīū,
 super erroribus hæreticorum, super criminibus sac scele-
 ribus


1021.3.

Nemo mortaliū est cōdemnatus quā diu viuit. Infideles et heretici nobis proximi sunt vsq; ad mortē non autem post mortem.

ribus malorum Christianorum: eò quòd antea prædefinitum erat per iudicia interlocutoria Prophetarū, Christi, Apostolorū: prout luce clariū patet in legitimis instrumentis tam veteris quā nouæ legis. Hinc & Christus dicit, Non enim misit Deus filium in mundum (per incarnationem) vt iudicet mundum: sed vt saluetur mundus per ipsum. Qui nihilominus interlocutus est, tum per semetipsum, tum per Apostolos suos, aliosq; Apostolicos viros super omnibus quæ aut ordinem vitiant quo quæritur, aut incompetentiā habent eius per quem quæritur salus. Nullus ergo mortalium quantumcunq; fuerit malus perfidus, vel sceleratus, debet dici aut condemnatus esse aut excidisse penitus à causa & spe salutis quā diu in corpore viuit. Omnes itaque inter proximos meritò annuerandi, & charitate diligendi, donec constiterit, eos definitiuo iudicio ad æternā damnationem condemnatos esse. Quod quia constat de ijs qui manifestè in sua infidelitate, aut hæresi, aut alia quapiam malitia moriuntur: ideo illos nec amamus post mortem, nec oramus pro illis, neque vlla pietatis beneficia ipsis impendimus. Rursum, quia hoc non constat de Christianis Christianè, siue (vt Scriptura loquitur) cum pietate dormitionem accipientibus: ideo illos & diligimus post mortem sicut ante mortem, & officia vel pietatis vel venerationis affectuosè eis impendimus. Venerationis quidem officia ijs, quos in thronum gloriæ Dei receptos constat, vel Scripturarū testimonio vel inatris Ecclesiæ. Quæ perspecta habens aliorum martyria, aliorum verò virtutes & miracula quibus claruerunt testatur nobis tales translatos esse ad thronum Christi. Pietatis verò ijs quos non constat eò translatos esse: acceperunt tamen dormitionē cū pietate, hoc est, Christianè mortui sunt. Quemadmodū ex Scripturis sacris, & antiquissima traditione

ditione monstrauius lib. 2. Tract. 4. Quos profecto *sectarij nō*
 quoniam sectarij huius temporis secludunt à dilectione *diligūt tam*
 sua, conuincuntur non diligere omnem proximū. Quia *quā proximi*
 non illos fratres quos Deus diuinis dignos habet hono- *mos ne mi-*
 ribus, neque alios morientes cum pietate, quos tamē me- *nimā quidē*
 tus est, post mortem nostro auxilio indigere, neque Ec- *partem ho-*
 clesiam Christi communem omnium Christi fidelium *minum.*
 matrem, neque veteris profapiæ orthodoxos homines:
 qui tamen omnes quā plurimis rationibus nobis pro-
 ximi sunt. Et certē si procederet inductio nostra, conclu-
 deremus bono argumento, illos non diligere nisi seipsos.
 Nam quos maximē videntur diligere suæ sectæ compli-
 ces, eos non diligunt: nisi quia sperant in multitudine ta-
 lium posse tandem confirmari conceptam animi sui per-
 fidiam: quod reuera est non alios, sed in alijs seipsos dili-
 gere. Vtimox incipiemus declarare.

An Angeli in cælis sint computandi inter proximos no-
 stros. CAP. XII.

M.  Vnt vtique Angeli sancti rationales creaturæ *Angeli bo-*
 sicuti & nos, tam ad imaginem Dei formati *ni sunt pro-*
 quā nos, tamque illius capaces quā nos, ne *ximi nostri*
 dicam multò magis atque nos, nobiscum per-
 petuo fruituri societate mutua in perenni æternæ beati-
 tudinis gaudio, docente Salvatore, quòd homines erunt *Luc. 20.*
 in resurrectione sicut Angeli in cælis.

D. Verum an vspiam Scriptura appellet Angelos proxi-
 mos nostros?


M. Apocal. 22. cum Ioānes Apostolus vellet adorare An-
 gelum reuelantem sibi mysteria: respondit Angelus, Vi-
 de ne feceris. Conseruus enim tuus sum, & confratrum
 tuorum Prophetarum, & eorum qui seruant verba Pro-
 phetæ libri huius. Ecce recusat Angelus adorationem

DE DILIGENDO DEVM

Ioannis, cò quòd conseruus noster sit, habens eundem Deum, eundemque Christum communem nobiscum dominum. Nam Deus pater Christum constituit, teste *Ephes. 1.* Paulo, super omnem principatum, & potestatem, & virtutem, & dominationem, & omne nomen quod nominatur, non solum in hoc seculo, sed etiam in futuro. Et omnia subiecit sub pedibus eius. *August. lib. 1. de doctr. Christ. cap. 30.* Diuus Augustinus ex parabola Christi Luc. 10. ratiocinatur in hunc modum: Si, inquit, vel cui præbendum est, vel à quo nobis præbendum est officium misericordiæ, rectè proximus dicitur: manifestum est hoc præcepto quo iubemur diligere proximum, etiam sanctos Angelos còtineri, à quibus nobis tanta misericordiæ officia impenduntur, quanta multis diuinarum Scripturarum locis animaduertere facile est. Hæc ille. Et certè dum diuina scrutamur eloquia, inuenimus & nunc miram esse inter Angelos & nos mutuæ beneuolentiæ communicationem, & postea multò fore maiorem æternæ societatis communem fruitionem: merito ergo inter proximos computandi. Nunc temporis mittuntur passim Angeli in ministeriū propter eos qui hæreditatem capient salutis, ad Hebr. 1. Nunc orant Deū & exorant pro nobis, Zachar. 1. Nunc nostras orationes, studiosè offerunt, & offerendo còmendatiores reddunt, Tob. 12. & Apocal. 7. Nunc curam nostri gerunt, Matth. 18. Habentes mandatum vt custodiant nos in omnibus vijs nostris, Psal. 90. Nunc quoque ipsi Angeli vicissim gaudium accipiunt ex còuersionibus ac pœnitentijs nostris, Luc. 15. Venerationem insuper ac cultum, vt patet ex factis Abrahamæ, Loth, Iacob, Dauidis, Ioannis Evangelistæ ac aliorum. Post hanc verò vitam, qui digni habebimur futuro seculo, erimus omnes, teste Christo, sicut Angeli in cælis. Nec erimus solum sicut illi: sed & videbimus eum sicuti est, haud secus atque Angeli eius. Quod plus

plus est, astabimus cum illis ante thronum gloriæ Dei & agni, sicut & nunc astant ante eundem thronum patres ac fratres ac nostri, qui hinc migrarunt, dicente Ioanne: Luc. 1.
 Post hæc vidi turbam magnam quam dinumerare nemo poterat, ex omnibus gentibus, & tribubus, & populis, & linguis, stantes ante thronum, & in cōspectu agni, amicti stolis albis, & palmæ in manibus eorum, & exclamabant voce magna, dicentes: Salus Deo nostro qui sedet super thronum, & agno. Et omnes Angeli stabant in circuitu throni, &c. Ecce quanta societas Angelorum nobiscum, quanta communis fruitio in Domino: idque in throno gloriæ magni Dei. Et ea sane ratione diligendi sicut nos propter mutuam beneuolentiam: venerandi autem & colendi super nos, & omne id quod in corruptibili hoc mundo præcellit, & dignum habetur honore, propter eminentiâ status et gloriæ. Habes qui inter proximos computandi sint qui non. Nunc porro inquiramus de qua dilectione loquatur præceptum. Apoc. 7.

Quòd non præcipiatur hic nisi dilectio amicitiz, & quæ sit illa. CAP. XIII.

- M.**  Vid differentiæ sit inter diligere & amare antea diximus. Nunc verò paulò fusiùs scrutari debemus, an præceptum hoc mandet de alia quàm amicitiz dilectione, & quæ sit illa.
- D.** Præceptum videtur loqui indistinctè, absque specificatione huius vel alterius amoris.
- M.** Hoc quidem verum est. Attamen ex ipsis præcepti verbis licet demonstrare, tantummodo sermonem esse de amore amicitiz. Dicit enim, Diliges proximum: non itaque rem, sed personam proximi, nec alia de causa, quàm Dilectio præcepta qualis.
 quia proximus est. Non quia tibi utilis aut voluptatis: neque propter te, vt tu sis eius dilectionis finis: sed sicut te-

DE DILIGENDO DEVM

ipsum, vt tuus de teipso amor exemplar tibi sit diligendi proximum tuum, benenolus in super, ac beneficus existas in illū, sicut es erga temetipsum: quod est reuera diligere proximum amore amicitiae.

Cic. lib. 2. de Diuin. D. Sic vtique apparet. Nam teste Cicerone, Amicitia est volūtas erga aliquem, rerum bonarum, illius ipsius causa quem diligit, cum eius pari voluntate.

Qui diligit alium propter se nō implet mandatiū secundum charitatis. M. Igitur, qui diligit seruum suum, quia vtiliter seruit: aut diuitem, quia crebrò inuitat ad epulas: aut nymphā, quia suauiter oblectat voluptatibus, nulla alia ratione, neutiquā diligit amore amicitiae, aut eo modo quo prae-

cipitur. D. Imò nec diligit quidem illos, sed tantummodo seipsum, suumque commodum aut voluptatem quam capit ex illis. Non enim bene vult illis, sed sibi ipsi ex illis.

Eccles 6. ibidem. M. Optimè. Et sanè eam ob causam, voluerunt prisci Sapientes seclusas esse à nomine amicitiae, omnes voluptuarias, omnesque instabiles dilectiones, etiam eas, quae utilitatis causa fiunt. Speciem enim habent amicitiae, veritatem autem non habent. Nam si cessent illecebrae aut commodum, quod captabatur ex te, cessat & dilectio: & vertente se fortuna, auertitur à te affectio, dicente Ecclesiastico, Est amicus secundum tempus suum, & nō permanebit in die tribulationis. Item, Est amicus socius mensis, & non permanebit in die necessitatis.

D. De cuiusmodi amicis pereleganter dixit Naso poëta, Donec eris felix multos numerabis amicos, Tempora si fuerint nubila, solus eris.

Definitio amicitiae. M. Dum autem veterum Sophorum, potissimum verò diuini illius Platonis scripta attendimus, licet sic definire veram amicitiam, Amicitia est honesta, ac suavis, perpetuaque voluntatis communio, cuius finis est vita vna, siue consors viuendi societas, principium, cognatio, ne-

dum

dum amor. Dixi, Honeſta, vt excluſa intelligas improborum contubernia, laſciuorumque congreſſus, & omnem vtilitatis cauſa cōmunionem. Dixi, Suauis, quia vbi amarulentia, aut impetus, ibi non valet diu ſubſiſtere amicitia. Dixi, Perpetua, quia leues inconstantium hominum beneuolentiæ etiam honeſtæ, nequaquam merentur veræ amicitia nomen. Dixi, Voluntatis, ne artium, opinio- num, rerum, corporumque communionem poſſe ratio- nem habere amicitia arbitreris: niſi ſit & animorum & volūtatum. Nam vbi idem eſt velle & idem nolle, ibi de- mum conſtans veraque eſt amicitia. Dixi, Communem, vt baſim amicitia ſcias eſſe beneuolentiæ viciffitudinem. Principium autem quo communionis huiuſce excitatur deſiderium eſt cognatio, ſeu proprius, coniūctio ſecun- dum naturam, naturæque principium ac finem. Vt qui naturæ conſortes, ex eodem pendent in vnum; meritò debeant impendere ſibi mutuo, & volūtatum, & om- nium denique rerum communionem. Iuxta illud: Ami- corum omnia ſunt communia. Cuius communionis fo- uendæ quaſi medium eſt amor. Cū autem ſit amor pul- chri affectio, amicitiaque ab amore & ducatur pariter & dicatur, neceſſe eſt eos qui amici futuri ſunt pulchros eſ- ſe: pulchros, inquam, animo, vt ſcilicet non ferantur niſi affectionibus debite ordinatis, & quò oportet, & quan- tum oportet, & per ea per quæ oportet. Nam qui pul- chrum corpus amant, non hominem: ſed ea quæ ſunt ho- minis amant. Homo enim animus eſt, corpus verò, homi- nis inſtrumentum ſecundum Platonem vtentem tropo, quo & Scriptura vtitur dicens: Hodie tecum eris in pa- radiſo, Atque huc ſanè tendit præceptio Euangelica, Di- liges proximum tuum ſicut teipſum: vt tandem ſit inter nos Chriſtianos vera ſynceraque amicitia, habens hone- ſtam ſuauiemque perpetuæ voluntatis communionem;


Luce. 23.


DE DILIGENDO DEVM

Dilectio proximi est iuris naturæ & diuini, magis cōstringens Christianos nos quàm ethnicos.

qualem ex lumine naturæ sciuit describere Plato homo ethnicus : meritò tamen eam ob causam & similia diuinus cognominatus. Dicitur enim & præcipit Physica ratio, vt vinculum talis amicitiae, mutueque dilectionis inter eos sit qui natura consortes, nec sine distant, nec principio. Multò autem iustius præcipit hoc ipsum fidelibus lex Dei, eò quòd credentibus æquè datum est participes fieri redemptionis, quæ est per Christum, vitæ insuper quæ secundum Deum est, vitæ denique æternæ, quæ habet prorsus omnium communionem cum suauissima perpetuæ societatis fruitione. Qualia vt potiori cōiunctionis ratione viuūt, ita & maioris dilectionis, puriorisque amicitiae meritò causa esse debent. Quam ob causam hoc præceptum constringit magis, & ad maiorem inter se dilectionem homines Christianos fidei radijs illustratos quàm ethnicos, vti mox dicemus. Non tamen ad hoc cōstringit, vt alium Christianum aut quempiam proximum ames tantum, quantum teipsum, aut tanto labore ac studio quæres illi successum rerum, ac tibi ipsi.

Quousque se extendat particula præcepti, Sicut teipsum. CAP. XIII.

D.  Vousque igitur extendit se illa particula, Sicut teipsum?

M.  Vox, sicut, non quantitatis, sed similitudinis significationem habet: est enim aduerbium similitudinis, & hæc significatio illi propria est & germana. Itaque, sicut teipsum, est, ac si diceret, eo modo quo teipsum: non autem quantum teipsum. Quia conuenit ordini naturæ, amoris insuper charitatis (de qua scriptum est, Ordinauit in me charitatem) vt plus diligam me quàm proximum meum. Attamen modus dilectionis proximi est dilectio tui ipsius, vt similiter illum diligas sicut teipsum.

Vox, Sicut nō quantitatis, sed qualitatis significationem habet. Cantic. 2.

sum. Te quidem sic diligis, ut velis tibi bene esse, teque optes eò posse venire felicitatis ac perfectionis ad quam creatus es. Præcipitur ergo ut sic diligas et proximum. Quòd autem propterea non obligaris procurare proximo copiam rerum vel honorum, sicut tibi ipsi procuras, ex eo patet: multis enim malè est per rerum copiam, multis optimè per rerum inopiam, multis latuisse faustum, multis eminuisse super alios admodum infelix. Melius erat Diogeni Cynico per arctum inanis dolij habitaculum, quàm Alexandro magno per ingentes thesauros, & imperium mundi. Melius item Ioanni Baptistæ in deserto per eseam locustarum, quàm Herodi in atrio regio per varium epularum apparatus. Nā & Lazarum subuxere paupertas et patientia ad sinum Abraham, diuitem verò Epulonem demerserunt opes & luxus ad infernum.

D. An igitur sufficiat præcepto, beneuolum esse erga proximum?

M. Minimè: quia oportet & beneficium esse pro loco & tempore. Exhibitio enim operis probatio est veræ dilectionis. Diuus Ioannes Apostolus loquens de dilectione proximi, sic respondet ad tuam quæstionem, Filioli mei non diligamus verbo neque lingua, sed opere & veritate. Non sufficit itaque ad impletionem præcepti, ut affectu diligas, benefacere cogites, atque sermone promittas, quod est diligere verbo & lingua, nisi simul & opere diligas & veritate, hoc est, præstes ex dilectione tantum proximo, quantum officiū Christianæ pietatis requirit. Exempli gratia, Eget proximus tuus cibo quo tu abundas, debes itaque illi de tuo cibo communicare, quantum satis est necessitati eius. Si enim nihil porrexeris, non diligis opere. Si verò vales, & non porrexeris tantum, quantum necessitas illius requirit, non diligis veritate. Siquidem Apostolus Ioannes terribiliter innotat dicens: Qui ha-

Non satis est præcepto, beneuolū esse erga proximum.
1. Ioan. 3.

Diligere aliquē opere & veritate.

Ibidem.

DE DILIGENDO DEVM

Vera charitas ociosa esse nō potest.
Iacob. 2.

buerit substantiā huius mundi, & viderit fratrem suum necesse habere, & clauferit viscera sua ab eo, quomodo charitas Dei manet in eo? Quasi diceret, Neutiquam manet in eo. Vera enim charitas ociosa esse non potest. Si enim est, operatur, sin autem, utique non est. Simili modo & diuus Iacobus nos instruit dicēs: Si frater aut soror nudi sint, & indigeant victu quotidiano, dicat autem aliquis ex vobis, illis, *Ite in pace, calefacimini & saturamini: non dederitis autem eis quæ necessaria sunt corpori: quid proderit? aut quæ ibi charitas, quā labiorū? Operatur quidem bene, & dicit perbenigne: at nihil impendit de eo, quod habet: non igitur amat, nisi lingua & verbo, quod non est aliud, quā simulare amorē quem non habet. Opere oportet implere officium dilectionis simul & veritate.*

D. An veritas aut falsitas in opere dilectionis?

M. Omnino. Quemadmodum enim sermo est sine veritate, quoties vocum significatio discrepat aut à rebus significatis: ut cū dicitur quod non est, aut à mente annunciantis: ut cū foris aliud sonat in ore, aliud intus latet in meditatione cordis. Ita & operatio est sine veritate, quando non est debite moderata ratione inter tale obiectum & potentiam. Ut cū quis credit verbo Dei, sed non alia constantia quā verbo hominis, aut amat redemptorem Christum: at non alia affectione quā hominē, aut diligit proximum suum etiam operis cuiusdam exhibitione: verū non vti oportet, pro illius indigentia sua quæ abundantia. Verbi gratia, Vir admodum opulentus certum habet egestati istius miserimæ creature non posse sufficere ne libram quidem grossorum, nihilominus non nisi stipem donat, is profectō quanquam diligit affectu & opere: non tamen diligit veritate: quia opus, quod diligit non habet debitam proportionem ad copiam rerum

rum donātis, & tātam inopiam accipientis. Quanquam enim non obligeris hoc praecepto dilectionis teipsum im-
pendere alijs iuandis, ditandis, euehendis quantum ti-
bi ac tuis: debes tamen subuenire omni proximo necessi-
tatem patienti in eo in quo tibi proximus est: idq; opere
proportionato illius indigentiae simul & tuis facultati-
bus. Natura tibi proximus est, & eget his quae conseruan-
dae naturae necessaria sunt, debes quantum poteris con-
tribuere, quo subleuetur illa naturae ipsius necessitas.
Christianismo tibi proximus est, & incidit in necessita-
tem habendi ea quae Christiano homini secundum Euā-
gelium necessaria sunt, debes vel per temetipsum, vel per
ministrū Ecclesiae, eius in hac parte necessitati subueni-
re. Sanguine tibi proximus est, utpote pater tuus, aut ma-
ter tua, aut germanus frater, & eget eo quod cōsanguineorum est impendere consanguineis, nimirum consilio
auxilioque tuo in scedere, pace, contractu aut ineundis
aut rescindendis, in curatione funeris, in executione te-
stamenti, in tutela vxoris ac prolium, debes haec illi quan-
tum sufficis, impendere. Singulis enim, teste Aristotele,
propria & congruentia sunt attribuenda, ut homo dili-
gatur ad id quod hominis est: Christianus ad id quod
est muneris Christiani: consanguineus ad id quod con-
uenit secundum sanguinis principium.

D. Mendicantes ostiatim & veste egent & cibo & omni-
bus ferè alijs: his ergo petentibus propter Deum, si tan-
tummodo stipem porrexero aut frustum panis, & non
tantum quantum toti egestati tollendae satis est, an offen-
do contra mandatum dilectionis proximi?

M. Minimè. Mendici enim ut indefinenter circumeunt
petentes à singulis, ita symbolo, hoc est, collatione iuuan-
di sunt. Et valet plerunque hoc genus indigentium mul-
tò melius, accipiendo à singulis minimum quid, quàm
di.

opifices in sudore vultus sui per diem perque noctem laborando. Nos hactenus de illis locuti sumus qui verè patiuntur necessitatem, secuti regulam Apostoli Ioannis, quam loco epilogi repeto, Qui habuerit, inquit, substantiā huius mundi, & viderit fratrē suū necessitatē habere, & clauserit viscera sua ab eo, quomodo charitas Dei manet in illo? quomodo poterit dici dilexisse opere & veritate? An nō optaret quisq; in tali necessitate sibi ab alijs benefieri? Optaret utiq;. Diligat ergo proximū suū in ea necessitate sicut seipsum diligeret cōstitutus in eadē, Tu autē quid repetendū putas post clausulā, Sicut teipsum?


D. Verbum diligis, secundum formam constructionis Grammaticæ.

M. Quid si perditē diligas teipsum? Nunquid & eo modo diliges proximum tuum? Quid taces? Nihil hic cunctandum ob eam obiectiunculam. Præcepta enim non dantur nisi de actibus virtutum. Itaque intelligi debet præceptum de ea dilectione, qua te debitè & secundum virtutem diligis: nam quòd fit non bene aut semiplenè, quasi non esset, reiicitur, ut in omni prætorio, ita & in doctrina Evangelica. De Iudæis dicit Christus: Videntes non vident, & audientes non audiunt. Ad Apostolos verò dicit, Vestri autem beati oculi, quia vident, & aures, quia audiunt. Isti enim sicut oculis & auribus: ita & intus iudicio & affectu audiebant & videbant: illi verò minimè: sed tantummodo organo sensus, interim malitia subvertente iudicium cordis. Dicit insuper in materia dilectionis, Qui amat animam suam (nempe solū humano modo ad felicitatem aliquam huius mundi, quod est semiplenè amare: potissimum publicato Evangelio) perdet eam: Et qui odit animā suam in hoc mundo (hoc est, qui negligit & posthabet hīc vitam suam mortalem præ illa quæ offertur in Evangelio)

in vitam æternam custodit eam. Simili paradoxo dicens & illud, Qui non odit patrem suum & matrem, &c. ad-
huc autem & animam suam, non potest meus esse disci-
pulus. Itaque diliges proximum tuum sicut teipsum:
diliges, inquam, debitè & secundum virtutem, ea scili-
cet dilectione, quæ reuera est dilectio, & non potiùs
odium ac perditio tui ipsius.

Luc. 14.

Non omnes proximos æqualiter esse diligendos. CAP. XV.

M.  I vna coniunctio faciens quempiam tibi reuera
proximum, vera est sufficiensque causa, cur de-
beas illum diligere sicut teipsum, meritò plures
tales coniunctiones maioris dilectionis causa erunt.
Vbi enim concurrunt plures diligendi causæ, ibi conue-
nit propensio rem ardentiorēque esse in diligendo. At-
que hinc rectè colligimus Christi fideles debere plus dili-
gere conparticipes gratiæ in Christo, quàm illos qui so-
ris sunt, aut hostes agunt Christi & Religionis eius: quòd
illi non solùm generatione, sed & regeneratione proxi-
mi existant. Quam collectionem veram demonstrat il-
lud Apostoli: Ergo dū tēpus habemus, operemur bonū
ad omnes, maximè autē ad domesticos fidei. Nam quid
opus erat illa cōparatione, Maximè autē ad domesticos fi-
dei, si nō debeat esse maior beneficētia, ac proinde maior
dilectio ad cōparticipes gratiæ Euāgelicę, quàm ad atheos
aut antichristos, aut sine fide homines? At pergat ratioci-
natio. Itaque & illi qui tibi proximi sunt ea coniunctio-
ne quæ coniunctos magis vnum facit, magis erunt dili-
gēdi, vt sunt pater, mater, filius, frater, vxor, alijque san-
ctitate illustres, aut gloria beatitudinis sublimes, ipsa con-
iunctionis qualitate id exigente. Etenim pater est proxi-
mum principium naturæ tuæ, filius aliquid tui, vxor ve-
rò vna caro tecum, homines autem sancti vnus spiritus
sunt

Christianus
magis dili-
gendus q̃
infidelis.

Galat. 6.

Pater, ma-
ter, ac pro-
les magis di-
ligēdi quàm
extranei.

sunt cum Deo, glorificati denique toti in Deo, ex quo & tu vt totus pendes, ita in ipsum totus tēdere debes. Quorum vnum breuitatis causa tibi demonstrabo, vt de similibus occurrente Scriptura similiter ratiocineris. Apostolus docet in hunc modum: Viri diligite vxores vestras, sicut & Christus dilexit Ecclesiam (& non tantummodo sicut teipsum) & tradidit semetipsum pro ea. Subdit, Ita & viri debent diligere vxores suas vt corpora sua. Qui suam vxorem diligit, seipsum diligit (nedum proximū). Nemo enim carnem suam odio habuit: sed nutrit & fo-

*Ephes. 5.
Vxor ma-
gis diligen-
da quā
alieni.*

*Ex dilectio-
ne nō omni-
bus eadem
impēdēda,
sed singulis
singula.*

Exod. 20.

1. Tim. 5.

1. Pet. 3.

Tob. 4.

Matth. 18.

Heb. 13.

Rom. 13.

uet eam. Cæterum etiam hoc te debco admonere, quod neūtiqum oporteat omnibus eadem impendere ex dilectione quæ hic præcipitur, sed singulis singula iuxta personarum qualitatem, exigentiam insuper coniunctionis, ac virium tuarum facultates: nimirum parentibus honorem, domesticis curam, coniugibus amabilem societatem tanquam cohæredibus gratiæ vitæ, pauperibus elemosynam, errantibus instructionem, peccātibz correptionem cum deprecatione, Præpositis Ecclesiæ & magistratibus obedientiam cum veneratione, dominis honorem, ac tributum, subditis gubernationem & disciplinam. Quæ si per singula velim demonstrationibus prosequi, modum excedam. Sed nec opus videtur: quia habent peculiare præceptiones in scripturis, quodque suo loco. Tu igitur quæ indicamus loca inspicere, & quod tibi defuerit ex Scholastica Theologia pete.

*Quibus in
dicij colligi-
mus nos
impleuisse
hoc manda-
tum.*

Tob. 4.

Matth. 7.

D. Faciam. Cæterum quo tādē colligemus indicio nos vtcunque obseruasse hoc mandatum?


M. Huius duas regulas habemus in Scripturis sacris, quarū prior est, Quod ab alio oderis fieri tibi, vide ne tu aliquando alteri feceris. Altera est, Omnia quæcunque vultis (vultis, inquam, voluntate debita ratione moderata) vt faciant vobis homines, & vos facite illis. Quas re-

gulas

gulas qui obseruat ex corde per dilectionem non fictam, is reuera diligit proximum sicut seipsum, implens hoc secundum præceptum charitatis, adeo debite, vt & Dominus illi vitam promittat, dicendo: Hoc fac & viues.


Secundum mandatum charitatis, simili forma fuisse in veteri lege datum, qua in noua.

CAP. XVI.

D.  Vsq̃uam in lege inuenitur scriptum, Diliges proximum tuum, sicut teipsum. Cur igitur testatur Euangelium, in lege sic scriptum esse?

M. Imò Leuitici 19. legimus, Diliges amicum tuum sicut teipsum.

D. At aliud significat vox Amicus, aliud vox Proximus: *Aliud significat amicus, aliud proximus.*
 alio item sumus amici, alio proximi.

M. Optimè. Nam affectu sumus amici, natura verò proximi, etiamsi desit affectus. Interim certissimum habeo, in lege ea forma dictum esse qua in Euangelio. Quia Domino interrogante, In lege quid scriptum est? quomodo legis? Atque Legisperito respondente inter alia, Diliges proximum tuum sicut teipsum, approbavit Dominus responsionem eius dicens: Rectè respondisti. Rursum Dominus interrogatus quod esset mandatum magnum in lege dixit inter alia: Diliges proximum tuum sicut teipsum. Igitur legerunt Leuitici 19. tum temporis proximum tuum, vbi nos legimus amicum tuum, aut aliqua alia parte legis quæ non peruenit ad nos, sic scriptum fuerat. At illud prius multò est verisimilius, eò quòd vox Hebræa  qua utitur textus. Leuiti. 19. significat tam proximum quàm amicum. Et subinde vertitur ab interprete proximus, etiam eodem capite. Adhæc diuus August. citans idem caput Leuitici 19. legit, Diliges proximum tuum sicut teipsum, pro diliges amicum tuum, &c.

D. Nihilominus Matth. 5. dicit Saluator: Audisti quia dictum

De illo, Di-
liges amicū
tuū, et odio
habebis ini-
micū. M.

Atum est antiquis, Diliges proximum tuum, & odio ha-
bebis inimicū tuū, quasi tēpore legis, inter homines ami-
cus fuisset dilectione: inimicus vero odio prosequendus.

Caue scripturis imponas falsum: non enim adiecit
Dominus illam vocem, Antiquis neque vsquam præci-
pitur in lege, vt odio habeas inimicum. Sed inquit Do-
minus, Audistis quia dictum est, scilicet inter vos. Cele-
bri namque prouerbio passim Iudæis in ore erat, Diliges
inimicum tuum, odio habebis inimicum tuum: idque vel
eo quod Moyses annumerasset ruinam inimicorum in-
ter cæteras benedictiones obseruatæ legis dicens; Dabit

Deut. 28.

Dominus inimicos tuos, qui consurgent aduersum te,
corruentes in conspectu vestro. Per vnā viam venient
contra te, & per septem fugient à facie tua. Vel ex aliqua
alia persuasione, vt animatiores fierent contra hostes. At
Dominus qui venerat implere legem, corrigit malum
illud dictum hoc modo, Ego autem dico vobis, Diligite
inimicos vestros, benefacite his qui oderunt vos, & ora-
te pro persequentibus & calumniantibus vos. Præcipiēs
tria ad maiorem illucidationem præcepti charitatis: nem-
pe vt inimicis dilectionem, osoribus beneficium, calum-
niantibus impendamus orationem, etiam eo ipso tempo-
re, dum contra nos inimicitias, odium, vel persecutionē
exercent. Cuius mandati hæc datur ratio: quia oportet

Luc. 6.
Præcipit
Christus
tria circa
dilectionē
proximi.

Naturam
proximi di-
ligere oportet, nō qua-
litates ma-
larū affe-
ctionum.

magis attendere naturam proximi, quā accidentes illas
qualitates inimicitia, odij, persecutionis. Illa manet, illa
tibi consors est, & tecum capax eiusdem felicitatis, tan-
tum abest vt illa sit tibi contrarius, quomodo naturalem
quandam inter se repugnantiam habent aqua & ignis,
ouis ac lupo. Istæ verò affectiones peruersæ pro volun-
tate mutantur nisi eas in naturā verti contingat. Quo fa-
cto, vt fit in damnatis, reiiciendi sunt & amici & inimi-
ci à dilectionibus nostris haud secus atque lupi ab ami-
citiis

citia ouium reijciuntur. Qui dixit, Si esurierit inimicus
 tuus, ciba illum: si sitierit, potum da illi: nequaquam di- *Prouer. 15.*
 xisset, Si necem parat tibi inimicus gladium illi porrige, *Rom. 12.*
 aut propositum eius conforta. Quare? quia natura ho-
 minum semper est amanda, vitia verò hominum deplo-
 randa, odienda, corripienda. Itaque, Dilige inimicū: quia
 tam veraciter tibi est proximus, quàm amicus tuus, & ci-
 ba illum dum eget, quia proximus est natura. Ora in-
 super pro ipso, vt Deo tuo lucrifacias quā redemit Chri-
 stus, sanctificauit Spiritus Sanctus animā eius. Hoc enim *Rom. 12.*
 faciens, carbones ignis congeres super caput eius: quibus
 scilicet tādē incalescet cor eius veræ charitatis flammū-
 lis. Noli vinci à malo: sed vince in bono malum. Addit *Ibidem.*
 autem Saluator, Vt sitis filij Patris vestri qui in cælis est. *Matth. 5.*
 Qui solem suū oriri facit super bonos & malos, & pluit
 super iustos & iniustos: in huiusmodi communibus ac
 necessarijs beneficijs præstandis, nullo habito respectu
 affectionum, quibus homines intus aut bene aut malè
 affecti sunt: sed tantummodo naturæ, qua dum sunt, fa-
 ctura eius existunt. Vt sitis, inquam, filij Patris vestri: nō
 naturā duntaxat illi consortes: sed & moribus & actione
 persimiles. Quales peculiari tropo filij Patris sui dicūtur:
 eò quòd in se repræsentent & naturam & viscera ac mo-
 rum honestatem, quæ in Patre conspiciūtur, quàm pro-
 ximè totum quod Patris est, in se exprimentes. Si enim *Matth. 5.*
 diligitis, inquit Dominus, qui vos diligunt, quam mer-
 cedē habebitis? Quasi diceret, Nullā nisi mūdi huius. At
 mūdus transit, & cōcupiscentia eius. Et vbi tū remunera-
 tio vestra? Nōne & publicani hoc faciūt, quos certū est
 perire, nulla pro tali dilectione accepta remuneratione?
 Et si salutaueritis fratres vestros tantū, quid ampliùs faci-
 tis? Nōne & ethnici hoc faciūt? Nihil sanè dignū nomi-
 ne Christiano, nihil paternis affectionibus simile feceri-
 tis,

tis, si hoc tantum facitis, quod & ethnici, & publicani, & omnes omnium hominum nationes faciunt. Vos ergo renati, redempti, cælestibusque muneribus reformati, estote perfecti, scilicet in norma dilectionis prosequenda, sicut & pater vester cælestis perfectus est. Quam perfectionem ferè sustulerant Iudæi suo malo, sed trito proverbio, Diliges amicum, odio habebis inimicum. Hominum namque alios diligere, alios odio habere imperfectio est. At diligere omnes eam perfectionē imitatur, quā est cernere in opere Dei, cumulantis sua beneficia in bonos simul & malos.

De eo quod dictum est, Mandatum nouum do vobis, vt diligatis inuicem sicut dilexi vos. CA B. XVII.

M.



Aluator noster Ioan. 13. Mandatum, inquit, nouum do vobis, vt diligatis inuicem, sicut dilexi vos. Rursum Ioan. 15. Hoc est præceptum meum, vt diligatis inuicem, sicut dilexi vos: admodum seriò inculcans hanc præceptionem, velut exemplum quid, antea non auditum.

D. Nónne in lege scriptum erat, Diliges proximū tuum sicut teipsum, prout hucusque me docuisti? Cur igitur nouum appellatur quod tam vetus esse conuincitur?

M.

*Præceptū
Christi di-
citur no-
uū: quia no-
uum facit.*

Dicimus medicinam sanam, quia sanitatem in corpora male affecta inducit. Mortem item pallidam, quod membra efficiat pallida. Timorem gelidum, vinum autem simili figura. Qua & hoc loco dicitur mandatum charitatis nouum, non quod recens datum sit: sed quia noxia vetustate pulsa, totū hominem innouat, vt sit noua creatura in Deo: & renouetur interior homo de die in diem, etiam si is qui foris est corrumpatur. Et reuera qui afficitur erga proximum suum, quomodo erat affectus erga suos Christus, nouus homo efficitur, nouus

intus

1. Cor. 4.

intus in corde, nouus foris in conuersatione, totus alius quam antea erat, totus azymus, totus Christianus, nihil spirans præter spiracula vitæ, nihil quærens præter ea quæ Dei sunt & aliorum. At istud licet bene sit ac mysticè dictum secundū diuum August. atque alios vetustissimos patres: tamen longè veriùs conformiùsque textui dixeris, ideo vocari nouum mandatum: quia nunquam antea datum. Antea quidem præceptum erat, Diliges proximum tuū sicut teipsum: verū à Christo præcipitur, Diligite inuicem sicut dilexi vos. Dilectionis quæ antea præcipiebatur exēplar erat dilectio sui ipsius: dilectionis verò per Christum præceptæ exemplar est dilectio, qua Christus dilexit nos. Illa sequitur formam iuris naturalis: quia amabilia quæ sunt ad alterum naturaliter surgunt ex amicabilibus quæ sunt ad seipsum secundum Philosophos. Ista verò ordinem ingreditur rerum supernaturalium. Nam Christus dilexit nos diuinæ, affectu plus quam naturali vel humano purè gratis, purè spiritualiter, purè propter Deum nostramque salutem, purè ad omnium quæ habuit cōmunionem: adeo quòd sanguinem cordis poneret pro nobis, non spectando aliud, quam vt nos secum vnum faceret cum Deo. Quæ admodum pulcherrimè explicatur, Ioan. 17. Vt omnes, inquit, vnum sint, sicut tu Pater in me, & ego in te, vt & ipsi in nobis vnum sint. Rursum, Et ego claritatē quam dedisti mihi dedi eis, vt sint vnum, sicut & nos vnum sumus. Præcipit ergo vt Euangelicæ philosophiæ discipuli, ita se mutuo diligant, sicut ipse dilexit nos.

Secundo dicitur nouū: quia nunquam antea datum.

Christiani debent se mutuo diligere sicut diligunt à Christo.

- D.** Siccinè præcepit? Et quotusquisque saluus erit? Aut ubi sunt qui omnia, qui sanguinem cordis vel animam ponunt pro proximis suis?
- M.** Rursum tibi hoc loco perpendendum, quòd vox, sicut, non quantitatē, sed similitudinis significationem habet.

Sicut, similitudinis nō quantitatis significatiōē habet

DE DILIGENDO DEVM

habet. Non enim præcipitur à Christo, vt tantum diligamus nos mutuo quantum Christus dilexit nos: sed vt simili modo nos diligamus: nempe diuinè, spiritualiter, prorsus gratuito, non ob sanguinis odorem, non commodi vel relationis gratia, sed tantummodo hoc spectando, vt sint vnum nobiscum in Deo & Christo filio eius, nosque illis impendamus quantum commodè pro loco ac tempore, nostrisque facultatibus possumus, ad eum finem vt sint, quod eos esse oportet, in Christo, hoc est, vt verè Christianè diligamus quoscūque diligimus. Repetit autem Dominus hoc suum mandatum Ioan. 15. dicens: Hoc est præceptum meum vt diligatis inuicem, sicut dilexi vos. Quasi diceret, Nunc à me datur vobis hoc mandatum, quod ante me datum est nunquam, sicut nec dari potuit. Siquidem exemplar primum exhibendum, ac deinde quod ad eius imitationem fieri debet præcipiendum. Atque eam ob causam non dedit hoc mandatum, nisi cum accessurus esset ad mortem, iam iam positurus animam suam pro amicis suis. Augustinus verò intelligit quasi per emphasim dictum, hoc est præceptum meum. Ac si diceret, Hoc in primis, hoc præ omnibus cordibus vestris impressum cupio, tanquam non sit vllum aliud mandatum. Et enim vnum hoc sufficit, vnoque isto obseruato, sunt obseruata omnia: ne multitudinem præceptorum onerosum habeatur Evangelium.

D. Caterum an nos similiter pro nobis mutuo debeamus animas nostras ponere?

M. Omnino. Si officium susceptum, si necessitas Ecclesiæ, si fidei confitendæ, vel scandali præcauendi occasio sic postulât. Nam Apostolus Christi Ioânes expressè docet, Quoniam ille animam suam posuit pro nobis, & nos pro fratribus debemus animam (hoc est, vitam qua corporaliter viuimus) ponere. Sicuti & innumera agmina san-

Quando
Christianus
pro Christi-
anâ suâ po-
nere debet.

sanctorum suas vitas, deposuerunt pro fratribus. Non
 utique vtillis sanguinis sui effusione salutem pararent:
 hoc enim ad vnum spectat mediatorem generis humani
 Christum, qui est vitis vera cunctis palmitibus succum
 præbens & fructum, sine quo nec sancti Martyres quic-
 quam facere potuerunt. Vnde diuus August. tractans *August. su-
per Ioan.
Tract. 84.*
 hunc locum Ioannis dicit, Etsi fratres pro fratribus mo-
 riamur: tamen in peccatorum fraternorum remissionem
 nullius sanguis Martyris funditur, quod fecit Christus
 pro nobis: neque in hoc quid imitemur, sed quid con-
 gratularemur contulit nobis. Hæc August. Nunquid *1. Cor. 1.*
 Paulus crucifixus est pro vobis, aut in nomine Pauli ba-
 ptizati estis? Quinimo, vt Ioannes Apostolus inquit, *1. Ioan. 2.*
 Aduocatum habemus apud Patrem Iesum Christum iu-
 stum: & ipse est propitiatio pro peccatis nostris: non pro
 nostris autem tantum, sed etiam pro totius mundi. Nis-
 hil defuit passionibus Christi: dixit enim, Consumma- *Ioan. 19.*
 tum est: quicquid scilicet pertinet ad mysterium redem- *Quomodo
homo im-
plet que
defunt pas-
sionū Chri-
sti.*
 ptionis generis humani. Nullius hominis sanguis fun-
 dedus restat in pretium pro animabus fratrum redimen-
 dis. Restat. quidem vt olim tempore Apostolorum, ita
 & nunc aliquid afflictionum & pressurarum Christi,
 quas ipse adhuc ferre debet, non utique in suo corpore
 nato ex virgine Maria: sed in corpore suo mystico, quod
 est Ecclesia: vt tulit in diuo Petro, Paulo, Stephano, Lau-
 rentio, alijsque Martyribus. Quales passionibus licet in car-
 ne Martyrum consummatæ sint: rectè tamē Christi di-
 cuntur eo loquendi tropo, quo afflictio membri dicitur
 esse capitis dirigentis membrum. Quo & illud dictum
 est, Saule Saule quid me persequeris? Quasi diceret, Per- *A. 7. 9.*
 secutionem qua membra mea malè tractas, in me commit-
 tis. Et illud, Amen dico vobis, quàm diu fecistis vni de *Matth. 25.*
 his fratribus meis minimis, mihi fecistis. Hinc Apostolus

Collos. 1. pro fide affectus, Adimpleo, inquit, ea quæ defunt passionum Christi, in carne mea pro corpore eius quod est Ecclesia. In carne enim mea sustineo, quod in membris Christi tolerandum restat. Sicut & alij Christiani sustinere debent quisque pro modulo suo, potissimum qui præsumt aut docendi prouinciam suscipiunt. Non enim passus est pro nobis Christus, vt nos nihil patiamur: quin potius vt sequamur, teste Petro, vestigia eius.

1. Pet. 2.

*Qua ratio
ne dicatur
pro alijs es
se, quod pa
tiuntur san
cti Dei ho-*

*mines. D.
In Symbolo
Psal. 118.
Rom. 9.*

D. At nos quomodo patimur aut pati debemus pro fratribus, imò pro corpore Christi quod est Ecclesia?

M. Nónne quod facio aut patior in causa communi quæ mea est et alterius, vt simul illum adiuuem, illú conforté, illú ad felicé susceptæ causæ finé perducé, pro illo facio? Vtique.

M. Alioqui vbi illud, Sanctorum communio? Et illud? Particeps ego sum omnium timentium te? Et illud? Operabam ego ipse anathema esse à Christo pro fratribus meis? Si omnia benefacta, omnia gloriosa certamina, vulnera, aliaque merita Sanctorum cedunt in communem vtilitatem membrorum corporis Christi: multò maxime ea confessio fidei, quæ sub tormentis velut lux quædam eximia fulget, constantiaque animi, qua gladios, vndas, rogos, & quicquid potest terribilius excogitare tyrannus, sustinent potiùs vel sexcentis vicibus, quàm latum culmú à Christo vel Euangelio eius declinent. Et mundum, & charos amicos, & vitam propriam, & omnia posthabentes, quò se multosque fratres secum Christo crucifaciant. Qualia profecto admirandam vim habent exempli & beneficentiæ in communitate fidelium. De exemplo quidem habes 2. Machab. 6. cap. Nā Eleazarus vnus de primoribus scribarum vir ætate prouectus & vultu decorus, cùm manus incircuncisorum hominum euadere potuisset vel modica simulatione, sic inquit, Nón enim ætate

etate nostra dignum est, fingere, vt multi adolescentium arbitantes Eleazarum nonaginta annorum transisse ad vitam alienigenarū, & ipsi propter meam simulationem, & propter modicum corruptibilis vitæ tempus decipiantur, & per hoc maculam atq; execrationem meæ senectutis conquiram. Nam etsi in præsentī tempore supplicijs hominum eripiar: sed manum Omnipotentis nec viuus nec defunctus effugiam. Quamobrem fortiter vitam excedendo, senectute quidem dignus apparebo; adolescentibus autem exemplum forte relinquam, si pròpto animo ac fortiter pro grauissimis ac sanctissimis legibus honesta morte perfungar. De beneficentia certum est. Nam vt fidæ historiæ tradunt, Sancti sæpe multò plures lucrifecerunt Christo moriendo fortiter pro fide, quàm antea exemplariter viuendo. Si impijs cessit ad lucrum & benedictionem habere secum habitantes sanctos Dei homines, vt cessit (Nam Deus benedixit domui Labā propter patriarcham Iacob: & domui Putipharis propter castitatis speculum Ioseph. Dicens insuper de Sodomis & Gomorrhæis, Non delebo eos, inquit, propter decem iustos si inuenti fuerint inter eos). Nonne magis cedere debet pijs ad exemplum, ad benedictionem, ad inflammationem eximia illa virtus confratrum, qua vitam malunt deponere, quàm non facere quod Christiani est officij? Atque hinc est quod Apostolus asserit suas afflictiones quas patiebatur in carne sua esse pro corpore Christi, quod est Ecclesia: quia cedunt in communem vtilitatem Ecclesiæ, incitando illam, adiuuando, roborando, ditando denique ipsam sanctissimarū actionum & tolerantiarum vberimis meritis. Habet itaque charitas erga proximum sua incrementa ac gradus, quorum primus est, Diligere proximum sicut teipsum. Secundus, Diligere proximum sicut Christus dilexit nos. Tertius, Sic affe-

Prodest impijs habere pios secum habitantes.

Genes. 30.

Genes. 39.

Genes. 18.

Dilectio proximibet sua incrementa et gradus.

DE DILIGENDO DEVM

Ioan. 15.

Etum esse amore erga fratres, vt velis omnia tua tam illis quos diligis, quam tibi communia esse. Quo gradu cœperunt sese diligere Christiani post datum Spiritum Sanctum, Act. 2. & 4. cap. Quartus ac supremus gradus charitatis est, ponere animam suam pro fratribus suis, dicente Salvatore: Maiorem hac dilectionem nemo habet, quam vt animam suam ponat quis pro amicis suis. Nam qui impendit Christianè amicis suis non solum quod habet, quodque potest: verum etiam hoc ipsum quod est, nimirum animam suā ac vitam: is profecto summum perfectæ dilectionis symbolum exhibuit,

Elenchus capitum Tractatus DVODECIMI.



Vid differentiæ sit inter consilium ac præceptum, & de varia significatione vocis Consilium. Cap. I.

De quibus danda quærendaq; sunt consilia Euangelica. Cap. II.

De verbis Apostoli quibus consulit virginibus, innuptis, ac viduis vt sic permaneant. Cap. III.

De quibusdam difficultatibus circa verba Apostoli. Cap. IIII.

Quid ipsemet Christus de virginitate ac cœlibatu tradat. Cap. V.

Cœlibatum ac viduitatem, in primis virginitatem habere magnificam promissionem in Scripturis. Cap. VI.

Qualia quantaq; exempla sanctæ virginitatis ac cœlibatus proponant nobis Scripturæ sanctæ. Cap. VII.

De illo Scripturæ, Nemo potest continens esse, nisi Deus dederit. Cap. VIII.

Vota castitatis licita esse & sancta, etiamsi ipsa castitas donum Dei existat. Cap. IX.

Quæ sit paupertas ad quam nos hortatur Euangelium. Cap. X.

Voluntariam paupertatem mundo illatam esse simul cum ipso Euangelio salutis. Cap. XI.

Quid

Quid sit illud centuplum quod eligentibus paupertatem Euangelicam repromittitur.

Cap. XII.

Paupertatē Euangelicā non vnius generis esse, sed variā. Cap. XIII.

De verbis Lucæ in Actis Apostolorum, Nemo quicquam ex eo quod possidebat, aliquid suum esse dicebat.

Cap. XIII.

Quid censendum de illis qui volunt omnia omnium Christi fidelium bona cunctis esse communia.

Cap. XV.

De laudibus quas habet in Scripturis spontanea possessio rerum in comuni.

Cap. XVI.

De erroribus illorum qui æquant aut præferunt diuitias paupertati.

Cap. XVII.

De obediētia quid sit, et quo propriē relationē habeat. Cap. XVIII.

De diuisione obediētiæ in diuersas partes quasi specificē distantes.

Cap. XIX.

Obedientiā quæ annumeratur inter cōsilia Euangelica quibus sit Scripturis demonstranda.

Cap. XX.

De diuersis gradibus obediētiæ ex parte illorum quibus est obediendum.

Cap. XXI.

De gradibus obediētiæ ex parte obediētis.

Cap. XXII.

Quam habeat obediētia promissionem in Scripturis sacris potissimum libera, quæ inter cōsilia annumeratur.

Cap. XXIII.

De monastica et eius partibus.

Cap. XXIV.

Puram monasticen non debere insimulari hypocrisicos aut seruitutis introductæ contra libertatem Euangelicam.

Cap. XXV.

De veneratione monasticæ antiquitate.

Cap. XXVI.

Tractatus duodecimus.

Quid differentie sit inter consilium ac præceptum, & de varia significatione vocis consilium.

CAP. I.

M. **C** Démne, an diuersum significant consilium & præceptum, consulo & præcipio?

D. Longè diuersum. Nam præceptum stringit obligatione: consilium verò in beneplaciti libertate relinquit.

M. Quàm optimè. Siquidem teste Ambrosio, Consilium inuitat voluntarios, præceptum verò astringit etiam inuitos. Vbi præceptum est, ibi lex, vbi consilium, ibi gratia. Præceptum vt ad naturam reuocet, consilium vt ad gratiam prouocet. Quibus astipulatur Hieronymus in hunc modum differens: Vbi consilium datur, offerentis arbitrium est: vbi præceptum, necessitas est seruientis. Sed maioris, inquit, est mercedis quod non cogitur sed offertur. Consilium qui libenter audierit & fecerit maiorem habet gloriam. At præceptum qui non impleuerit, nisi pœnitentia subuenerit, pœnam euadere nō poterit. Neque fit præceptio, nisi in eum qui præcipientis auctoritati subiicitur. Consilium verò & quibusuis datur, & datum faciendi necessitatem non imponit. Virgo quippe si nupserit, non peccat, secūdum Apostolum. At coniunx si vsum suū ad alienum virum transferat, valde offendit propter præceptum, Non mœchaberis. Dicigitur, vox Consilium quid propriè significat?

Vox consilii diuersimodè scripta diuersa significat. D. Vox illa vt diuersis characteribus pingitur, ita & diuersas sortitur significationes. Cū enim scribitur per c, significat idem quod cœtus siue conuentus procerum, aut aliorum consultandi gratia cœuntium. Sic dictum à con-

concalando, hoc est, conuocando: vel à consilio siue cōsensu, vt Festus opinatur. Cuius generis cōcilia legūtur inter Ethnicos celebrata, quoties ardua communiaque rerum publicarum negocia id exigebant, dicente Casare: Quibus de causis concilio conuocato de summa rerum deliberare incepit.

- M. Leguntur & inter Christianos in arduis negocijs Ecclesiæ quàm creberrimè habita istiusmodi concilia. *Conciliū et Synodus*
 Quæ Græcè Synodi, Latinè verò conuentus Patrum ap *idē signifi-*
 pellantur. Idque potissimū à temporibus Constantini *cant.*
 Magni dantis Christianis liberam conueniendi facultatem, qualem antea sequentibus persecutionibus nūquā habuerant. De quibus sanè cōcilijs Ecclesiæ, potissimū ijs quæ primaria sunt, scribit diuus Gregorius in hunc modum: Sicut sancti Euangelij quatuor libros, sic quatuor concilia suscipere & venerari me fateor: Nicenum scilicet, in quo peruersum Arii dogma destruitur: Constantinopolitanum quoque, in quo Eunomij & Macedonij error conuincitur: Ephesinum etiam primum, in quo Nestorij impietas iudicatur. Chalcedonense verò, in quo Euthicetis Dioscorique prauitas reprobatur, tota deuotione complector, integerrima approbatione custodio. Quia in his velut in quadrato lapide, sanctæ fidei structura confurgit. Subdit, Cunctas verò quas præfata veneranda concilia personas respuūt, respuo: quas venerantur, amplector. Quia dum vniuersali sunt consensu constituta, se & non illa destruit quisquis præsumit aut soluere quos ligant, aut ligare, quos absoluūt. Quisquis ergo aliud sapit, anathema sit. Quisquis verò prædictarum Synodorum fidem tenet, pax ei sit à Deo patre per Iesum Christum filium eius. Hæc ille libr. i. epist. cap. 24. scribens Ioanni Constantinopolitano & quibusdam alijs. Sunt autem & alia à patribus habita venerandæ au-

*Cuius sint
auctorita-
tis quatuor
Ecclesiæ cō-
cilia.*

Oecumenica concilia. Auctoritatis concilia. Nunc Oecumenica, hoc est, vniuersalia, quòd ad illa ex omni parte orbis Christiani patres conuocentur, tractandi gratia quæ vniuersam Ecclesiam concernunt : nunc Prouincialia, in quibus ab vnius *hæc concilia.* prouinciæ episcopis & clero negocia suæ diocesis pertractantur.

D. Cæterum, an eiusmodi concilia Ecclesiæ vniuersalia vel particularia vllum exemplar aut imaginem habeant in Scripturis aut factis Apostolicis?

M. Omnino. Vniuersalia quidem Actorum decimo quinto, vbi narrat Lucas, quòd audita relatione Pauli & Barnabæ venientium ex Antiochia, ac aliorum ex alijs qui diuersam partem sustinebant, Conuenerunt Apostoli & Seniores videre de verbo hoc, nèpean oporteat circumcidere gentes, & præcipere eis obseruare legalia, præsentibus in eo concilio archiapostolo Petro, & fratre Domini Iacobo Episcopo Hierosolymitano. Prouincialia vero Actorum decimo nono, vbi narratur, quod Paulus Apostolus, conuocatis Ephesi his, qui maiores natu Ecclesiæ erant, fecit Synodum eius prouinciæ, cui & ipsemet præsedit. Vtique ergo est inuenire in scripturis formam tam vniuersalium conciliorum quàm prouincialium. Quæ quanta polleant auctoritate, quantaque veneratione ipsorum decreta suscipi debeant, facile conuincit cui studio est contexere demonstrationem ex Scripturis, quas hîc subijcio, Ecclesia columna est & firmamentum veritatis.

1. Tim. 3. Si Ecclesiam non audierit, sit tibi sicut ethnicus & publicanus. *Matth. 18.* Quòdcunque ligaueritis super terram, erit ligatum & in cælo. Cum autem pertransirent Paulus & Timotheus ciuitates, tradebant eis custodire dogmata, quæ erant decreta ab Apostolis & senioribus, qui erant Hierosolymis. An quæso vspiam possit aut plenius coire, aut viuacius, aut potentiùs Ecclesia, quàm in vniuersalibus con-

concilij? An non summæ dementiæ foret nolle obseruare decreta conciliorum Ecclesiæ, cum Paulus & Timotheus per ciuitates docuerint, retinenda ea quæ tum temporis ab Apostolis & senioribus in publicis conuentibus communi deliberatione decreta fuerât? Verum quia isto loco non sumus pertractaturi de hoc genere conciliorum, ideo hæc de illis prægustatio sufficiat, nosque ad institutum reuertamur.

D. Cum verò scribitur vox Consiliū per s, definitur à Cicerone, aliquid faciendi nō faciendūue excogitata ratio. *Vox consilium per s. quid significet.* Quoties enim, teste Aristotele, per plura aliquid fieri potest, consilio inquiritur per quod facilius & optimè fiat.

M. Et id sanè optimè. Nam consiliū nō aliud, est, quàm ratiocinatio, inquisitio, ratio siue sententia prosequendi id inter plura, quod aptius expeditiusque ad præconceptum finem videtur. Et surgit aliquando in mente agentis, iuxta illud, Mens cordati hominis sedes est consilij. Hinc Ioseph ad fratres suos, Non vestro, inquit, cōsilio, *Genes. 45.* sed Dei voluntate huc missus sum. Diciturque tam in malo quàm bono. Nam David rogat, Infatua quæso Domine consilium Architophel: eò quòd peruersissimum esset. Estque in prouerbio, Malum consilium consultori pessimum. Iudæ autē Machabæo incidit, ait Scriptura, *2. Reg. 15.* consilium bonum, vt destrueret altare à gentibus pollutum. *1. Mach. 4.*

De quibus danda quærendaque sint consilia Euangelica.

CAP. II.

M.



Ocautem loco in primis scire debes, nec quæ- *De fine nō*
ri, nec dari consilium de ipso fine, vt finis est, *quæritur*
eò quòd fines principiorum rationem habeāt. *consilium.*
Principiorum autem non sit inquisitio: sed velut

Iut certa in mente agentis præconstituta manent. At consilium inquisitio quædam rationis est. Quis enim prudens vnquam consilio inquit, num Deo sit adhærendum: cùm is sit finis ac scopus quò certo tendimus omnes, dicente Propheta in persona Ecclesiæ: Mihi adhæ-
Psaln. 72. rere Deo bonum est. Id quæ absolutè, citra omnem comparationem. Quasi diceret, Hoc vnum, hoc semper, hoc in primis, & præ omnibus est optandum. Quia ecce qui
De medijs ad finē datur cōsiliū. elongant se à te peribunt. Cæterùm de medijs quibus ad finem peruenitur, dat accipit quæ consilium vir prudens. Non tamen de quibusuis medijs: quia nō de ijs quæ certo determinata sunt, aut natura, aut præcepto, aut necessitate. Quis enim consilio inquit, num cibo vti aut potu debeat: vel parentes colere: vel mortem euadere. Cùm primum natura, secundum præcepto, tertium necessitate certò determinatum existat?

A. 2. D. Nōne Iudæi compuncti corde ex sermone Petri, quærebant consiliū super eo, quod certissima lege Evangelica definitum erat, dicētes: Viri fratres quid faciemus?

A. 2. M. Lex suscipiendi Baptismi tūc quidē data erat Ioan. 3. verū necdum sufficienter inter alios promulgata, vt omnibus cōstaret lauacrum salutaris ablutionis esse medium necessarium salutis inueniendæ. Quapropter rectè quærebant illi consilium, dabat quæ illis Petrus, di-

A. 2. cens: Pœnitentiam agite, & baptizetur vnusquisque vestrum in nomine Iesu Christi in remissionem peccatorum vestrorū. Sicut & Ioannes Baptista dedit consilium militibus, super ea re de qua secundum legem nihil erat
Cōsilia Evangelica non dantur de rebus minimis seu indifferentibus. dubitandum.

D. Cur igitur dabat?

M. Quia militaris conscientia larga, corrupta, cæca, plærumque etiam expressè prohibita inter licita aut indifferentia cōputare solet. Adhæc non dantur consilia Evangelica

gelica de illis quæ minuta sunt, seu prorsus talia, vt siue sic, siue aliter fiant perinde æstimatur à Deo. Qualia nūc tempore Euangelij sunt comedere vel non comedere suillas carnes, lotis vel illotis manibus manducare, edere de idolothytis, hāc aut aliam exercere artem mechanicā, conciuem vel exteram in vxorem ducere, hac vel illa indui tunica. De quibus non magnopere curat Euangelium præscribere cōsilia: sed de eiusmodi pronūciat Apostolus certas quasdam doctrinas, quas præ oculis habere oportet, dicens: Is qui manducat, non manducantem nō *Rom. 14.* spernat: & qui non manducat, manducantem non iudicet. Et alibi, Omnia quidem mūda sunt: sed malum est homini, qui per offendiculum manducat. Nam si esca scandalizat fratrem meum, non manducabo carnem in æternum, ne fratrem meum scandalizem. Rursum, Siue ergo manducatis, siue bibitis, siue aliud quid facitis, omnia in gloriam Dei facite. In illis itaque quæ nec lege, nec præceptione, nec propriæ volūtatis voto, nec vlla à patribus recepta cōsuetudine vetita aut in alterā partem determinata existunt, neque multum momenti habent ad salutem, sic an secus fiant, oportet permittere secundum Paulum, vt vnusquisque in suo sensu abundet. Quali- *Rom. 14.* tercunq; enim facit, rectè facit, dūmodo in gloriam Dei dirigat quod facit, neminemq; scādalizet, nec aliū non facientē propterea iudicet. Quas tres cōditiones Apostolus in talibus diligenter obseruandas mandat locis præallegatis. Sunt autem præter iam dicta & alia quædam media salutis inueniendæ, quæ licet in neutram partem sint definita, mirè tamen conducunt atque expeditum faciunt, *Consilia Euangelica de quibus sint data;* vt totus Deo diuinisq; rebus inhæreas, nempe virginea castitas, cœlibatus, abdicatio rerum, vt nudus nudum sequaris Christum, fraterna possessionum tuarum communicatio, recessus ab hominum consuetudine amore veri-

veritatis contemplanda, submissio sui ipsius sub alterius potestate vicē Dei gerentis, dimissis omnibus soli Euangelio annunciando intendere, carnem mortificare abstinentijs certōue ciborum delectu, & eius eminentiæ alia. Quanquam enim connubium, res item temporales, & munia functionum potestas insuper propriæ voluntatis, suarumque rerum ad suas utilitates vsus: adhuc edere & bibere quiduis cū moderamine rationis, nihil repugnēt Euāgelio Christi, imò in eo laudem ac meritū habeant, dum secundum virtutem pertractantur, adferunt tamen secum multam sollicitudinem, variasque distractiones, & perturbationes, sed & frenum laxant inquietæ carni, malarumque insuper concupiscentiarum ignem nutriunt, haud secus atq; arida ligna focum, ingerentes vndeque multifariam tentationem donec abstrahant, abstractumque illaqueant atque perdant. Hinc Apostolus,

1. Tim. 6. Qui volunt, inquit diuites fieri, incidunt in tentationē, & in laqueum diaboli, & desideria multa inutilia & nocua, quæ mergunt homines in interitum & perditionē.

1. Cor. 7. Rursum, Tribulationem tamen carnis habebunt eiusmodi, loquens de virginibus nubentibus. Et Dominus ad Martham, Martha, inquit, Martha sollicita es, & turbaris erga plurima: Porro vnum est necessarium. Non obstante eo, quod mulier sancta pientissimè occupata esset in ministerio Domini & discipulorū eius. Alia verò testimonia, quæ hīc citari possent, prudens sciensque omitto. Ut igitur amputentur à nobis fomenta malorum, sollicitudo insuper & distractio, sitque ad manum subsidiarium medium virtutis expeditè colendæ, dedit nobis ipse misericordiarū Dominus. in verbo suo diuino quædam expressa cōsilia, quibus inuitat, suadet & hortatur, studio indefesso prosequenda, ea quæ suprā commemorauimus. Addēs magnificas promissiones ijs, qui eiusmodi suis

di suis consilijs auscultant: ne quis arbitretur non quàm gratissimum fore Deo suo, si in illis se fortiter exerceat. De quibus nunc demonstrationes singulatim auspicabimur. Et quidem primò de Virginitate, cœlibatu & Viduitate. Secundò de Paupertate Evangelica. Tertiò de Submissione sui ipsius sub obedientiam alterius. Quibus subiiciendumerat de abstinentijs, ciborumque delectu consultis ad corporis mortificationem, & de illa profusissima rerum tuarum largitione in pauperes ut thesaurum tibi reconditum habeas in cœlis. Verùm commodior de illis agendi locuserit libro sexto tractatu de virtutibus Evangelicis. Tu autem attentus esto, neque chartæ aut calamo parcas. Iam enim de preciosissimis margaritis Evangelicis inter nos ratiocinatio erit.

De verbis Apostoli quibus consulit virginibus, innuptis, ac viduis ut sic permaneant. CAP. III.

M. **D**E quibus, inquit Apostolus, scripsistis mihi, ô *1. Cor. 7.*
 Corinthij, hoc respondeo: Bonum est homini *Cōsilia Vir*
 mulierem nō tangere. Propter fornicationem *ginitatis et*
 autem unusquisque suam uxorem habeat, & *cōtinentiæ,*
 unaquæque suum virum habeat. Rursum, Dico non nu *quibus scri*
 ptis & viduis, bonum est illis si sic permanserint, sicut & *pturis data*
 ego. Tertiò, De virginibus præceptum Domini non ha *sint.*
 beo, consilium autem do tanquam misericordiam consecutus à Domino, ut sim fidelis. Existimo ergo hoc bonum esse propter instantem necessitatem, quoniam bonum est homini sic esse. Consuluitis me scriptis vestris super connubio, virginitate, ac cœlibe vita: ecce loco cōsiliij verè Evangelici vobis rescribo, Bonum esse homini mulierem non tangere, hoc est, prorsus abstinere à congressibus carnis. Et id quidem dico bonum homini citra exceptionem ætatis aut personæ. Ergo cuius mortalium bo-

bonum: nō utiq; soli sacerdoti, sicut quidā, teste Theophylacto, nugantur. Et quidem bonū absolutē, hoc est, tale bonum, quod per se est appetibile ratione virtutis ac honestatis & eminentiæ quas in se continet. Non autem ratione alterius, ut connubium & usus eius, quæ ut inter bona connumerentur aliunde cohonestari debent, nempe Sacramento, fide, & prole, vel incontinentiæ vitandæ causa. Ne autem ex istis ea constantia pronunciatis per Apostolum, existimarent Corinthij, aut soluenda connubia, aut à maritalibus commercijs abstinendum, mox subiungit per aduersatiuam particulam, Propter fornicationem autem vnusquisque suam vxorem habeat, & vnaquæque suum virum habeat. Vxori vir debitum reddat, similiter autem & vxor viro. Quasi diceret: Quamquam Virginitas eximia quædam res est, admodum cæteris præligenda: tamen ipsa coniugia, ipsa que coniugum commercia vtique licita sunt, etiam tempore Euangelij, vel solius fornicationis vitandæ gratia. Rursum, quamquam ad ineunda connubia nullo debito, nullæque necessitate obligetur homo (quia bonum est homini mulierem non tangere) tamen quisquis contrahit matrimonium, vendit libertatem, debitorque alterius efficitur. Nam mulier post connubium potestatem sui corporis non habet, sed vir. Similiter autem & vir potestatem sui corporis non habet, sed mulier. Nolite igitur fraudare inuicem, nisi forte ex consensu ad tempus, ut vacetis orationi, & iterum reuertimini in idipsum: ne tentet vos Satanathas propter incontinentiam vestram. Cui subnectit. Hoc autem dico secundum indulgentiam, non secundum imperiū. Ac si diceret, Tantum abest, ut priori illa mea sententia velim præiudicare congressibus matrimonialibus, ut ordinem vobis post orationem reuertendum in idipsum. Non quidem quòd id præcipiam (nam multi

sanctissi-

sanctissimi coniuges ex mutuo consensu perpetuò abstinent à congressibus carnis, cum pudicitiz amore tum orationum causa) sed cōcedo, vt fiat regressio in idipsum propter quorandam incontinentiam, ne detur Sathanæ tentandi vos occasio. Quæ si non obstaret, profectò vellem, quantum in me est, omnes homines esse sicut meipsum. Sed vnusquisque proprium donum habet ex Deo, alius quidē sic, alius verò sic. Quo loco obseruabis quòd Apostolus non dedignatur se in medium proferre, quò magis persuadeat sanctam continentiam. Quod sanè quoties facit, reuera arduū quid & excellēs proponit. Hucusque, fili, velut in genere egit Apostolus de continentia & coniugio. Exinde autem in specie, & quidem nominatim agit de cœlibatu, de viduitate, & de virginitate, intexens de cōiugij indissolubilitate, nisi fortè ob irreperabilem disparitatem cultus. Quod vnum missum faciemus, de reliquis qua poterimus diligentia pertractaturi.

D. At quàm bonum homini mulierem nō tangere, cum dicat conditor Deus, Non est bonum hominem esse solū, faciamus ei adiutorium simile sibi? *Genes. 2.*

M. Expecta paulisper. Postea oportunior obijciēdi hæc & huiusmodi locus erit. Apostolus verò quod cœperat, prosequitur in hunc modum, Dico autem non nuptis & viduis, bonum est illis, si sic permāserint, sicut & ego. Quòd si non se continent, nubant. Melius est enim nubere q̃ vri. Rursum hīc obserua, qua constantia consulat Paulus cœlibatū & vidualē continentiam. Per nō nuptos enim intelligit cœlibes, etiā si aliquādo parū virginea fuerint mēte. Per viduos verò quosq; à matrimonio verè cōtinētes. Quāmq; claro sermone cōputet cœlibatū & viduitatē inter ea quæ sunt simpliciter bona, per se expetibilia. Probanz interim coniugium, vbi est incontinentiæ

periculum. Addit enim, Quòd si non se continent, nubant. Melius est enim nubere quàm vri.

D. At homines sumus omnes, tentamur omnes concupiscentijs, quod est vri, igitur singulis melius est nubere, quàm sine coniugio permanere.

Quid sit vii. M. Haudquaquam idem sunt tentari & vri. Quòd enim vritur, detrimentum accipit ab igne, iamque concupiscentiæ flammulis crematur. Tentatio autem vt oppugnat

in carne contra carnem militantem: ita & in carne suam ipsius carnem vincentem probatum reddit atque coronat. Dum surgit motus in carne, vel cogitatio mali in mente, tentatio est. Cæterum adustio tû primum dicitur, quando tentatio trahit in consensum peccati. Sensijt utique 2. Cor. 12. Paulus stimulos seu tentationem carnis. Non tamen vrebatur. Neque ob id sibi conuolandum ad nuptias putauit: quin potius ad orationem, qua tertio, hoc est, instanter orauit Dominum, eiusque beneficio victoriam inuenit, nihil vltus, nihilque læsus in conscientia. At si raperis libidinibus in consensum, teque adurit concupiscentiæ ardor, coniunx fias. Melius est enim inire connubium à Deo institutum, quàm scortationibus, alioue genere libidinum vri, quæ nunquam non suere prohibita. Vri semper malum est, tentari verò neque malum per se, neque bonum: sed bonum vincentibus, malum verò efficitur succumbentibus.

Tentari neque bonum, neque malum. D. Itaque abusua est comparatio qua vtitur Apostolus. M. Est. Nam tales comparationes sunt admodum familiares Scripturis sacris. Vt ibi, Melius est mihi (Ionæ fugienti à facie Domini) mori quàm viuere. Et illic, Expedi ei, nempe scandalizanti pusillos, vt suspendatur mola asinaria in collo eius, & demergatur in profundum maris. Neque enim Ionæ bonum erat mori, neque scandalizanti bonum est demergi in mare: sed utriusque id ipsum bonum

bonum dicitur comparatione deterioris quod euitatur. Ut cum dicimus, Melius est proijcere merces in mare, quam naufragium pati: aut, Melius est habere vnum pedem quam nullum. Sic cum occurrunt duo nempe vri et nubere, istud certè præligendum tibi quia licitum est, quò vites illud quod nunquam licere potest, semperque nocet. Progreditur porrò Apostolus ad còsiliu *Consilium* seruandæ virginitalis, quæ cæteris præeminet, & inter homines virginitalis Angelicæ excellentiæ gloriam habet, dicens: De virgini *seruandæ.* bus autem præceptum Domini non habeo (Dominus quippe nihil præceperat de virginitate aut seruanda, aut in nuptias còmutanda: tantummodo id dixerat, Qui potest capere, capiat) consilium autem do. Non quidem vt priuatus quispiam, sed tanquam is qui misericordia Dei accitus sum ad Apostolatam, vt sim fidelis, vtique in dispensandis scientijs & mysterijs eius. Existimo enim hoc (nempe dare vobis expressum consilium super hac re) bonum esse propter instantem necessitatem, scilicet persecutionum, tribulationum, dolorum, curarum, sollicitudinum. Ex quale est illud consilium? Quoniam bonum est homini sic esse, nèpe vt virginès sunt, in ea scilicet pudicitia quæ nullam vnquam admisit sui corruptionem. De hoc consilium siue sententiã meam libera voce pronuncio, quoniam simpliciter bonum est homini sic esse. No*autem* hæc dicendo videatur aut virginibus necessitatem imponere, aut contractis nuptijs velle derogare, mox subiungit, Alligatus es vxori, ne quere solutionem. Solutus es ab vxore, (vel quia nondum duxisti, vel quia morte coniugis libertatem nactus es) noli quærere vxorem. Nam vt liberis suadeo perennem castitatem, ita coniugatis non permitto coniugij dissolutionem, sicuti nec permittere possum. Quod enim Deus coniunxit, homo non separet. Si autem acceperis vxorem, non peccasti, &

si nupserit virgo, non peccauit. Tribulationem tamen carnis habebunt huiusmodi. Ego autem vobis parco. Non peccat cœlebs, nō peccat virgo, neque (vt infrā dicit) peccat vidua, si coniugium ineant. Attamen tribulationem carnis, siue secundum carnem habebunt eiusmodi per coniugium ad quod conuolarunt. Quid possit aut clariùs dici, aut cōformiùs communi orthodoxæ Ecclesiæ?

D. Nunquid cœlibes maiorem subinde tentationem carnis sustinent, quàm qui matrimonio iuncti sunt, ipso vsu coniugij præstante refrigerium æstuantì concupiscentiæ?

M. Quæ sunt secundum inclinationem naturæ non minuit naturalem affectionem, sed vsu suo magis accendunt. Neque cessarent in eiusmodi ardores volendi, nisi deficerent vires agendi: quinimo nec tunc quidem. At *Quid intel ligat Apostolus per tribulationem carnis.* Apostolus per tribulationem carnis nō intellexit lubricas illas tentationes carnis concupiscentiæ, quibus vel extra coniugium vexantur cœlibes: sed labores, sed presuras, sed angustias, curas, sollicitudines, quales plurimas, ne dicam, sexcentas secum adfert coniugium, tum coniugis tum prolium causa. Adeo vt somnum auferant ab oculis, vires prosternant, rugasq̃ue obducant, & in florida adhuc ætate aridum ac quasi decrepitum plerunq; reddant. Pergit autem Apostolus post pauca in explicandis causis dati sui consilij, ac dicit, Volo autem vos sine solitudine esse. Qui sine vxore est, sollicitus est quæ domini sunt, quomodo placeat Deo. Qui autem cum vxore est, sollicitus est quæ sunt mundi, quomodo placeat vxori, & diuisus est. Et mulier innupta & virgo cogitat quæ Domini sunt, vt sit sancta corpore & spiritu. Quæ autem nupta est, cogitat quæ sunt mundi, quomodo placeat viro. Porro hoc ad vtilitatē vestrā dico, nō vt laqueū vobis iniiciā, id est, non vt vos cogam, teste Augustino, sed

sed ut prouocem ad id quod honestum est, & quod facultatem præbeat, sine impedimento Dominum obsecrandi. Hucusque Apostolus adeo plano disertoque sermone, ut nihil putem addendum.

D. Est tamen quod mihi remoram facit. Nam quæ sunt ista, quæ Dei esse dicit, cum inquit, Innupta & virgo cogitat quæ Dei sunt?

M. Explicat id fusè alio loco dicens: Quæcunque sunt *Phil. 4.*

vera, quæcunque pudica, quæcunque iusta, quæcunque sancta, quæcunque amabilia, quæcunque bonæ famæ, si qua virtus, si qua laus disciplinæ. Adde, quæ vitæ, quæ incorruptionis, quæ Angelicæ nobilitatis, quæ beatudinis, quæ æternæ vnionis cum eo qui semper est, omniaque potest, omnia habet, omnia præstat. Cætera tu ipse adiunge. Verum obserua quod dicit, Ut sit sancta & corpore & spiritu. Corpore, inquit, non autem membro. Membrum enim corporis pars est, corpus verò omnium compago membrorum intelligitur. Itaque ut sit sancta corpore, hoc est, omnibus membris. Non resonet lingua nisi puritatis sermonem, nō festinet pes nisi à turpium cōsortio, nulla lubricitas in oculis, nulla in manibus, nulla sit in meditatione cordis. Illud quoque debes insculpere memoriæ tuæ, quod asserit honestum esse seruare virginitatem aut cœlibem vitam, quodque præbeat facultatem indiuisè adhærendi Domino in oratione, alijsque pijs meditationibus. An non igitur valdè decorum, ut sacerdotes qui precationibus ministerijsque diuinis peragendis pro populo dedicati sunt, virginitatis aut saltem cœlibatus seruent statum. Vis nunc ut tibi summatim repetam causas dati cōsilij per Apostolum?

D. Admodum.

M. Prima est, Quia bonum est homini sic esse. Secunda, *Cause dati cōsilij per Apostolū.* Quia hoc exortem facit à quàm plurimis torsionibus,

DE CONSILIIIS

angustijs, tribulationibus. Tertia, Quia virgo aut cœlebs vnica duntaxat tanguntur cura, nempe, quomodo placeât Deo, vt quæ sancti sint & corpore & mente, cùm interim vtentes coniugio nec mente valeant, nec corpore esse sancti, id est, mundi & separati ab actibus impuritatibus. Quarta, Quia cœlibatus, potissimum virginitas præbet facultatem sine impedimento precandi Dominum, à qua coniugati longè absunt, hinc vxore querula, illinc liberis peracibus, istinc habendi sollicitudine quod sibi alijsque alendis satis sit, inde quod reliquum est iuxta appetentiâ carnis, in diuersum rapientibus. Quinta, Quod status ille per se honestamētum quoddam habeat. Sexta, Quod ipsemet Apostolus Paulus eum statum tanquam Euangelio magis conformem amplexus sit. Igitur (sic enim infert ex his alijsque Apostolus) qui matrimonio iungit virginem suam, benefacit: qui non iungit, melius facit. Et, Beatior erit vidua si sic permanferit, secundum meum consilium qui Apostolus Christi sum. Quæ certè omnia vt pressius menti insideant tanquam consulta Dei, subnectit in fine capitis velut inuictum robur doctrinæ suæ, ac dicit, Puto quod & ergo spiritum Dei habeam: vt scilicet quæ Dei sunt aptè consulem.

De quibusdam difficultatibus circa verba Apostoli. CAP. IIIII.

D. Vnt circa hunc textum Apostoli, quæ non sinit cogitationem meam quiescere.

M. Gradatim itaq; ac ordine propone singula.
D. Primum, Qua ratione dicit Apostolus, Bo-

Explicatio
illius, nō est
bonū homi
nē esse solū

num est homini mulierē nō tangere, cùm dixerit Deus, Non est bonum hominem esse solum, faciamus ei adiutorium simile sibi?

M. Aliud conditor Deus, aliud spectabat Euangelij prædicator Paulus. Cùm sic diceret Deus, replenda erat terra ho-

ra ho

ra hominibus. Cùm sic diceret Paulus, replendum restabat cælum animabus sanctis. Deus vt perficeret, quod cœperat condere, genus humanum, tum necdum consummatum, noluit hominem esse solum, hoc est vnus sexus: sed vt posset propagare naturā, dedit Adæ adiutorium, naturā quidem simile sibi, sexu verò dissimile. Enimuero tum demum vnumquodque in suo genere dicitur perfectum, cùm potest generare sibi simile. Apostolus verò cùm iam cæli patefacti essent, hominumque genus sufficienter multiplicatum, vt ruina Angelorū citiùs instauraretur, docuit continere à congressibus carnis, quò hîc inciperemus esse similes Angelicis spiritibus, quibus perpetuò posse associari in cælis, per Christū iam donatum fuerat. Nec tamen id præcipit, sed consulit: & quidem ijs duntaxat qui voluntarij sunt.

P. At subiunxit Deus suis verbis mandatū, dicens: Crescite & multiplicamini, & replete terram, quæ non repletur sine congressu maritali. Malè igitur docet Paulus: Bonum esse homini mulierem non tangere. Aut certè verba eius aliam quàm dictum est, accipiunt intelligentiam.

M. Verba illa Genes. 1. & 9. cap. non sunt præcipientis, sed dantis facultatem propagandi naturam. Sicut & illa, Dominamini piscibus maris, & volatilibus cæli, sunt dantis imperium super omnia animantia mundi. An peccent, qui non exercent imperium super lupos, aut tigrides, aut serpentes, aut super grandia cete maris? Verbis Imperatiui modi aliquādo iubemus, vt ibi, Voca operarios, & redde illis mercedem. Aliquando damus facultatem, vt ibi, Hoc facite in meam commemorationem. Et ibi, Crescite & multiplicamini. Aliquando damus consilium, vt ibi, Sine vxore es, noli quærere vxorem. Aliquando indulgemus, vt ibi, Iterum reuertimini in idipsum.

An sit præceptū, Crescite et multiplicamini

Matth. 20.

Luc. 22.

Genes. 1. 9.

1. Cor. 7.

ibidem.

2. Tim. 4. Aliquando hortamur, ut ibi, Prædica verbum, inſta oportune importune, argue, &c. Eſto autem ſit præceptiue dictum, Crescite & multiplicamini. At præcepta iuris naturæ, non antea, non magis, aut diutius obligant, quàm ipſamet natura. Vti demonſtrauimus Tractat. 10. cap. 5. Natura autem non obligat ad generandum niſi quantũ ſatis eſt propagationi. Vbi autem illa ſufficienter eſt facta, & eidem adhuc inſiſtunt, quãtum ſatis eſt, multi alij bene ſpontanei, ut inſiſtebant tempore Euangelij, & inſiſtunt in hodiernum uſque diem, ceſſat tum obligare ius naturæ, quare & ipſum præceptum iuris naturæ expreſſum. Quid verò mirum ſi ſtatu rerũ mutato, mutantur præcepta? Alius ſtatus erat hominum ante Euangelium, alius eſt ſub Euangelio. Alia inſuper tunc hominum diſtantia à conſortio cæleſtium quàm nunc, ideoq; plurima quæ olim licita fuerunt, ut pluralitas vxorum, libellus repudij, circuncifio, ritus agni Paſchalis, nunc planè illicita ſunt. Multa etiam nunc licita ſunt, ut cœlibatus, ut nẽgociatio in die Sabbathi, ut ſacer Baptiſmus, ut cõmunio corporis & ſanguinis Domini, quæ olim in populo Iudaico nullum habuere uſum, ſed nec habere potuerunt. Hinc diuus Hieronymus, Pro conditione, inquit, temporum alij, illi (ſcilicet patres veteris legis) ſubiacerunt ſententię, alij nos in quos fines ſeculorum decurrerunt. Quàm diu lex illa permansiſt, Crescite & multiplicamini. Et, Maledicta ſterilis quæ non parit ſemen in Iſraël, nubebant omnes, & nubebantur, & dereliſtis parentibus fiebant vna caro. Quando verò vox illa perſonauit, Tempus breuiatum eſt. Reliquum eſt, ut qui habent vxores, ſic ſint quaſi non habeant. Et, Qui ſine vxore eſt, cogitat quæ Dei ſunt, quomodo placeat Deo, aliter ſcilicet reſ ſe habet.

D. Deinde illud, Vnuſquiſque ſuam vxorem habeat, & vna;

vnaquæque suum virum, est ne vniuersaliter, & præci- *Explicatio*
piendo dictum ab Apostolo, quasi constituyente, vt singu- *illius, vnus-*
li incant coniugium, rem tutam, imbecillitatemque no- *quisque sua*
stram adiuantem, ne Ecclesia Dei libidinibus sæde- *vxorem ha-*
tur? *beat.*

M. Quantum terra à cælo, tantum hoc distat à mente
Apostoli, prout luculenter demonstrât tum phrasis ora-
tionis. (Nam dictum hoc, habere suam coniugē ad vsum
refertur eius quæ tibi legitima vxor facta est: nō autem
ad contractum quo tandem tibi vxor fiat. Alioqui di-
cendum fuisset, Propter fornicationem autem vnusquis-
que aliquam habeat vxorem, & vnaquæque aliquem ha-
beat virum: nunc verò dicit, Vnusquisque suam vxorem
habeat, hoc est, vtatur ea quæ iam per præeuntem cōtra-
ctum sua facta est) tū scopus totius capitis, qui est, quòd
sancta virginitas, & sacer cœlibatus præferri debeant cō-
nubijs & vniuersis moderatis eorum vsibus, tum deniq;
ea quæ mox sequuntur. In quibus seipsum speculū con-
tinentiæ proponit dicens: Volo autem vos omnes esse si-
cut meipsum.

D. Fortassis Paulus tum temporis coniunx erat, Deoq;
sub coniugali continentia militabat.

M. Non sit hoc verisimile. Nam iteratò subdit, Dico au-
tem non nuptis ac viduis, bonum est illis, si sic perman-
serint, nempe sine coniugio & vfu eius, sicut & ego, ex- *Paulus erat*
presse se an numerans inter cœlibes. Quòd si se non con- *sine vxore.*
tinent, nubant, hoc est, conuolent ad coniugium. Vt cer-
tò certius sit Paulum tum temporis fuisse sine vxore:
etiamsi non vsque adeo certum existat de perpetua ipsius
virginitate, sicuti nusquam se inter virgines cōnumerat.
Licet Ambrosius dicat, Exceptis Ioanne & Paulo om-
nes Apostoli fuerunt coniugati. At inquiramus num
coniunx tunc temporis fuit. Si fuit, aut profus tum absti- *Ambros. in*
cap. 11. 2. ad
Corinth.

nebat à congressu vxoris, aut moderatè utebatur coniugio, quia vir sanctus erat. At neutrum verè dici potest: igitur tunc sine coniugio erat.

D. Cur non posterius?

M. An precor bonum non nuptis ac viduis sic permanere in moderato congressu carnis extra matrimonium, sicut Paulus mansit in matrimonio? Absit vt hoc voluerit Apostolus Christi. Scelus enim est, extra matrimonium matrimonialiter viuere. Ideoque subdit, Quòd si non se continent in eo statu, nubant.

D. Cur non prius?

M. Quia non erat consulendum non nuptis ac viduis, sed præcipiendum vt contineant quamdiu tales sunt, sicuti & mandatum Dei id ipsum præcipit. Verùm consulendum erat eisdem quòd sic permanerent, nempe non nuptæ aut viduæ, sanctè colentes cœlibatum, sicut ipse Paulus in cœlibatu persistebat.

Obiectio.

D. Quorsum igitur alio loco dicit, Rogo & te Germana compar, hoc est, coniunx, adiuua illas: si vxorem nullam habuit?

M. Chrysostomus & Theophylactus vetustissimi auctores, vterque Græcus, & in Scripturis explicandis oculatissimus, citant hunc locum non fœminino genere, vt tu Germana compar: sed masculino genere Germane compar, referentes ad virum qui iam germanus frater erat infide, ducens simul cum Paulo iugum Domini: ideoque

compar siue coniunx. Certè Theophylactus dicit, Nonnulli hîc in errorem inducti aiunt Paulum hîc propriam coniugem adhortari & precari: verùm enimvero hoc esse haudquaquā potest. Vt enim, inquit, alia prætermittam, si suam vxorem intelligere voluisset, debuisset dicere genere fœminino *γενεῖα θύγατερ*, id est, Germana coniunx. Dicit insuper Occumenius, & ipse inter Græcos interpretes

per-

percelebris auctor & vetustus. Ex hoc loco quidam suspicati sunt, vxorem habere Paulum, & huic scribere: sed insulsum est hoc. Quale enim esset, si Philippis eam hospitem & aduenam reliquisset, & neque Tharsi vnde oriundus erat, neque Hierusalem vbi nutritus? Sed dicimus, quod vel maritus alterius fuit ex duabus illis quarum fecerat mentionem vel certè nomen proprium. Probatus autem fuit quidam, cui etià quas dixerat commendat. Hæc ille. Quod itaque alij rethorificantur hoc loco, quasi ad vxorem locutus sit Paulus, eò quod secundum Atticum morem possent Græca & fœminino genere accipi, vt *πίστis* coniūx syncera siue germana (Nam *πίστis* Græcis à iugo pariter ducendo dicuntur) pro alieno & insulso habere debes. Non enim tale quid tā acriter fuisset reprehensum à Græcis auctoribus proprietatis illius lingue sciētissimis, si vlla ratione cōstare posset cū veritate, & ipsius Apostoli dicto. 1. ad Corinth. 7. vbi se inter cœlibes annumerat. Sed & diuus Hieronymus legit hunc locum masculino genere, referens ad quendam nomine Germanum: si tamen illi verè sunt Hieronymi cōmentarij. Sic & diuus Ambrosius legit masculino genere. Imò beatus Hieronymus ad Eustochium, Non sunt, inquit, audiendi, qui Paulum vxorem habuisse confingunt. Cùm de continentia differens & suadens perpetuam castitatem, intulerit, Volo autem omnes homines esse sicut me ipsum. Notanda certè contra temerarios, sententia Hieronymi.

Hieron. in
4. ca. epist.
ad Philip.

- D. Tertiò cuperem intelligere quousque se extendant secundum Paulum hæ voces Virgo, Innupta, Vidua. Si enim virginem intelligit eam esse, quæ velo votuæ Deo sacra est, quomodo ergo dicit, Virgo si nubat nō peccat. Si verò per virginem quamque viro incognitam, quæ erit differentia inter virginem & innuptā siue cœlibem?

Quid pro-
priè intelli-
gatur per
has voces,
virgo, in-
nupta, vi-
dua.

Virgi-

- M.** Virginis diffinitio est, secundum Hieronymum, & mente & corpore incorruptam esse. Nam etsi corpus nulla labe fuerit maculatum, non constat tamen pudicitiae ratio, si animus incestus est, nec illibata castitas videri potest, ubi conscientiam cupiditas coinquinavit.
- Cœlebs.** Cœlebs verò siue innuptus dicitur, qui vel semper fuit, vel nunc est sine coniugio, & ab amplexibus amore continentiae abstinet. Dignus secundum Hieron. ac alios eo nomine, quòd in carne cœlestium siue cælo dignam vitam agat. Quamuis enim apud auctores literaturæ secularis Quintilianum ac consimiles, cœlebs oppositione quadam relativa sese habeat ad coniugatum, & dicatur cœlebs quicumque coniunx non est, etiamsi more lenonum & perditissimorum nepotum luxuriose viuat: tamen Patribus Hiero. Aug. Ambros. et vniuersis Tractatoribus Theologicis, nemo dicitur cœlebs, nisi extra matrimoniũ, reuera & ex animo pudicitiae amore nunc contineat, qualis qualis antea fuerit. Non enim qui impuram vitam agunt, nefarijsq; libidinibus coinquinantur, vitam cœlestibus consimilem agunt. Quare nec cœlibes dici merentur, etiamsi coniugio careant. Porro vox vidua expositione non eget, notam enim significationem habet. Ut
- Vidua.** *Virginũ vi* autem virginum aliae sunt voto velòue ad perpetuam virginitatem obstrictae, aliae libero studio amoreque virtutis tales permanent. Sic cœlibum, sic & viduarum alię voto aut consecratione sunt tales, aliae verò in sua adhuc libertate retinent permanere vel non permanere quales sunt. Et quanquam de vtrisque in sacris literis magna pertractatio fiat: tamen Apostolus hoc loco ad velatas votoque astrictas virgines aut viduas haudquaquam suum consilium dirigit. Quis enim consulit apprehendendum, quòd iam apprehensum est? Eiusmodi enim virgines ac viduae iam apprehenderunt consilium Domini, seque in illo

illo propriæ voluntatis voto confirmauerunt. Præcipiendum itaque illis est magis quàm consulendum, vt sic per maneât. De quo mox fusiùs dicemus. Sed vtitur Apostolus dictis vocibus virgo, vidua, Innupta siue cœlebs in sua generalitate, vt virgines dicantur omnes vtriusque sexus, qui se integros ab actibus Venereis et incorruptos seruarunt. Vidui omnes vtriusque sexus, qui transacto coniugio, exinde continent. Cœlibes deniq; ac innupti, quicūq; nūc cōtinēt à cōmercio carnis, nedū à cōnubio, quales quales antea fuerint. Omnes siquidem eiusmodi hortatur Apostolus, vt quod sunt perpetuò esse velint.

D. An verò salaces scēminas, quibus nihil priùs est in votis quàm nubere, matres fieri, & voluptatem carnis, licitis tamen medijs, experiri, Apostolus hoc loco appellat virgines, aut viduas, vel cœlibes?

M. Prima quidem facie apparet sic. Dicit enim, Quòd si non continent, nubant. Meliùs enim est nubere, quàm vri. Et, Virgo si nupserit, non peccat. Verùm si rem propiùs inspicias, longè diuersum inuenies. Qua enim ratione diceret Apostolus de talibus, Bonum est illis, si sic permanferint? An conueniebat adhortari procaces, vt permanerent ita: foris speciem continentia, intus habentes nubendi studium, vt nec mente sint quod dicuntur, nec corpore quod imprimis esse quærunt? Non utique illa est virginitas aut viduitas quas præco Euangelicus commēdat. Animus sedes est virtutis, nō corporis membra. Nec quæuis virtus, sed quæ eximia est ac præcellens diuinis suadetur consilijs. Qui ergo circūferunt in animo, non quidem syncerum studium reuera continendi, sed magis nuptias illas meditantur, illas ambiunt & somniant, ij indigni sunt nominibus virginum, viduarum, aut cœlibum. Licet enim carnem non commaculent illicitè, nihil tamen habent harum virtutum in animo, ac proin-

proinde non habent, quas nisi animo habere non possunt.

D. Ad illud autem, Quod si se non continent, nubant.

Obiectio. Ergo Apostolo computantur inter virgines ac viduas etiam ex quæ salaces sunt.

M. Dictum hoc non sic est accipiendum, quasi Paulus

Solutio. istiusmodi reputet dignas nominibus virginum vel viduarum. Sed docet, si quæ incipiant degenerare ab eo quod fuerunt, nec reuera ampliùs continent, vt verè sint quales esse creduntur, nubant potiùs, quàm concupiscentiarum incendio pereant. Itaque, vt tandem finiam, consulit Apostolus, vt omnis vtriusque sexus, qui adhuc mente & corpore manet alienus à voluptatibus carnis, quod est virginem esse, permaneant talis in æternum, propter rationes superiùs expressas. Item quod omnis vtriusque sexus, qui soluto matrimonio cœpit mente & cōuersatione esse viduitati addictus, sic exinde maneat in æternum. Tertiò, qui mente & opere hætenus detractarunt iugum matrimonij, propter libertatem seruiendi Domino: etiam si animus aliquando fuerit victus, caroque per infirmitatem corrupta, nihilominus exinde permaneant sic, cœlibatum potiùs quàm connubium amplectentes. Quia & victum postea vincere vincentem se, gloriosum habet triumphum. Quæ sanè consilia haudquam perfunctoriè ab Apostolo data sunt, sed sedulò, sed neruosis rationibus adiunctis, multaquæ repetitione. Principio enim dicit, Bonum est homini mulierem non tangere. Deinde, Volo omnes homines esse, sicut me ipsum. Tertiò, Bonum est illis, si sic permanserint, sicut & ego. Quartò, Quandoquidè honestū est sic permanere, & facultatem præbet sine impedimento obsecrandi Dominum. Denique, Beatior erit vidua, si sic permanserit. Addendo omnibus, Puto autem quod & ego spiritum Christi


Christi habeam. Qualem inculcationem qui leuem existimat, nescio quid non eleuabit siue extenuabit.


D. Vnum autem, An quæuis pollutio carnis interimat decus virginitatis?

M. Non corpus animo, sed corpore vitur animus. Ideoque si animo non defuerit ars studiumque continendi, etiam si maculetur corpus vel somno, vel stupratoris violentia, non propterea interrumpi censebitur gloria meritumque virginitatis. Vnde illustis virgo Lucia, O tyranne, inquit, castitas mihi duplicabitur, si me contra meam voluntatem violari feceris. Mens est quæ peccat, si indebitæ libidinis fructum complectitur. Mens est quæ victoriæ laudem possidet, si cauerit. In hac virtus, in hac vitium, in hac totum bonæ malæue actionis meritum.

Non omnis
pollutio
carnis tollit
virginitatem.

Quid ipsemet Christus de virginitate ac cœlibatu tradat.
CAP. V.

D.  Aeterum nihilne tradidit Christus de prædictis consilijs virginitatis aut cœlibatus?

M.  Saluator noster postquam disseruisset multa pertinentia ad repurgandam, instaurandamque primæuam coniugij institutionem, docens non posse coniugium vlla ex causa diuortium admittere, nisi ob fornicationem, dicunt ei discipuli ipsius, Domine si ita est causa hominis cum vxore, non expedit nubere, hoc est, contrahere matrimonium. Volentes, vt apparet, ex verbis Domini inferre admodum graue esse pondus vxorum, si excepta vna fornicationis causa, eam dimittere nō licet. Quid enim si temulenta fuerit, si iracunda, si malis moribus, si luxuriosa, si gulosa, si vaga, si iurgatrix, si maledica, tenenda erit istiusmodi? Si tenenda, certè satiùs leuiùsque fuerit nunquam inijsse cōnubium, & certare cum naturalibus concupiscentijs potiùs, quàm inquieto malo

Sententia
Christi de
perpetua
cōtinentia.
Matth. 19.

Hieron. in
cōmētarijs
super Matheum.

malo indissolubiliter alligatum manere. Quibus respondit Dominus, Non omnes capiunt verbum istud, sed quibus datum est. Quasi diceret, Vtique expeditius esset non contrahere matrimonium, vt dicitis. Cæterum non omnes capaces sunt eius sententiæ.

D. Quam ob causam? An non satis proclive erat intelligere quod dictum fuerat ab Apostolis? Nónne & olim Vestales virgines, Palladisque sacerdotes continuerunt?

M. Rationem sui dicti Dominus luculenter indicat, cum dicit, Sed quibus datum est. Non autem omnibus datum esse testantur verba Apostoli dicentis: Vnusquisque donum suum habet, alius quidem sic, nempe vt virgo aut cœlebs permaneat: alius verò sic, scilicet vt moderato vsu carnis immaculati thori sanctiones custodiat. Vt certum sit sine munere Dei neminẽ posse verè virginem aut continentem esse.

D. Quid igitur dicemus de virginibus Vestalibus?

M. De illis iam audies, Quis, inquit diuus Ambros. humano possit ingenio comprehendere (veram scilicet virginitatem) quam nec natura suis inclusit legibus? Aut quis naturali voce complecti, quod supra vsum naturæ sit? E cælo accersiuit (virgo de qua loquitur) quod imitaretur in terris. Nec immeritò viuendi sibi vsum quæsiuit è cælo, quæ sponsum sibi inuenit in cælo. Subdens ibidem de virginibus Vestalibus in hunc modum: Quis mihi prætendit Vestæ virgines, & Palladis sacerdotes? Qualis ista est non morum pudicitia, sed annorum, quæ non perpetuitate, sed ætate præscribitur? Petulantior est talis integritas, cuius corruptela seniori seruatur ætati. Ipsi docent virgines suas non debere perseverare, nec posse, qui virginitati finem dederunt. Qualis autem est illa religio, vbi pudicæ adolæscentes iubentur esse, impudicæ anus? Hæc Ambros. Non itaque possederunt Vestales virgi-

Ambros.
lib. 1. de vir
ginibus.

virgines, aut Palladis sacerdotes veram virginitatem, sed specimen aut veriùs fucum quēdam simulatæ pudicitia. Quia non mente, sed nec corpore nisi ad tempus virgines fuerunt.

D. Igitur inter Gentiles, an nulla omnino fuerit vera virginitas?

M. Profectò nemo prudens id asseuerauerit, potissimùm cum non sit veri dissimile Sibyllas Erythræam atque Cumanam, reliquasque octo reuera virgines fuisse, idque amore virtutis studioque contemplationis. Quarum, inquit Hieronymus, insigne virginitatis est, & virginitatis præmium diuinatio. Verùm tales quemadmodum non fuerunt vates siue Prophetissæ mysteriorum fidei absque munere gratiæ diuinæ: ita nec virgines. Tam enim virginitas quam prophetia donū Dei esse cognoscitur. Utque illa, ita & ista Dei munificentia inter gentes effundi potuit. Vox autem, Capiunt, hoc loco non idem est atque intelligunt, sicut argumentum tuum videtur vrgere: sed idem ac si diceretur, capaces sunt. Quomodo locus dicitur capax eius quod infertur, si tam est spaciosus ut recipiat. Non itaque capiunt verbum istud, idem est, ac si diceretur, Non omnes eius sententiæ capaces sunt. Quia affectibus præpeditis, consilio diuino nullus in cordibus ipsorum relinquitur locus. Dicens autem Saluator: Non omnes capiunt, sermone particulari, innuit aliquos capere. Sicut bene apprehenderunt olim verbum istud: Elias, Eliseus, Iosue, Ioannes Baptista, virgo Maria, ipsemet Christus, plurimi que postea apprehensuri erant, ut sanè tum clarè præsciuit Christus. Ideoque subdit, Sunt enim eunuchi qui de matris utero sic nati sunt. Et sunt eunuchi, qui facti sunt ab hominibus. Et sunt eunuchi, qui se ipsos castrarunt propter regnum celorum, id est, sponte propria priuarunt se contrahendi libertate. Non uti-

Inter Gentiles potuit vera esse virginitas.

De sensu illius, Non omnes capiunt verbum istud.

Matth. 19. De eunuchis Euangelicis.

que verendorum exectione (maledictum enim hoc) sed aut voto, aut sui additione ad eum statum qui nō comparitur secum generandi vsum. De quo mox plura dicemus. Primus quidem sit capax coelibatus natura, secundus violentia, tertius verò sponte propria, eligens sic vivere propter regnum Dei. Illos duorum priorum ordinum potest patientiæ meritum, non autem continentiae gloria claros efficere. Istos verò tertij ordinis vel illustrissimos reddit virginitatis splendor. Ne autem exactum siue imperatum videretur eiusmodi continentiae genus, addit Saluator: Qui potest capere, capiat. Quæ vox, teste Hieronymo, est adhortantis, & milites suos ad pudicitiae præmium concitantis. Qui potest capere, capiat: qui potest pugnare, pugnet, superet ac triūphet. Non equidem cogo quenquam, sed tantummodo hortor, liberum relinquens cunctis, vt si possint ingredi arduam illam perpetuæ continentiae viam, ingrediantur. Nuptias utique probo: at continentiam velut magis expedientem præfero. Quam quidam sic amarunt propter regnū Dei, vt se velut spadones effecerint, reddentes se haud secus inidoneos, quàm si execti essent, quod quidē qui potest capere, moneo, hortor, consulo vt capiat, quia expedientius est. Hæc Christus dominus. A cuius sententia ne transuersum quidem digitum discessit Paulus in sua prior epistola ad Corinthios cap. 7.


D. Christus nullam facit virginum, viduarumque & inobsecratio, nuptiarum distinctam mentionē: discrepat igitur à Christo Apostolus.

M. Quod verbo vno sententiōse dixerat Christus, totum
Solutio. id fusc ac distinctim postea explicat Paulus, boni hypodidascali munus adimplens. In quo, ne non attigisse sensum magistri sui putetur, addit, Puto quod & ego spiritum Dei habeam. Illud enim Christi, Sunt eunuchi, qui se

se castrarunt propter regnum Dei, utique dictum est de virginibus, & de viduis, & de alijs cœlelibus. Nā ut illi qui statim ab initio dum adhuc mente ac carne incontaminati existunt, adimūt sibi potestatem deferendi illam carnis suæ incorruptionem, reuera virgines sunt. Ita qui statim à coniuge defuncto præscindunt sibi potestatem conuolandi ad secundas nuptias, haud dubiè inter viduas sunt annumerandi. Sic cœlibes habendi, qui post aliqualem aut mentis corruptionem aut carnis, tandem se voto astringunt ad perpetuam vltiorem continentiam, quod est verè cœlibem esse. Atque omnes isti castrant se propter regnum Dei, alij quidem citiùs, alij verò tardiùs: omnes tamen vltioris voluptatis capiendæ sibi potestatem præscindunt, quod est seipsum castrare, quodque capiendum hortatur Christus eos, qui capere possunt, omnesque sic permanent, nempe aut virgines, aut viduæ, aut cœlibes, quod singulare & eximiū quoddam bonum existimat Apostolus. An itaque discrepant Christus & discipuluseius?

- D. Ut video, minimè. Sed Christus sententiosè locutus est, ut auctor: Paulus verò fusiùs ut commentator.
- M. Vterque verò idem, vterque hoc ipsum quod vsque nunc docet vbique Ecclesia catholica.

Cœlibatū ac viduitatem, imprimis autem virginitatem habere magnificam promissionem in scripturis. CAP. VI.

- D.  N precor habeat vllam promissionem in verbo Dei non ducere vxorem, seque virginem custodire, aut viduam?

- M. Habet sanè, & admodum magnificam. Nam *Matth. 19. Promissio facta cōtinētibus per Christum.*
cū dicerent Apostoli, Ecce nos reliquimus omnia, & secuti sumus te, quid ergo erit nobis? Respondit Dominus inter alia, Omnis qui reliquerit domum vel fratres

Genes. 2.

aut sorores, aut patrem aut matrem, aut vxorem, aut filios, aut agros propter nomen meum, centuplum accipiet, & vitam æternam possidebit. Profectò relinquere domum, fratres, sorores, patrem ac matrè, propter Christum, haud dubiè arduum est: attamen non tanti momenti quin idipsum passim fiat propter vxorem falsum perituræ carnis oblectamentum. Dicente Scriptura: Propter hoc relinquet homo patrem & matrem, & adhærebit vxori suæ. Relinquere verò vxorem quæ tecum vna caro efficitur. Item filios, qui aliquid tui sunt, vel agros, sine quibus neque tibi prospectum erit, neque tuis, hoc in primis magnum, hoc multo maximè centuplo, vitæq; æternæ retributione præmiandum. An non magnifica promissio addicere pro spontanea dimissione coniugij quod centuplo melius est, & insuper vitam æternam?

D. At loquitur ibi Saluator de vxore quam habes, quid igitur hoc ad encomium virginitatis?

M. Et de ducta & de ducenda vxore sermo est. Qui enim dimiserit ducendam, castrando se propter regnum Dei, quò indiuulsiùs adhæreat Deo virgo aut cœlebs potius, quàm compedibus matrimonij in diuersum trahatur, is centuplum accipiet, & vitam æternam possidebit. Qui etiam dimiserit ductam, malens rectè confitendo Christum, separari ab illa, quàm diffitendo adhærere ei, vt fit tempore martyrij, cuius est inuenire illustre exemplum in diuo Adriano martyre & vxore eius. Vtque fit casu quo illa nollet cohabitare sine contumelia creatoris, aut liberum consensum præbuerit sic seruiendi Deo, super quibus nos instruit Paulus primæ ad Corinth. 7. etiam talis centuplum accipiet, & vitam æternam possidebit. Cæterum si hæc tibi longiùs petita esse videatur, prope-remus ad Euangelicum illum Prophetam Esaïam, qui luce clariùs exprimit, quantum promiserit Deus Eunuchis

his Evangelicis dicens : Et non dicat eunuchus , Ecce *Esa. 56. Promissio facta continētibus in Esaia.*
 ego lignum aridum. Quia hæc dicit Dominus eunuchis,
 Qui custodierint sabbatha mea (hoc est , ea quibus verè
 requiescit in me spiritus hominis à solitudinibus , ac cu-
 ris , & voluptatibus mundi & carnis) & elegerint quæ
 volui (siue vt alius interpres habet , quæ mihi placent. Ele-
 gerint autem quod sit libera voluntate : nam consulta eli-
 gere liberum , præcepta verò exequi non liberum sed ne-
 cessarium est) & tenuerint fœdus meum (nam virginitas
 consulta , nisi decoretur obedientia mandatorum Dei,
 reputabitur quasi nulla) dabo eis in domo mea , & in mu-
 ris meis locum , & nomen melius à filiis & filiabus. No-
 men sempiternum dabo eis , quod non peribit. Ecce pro-
 missionem permagnificam sanè. Et ne mihi adhibuisse
 fidem pœniteat , hunc locum tractans diuus Augustinus
 interrogat , sibi que respondet ad hunc modum : De qui-
 bus eunuchis loquitur Dominus per Esaïam Prophetã ,
 nisi de ijs qui seiplos castrarunt propter regnũ cælorum. *De loco et nomine quibus honorantur virgines in cœlis Aug. lib. de sancta virginitate cap. 24.*
 Firmis deinde rationibus demonstrans , non loqui Pro-
 phetam de eunuchis diuitum ac regum , sic natis , aut ex-
 actione hominum factis. Quos ardens Poëta describens ,
 ait.

Nec non infelix ferro truncata iuuentus ,

Atque exsecta virum.

Nam talium cœlibatus si coniugio adæquetur , est
 quòd gaudeat. Illis autem dat Deus in domo sua locum ,
 & nomen melius quàm reliquis filiis ac filiabus regene-
 rationis. Habēt sanè & coniugati locũ suũ in regno Dei.
 At eunuchis Evangelicis promittitur locus sublimior ,
 nomen que melius præ alijs filiis regenerationis. Et qui-
 dē nomen sempiternũ quod nõ peribit , vt perpetuò aut
 virgines Dei , aut simili aliqua decoris appellatione sub-
 limes existāt in curia cœlesti. Vnde porro , vnde procul nõ

Luc. 20. solùm congressus matrimoniales, sed & coniugij nominatio. Nam qui digni habebuntur seculo illo, & resurrectione ex mortuis, neque nubent, neque ducent vxores, æquales enim angelis sunt. Cæterum August. æternum nomen, inquit, de quo Propheta loquitur, quicquid illud est, non erit spadonibus Dei cum alijs commune. Nam ideo fortassis & nomen dictum est, quòd eos, quibus datur, distinguit ab alijs. Vis autem scire nomen, locum, functionem, quibus præ alijs gaudebunt virgines in cælis, lege quam scribit Apocalypsim virgo Ioannes,

Apocal. 14 Ecce, inquit, agnus stabat supra montem Sion, & cum eo centum quadraginta quatuor milia, habentes nomen eius (scilicet agni) & nomen patris eius scriptum in frontibus suis. Frons vtique sedes pudoris est, fronsque pa-

Virgines lam ac primò obijcitur obtutibus aliorum ad notitiam, **cur nomi-** & eam ob causam frontibus inscripta habebunt virgines **na Dei &** nomina Dei & agni Christi, vt clarè, vt palàm, & quidem primo obtutu constet eas semper diuinè pudibundas fuisse, vniquæ Deo ac Christo suæ integritatis pudicitiam perenni contemplatione dedicantes. Omnes quidem sancti signum habebunt in frontibus suis. At solis virginibus datum est, & Dei & agni immaculati nomen circumferre in frontibus suis, ad peculiarem tantæ virtutis prærogatiuam. Stant autem cum agno in monte Sion, in signum quòd de valle rerum mutabilium suauiumque secundum carnem, ad ascendentem sursum & eleuatam contemplationem rerum cælestium animos suos elögant.

De cantico runt. Cantabant verò quasi canticum nouum ante sedem, **nouo quod** & ante quatuor animalia, & seniores. Et nemo poterat **decantat vir** discere canticum, nisi illa centum quadraginta quatuor **gines ante** milia, qui empti sunt de terra. Ecce peculiarem functionem quam solæ virgines habent in triumpo gloriæ Dei. **thronum** Si verò nunc quæras, quod sit illud canticum nouum. **Dei.**

D. Prose

D. Profectò hoc ipsum interrogaturus eram.

M. Respondeo. Vbi id nobis expresserit Ioannes Apostolus, exprimam & ego tibi. Interim certum habe officij virginalium agminum esse, decantare Deo in gloria cælesti, quoddam canticum nouum, quod nemo aliorum canere potest. Quod autem hæc speciatim dicta sunt de virginibus, patet ex eo quod sequitur: nam subdit Ioannes, Hi sunt qui cum mulieribus non sunt coinquinati, virgines enim sunt. Hi sequuntur agnum quocunq; ierit. Vides applicationem ad virgines. Vides & nomē melius, quo gaudent præ ceteris. Virginitas quippe vt non tollitur, sed consummatur accedente gloria, ita & virginis nomenclatura in æternum stabit, velut signaculum illibatae incorruptionis in corpore, inuiolataque puritatis in mente. Quid enim aliud est in corruptibili carne incorruptionis perpetuæ meditatio, quam portio Angelica, quam Seraphicæ functionis inchoatio. Si plus lubet audire de loco illo virginum, Hi, inquit, sequuntur agnum quocunque ierit, velut indiuulsi à tergo eius. Gradiebatur agnus in mundo itinere virginali, sequuntur & illi. Amplectebatur agnus adhærere Deo præ alijs omnibus, sequuntur & illi. Voluit agnus esse Nazareus, hoc est, Deo consecratus, sequuntur & illi, consecrantes se Deo per votum, aut velum. Agnus ex virgine ortus in virginali coniugio, non tamē ipse fructus coniugij, permansit virgo in æuum, etiam illi, licet non processerint ex virgineis visceribus, vt agnus: attamen sequuntur quo processit, nempe vt se quoq; mente & corpore incorruptos offerant Deo immaculatum sacrificium quomodo fecerat & ille. Processit agnus ad dexteram virtutis & gloriæ Dei, sequuntur & illi incorruptione gloriaque proximi agno, comitandique studio indiuulsi. Vti solent proceres præ alijs proximè Imperatoriam Regiamue

maiestatem circūstare, ad illius suæque nobilitatis gloriā omnibus prælucentem. Quare, inquit Hieronymus, vocat eas emptas primitias Deo & agno, nisi quia viduæ & in matrimonio continentes erunt post primitias, id est, in secundo ac tertio ordine. Ne autem videar peregrinum quid te docuisse, lege August. de sancta virginitate 24. & 25. cap. lege diuum Hieronymum aduersus Iouianum libr. 1. Et Cyprianum tractatu de habitu virginum. Primasium insuper atque Ansbertum scriptores illustres & vetustos. Nam omnes isti eo modo quo nos, sed fusiùs, hanc Apocalypsim Ioannis interpretati sunt.

*Tertia pro
missio facta
continenti-
bus.*

Matth. 5.

Vt autem hoc addā, Nōne Dominus noster Iesus Euāgelio suo promittit conspectū Dei speciatim ijs qui sunt mundo corde, dicens: Beati mundo corde, quoniam ipsi Deum videbunt? Certē vt speculum si fuerit mundum accipit imaginem eius quod opponitur, non autem si fuerit commaculatum. Sic & anima si puritate nitet faciem Dei, & scripturarum ac reuelationum scientiam suscipit, & quo nitet magis eo suscipit expressiùs.

D. Mundicia de qua ibi loquitur Christus, nōne in puritate à sordibus peccatorum consistit?

M. Esto. Consistit enim in eiusmodi emaculatione, verum non solū in illa. Nam & congressus matrimoniales, & ipsa membra verenda turpitudinem suam habent,

Exod. 20.

dicente Scriptura: Ne reueletur turpitudine tua. Nec potuerunt tempore legis sacerdotes assistere altari, aut edere de panibus sanctificatis, nisi mundi ab vxoribus, dicente

1. Reg. 21.

Abimelech ad Dauidem: Si mundi sunt pueri, & maximē à mulieribus (id est, à pollutione, quæ contrahitur congressu mulieris, etiam si vxor sit) licet. Exhalationes enim quæ surgunt de voluptatibus carnis, vel in actu coniugij bene moderato, inficiunt aliquo vsque animam, haud secus atque nubiferus vapor aërem, aut speculū anhelis

tus expirantis in ipsum. Non quòd animam semper peccatricem reddant, sed carnalem, sed animale, sed ita nubilam vaporosis oblectamentis carnis, ut lumen solis, hoc est, iustitiæ radios suscipere nequeat pro eo tempore. Hinc illud Scripturæ: Caro & sanguis regnum Dei non possidebunt. Quia concupiscentiæ exhalationes surgentes de carne ac sanguine, nec partem, nec locum habent, ubi cernitur Deus in decore gloriæ suæ. Antea exuta quæ sunt eiusmodi, antea expurgata oportet. Non enim intrabit in eam ciuitatem aliquid coinquinatū, aut abominationem faciens. Ideoque in resurrectione neque nubent neque ducent vxores, sed erunt sicut Angeli Dei. Nuptiæ enim motusque carnis, & omnis voluptuaria operatio impeditiua est contemplationis diuinæ, sicut imbriferæ nubes nostrum solis impediunt conspectum. Quam vnā ob causam coniugati quamlibet sancti non videbūt Deū facie ad faciē, nisi depurati à talibus, coeperint esse dispositi tū corde, tū corpore ut virgines, imò ut Angeli Dei in cælis agami ut illi, prorsus alieni à congressibus carnis, atque illi, toti spirituales sicut illi. Itaque mundicia à peccatis non sufficit ad hoc ut contēpleris Deū facie ad faciē, nisi adsit & castimoniæ puritas, de qua diximus. Quoniā autem absolutè dixit Saluator: Beati mundo corde, quoniam ipsi Deum videbunt, ostendens cordis mundiciam causam esse videndi Deum. Consequitur luculenter pleniorē mundiciam cordis, causam esse plenioris visionis diuinæ. Si enim res, quia colorata, ideo est visibilis: aut quia odorifera, ideo est olfactibilis. Magis itaque colorata, aut odorifera magis visibilis; aut olfactibilis erit. Prærogatiuam ergo in spectando Deo & gloria maiestatis eius habebit præ omnibus sancta vereque Evangelica virginitas. Secundam illam verò vidualis continentia, & cœlibatus. Exinde coniugalis castitas. Quæ tamen

1. Cor. 15.

Apocal. 21.

*Nominan-
tur qui scri-
pserunt in
laudē virgi-
nitatis.*

& idipsum quod castè tractauit posthabere debet priusquam in conspectum sancti sanctorum prodeat. O virginum decus, ô immortalium spirituum inter mortales homines gloriam, quàm sœlix qui te possidet, quàm excors, qui te perituris nuptijs commutat, quàm ineptus, qui sine te tui appellatione celebris esse studet, vt student multi de clero, multæ etiam sub velamine sacro, nihil minus quàm in te propensi, nihil sæpe magis, quàm à te alienissimi. Quod probè intelligentes olim Martialis Christi discipulus, & Clemens Apostolorum comes, multa scripserunt in laudem sanctæ virginitatis, ille epistola sua ad Tolosanos, iste libro in hoc edito. Post hos Ignatius martyr, & Ioannis Apostoli auditor. Post hunc Tertullianus, deinde Eusebius, exinde sanctus Cyprianus edidit libros siue tractatus ad encomium virginitatis. Sicut & diuus Athanasius, diuus Basilus, diuus Ambrosius, diuus Augustinus, diuus Hieronymus plurima scripserunt in laudem & defensionem sanctæ virginitatis & viduitatis. Accuratissimè autem Hieronymus cōtra latratus Heluidij & Iouiniani nihil præter impuritatem cruciantiū.


D. Quid autem si omnes virgines fiant quomodo stabit genus humanum?

M. Noli metuere ne omnes virgines fiant. Difficilis res est virginitas, & ideo rara, quia difficilis. Multi vocati, pauci verò electi. Si omnes virgines esse possent, nūquam Dominus dixisset, sub hac forma, Qui potest capere capiat. Nec Apostolus in suadendo quasi trepidasset, dicens: De virginibus præceptum Domini non habeo, consiliū autem do, tanquam misericordiam consecutus. Vis autem audire quid ad tuam quæstionem respondeat Augustinus meo iudicio admodum verè ac piè? Vtinam, inquit, omnes hoc vellent (nempe virgines permanere) duntaxat in charitate de corde puro, & cōscientia bona, & fide nō ficta:

Matth. 20.

facta: multò citiùs ciuitas Dei completeretur, & acceleraretur terminus seculi. Quid enim aliud hortari apparet Apostolum vbi ait, cùm inde loqueretur, Vellem omnes *1. Cor. 7.* esse sicut meipsum? Hæc August. de bono coniug. contra Iouinianum.

Qualia quantaque exempla sanctæ virginittis, ac cœlibatus proponant nobis Scripturæ sanctæ. CAP. VII.

M.  Abent nescio quid viuidiùs ad docendū exempla magis, quàm præcepta. Vt enim erudiunt ista, ita rapiunt, animosque impellūt illa, haud aliter atque calcaria equum. *Exempla magis rapiunt q̃ præcepta*

D. Non immeritò. Siquidem facile imitatu arbitramur, quod palam & à multis factum cernitur. Vtile quoque ac religiosum, quod hereditario quodam paternæ virtutis vsu celebre esse constat.

M. In medium itaque adducam præclara virorum, mulierumque illustrium exempla, qui se sua sponte castrarunt propter regnum Dei: sumpto exordio à virginitate, quæ quantum cæteris astris sol, tantum ipsa omnibus alijs præeminet pudicitijs. Christus dominus & redemptor noster, dux & antesignanus Religionis quam profitemur, de virgine natus, virgo fuit, virgoque permanfit, ac permanet in æternum. Volens cùm iam virilis ætatis esset vita exprimere non illud legis, Crescite & multiplicamini, sed nouum illud nouæ legis, Bonum est homini mulierem non tangere, quò huius, non illius post se exemplum relinqueret. An verò erret? An ridendum committit, qui sibi Saluatoris sui vestigijs insistendum credit? *Christus virgo.*

D. Christus Deus erat & homo, potuitque omnia perficere quæ voluit. Nec omnis illius actio sequèda: sed alia in eo miranda, alia sunt imitanda,

M. Non

M. Non dixi debere nos imitari illius virginitatem: sed si imiteris, quis culpabit, imò quis nō laudabit in te, quod in illo laudāt omnes, celebrant vniuersi? Vt autē missum faciamus de Christo, Maria mater eius, tantūmodo ho-

Maria vir-
go perpe-
tua. mo erat vt nos, sexu fœmina, annis puber, viroq; matura, vt cæterę filię hominū, carne & sanguine vestita, vt om-

nes. Attamē virgo fuit, virgoq; permāsit toto tēpore vitę suę. Nam ea ætate, qua solet in alijs petulantior esse caro, dixit ad Angelum Gabrielem nunciantem virginei partus conceptionem, Quomodo fiet istud (nēpe quod nuncias) quoniam virum non cognosco. Virgo itaque

LUC. 1. fuit eo vsque. Virgo insuper post conceptionē cū iam grauida esset, dicente Angelo ad Ioseph: Quod natum est in ea de Spiritu Sancto est. Qui neutiquam violat, sed sanctificat virginitatem. Virgo præterea vsque post par-

Matth. 1. tum, teste Matthæo dicente: Et non cognouit eam, Ioseph, donec peperit filium suum primogenitum. Virgo denique à partu, & vsq; in sempiternum. Siquidem re-

ibidem. sponderat Angelo, Quoniam virum non cognosco, nullo scilicet qui est, vel poterit esse cognoscendi modo, nō carne, non affectu, non proposito aut voluntate, non cogitatione, qua cogitarem aut proponere me aliquādo id facturam. Etenim particula, Non præcedens verbum cognosco negat prorsus omnem cognoscendi modum respicientem carnis officium. Ex quo licet colligere, vti collegerunt Patres, & tota catholica Ecclesia, Mariam voto disposuisse, perpetuò se mansuram mente & corpore incorruptam, prout inferiùs latini probabimus.

D. Veruntamen ex Phrasi textus illius, Et non cognouit eam donec peperit filium suum primogenitum, videtur consequi, quod postea cognouerit, posteaque haberet secundo vel tertio genitos. Quale etiam de ea approbare videtur is locus, qui de fratribus & sororibus Iesu

men-

mentionem facit.

- M.** Fumi sunt Heluidiani quæ proponis, quos discussimus excussimusque procul libr. 2. harum Demonstrationum cap. 9. tractat. 2. meministi ne?
- D.** Iam redit in mentem, nec opus est repetitione. Cæterum Virginem Deiparam, cui se infudit, teste Hieronymo, gratiarum plenitudo, quis imitandam cogitabit, quis imitari poterit etiamsi cogitet.
- M.** Lege & relege omnia volumina eloquiorum Dei, nō inuenies vspiam sic præuentam, sicq; munitam fuisse Mariam gratijs Dei, vt labi nequierit, aut mater fieri ordine naturæ, ne velle quidem potuerit. Non enim ad Angelum nunciantem dixit, Quomodo fiet istud, quoniam gratia Dei non sinit me cognoscere virum, etiamsi velim. Nec vicissim Angelus respondit, Omnipotens Deus tollet à te quod omnibus naturale est: sed inquit, Virtus Altissimi obumbrabit tibi, ne sit æstus in concipiendo, neue integritatis læsio in pariendo, quemadmodum umbra frondium solet ab æstu solis protegere eos, qui se sub tegmine ramosæ arboris continent. Gratia Dei adiuuans Mariā in pudicitia & proposito virginitatis suæ, plenissima sufficientissimaque fuit: attamen ipsa vouit, ipsa in se seruauit perpetuæ virginitatis constantiam, ipsa se continuit ab omni concubitu omniq; voluntate cognoscendi virum, vtique per gratiam Dei: Non enim gratia Dei continuit illam sine ipsa, sed adiuuit, sed obumbravit vt maneret in integritate sua, ipsa. Adeoque studiose & indefessè gratia Dei vfa est, vt vocetur intacta, alma, perpetua virgo. Gratia itaque Dei adiuuante imitari poterunt reliqui homines, quod ipsa homo gratia Dei incipit, gratiaque Dei adiuuante perfecit, nempe hoc quod mente carneque incorrupta manserit (nam quod pepererit virgo singulare priuilegium est causa mysterij, nec

ab alijs exigitur). Si autem imiteris munere Dei auxiliante, quis dixerit vanum, & nō potius valdè eximium? An quod in illa tam fuit gratum Deo, vt attraxerit filium Altissimi de folio gloriæ in vterum virginæ pudicitie suæ, id in nobis displicebit, aut nullius meriti erit? O maledicentiam intolerabilem, ô detestanda malarum mentium spiracula. At pergamus. Virgo fuit in finem vsque gloriosissimus ille præcursor Domini Ioannes Baptista, quo non surrexit maior inter natos mulierū, qui & plus quàm Propheta à Domino appellatus est. Adhæc virgo fuit & permāsit Ioannes Euangelista, Hieronymo, Epiphanio, Ambrosio, Oecumenio totaque Ecclesia sicut testantibus. Cui virgini virgo Dominus virginē matrem in cruce commendauit, qui & supra pectus Domini in cœna recubuit. Virgo item fuit Abel, virgo Melchisedech, virgo Elias, virgo Eliseus, virgo Hieremias, virgo Daniel & filij Prophetarum. Vt referunt Ignatius martyr & Hieronymus: ille in epistola sua ad Philadelfenses iste agens contra Heluidium & Iouinianum. Virgines fuerunt filij Zebedæi, vt affirmat Epiphanius contra Valesios. Virgines aut continententes alij Apostoli. Virgo diuus Paulus (vt videntur Epiphanius & Ambrosius asseuerare) aut saltem continens post Apostolatū, quod omnino est extra controuersiam. Virgines filix Philippi de quibus in Actis Apostolorum, & Eusebio fit mentio. Virgines Timotheus, Titus, Clemens, teste Ignatio in epistola præallegata. Virgo aut continens Marcus Euangelista. Et examina illa sanctorum Heremitarum ab eo docta in terra Aegypti, de quibus tam admiranda refert Philo Iudæus, & Eusebius libro secundo suæ hystoriæ. Hic si pergam recensere tibi Patrum scripta, aut quæ vsu publico comprobata habemus, annumerabimus myriades & agmina infinitæ multitudinis virginū cœlibumq; vtrius-

Ioānes Baptista virgo fuit.

Multi in Scripturis clari floruerunt virginitate.

Philo libr. quæ de vita theoretica supplicum intulauit. Euseb. lib. 2. cap. 17.

vtriusque sexus, qui se castrarunt propter regnum Dei. Nam si Ioannes Apostolus per Apocalypsim vidit stantes ante thronum Dei & agni centum quadraginta quatuor millia eorum, qui cum mulieribus non sunt coinquinati, sed virgines permanserunt sequentes agnū quocumque ierit, ex solis tribubus filiorum Israël, quanta credendum est esse agmina eorum, qui ex gentibus toto terrarum orbe, Deo & Christo suam virginitatem conseruauerunt? In iudicijs forensibus quæ notoria sunt, proponi quidem possunt, probari autem nō debent, eò quòd omnibus certa omnibusque manifesta sunt. At de beata Agneta, beata Cecilia, beata Catharina, beata Agatha, beato Martino, diuo Antonio, diuo Nicolao, & sexcentis alijs reuera notorium est, quòd virginitatem suā cum sanctimonia vitæ Deo seruauerunt & consecrarunt. Etenim ideo celebres sunt, ideoque festis ac statuis decorantur toto Christiano terrarum orbe. Illis itaque probandis insistere, quid aliud est quàm acta agere, operamque ludere?

D. Cæterum, quibus præsidijs hoc tam præcellens virtutum decus prosequi tutarique in se potuerunt? Vt non modò eius quod fuerit, sed & illius, qua scilicet ratione perstiterit tuta floridaque; in multis virginitas, exemplum habeamus.

M. Præsidia quibus tutatus est Ioānes Baptista suam virginitatem, fuerunt secessus, abstinencia, cilicium, zona pellicea, contemplandi, orandi que studium nunquam intermissum, vt licet legere Matth. 3. 11. Præsidia quibus *Virginitas quibus præsidijs sit tutanda.* usa est diua virgo Maria, fuere solitudo, meditatio, lectio sacra, ieiunium, precatio, domi sedulitas, foris modestia, vbique pudor, vbique puritatis amor. Prodire quippe domo nescia erat, nisi religionis causa. Esse verò foris absque festinatione inconsueti. Alienis intenta nunquam, nisi

nisi ob pietatem, ut cum ministraret cognatę ferenti vterum in senectute sua. Factorum mysteriorumque Dei obseruatrix assidua, conferens ea in corde suo, & inter sese, & cum vaticinijs Prophetarum, & cum omnipo- tēte bonitate Dei. Istiusmodi namque commemorat di- uus Ambrosius fuisse in virgine Maria velut tutamenta virginitatis suę, dicens: Talem hanc Euangelista, talem Angelus reperit, talem Spiritus Sanctus elegit. Quę de- nique pręsidia suę virginitatis electissima virgo Afella nomine elegerit, diuus Hieronymus edisserit dicens: Ab anno duodecimo ætatis suę vnus cellulę clausa angu- stijs, latitudine Paradisi fruebatur. Idem terrę solum & orationis locus ei extitit & quietis. Cum eam non vescen- di desiderium, sed humana conditio traheret, pane & sa- le, & frigida aqua concitabat magis esuriem quàm re- stinguebat. Per omnem annum iugi ieiunio pascbatur, biduo triduoque sic permanens. Veste fusciori monachę contenta, ita se intra cubiculi secreta custodiuit, ut nun- quam pedem suum proferret in publicum, nūquam vi- ri agnosceret colloquium. Adeo assidua in oratione ut duricies de genibus camelorū in sancto illo corpuscu- lo prę orandi frequentia occalluerit. Hęc & similia de sancta illa virgine Hieronymus. Seruatę verò viduitatis quàm insignia exempla ministret nobis Scriptura vtriuf- que Testamenti, nunc audiamus. Judith vxor Manasses de tribu Ruben, mortuo viro suo mansit vidua vsque ad diem obitus, his adminiculis ad tutelam suę viduitatis vtens, Clausa, dicit textus, morabatur in superiori cubi- culo domus suę cum puellis suis. Et habens super lum- bos suos cilicium, ieiunabat omnibus diebus vitę suę, pręter sabbatha, & neomenias, & festa domus Israël. O- eximia munia munimenta que amabilis Deo viduitatis. In qua quoniam sanctę ac fortiter perstitit vicerunt fœ- mineę

*Ambros.
lib. 2. de vir-
ginibus, &
alijs locis.
Hieron. ad
Marcellam*

*Exempla
insignia ser-
uatę vidui-
tatis.
Judith. 8.*

mineæ eius manus exercitum mundo terribilem, referen-
 tes de medijs hostibus caput Holofernus, ad communem
 totius gentis Iudaicæ salutem. Huic licet addere insignis *Ruth 4.*
 pudicitæ scæminam Noëmi, quæ mortuo viro suo, quo-
 niam post alterum non abiit, digna inuenta est, vt ex nu-
 ru sua Moabitide suscitaretur virga Iesse, de qua natus
 est Christus. Euangelium denique Lucæ edisserens de
 Anna prophetissa filia Phanuel de tribu Aser, dicit, *Luc. 2.*
 Quod vidua fuerit vsque ad annos octoginta quatuor.
 Quæ non discedebat de templo, ieiunijs & obsecratio-
 nibus feruens die & nocte. Quam ob causam & ipsa me-
 ruit præ alijs videre & agnoscere Saluatorem nostrum in
 infantia carnis suæ. Tu autem obserua hîc veræ viduita-
 tis arma, nedum exempla. Cætera autem Scripturarum
 exempla prætermitto, sufficiunt enim hæc. Quæ tibi ex-
 plicata volui, vt in ipsis velut viuis formulis species
 præcipua munimina sanctæ virginitatis ac viduitatis esse,
 solitudinem, ieiuniû, sedulitatem, orationem, rerumque
 cælestiû meditationem, habitû deniq; sobrium ac humi-
 lem, qui magis Dei oculos quàm hominû oblectet. Nam

Ocia si tollas periêre Cupidinis arcus. Sic

Sine Cerere & Baccho friget Venus.

Neque mens verè intenta diuinis, illecebras recipit car-
 nis. Feruens quoque oratio facile impetrat gratiæ, sine
 qua nemo virgo est aut vidua, subsidium. Vbi erapula,
 vbi ocium omnium malorû serax, vbi purpurissum, ca-
 rulla, muscus, vnguentum, capillatura, gemmarum ve-
 stiumq; luxus, ibi ignis & fomentum libidinum, neque
 diu ibi subsistere potest virginalis aut vidualis pudicitæ
 radix. Quidam functione Ecclesiastica percelebris rogâs
 me, Cur, inquit, adeo exagitor stimulis carnis præ cæteris
 hominum? Cui ego, Precor domine, ne tam admiratiuè
 roges de quo nihil est mirandum. Tu tibi tuisque fun-

N n ctioni.

DE CONSILIIIS

tionibus totus dees: Sacerdos preces horarias non persoluis, sacra non facis, nec te magis mysterijs ministerijsque diuinis impendis, quàm si homo laicus esses. Adhæc nunquam abstines. An mirum quòd tali subtrahat sua munera Deus, tandemque procul abijciat? Nónne sic factum de seruo nequam & pigro testatur Dominus? Igitur ô generose domine, imple officium cui obstringeris, ocium vita & crapulas, Deoque supplex esto, & tum, nisi gratia Altissimi te inuictum redderit contra impugnationes carnis, ipse iniqui consilij reus ero.

De illo Scripturæ, Nemo potest continensse, nisi Deus dederit. CAP. VIII.

D. **N**on ne virginalis continentia venit inter dona Dei annumeranda?

M. **E**t virginalem, & vidualem, & coniugalem continentias, dona Dei esse certò citra omnem ambiguitatem credimus. Dicit enim Deus per os Sapientis: Non possem esse còtinens, nisi Deus det: Plano quidem id & vniuersali sermone. Volens significare, hominem, in quocunque fuerit statu, non posse continere, nisi Deus dederit, neque ante coniugium, neque in còiugio, neque post coniugium. Cui probè consonat sermo Apostoli dicentis: Sed vnusquisque propriũ donum habet ex Deo: alius quidem sic (nempe vt integram incorrupti corporis castitatem seruet, vel post solutum connubium exinde prorsus contineat) alius verò sic (nempe vt sanctiones matrimonij inoffensè custodiens nullam incontinentiæ maculam admittat. Ex quibus verbis Apostoli tradidere Patres, & virginalem & vidualem, & còiugalem pudicitias reuera dona Dei esse.

August.
Theophy.
Occumen.

D. Si autem dona Dei sunt, igitur non habet ea in sua potestate homo.

M. Valdè

M. Valdè indebitè & præter artem colligis. Dona enim dici nequeunt, nisi ubi donata fuerint. Vbi autem donata sunt, iam uti illis vel non uti, eius, qui dono accepit, efficitur. An ob aliud, quàm vsum & vtilitatem donatarij dentur munera? Dicit Poëta.

Quo mihi diuitiæ, si non conceditur uti?

Dicam & ego,

Quo Deus omnipotens, si non concesseris uti,
Munera largiris?

D. Non utique de hoc, an donatis muneribus Dei uti liceat: sed de illo ambigimus, an dêtur è cælo singulis munera instituto vitæ suæ Christianè peragendo necessaria. *An singuli habeant sua dona à Deo*

M. Apostolus constanter pronunciat in hunc modum, Vnusquisq; proprium donum habet ex Deo. Ex Deo, inquit, ne putetur ex naturæ suæ qualitate habere. Et vnusquisque, non tantùm vnus aut alter, nec sanè vnusquisq; omnium hominum, sed eorum qui mystico corpori Christi Sacramento insiti sunt, hoc est, Christianorum (de illis enim erat sermo) habet donum, & quidem proprium donum, hoc est, suum, sibi à Deo ad vsum salutis in Christianismo deputatum: ne putemus vnū atque idem habere omnes. Varia enim sunt dona Spiritus Sancti, qui distribuit singulis prout vult, uti docet cap. 12. eiusdem epistolæ.

D. Eiusmodi verò dona quando dantur, dum nascimur ex utero materno? An dum renascimur ex fronte sacro? An alio tempore? *Quando dentur dona Dei.*

M. Id Deus posuit in sua potestate, & inter mysteria abditum à nobis esse voluit. Nam si Spiritus Sanctus distribuit munera sua prout vult, etiam distribuit ea quando vult, & medijs quibus vult. Christo & intemeratæ matri eius, Hieremiæ item & Ioanni Baptistæ creditur eximium illud munus perpetuæ continentiae donatum in

sua natiuitate, dum in vteris maternis sanctificabantur. Alijs in Baptismo dari potest, alijs alio tempore, dum conuenit aut opus esse incipit, videlicet dum ipsa functio egens dono subsidiario Christianè apprehenditur. Siquidem ideo munera dantur è cælo, vt subsidio sint rebus Euangelicis Euangelicè peragendis. Aut dum homo virium suarum infirmitate animaduersa incipit supplex deuotisque precibus implorare diuinæ miserationis auxilium. Itaque dona Dei subsidiaria ad peragendum debite certum genus vitæ Euangelio comprobatum, dantur aliquando præueniendo, aliquando in ipsa assumptione status, aliquando postea dum virium suarum infirmitate explorata cœperit homo Deo supplex esse. Tanta autem est Dei erga nos munificētia propter Christum vt nulli homini Christiano desit vlla gratia necessaria ad peragendam debite functionem Euangelio Christi comprobatam, dummodo ipse non defuerit sibi.

*Nemo Christianus re-
linquitur si-
ne donis
Dei necessa-
rijs.*

D. At quibus istud scripturis stabiliri poterit?

M. In exordio epistolæ prioris ad Corinthios, in qua hæc materia peculiariter tractatur, Gratias ago, inquit Apostolus, Deo meo semper, in gratia Dei, quæ data est vobis in Christo Iesu. Quia in omnibus diuites facti estis in illo, in omni verbo, & in omni scientia, sicut testimonium Christi confirmatum est in vobis, ita vt nihil vobis desit in vlla gratia, expectantibus reuelationem domini nostri Iesu Christi. Libet autem hîc quærere, verumne an falsum dixerit hoc loco Apostolus. Si verum, quod omnino fatendum est, ergo ita est locupletata fidelium Ecclesia per Christum, vt nemini quicquam in gratijs ac donis ad vllum Euangelicum genus vitæ Euangelicè peragendum, desit, desit, inquam, ex parte Dei. Nam qui sua culpa æger est aut egenus, ipse sibi metipsi imputet. Si enim cuiuspiâ deest, adeo vt nec habeat, nec habere possit, etiâ si faciat

faciat quod in se est iuxta traditionem Euangelicam, is qua ratione dicetur diues effectus in omnibus per Christum, & nō potius pauper & inops derelictus? Aut quomodo verum, quod nihil ei desit in vlla gratia, cū non habeat, sed nec habere possit, ne per supplicationem quidem, donum Dei, quo cōtineat post votum aut nuptias, vti oportet? An diues, qui eget necessarijs? An dicendum nihil illi deesse, qui necdum habet, quo carere non potest? Vt nuptiæ, ita & virginitas, ita & vidualis continentia comprobantur doctrina Christi, quod plus est, laudantur istæ atque suadentur. Si igitur Christifidelibus desint dona Dei, sine quibus impleri nequit, quod status illi requirunt, non iam homo, sed Christus culpā dūsus erit, docens seruandum quod viribus maius est, non addens simul gratiarum dona, quibus seruari possit. Inueniturq; Apostolus falsus testis dicens: Quemadmodum testimonium Christi confirmatum est in vobis, ita vt nihil vobis desit in vlla gratia. Testimonium quidē Christi est, Non relinquam vos orphanos. Et illud, Ecce ego vobiscum sum vsque ad consummationem seculi. Item illud, Nunquid obliuisci potest mulier infantem suum, vt non misereatur filio vteri sui? Etsi illa oblita fuerit, ego tamen non obliuiscar tui. An non valdē orphanus, Christoq; suo destitutus, & quasi in obliuionē datus, qui in conditione vitæ probata aut consulta per Christum, caret necessario auxilio Christi?

Ioan. 14.

Matth. 28.

Esai. 49.

D. Fortassis meritō caret, sua culpa sic exigente. Mirum quidem si non dentur promissa munera dignis. At quid mirum si negentur indignis, quales sunt multi?

M. Proh dolor, nimium multi. Eamq; ob causam in premissis tetigi tria hoc loco obseruatu perquam necessaria. Quorum primum est, vt homo muneribus Dei iuandus, sit insitus in corpus Christi fide vel fidei Sacramen-

Tria obseruanda.

*Causæ ob
quas desunt
multis mu-
nera Dei.*

to. Quomodo enim recipiet gratiarum influxum à capi-
te quod nulla compagine est coaptatum in corpore? Et
ideo locutus sum in præmissis de homine Christiano, nō
autem de quouis homine. Quemadmodum & Paulus
scribens Corinthijs ad Christum conuersis dicit, Vt ni-
hil vobis desit in vlla gratia: vobis, inquam, qui in Chri-
stum credidistis. Nam qui extra Christum manet, conclu-
sus in massa perditionis, quid mirum si multis, imò si
non omnibus gratuitis donis Dei indigeat, cum per ip-
sum Christum, & in ipso sint omnia? Secundū est, quòd
ipsum genus vitæ vel susceptum vel suscipiendum sit
Euangelio Christi comprobatum, vt sunt comprobata
virginitas, cœlibatus, sacerdotium, coniugium, abdic-
tio proprij, vsus rerum in communi, suiipsius sub alteri-
us obedientia submissio, & eius generis multa alia. Non
enim futilibus aut reprobatis generibus vitæ aptat suæ
munera Deus. Tertium est, quòd homo non desit ipse
sibi, neque in suscipiendo, neque in prosequendo quod
susceptum erat, hoc est, vt faciat homo quātum in se est,
quòd Christianè ac dignè probatum aliquod vitæ genus
suscipiat, atque susceptum exinde prosequatur simili mo-
do. Sunt qui præproperè & inconsultò, aut illotis (quod
aiunt) manibus, statum perpetuæ continentiae, onus suis
viribus impar apprehendunt, non magis de Christo au-
xilijque diuino cogitantes, quàm si non essent Christia-
ni homines. Li certè sibi metipsis desunt, non vtentes, si-
cuti deberent, illuminatione fidei semel desuper accepta.
Sunt præterea, qui postquam bona fide, animoq; Chri-
stiano apprehenderunt, exinde decidunt, irreligiosè &
oscitanter, ne dicam, sceleratè viuentes. Et isti sanè non
solùm desunt sibi, sed & muneribus diuinis obstacula po-
nunt, dum officium negligunt, ociæque quærun, aut
luxui indulgent, quibus velut armatura quadam caro po-
tens

tens efficitur aduersus spiritum, etiam gratijs Dei adiutum. Qui autem hostem suum armat, quid aliud quàm superari quærit? Non auditis, inquit Cyrillus, ex diuinis scripturis, quia certamen est inter homines, carni aduersus spiritum, & spiritus aduersum carnem? Et nescitis, quia si carnem solam nutriatis, & ipsam frequenti molli-
Cyroll. lib. 9. super Leuiticum.
 tie, ac iugi deliciarum fluxu foueatis, insolescet necessariò aduersus spiritum, ac fortior illo efficietur? Quod si fiat sine dubio eum in ditionem suam redactum suis co-
 get legibus ac vitijs obedire. Si verò ad Ecclesiã frequen-
 ter veniens aurem literis diuinis admoueat, explanatio-
 nem cælestium mandatorum capias, sicut cibus & delitijs
 caro, ita spiritus verbis diuinis conualefcet, ac sensibus &
 cupiditatibus robustior effectus carnẽ sibi parere coget,
 ac suis legibus obsequi. Nutrimenta igitur spiritus sunt
 diuina lectio, orationes assiduæ, sermo doctrinæ. His ali-
 tur cibus, his conualefcit, his victor efficitur. Quod quia
 non facitis, nolite conqueri de infirmitate carnis, nolite
 dicere, Quia volumus, sed nõ possumus, Voluimus con-
 tinenter viuere, sed carnis fragilitate decipimur, & im-
 pugnamur stimulis eius. Tu das stimulos carni tuæ, tu
 eam aduersus spiritum tuum armas, & potentem facis,
 cùm eam carnibus satias, vino nimio inundas, omni mol-
 litie palpas, & illecebris nutris. An nescitis, quia non po-
 test ædificium istud Ecclesiæ ex leprosis lapidibus con-
 strui? &c. Hæc ille. Precor autem, si adsit auxiliator in bel-
 lo ferre suppetias paratus, at tu ipse arma proijcis, tu tem-
 pore excubiarum, aut insurgente prælio aliena pertractas:
 nunquid hîc dicere poteris, perij auxilij defectu? Non
 arbitror. Sed magis dicere debes, perij mea culpa, quia
 quod in me erat facere nolui, & ipse mihi turpiter defui.
 Sunt tertio, qui licet sentiant virium suarum imbecillita-
 tem, fomitis insuper potentiam, ac stimulos lapsusque

carnis: tamen non magis supplices sunt Deo gratiarum donatori per orationes, quam si opus non esset in eiusmodi certaminibus ullo gratiarum Dei subsidio. Et ij sibi defunt non implorantes, quod possunt & debent, diuini muneris auxilium. Oportet enim imitari Apostolum orando Dominum instanter pro subsidio, dum tentationes carnis insurgunt, quemadmodum dicit, Ter, hoc est, instanter Dominum rogavi, vt discederet à me, scilicet stimulus carnis. Et dixit mihi, Sufficit tibi gratia mea. Ecce vbi fit oratio ad Deum, ibi mox sufficiens diuinæ opis auxilium adest. Dicit Iacobus, Si quis vestrum indiget sapiētia, postulet à Deo, qui dat omnibus affluenter, & non impropert, & dabitur ei. Postulet autem in fide nihil hæsītans. Dicam & ego nuptiatoribus istis, qui semper causantur carnis suæ infirmitatē, Si quis vestrum eget dono continētię, postulet à Deo, & dabitur ei. Dat enim Deus omnibus affluenter, & non impropert. Dat certē, sed præeunte oratione. Quod satis demonstrat ordo verborum Saluatoris dicentis: Petite, & accipietis; quærite & inuenietis: quasi petere, donum, quærere, debeat præcedere inuētionem. Et alibi, Vigilate, inquit, & orate, ne intretis in tentationem. Ecce vt vincas tentationē vult præcedere orationē. Sūt deniq; qui adeo foribus peccatorū, & perituris rerū mūdi amoribus repleti sunt, vt nihil sint minus, q̃ munerū Dei capaces. Et hi sibi defunt, non conuertentes se ad debitā pœnitentiam, qua emaculent quod gratiarum receptacula præoccupat. Concurrentibus itaque ex parte hominis prædictis, nempe, quod Christianus existat, sedulò sua prece ad ostium, quod Christus est, pulsans, nec sibi in his quæ potest, deest, dicimus, tantas esse diuitias bonitatis diuinæ, tamq̃ue locupletatam fidelium Ecclesiam per Christum gratijs ac donis Dei, vt nemo dixerit sermone veritatis,

tatis, perplexus sum, aut labyrinthum incidi, aut quasi lupum auribus teneo. Quodcunque enim genus vitæ ingressus fuerit, poterit illud Christo auxiliante perficere, dicente Scriptura: Hoc pro certo habet omnis, qui te colit, hoc est, omnis fidelis, quia vita eius si in probatione fuerit, coronabitur: & si in tribulatione fuerit, liberabitur: & si in corruptione fuerit, ad misericordiam venire licebit. Itaque qui corrupto animo iniit coniugium, aut irreligiosè vouit virginitatem, vitamue monasticam, neutrum tamen facturus, nisi à Christo fuisset comprobatum: Rursum, qui rem bene ac religiosè inceptam postea deseruit prolapsus in turpitudinem contrariam, non debet quasi perplexus esse, vt causetur se nec posse retinere eum statum, nec dimittere sine peccato, quemadmodum impuri sacerdotes monachi insuper & nonnæ subinde causantur. Quoniam si pœnitudine conuersus supplex fiat Deo, ad misericordiam ei venire licebit. Si autem ad misericordiam, ergo & ad donum Dei, quo inoffensè eundem statum pertranseat, modò ipse non defuerit sibi. Alioquin insufficièter redemisset Christus genus humanum de captiuitate & impotentia in qua antea fuerat.

- D.** Nōne offenso Deo mox recedunt à nobis gratuita munera eius? *Offenso Deo, nō statim recedūt dona Dei. Rom. 11.*
- M.** Nequaquam. Sine pœnitētia, inquit Apostolus, sunt dona & vocatio Dei. Hoc est, non ducitur Deus pœnitudine super donis suis: vt mox vbi peccant homines, illa reuocet.
- D.** Euangelium tamen apertè dicit de seruo, qui non bene fuerat vsus talento sibi concredito, Tollite ab eo talentum, & date ei, qui habet decem talenta. *Matth. 25.*
- M.** Exprimit ibi Christus formam quandam iudicij diffinitiuī, quod dabit super animabus fidelium, vel in die mortis, vel in consummatione sæculi. Quàm diu autem

Luc. 27.

*Actus vnus
Veneris
nō expellit
donū conti-
nentiæ.*

peregrinamur in carne sub vexillo dominicæ crucis, tam diu expectat nos misericordiarū Dominus ad pœnitentiam, secundum diuitias bonitatis suæ, patientiæ & longanimitatis, vt habet Paulus ad Romanos cap. 2. Venit enim Christus in hunc mundum, quærere, & saluum facere quod perierat. Est autem & illud diligenter aduertendum, quod sicut virtutes habituales, & actus vitij contrarij non directè inter se contrariantur, nec se mutuo expellunt. Vna enim detentio auara virtutem liberalitatis non tollit, neque vna veneris contræctatio virtutem continentie expellit. Quare nec donum Dei, actus vnus contrarius abigit: quia dona Dei sunt quasi habitualia subsidia ad functiones Euangelicas Euangelicè perficiendas data. Actus actibus, & virtutes habitualibus vitij contrariantur. Veneris itaque congressus vsum quidem impedit tam virtutis continentie quàm doni diuini, non autem illa extinguit, nisi assiduitate sui, aut nimia sortè exuberantia.

D. Et virginitas, nō ne vel vnico cōgressu carnis perditur?


*Virginitas
perditur
vno cōgressu
carnis,
nō autē cō-
tinentiæ vir-
tus aut do-
num.*

M. Perditur sanè ipsa incorruptio siue integritas mentis & corporis, in quibus ratio virginitatis consistit, vt amplius dici nequeat alma, intacta, intemerata, aut reuera virgo, quæ sua sponte semel veneream voluptatem experita est. At secus se res habet de ipsa virtute continentie & dono eius. Quandoquidem & nupti, etiam inter moderatos amplexus coniugales, & viduæ post vsum coniugij, virtutem donumque continentie retinent, haudquaquam virginitatē. Habitus virtutum ex multis actibus præuijs generantur, quare nec perduntur: nisi multiplicatis actibus contrarijs. Quærit autem diuus Augustinus, Nunquid impij dona Dei habēt? Sibi que respondet, Habent utique per eum, qui illuminat omnem hominem venientem in hunc mundum.

Vota

Vota castitatis licita esse & sancta, etiam si ipsa castitas donum Dei existat.

CAP. IX.

D.  Emo potest continens esse ex suis solius viribus, uti superius probatum est.

M. Esto.

D. Temerariè igitur faciunt, qui se voto obstrin-
gunt perpetuæ castitati.

M. Non consequitur, quod inferis. Quanquam enim ex suis solius viribus continens esse nemo possit: omnes tamen tales esse possunt diuino auxilio accedente. Id enim reuera dicimur posse, quod amicorù auxilio possumus, secundum Aristotelem veteris philosophiæ antistitem. Rursum, id dicimur posse, etiam in fidei & salutis nostræ negotijs, quod Dei munere, Deoque adiuuante possumus, secundum Paulum traditionis Euangelicæ Apostolum. Nam dicit, Omnia possum in eo qui me confortat. Neque dixit Sapiens: Nemo potest continens esse absoluto sermone, sed cum hac conditione, Nisi Deus dederit, quasi diceret potest utique homo, si Deus dederit.

Quid obsecro magis extra vires nostras, aut magis est in donis Dei, quàm credere, siue Deo fidem seruare religionis? Et tamen profiteamur sacramentaliter in Baptismo, nos perpetuò adhæsuros Deo per fidem, secundum Euangelium Christi. An temeraria sit sacramentalis professio religionis Christianæ, eâ ob causam, quòd dicit Apostolus: Gratia enim estis saluati per fidem: & hoc nō ex vobis. Dei enim donū est, nō ex operibus, ut ne quis gloriatur.

Probatur à simili nos posse vouere continentia, etiam si donum Dei est.

D. Absit.

M. Tamen & fides, & perseverantia in fide, & omnis totius religionis obseruatio, donū Dei est, quod nemo habet, nisi illo misericorditer donante. Itaque à simili, nequaquam temerarium erit vouere castitatem, licet eadem sit

fit

Castitas ma sit donum Dei. Nónne & matrimonialis pudicitia do-
trimonialis num Dei est, quod nisi precibus impetrent á Deo, non
donū Dei. habent coniugati?

D. Omnino, vti iam probatum est.

M. An eam ob causam dicemus, impium esse, innectere
Matrimo- sese inseparabili iugo cum vxore, quòd nescis si donum
nia non continendi te cum vna, tecum sit perseueraturum? An
propterea contineendi te cum vna, tecum sit perseueraturum? An
debent ir- ideo opinabimur licere separare quod Deus coniunxit,
rita esse, quia inardescit libido in eam, quæ non est propria vxor?
quia casti- Vides, fili, ad quæ monstra ducit impura dogmatizatio
tas matri- hominum, qui dum prohibent continentiam vouere,
monij est etiam prohibent nubere: dumque soluunt vota, etiam
donū Dei. coniugia solui posse, admittere debent: nam eadem in
 vtrisque est ratio. Sicut enim cōtinentia donum Dei est,
 ita & conjugalem castitatem inter dona Dei referre nos
 oportet. Sed hæc docent non aliam ob causam, quàm vt
 libido sua insolens freni ubique inueniat nefarij operis

1. Cor. 7. libertatem. Nos fatemur cū Apostolo Paulo, quòd vnus
Vnusquisq; quisque proprium donum habet ex Deo, alius quidem
propriū do sic, alius verò sic. Sed & hoc simul fatemur neminem vn-
nū habet. quam corde bono, & ob finem honestum suscepisse sta-
Nemini de- tum vllum probatū in Euangelio, cui desit necessarium
est necessa- auxilium Dei: modo non desit ipse sibi, hoc est, modò fa-
riū auxiliū ciat quantum in se est, & Christo verè supplex fiat. Ad-
Dei, modò sibi nō desit hæc fatemur cū Apostolo, quòd meliùs est nubere quàm
 1. Cor. 7. vri. Nihilominus etiam confitemur cum Propheta, red-
Meliùs est dendum esse Deo, quod illi voto promissum est. Nam
nubere q̃ loquitur Apostolus de ijs qui potestatem corporis sui ha-
vri, his qui bent, nullo vinculo Sacramenti, aut voti, aut naturæ li-
liberi sunt. gati. Alioqui posset & maritus cogitare de libello repu-
Vota mis- dij, dicens: Meliùs est mihi ducere in vxorem hāc quam
sa reddere amo, dimissa mea, quàm assiduè vrentis ignis sustinere
oportet. æstū. Quod tamen si fieret manifestè esset contra Euan-
 gelium

gelium Christi dicentis: Quod Deus coniunxit, homo *Matth. 5.*
 non separet, & contra doctrinam Pauli asserentis, His *19.*
 autem qui matrimonio iuncti sunt, præcipio, non ego, *1. Cor. 7.*
 sed Dominus, uxorem à viro non discedere. Et vir uxorem non dimittat. Vt ergo liberis hominibus, melius est nubere, quàm vri, ita ijs qui voto astricti sunt, melius est reddere, quod sacrosanctè promiserunt, quàm nubere. Si post votum vrget impetus petulantis naturæ, confugere oportet, vt antea diximus, ad orationem Dei, sicut ipse Paulus fecit, dicens: Ter Dominum rogaui, vt discerem *2. Cor. 12.*
 à me, scilicet, stimulus carnis. Siquidem vt alijs, ita & Apostolo suo permittit Christus pugnam carnis, vt sit & vnde coronet strenuum, & vnde humiliet miraculis clarum, ne infletur. Nunquam tamen vllum militem, qui sibi non deest, deseruit Deus, dicens ad Apostolum, Sufficit tibi gratia mea: nam virtus in infirmitate perficitur. Verùm de his latius in tractatu de cœlibatu sacerdotum.

- D.** Interim cupio edoceri num nuperum sit & recens inuentum sese voto, virginitati aut viduitati astringere. *Mos vouendi castitatem peruectus esse scripturis probatur.*
- M.** Nuperum esset? Quinimo tam est vetustum quàm ipsum Euangelium, tamque constanter hucusque productum ab incunabulis Ecclesiæ, quàm vlla doctrina fidei. Nolo mihi credas, rem Scripturis sacris, deinde & succedentium sibi patrum attestationibus demonstrabo. Enimvero Apostolus informans Timotheum episcopum sic inquit, Adolescentiores autem viduas deuota. *1. Timot. 5.*
 Cùm enim luxuriatæ fuerint in Christo, nubere volunt, habentes damnationem, quia primam fidem irritam fecerunt. Quo loco fides accipitur pro constantia animi in præstando quod antea promiseras. Vt sit sensus, Fidem primam irritam fecerunt, id est, constantiam & fidelitatem, quam debebāt voto suo, siue spõsioni semel emissæ
 in

in Ecclesia superviduitate exinde seruanda. Nam viduę, quę tū tēporis recipiebantur in tutelam Ecclesię, alendę sumptibus Ecclesię, voto suam viduitatem Deo cōsecrabant. Vt autem certò certius constet hunc esse germanum sensum verborum Apostoli, ipsum Concilium Carthaginense quartum decretorum suorum capite ultimo explicat verba Apostoli sicuti nos, sed fusiùs, dicēs: Vt si quę viduę quantumlibet adhuc in minoribus annis positę, & matura ætate; à viro relicte se deuouerunt Domino, & veste laicali abiecta, sub testimonio Episcopi & Ecclesię religioso habitu apparuerint, postea verò ad nuptias seculares transierunt, secundum Apostolum damnationem habebūt, quoniam fidem castitatis, quam Domino vouerunt, irritam facere ausę sunt. Subdit, De talibus ait Apostolus, Quum luxuriatę fuerint, nubere volunt, habentes damnationem, quia primam fidem irritam fecerunt. Hucusque Concilium Carthaginense quartum. Sed & Concilium Toletanum quartum cap. 55. sic habet, Duo sunt genera viduarum, seculares & sanctimonialis, Seculares viduę sunt, quę adhuc disponentes nubere, laicalem habitum non deposuerunt. Sanctimoniales sunt, quę iam mutato habitu seculari, sub religioso cultu in conspectu sacerdotis & Ecclesię apparuerunt. Hę si ad nuptias transierint iuxta Apostolū, nō sine damnatione erunt, quia se primū Deo vouentes, postea castitatis propositum abiecerunt. Hęc Concilium Toletanum quartum. Adhęc diuus August. lib. de bono viduitatis cap. 9. & 10. dicit, Voto à virginibus vel viduis emisso, iam non solū non capessere nuptias, sed etiam si non nubant, nubere velle damnabile est. Nam vt hoc demonstraret Apostolus, non ait, cū in delitijs egerint, in Christo nubunt: sed, nubere volunt: habentes, inquit, damnationem, quoniam primam fidem irritam

fece-

*Concilium
Carthagi-
nense.*

*Concilium
Toletanū,*

fecerunt: et si non nubendo, sed tamen volendo: non quia ipsæ nuptiæ vel talium damnandæ iudicantur, sed damnatur propositi fraus, dānatur fracta voti fides, damnatur non susceptio boni inferioris, sed ruina à bono superiori. Hucusque Augustinus. Simili modo intellexerunt eadem verba Apostoli diuus Hieronymus, & reliqui Patres quotquot dictum locum interpretati sunt. Itaque non dubitandum, quin ibi fides accipiatur pro fidelitate seruanda in promissis ac votis. Secundò non dubitandum, quin tum temporis plæræque viduæ voto se astringebant perpetuæ viduitati vt sanctimoniales essent mutato habitu. Quātum verò ad virginatatem spectat, verba quibus virgo Maria respondit Angelo satis luculenter innuunt, quòd ipsa suam virginatatem antea Deo dedicauerat, ait enim, Quomodo fiet istud, quoniam virum non cognosco? Quod profectò (inquit August.) non diceret, nisi Deo virginem se ante vouisset. Nō enim dubitat de facto, sed modum requirit & ordinem. Nec enim quærit an fiet istud, sed quomodo fiet. Quasi diceret, inquit Bernardus, Cūm sciat dominus meus testis conscientia meæ, votum esse ancillæ suæ non cognosce-
re virum, qua lege, quo ordine placebit ei, vt fiat istud? Si oportuerit me infringere votum vt pariam talem filium, & gaudeo de filio, & doleo de proposito, fiat tamen voluntas eius. Hucusque Bernardus. Sed & venerabilis Beda tractans eadem verba Euāgelij, Propositum suæ mētis, inquit, reuerēter exposuit Maria, vitam videlicet virginalem se ducere decreuisse. Quæ quia prima scēminarum tantæ se virtuti mancipare curauit, iure singulari præ ceteris scēminis beatitate meruit excellere. Vides quo acumine perspexerunt sancti patres responsionem Mariæ ad Angelū plus aliquid significare, quā, Actu non cognosco virum: id enim videbat Angelus: aut, quā hucusque

August. lib. de sancta virginitate cap. 4. Bernardus Homil. 4. super Euāgel. Missus est, &c.

usque nō cognoui virum: nam potuisset Maria post dis-
cessum Angeli nubere viro, & cognoscere eundem, ea-
que cognitione concipere, sicut Sara & Anna vxor Pha-
nuel post annunciatum sctum cognouerunt viros suos,
& ea cognitione conceperunt, adeo vt nihil fuerit opus
dicere, Quomodo fiet istud, quoniam virum non cogno-
sco. Quapropter dicendum est, quod Maria intellexit
suum responsum secundum plenitudinem significatio-
nis, quasi dixisset, Equidem Angele Dei, eo sum animo,
eoque sum proposito ac voto, vt disposuerim non co-
gnoscere virum, nullo sanè tempore, nulloque modo:
adeo vt meritò debeam interrogare, Si Deus me filium
parere voluerit, quomodo id fiet? An per cognitionem
viri contra animi votum, an alio quopiam modo. Hæc ex
Scripturis. Ex fideis autem historijs ac scriptis Patrum ea-
dem luculenter cōstant. Nam Epiphanius contra hære-
sim vocantium se Apostolicos refert hoc modo, Tradi-
derunt sancti Dei Apostoli, peccatum esse post decretam
virginitatem, ad nuptias conuerti. Igitur illi & compro-
bauerunt vota virginitatis seruandæ, & reprobauerunt
nuptias quæ post decretam virginitatem contrahuntur.
Et Basilius libro de virginitate adulteros vocat eos qui
prætextu nuptiarum Deo dicatas virgines sibi copulant,
inquiens: Nullus seruus ad id impietatis erumpat, vt spō-
sam Domini contingere audeat. Nullus adeo infans, ac
sacrilegus sit, vt immaculatam hostiam impudicis mani-
bus tractet. Nemo in tantum audaciæ temeritatiscq; pro-
siliat, vt huiusmodi vltionem sacrilegis impendere con-
siderans, non vasa inanima ex auri argentiq; materia
elaborata, sed animata ipsa, & viuia donaria, latronis mo-
re profanis manibus temerare, atq; incestare præsumat.
Imò verò nullus adeo impius, atrox, impurusque sit, vt
non inanimata tēpli vasa, sed ipsum Domini templum,
virgi-

*Mos vouē
di castitatē
probat
ex Patri-
bus.
Epipha-
nius.*

Basilius.

virgineum scilicet corpus, ipsamque omnium præti-
 osissimam animam in templo Dei, sacratissimi donarii vice
 locatam libidinis facibus barbarica immanitate succen-
 dat. Et paulò post, Si autem qui dimissam à mortali viro
 ducit, adulter atque impius est: qui immortalis viri spon-
 sam nunquam dimissam violare præsumit, multo profe-
 ctò funestius adulter atque impius erit. Et Hieronymus *Hieronymus.*
 aduersus Iovinianum libr. 1. Si nupserit, inquit, virgo,
 non peccauit. Non illa virgo, quæ se semel Dei cultui
 dedicauit. Harum enim si qua nupserit, habebit damna-
 tionem, quia primam fidem irritã fecit. Si autem hoc de
 viduis dictum obiecerit, quantò magis de virginibus præ-
 ualebit: cum etiam his non liceat, quibus aliquando li-
 cuit? Virgines enim quæ post consecrationem nupserint,
 non tam adulteræ sunt quàm incestæ. Cui contempo-
 raneus diuus Ambrosius sic scribit, Melius est nubere *Ambrosius ad*
 quàm vri. Hoc dictum ad non pollicitam pertinet, ad *virg. laps.*
 nondum velatam. Cæterum quæ se spondit Christo, *cap. 5.*
 & sanctum velamen accepit: iam nupsit, iam immortalis
 iuncta est viro. Et iam si voluerit nubere, communi lege
 coniugij adulterium perpetrat, ancilla mortis efficitur.
 Si hoc ita est, quid de illa dicendum est, quæ occulta &
 furtiua turpitudine constupratur, & fingit se esse quod
 non est? Habitu virgo, facto non virgo. Bis adultera, &
 in actu, & in aspectu. Idem Ambrosius alio loco mirum *Ambrosius lib.*
 in modum extollit beatam Theclam virginem & mar- *2. de virgi-*
 tyrem, quòd duplex fuerat certamen professæ & castita- *nibus.*
 tis & religionis. Sed & Eusebius in historia sua Ecclesia- *Eusebius lib. 8.*
 stica scribit, quòd erat apud Alexandriã Dorothea quæ- *cap. 17.*
 dam satis nobili orta familia, ingentibus diuitijs & pro-
 pinquis nobilibus pollens. Cui formæ & decoris gloria
 tanta fuit, vt mirum ac speciale in ea Dei figmentum cre-
 deretur. Sed illa quæ religione animi & honestate vitæ

pulchrior quàm vultu corporis esse studeret, æquissimo mentis iudicio, quod pulchrum & decorum inter homines videbatur, id potiùs Deo cōsecrare, quàm vsui humano statuit indulgere, vt virgo Deo sacrata persisteret. Cùm verò postea à Maximino Cæsare ad stuprum interpellaretur, Aequè nefas sibi esse, respondit, templum corporis sui quod semel Deo consecrauerat, idolorum cultu ac libidinis contagione polluere. Ecce virgo martyr tantum nefas putat esse virginis semel Deo cōsecratam polluere, quantum nefas est post Baptismum se idololatriæ cultui impendere. Adhæc refert Sozomenus in histor. Eccles. Tripar. hoc modo, Igitur Imperator (Iouinianus, siue, vt alij legunt Iouianus Iuliani successor) tunc etiam Secundo nomine præfecturam gubernanti prætoriam legem dedit, vt capitali sententia plecterentur qui vel sacram virginem nuptiali thoro violare auderet, vel impudico aspectu aspiceret, ne dicam, abriperet fortè tentaret. Quam legem ideo posuit cò quòd Iuliani temporibus quidam huiusmodi virgines vxores ducere ausi fuerant. Hactenus de consilio Euāgelico castitatis seruandæ.

Sozom. lib.
7. cap. 4.

Quæ sit paupertas ad quam nos hortatur Euangelium. CAP. X.

M. **R**ogrediamur nunc porrò ad consilium Euangelicum Paupertatis eligendæ.

D. **P**aupertatis? Pauper vbique iacet. Et, Impiger extremos currit mercator ad Indos
Horatius ad Mæcenatē.
Per mare pauperiæ fugiēs, per saxa, per ignes.
Et hanc eligendam suadet Euangelium?

M. Suadet multifariam, & quidem viuis apertisque cū rationibus, tum exemplis, tam Christi, quàm Apostolorum, milliumq; hominum eorum vestigia insequentiu.

D. At magnū pauperies opprobrium, inquit quidam.

M. Quia

M. Quin missa faciamus isthæc profanorum hominum dicta. Nos filij sanctorum sumus, alumni traditionis diuinæ, qua erudimur in aliam vitam, quam simul cum felicitate perfecta repositâ habemus in cælis. Actionis quidem humanæ utique finis est felicitas. Omnis enim omnium hominum labor ac studium in eo est, ut sit sibi bene: nemo quippe ad malum respiciens operatur. Iuxta finium autem diuersitatem diuersa datur de medijs institutio, præceptio, aut cōsultatio. Qui opinati sunt finem hominis, hoc est, felicitatem cōsistere in diuitijs contemptim docuerunt de paupertate. Qui verò in voluptatibus eam consistere voluerunt, sanctæ virginitati, & cœlibatui, & abstinentijs mirum in modū detraxerunt. Qui autem in virtute illam collocarunt, ut Stoici cæteris paulò cordatiùs philosophantes, ij sanè laudibus celebrauerunt quicquid virtuti colendæ subsidio esse considerabant. Cæterum, quia & ipsi vim præcipuaque membra veræ virtutis ignorabant, & qualis foret consummatio eius, per felicitatem quæ saluum facit totum hominem, intus & foris, & quaqua versum in beatitudine æterna. Ideo de paupertate, & humilitate, de pudicijs, de abstinentijs, de dilectione, de pœnitudine qua mentem in melius commutamus: & (ut ut semel dicā) de officijs hominis tendentis in Deum veræ pietatis felicitatisque principium ac finem, imperitiùs ineptiusque disseruerunt quàm oportuit, vibrantes enses suarum disputationum velut in tenebris, & reuera vix feliciùs iudicantes de prædictis quàm cæci de coloribus. Itaque & illis dimissis, inquiramus quid filius Dei, quid spiritus veritatis, qui è cælis venerunt, ubi vera possidetur felicitas, quid eorum Apostoli docuerūt de paupertate Euangelicæ prosequenda. Sicut suprà demonstrauius quid per ipsos doctum sit de virginitate ac cœlibe vita. In primis autem obserua-

Finis actionis humanæ felicitas.

*Paupertas
duplex.*

*Sola pau-
pertas vo-
luntaria cō-
putatur in-
ter cōsilia
Euāgelica.*

re debes, variam esse paupertatem. Est enim paupertas quam pateris, est quam eligis. Illam parit vel necessitas, vel rerum indigentia contra voluntatis affectū. In istam te inducit volentem spiritus fidei religioso quodā amore commutandicaduca æternis, terrena cælestibus. Illa pœna peccati est, ista vehiculum ad portum felicitatis. Illa qui stringitur miser est, quia patitur, nec eluctari potest quanquam conetur. Istam vel fugientem sequitur homo pius spontanea deuotione, & dimittere non vult, nec rogatus quidem vel impulsus. Illa inter media seu indifferētia, ista verò inter eximia bona Euangelica est collocanda. Quam Baptista fortiter inchoauit, Christus insigniter verbo factoque commendauit, Spiritus autem Dei mox post primum illapsum visibilem in corda hominum consummauit, ac velut in politiam quandam digessit, ad ipsam millibus Christifidelium conuersis, quam rectè spontaneam, fidelem, Euangelicam appellamus. Nam si voluntaria non est, vt non sunt communes indigentium paupertates, pertractatio eius non hoc loco fieri debet, sed alio quopiam, vbi agitur de miserijs cæterisque mundi malis, dum sic visum est superis fortiter perferendis. Si verò voluntaria est, non tamen fidelis ac Euangelica, hoc est, propter fidem Christi & Euangelij prædicationem, aut saltem ob spem Euangelicæ salutis præelecta, certè parum habet, vnde admodum commendari debeat. Quid enim paupertas Diogenis, aut Cratis Thebani, aut aliorum similis propositi, quid, inquam, boni ipsis peperit, præter admirationem quandam inter homines, & philosophandi commoditatem? At quam nos spiritu fidei apprehendimus secundum formam quam duces religionis nostrę præmonstrarūt, ea demum & viam veræ philosophiæ colendæ struit, & centuplum pro dimissis rebus accipit, & omnia mundi bona possidet, insu-
per

per & ius ad regnum Dei tribuit, eaq; omnia in hoc seculo. Superaddens denique in futuro seculo vitam æternam, cuius nunc demonstrationem exordiemur.

Voluntariam paupertatem mundo illatam esse simul cum ipso Evangelio salutis.

CAP. XI.

M. **P** Rincipio autem, nisi paupertas quam spontaneam, fidelem, Evangelicam dicimus, pernam haberet vim virtutis colendæ, & mirè expeditam faceret philosophiam Euāgelicam, profectò non esset illata mundo simul cum Evangelio salutis. Ioannes præcursor Domini, & primus prædicator Euāgelij, ipse dimissis omnibus factus est incola deserti, contentus locustis & melle sylvestri pro esca, & cilio de pilis camelorum pro vestimento, prædicans regnum Dei, & dicens: Qui habet duas tunicas, det nō habenti. Post hunc venit filius Dei dicens: Vulpes foveas habēt, & volucres cæli nidos: Filius autem hominis non habet, ubi caput suum reclinet. Et ipse prædicās regnum Dei dixit, Omnis ex vobis qui non renunciat omnibus quæ possidet, non potest meus esse discipulus. Vnde & adolescenti dixit, Si vis perfectus esse, vade, vende omnia quæ habes, & da pauperibus, & veni sequere me. Post Filium verò missus est Spiritus Sanctus visibiliter in specie flammularum, et ita ignificavit pectora credentium, ut dicat Scriptura: Omnes etiam qui credebant erant pariter, & habebant omnia communia. Possessiones & substantias vendebant, & diuidebant illa omnibus, prout cuiq; opus erat. Rursum, Multitudinis autem credentiū erat cor vnum, & anima vna. Nec quisquam eorum quæ possidebat aliquid suum esse dicebat, sed erant illis omnia cōmunia. Subiungit, Quotquot enim possessores agrorum aut domorum erant, vendentes afferebant precia

Paupertas |
Evangelica
simul cum
Evangelio
mūdo illata
est.

Matth. 3.
Marc. 1.

Luc. 3.
Matth. 8.

Luc. 14.

Matth. 19.

Act. 2.

Act. 4.

eorum quæ vendebant, & ponebant ante pedes Apostolorum. Diuidebatur autem singulis, prout cuique opus erat. Et istud quidem tum temporis, cum esset multitudo credentium aucta in millibus, vt ex eisdem Actis patet. Adhæc duces fidei intonant constanter, Ecce nos re-

Matth. 19.

liquimus omnia, & secuti sumus te, Christum dominum nostrum, nudum nudi: non tantum retia nostra, & nauiculas quæ habemus, sed omnia quæ mundi sunt, & acquiri à nobis possint relinquentes. Potissimum autem

Philip. 3.

filius accrescens Paulus Apostolus: Existimo, inquit, omnia detrimentum esse propter eminentem scientiam Iesu Christi domini mei, propter quem omnia detrimentum feci, & arbitror vt stercora, vt Christum lucrifaciam. Nec est in Ecclesiam hoc genus vite sine certa eaquæ amplissima promissione Dei introductum. Enimuero Saluator

Matth. 19.

*Promissio
Euangelica
pro susce-
pta pauper-
tate.*

ab Apostolis interrogatus, Ecce nos reliquimus omnia, & secuti sumus te, quid ergo erit nobis? Respondit, Amen dico vobis, quod vos qui secuti estis me: & omnis (non solum vos) qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros (nota disiunctiuam particulam: nam qui vel vnum dimiserit, quanto magis qui vniuersa) propter nomen

Marc. 10.

meum (Marcus, propter me & Euangelium) centuplum accipiet. Marcus, Centies tantum nunc in tempore hoc domos, & fratres, & sorores, & matres, & filios, & agros cum persecutionibus, & in futuro seculo vitam æternam: Quod ipsum Matthæus dixerat, Centuplum accipiet, & vitam æternam possidebit.

Quid sit illud centuplum quod eligentibus paupertatem
Euangelicam repromittitur.

CAP. XII.

D.



Ertè irrefragabilis est, quam ex verbo Dei promissis, commendatio paupertatis Euangelicæ. Caterum quid est, & quale illud centuplum, quod

quod ei repromittitur?

M. Iam audisti ex Marco. Est enim centies tantum. Vis autem expresse nominem, & exinde verbo Dei demonstrarem?

D. Obsecro.

M. Est ius siue actio ad ipsum regnū cælorum, cum sua illius centu-
uissima affluētia rerum in hoc mundo, quantum cupis, pli, quo re-
ac satis est, illi virtuti colendæ, cum qua & nascitur & muneratur
consummatur omnibus expectanda felicitas. Quod sic paupertas
demonstramus. Saluator noster cum se ad docendum in Euāgelica,
monte composuisset, aperiens os suum dixit: Beati pau- explicatio.
peres spiritu, quoniam ipsorum est regnum cælorum. Matth. 5.

Eandemque doctrinam in campatribus siue plano loco
iterum repetens sub his verbis, Beati, inquit, pauperes, Luc. 6.

quia vestrum est regnum Dei, voce illa, spiritu, prætermis-
sa. Verū cum & Lucē Euangelium sit à Spiritu Sancto
profectum, nec in illo docetur nisi quod à spiritu surgit,
spiritu fouetur, spiritu perficitur. Igitur si vera est hæc
doctrina Christi, utique per paupertatem spiritu fidei ap-
prehensam acquiritur verum ius, solidaque actio ad om- Per pauper
ne illud, quod nomine regni cælorū, aut regni Dei in- tatē Euāge-
telligitur. Cuius postea dabitur possessio realis (vt Iuri- licam acqui-
ritur ius in
speriti loquuntur) cum per sententiam sedentis pro tri- regnū Dei.
bunali super sedem maiestatis suæ dicetur, Venite bene. Matth. 25.

dicat Patris mei, possidete paratū vobis regnū à consti-
tutione mundi. Ius autem ad tantum regnū an non
centies melius est omni auro, omnibusque possessioni-
bus, quæ hic dimitti possunt? Arbitror quod sic, nec
quenquam contrariæ esse opinionis certum habeo.

D. Putant plerique Matth. 5. sermonem esse de humili- An illud,
tate; non autem de rerum indigentia. Beati pau-
peres spi-
ritu sit dictū
de humili-
tate.

M. Humilitas quidem parens est & nutrix, indiuiduaque
comes paupertatis Euangelicæ. At sermo Christi est de

paupertate. quæ diuitijs opponitur. Quod manifestius
 liquet ex Luca, dicit enim simpliciter, Beati pauperes siue
 mendici, vt Græcus textus interpretari potest. Et mox
 subdit horrenda quædam, Væ, aptata contrarijs eorum,
 quibus antea beatitudines coniunxerat, dicens: Væ vobis
 diuitibus, qui habetis consolationem vestram. Væ qui sa-
 turati estis, &c. Et quid opus erat Matthæum dicere,
 Beati pauperes, & nõ potiùs, Beati humiles spiritu, si ni-
 hil peculiariter dictum voluit de paupertate diuitijs op-
 posita? Ne autem de omni tali locutus videretur, addidit
 vocem, spiritu, quo constaret Christum tantummodo
 locutum de ea paupertate, quæ spiritu fidei suggerente
 eligitur, partim humiliationis, partim salutiferæ commu-
 tationis causa, quo te æques minimis, imò omnibus mi-
 norem facias, atque pro onerosis diuitijs, quod centupli-
 citer haberiùs suauiusque possidetur, obtineas. Voluit
 namque Christus communem falsamq; cùm vulgi, tum
 Philosophorum opinionem nouis cælestis suæ doctrine
 paradoxis penitus enervare, docendo veraciter inesse bea-
 tudinem paupertati, luctui, patientiæ, modò spiritu
 Euangelico apprehendantur (Nam vox, spiritu, ad sin-
 gulas beatitudines repeti debet) quibus illi non nisi mi-
 seriam & infelicitatem attribuebant, quemadmodum
 certè ferè nihil aliud habent spiritu Dei secluso, dicente
 Apostolo; Si in hac vita tantum, in Christo sperantes su-
 mus, miserabiliore sumus omnibus hominibus. At care-
 re rebus mundi non necessitate, non infortunio, non na-
 tura, sed spiritu propriæ voluntatis per fidem, hoc beatum
 prædicat Christus, beatum, inquam, quoniam talium est
 regnum cælorum. Nõ utique erit, sed nunc illorum est,
 nunc enim in illud verum ius habent, quomodo cre-
 brò ius habetur in rem ante actuale possessionem eius.
 Qualis sensus reuera est vt genuinus literæ, ita consonus

per omnia & vitæ, & reliquæ doctrinæ tã Christi quàm Apostolorum, omniumque qui primitijs Spiritus sancti in die Pentecostes ac postea decorati fuerunt. Nec tantummodo acquiritur pro dimissis bonis temporalibus præfatum ius ad regnum Dei, sed simul etiam suauissima quædam affluentia rerum huius mundi, quousque cupis, & satis est virtuti Evangelicè colēdæ, vti diximus. Habet enim textus Euangelij secundum Marcum, Amē *De affluentia rerum quā accipit paupertas Evangelica in hoc mundo.* dico vobis, Nemo est qui reliquerit domum, aut fratres, aut sorores, aut patrem aut matrem, aut filios, aut agros, propter me, & propter Euangelium, qui non accipiat centies tantum in tempore hoc domos, & fratres, & sorores, matres & filios, & agros.

D. Etiam si ad ipsos non pertineant?

M. Neq; vnquam pertinuerint, aut iure naturæ, aut iure gentium, aut successionis lege, aut vlla ciuiliū constitutionum obligatione.

D. Quomodo igitur accipiunt? Imò quomodo habent, quod ipsorum non est?

M. Habent ad vsum, non ad opes, aut proprietatem possessionis, accipiuntque spontanea donatione aliorum, qua affluunt eis sufficientissimè per flumina charitatis. Sic disponente Spiritu Sancto, qui vnus singulorū corda tangit, dirigit, patefacit ad singula cōmembra mystici corporis, haud secus atque vnus spiritus vitalis singulorum membrorum vires, opes, officia conuertit in vsum aliarum partium eiusdem corporis, quantum cuiq; opus est, & sufficit.

D. At quomodo accipiunt centum domos pro vna, aut centum agros pro vno, aut centum matres pro vna? Id necdum intelligo.

M. Nec hoc dicit Christus. Sed inquit, centies tantum, domos, agros, fratres scilicet accipiūt, hoc est, cēties tantum

utilitatis ac beneficij accipiunt ex domibus agrisque alienis, ex fratribus, sororibus, matribusque non suis, quantum ex proprijs accipere potuissent. Omnium enim domus eis aperta sunt, omnium agri ipsis fructificant, omnesque pie fideles officia plus quam paterna, aut fraterna, aut materna in eos congerunt & accumulunt. Adhuc tam habent singulos comparticipes fidei pro fratribus, quam si de eisdem visceribus geniti forent, sicuti sunt per eadem viscera vnus Christi, eiusdemque Spiritus Sancti, noua creatura in Deo. Habent insuper vniuersos qui regendi docendique in Ecclesia munia subeunt, tam pro colendis patribus quam si de ipsis viuendi initium sumpsisset, sicut & sumpserunt, loquendo de vita Euangelica, qua Deiformes efficimur. Vnde Apostolus Corinthijs confidenter scribit. Nam si decem millia pædagogorum habeatis in Christo, sed non multos patres. Nam in Christo Iesu, per Euangelium ego vos genui. Omnes denique quibus ipsi aliquod incrementum gratiæ Euangelicæ impartiti sunt, vt proprios filios amplectuntur, ut liquet ex eo quod Galatis scribit, Filioli mei quos iterum parturio, donec formetur Christus in vobis. Quales appellationes Euangelicæ cognationis passim per omnem Scripturam sacram obuiæ sunt. Vt autem pergamus, legistine qua magnitudine spiritus Paulus ad Corinthios loquitur? Quasi tristes, inquit, semper autem gaudentes: sicut egentes, multos autem locupletantes: tanquam nihil habentes, & omnia possidentes.

D. Legi frequenter, & non sine magna admiratione.

M. Ibi explicat dulcedinem diuitumque remunerationem

Quomodo paupertatis Euangelicæ. Quasi diceret, Nos qui nudi nudum sectamur Christum, videmur quidem mundi hominibus instar mendicantium egere rebus: at locupletes reddimus quam plurimos, non solum bonis spiritualibus

bus, sed & temporalibus. Quis enim pauperum in Hierusalem subleuauit inopiam? Nonne ego? Quis autem perperit Ecclesie diuitias, quibus opulenter sustentat ministros suos, nonne sancta illa primorum credentium paupertas? Nam & tum temporis cum nihil videbantur habere Apostoli, possidebant omnia.

*tatis Euan-
gelice ex-
plicatur in
epistola ad
Corinth.*

D. Falso itaque dixerunt, Ecce nos reliquimus omnia. Nam omnia possidere, omniaque relinquere ex diametro sibi repugnant.

M. Neque falso dixere duces fidei, neque inter duo illa, *Quid sit omnia possidere.* uti arbitraris, est repugnantia. Quæ enim ad nutum inferuiunt nobis, rectè possidere dicimur. Quandoquidem possidere est in posse, hoc est, in potestate sua habere. Aliud possidere, aliud est rem tãquam suam, sibiq; propriam habere. Quam differetiam Cicero linguae Latine parèsinfinuauit dicens: Sua esse omnia, atque à se possideri sicut propria volunt Philosophi. In monastica omnis professus omnia quæ monasterij sunt possidet, nihil tamen suum habet, quia omnibus per votum renunciavit. Omnia ergo possidebant Apostoli, quia de omnibus quantum libuit in sua potestate habebant, idque per spiritaneam piamque aliorum communicationem. Omnia nihilominus dimiserat, quia omnium rerum dominium & proprietatem à se abdicauerant, habentes rursus quæ aliorum sunt adeo ad nutum, ut nihil eis defuerit, imò ut dicat Apostolus, Testimonium enim perhibeo vobis *Gal. 4.* (Galatis) quia si fieri posset, oculos vestros eruissetis, & dedissetis mihi. Illi autè hoc facturi, an pecunijs, an alijs bonis pepercissent erga Apostolum? Sed nec possunt magis volupe esse opes diuitibus, quàm homini sancto sua paupertas voluntaria. Hinc Apostolus, Quasi tristes (scilicet iudicamur à cæteris) semper autem gaudentes. Non enim aliàs lætamur, & aliàs mœremus, sed semper gerimus

mus intus merum gaudium Spiritus Sancti. Quale est virtuti proprium, habens in se prægustationem eius dulcedinis quæ in cælis est, finemque nescit. Atque hæc cui coniunctim accrescunt in tempore isto pro iis quæ dimisit, nonne tibi centies tantum accepisse videtur?

D. Omnino. Verum adiecit Marcus, Cum persecutionibus. Vbi autem persecutio, ibi amaritudo, ibi & dolorum pondus.

M. Virtus in infirmitate perficitur. Virtus sub aduersita-

2. Cor. 12.
*Quicquid
auget virtu-
tē, auget et
gaudium
cordis.*
Act. 5.

tibus, vt palma sub onere, crescit. Virtus sola verum de se gaudium gignit. Igitur quicquid virtutem exacuit, fouet, perficit, hoc accumulatur & gaudium cordis, sit persecutio, pauperies, ægritudo, sint enses, vnde, sartagines, aut quaecunque velis. Nonne Apostoli ibant gaudentes à conspectu concilij, quia digni habiti sunt pro nomine Iesu contumeliam pati? Gaudentes, inquit, ea ratione, quia digni erant pro nomine Iesu pati. Non enim ignorabant donum Dei esse pro Christo pati. Secundum Paulum dicentem: In nullo terreamini ab aduersariis, quæ illis est causa perditionis, vobis autem salutis, &

Philip. 1.

**Donū Dei
est pro Chri-
sto pati.**

hoc à Deo. Quia vobis donatum est, pro Christo non solum vt in eum credatis, sed vt etiam pro illo patiamini.

Rom. 8.

Itaque gaudebant de munere causam salutis adferente, certi neminem posse lædi, nisi à seipso: certi nihil posse separare à charitate Dei quæ in Christo siue per Christum est, præter vnam propriæ volūtatis auersionem: certi de-

Luc. 6.

**Gaudiū spi-
ritus foris
affligi pro-
pter verita-
tem.**

nique de promissione quam antea audiuerant, Gaudete in illa die, & exultate, ecce enim merces vestra, multa est in cælo. Sentientes simul in semetipsis cum Paulo, quod licet is qui foris noster homo corrumpatur: tamen is qui intus est renouatur de die in diem. O si fide bene persua-

2. Cor. 4.

Ibidem.

sam haberemus sententiam illam Pauli, qua dicit, Id quod in præsentibus est momentaneum, & leue tribulatio-

nis

nis nostræ, supra modum in sublimitate æternum glorię pondus operatur in nobis, Deus bone, quanta dulcedine & nostrum interiorem hominem perfunderent pauperies, tribulatio, ægritudo, mors denique ipsa. Profectò velut nouo electoq̃ue musto inebriarent corda nostra, Non contemplantibus nobis, vt inquit, quæ videntur, *Ibidem* sed quæ non videntur. Quæ enim videntur, temporalia sunt: quæ autem non videntur, æterna sunt. Cæterum præoccupatus affectus noster succo rerum præsentium carnaliumq̃ue voluptatum, quæ Dei sunt non percipit, neque enim potest. Gaudium spiritus ei in tristitiam ac tædium conuertitur, haud secus atque febricitantibus dulcedo vini in amaritudinem.

D. Rogo autem quale potest adferre gaudium aut dulcedinẽ tenuiter victitare, duriter cubare, inopia inediaq̃; premi, qualia pauperibus Euangelicis primitiuæ Ecclesiæ quotidiana fuẽre? *Quaratione paupertas quæ foris est generet intus in*

M. Quemadmodum venter satur super omnibus cibis *corde gaudium.* nauseat, ita bene vacuatus stomachus vel solo pane & aqua delitiatur, subinde magis, quàm si super regijs lautitijs quispiam epulo potest. Post longa quippe ieiunia post feruorem aut orandi, aut quid peragendi in opere Dei, quicquid apponitur delitiæ sunt, sapit beta, sapit faba, sapit ater mucidusq̃ue panis. Nec dissimiliter, vt ijs qui dietim somno indulgent omnis lectus est insuauis, neque vllum cervical satis sub capite aptatum: ita ijs qui naturæ per vigilias vim faciunt, omnis locus pro suauilecto est, cubant commodè super terram, suauiter super scamna & saxa. Prout miles post productas excubias sterit profundum altumq̃ue, etiam quouis in loco. Et vnde gaudium? nõne ex eo quòd voti compos efficeris? Cur opes titillant animum? nõne quia, & vsui sunt ad finem quo tendis? Itaque qui fit voti sui compos perueniendo

A. 7. 5.

niendo ad desideratas propter Christum inopiā, famem, nuditatem, cur obsecro nō gauderet habens quod vult, quodq; quærit, & quo sibi quā optimè esse secundum spem promissæ salutis arbitratur? Verè igitur Paulus dixit de se, ac alijs Euangelicæ paupertatis sectatoribus, Quasi tristes, semper autem gaudentes. Verè & Lucas de cælis Apostolis asserit, Ibant gaudentes à conspectu concilij, quia digni habiti sunt pro nomine Iesu contumeliam pati. Nec alienum haberi debet, quod inserit Christus discipulorum auribus, nempe sub maledictis & persecutionibus gaudendum atque exultandum, eò quòd eorum merces copiosa est in cælis. Hucusque de promissione Dei quam repositā habent, qui propter Christum & Euangelium sua bona dimiserunt, sponte sua propria paupertatem eligentes. Nunc autem demonstrandum restat, num vna tantum, an varia sit paupertas Euangelica, quod modò facere tentabimus.

Paupertatem Euangelicam non vnius generis esse, sed variam. CAP. XIII.

M.
Vario modo fit dimissio rerum propter Christum.

REnunciatio siue dimissio rerum temporalium propter Christum fit multifariam. Primò nudè relinquendo absque vlla de illis dispositione. Quomodo Apostoli relictis omnibus secuti sunt Iesum. Luc. 5. ac alijs locis. Secundò relinquendo certo quodam modo. Et hoc iterum bifariam, vel vendendo quæ habes, vt distribuas pauperibus. De quo modo inquit Saluator ad adolescentem. Si vis perfectus esse, vade, vende omnia quæ habes, & da pauperibus, & veni sequere me. Matth. 19. Vel conferendo omnia in communem vsum dimissa proprietate, vt iam non sint amplius tua solius, sed omnium, omniumque vñibus inseruiant, quodque superest ad sinum pauperum recurrat. Prout factum

factum est post acceptum Spiritum Sanctū, Act. 2. & 4. Et certè permanet praxis horum modorum in Ecclesia Christi in hodiernum vsque diem, tum in conuentibus monasticis, tum extra tales conuentus. Olim ante tempora Basilij Magni crebrius extra monasticam professionem, & citra votum, vel Euangelij annunciandi causa, vel virtutis absque remora colendæ, nunc magis in monasterijs, & ferè non sine voto. Vtroque tamen modo, & sine voto, & cum voto fieri potest. Verùm quò fiat admodum Euangelicè atque vtiliter, necesse est vt sibi cõiunctum habeat & illud, Multitudinis autem credentium erat cor vnum, & anima vna. Cor, inquam, vnum, hoc est, studium commune, quo idem quærebant omnes, idem volebant, eodemque tendebant. Anima insuper vna, vt nemo sibi viueret, sed quisque quod erat, quod habuit, quod potuit, omnium existimabat esse.

D. Cui obsecro horum modorū plus inest perfectionis?

M. Non facile id dixerim ego: at tibi quid apparet?

D. Quòd perfectius agant ij qui in secundo aut tertio ordine sunt. Quoniam non solum ipsi toti aduolant ad studium pietatis, verùm etiam disponunt, vt omnia sua que relinquunt eidem inseruiant pietati, quod magnum momentum habet.

M. Valde lepidè dixit Terentius, Pecuniam in loco negligere, interdum magnum est lucrum. Haud dissimili modo, nonnunquam vel summæ pietatis est, negligere quod per se pium videtur, intuitu maioris pietatis exercendæ. Domine, inquit, quidam, permitte mihi primum ire, & sepelire patrem meū. Sepelire verò patrem an non pium? Dicit tamen Saluator: Sine vt mortui sepeliāt mortuos suos: tu autem me sequere. Et alter ait, Sequar te Domine, sed permitte mihi primum renūciare (nota renūciare) his quæ domi sunt. Ait ad illum Iesus, Nemo mit-

*Pientissimū
est pīū ma-
ioris pieta-
tis causa
negligere.
Luc. 9.*

Luc. 10.

mittens manum ad aratrum, & respiciens retro, aptus est regno Dei. Etiam pia contrectatio bonorum mundi remoratur animum, & non nihil habet periculi. Cuius euidentius inuenitur exemplum in redargutione qua Christus monuit Martham dicens: Martha Martha sollicita es, & turbaris erga plurima. Porro, vnum est necessarium. Itaque Apostoli aspicientes in Euangelium Christi, habebant bona huius mundi ut stercora, præ magnitudine eorum quæ offerebat Christus, imò tanquam detrimenta. Vnde proijciētes ea, ab ipsis velut de compedibus exiliebant ad Christum, intra se cogitantes, Valeant quæ inter nos & Christum dissidium volūt, tractent mundani mundi bona, nobis in Christo domino multò huberior fructus erit. Profectò dimissio rerum temporalium, hoc modo, hacque contemplatione facta, uti valde est conformis factis Apostolicis, ita plurimum perfectionis habet, mereturque Evangelica, nedum heroica reputari debet. Quod tibi explicatum volui, ne modum quo Apostoli reliquerunt bona mundi inter ceteros infimum locum habere putares. Quis autem inter sectatores Christi paupertatis Evangelicæ cacumen propius attigerit, solus ille iudicare potest, qui renes scrutatur & corda. Nam quo quisque in dimittendis rebus puriori fide, ardentiori que charitate fertur, plus fiduciæ habens in promissionibus verbi diuini, eò gratius Deo virtutis suæ sacrificiū offert. Multa autem primi erunt nouissimi, & nouissimi primi. Quā coronidem subiecit Christus, postquam in hac materia plenè respondisset Apostolis. Quasi diceret, Multi nunc primi in hac virtute apprehendenda, erunt postea nouissimi. Vt Iudas cui postea adeo infedit habendi sitis, ut dominum suum, seruatorem suum, Deum suum triginta argenteis, tantilli scilicet lucelli causa venderet. Utque Ananias & Sapphira, qui veluti præcipuo seruire ad

Marc. 10.
Quomodo
nouissimi
fiant primi,
et primi nouissimi.
Matth. 26.

con-

consilium paupertatis aduolantes, mox longè ultra nouissimos exterminati sunt, propter scdum suum mendacium. Et multi nouissimi erunt primi. Quia multi adhuc hærent depressi onere cùm infidelitatis, tum cupiditatum suarum, qui tamen reliquos vsq; ad primum gradum huius perfectionis præteruolabunt. Vti fecerunt, quorum tetigit corda Spiritus Sanctus in die Pentecostes, feceruntque postea in Aegypto Heremite, quos Philo Iudæus vocat *ἡραπίτες* καὶ *ἡραπίτιδες*, hoc est, cultores & cultrices, libro de vita contemplatiua. Qui non solum dimissis rebus, sed & mundo, & hominum consuetudine, secesserunt, habitantes seorsum in prædijs extra vrbes, aliquando procul in solitudinibus, in montibus, atque speluncis, & in cauernis terræ. Alij solis fructibus folijsque arboreis famem nuditatemque refocillantes. Alij non nisi herbarum radicibus sustentantes naturam. Omnibus potus vnus erat aqua. Plurimis verò aliquid cocti sumpsisse (vti fidæ historiæ testantur) luxuriæ deputabatur. Adeo vt non solum bona temporalia, sed & naturæ necessaria, quantum possibile erat, deseruisse videantur. Et certè hos quis non inter primos huius perfectionis sectatores annumerabit? Rursum, multi primi erunt nouissimi, quia multi seruenter incipientes, postea vix aliquid de hac virtute retinebunt. Vt apostata, & qui in monastica, resplendent tandem mundi apparatu, non minus quàm purpurati in principum aulis. Et multi nouissimi, hoc est, aut tardè, aut tepidè incipientes, succrescente paulatim ardore charitatis tandem enitentur ad summū. Denique multi primi hinc inter homines secundum quandam apparentiam, reijcientur aut inter aut vltra nouissimos, cùm veniens Dominus illuminabit abscondita tenebrarum, & consilia cordium, reddens vnicuique secundum opera sua. Multique rursum, homi-

num iudicio nunc nouissimi, tunc iudicabuntur fuisse in hac perfectione præcipui. Qui sensus, & plures alij in dicta coronide Saluatoris veraciter secundum literam continentur.

De verbis Lucæ in Actis Apostolorum, Nemo quicquam ex eo quod possidebat aliquid suum esse dicebat. CAP. XIII.

M.




T autem perspicias magnitudinem simul & rationem perfectionis, quæ est in ea paupertate Euangelica, qua nemo dicit aliquid suum esse, sed omnia in cõmuni cum alijs possidet diuus

Aug. serm.
25. de ver-
bis Aposto-
li.

Augustinus sic inquit, Legimus in libro qui Apostolo-
rum actibus adscribitur, tantam sub memoratis viris deuotionem plebis fuisse, ita populi Christiani floruisse primitias, vt post acceptam fidem nemo domum propriam sibi defenderet, & nemo suum aliquid vendicaret, sed iure fraternitatis essent illis cuncta communia, scilicet vt qui eodem consortio religionis tenebantur, eodem consortio fruerentur & vitæ, hoc est, vt quibus erat vna fides, esset vna substantia, & quibus erat communis Christus communis esset, & sumptus. Nefas enim putabant religiosi viri eum sibi participem non asciscere in substantia, qui particeps erat in gratia. Atque ideo charitate fraternitatis omnibus communiter utebantur, quia maior est fraternitas Christi, quàm sanguinis. Sanguinis enim fraternitas similitudinem tantummodo corporis refert, Christi autem fraternitas vnanimitatem cordis animæque demonstrat. Sicut scriptum est, Erat autem creditum cor vnum, atq; anima vna. Verè ergo frater ille est, qui tã corpore, quàm vnanimitate germanus est: veriùs, inquam, frater est, cuius idem spiritus & voluntas in fratre est. Melior ergo est, sicut dixi fraternitate sanguinis, Christi fraternitas, quoniam interdum illa sibi inimica est.

est. Illa inter se communia cum æmulatione diuidit, hæc etiam cum gratulatione communicat. Illa in consortio sæpe despicit germanos, hæc assumit frequenter alienos. Tanta ergo, sicut dixi, illo in tempore Christianæ plebis deuotio fuit, vt nemo domum suam diceret, nemo proprium aliquid vendicaret, sicut ait sanctus Lucas dicens: Nemo quicquam ex eo quod possidebat, suū proprium esse dicebat. Non enim, inquam, erat quispiam egens inter ipsos. Beata igitur plebs, quæ dum plures in Christo habet diuites, nullum in seculo habet indigētem, & quæ dum æternas cogitat diuitias, à fratribus temporalem repulit paupertatem. Vendebant enim, sicut ait Scriptura, prædia, & domos suas, & prætia venditorum ante pedes Apostolorum ponebant, vt erogaretur prout cuiq; opus erat. Videte sanctorum virorum fidem, quemadmodum propter Christum toto se expoliebant patrimonio, & nihil sibi reliqui faciebant: Non enim verebantur ne esurirent ipsi, dum timebant ne alius esuriret. Hæc igitur sub Apostolis fuit plebis deuotio. Modò quid simile reperimus? Et certè Christus in nobis, idem quidem Christus, sed non idem animus in nobis. Eadem plebis fides, sed non in plebe est ipsa largitio. Hæc Augustinus. Quem quidem sermonem alij attribuunt beato Ambrosio: vtius autē sit, doctè profecto & cordatè enucleat vim & rationē perfectionis, quam retinet ibi expressa, ibiq; inchoata possessio rerum in communi.

Quid censendum de illis qui volunt omnia omnium Christi-
fidelium bona cunctis esse communia. CAP. XV.

D.  Vrigitur reprehensione dignos iudicamus eos, qui asserūt Christianis debere omnia esse communia prorsus abdicata proprietate rerum?

M. Cur? Quia aliud euangelizant quàm euan-

*Dicere
Christianis
debere om-
nia esse com-
munia here-
sis est.*

gelizatum est ab initio. Siquidem dicta factaque Christi & Apostolorum vt docent bonum esse ac sanctum, multumque expediens, cum ad functionem Euangelicam, tum ad virtutem expedite colenda, si beneuoli sua sponte conferant in commune omnia quæ habent, nihil sibi proprium reseruantes, ita nusquam prohibent, ne Christianus sua sibi ad proprium vsum reseruet. At Anabaptistæ, & olim Adamitæ, atque Apostolici contendunt hominem non posse esse Christianum, vereque pium, nisi renunciet prius omni proprietati rerum.

D. Idem quoque docere videtur Christus inquit: *Obiectio.* Omnis ex vobis, qui non renunciat omnibus quæ possidet, non potest meus esse discipulus. *Luc. 14.*

M. Hoc loco notandum, Saluatorem non dicere, Omnis simpliciter, sed, Omnis ex vobis, ad hoc scilicet delectis vt mecum sitis, & ante faciem meam præcedatis in omnem ciuitatem, postea mittendi in omnem mundi partem. Omnis, inquit, ex vobis, qui non renunciat, id est, supremum vale dicit, omnibus quæ possidet, non potest meus esse discipulus. Talis vtique discipulus, quales vos duodecim vosque septuaginta duo estis, quos mihi peculiariter ex omnibus auditoribus meis delegi. Et in hoc induxit *ibid.* Saluator duas parabolas, quibus persuadet, neminem *ibid.* posse esse discipulum Apostolicæ functionis, vt de mandata mea per vniuersum orbem, nisi prius supremum vale dixerit prorsus omnibus, quod sit expeditus. Vide quæso, quam viuis rationibus solidisque scripturis doceat beatus Chrysostomus hæc & eiusmodi non omnibus imperata esse, sed solis Apostolis, & discipulis, & neque illis in omne, sed ad præscriptum & determinatum tempus. Verbis illius vtor. Tu perlege tractatum eius ad Priscillam & Aquilam de colendis sacerdotibus. Non ergo mandatum imponit Christianis in vniuersum, sed

præ

præmonet duntaxat Apostolos & discipulos, quid ipsis facto opus erit. Alioqui Apostolus Paulus loquens de *1. Timot. 3.* Episcopis ordinandis per ciuitates, non diceret, Oportet Episcopum domui suæ bene præpositum esse, hospitalem, &c. Nota domui suæ. Ergo Christianus habet domum propriam, & factus Episcopus non iubetur illi renunciare, sed ut eidem sit bene præpositus. *Ab initio multi Christiani habuerunt proprium.*

D. Erant tamen omnes qui credebant pariter, ut Lucas refert Act. 2. & habebant omnia communia. Dicens ille omnes & omnia nullam personam, nihil etiâ rei proprię exclusisse videtur. *Obiectio.*

M. Vtique sic est: nequaquam tamen consequitur, Omnes tunc temporis sic faciebant, ergo postea, vel etiam tum temporis sic factum oportuit. Tunc erant primitiæ Spiritus Sancti, & flammulæ illæ cælitus delapsæ tantum impresserant feruorem mentibus credentiû, ut nō solum susciperent communia fidei præcepta, verum etiam contenderent singuli ad primos illos perfectionis gradus, quos appellamus consilia Euangelica. Nihil tamen, neque illis datum fuit in præcepto de hac communi rerum possessione, neque nobis. Quin potius cap. sequenti Act. 5. inquit Petrus ad Ananiam, Nōne manens tibi manebat, & venundatum in tua erat potestate? Manens manebat Ananiæ, & venundatum in illius erat potestate, ergo non oportuit renunciatum ante Christianismum: nam Ananias iam Christianus erat. Sed & hoc constat ex Actis Apostolorum, non prorsus omnes in nascente Ecclesia renunciaisse omnibus quæ possidebant, quia Si- *Act. 10.* mon coriarius in Ioppe Christianus retinuit domum suam, fuitque Petrus in domo ipsius hospitio susceptus. Et Lydia purpuraria ciuitatis Thyatirorum cum tota *Act. 16.* dōmo sua baptizata Philippis, domum propriam habuit dicens: Si iudicatis me fidelem Domino esse, introite in

Exēpla imi- domū meam, & manete. In meam, inquit, domū intra-
tari bonū, te, ergo propriam habebat. Neque exemplis iudicandum
sed nō neces- est, sed legibus, uti eleganter iuxta ac verè dixit Iuriscon-
sarium. sultus. Non enim exempla, sed leges viuendi necessita-

tem imponunt. Multarum perfectionum habemus exē-
 pla in Christo, deinde in Apostolis, postea in electis illis
 militibus primitiue Ecclesiæ, quos imitari res magna est,
 & eximium perfectionis studium. Porro non imitari cul-
 pam nullam habet, eò quòd non sint constituta sub præ-
 cepto, Si vis ad vitam ingredi, serua mandata, inquit Sal-
 uator, hoc necessitatis. Nam sine obseruatione mandato-
 rum, vita esse non potest. Verùm, Si vis perfectus esse, va-
 de, vende omnia quæ habes, & veni, sequere me, & ha-
 bebis thesaurū in cælo. Non quidē hoc necessitatis, sed
 supererogationis.

Marc. 10.

D. Contendunt tamen nonnulli & illud habere vim
 præcepti.

Nō præce- M. Sed imperitè, ne dicam, impiè. Siquidem modus lo-
ptū datur, quendi sub conditione, finis insuper ob quem dicit, Ven-
sed cōsiliū, de omnia, & da pauperibus, nempe ut sis perfectus, &
Matth. 19. thesaurum habeas in cælo, luculenter demonstrant, per
 modum consilij dictum esse. Non enim dantur præcepta
 sub conditione, potissimùm cuiusdam perfectionis, aut
 sub spe præmij accessorij, quale est thesaurus in cælo, ut
 faciendi non faciendūue arbitrium penes subditum per-
 maneat: sed enunciatiuo sermone, atque de eo quod ne-
 cessario esse debes, videlicet cultor Dei, æquus, pudicus,
 non fur, non mœchus, non testis iniquus.

D. Attamen illud, Si vis ad vitam ingredi, serua manda-
 ta, sub conditione dictum est.

M. Ideoque propriè non est mandatum, sed instructio
 doctrinaque, necessario quidem apprehendēda propter
 necessitatem finis: eo quòd sine vita nemo esse potest,
 quod

quod esse debet . At velle perfectionis gradu ceteros præire, aut habere amplius quid quam vitam, nempe thesaurum, in arbitrio manet auditoris : sine illo enim esse potest quod esse debet. Lege homil. Chrysost. in Priscillam & Aquilā, & me vera Patribusque consentanea docere videbis. Sed & Saluator eodem penitus loco commoratur inter præcepta necessario observanda, Non furtum facies. Præceptum autem furti præsupponit dominia & proprietatem rerum legitima esse. Nam furari, est alienum auferre, suumque facere, inuito domino. Ad hæc verbis venditionis & donationis utitur. Quid autem vendere? Nōne tuum ad alterius transferre dominium, suscepto ab illo precio? Item dare pauperibus aliud est, quam pietatis studio efficere, ut quod tuū erat, nunc sit alterius indigentis? Omnia igitur hæc ut improbant violationem dominij in rem tuam, ita approbant venditiones, emptiones, donationes: At venditio, emptio, donatio esse nequeunt, ubi non subsistunt legitime meū & tuum, propriaque possessio rerum. Adeo ut nulla valeat ratione dici, verbis Salvatoris vetitum esse, ne quis rem in suo retineat dominio, sibi que propriam habeat. Vbi vnquam requisivit Dominus viua illa membra doctrinæ suæ Evangelicæ, Martham, Lazarum, Magdalenam, Iosephum decurionem, Regulum, Centurionem, Nicodemum, ut sua omnia venderent darentque pauperibus? Quinimo paralytico curato dixit, Tolle lectum tuum, & vade in domum tuam. Permittens ei suum lectum, suamque domum: tamen is ut foris, ita intus curatus ad Evangelicam societatem iam tum pertinebat: nam & remissionem peccatorum suorum tum simul acceperat. Sunt autem qui alia ratione circa dicta verba Salvatoris Ecclesiæ negotium facessunt, contendentes per ea præcipi non quidem actualem rerum abdicationem, sed

*Christus ap-
probat
proprietatem rerum.
Matth. 19.*

Matth. 9.

habitualement, hoc est, promptitudinem animi ad dimittendum omnia, ubi persecutio, aut fidei confessio, aut necessitas, publicæ religionis utilitas id postulauerint. Verum hoc serpentinum caput aliàs comminuemus, huc enim non pertinet. Nā qui volunt omnia omnibus Christianis fidelibus esse communia, statuunt actu vendenda esse dandaque indigentibus, neminemque verum Christianum posse dicere, Hoc meum est, hoc tuum, sed debere omnia omnibus communia esse. Quod tamē nusquam docet Scriptura noui aut veteris Testamēti, quin potius mille pene locis cōtrarium, uti partim ex his quæ induxiliquet, plenius autem ex demonstrationibus quas Tract. 7. cap. 6. fecimus. Meministine?

D. Memini.

M. Igitur Anabaptistæ, Adamitæ, & Apostolici sunt heretici, annunciantes aliud Euāgelium, quān annunciatum est ab initio. Qui verò sua sponte utuntur rebus cōmuniter ob pietatem expeditius colendam, nec interim improbant alios res proprias possidentes, sunt orthodoxi, & veri Euangelicæ traditionis sectatores. Illi sub falsa specie pietatis callidè quærunt de alienis sudoribus suauiter viuere, isti verò ad eō pietatem colunt. ut etiam spontē contribuant sua illi confundunt, imò subuertūt vniuersa iura: isti nihil contradicunt, neque iuri gentium, neq; vlli legū cōstitutioni. Approbāt enim possessionū proprietatē, sicuti eandē approbāt scripturæ vtriusq; Testamenti. Interim simul docent, & per naturam, & per Euangelium licere beneuolis sua sponte inter sese viuere communiter, atque hoc ipsum non solum licere, sed & consultum esse tum à Christo, tum à Spiritu sancto velut eximium quoddam opus perfectionis. Augustinus in libro de hæresibus, Apostolici, inquit, sunt qui se isto nomine arrogantissimè vocauerunt, eò quod in suam

com-

Viuit Anabaptistæ in cōmuni sicut religio si: sed illi hereticæ, isti catholice.


August. ad Quod uult deum.

communione non recipere videntes coniugibus, & res proprias possidentes, quales habet Ecclesia Catholica & monachos & monachas, & clericos plurimos. Sed ideo isti hæretici sunt, quoniam se ab Ecclesia separantes, nullam spem putant eos habere, qui vtuntur his rebus, quibus ipsi carent. Hæc August.

De laudibus quas habet in scripturis spontanea possessio rerum in communi.

CAP.

XVI.

M.  Communis rerum possessio inter beneuolos principio nihil prorsus in se continet, vnde merito culpari posset. Nihil enim pugnat aduersus ius gentium, nihil contra ius ciuile, vt patet ex his quæ dicta sunt Tract. 7. cap. 6. Nihil etiam continet seruile aut coactionis, quia procedit de spontanea vniuersiusque voluntate: nihil ociosum, fit enim intuitu pietatis expeditius colendæ. Deinde habet vnde toti mundo præclara & venerabilis esse debeat. Est enim veraciter secundum naturam optimè dispositam, qualis fuit tempore innocentiae, & qualis erit rursus in cælo. Et insuper adamussim conformis Euangelio Christi, vt est videre Act. 2. & 4. cap. Est expedita properatio ad perfectionem, vt patet ex verbis & factis Christi & Apostolorum eius. Est mutatio melioris pro eo quod bonum est, aut saltem non malum. Nam meum & tuum nõ sunt mala, etiam si nonnunquam sint à malo, & non rarò malorum & dissidiorum causa. Est reductio ad primitias Spiritus Sancti, qui mox vt datus fuit, in primis velut eximiũ quiddam docuit viuere in cõmuni. Est præludiũ eius societatis quæ expectatur post hanc vitã in cælis. Siquidẽ in cælis regnũ commune est vniuersis Sanctis, prout clarè insinuat Saluator Matt. 25. Venite benedicti Patris mei, possidete paratũ vobis regnũ à constitutione mudi. Multi benedicti,

Vnde commendetur possessio rerum in communi.

regnū vnū: tamen possidete illud omnes, quia omnibus paratū est vnū, vt possideatis illud vnanimiter. Et quibus cōmunis est Deus, & Christus dominus, illis quomodo poterūt nō omnia esse cōmunia? Est deniq; status quidā firmans hominē in vno, ne amplius circūambulet in circuitu. Nam sicut impij secundū Prophetā ambulāt in circuitu, sic & cupidi rerū mundi huius laborāt quasi in circulo siue circumitione semper quērētes, & nunquā peruenientes ad id quod est propriū diuitiarū, nimirū suis contentum esse secundum Ciceronem. Nunc hoc quærunt, nunc illud, post illud quoque aliud, nec interim minuitur sitis quærendi. Quia omne quod habent sperato minus apparet. Porro qui Euangelicē habent omnia communiter, sibi imponūt statum, vt deinceps præter cælestia nihil quærant in terris, apprehendentes præxim illius dicti Apostolici, Habentes alimenta, & quibus tegamur, his contenti simus. Nihil sibi de suis, nihil de aliorum rebus petentes præter subuentionem necessitatis. Vltra quam si quid inter eos superest, hoc continuō ad manus indigentium abit. Nam si inter illos qui viuūt communiter, singuli quidem renuncient proprietati possessionum, sit tamen commune studium omnium augere rem supra modum, vt apud singulos maneat professio paupertatis Euangelicæ, apud communitatem verō ipsorum sint Cræsi diuitiæ, nec minus quàm Euclionis avaritia, certē non est hæc Euangelica illa, de qua loquimur communiō rerum.

D. Tamen istud perquā frequens est in multis conuentibus nostræ prouinciæ.

M. Ideoq; versi sunt in prædam, facti esca nobilium & laicorum. Iuxta illud: Quod non habet Christus, rapit fiscus. Ad mulos trāsit & equos, aut his peiores sycophantia, quod in vsum pietatis sancta pepererat religio. Vindex

*Psal. 11.
Auari laborant in circulo.*

1. Timot. 6.

*Quorundā
possessio in
cōmuni pa-
rū laudāda.*

dex manus Domini est, monasticos religiosos non infrequenter dura premi necessitate sub potentibus prælatis, etiã inter amplissimas suas possessionũ opes. Quia dum haberent abundè, maluerunt thesaurizare ad copiam, quàm indigentium subuenire inopiæ. Quod vidimus testamur. Valeant isti, tam enim nõ sunt pauperes, vt ridiculam reddant paupertatem Euangelicã. De illis agimus, quibus Christus quærendus primum est, post Christum virtus, respectus verò ad transitoria mundi vix vltimum locum sibi vendicat. Quibus quod habent seruit ad vsum, secũdum rationem & sobrietatem, adeo vt nullus ad luxum, nullus non habeat ad sufficiẽtiam. Quod verò superest, ad finem recurrit pietatis. Quicquid de contemptu rerum prædicat Euangelium, in hoc profectò genere vitæ, quàm pulcherrimè sese demonstrat. Quicquid de vera pietate, nusquam adest huberiũs. Fieri enim non potest, vt qui tam amicè communicant bona sua temporalia, quæ vsu consumuntur, non communicent multò studiosiũs sua bona spiritualia, videlicet doctrinam fidei, adhortationem, orationem, fructum bonorum operum, gaudium in prosperis, subuentionem in aduersis, & omnem affectum cordis, quæ vsu consumi non possunt: sed quo communicantur liberaliũs, eò sunt & huberiora in se, & hero suo utiliora. Quàm igitur bonum, & quàm iucundum habitare fratres hoc pacto in vnum. O quàm desideravi ego frequenter (vt ipse nosti) sic viuere in communem aliquot doctis & pijs sacerdotibus, meditando perpetuò in scripturis, non tã discendis, quàm vita exprimendis, citra votum & distincti habitus obseruationem, quãmdiu vnique voluntas bene prompta & spontanea foret. Qualiter olim simul vixisse plurimos sacerdotes non dubito. Sed nescio quis cacodæmon semper impediuit ne esset in operis executione.

cutione, quod multo fuit tempore in voto. Credo me planè indignum incepto tam sancto, tamque verè Euangelico. Valde enim purgatos oportet in quibus Spiritus Dei operabitur tam eximia sua futuræ vitæ præludia. Necdum tamen diffido, quin Deo dante fiat aliquando, & tum temporis, tu fili mecum vnus eris, seu potiùs ego tecum: noui enim quàm ardeat intus in corde tuo pietatis studium.

De erroribus illorum qui æquant, aut præferunt diuitias
paupertati. CAP. XVII.

M.



Variis error nolen-
tium diuitijs
præferre
paupertatem.

Aput vnum portentosi dogmatis circa paupertatem Euangelicam præcidimus, Verùm alia ex parte aliud succrescit plus habens veneni, magisque difforme errorum varietate. Nam quidā diuitias paupertati æquant, vt Iulianus. Alij præferunt, vt Vigilantius. Alij contendunt Euangelium nec præcipere, nec consulere à facultatibus discedendum si non eripiantur, sicut nec præcipit aut consulit res suas in commune conferre, vti illi qui se nostro æuo vocarunt Protestantes, haud multum distantes ab errore illorum, qui tempore Thomæ Aquinatis dogmatizabant in scripturis ne laudari quidem paupertatem actualement: sed tantummodo habitualement, qua diuitijs, etiamsi affluant, cor non apponitur: qua qui possident, tanquam non possidentes sunt. At omnibus his faucibus inferni obijciendum est. quod obijcit impetuoso Vigilantio diuus Hieronymus, nimirum illud Saluatoris, Si vis perfectus esse, vade, vende omnia quæ habes, & da pauperibus, & veni sequere me, & habebis thesaurum in cælo. Rogo enim si melius, aut æquè benefaciunt, qui vtuntur rebus suis, & paulatim fructus possessionum pauperibus diuidunt, quàm qui possessionibus venundatis simul omnia largiuntur, cur

Psalm. 61.
1. Cor. 7.

Exponitur
illud, Si vis
perfectus
esse, &c.

cur æterna Dei sapientia fecit hanc necessariam consequentiam, Si vis perfectus esse, vade, vende omnia quæ habes, & da pauperibus? Omnis siquidem facta illatio per coniunctionem, Si, est necessaria. Omnis autem sermo indefinitus valet vniuersalẽ in disciplinis tradendis. Itaque vende quæ habes, & da pauperibus, idem est, ac si diceret, vende omnia quæ tua sunt, omniumque precium pauperibus distribue, vt à compedibus liber expeditè efficiaris nobis vita & functione similis. Nemo inter nos aliquid possidet, omnes omnibus mundi bonis renūciavimus, vnicè sectamur, vnicè tractamus, quæ regni Dei sunt, quod nunc appropinquavit, nos prorsus quoad necessaria vitæ diuinę prouidentię committentes. Quod certè est præcellentis cuiusdam perfectionis, vltra communem vitam credentium consistentem in obseruatione mandatorum Dei. Cuius perfectionis, quam tibi deesse video, si particepsesse quæris, veni nudus & exutus facultatibus tuis, & sequere me, simili modo quo isti qui mecum sunt. Paupertas expeditum facit, paupertas virtuti præparat, paupertas contra tyrannos & aduersitates armat, paupertas ad ea quæ regni Dei sunt anhelum reddit, totumque hominem diuinę prouidentię fide fiduciaque velut funibus quibusdam alligatum tenet. Hanc nos cultores aduenientis regni Dei, præ regno mundi toti sectamur. In hac te nos sequi oportet, si vis perfectus esse. Quicumque igitur aut æquant aut præferunt diuitias paupertati duces errorum sunt subuertentes doctrinam veritatis, ne suis facultatibus addicti, à perfectione Evangelica longius abesse videantur, potissimum quos vltimo & penultimo loco induximus. Non veniat igitur anima tua in consilium eorum. Non enim tantummodo dixit, Vende quæ habes, sed vade & vende, Quo significatur propediem & citra moram faciendum quod consulu-
luit.

luit. Putant quidem illi satis esse paratum habere animū vendendi dum tempus, locus, aut fidei confessio postulatuerint. At cōtrā, Nunc, inquit, pede tuo adhuc stante vade, & vende, vtroque verbo imperiū præsentis temporis habente. Atque illam fuisse Saluatoris sententiam probè intellexerunt Apostoli actu dimittentes omnia, Intellexerūt & primitiæ credentium in die Pentecostes, de quibus scribitur: Possessiones & substantias vendebāt, & diuidebant illa omnibus, prout cuique opus erat. Rursum, Quotquot possessores agrorum aut domorū erāt, vendentes afferebant pretia eorum quæ vendebant, & ponebant ante pedes Apostolorum. Vendebant, inquit, diuidebant, adferebant pretia ad pedes Apostolorum. Hæc ad habitum bonæ voluntatis pertinent, an ad operis executionem?

D. Arbitror ad operis executionem.

M. Arbitraris? Quin potiùs certo certius habe. Iuncta est historica narratio eorum qui sic fecerunt, cum doctrina qua ita faciendum edocuerat Christus, quæ duo te fallere non possunt. Sic autem fecisse ex inspiratione Spiritus Sancti, id quæ recens post primum illapsum eius, & adhuc sub ipsa Apostolorum gubernatione, an non maioris virtutis ac meriti esse debet, quàm retentis facultatibus, in bono pioq; earum vsu persistere? Vindex Dei manus exterminio damnavit Ananiam & Sapphiram vxorem eius, eò quòd hanc Euangelicæ paupertatis sophiam fraude aspergerent, mentientes Spiritui Sancto. Vbi ergo parebunt, aut quæ damnatio illorum, qui non solum mendaciter, sed superbè, sed malitiosè, confictis consutisq; argumentis, eam prorsus subvertere nituntur? Illi duntaxat partem de pretio fraudabant, metuentes forte ne res non haberet successum. At isti toti in hoc sunt, vt Apostolicum vitæ genus, quod pro sua cupiditate

Aff. 2.

Aff. 4:

Aff. 5.

tate auersantur, penitus aboleant. Adeo vt deinceps nemo laudet, nemo promoueat, nemo denique sectetur. Reddat illis Deus secundum mensuram malitiæ retributionem in sinu ipsorum.

D. Quid autem dicemus ad has Scripturas, Propter inopiam multi deliquerunt. Item, Mendicitatem & diuitias ne dederis mihi, & alias eiuscemodi? Eccles. 27.
Prouer. 30.

M. Quod loquuntur de paupertate communi, qua premitur homo nolens, qualis & inter gentes est. Nos autem hucusque differuimus de spontanea, fideli, Euangelica paupertate, quam Christus omnibus prætulit velut com modum vehiculum perfectionis Euangelicæ.

D. Quid ad istas, quæ admodum contemptim paupertatem eleuant, videlicet, Etiam proximo suo pauper odiosus erit. Item, Fratres omnes pauperis oderunt eum. Itē, Sicut abominatio est superbo humilitas, sic & execratio diuitis pauper? Prouer. 14.
Prouer. 19.
Eccles. 13.

M. Quod loquuntur de paupertate secundum communem vecordium insensatorumque hominum æstimationem, quoddamque longè aliud est iudicium Dei, & eorum qui spiritu Dei nobilitati sunt, dicente Psalmista: Paraisti in dulcedine tua pauperi Deus. Et alibi, Factus est Dominus refugium doch, hoc est, pauperi, contrito, & confraeto. Valde disertè Iesus filius Sirach, Est homo, inquit Psalm. 67.
Eccles. 11. marcidus, egens recuperatione, plus deficiens virtute, & abundans paupertate, & oculus Dei respexit illum in bono, & erexit eum ab humilitate ipsius, & exaltauit caput eius, & mirati sunt in illo multi, & honorauerunt Deū. Communis etiam paupertas quamlibet misera & contempta, si per fidem & patientiam animo infracto, cum gratiarum actione à Domino suscipiatur, habet permagnū meritum apud Deum. Nōne Lazarus mendicus Luc. 16. vlceribus plenus, iacens famelicus ante ianuam diuitis

cpu.

epulonis, desertus, contemptus, cui ne de micis quidem cadentibus ex mensa diuitis dabatur, nōne, dico, hīc talis misericordiarum Domino curæ fuit, & ab illo remunerationem accepit? Sic enim describit Lucas, Factum est autem ut moreretur mendicus, nempe Lazarus, & portaretur ab Angelis in sinum Abraham. Ostendere autem hoc loco innumeris scripturis & exemplis propensionem beneficentiæ diuinæ qua eiusmodi paupertates fouet atque remunerat, profectō non foret operosum. Verū quia non est huius instituti ad reliqua consilia Euangelica exinde properabimus.

De obedientia quid sit, & quōd propriē relationem habeat.
CAP. XVIII.

M.
Obedientia
felicitatis
mater.
Greg. lib. 35
Moral. cap.
12.

Prouerbium erat inter priscos, obedientia felicitatis mater. A fabulosis quidem figmentis poetarum sumptum, attamen verissimum. Nā teste Gregorio, Obedientia sola virtus est, quæ virtutes cæteras menti inserit, insertasque custodit. Virtus autem felicitatis possessio est. Rursum, Obedientia meritum fidei habet: quæ enim fides præmōstrat, ea exequitur. Ipsa igitur est felicitatis acquisitio, cuius illa præmonstratio erat. Tertiō, Obedientia inferiora superioribus connectit, & quæ horum sunt, illorum facit. Nam bene morigerum esse progenitoribus suis, item naturæ, in primis autem Deo, participem facit felicitatis paternæ, felicitatis naturalis, felicitatis denique diuinæ. Sed & politicæ felicitatis alumni permanent, qui gubernationi primatum per obedientiam consentiunt. Immorigeri verò, quicumque illi fuerint, omnes tandem excidunt à felicitate eius, cui per obedientiam subesse noluerunt. Filium rebellem patri leges ex hæredē definiunt. Et qui naturæ inobediēs, ipsam suis prauis affectibus parere cogit, haud diu

diu inter naturalia bona suauiter viuit. Vt enim sobrietās sanitatis mater est, ita plures crapula q̄ gladius necat. Et effusa libido quos non reddit miseros, egenos, cadauerosos, vel inter ipsa naturæ bona? De inobedientia autem contra Deum scriptum est, Quòd retributio eius *2. Theff. 1.* erit in flamma ignis, dantis vindictam ijs, qui non nouerunt Deum, & qui non obedierunt Euangelio domini nostri Iesu Christi. (illud est infideliū, istud verò Christianorum non obedientium) Qui pœnas dabunt in interitu æternas à facie Domini, & à gloria virtutis eius: cū venerit glorificari in sanctis suis, & admirabilis fieri in omnibus qui crediderunt. Vidēsne quā excidunt omnes inobedientes Euangelio à gloria felicitatis Christi, ipso dicente, Discedite à me omnes operarij iniquitatis? *Luc. 13.* Quam ego non tradidi iniquitatem vestra voluntate quæstistis: quam tradidi Euangelio meo iustitiam, per inobedientiam despexistis: discedite nunc à me, quia nō est talibus pars vlla mecum in regno Patris mei. Verūm, Qui facit voluntatem Patris mei qui in cælis est, ipse intrabit in regnum cælorum. Ipse mecum vnus erit (in felicitate mea) sicut & ego cum Patre vnum sum, in gloria eius: quod voluntatem ipsius perfecerim. Cæterum vt à vocis interpretatione exordium sumamus, Quid obedire?

D. Obtemperare, auscultare, obsequi, aurem mentemq; præbere.

M. Hæc autem quò relationem habent, ad imperiū mūtē potestatem habentis, an etiam ad alia? *Quò relationē habent*

D. Puto ad iussū eius qui vel natura, vt Deus, et Pater: vel gubernatione, superior est, vt præpositus & magistratus. *beat obedientia.*

M. Nōne melioris obedientiæ filius est, qui dicto obedit, & ad nutum obsequitur?

D. Sic apparet.
M. Rursum, Tractus siue impulsio suauiorne est, an spōtanea accessio?

D. Vtiq; accessio, et illa quò magis volūtaria, eò suauior.

M. Igitur inferiores quo magis praueniunt maiorum imperia, solo nutu vel signo voluntatis eorum contenti, eò purior est ipsorum obedientia, plus habens dulcedinis, & vim maiorem vniendi cum superioribus, vt fiat quod dicitur, Obedientia felicitatis mater. Videtur ergo relationem habere ad omnia, quibus superiorum placita, nedum iussa innotescunt. Placent autem maioribus & quæ docent, & quæ consulunt, & quæ mouent, & ad quæ inuitant plerumque magis, quàm quæ per imperiū iubent. Filij Israel cum ad obediendū bene spontanei essent, Omnia, inquiūt, quæ locutus est Dominus faciemus, & erimus obediētes. Non tantū ea, quæ iubet imperando, faciemus: sed omnia quæ locutus est, hoc est, quæcūq; sibi beneplacita fore vel verbo significauerit. Scripserat certè tū tēporis Moyses in volumine legis vniuersos sermones Domini, iussa eius, mōitiones eius, consilia, documenta. Nec expectauit Abrahā imperiū vt obediret, sed satis erat innotuisse sibi quoquo modo beneplacitum domini Dei sui. Neque per imperium dictum fuit, Egredere de terra tua, & de cognatione tua, & de domo patris tui, & veni in terram, quam monstraui tibi: sed per insinuationem siue inuitationem, qua Deus auribus Abrahæ insinuauit, quid sibi bene gratum in eiusmodi foret. Quantulum enim esset, aut cur magna laude dignum, acquiescere omnipotēti Deo de cælo per expressum imperium iubenti? Quisue adeo est barbarus, vt numini prodigiosè è nubibus imperanti non pareat?

D. Tamen verba imperatiui modi sunt, quibus dicitur:
Obiectio. Egredere de cognatione tua, veni in terram, quam monstraui

trauero

Obedientia
relationem
habet ad
omnia, quibus
superiorū
volūtas
innotescit.
Exod. 24.

Genes. 12.

strauero tibi, tolle filium tuum, & offer mihi in holocaustum, &c. Sed & ipse textus utitur verbo præcipiendi dicēs. Egressus est itaq; Abraham, sicut præceperat ei Dominus.

M. Esto. At vtentes verbis eius modi non semper imperamus: sed aliquando inuitamus, nonnunquam consulimus, aut adhortamur, vti suprà ex Scripturis tibi demonstratum meminisse debes. Nec verbum præcipere, est propriè per auctoritatem imperare: sed potiùs anticipare, præoccupare, præmonere, instruere, docere. Vnde & artium magistri vocantur præceptores, & eorum documenta præcepta. Quemadmodum etiam Apostoli ac Iudæi, qui à Christo doctrinam fidei susceperunt, vocat ipsum præceptorem suum, eiusque salutare doctrinæ rectè Euangelica præcepta appellantur. Ad hæc, quando dixit Saluator ad Petrum & Andræam, Venite post me, & faciam vos fieri piscatores hominum. Non utique per imperium dixit. Enimuerò veniens Iesus de deserto, vbi quadraginta diebus ac noctibus in oratione Dei latuerat incognitus omnibus, nullamque vllius potestatis speciem præ se ferens, quomodo imperasset piscantibus casu repertis? Aut illi qua ratione persuasum habuissent, se homini illi ad obediendum subiectos esse? Non igitur imperij erat quod dixit, Venite post me, sed inuitantis. Illi tamen videntes totum habitum inuitantis esse hominis Dei, per omnia ad functionem virtutis compositi, relictis omnibus quàm promptissimè obedierunt vocanti. Præterea obedientia illa Rechabitarum scripturis non parum commendata, qua obtemperabant patri suo Ionadab filio Rechab in istis, Non bibetis vinum vos & filij vestri vsque in sempiternum. Et domum non ædificabitis, & sementem non seretis, & vineas non plantabitis, nec habebitis. Nequaquam respiciebat istiusmo-

Solutio.

Verba imperatiui modi nō solum habēt imperandi significatiōem.

Matth. 4.

Ierem. 35.

di velut imperata à Patre (siquidem pater talia imperare non potest, quòd patriam potestate longè excedant) sed velut ea, quæ piè à pio patre præcepta, hoc est, docta erant, rectè quæ consulta, tanquam multum momenti ad colendam pietatem habentia. Hæc autem omnia ideo induxi, vt tandem videre valeas, quæ sit natura illius obedientiæ quam inter consilia Euangelica annumerare oportet.

De diuisione obedientiæ in diuersas partes quasi specificè distantes.

CAP. XIX.

M.



Vemadmodum omnem disciplinam domesticam, scholarem, politicam, item luminis quod intus singulis inditum est directionem multipliciter partiri licet in ea quæ per imperium iubentur aut vetantur, & in decreta siue consulta (vnde & Senatusconsulta, plebiscita, & id genus alia) insuper in doctrinas, positiones, exhortationes, redargutiones, qualia etiam, & quidem magis propriè, recepta dicuntur.

*Prima diu
sio obedi
tiæ.*

Psal. 4.

Rom. 16.

Ita & obedientia multifariam partienda est. Primò in obedientiam naturæ, & obedientiam fidei. Illa sequitur lumen inditum naturæ: in hominibus quidem lumen vultus Dei signati super nos, hoc est, lumen rationis: in reliquis verò creaturis instinctum naturalem. Hæc autè sequitur directionè fidei, quam Paulus vocat obeditionem fidei, dicens: Reuelationè mysterij temporibus æternis taciti nunc patefactam esse in obeditionem fidei. Secundò in obedientiam necessariam, nempe à lege vel natura impositam, & obedientiam liberam, quam sponte propria eligit causa virtutis circumspiciùs perseuerantiisque colendæ. Illa respicit præcepta per imperium iussa, ista omnia quibus placita Dei vel superioris quoquo modo innotescunt. Non quòd omnibus obstringeris, sed

sed quòd te illis sponte propria obstrictum velis salutis causa. De necessaria obedientia intelligitur illud : Si vis *Matth. 19.* ad vitam ingredi, serua mandata, hoc est, ea quæ iussione imposita sunt, quorum si vel vnum per inobedientiam prætermiseris, factus es omnium reus secundum Iacobum Apostolum. De libera verò dictum est, Sequuntur agnū *Iacob. 2.* quocunque ierit, hoc est, quocunque præcesserit bene- *Apo. 14.* placitum agni, eò toti, & quàm obedientissimè conuolant virginea illa agmina, de quibus ibi sermo est. Et illud, Meus cibus est, vt faciam voluntatē eius, qui me mi- *Ioan. 4.* sit, vt perficiā opus eius. Hoc est, tã sapit mihi tamque reficit me, implere quæcūq; placita sunt ac grata Patri, quàm famelicum reficere potest bene parata esca. Rursum autē *Necessaria* obediētū quæ Deo aut superioribus impēduntur, alia *obediētia* est seruitutis, qua quidem ira iubentis cauetur, sed obe- *subdiuisio.* dientis conditio nihilo melior redditur. Quam secundū Scripturam licet inertem, inutilem atque seruilem appellare. Cuius descriptio habetur Luc. 17. Cū feceritis omnia quæ præcepta sunt vobis, dicite, Serui inutiles sumus quod debuimus facere, fecimus. Nam facere duntaxat opus imperatum, quid est præter necessitatis debitum exhibere? Quid vltra præstat, quàm animata inanimata-que omnia? Quibus satis est pro impletis obsequijs, esse quod sunt, & interteneri in rerum ordine quomodo intertenentur, nihil eis ob hoc amplioris gratiæ aut remunerationis debetur, vt plenius tibi ostendimus in primo tractatu huius libri. Alia est charitatis iuxta formam loquendi quam Apostolus Petrus obseruat dicens: Ani- *1. Pet. 11.* mas vestras castificantes in obedientia charitatis, pulchrè eam ipsam sequestrans ab inerti & seruili obedientia, quæ habenti inutilis manet. Nam quæ charitatis est, gratia & remuneratione omnipotentis Dei digna habetur. Si quæris causam diuersitatis, hæc est, Quoniam non so-

lūm facit opus imperatum, sed sic, eoq̄ue modo & affe-

Aliud est. Etu obtemperat, vt faciendo opus, volūtatem Patris qui in cælis est simul adimpleat: vtq̄ue affectu paterno iubentis respondeat correlatiuus affectus filialis obsequentis. Quod vnum successione in felicitatem ac hæreditatem paternam dignum iudicatur, secundum omnia iura, etiā secundum ius verbo Dei expressum, dicente Salvatore: tē Patris.

Matth. 7. Non omnis qui dicit mihi, Domine domine, intrabit in regnum cælorum: sed qui facit voluntatē Patris, vt Patris est, & à Patre procedit, quod nō fit, nisi correlatiuo affectu filiali. Præsidebat Deus olim Israëlítico populo tanquam dominus, imperio quodam dominatiuo, ac lege, quæ secundum Apostolum iram operatur, dicens: **Rom. 4.** Ego dominus Deus tuus (qua phrasi plena est Scriptura veteris Testamenti) illiq̄ue largiebatur bona terræ, & sœcunditatē in vxoribus ac gregibus, veluti stipendia quædā temporalia, qualia seruis conductitijs à Dominis dari solent. At renatis in Christo, nunc tempore gratiæ præsidet tanquā Pater, gubernans eos paterno affectu, vt filios suos atque hæredes, cohæredes autem Christi. Et eā ob causam ab eisdē renatis debet impleri voluntas ipsius, velut eius qui pater est, affectu scilicet & amore erga eum tanquam patrem. Quod vtique est obedire obeditione quam Petrus appellat charitatis. Zacharias verò propheta vocat seruitutem, qua seruimus Deo in sanctitate & iustitia, quas qualitates promeruit Christus his, qui in suo sanguine renati sunt, vt sancta grataq̄ue obeditione Deo patri obediant tanquam filij. Hæc de priori genere obedientiæ quam necessariam appellamus. De posteriore verò genere, quam obedientiam liberam vocamus, hoc habet, quòd & ipsa subdiuiditur in eam quæ semper manet in arbitrij libertate, & eam quæ spontaneo tuo voto tibi in præceptum commutatur. Illa promptè implet quæ-

1. Pet. 1.

Luc. 1.

*Libera
obedientia
subdiuisio.*

quęcunque Deus pater, aut alius pro Deo legatione fungens annunciat, etiam si nec lege ad ea obstrictus fueris, nec natura. De qua dicitur, Populus, quem non cognoui, seruiuit mihi, in auditu auris obediuit mihi. Hoc est, *Psalm. 17.* mox, atque promptę obediuit, vbi placita mea peruenerunt vel ad alteram duntaxat aurium eius. Qua phrası significatur paratissima summeque obuia obedientia: adeo vt non expectetur donec precipiendo preceptum fuerit, aut ita pœnis ac comminationibus iussum, vt ambę tinniant audientium aures. Cui simile est secundum phrasim Scripturę, Audire vocem domini, item audire verbũ Dei, dicente Zacharia: Erit hoc, si auditu audieritis vocę *Zach. 6.* domini Dei vestri. Dicęte etiam Domino ad Apostolos, Vestri autem beati oculi, quia vidēt, & aures vestrę, quia *Matth. 13.* audiunt. Ideo sanę beatę aures vestrę, quia sufficit vobis audisse doctrinam salutarem: ideo beati oculi, quia sufficit vidisse mirabilia Dei, vt obsecundantes sitis ad omnia corde bono atque perfecto. Etenim vt Pater meus dixit, Hic est filius meus dilectus, in quo mihi bene cõplacui, *Matth. 17.* ipsum audite, ita facitis, suscipientes obuia obedientia quęcunque annuncio Patri vestro, qui in cælis est, grata esse, non expectatis vllis iussionibus ac minis more seruorum: satis enim vobis, vt beneuolis filiis, est, quod is qui intus amoris affectus signo aliquo excitetur. Quandoquidem filius vt aliquid patris est, ita vocem patris tanquam vocem patris agnoscit, illique ea ratione auscultat. Hinc illud, Qui ex Deo est, verba Dei audit. Propterea *Ioan. 8.* vos non auditis, quia ex Deo non estis. Ecce inter audire & non audire verbum Dei, vnā hanc differentiam ponit, esse vel non esse ex Deo. Quod vnum rursus distinguit inter filios & alienigenas. Nam alienigenarum est, ex iussionibus & imperijs pendere eorum, quibus subduntur: filiorum verò est esse ex patre, hoc est, natu-

Luc. 8.

ram ex ipso habere. Atque hi sane significantur per terram bonam in qua semen cecidit, quia corde bono & optimo audientes verbum, retinent, & fructum afferunt in patientia. Dicit autem corde bono & optimo, ut etiam inter hos incipientium, & proficientium distinctionem subindictet. Magna profecto differentia est inter audire verbum Dei, & facere praecepta eius. Illud proprie non nisi beneuolorum est & proficientium; hoc etiam seruatorum & carnalium, qui oderunt quidem peccatum, sed solum formidine poenae, non virtutis amore. Inter illos porro nonnullis timoratis, ne hoc quidem satis est, quod pro suo arbitrio propriam voluntatem captiuent in obsequium verbi Dei, quin hoc ipsum etiam alterius iudicio vicem Dei gerentis faciunt, quo circumspectius perficiant, quod facere statuerunt, alterius obedientiae seipsum per omnia subijcientes. Quale in scripturis vocatur adhære-

Luc. 15.

Act. 17.

*De libera
obedientia
ad quam nos
voto ob-
stringimus.*

re alicui, aut discipulum agere. Quomodo filius prodigus redactus ad extremam necessitatem, adhæsit vni cuiusvis regionis illius. Quomodo & Dionysius Areopagita, & mulier nomine Damaris, & alij cum eo credentes adhæserunt Paulo. Quomodo & Ioannis Baptista discipuli adhæserunt ipsi, in omnibus audientes vocem eius. Vtrūque autem horum sit libera voluntate, & quam diu placet. Posterior verò liberarum obeditionum tunc incipit, quando homo non solum dimittit quæ mundi sunt, sed & seipsum abnegat, ac prorsus Deo velut holocaustum consecrat. Prout fecerunt Apostoli & infiniti alij post Apostolos, prout etiam faciunt nunc monasticæ perfectionis candidati, per abnegationem propriæ voluntatis, immobili decreto animi firmatam, dum profitendo atque vouendo vertunt sibi consilium in præceptum. Quo facto non amplius integrum est pedem retrahere, aut retrorsum respicere, propter Scripturam, Vouete & reddite,

Psal. 75.

reddite. Quia tamen non alia obligatione post votum astringuntur, quàm ea cui ipsi sua sponte se vouendo alligauerunt, etiam talis obedientia inter liberas annumeranda est, quòd ex radice liberæ volûtatis ortum habeat. Vt autem velut epilogo concludam, habes ex præmissis partitionibus obedientiæ differentias, nempe obedientiam naturæ, & obedientiam fidei: obedientiam necessariam, & obedientiam liberam: obedientiam seruilem, & obedientiam filialem: obedientiam denique seruitutis & obedientiam charitatis. Quæ vt ex verbo Dei collectæ sunt, ita eidem intelligendo non parum lucis adferunt.

D. At distantiam harum differentiarum necdum plene assequor.

M. Quantum lumen naturæ & lumen fidei, tantum distant obedientia naturæ & obediētia fidei. Illa ordinem limitesque naturæ non egreditur: ista verò vltra conscendens debitè submittit hominem verbo quod locutus est ipse Deus, vel per semetipsum, vt fecit circa nascētis mundi exordiu, vel per Prophetas, vt fecit olim multifariam multisque modis: vel per filium suum quem constituit hæredem vniuersorum, vt fecit nouissimè diebus istis. Quantum insuper præceptum & consilium siue doctrina, tantum distant obedientia necessaria & obedientia libera. Illa enim si violetur reum facit damnationis: ista verò violata dūtaxat minus bonum minusque perfectum constituit: nisi quatenus voto fuerit confirmata. Adhæc quantum timor & amor, tantum distant seruilis & filialis obedientiæ. Denique quantum distant animatum & inanimatum, fides sine charitate, & fides per dilectionem operans, tantum differt obedientia seruitutis & obedientia charitatis. Illa ad salutem consequendā ferè nihil confert, hæc pene sola in eam regnumque Dei introducit. De liberis autem obedientijs, quas ipsas filiales ac charita

tis esse oportet, alioquin ad meritum inefficaces, quomodo inter consilia Evangelica annumerentur exinde disferemus. Postea adiecturi de gradibus obedientiæ, qui surgunt tam ex parte eius cui obediendum, quàm ex parte ipsius obedientis.

Obedientia quæ annumeratur inter consilia Evangelica
quibus sit scripturis demonstranda. CAP. XX.

M.
Dionys. de
diuinis no-
minibus
cap. 4.

Dionysius Arcopagita Pauli discipulus docet diuinum amorem ecstasim facere, hoc est, amorem sic extra se rapere, vt non sinat eum suis-
se, sed eius quem amat. Vnitius enim est

Gal. 2.

amor, nec cessat, donec effecerit inter amantem & amatum vnum velle, & vnum nolle, cor vnum, & animam vnâ, quò tandè cum Apostolo dicat, Viuo autem, iam non ego: viuit verò in me Christus. Cuius affectu & arbitrio perinde feror, ac si ipse non haberem affectum aut arbitrium. Quæ licet habeam, tamen amore rapiente, illius, quem amo, fiunt, illiusque esse volo, nonnunquam firmo immobiliq; animi decreto. At inquires, Quorsum hæc? Vt tertij consilij Evangelici rationem, quod est obe-

Obedire
Deo vsque
ad perfe-
ctâ sui ip-
sius abne-
gationem est
cōsiliij Enâ
gelici.

1 Cor. 7.

dire vsque ad plenam sui ipsius abnegationem, à fonte (quod aiunt) tibi aperiam. Fons etenim talis obedientiæ est amor ecstasticus, quo velut liquefcit anima in Deum, cunctis quibus eximie colitur Deus conglutinata. Diximus de voluptatibus carnis abdicandis per continentiam,

Quoniam qui cum vxore est, sollicitus est quæ sunt mundi, quomodo placeat vxori, & diuisus est. Diximus præterea de bonis externis posthabendis per spontaneam pau-

Matth. 19. pertatem, Quia facilius est camelum per foramen acus transire, quàm diuitem intrare in regnum cælorum. Nunc autem dicemus de abrenunciatione propriæ voluntatis quæ sit, tum per obedientiam fidei & charitatis, tum per
cam

eā quę libera est, vel omnino, vel saltem in radice volun-
 tatis spontaneè vouentis perfectam obedientiam. Quali
 votiva promissione accedente, tunc demum fit plena
 suiipsius abnegatio. Christus dominus inuitans discipu-
 los saluari suo consilio ad summam perfectionis, dicit:
 Si quis vult post me venire, abneget semetipsum, & se-
 quatur me. Abneget, inquit, semetipsum, non sua aut
 suos tantum, sed semetipsum, hoc est, propriam arbitrij
 sui voluntatem: qua nihil homini æquę proprium, nihil
 intimiùs, nihil potest esse amabiliùs. Per hanc brutis ani-
 mantibus præstat, per hanc frui & vti valet, per hanc sui
 ipsius potens suarum actionum dominus constituitur: vt
 agendo bene, laudem mereatur: malè autem vituperio ac
 punitione dignus habeatur. Quapropter rectè seipsum
 abnegasse dicitur, quicumque arbitrij sui libertatem sibi
 adimit, statuens nihil deinceps pro sua voluntate gerere:
 sed in omnibus dicere cum Christo, Veruntamen Pa-
 ter non mea voluntas, sed tua fiat. Atque ex animo pre-
 cari. Fiat voluntas tua, sicut in cælo & in terra. Nam in
 cælo nulla est differentia inter iussa Dei, & placita eius:
 nullaquę differentia obeditionum in animabus sanctis:
 sed in omnibus tam obuia tamquę amabilis quàm natu-
 ræ vis & dilectionis plenitudo præstare potest. Ne autem
 istā, de qua loquitur, suiipsius abnegationem putet quis
 pertinere duntaxat ad actiones personales, aut domesti-
 cas, aut ciuiles, in quibus non retinent suam voluntatem
 serui sub dominis, aut paruuli sub tutoribus & pædago-
 gis, sed ad altiùs quid prospectet vniuscuiusquę cogitatio,
 ideo adiecit, Et tollat crucem: non quidem meam, sed
 suam crucem, hoc est, aduersitatem sibi superuenientem
 propter studium virtutis, æquanimiter ferat: non tamen
 sistendo ibi, sed & sequatur me per arduam atque angus-
 tam illam puræ obedientiæ viam, pede inoffenso ani-
 moquę;

*Consilium
 perfectæ
 obedientiæ
 exprimitur
 Matth. 16.*

*Luc. 22.
 Matth. 6.*

moque infracto, etiam si minæ occurrant, & persecutio-
nes, & flagella, quantumvis amara aut probrosa. Nam
ego hac via, atque his exercitamentis præcedo vos versus
portum salutis, factus obediens Patri usque ad mortem,
mortem autem crucis. Vis autem nunc scire, qualiter ab-
negauerit seipsum filius Dei, ut æternum Patris sui be-

Philip. 2.

Obedientia quit Apostolus, non rapinam arbitratus est esse se æqua-
qua se Chri lem Deo, sed semetipsum exinaniuit formam serui acci-
piens, in similitudinem hominum factus, & habitu in-
uenitus ut homo. Humiliauit semetipsum, factus obediens
us abne- usque ad mortem, mortem autem crucis. Igitur abnega-
gavit. tio qua Christus semetipsum abnegauit facta est cum ip-
sius exinanitione, summaque obedientia usque ad pro-
brosissimum supplicium mortis: adeò quòd nusquam
desisteret à beneplacito Patris, sed semper constans, sem-
perque immobilis obsequutione persisteret. Dicit enim,
Non quero voluntatem meam, sed voluntatem eius qui
misit me. Neque descendi de cælo ut faciam voluntatem
meam, sed voluntatem eius, qui misit me. Qualia, & plu-
ra similis forme, quis, obsecro, referat ad ea quæ per impe-
rium iussa sunt, & non potiùs ad beneplacita Patris, pa-
terno affectu desiderantis siue amantis tale quid in filio?
Nam ideo Deum passim nominat Patrem, passim suam
obedientiam cum voluntate Dei, ut pater est, compo-
nens, ne nos inter Deum & Christum imperatium quid
somniaemus, quale est inter dominos & seruos, inter ius-
sa illorum, & obsecutionem istorum: sed quod dulcedi-
ne duarum voluntatum suauiter còcuntium festiuium
atque amœnum est. Quale est inter beneuolam propen-
samque Patris voluntatem, & obuuium redamantis filij
obsequium, nihil sibi ob amoris magnitudinem de suo
arbitrio relinquentis. Quale etià esse debet in omnibus,
qui.

Ioan. 5.

Ioan. 6.

qui imitatione Christi sectantur eam perfectionem obediunt quæ est consilij Evangelici, ad quam inuitat Christus loco præallegato, dicens: Si quis vult venire post me, abneget semetipsum, & tollat crucem suam, & sequatur me. Adiungens ibidem, Qui enim voluerit animam suam saluam facere, perdet eam (hoc est, conteret omnes affectiones viuendi, quæ diuinis placitis exequendis remoram præstât). Qui autem perdiderit (hoc pacto) animam suam propter me, inueniet eam. Quid enim prodest homini si vniuersum mundum lucretur, animæ verò suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cū Angelis suis, & tunc reddet vnicuique secundum opera sua. Quibus velut calcariis incitat suos ad consiliū abnegationis sui ipsius fortiter subeundum.

D. Putabam ego verba illa Christi habere vim præcepti, & ad vniuersos pertinere Christifideles.

M. Forma dicendi sub conditione declarat non dicta esse per modum iussionis, sed doctrinæ aut adhortationis. Quæ quidem doctrina quadam tenus omnibus necessaria est, & communis. At in sua plenitudine non proponitur, nisi per modum consilij & inuitationis, ijs qui spontanei sunt ad ardua illa perfectionis Euangelicæ cacumina superanda.

D. Quo usque igitur ad omnes, & quo usque ad perfectionis studiosos?

M. Amans, vt diximus, non remanet sui ipsius, sed amati. Debet ergo quisque seipsum abnegare, animamque suam odisse, quatenus id requirunt alia amati iussa, quæ præcipiendo præcepit. Alioqui suffunditur frigida, rumpiturque amor. Est quidam gradus diuini amoris, quo Deus diligitur propter se, & super omnia, quo certe minor est non

se non potest. Quem ut attingas, omnia tibi & cuilibet abneganda sunt quousque impugnant huc amoris gradum. Qui enim amat patrem aut matrem plus quam me, non est me dignus. & qui amat filium aut filiam super me, non est me dignus. Rursum, Qui non exspoliatur seipsum veterem Adam, qui est de terra terrenus, & induit nouum hominem, qui secundum Deum creatus est, ut Christus, de cælo cælestis. Tertiò qui non curat ablui & sanctificari, & iustificari in nomine domini nostri Iesu Christi, & in spiritu Dei nostri, ab illis sceleratis & monstrosius malis, quæ enumerat Apostolus, 1. ad Cor. 6. Item in quo adhuc regnat peccatum per opera carnis, quæ enumerantur ad Gal. 5. nec incipit virefcere in fructum aliquem Spiritus Sancti, de quibus ibidem. Denique qui non habet spiritum Christi, nec fit filius lucis, sed manet tenebræ, ac Belial siue operarius iniquitatis, hic non attingit ne infimum quidem gradum præfatæ doctrinæ Christi, ut aliquousque discipulus eius fiat. Quæ enim participatio iustitiæ cum iniquitate? Aut quæ societas lucis ad tenebras? Aut quæ conuentio Christi ab Belial? Igitur qui vult venire post Christum, debet in primis abnegare quod erat, quousque Christo aut veritati, aut diuinis iussionibus aduersatur. Debet præterea & id quod sequitur præstare, nempe, Qui non tollit crucem suam, & sequitur me, non est me dignus. Sequitur, inquam, saltem hætenus, ut malit cuncta tormentorum genera, & qualiacumque incommoda sufferre, quam ad vetustatem in Baptismo depositam redire, quam nouitatem in Christo inchoatam non prosequi, quam vel minimè contra Dei iussa attentare. Porro prosequi antedictam Christi sententiam secundum intensum ac eminentem charitatis gradum, quem ipsemet præcundo profecutus est, adeò ut etiam in licitis tibi tuum arbitrium deneges,

nec

Matth. 10.

Colloss. 3.

1. Cor. 15.

Ephes. 4.

1. Cor. 15.

1. Cor. 6.

Rom. 8.

Eph. 5.

2. Cor. 6.

nec vlla carnis repugnantia patiaris animi tui obsequiū
 diuelli à placitis Dei, etiamsi tantummodo consulta fue-
 rint: aut vt te sponte offeras ad functionem Euangelij,
 quam certo certius manet discrimen vitæ: vel ante tribu-
 nal tyrannorum prodeas necdum citatus, acclamando,
 Christianus sum. Quo sanè genere seipsum abnegare, ad
 summam perfectionem vitæ Euangelicæ pertinet. Nec
 iniungitur cuiquam, sed velut eximium quid atque præ-
 cellens cū verbo Christi tum exemplo suadetur vni-
 uersis: persuadetur verò fide illustribus, ac præcellenti
 charitate ardentibus. Et vocatur, perfecta obedientia vo-
 cis diuinæ siue verbi Dei, longè & quasi genere distans
 ab ea quæ vocatur præceptorum obedientia, tantummo-
 do imperiū & iussiones respiciens. Claruit autem hac
 prætacta obediētia in primis pater Abraham credens, &
 obediēs Deo, adeò vt eius placitis posthaberet & patrē,
 & patriam, & omnem cognationem, filium denique vni-
 cum, paratus peregrinari in terra aliena peregrinationem
 laboriosam & perdifficilem, vsque ad finem vitæ suæ,
 quemadmodum clarè patet in libro Geneseos per multa
 capita. Deinde Rechabitz, de quibus diximus. Filij itidē
 Prophetarum illustres facti sunt in scripturis, quod ab-
 negata propria voluntate, subderēt se per omnia obediē-
 tiæ vnus, qui spiritu prophetico cæteris clarior erat, id-
 quæ in admiranda rerum indigentia, & vitæ abstinētia,
 vt legere est, 4. Reg. 4. In nouo autem Testamento ante
 omnes claruerunt hac perfecta obediētia fidei nostræ
 duces Apostoli, qui dimissis omnibus, firmiter adhæse-
 runt doctrinæ Saluatoris in omnibus tā consultis quàm
 iussis, vti liber Lucæ de actis Apostolicis, & fidæ in super
 historiæ vitæ singulorum luculenter testantur. Post Apo-
 stolos verò eodem genere perfectæ obediētiæ valdè emi-
 nuerunt primitiæ credentium, supra quos cecidit igneus
 ille

*Qui potissi-
 mū clarue-
 rūt perfe-
 cta obediē-
 tia.
 Abraham.*

*Rechabitz
 Filij pro-
 phetarum.*

Apostoli.

*Primitie
credentiū.*

ille Spiritus Sanctus in die Pentecostes, de quibus scribitur Act. 2. Erant autem perseverantes in doctrina Apostolorum, & communicatione, & fractione panis, & orationibus. Nota quod dicit, In doctrina Apostolorum. Itaque in omnibus quæ ab Apostolis velut consona pietati Evangelicæ docebantur, ad omnia admiranda quadam animi promptitudine aduolantes, nihil ultra cogitantes de rebus, de solita agendi libertate, de vita denique conservanda. Omnia enim abnegabant, omnia longè Christo posthabebant, inherentes perfectæ obedientiæ doctrinæ susceptæ. Post hos surrexerunt sanctorum

Aganotheatæ Martyrum.

Martyrum innumerum, qui velut antesignani et aganotheatæ spontè proficiebant ad agones fidei, abnegantes vitam propriam, & prorsus omnia, nedum suæ voluntatis libertatem, quo sanguine testimonij sui & veram religionem illustrarent, & falsam obscurarent, & suos insuper commilitones præcedo ad agones sacros inflammarent. De illis hoc loco non loquor, qui adducti in medium, ut aut negent aut mortem subeant, fortiter elegerunt mori magis quam negare: quia hoc est necessariæ obedientiæ, dicente Christo: Qui negauerit me coram hominibus, negabitur coram Angelis Dei. Nec illis inferiores fuerunt in hac perfectione luminaria illa magna Confessorum, potissimum quos Philo Iudæus, antea autem Apostoli (vbi Dionysio placet) *ὑπακιστοι* hoc est, cultores & cultrices vocabant. Qui inherentes vestigijs Ioannis Baptiste, quo non surrexit maior inter natos mulierum, secessus quærebant in montibus, in speluncis & cauernis terræ, adeoque seipsos abnegabant, ut ne summis quidem necessitatibus naturæ satisfacerent, ob intensum mortificandæ carnis studium, solo pane, aut solis radicibus herbarum, aliisque sylvestribus fructibus incitantes magis quam refocillantes famem, quibus

terra


LUC. 12.


terra pro lecto, solitudo pro paradiso, cilicium, aut aliud
 magis vile pro indumento erat. Lege precor quæ scribat
 Philo Iudæus libro de vita contemplatiua: quæ Hiero-
 nymus, quæ Athanasius epistola ad solitariã vitam agen-
 tes, & libro de vita Antonij heremitæ: quæ alij vetusti
 illustrium heremitarum mentionem facientes scripsere.
 Fuit autem & hoc genere abnegationis sui ipsius, siue *Perfecta obedientia in monasterijs.*
 perfectæ obedientiæ mirè illustrata Ecclesia sub diuo Ba-
 silio Magno in Græcia, sub diuo Hieronymo in Palesti-
 na, sub diuo Augustino in Aphrica, sub diuo Benedicto
 in Italia, sub diuo Martino in Gallia, sub sancto Domi-
 nico in Hispania, & sancto Francisco in Acitio, viris san-
 ctitate & miraculis admodum claris, vt ex illorum scri-
 ptis quo ad aliquos, claris item historijs, maximè autè ex
 permanente in hodiernum vsque diem eorum propagi-
 ne, luce clariùs constat. Nam extant monasteria sine nu-
 mero, in quibus posshabita ea, quæ non ex Patre, sed ex *1. Ioan. 2.*
 mundo est concupiscentia carnis, concupiscentia oculo-
 rum, & superbia vitæ, firmissimo animi decreto subijciūt
 se singuli obediētiæ gubernationem tenentis: adeò vt
 nihil in otio aut negotio, nihil in vsu rerum aut abstinē-
 tia, nihil in consuetis peragendis, nihil in nouis inchoan-
 dis attentent sine scitu & placito superioris vicem Dei
 gerentis. Quales profectò meritò vocādi sunt iuxta Esaiã
 Sabbathum delicatum, & sanctum Domini gloriosum: *E/ai. 50.*
 eò quòd in ipsis non est facere vias suas, nec inuenitur vo-
 luntas propria in eis. Et hi quidem sic per votiuam pro-
 fessionem in conuentibus monasticis pulcherrimè expri-
 munt Euāgelicum perfectæ obedientiæ consilium.
 Quòd nihilominus faciunt & alij quàm plurimi, singu-
 li seorsum in loco habitationis suæ. Vt fecit beatissima
 Elizabeth filia regis Hungariæ vxor Lantgrauij Thuringiæ,
 multò illustrior virtute & miraculis, quàm sua regia

profapia esse potuit, obligans se per votum ad præstan-
dam perfectam obedientiam in omnibus quæ fidei & re-
ligionis sunt M. Conrado. Non sanè ignota est, neq; ab
incognitis seculis vel finibus petita historia. Claruit enim
hæc sancta mulier innumeris miraculis, vsque ad suscita-
tionem mortuorum, anno. 1230. in Hassia nobis vicina.

De diuersis gradibus obedientie ex parte illorum quibus
est obediendum.

CAP. XXI.

M.  On ne homo vt varias habet qualitates, ita va-
riè intelligi ac considerari potest?

D.  Omnino. Nam aliquando intelligitur ho-
mo vt creatura Dei, subsistens per Deum, & in
Deo. Aliquando vt inops & omnium egenus, sicuti re-
uera in seipso est. Aliquando vt renatus ac filius Dei, re-
demptus itè & libertate donatus, quales sunt boni Chri-
stiani, aliàs quoque alijs modis.

M. Rectè. Iuxta hanc autem considerationis varietatem
licebit intelligere varias rationes ac gradus obedientie
ex parte eorum quibus est obediendum. Nam homo vt
creatura debet obedientiam Deo creatori: vtque omniū
egens Deo omnium donatori, eodem iure naturæ quo
vniuersa tam animata quàm inanimata. Et quidem ma-
gis quàm illa: quòd ipse vniuersis sit natura & cognitio-
ne multò præstantior. Quapropter meritò illa non præ-
stanti impropèratur Scriptura dicens: Generatio praua at-
que peruersa, hæccine reddis Domino popule stulte &
insipiens? Nunquid non ipse est Pater tuus qui possedit
te, & fecit, & creauit te? Et illud: Cognouit bos possesso-
rem suum, & asinus præsepe domini sui: Israël autem nō
cognouit, & populus meus non intellexit. Cuiusmodi
quanquam ad literam pronunciauerit Esaias in populū
fidelem Iudæorum, rectè tamē in omnes dicta intelligun-
tur.

Deut. 32.

Esai. 1.

tur. Omnes enim sunt factura & figmentum Dei, omnes alumni eius. Aperit enim manum suam, & implet omne animal benedictione. Deinde homo, ut imago Dei, natura felicitatis æternæ capax debet fortiori ratione obedientiam, ut Deo auctori salutis, ita omnibus quæ Deus salutis causa ordinavit, & proinde in primis Christo & Euangelio eius, post mysterium redemptionis nostræ potenter completum in sanguine ipsius. Ideoque debet se quisque necessariò subijcere Euangelio salutis ubi ei sufficienter annunciatum fuerit. Quia non est in aliquo alio salus. Non est enim aliud nomen sub cælo datum hominibus, in quo oporteat nos saluos fieri: quàm illud gloriosum nomen Iesu Christi, quem proposuit Deus propitiatorem per fidem in sanguine ipsius, ad ostensionem iustitiæ eius in hoc tempore, ut sit ipse iustus, & iustificans eum, qui est ex fide Iesu Christi. Ad quam certè obedientiam tenetur homo tantò strictiùs, quantò vita corporis, salus animarum potior est atque præstantior, neque minus necessaria ad finem creationis nostræ. Porro homo ut filius Dei, factus ià regeneratione noua creatura in Deo debet Deo obedientiam qualem filius patri, & non solum qualem creatura creatori, aut mente Dei capax illi cuius imaginem gerit. Quarum illa instinctum naturalem, ista rationis iudicium cōsequitur. Et quidem obedientiã filialẽ tantò honorificentiorẽ amantioremq; quantũ præstat Deus homini maiestate, & melioris vitæ pater esse cognoscitur. Hinc illud, Præbe fili mi cor tuũ mihi. Rursum illud, Filius honorat patrem: si ergo pater ego sum, ubi est honor meus? Hoc est, si tu filius meus es, & ego Deus, tuus pater, subdas te mihi amanter, & ex corde, ut honor mihi sit ex te & oblectatio. Honor autẽ patris est summissio filij cum veneratione. Hinc Israëlitis improperatur, Filios enutriui & exaltaui, ipsi autem spre-

Psal. 144

Act. 4.

Rom. 3.

Christianus
debet Deo
obedientiã
filialem.

Prover. 23.

Malac. 1.

Esa. 1.

Jerem. 35. uerunt me. Hinc denique comparatio illa, quam profert de mandato Domini Ieremias, Israëlitis ostendens filios Rechabitarum obediuisse patri suo Ionadab filio Rechab in ijs quæ pene contra naturam erant: Israëlitem verò non audiuisse vocem Domini loquentis: vocatum insuper non respondisse, licet ut filius primogenitus & præelectus nutritus fuisset à Deo & exaltatus. Ad hæc homo ut est emptus atque redemptus à Christo, non corruptibilibus auro vel argento, sed pretioso ac intimo sanguine redimentis, adeoque vita ipsius: non etiam de temporalibus quodam seruitute, sed ab æterna: neque in ullum redimentis commodum, sed ad solius redempti salutem ac felicitatem, debet haud dubiè pro eo redemptori suo Christo specialem aliquam & eximiam obedientiam.

D. Quantam, precor, & qualem?

M. Multò sanè maiorem quam homo homini debere potest: imò tantam ac talem atque adoptatus filius meritò Deo patri adoptanti debet. Ratio est, quia redemptione Christi efficimur filij Dei patris, & hæredes ipsius, cohæredes autem Christi. Neque egent ista probatione, certa enim sunt.

D. Ac alijs locis abundè satis demonstrata.

M. Gaudeo quòd memineris.

D. Procedat itaque inductio.

M. Præterea homo trāsiciens de Iudaismo aut Gentilium idololatria ad gremium Ecclesiæ sanctæ, iamq; in ea est regeneratus concepto semine Spiritus Sancti, haud dissimiliter atque infans in utero materno, debet ipsi Ecclesiæ obedientiam, qualem filius matri egrediens de utero ipsius, itaque obedientiam filialem.

D. Ergo Christianus talem debet obedientiam Ecclesiæ, qualem Deo ac Christo.

Apocal. 21.

Gal. 4.

M. Utique talem: quia sponsa Christi est Ecclesia, & ma-

ter

ter nostra: sed non tantam: quia Christus caput est Ecclesie, & saluator corporis eius, quem & Deus dedit caput supra omnem Ecclesiam, in regendo, in viuificando, in prouehendo. Maior ergo obediētia debetur Christo quam Ecclesie: attamen vtrique similis, quia vtrique filialis. Nec tamen quouis affectu filiali, aut in quibusuis negotijs est obediendum Ecclesie, sed affectu nouæ illius creaturæ in quam cælitus renatus es, qua & Christianus existis, atque in ijs dūtaxat quæ sanctificationem hominum, & Ecclesiasticam hierarchiam concernunt.

D. Et qua tandem ratione tenemur obedire præpositis Ecclesie?

M. Eadem qua Christo, & Ecclesie sponsæ eius, quæque filius aut filia familiæ illi quem pater & mater præesse voluerunt. Eadem quippe est mādantis & mandatarij auctoritas, dicente Apostolo: Pro Christo legatione fungimur, tanquam Deo exhortante per nos. Itaq; & Apostolorum functio & nostrorum præfidentium in Ecclesia non alia quam Christi auctoritate nititur. Quod & Christi verba significāt, quibus dicit, Qui vos audit, me audit; qui vos spernit, me spernit. Quibus insuper nominat præpositos Ecclesie potissimum confessu vnitos, ipsam Ecclesiam, dicens: Si Ecclesiam non audierit sit tibi sicut ethnicus & publicanus. Licet autem eadem sit mandantis & mandatarij auctoritas, est tamen potior in illo quam in isto. Iuxta illud Aristotelis: Propter quod vniū quodque tale & illud magis. Ideo quæ in primis Dei ac Christi mandatis, ac deinde pijs hominum constitutionibus est obsequendum. Enimuerō ita est natura comparatum, vt inferiora per superiora regi debeant, per illa subsistere, per illa perfici, vt quæ media medio quodam modo sese habeant: ad superiora quidem submissiue, ad inferiora gubernatiue. Hinc obeditionum quæ superioribus

Obediendū
præpositis
eādē ratio-
ne qua Chri-
sto & Ec-
clesiæ.

2. Cor. 5.

Luc. 10.

Matth. 18.

*Magis su-
perioribus
q̄ medijs
obediendū.*

ribus debentur illa qua obediendū est supremo, ex quo, per quod, & in quo sunt omnia, summē & prae omni- bus stringit. Qua verò medijs, non ita obligat, quòd me- dijs non sit obtemperandum, nisi quatenus cum superio- ribus consentiunt. Proinde cum aliud rex, aliud iusserit prae- tor: aliud consul, aliud proconsul, spreto illo huic obtemperandum est. Et cum aliud natura, aliud manda- ret auctor naturę, Abraham laudabiliter contra ius na- turę tentauit immolare proprium filium, quia sic praece- perat auctor naturę. Cumque aliud iuberent pontifices & magistratus Iudaeorum, aliud Deus, iustissime respon- dit Petrus, Obedire oportet Deo magis quàm homini- bus. Quemadmodū enim sol superueniens reliqua astra obscurat, & velut de medio tollit: ita supremorum ius-

A. 5.

*Corruptela
est obedire
æquē aut
magis homi-
nū constitu-
tioni atque
mandatis
Dei.
Matth. 15.*

sio mediolorum potestatem eliminat aliud volētium. Nec inter obedientias, sed magis inter corruptelas est compu- tanda ea, qua æquē aut plus obeditur illis, penes quos minor est imperandi potestas. Quapropter omnes tradi- tiones humanæ, quæ diuinis aduersantur, sunt iniquæ, & de medio tollendæ, nec vlla eis potest impendi nisi præpostera & irrationabilis obedientia. Vnde merito re- prehēsi sunt Scribæ & Pharisei à Domino dicēte: Qua- re & vos transgredimini mandatum Dei propter tradi- tionem vestram? Nam Deus dixit, Honora patrem & ma- trem. &, Qui maledixerit patri vel matri morte moria- tur. Vos autem dicitis, Munus quodcunque est ex me, tibi proderit. & non honorificabit patrem suum aut ma- trem suam, & irritum fecistis mādatum Dei propter tra- ditionem vestram. Quod est ordini contrarium, & ab omni politia eliminandum. Quoniam autem Ecclesia Catholica adeò per orbem latè est diffusa, vt sub hierar- chia sua comprehendat primū regiones & prouincias, dioeceses & parœcias, atque in his varia collegia & mo- nasteria,

naſteria, velut familias quafdam ſibi inuicem ſubordina-
 tas, præfecit ſingulis ſingulos miniſtros verbi & guber-
 natores ſibi inuicem ſimiliter ſubſeruientes. Prouincijs
 quidem Archiepiſcopos, diœceſibus Episcopos ac Præ-
 poſitos, parœcijs verò paſtores Episcopis ſubſidiarios,
 collegijs denique Decanos, monaſterijs verò patres, in
 alijs alio nomine appellatòs. Multis autem prouincijs Pa-
 triarcham, toti denique hierarchiæ, omnibuſque ſimul
 ordinibus Eccleſiæ vnum, quem ſummum pontificem
 appellamus, qui & paſtor vniuerſalis eſt, ſecundum Scri-
 pturam, omnium agnorum ac ouium, Petri ſucceſſor,
 Chriſti vicarius. Vt hoc pacto omnis Eccleſiæ partiti-
 o atque diffuſio in ordine conſtet, ordineque ad vnum prin-
 cipium relata, vna permaneat, citra ſciſſuram ac turbam.
 Qualis ſciſſura ac turba non poteſt non eſſe, quādo in-
 firmi aut ſubiſciuntur ſupremo medijs prætermiſſis, aut
 ad alienam transmittuntur obedientiam, aut aliàs ſuo
 Ordinario ſuperiori ſubtrahuntur. Vt fit per exemptio-
 nes (vt vocant) incorporationes, vniones, reſeruaciones,
 inhibitiones, diſpenſationes.

D. - Quomodo? Nam de illis paulò explicatiùs audire cu-
 pio.

M. Non eſt huius loci, nec capite vno fieri poteſt, volu-
 men requirit, quale ſedulò meditamur aliquando ad tuã
 aliorumque vtilitatem edituri inſcriptum de Ordine, &
 quatuor libris diſtributum. Vnum autem quod vetuſti
 dicere ſolent ſuperaddam, videlicet, Principium malo-
 rum multitudo: principiũ verò bonorum vnio ſiue vni-
 tas. Quapropter multa niſi ordine recurrant in vnum,
 diu firmiterque conſiſtere non poſſunt. Ordine conſi-
 ſtunt orbes cœleſtes: adeò vt vnu corpus efficere videan-
 tur. Ordine membra multa in vnum corpus ſuauiſſima
 quadam harmonia cœunt. Ordine totius vniuerſi ma-

china, vnius velut animati corporis formam gerit. Voluit itaque & Christus suam Ecclesiam ordine constare ministrantium & obedientium. Adeo vt populus clero, clerus verò vni subesset primati Ecclesiæ. In clero infimi Archidiacono & sacerdoti, illi Episcopo, Episcopus Archiepiscopo, Archiepiscopus Patriarchæ, ille summo Pontifici, summus autem Pontifex Christo & Deo, populus denique his omnibus: & inter hos speciatim illi, cuius parocciæ connumeratur. Itaque singulis quo maior est eorum prælatura siue præsidendi potestas, eò magis ac sollicitius ipsis est obediendum: habita semper vnitatis ratione, ne sit schisma in corpore Christi quod est Ecclesia. Est autem & hoc summopere laudandum, vt quisque consentiat cum alijs suæ communitalis, non solum in doctrina, verum etiam in moribus vsu receptis: tamen nonnunquam parum momenti habeant sic an aliter fiat: tum ne percutiant infirmas pusillorum conscientias, neue cuiquam etiam si foris sit offendiculo fiant: tum vt vnitas constet & concordia inter fratres, vt id ipsum dicant teneantque omnes. Qualia admodum exactè docet Apostolus Corinthios dicens: Si quis viderit eum, qui habet conscientiam, in idolio recumbentem, nonne conscientia eius cum sit infirma ædificabitur ad manducandum idolothyta? Et peribit infirmus in tua conscientia frater, propter quem Christus mortuus est? Sic autem peccantes in fratres, & percutientes conscientiam eorum infirmam in Christum peccatis. Quapropter si esca scandalizat fratrem meum, non māducabo carnem in æternum, ne fratrem meum scandalizem. Deinde Philipenses fratres sermone pleno affectibus dicens: Si qua consolatio in Christo, si quod solatium charitatis, si qua societas spiritus, si qua viscera miserationis, implete gaudium meum, vt idem sapiatis, eandem charitatem habentes, vnanimes,

id ipsum


1. Cor. 8.

Philip. 2.

idipsum sentientes, nihil per contentionem, neque per inanē gloriam, sed in humilitate, superiores sibi inuicem arbitantes, non quæ sua sunt singuli considerantes, sed & ea quæ aliorum. Si verò ad aliam commigret quis paræcesim aut diæcesim, etiam illius receptas consuetudines insequi debet, & easdem ob causas. Super quo cùm consulisset Augustinus Ambrosium Episcopum Mediolanensem respondit ille, Cùm sum Romæ ieiuno in sabbatho, cùm hic sum non ieiuno: Igitur & tu Ecclesiæ ad quam forte veneris, consuetudinem obserua, si neque tu cuiquam, neque quenquam tibi scandalo esse velis. Quod responsum loco diuini oraculi Augustinus semper habuit: vt ipse testatur in epistola ad Ianuarium. Verum de his alio loco fusiùs locuti sumus. Haftenus de gradibus obedientiæ qui surgunt ex parte eius cui obediendum est: Nunc verò dicamus aliquantulum de ijs gradibus qui surgunt ex parte obedientis.

Aug. epist.
118.

De gradibus obedientiæ ex parte obedientis CAP. XXII.

M.  Ollegit diuus Bernardus & alios gradus siue differentias obedientiæ, ex parte eius qui obsequitur, quos tibi hoc loco subiiciam, magis illius quàm meis verbis, sed succinctiùs. Primus est obedire voluntariè, iuxta illud: Voluntariè sacrificabo tibi. Quasi diceret, Non expectabo donec minis exactus aut poënis fuero: quin potiùs, Paratum cor meum Deo, paratum cor meum, vt faciam libenter quæcunq; iusseris. Sola voluntas est quæ totius operis ornat effectum, sine qua nec bene aliquid agitur, etiamsi bonum esse videatur. Ex voluntate itaque suscipienda sunt imperia Prælatorum, & ipsum cor à suis reflexionibus abduccendum, donec propria voluntas mactata mandatum diligat imperantis. Secundus gradus obedire simpliciter,

Psal. 55.

Psal. 107.


- Pfal. 17.* ut sit verum, In auditu auris obediuit mihi, Quia post vocem Dei, vel vicem Dei gerentis nulla replica, multò minùs autem duplica aut triplica esse debet in mente aut voce subditi querulantis, cur? quare? quam ob rem hoc magis quàm illud? aut nunc potiùs quàm aliàs? vel, cur magis ego quàm ille, qui obligator est, aut me validior? vel vt dicit piger, Leo est foris, in medio platearum occidendus sum, Cuiusmodi querulis vocibus abstinendum est, vt voci superioris simpliciter obsecundet voluntas inferioris. Tertius est hilariter, & non quasi ex tristitia aut necessitate. Hilarem enim datorem diligit Deus. Sc-
2. Cor. 9. renitas in vultu, dulcedo in sermone multum decorant obedientiam obsequentis. Vnde & Gentilis ille poëta, Super omnia vultus accessere boni. Contrà nubilosa cõ-
 positio corporis, & facies tenebris obfuscata tristitiæ, deuotionem obediendi ab animo recessisse testantur. Quis autem locus gratæ obediētæ, vbi tristitiæ cernitur ægri-
Pfal. 118. tudine? Quartus gradus est obsecundare velociter, ac velut
Luc. 19. festinanti studio. Vt Propheta fecit, dicens: Viam manda-
 torum tuorum cucurri. Et Zacchæus Euangelicus: is enim cùm audisset à Domino, Zacchæe festinans descen-
 de, quia hodie in domo tua oportet me manere, festinàs descendit, & excepit illum gaudens. Quam ob causam audire meruit, Quia hodie salus domui huic facta est. Fi-
 delis obediens nescit moras, fugit crastinum, ignorat tar-
 ditatem, præripit præcipientem; parat oculos visui, aures
 auditui, manus operi, itineri pedes, totumque se colli-
 gens, vt imperātis velocissimè colligat voluntatē. Quintus gradus adimplere viriliter, prout Psalmista ait: Viri-
Pfal. 30. liter agite, & confortetur cor vestrum omnes qui spera-
 tis in Domino, Si tribulatio, aut persecutio resultat, si peccatores tibi laqueum ponunt, si maligni tuum iter impediunt, aut caro resistit, tu obedientiæ viam non de-
 seras

seras, sed dic cum Psalmista: Paratus sum, & non sum *Psal. 118.*
 turbatus ut custodiam mandata tua. Iungé igitur veloci-
 tati obedientiæ animæ etiam fortitudinem in exequen-
 do, & tum decantabis securius, Manus peccatoris non *Psal. 35.*
 mouebit me. Sextus gradus, obedire humiliter, ut post
 hilarem, celerem, fortemque obeditionem tuam, sit sem-
 per & intus, & foris in voce illud, Serui inutiles sumus, *Luc. 17.*
 quod debuimus facere fecimus. Quantulum enim est
 præstitisse obedientiunculam illi, cui me meaqué omnia
 debeo, sine quo nihil sum, nihil habeo, nihil valeo, à quo
 nihilominus spe certa quæ non cōfundit expecto, quod *Rom. 5.*
 ipse est, quod habet, quod potest (est autem omnia, & po-
 test omnia, eritque omnia in omnibus, cum illa quæ ma-
 la sunt in nobis expurgata fuerint. Nihil igitur obse-
 quium nostrum respectu bonorum Dei, sed magna mi-
 seratio eius est, nos in iniquitatibus nostris consumptos *Tren. 3.*
 non esse. Quodque in humilitate nostra memor fuerit *Psalm. 135.*
 nostri, ipse qui fecit nos. Septimus gradus est obedire
 perseveranter, 'Qui enim perseverauerit usque in finem, *Matth. 10.*
 hic saluus erit. Non autem qui inceperit, aut aliquousq;
 bonum perduxerit. Quid enim currere prodest, & ante
 metam deficere, aut desistere? Nōne per Ezechielem
 dixit Dominus, Si auerterit se iustus à iustitia sua, & se- *Ezech. 18.*
 cerit iniquitatem secundum omnes abominationes, quas
 operari solet impius, nunquid viuet? Omnes iustitiæ eius
 quas fecerat, non recordabuntur in præuaricatione qua
 præuaricatus est, & in peccato suo quod peccauit, in ipsis
 morietur. Sic currite ut comprehendatis, quo tandem di- *1. Cor. 9.*
 cere liceat cum Apostolo, Cursum consummaui, fidem *2. Tim. 4:*
 seruauim, in reliquo reposita est mihi corona iustitiæ, quā
 reddet mihi Dominus in illa die, iustus iudex. Inter hos
 obedientiæ gradus non commemorat Bernardus eam
 quam Archiapostolus obedientiam charitatis appellat:

&

& quidem cordatè, perpendens eam in singulis debere concurrere. Quocunq; enim gradu obedientiæ fulgeam si charitatem non habuero, nihil sum, nihil mihi prodest, scilicet ad meritum vitæ, & gratiam retributionis diuinæ, vt latè deducit Apostolus, 1. ad Corinth. 13.

Quam habeat obedientia promissionem in Scripturis potissimum libera, quæ inter cōsilia annumeratur. CAP. XXII.

D.  N Scriptura tribuat liberæ atque perfectæ obedientiæ vim aliquam eximiam & specialem bene merendi de Deo?

M. Magnam. Fecit enim huiusmodi obedientia Christum sublimem super omne quod nominari po-

Philip. 2. test, dicente Paulo: Propter quod (nempe, quia factus
Quæ exalta- erat obediens vsque ad mortem, mortem autem crucis)
tet hominē & Deus exaltauit illum, & donauit illi nomen quod est
obedientia super omne nomen, vt in nomine Iesu omne genu fle-

ctatur, cælestium, terrestrium, & infernorum. Fecit præterea Ioannem Baptistam esse plus quàm prophetam, imò Angelū Dei ante faciē Messię, ac tantum vt nō sur-

Matth. 19. rexerit eo maior inter natos mulierū, vti habes Matth. 11. Fecit & Apostolos iudiciaria potestate eminere super om-

nes alios, ipso Christo promittente, Amen dico vobis, quod vos qui secuti estis me (nempe obedientia perfecta, nō aliud quàm hoc vnum repotens, Qui secuti estis me,

quasi vnum hoc eos tanta euectione qua sublimandi prædicantur, dignos reddiderit) vos, inquam, qui secuti estis me, in regeneratione, cū sederit Filius hominis in sede maiestatis suæ, sedebitis & vos super sedes duodecim iudicantes duodecim tribus Israël. Ecce perfecta obedien-

Luc. 19. tia facit hominem quasi Deum, ac iudicem aliorum cum Christo, eodem sublimatū quo Christus. Nōne Zachæus natura pusillus, sed obediēdi promptitudine ma-

gnus.

gnus, quia obediuit voci Domini festiuans ac gaudens, ideo audiuit à Domino, Quia hodie salus domui huic facta est, eò quòd & ipse filius sit Abraham? Nónne qui vocatur Abraham, quando fide obediuit in locum exire quem accepturus erat in hæreditatem, nesciens quo iret, & fidei, & omniũ credentiũ pater appellatus est? Cum- que obediret offerre Filium suum vnigenitum, nõnne Dominus iurauit per semetipsum ei dicens: Quia fecisti hanc rem, & non pepercisti Filio tuo vnigenito, benedicam tibi, & multiplicabo semen tuum sicut stellas cæli, & velut arenã quæ est in littore maris. Possidebit semen tuum portas inimicorum suorum, & benedicetur in semine tuo omnes gentes terre, quia obedisti voci meæ. Insuper Rechabitarum obedientia quàm magnificè remunerata sit latè exponit Ieremias propheta, dicens: Hæc dicit Dominus exercituum Deus Israël, Pro eo quòd obedistis præcepto Ionadab patris vestri, & custodistis omnia mandata eius, & fecistis vniuersa quæ præcepit vobis: propterea hæc dicit Dominus exercituum Deus Israël, Non deficiet vir de stirpe Ionadab filij Rechab, stans in conspectu meo cunctis diebus. Quid autem præstet fidei ac charitatis obedientia, quæ & ipsa inter consilia Evangelica est annumeranda, antea diximus. Ipsa enim & non alia facit hæredem, ciuem, & alumnum regni cælorum, quòd per eam solam impleatur voluntas Dei patris, vt Pater est. Nihil ferè commendatur in Scripturis velut diuina munificentia dignum adeo atque victimæ & holocaustum: attamen melior est obedientia quàm victimæ secundum Scripturam, 1. Reg. 15. Quia vt Gregorius inquit per victimas aliena caro, per obedientiam verò voluntas propria mactatur. Tanto igitur quisque Deum citius placat, quãtò eius oculos repressa arbitrij sui superbia, gladio præcepti se immolat.

Heb. 10.

Genes. 22.

Jerem. 35.

Greg. lib. 35
Moral. ca.
12.

D. Nón.

D. Nónne Christus víctima erat mundum Deo reconcilians? Nónne Propheta ait, Sacrificiũ Deo spiritus contribulatus, addens. Cor contritum & humiliatum Deus non despiciet?

M. Vtique.

D. His autem victimis an maior sit obedientia nostra?

M. Nequaquam. Nam & talium victimarum potissima pars, odorque suauissimus est ipsa obedientia. Nā Christus factus obediens vsque ad mortem, post triumphatũ hostem veritatis obtulit se victimam pro mundi vita. Et spiritus contribulatus quid aliud est, quàm obedientiæ per pœnitudinẽ resumptæ feruens ac sacra oblatio? Propheta autem Samuel loquens Sauli regi comparisonem facit inter victimas & obedientiam separatim positas, nec respicit ad internas, sed externas victimas, reprehendens Saulem, q̃ obedientia seposita voluerit placare Deũ matctatis bobus ac alijs de pręda capta, in victimam. Victima enim propriè hostia est, quæ post victoriã dextra victri-
ce immolatur, dicente Ouidio.

Quibus victimis præferatur obedientia.

Victima quæ dextra cecidit victrice vocatur.

Et de huiusmodi victimis loquitur textus. Saul enim rediens victor de cæde Amelechitarum erexit sibi fornicem triumphalem immolaturus victimas pro parta scilicet victoria, dicens ad Samuelem. Tulit de pręda populus oues & boues primitias eorum, quæ cæsa sunt, vt immolet domino Deo suo in Galgalis. Et ait Samuel, Nūquid vult Dominus holocausta & victimas, & non potius vt obediatur voci Domini? Melior est enim obedientia quàm victima, & auscultare magis quàm offerre adipem arietum. Quoniam quasi peccatum ariolandi est, repugnare, & quasi scelus idololatriæ nolle acquiescere. Pro eo ergo quòd abiecasti sermonem Domini, abiecit te, ne sis rex. Victimæ & holocaustomata grata esse non possunt,


possunt, nisi quatenus deuoto & obediēte animo offeruntur. Iure igitur ipsis præponitur obediētia. Nam etiam si omnia tua pauperibus dederis, teque ipsum tradideris in martyrium, nisi ea per obediētiā retuleris ad implendam Dei patris voluntatem, non magis grata siue meritoria erunt, quàm si facta fuerint absque charitate, cui intima & indiuidua est sancta obediētia.

D. An omnis obediētia sit cultus Dei pertinens ad religionem?

M. Dicam paucis per distinctionē. Omnis obeditio procedit ex reuerentia qua cultus atque honor impenditur. In quantum igitur procedit ex reuerentia erga Prælatos, continetur quodammodo sub obseruantia. In quantum verò ex reuerentia erga parentē sub pietate. In quantum deniq; ex reuerentia erga Deum Opt. Max. sub religionē, pertinens ad deuotionem actum principalem religionis. Quo etiam referenda est obediētia quæ præstatur homini ea ratione, quia legatione fungitur pro Deo in mandando & præsidēdo. Obedire autem religiosē Deo & vicem Dei gerentibus, cultus est gratissimus, ac proinde multò laudabilior.

De monastica & eius partibus.

CAP. XXIII.

M.  Voniam autē monastica religio consilij Evangelicis vita exprimendis potissimū insistit, ipsa naturam consiliorum redolens, non abs re fuerit hoc loco paululum abstergere calumnias & maledicta, quibus admodū respergitur penèque suffocatur.

D. Optimè. Nam quidam submurmurant in monasterijs reditionem fieri ad infirma & egena mundi elementa, ideoque velut mala submouenda esse.

M. An malū esse potest, cuius omnes partes bonæ sunt?

An

*Malū non
est cuius
singule par-
tes bonæ
sunt.*

Eccles. 4.

*Per monas-
ticen fit
homo velut
virtus ar-
mata.*

*Per mona-
sticen effi-
citur homo
sacrificium
medullatū
Deo.
Psal. 65.*

An non prorsus Euangelicum, cuius singulæ portiones in Euangelio conscriptæ, laudatæ, consultæ inueniuntur? Sunt autem primariæ partes monasticae, continentia, paupertas, obedientia. Quorum si quodque bonum est, miram vim habens præcellentis virtutis Euangelicæ, vt Scripturis antea démonstrauimus, nec repeti debet: meritò duo simul iuncta meliora erunt & efficaciora. Iuxta illud Sapientis: Si duo simul fuerint mutuò fouebuntur. Porro tribus contextis fit funiculus triplex, qualis iuxta eundem Sapientem difficile rumpitur, fit & holocausti victima omni suauitatis odore gratior. Nam mente virgineus, aut probè continens, & simul spiritu perituris rebus maior, omnia velut stercora despiciens, sui que, vt totus sit Dei, abnegator per fidem & charitatem erga Deum: Primum efficitur omni munitione inexpugnabilior, quasi virtus quædam viua in Deo: & quidem virtus armata, si adsint quæ in instituto monastico adesse debent nimirum abstinentia, vigilæ, ieiunium, psallendique studium, lectio sacra, disciplina, pars nulla temporis vacua sine opere. Cuiusmodi adeo sunt cognata monasticæ, vt sine illis monachus sit hoc ipsum quod corpus sine spiritu, arx sine portis ac propugnaculis, avis implumis, sepulchrum dealbatum. Secundò efficitur holocaustum medullatum Deo, de quo propheta, Holocausta medullata offeram tibi. Inter holocaustum autem & sacrificium hoc interest, quòd omne holocaustum sacrificium est, sed non omne sacrificium holocaustum. In sacrificio pars pecudis, in holocausto verò totum pecus offerri solet. Vnde holocaustum latina lingua totum incensum dicitur. Cum igitur electum quid de rebus tuis, aut de teipso omnipotenti Deo offers, sacrificium est: cum verò temetipsum Deo deuoues, offerendo illi quod es, quod habes, quod potes, in primis cor contritum & humiliatum,

miliatum, deinde propensam volúntatem ad obediendú,
 & omnem, quam præstare vales in opere Dei, functione,
 reuera holocaustum est: velut adipe de spiritu fidei et dul-
 cium lachrymarum pinguedine ab ardore cordis intin-
 ctú. Hoc autem modo seipsum offert monachus per vo-
 tum, dum abnegatis quæ mundi sunt, quæ carnis, aut
 oculorum, quæque ad superbiam vitæ pertinent se ob-
 stringit ad ea quibus & spiritus liquescit in Deum, & ca-
 ro in seruitutem spiritus redigitur, & amor mundi ex-
 tinguitur, nempe ad continentiam, obedientiam, & pau-
 pertatem, iuxta modú monasticæ regulæ in Ecclesia com-
 probatæ. Efficiturque reuera sacrificium medullatum
 Deo, dummodo adsit cogitatio bona in opere, & recta
 intentio in cogitatione ex spiritu fidei ignescentis in cor-
 de. Nam de his qui quod bonum est perperam faciunt,
 nihil loquimur. Olim nomine Nazaræorum appellati
 seipso vovebant Deo, quod est super omne votum, vt
 Origenes inquit. Nam filium offerre, vel filiam, aut pe-
 cus, aut prædium, hoc totum extra nos est. Semetipsum
 Deo offerre, & non alieno labore, sed proprio placere,
 hoc est perfectiùs, & eminentiùs omnibus votis, quod
 qui facit, imitator est Christi. Hæc ille. Nazaræus itaque
 efficitur omnis bonus monachus, id est, sanctus siue con-
 secratus ac separatus Deo, vtique in hoc Christo redem-
 ptori suo sociatus. At tu an censēs monasticen malā esse?

*Quomodo
 offerat seip-
 sum mona-
 chus.*

*Orig. ho-
 mil. 24. su-
 per Nume-
 ros.*

D. Minimè. Verùm sic agere, quomodo monachi, num
 reditio quædam est (vt dicunt) ad infima egenaque ele-
 menta?

M. Si quem diximus, videlicet, abstinentia, vigiliæ, ieiu-
 nium, orandi psallendiq; studium, lectio sacra, discipli-
 na, pars nulla temporis vacua sine opere Dei, inter ege-
 na elementa annumerare oportet, admodum malè do-
 cuit Saluator dicens: Quoniam oportet semper orare, & *Luc. 18.*

Ss non

- Matth. 26.** non deficere. Et alibi, Vigilate, & orate ne intretis in tentationem. Rursum, Hoc genus dæmoniorum non eiicitur, nisi per orationem & ieiunium. Admodum malè Apostolus dicens: Exhibeamus nos sicut Dei ministros, in multa patientia, in vigilijs, in ieiunijs, in castitate. Et iterum, In vigilijs multis, in fame & siti, in ieiunijs multis. Admodum malè Petrus cum dicit, Vos autem omnem curam subinferentes, ministrare in fide vestra virtutem: in virtute autem, scientiam. in scientia autem, abstinentiam. Ecce omni cura secundum Petrum subinferenda est abstinentia. Admodum denique malè docuit Iacobus dicēs:
- Iacob. 5.** Tristatur autem aliquis vestrum? Oret: Aequo animo? & psallat. Sed quid tempus tero in re certa? An nos, filii, inter infirma & egena computabimus, quæ Christus, & Apostoli eius velut sancta & efficacia virtutis colendæ exercitia nobis proposuere? Hæc autem cum illis tribus eximijs virtutibus continentia, spontanea paupertate, obedientia verbo Dei consultis, sunt præcipua quæ monachismum constituunt. Quæ reliqua sunt, politiam seu disciplinam domesticam concernunt, ut sit inter multos vnio, pax, concordia, sitque virtuti sua laus, quod verò diuersum est iusta vindicatione non careat. Absit igitur, absit, inquam, ab omni cogitatione hominis orthodoxi, ut eiusmodi inter infirma elementa computanda censeat.
- D.** At Paulus nunquid id dicere voluit scribens Galatis in hunc modum: Nunc autem cum cognoueritis Deum, imò cogniti sitis à Deo quomodo conuertimini iterum ad infirma & egena elementa, quibus denuo seruire vultis?
- M.** Nequaquam non enim potuit veritatis doctor aut sui immemor, aut sibi contrarius fieri. Sed loquitur eo loco de Iudaicis ritibus, & typis veteris legis, qui tum aboliti erant propter veritatis præsentiam, tunc mortifer iesse incipiebant

piebant propter falsitatis significationem, figurando futurum quod exhibitum fuerat. Quibus etiam si per fidem detraxeris significationem, tamen infirma sunt, quia non valent iustificare: & egena, quia non ipsa, sed quæ Christus instituit vasa sunt gratiæ diuinæ in nos Christianos transfundendæ. Quod ut certius constet, subdit de certis ritibus Iudaicis, dicens: Dies observatis, & menses, & tempora, & annos. Dicta itaque virtutum exercitamenta uti Evangelio docta atque consulta sunt, ita permagnam vim habent & mortificandi carnem, & roborandi spiritum in Deo. Proindeque ubi adsunt, ibi demum valet vigetque vera monastice. Vbi verò desunt, & hostis habet muros, septaque monasterij intrarunt mundus, opes, satellitium carnis, videlicet, ocium, crapula, somnolentia, ibi sanè tam tuta consistit religio, ne dicam, monastice, quàm inter concitatos canes lepusculus, aut inter hostes armatos inermis. Quod verò dicunt, plus esse palarum in monasterijs quàm tritici, dolenter quidem audimus, sed non ob id conturbamur. Siquidem monastice portio est regni cælorum huius peregrinationis, quod est Ecclesia. At ipsemet Christus comparat hoc regnum cælorum sagenæ missæ in mare, & ex omni genere piscium congreganti bonos & malos. Idem areæ in qua triticum est commixtum paleis. Deinde & Apostolus comparat Ecclesiam magnæ domui, in qua sunt vasa aurea & argentea, sed & lignea & fictilia: & quædam in honore, quædam autem in cōtumeliam. Igitur quemadmodum Ecclesia, ita & monastice pars eius, dum stabit, bonos habebit & malos, electos & reprobos, perfectos & imperfectos, pœnitentes & impœnitentes. An ullus conventus purius institui, aut accuratius custodiri potuit quàm instituit Christus, & custodiuit suum collegiū Apostolorum, ipse præsens, & moderationem eius gerens?

Multum palarum semper erit in societate monastica.
Matth. 13.
Matth. 3.

2.Tim. 2.

D. Certum est quòd non.

M. Attamen in illo conuentu Apostolico fuere zelo vin-
Fuerunt pascua in conuentu Apostolico.
Luc. 9.
Ibidem.
Matth. 26.
Ioan. 6.
Matth. 27.
Matth. 26.
 dictæ succensi, qui dicebant, Domine vis dicamus vt ignis descendat de cælo, & consumat illos? Fuerunt & ambientes primatum, Intrauit enim cogitatio in eos, quis eorum maior esset. Fuerunt insuper murmurantes. Nam videntes discipuli, factum scilicet Magdalenæ, indignati sunt dicentes: Vt quid perditio hæc? Potuit enim istud venundari multò, & dari pauperibus. Fuerunt desertores, fuerunt & perseverantes. Etenim multi ex discipulis eius audientes, dixerunt, Durus est hic sermo (nempe de manducanda carne filij hominis, & bibendo sanguine eius) & quis potest eum audire? Et abierunt retro, & iam non cum illo ambulabāt. Dixit ergo Iesus ad duodecim, Nunquid & vos vultis abire? Respondit ergo ei Simon Petrus, Domine ad quem ibimus? verba vitæ habes. Et nos credimus & cognouimus quia tu es Christus filius Dei. Respondit ei Iesus, Nónne ego vos duodecim elegi, & ex vobis vnus diabolus est? Quid peius diabolo? Attamen vnus in conuentu Apostolico diabolus erat. Fuerunt denique inter eos pœnitentes, & impœnitentes. Nam Iudas post traditum Dominum abiens laqueo se suspendit. Petrus verò post trinam negationem progressus foras fleuit amarè, profluuiò lachrymarum diluens quod timiditate quadam commissum fuerat. Sic & ceteri si quid effusione spiritus humani peccarant, ilicò audita meliori informatione Domini, ab illo resiliebant, se indefinenter continentes in disciplina & obedientia ipsius. Quomodo boni religiosi si quid indignum sua professione commiserint, vt contingit, homines enim sunt, id mox vel lachrymis, vel monastica disciplina expiatum curant. Quid autem si persistant quidam in malitia sua obstinati, sicut persistit Iudas vnus de duodecim? Quid
 si re -

si retrorsum abeant lapsi in apostasiam, quemadmodum
 abierunt illi, de quibus Ioannes scribit dicens: Ex hoc
 multi discipulorum eius abierunt retro, & iam non cum
 illo ambulabant? Nunquid propterea execranda sunt mo-
 nasteria, cum tamen eam ob causam nemo execratione di-
 gnus censeat collegium Apostolicum & discipulorum?
 Si ergo in illo sanctissimo conuentu fuere omnes istius-
 modi differentiae bonorum, malorum, fortium infirmo-
 rum, poenitentium impoenitentium, abeuntium persisten-
 tium, merito non debemus conturbari videntes domum
 monasticam omnino non esse sine ligneis & fictilibus va-
 sis, hoc est, imperfectis personis: imò etià si videamus nō
 esse sine vasis in contumeliā paratis, hoc est, sine ijs qui
 enormiter mali alijs scandalo existūt. Neque in hac pere-
 grinatione sperādū, q̄ area monasterij erit vnquā sine pa-
 leis, hoc enim tantūmodo fiet in cōsummatione seculi.
 Nā tunc exhibūt Angeli, & separabunt malos de medio iu-
 storum, & mittent eos in caminum ignis. Tunc permun-
 dabit Dominus aream suam, & congregabit triticum in
 horreum suum, paleas autem comburet igni inextingui-
 bili. Tunc duo erunt in agro: vnus assumetur, & vnus
 relinquetur. Duo in lecto: vnus assumetur, & vnus re-
 linquetur. Vbi per lectum quietem intelligere voluit, se-
 cundum Augustinum, non se miscantium turbis, aut tu-
 multui generis humani: sed in otio seruientium Deo, vt
 faciūt monachi vitæ contemplatiuæ dediti. De illis enim
 ibidem loquitur August. Et sanè etiā inde vnus assu-
 metur, & vnus relinquetur. Quāquam autem fieri ne-
 queat vt non sint paleæ in monasterijs, modis tamen om-
 nibus satagendum, vt sint tam paucae, tam penè nullæ
 quā fieri potest, gratiā Dei adiuuante. Neque suscepta
 monastica professione, ob id statim perfectus efficitur
 aliquis. Nam monasticè non est perfectio Euangelica,

Ioan. 6.

Matth. 13.

In cōsumma

tione seculi

fiet plena

separatio

malorum &

bonis.

Matth. 3.

Matth. 24.

sed via, ac studium seu aptum medium eritendi eo, in quo inuenitur perfectio Evangelica; nempe ad eminentem gradum charitatis, qua mens liquefcit in Deum syn- cerè & vnice amatum. In quo sanè studio omnibus reli- giosis persistendū est, ne retrocedant, nèue ad dextrā vel sinistram declinēt. Ex hinc vocatur monastica vita status perfectionis, non quidē adeptæ, sed quærendæ per me- dia ad hoc apta secundum Euangelium. Cuius si exactā demonstrationem velis habere, perpende verba Aposto- li ad Philipp. 3. cap. Non quòd iam, inquit, acceperim, aut iam perfectus sim! (tamen Apostolus erat, quod est multò excellentius quàm monachum esse) sequor autē, si quò modo comprehendam, in quo & comprehensus sum à Christo Iesu. Fratres, ego me non arbitror compre- hendisse. Vnum autem, quæ quidem retro sunt obliui- scens, ad ea quæ sunt priora (hoc est, potiora) extendens meipsum, ad destinatum prosequor, ad brauium super- næ vocationis Dei in Christo Iesu. Quicumque ergo perfecti sumus hoc sentiamus. Ex qua sententia Aposto- li liquet, quòd religiosorum & episcoporum conditio non sit habenda pro Evangelica perfectione, sed pro sta- tu quodam tendendi ad perfectionem, hoc est, per fir- mum animi decretum persistendi in vno illo, nempe, vt ijs qui retro sunt prorsus in obliuionem datis continuo se extendant toto scilicet conamine ad priora, hoc est, ea quæ secundum functionem aut professionis præ mani- bus esse debēt, & dimissis longè potiora sunt. Quod est tendere ad perfectionem, donec destinatum supernæ vo- cationis attigerint. Vbi cōrectatio rerum temporalium, ibi distractio charitatis: vbi cura earundem rerum, ibi plærunque diligendi interruptio: vbi autem magna cu- piditas, ibi demum nulla est charitas. Rursum, vbi oble- ctatio quæritur carnis, ibi venenum paratur charitati, ac

proinde crescente illa, decrefcit puritatis amor: effeue-
fcnte autem illa in libidinem nulla prorfus manet Dei
dilectio. Tertio, qui fuo fe confidit arbitrio nititur bacu-
lo arundineo. Nam lubrica eft & cæca, & que in malum
prona ferè omnis hominum cogitatio. Itaque quo quif-
que hæc firmitus per votum abnegauit, magisque in
obliuionem dederit, extendendo fe ad potiora illa, quæ
monaftices funt propria, eò propius ad ipsam Euangeli-
cæ perfectionem accedit, qualis confiftat in puritate &
abundantia dilectionis Dei & proximorum.

D. Nonne & nos ad eandem perfectionem niti poffumus
vel extra monafticem?

M. Poffumus: fed certius ibi, vbi plura concurrunt ad-
minicula, & pauciora funt impedimenta, vbi fit tuz cura
immemor fias; alij tui curam gerunt, alij pro te vigilant;
alij tua onera tecum portat, ficut fcriptum eft, Alter alterius
onera portate: te exemplis inuitant, oratione impellunt,
officio deliniunt, vbi ipfi in te, & tu in illis inuicem con-
folamini per eam quæ in fingulis eft fides, quemadmo-
dum Paulus Romanis fcribens; optat fimul confoari in
eis per eam quæ inuicem eft fides illorum & fuam.

Puram monafticem non debere in fimulari hypocrifeos
aut feruitutis introducere contra libertatem Euangelii.

CAP. XXV.

D. **D**icunt præterea monafticon, plus habere hypo-
crifeos quam puræ religionis, & velut in ferui-
tutem quandam ab Euangelica libertate refra-
gere.

M. Siccine dicunt? Et quam precor ob caufam?

D. Quod color, cõpofitio, materia diftincti habitus, fe-
ceffus item, viuendiq; fingularitas excogitata videantur
popularis exiftimationis captandæ caufa.

M. Quæ eft ifta cõmentia, ne dicam, malicia fic iudican-

tium? Quid enim æquè conducit vel vnanimitati fouen-
 da, de qua Act. 2. cap. vel concordie fraternæ stabilien-
 da, de qua Psalm. 132. atque communis omnium habitus
 informis, vnicolor, vnius pretij & materiz, non inuen-
 tus ab vterque, sed à patribus acceptus, communis insuper
 mensa, fercula eadem, eisdem vasis illata, eodemque iure
 perfusa? Nonne patressum familiæ, & heriles domini, qui-
 bus cor est in pectore; eiusmodi medijs propulsare stu-
 dēt extra suam familiam omnem offensionis & dissidio-
 rum ansam? Elegit sibi præcursor Domini secessum à po-
 pulo, & syluestrium partium loca horrida pro habitacu-
 lo, cilicium de pilis camelorum pro vestitu, locustas &
 mel syluestre pro esca. Elegerunt similia Elias Thesbites,
 & Iudith victoriosa sanctitate bellatrix, nec non vetusti
 illi monachi solitudinis Aegypti, & qui, teste Apostolo,
 circumierunt in melotis in pellibus caprinis, egentes, an-
 gustiati, afflicti, quibus dignus non erat mūdus, in soli-
 tudinibus errantes, in mōtibz & speluncis, & in cauer-
 nis terræ. Sed & Christus habuit singularem vestem de
 supercontextam per totum. Nequaquam igitur talium
 electio aut vsus hypocrisis iudicari debet: nam illi fuere
 per hæc toti mundo sanctitate venerabiles. Quod autem
 ante annos mille centum aut ducentos ac vltra fuerit di-
 stinctus habitus monachorū & sanctimonialium à com-
 muni habitu laicali, viduarū insuper ac virginū Deo dica-
 tarū à cōmuni habitu femineo, patet ex Epist. 199. Au-
 gust. ad Ediciam. Item ex Epist. diui Amb. 36. ad Sabinū
 Episcopum vbi sermonem facit de Paulino monacho fa-
 cto. Patet quoque ex regula diui Benedicti ante annos
 mille conscripta. Denique ex Dionysio Arcopagita libr.
 de Eccles. Hierarch. cap. 6. vbi dicit, quod sacerdos profi-
 tentem monachum tondet, exutumq; veste omni, aliam
 induit. Exterminare quidem faciem vt videaris homini-
 bus

Monasti-
 cus habitus
 sua vnifor-
 mitate val-
 de concor-
 dia seruan-
 da cōuenit.

Matth. 3.
 4. Reg. 1.
 Iudith. 8.
 Heb. 11.

Ioan. 19.

bus ieiunians: aut orare in angulis platearum, ut deuotulus appareas: aut tuba canere ante eleemosynā tuam, reuera hypocrisis habent, sic docente Christo Matth. 6. cap. Verū hęc longē minū conueniunt: monasticis personis, quā alijs de populo. Illi enim inter se, & intus in suis monasterijs, imō sepe in solitudinibus, & clauis super se ostijs, magisq; nocturno tempore quā diurno hęc pertractant, id quē iuxta constitutionem patrum insequentium eas ipsas cautelas quas Christus vitandę hypocriseos causa eodem capite docet. Ieiunijs autem & orationibus, & eleemosynis se indefinenter exercere (modò absit captandę glorię studium) tam non pertinet ad hypocrisis, ut nihil æquē diuinis adhortationibus per omnem scripturam inculcetur. Imō Angelus de cælo veniens ad vtrumque Tobiam dixit, Bona est oratio cum Tob. 12. ieiunio & eleemosyna magis quā thesauri auri reconditi. Sunt enim tria hęc igne dilectionis succensa, velut currus igneus Elię. Ieiunia leuant, eleemosynę portant, orationes verō anhelis suis desiderijs sursum trahunt. Nec possunt mala esse à quocunque fiant, nisi quatenus malo animo facta fuerint. At animus solius Dei iudicio relinquitur. Nam teste Scriptura, Homo videt ea quę parent, Dominus autem intuetur cor. Qui itaque culpant in monasticis personis quę per se bona sunt, & mala esse non possunt, nisi malo fiant animo, ijs obijciendum est illud Apostoli, Nolite ante tempus iudicare: quoad usq; 1. Cor. 4. veniat Dominus, qui illuminabit abscondita tenebrarum, & manifestabit consilia cordium. Siquidem probare vel improbare factum ante plenam ipsius cognitionem est ante tēpus iudicare. Et illud, Tu quis es, qui iudicas alienum seruū? Domino suo stat aut cadit: stabit autem. potens est enim Deus statuere illum. An non tui comparatione alienus seruus est, qui seculo abnegato se

totum diuinis mancipauit seruitijs? Cæterum, de huiusmodi temerarijs iudicijs, & quid sit hypocrisis, adhuc an omnis qui aliud foris apparet, aliud intus existit sit censendus hypocrita, fuscè & dilucidè disseruimus supra tract. 8. cap. 3. 4. 10.

D. Memini. Verum num seruire sit, & impotentis a nimi, semper ex alterius pendere arbitrio, velis nolis: ut pendet monasticis institutis obstricti?

M. Id si fiat aut legis aut nature necessitate, sub imperio eius qui suam vniuersam vtilitatem spectat, sanè miserum ac miserandum est, nedum seruire. At sponte propria velle subesse beneplacito patris Dei, cuius essentia bonitas, cuius directio virtus, cuius amor nostra est salus, id profecto summæ perfectissimæque libertatis exordium habet. Iuxta illud Agathæ, Summa ingenuitas ista est, in qua Christi seruitus comprobatur. Quid enim libertas, nonne facultas agendi quod velis, tuis insuper teque ipso vtendi ad tuam vtilitatem quomodo velis?

D. Vtique.

M. Seruitus autem, an aliud, quam non posse quod velis? Quam operis opibusque tuis nihil tibi posse lucrificere, sed tantummodo alteri?

D. Sic apparet.

M. Igitur, qui sponte obsequitur diuino beneplacito, nec vult aliud, habens potestatem faciendi fructum in opere salutis quomodo velit, is verè liber est ea libertate qua nos liberauit Christus. Qualis libertas neque præsentiam Dei patris, neque gubernationem filij, aut vicem eius gerentis, neque seruitutem iustitiæ villo modo excludit, non valens ne momentum quidem sine illis sub-

Libertas sistere. Nam seruitus iustitiæ ac Dei, ipsa demum libertas Euangelica. An nescitis, inquit Apostolus, quoniam Rom. 6. cui exhibetis vos seruos ad obediendum, serui estis eius cui obeditis, siue peccati ad mortem, siue obeditionis ad

in iustitiam? Gratias autem Deo, quod fuistis serui peccati, obediistis autem ex corde, in eam formam doctrinæ in quam traditi estis. Liberati autem à peccato, serui autem facti estis iustitiæ. Humanum dico propter infirmitatem carnis vestræ. Sicut enim exhibuistis membra vestra serui re immunditiæ & iniquitati ad iniquitatem: ita nunc exhibete membra vestra seruire iustitiæ in sanctificationem. Cum enim serui essetis peccati, liberi fuistis iustitiæ. Quæ ergo fructum habuistis tunc in illis, in quibus nunc erubescitis? Nam finis illorū mors. Nunc verò liberati à peccato, serui autem facti estis Deo: habetis fructū vestrum in sanctificationem, finem verò vitam æternam. Itaque liber tas Euāgelica vt liberum reddit à peccatis, ita seruum facit Dei, requirens obeditionem ex corde, in eam formā doctrinæ, in quā traditi sumus. Requirit etiā, vt exhibeamus mēbra nostra seruire iustitiæ in sanctificatione, sicut antea exhibueramus eadē mēbra nostra seruire iniquitati ad iniquitatē. Quicquid igitur promouet, aut fouet, aut perficit seruitutē Dei & iustitiæ, ac mēbra cogit in obsequiū Christi, id promouet, fouet, perficit libertatē Euāgelicā, qua nos donauit Christus. Promouent autem in primis ac perficiunt seruitutem Dei & iustitiæ, quæ monastices propria esse ostendimus. Omnia enim illius instituta in hoc data sunt, vt cogant membra seruire iustitiæ in sanctificationem, vt carnem subijciant spiritui, spiritum verò Christo ac Deo: illam mortificando; hunc roborando, & charismatibus Spiritus Sancti secundando. Quibus abluitur mens à peccatis, iustificatur in super, & sanctificatur. Quibus & consors redditur homo diuinæ naturæ, vt sit verè ingenuus & illustris summa quadam nobilitate, qualis à patre luminum est, habens hīc fructū suum in sanctificationem, hoc est, actionum suarum merita, quibus gratior Deo atque in se sanctior

Etior redditur, finem verò vitam æternā. Cuius quidem libertatis gustus ab omnibus pijs in Ecclesia habetur, cuius incrementum in monastica quæritur, cuius consummatio in cælis per beatitudinem æternā possidetur.

D. Ex prædicta sententia Apostoli satis liquet, servire Deo & iustitiæ, carnemque cogere in obsequium spiritus, partes esse libertatis Evangelicæ. At quid pertinet eò obstrictum esse illi qui ipse homo est, ut tu: ipse peccator atque tu: ipse fortassis magis procul ab obedientia Dei quam tu, ut sunt obstricti omnes monachi?

M. Esto, sit talis qui monasterio præest: attamen vicarius Christi est, & legatione pro Deo fungitur, eaque ratione superior. Itaque ut Deus, diuinaque præsidet auctoritate, iuxta illud: Ego dixi, Dijestis, & filij excelsi omnes (nam sermo ibidem dirigitur ad iudices, & gubernatores populi). Eadem quippe potestas est: qua Deus, qua Christus, & qua præpositus in Ecclesia aut monasterij gregi dominico præsidet: sed non in singulis est modo eodem. In Deo etenim est per potentiam: in Christo donatione Patris: in præpositis verò vicaria Christi commissione. Quapropter erga Deum ac Christum obedientia est, qua cœnobita Priori suo vicem Dei gerenti, & ea facit ratione obsequitur. E diuerso autem erga Deum inobedientia, qua tali obstreperit.

D. Quid si mandet Abbas quod contra Deum est?

Quousque **M.** Huic, ut antea diximus, respondendum illud Petri, debeat monachi obedire Deo magis oportet quam hominibus.

nachus obedi. **D.** Quid si aliena à regula præcipiat?

Bernardus de præcepto & dispensatione **M.** Hic retinenda sententia diui Bernardi, qua dicit, Potestas imperantis nequit se extendere, nisi quatenus attigerit votum profitentis. Qua & dicit, Obediendi modulus tenor professionis. Et illud, Prælati iussio vel prohibitio non prætereat terminos professionis. Vota mea, inquit,

quit,

quit, nec audiat sine mea voluntate, neque minuat sine certa necessitate, quæ legem non habet, & ob hoc excusat dispensationem. Cæterum subiectus religiosus eiusmodi obedientiam quæ voti finibus cohibetur nouerit esse imperfectam. Nam perfecta obedientia legem nescit, terminis non arctatur, nec contenta angustijs professionis largiori voluntate fertur in latitudine in charitatis, & ad omne opus quod iniungitur spontanea vigore liberalis alacrisque animi modum non considerans in infinitam libertatem extenditur. Nimirum ut perficere velit quicquid potest, & nonnunquam ultra quam potest, ut is sit terminus obedientiæ, qui & vitæ. Cuiusmodi obedientiæ supremum gradum nobis commendat vnigeniti Dei exemplum, qui factus est Patri obediens usque ad mortem, mortem autem crucis. Hæc ex Bernardo.

D. Quid si imperet superior planè indifferentia, quæ siue fiant, siue non fiant perinde est?

M. Quoniam in superiore residet maiestas fungentis legatione pro Deo, nō potest obediendi promptitudo, ne in talibus quidem esse indifferens, etiamsi indifferentia sint quæ præcipiuntur. Nam induit religionis speciem, si præstetur ea ratione quod à viro Dei, Dei vicem gerente iussa fuerat: iam enim Dei causa præstita est, Deus autem nihil sui causa factum relinquit irremuneratū. Perfecto pomum vnum in medio paradysi res minimi momenti erat: tamen postquam minimis edicto vetitum esset, gustus eius per inobedientiam factus, est mortis & exilij plaga in præsentem usque diem. Spreuit principio 4. Reg. 5. Naaman Syrus velut rem nihili lauare se in Iordanis flumine: at ubi audiisset à domesticis suis, Pater si rem grandem dixisset tibi propheta, certè facere debueras: quantò magis, quia nūc dixit, Lauare, & mundaberis, tum per obedientiam lauit iuxta dictum prophetæ, &

& restituta est caro eius, sicut caro pueri paruuli, atque mundatus est. Nihil itaque quantumcunque exiguum super quo cadit beneplacitum aut iussio Dei, velut indifferens, aut parui momenti æstimari debet. Iussio autem superioris rectè præcipientis quodāmodo Dei iussio est. Secundum illud, Qui vos audit, me audit: qui me audit, audit eum qui misit me.

De veneranda monastices antiquitate.

CAP. XXVI.

D.

Vdent nonnulli & dicunt, monasticen nuperram esse, & humana inuentione excogitatam.

M.



*Qua serie
vigerit mo-
nastica reli-
gio ab hinc
vsq; ad tem-
pora Apo-
stolorum.*

Certe nuperrima est istiusmodi pessimorum hominum maledicētia. Eadem quippe monastica religio quæ nunc est, fuit ante annos trecentos, vti clariùs est videre in scriptis Thomæ, Bonauenturæ, Alexandri, & aliorum qui tum temporis claruerunt, & hoc genus vitæ non tantum scriptis, sed & vita optimum esse docuerunt. Eadem fuit ante annos quingentos cum floreret diuus Bernardus Abbas Clareuallensis in Burgūdia mirificus illustrator eius. Cuius illustratio extēdit velut palmites suos innumera monasteria per Galliam, Italiam, Germaniam, Angliam, viuente adhuc sancto illo Malachia Episcopo Hiberniæ viro monastici propositi tenacissimo. Vtteriùs eadem fuit ante annos mille, cum exurgeret velut lilium inter spinas diuus Benedictus admiranda sanctitate illustris. In cuius regula vouenda proponuntur continentia, paupertas, obedientia cum stabilitate loci, haud secus atque nunc tria illa vota in omni monastica fiunt. Manentque innumera monasteria eius instituti per omnem tractum orbis Christiani, alia extructa ab annis mille, alia à nongentis, alia ab octingentis, alia his vetustiora, alia recentiora. Ex quibus prodierunt Sedis Apostolicæ pontifices decem & octo, Cardinales ducenti.

ducenti, Archiepiscopi in diuersis locis mille sexcenti, Episcopi verò ferme quatuor millia. Ex quibus & catalogo sanctorum feruntur ascripti ob sanctitatem & miraculorum operationē plusquam quindecim millia religiosorum hominum. O benedictam monasticen, quæ tanta sobole ditas Ecclesiam, tam clavis luminibus pietatis illustras. Adhæc viguit monastice in Italia ante tempora diui Ambrosij, qui claruit circa annum Domini. 380. Quoniam, vt ipse refert, Eusebius Vercellensis Episcopus illam primus in occidentis partibus cum cleri disciplina coniunxit, videlicet eosdem habens clericos & monachos. Viguit & in Gallia, quando vixit illustris ille Martinus Turonensis Episcopus, quo vix fuit alius secundū Apostolos sanctitate & miraculis clarior, qui ipsemet monasticè vixit cū lxxx. fratribus eidem proposito addictissimis, ante annos mille centum & septuaginta. Præterea diuus Hieronymus propositum monachorum arripiens circiter annum Domini plus minus 402. Aegyptum & Orientem petijt, quòd illis in locis magis vigeret monastica institutio. Cassianus quoque flores ante annos mille centum, quatuor egregios libros de monachorum institutis scripsit. Sed & Chrysostomus eò vetustior tribus libris editis monasticæ vitæ calumniatoribus quàm efficacissimè respōdet. Insuper Ruffinus regulam Basilij Latinam fecit, sub qua militant ferè vniuersi monachi Orientales. Refert & Eusebius de Valente Imperatore, quòd data lege iusserit monachos militare, nolentes fustibus interfici. Igitur debuit tum temporis admodum numerosa fuisse monachorum propago. Si verò non erat, quid opus fuit edicto Imperatorio illos ad militiam armatam cogere? Aut quorsum illi magis mori, Vt dicit, eligebāt, quàm militare, si nullum habuit decorem virtutis supra communem Christianismum monachatus? Refert & So-

Lib. 1. hist. zomenus Græcus historiographus, ex quo partim colle-
Eccles. Tricta est tripartita historia de monastica philosophia in
part. cap. hunc modum, Siue Aegyptij siue alij quidam huic ab ini-
 11. tio philosophiæ præfuerunt: illud tamen apud omnes
 constat, quia ad suam reuerentiam atque perfectionem,
 moribus exercitationibusque decentibus, hanc conuer-
 sationem usque perduxit D. Antonius maximus mona-
 chorum, quem tunc in desertis Aegypti morantem pro-
 pter gloriam virtutis eius Imperator Constantinus ami-
 cum fecerat, literis honorabat, & ut pro quibus vel-
 let ei rescriberet, expetebat. Refert quoque Sozomenus
 lib. 8. hist. Tripart. cap. 1. quòd Paulus de Libya in Schy-
 ti, non pauciores quingentis monachos secum habuerit.
 In fine eiusdem capituli narrans in hunc modum, Multi
 apud Palæstinam & Syriam atque Persas fuere mona-
 chorum, quorum si vel nomina conscribere quispiam vo-
 luerit, multos libros implebit. Et hæc quidem temporibus
 Valentis imperantis circa annum Domini 360. quibus
 ut valde viguit monasticè, ita supra modum afflige-
 bantur per eundem Valentem, quotquot monastico in-
 stituto dediti erant. Adhæc ut refert Nicephorus in sua
 historia Ecclesiastica, imperantibus Constantio & Con-
 stante, post mortem patris sui Constantini magni: illo,
 in Oriente, isto in Occidente, extiterunt in Thebaide
 septies mille monachi, & quidem admodum celebres.
 De quibus si plura memoratu digna scire desideras, di-
 ctas historias atque alias diligenter perlege. Nos interim
 ad ipsa tempora Apostolorum demonstrationem exten-
 demus: ut & tum viguisse monasticen liquidè constare
 valeat. Dionysius Areopagita primum Pauli discipulus,
 deinde Galliarum Apostolus, quo nemo traditionis
 Apostolicæ callentior esse potuit, graphicè depingit li-
 bro suo Hierarch. Eccles. cap. 6. cum mysteria monasticæ

consummationis, tum diuinam appellationem, qua illos dignati sunt duces siue præceptores fidei nostræ Apostoli, dicens: Porro initiandorū omniū excellentior ac sublimior ordo, monachorum est sancta distinctio. Subdens post pauca, Vnde sancti præceptores (quo nomine intelligit Apostolos) diuinis eos appellationibus sunt prosecuti: partim therapeutas, id est, cultores, à sincero Dei famulatu ac cultu: partim monachos, ab indiuidua & singulari vita appellantes, vt quæ illos sanctis diuisibilibus complicationibus, in diuinam & Deo gratā monadem perfectionemq; promoueat. Et postea, de mysterio quo initiantur sic ait, Stat quidem sacerdos ante altare, monasticam imprecationem psallens. Ille autem (initiandus scilicet) post sacerdotem astat, non vtrumque ponens genu, non alterum, non habens imposita sacra eloquia capiti: verū solū sacerdoti astat mysticam super illum inuocationem prosequenti. Ea verò finita, sacerdos ad eum accedens, interrogat primum, an renunciet diuisibilibus omnibus (id est, ijs quibus à Deo plerumq; diuidimur) non solū vitis, verū imaginibus ac phantasijs. Deinde exponit illi perfectissimam vitam, illud apertè contestās, oportere illum medio longè antecellere (obserua hīc monasticen requirere perfectionem vltra cōmunem Christianismum) Vbi verò ille ista omnia intentè promiserit (ecce votum siue professionem) consignāns eum crucis signo sacerdos tondet (vide rasuram monasticam temporibus Apostolorum vſitatam) trinas diuinæ beatitudinis personas inelamans (ne putes Deo non gratam esse eiusmodi cæremoniam) exutumq; veste omni aliam induit (ecce distinctum habitum in monachis) & cum sanctis alijs (hoc est, cum alijs simili modo consecratis, tale enim sanctum secundum Scripturam vocatur) qui astant viris, ipsum salutās (velut vnum ex illis) diuinorum mysterio-

T t

rum

Hieron. de
Eccles.
script.

rum participem facit. Hæc Dionysius cùm adhuc quidam Apostolorum viuerent. Quæ si contuleris cū professionibus monasticis nostræ temporis, videbis illa mysteriorum monasticæ inchoationis, à nostris neutiquam aliena esse. Ne autem & illud prætermittā. Philo Iudæus Alexandrinus, qui Romæ Apostolum Petrum vidit, & librum de prima Marci Euangelistæ apud Alexandriam scribēs Ecclesia, in nostrorū (potissimū qui circa Alexandriam colebant monasticen) laude versatus est, non solum eos ibi, sed in multis quoque prouincijs esse memorans, & habitacula eorum dicens monasteria. Ex quo apparet inquit Hieronymus, talem primū Christo credentium fuisse Ecclesiam, quales nunc monachi esse nituntur & cupiunt, vt nihil cuiusquam proprium sit, nullus inter eos diues, nullus pauper. Patrimonia egentibus diuiduntur, orationi vacatur & psalmis, doctrinæ quoque & cōtinentiæ. Quales & Lucas refert primū Hierosolymæ fuisse credētes. Sed nec hoc silentio prætereundum, quòd sicut reliqua præcellentia Religionis Christianæ, in lege figuris, ac vaticinijs præsignata fuēre: ita & monastice tum temporis est præformata in Nazareth, in Rechabitis, in filijs Prophetarum, de quibus antea diximus. Videtur autem & Dauid cœnobarum, quos probat Ecclesia, vitam & ipsum pene nomen in spiritu præuidisse cū diceret, Ecce quā bonum & quā iucundum habitare fratres in vnum. Nec id solum mihi visum est, sed & Augustino interpretanti eundem psalmum. Dicit enim, Ista verba psalterij (nempe, Ecce quā bonum, &c.) iste dulcis sonus, ista suavis melodia, tam in cantico quā in intellectu etiam monasteria peperit. Ad hunc sonum excitati sunt fratres, qui habitare in vnum concupierunt. Iste versus fuit tuba ipsorum. Sonuit per orbem terrarum, & qui diuisi erant, congregati sunt in vnum.

August. in
psalm. 132.

vnum. Et monachi appellati sunt, vt subiungit dicens: Quare ergo & nos non appellemus monachos, cū dicit Psalmus, Ecce quā bonum & quā iucundum habitare fratres in vnum? *monachus* enim vnus dicitur. Et non vnus quomocunque, nam & in turba est vnus, sed vnā cum multis dici potest: *monachus* non potest, id est, solus: *monachus* enim vnus solus est. Qui ergo sic viuunt in vnum, vt vnum hominem faciant, vt sit illis verē quomodo scriptum est, vna anima, & vnum cor: multa corpora, sed nō multæ animæ: multa corpora, sed non multa corda, rectē dicitur *monachus*, id est, vnus solus. Hæc Augustinus. Quæ adieci, ne existimes, sicut & ego aliquando insipienter existimaui, nomen monachus ad solōs Anachoretas & solitarios heremitas reijciendum esse. Adeo autem vnum sunt, vnumque fiunt boni religiosi vnus monasterij, etiāsi vrbes inhabitent, vt non aliter, atque solent Germani fratres, semper habeant & in mente, & in ore fraternitatis appellationem, simul & amorem. Quæ appellatio etsi omnibus Christifidelibus conueniat, illis tamē est peculiarior, quōd loco & instituto, habitu & animo peculiariū vniti sunt. Videtur insuper & Moyse ad hos respexisse cū Leui benedicens diceret, Qui dixit patri suo & matri suæ, Nescio vos: & fratribus suis, Ignoro vos: & nescierunt filios suos. Vniiformiter loquens cum illo Matthæi, Qui amat patrem aut matrem plus quā me, non est me dignus. &, qui amat filium aut filiam suā per me, non est me dignus.

Interpretatio vocabuli monachus.

Deut. 33.

Matth. 10.

D. At putabam ego id Matthæi generatim dictū ad omnes Christifideles.

M. Quadam quidem tenus, nempe quantum præceptū Dei & fidei confessio requirūt, pertinet ad omnes. Quadam verō tenus, nempe vt eminentem illū gradum perfectæ charitatis comprehendas, quo sic adhæremus Deo,

DE CONSILIIIS EVANG.

ut nec ad licita sit respectus retrorsum, pertinet ad statum perfectionis, qualem apprehenderunt monastica vitæ, aut contemplationibus, aut functioni Evangelicæ addicti.

Elenchus capitum Tractatus
Decimi tertij.



Vid. voces *permittere*, *indulgere*, & *dispensare* significat.

Cap. I.

Quomodo Deus cum sit summè bonus mala fieri permittat.

Cap. II.

De permissionibus quæ per concessionem fiunt, aut per indulgentiam, aut dispensationem.

Cap. III.


Multa fieri contra Dei præceptum: sed non contra ipsius voluntatem. Rursum præter Dei voluntatem: sed non præter eius permissionem.

Cap. IIII.

Tract.

Tractatus decimus tertius de permif- SIONIBVS DIVINIS.

Quid voces permittere, indulgere, & difpenfare fignifi-
cent. CAP. I.

M.  Osmocrator Deus ne in fe poffit vlllo specimi-
ne retorqueri quod ipfe impropereat paftoribus
Ifraelitici populi per Ezechielem dicens: Impe Ezech. 34.
rabatis cum austeritate, & cū potentia. Quod
infirmum fuit non consolidastis, & quod confractum
non alligastis: fapientiffimè hominum genus gubernan-
dum duxit, non folum præceptis & confilijs, fed & per-
miffionibus. Quibus fanè multa aut tolerat, aut conce-
dit, aut indulget, aut de feueritate remittendo difpenfat
aliter quàm ius commune requirit. De quibus nunc pau-
cula dicemus. Verùm quoniam luculentior eft omnis in-
ftitutio quæ à vocum explicatione procedit, dic quid hæ
voces permitto, indulgeo, difpenfo fignificent.

D. Vox permitto variam habet fignificationem.

M. Quin dicito quàm variam.

D. Aliquando fignificat transmittere, dicente Columel- Quid fignifi-
cet per-
mittere.
la, Hoc genus cafei poteft etiam trans mare permitti. Ali-
quando incitare, Magifter equitum, inquit Liuius, Ro-
manus infesta eufpide ita permiffit equū, vt vno icu exa-
nimem equo præcipitaret. Aliquādo dedere. Nam idem,
Omiſſis, inquit, ira & ſpe fallacibus auctoribus nos ip-
ſos, noſtraque omnia cognita permittimus fidei, ſcilicet
aduerſariorum. Aliquando autem, & quidem ſapius ſi-
gnificat concedere, tolerare, ſinere, non impedire.

M. Hæc fanè ſignificatio huc demum pertinet. Siquidẽ
hoc modo permittit Deus, permittit homo, permittit
lex diuina, permittit lex humana. Deus fanè tametſi pro-

DE PERMISSIONIBVS

hibuerit mala, præceperit bona, consuluerit meliora: multa tamen misericorditer, plura longanimitè, nonnulla ægrè, & non sine magna indignatione permittit: mala quidem omnia quæ fiunt tolerando, minora autem bona concedendo: inter prohibita verò nonnulla indulgendo, ne damnabiliter fiant, alia dispensatione sua licita reddendo. Et certè totum hoc, haud secus atque benignus pater, ne si omnia ad gnomonem perfectæ iustitiæ exigeret, hominem quem cæli capacem condiderat, nimia seueritate in barathrum damnationis præcipitem daret. Qui enim vehementer emûgit, elicit sanguinem: & qui nimium onerat mulam, perdit bestiam suam. Si Deus calum quassatum ipse vltèrius seueritate contereret, aut linum fumigans, dū adhuc enitentis flammulæ lux quædam speratur, extingueret, vbi miserationes eius? Vbi quod dicit Sapiens: Tu autem Deus noster, suauis & verus es, patiens et in misericordia disponens omnia? Quid indulgere?

Prouer. 30.
Esaï. 42.

Sap. 15.

Quid significet indulgere. D. Valla, Indulgere, inquit, est concedere, & (vt sic dicā) obsequenter, & quasi delicatè tribuere.

M. Optimè ille. Significat enim peramantem & facilem concessionem: verum nō semper accipitur in malam partem, vt culpandus sit qui indulget, licet propriè non indulgeamus nisi mala, potissimùm in Scripturis sacris, vt infra patebit. At nihilne interest inter indulgere & ignoroscere?

D. Ignoscimus post factum, indulgemus ante factū, concedendo vt fiat citra offensionem nostram, potissimùm enormem atque grauem.

M. Hinc Apostolus, Hoc autem dico secundum indulgentiam, non secundum imperium.

1. Cor. 7.

Quid significet dispensare. D. Dispensare verò propriè est distribuere, quomodo & natura alendis seminibus de cælo imbres dispensantur, hoc

hoc est, distribuuntur.

M. Quemadmodum etiam pastores in Ecclesia, & in familia œconomi res communes ad singulorū vsus & utilitates distribuunt, hinc dispensatores vocati, dicente Apostolo. Sic nos existimet homo, vt ministros Christi, *1. Cor. 4.* & dispensatores mysteriorum Dei. Significat nihilominus & potestatem facere agendi quod secundum legem communem vetitum erat. Qua significatione dictum est à Seneca, Nunc in petulantiam & audaciam erumpet malè dispensata libertas. Qua eadem significatione dicitur dispensatio esse quædam iuris relaxatio. Sunt autem & indulgentiæ & dispensationes, secundum nouissimū dispensandi modum, permissiones quædam. Sed quia peculiarem quendam permittendi modum obtinent, ideo primò de communibus permissionibus: deinde de illis quæ concedendo, indulgendo, aut dispensando fiunt in sequentibus dicemus.

Quomodo Deus cum sit summè bonus mala fieri permittit.

CAP. II.

M. **P** Rincipio Deus permittit fieri mala, id est, peccata, imò omnia mala quæ fiunt, quantumuis enormia, aut scelerata, Deo permittente fiunt, nec omnino fieri possent, ipso non permittente. Non enim fit aliquid, nisi quod Omnipotens sic fieri velit, vel sinendo vt fiat, sicut mala: vel ipse faciendo, vt bona. *August. in Ench. cap. 95.*

D. At si mala sunt, cur Deus fieri permittit?

M. Cur? Certè ideo, quia bonus, nolens detrachere, quā in creatione rerū dederat arbitrij libertatem. Siquidem Deus ab initio constituit hominem, & reliquit illum in manu consilij sui, ponens ante eum aquam & ignem, vitam & mortem, bonum & malum, vt ad quod vellet *Cur Deus permittat fieri mala. Ecclesi. 9.*

porrigeret manum.

D. Attamen in cælis, vbi nulla fiunt aut permittuntur mala, eadem est arbitrij libertas quæ hîc.

M. In cælis quidem manet in nobis eadem arbitrij libertas quæ fuit antea: sed lôgè aliter ibi disposita quàm hîc. Ibi inflexibilis erit ad malum propter consummatam beatitudinem, ad æternum bene actæ virtutis præmium. Hîc verò ad vtrumlibet flexibilis manet, vt gloriosior sit pugna, & ex te ipso quodammodo surgat futuræ coronationis meritû. De quo aliàs dicendi oportunior locus erit. Quia verò Deus est benignus, longanimis, patiens, cupiens omnes saluos fieri, & ad agnitionem veritatis venire: ideo tolerat iniquitates hominum postquam commissæ sunt, nec statim adhibet ultionis iudicium: sed expectat patienter etiam multò tempore ad pœnitentiam, vt habes ad Rom. 2. cap. ne debeat per seueritatem perdere, quos per bonitatem condiderat. Tertiò autem quia

1. Timot. 2. omnipotens, omnisciens, omnitenens, qui omnia quæcunq; voluit fecit, portans omnia verbo virtutis suæ, omnium præsciens antequam fiant, intuens omnia dū fiunt:

Psal. 113. & 134.

Matth. 10. adeo vt nec passer cadat in terram sine eo, nec folium de arboribus, nec capillus de capitibus nostris. Ideo & malorum quæ fiunt nihil potest sine scitu & permissu fieri Dei patris, volentis omnia quousque bona sunt, permittentis omnia, quousque mala. Vt illa velit & operetur, ista autem non nisi sinat & toleret.

D. Nónne mala sunt & fiunt inter homines?

M. Vtique, & quidem multa nimis.

*Mala non
fiunt Deo
auctore.
Rom. 11.*

D. Ergo sunt à Deo, & per Deum, quoniam ex ipso & per ipsum sunt omnia.

M. Ens, bonum, & verum conuertibiliter dicuntur: vt quantum habeat quodque de ente, tantum de bono & vero. Et è contrario, quantum de bono & vero, tantum de

de ente. Omnia itaque mala quantum habent de entitate (vt ita dicam) hoc est, de natura rerū, tantum sunt bona, & à bono Deo auctore ac volente. Cū enim, teste August. Deo auctore dicitur, ipso volente dicitur. Quantum verò participant de non ente, hoc est, de malitia, aut defectione, aut priuatione, in tantum non sunt à Deo auctore ac volente. Non enim est Deus causa qua homo malus fiat aut deterior: sed ipsemet homo sua mala voluntate deficiens ab eo quod attactum in operatione oportuit, Deo patienter id ipsum permittente. Quemadmodum vna illa Ioannis Euangelistæ sententia demonstrari potest, qua dicit: Omnia per ipsum (scilicet Deū Verbum) facta sunt. Quia omnium quæ sunt, & in quantum sunt ipse auctor est. Sunt autem omnia, quatenus bona: quatenus verò mala, non sunt. Ideoque subdit, Et sine ipso factum est nihil, hoc est, malum siue peccatū, quatenus malum est. Quatenus enim malum vel peccatū, eatenus nihil est. Neque dixit Ioannes, Ex ipso, aut per ipsum factum est nihil: sed, Sine ipso, hoc est, absque eius voluntate aut operatione. Bona igitur sunt à Deo volente & operante: mala verò, hoc est, peccata sine ipso: quia sine ipsius voluntate, operatione, vel cooperatione fiunt.

August. 83.
quest. 4. 3.

Ioan. 1.

- D. Nunquid verè dicitur, quòd omnia quæ fiunt, aut Deo volente, aut Deo nolente fiunt?
- M. Nequaquam: fiunt enim mala. Quapropter illo concessio concedendum restaret, Deus malorum auctor est, quod nulla ratione cōcedi potest. Isto verò admissio, restaret admittendum, Deus non omnipotens est: eò quòd ipso nolente & inuito mala fiant à praua humanæ voluntatis cupiditate. Neutrum itaque concedendum est. Neque enim Deo volente, neque Deo nolente fiunt mala: sed dicendum est, quòd Deo nō volente fiant mala, quæ fiunt: nempe per negationem voluntatis diuinæ operantis

Neq; volente neq; nolente Deo mala fiunt: sed Deo nō volente.

tis vel coöperantis, atque etiam citra positionem contrariæ eius voluntatis, qua nollet malû fieri dū fit. Tantummodo enim permissiue finit absque hoc quod velit vel nolit fieri.

D. Nunc rursus interrogandi datur occasio, Mala fieri bonûmve sit an malum?

M. Haud dubiè malum. Vt enim malum est defectus siue priuatio: ita facere malû est deficere: deficere, inquam, à regula rectæ rationis, à fine quo tendendum, à præscripto ordinationis diuinæ: quod utique malum est. Fieri itaque mala malum dici debet. Præterea deficere est tendere ad non esse, sicuti ad oculum cernimus in lumine, in igne, in animalium vita, in aqua & aëre deficientibus. Quantum enim deficiunt, tantum ad non esse tendunt. Mala itaque fieri, quemadmodum deliquia fieri aut defectiones, malum est: non tamen sic malum, quin aliquid boni plerunque in se contineat. (Quod enim ex toto malum est, seipsum destruit, nec subsistere potest) Quin etiam aliquibus aut certa aliqua contemplatione

August. in sit bonum, dicente Augustino: Quamuis ea quæ mala
Ench. cap. sunt, in quantum mala sunt, non sint bona: tamen ut nō
96. solum bona, sed etiam sint & mala, bonum est. Nam nisi esset hoc bonum, ut essent & mala, nullo modo sinerentur ab omnipotente bono. Cui proculdubio quàm facile est quod vult facere, tam facile est quod non vult esse, non sinere. Quod certè tu ea ratione dictum intelliges.

Aug. eodē Quia ex malis quæ sunt, Deus bona elicit. Deus enim
lib. cap. 11. omnipotens, rerum cui summa potestas, cum summè bonus sit, nullo modo sineret mali esse aliquid in operibus suis, nisi usque adeo esset omnipotens & bonus, ut beneficeret etiam de malo. Hinc illud Apostoli, Diligentibus Deum omnia coöperantur in bonum, ijs qui secundum propositum vocati sunt sancti. Quid æquè vtile ge-

neri

neri humano atque Christum vendi à Iuda, postulari ad crucis supplicium à Iudæis, adiudicari à Pilato? Attamen id ipsum vt factum fuit ab illis sceleratissimū erat. Et congressio Iudæ cum Thamar nuru sua in biuio, an aliud quàm scortatio erat, vt de incestu taceamus: quia ignorabat nurū esse? Attamen ex illa natus est Phares, ex quo lineam genealogiæ duxit Saluator mundi Christus. Ad hæc quæ ab infidelibus fideles, aut ab hæreticis perferunt orthodoxi, an non apprimè mala sunt, vt fiunt ab illis? Veruntamen profunt mirum in modum ijs quibus fiunt: vel ad delenda peccata, vel ad exercendam probandamque iustitiam, vel ad demonstrandam miseriam huius vitæ, vel ad incrementum meriti, vel quintò ad relinquendum alijs pulchrum præclaræ virtutis exemplū. Quemadmodum aduersitas, miseria, ægrotudo, & cætera eius generis vitæ incommoda, quæ hominibus mala dicuntur, vt exercent virtutem eius qui eiusmodi malis inuoluitur, ita alijs præclarum exemplum relinquunt. Vt est videre in Iob, in Tobia, in Lazaro mendico, in Apostolis, in Martyribus, in Confessoribus, & in ipso met Christo. De quo scribit Petrus, Christus passus est pro nobis, vobis relinquens exemplum, vt sequamini vestigia eius. Nec hoc prætermittendum puto, quòd mala quæ facit homo, subinde sibi valde sūt utilia, ipso misericordiarum domino sic disponente, vt inde efficiatur cautior, humilior, circumspectior. Quemadmodum est videre in Petro Archiapostolo, qui ob negatum antea Christum, adeò profuse toto tempore vitæ suæ fleuit, vt flumina lachrymarum velut aratiunculas in facie eius fecisse perhibeantur. Deinde in filio prodigo, quem & luxuriosa profusio rerum reddidit postea humilimū optimeque patri suo morigerum. Denique in Publicano, quem infame malum, quo Publicanus erat fecit in oratio-

Genes. 38.

1. Pet. 2.

Luc. 15.

Luc. 18.


oratione supplicissimum, ac proinde gratia Dei iustificatum.

D. Sequiturne, Hoc malè perpetratum, est alijs, aut ipsi perpetranti, bonum, igitur est bonum?

M. Non. quia bonum dicitur ex integra causa: malù verò ex singulis defectibus. At istud consequitur, Igitur non est ex toto malum: aut sic malum, quin aliquid habeat boni, vnde valeat prodesse. Quod enim ex toto malum est seipsum destruit, nec subsistere valet, quia nihil, vt antea dictum est.

De permissionibus quæ per concessionem fiunt, aut indulgentiam, aut dispensationem.

CAP. III.

D.  Idascolo permittente, non peccat discipulus: œconomo permittente, non offendit domesticus: neque delinquit ciuis, permittente magistratu. Maior autem est ijs omnibus Deus, & plenioris auctoritatis. Igitur permittente Deo, non peccat homo.

M. Vide ne paralogismus sit in verbo permitto. Enimvero illi quos inducis, si permittant ante factum per concessionem, aut obsecutionem, aut dispensationem, neutiquam peccant, quibus sic permittunt quod in sua potestate habent permittere vel non permittere. verbi gratia, Si ludimagister cuiuspiam permittat ingenium laxare lufibus, iam non peccat ille ludendo. Rursum, Si indulgeat quibusdam ne sua ingenia furijs poëticis exagitent, non peccant illi non componendo versus. Tertiò, Si dispensando in lege matutini studij permittat ijs quibus parum firmum est cerebrum somno indulgentius vacare, ab iisdem non peccatur contra legem surgendi. Hæc tamen eadem si quispiam discipulorum præsumat ac faciat, magistro duntaxat per tolerantiam cõnuente, nequaquam licita

licita aut bona efficiuntur tali permissione: sed tantummodo impunita, idque ad tempus, donec opportunior adhibendæ disciplinæ occasio euenerit. Haud dissimiliter dicendum de permissionibus diuinis, prout scripturis luculenter demonstratur. Eamque ob causam Doctores posuere plures modos permittendi, videlicet, per meram tolerantiam, per concessionem, per indulgentiam, per dispensationem. Primo quidem modo permittit Deus omnia mala, prout in superiori capite ostensum est. Secundo verò modo permittit, id est, concedit minora bona. Quoties enim maius bonum non est præceptum, sed tantummodo cōsultum, toties minus eiusdem generis permissum intelligitur. Vt ex eo quòd virginitas non præcipitur, intelligitur matrimonium permissum: non utique tanquam malum, sed tanquam minus bonum, dicente Apostolo: Si acceperis uxorem, non peccasti. Et si nupserit virgo, non peccauit: tribulationem tamen carnis habebunt huiusmodi. Ego autem vobis parco. Similiter, quia non præcipitur paupertas Evangelica, permissa est proprietas & conrectatio rerum temporalium: etiã si, teste Domino, Facilius est camelum per foramen acus transire, quàm diuitem intrare in regnũ cælorum. Quo etiam modo permittuntur Christianis omnes cibi sine delectu, qualis in lege, aut inter gētes fuerat, modò citra offendiculum fratris, & cum gratiarum actione comedant: non contra legem aliquam, aut promissionis tuæ votum. Vt in superioribus fusè demonstrauimus. Tertiò permittit Deus nonnulla mala per quãdam indulgētiam, vel quoad pœnã, vel quoad culpã. De posteriori modo habes 1. ad Cor. 7. dicente Apostolo, Hoc autē dico secundũ indulgentiam, non secundũ imperiũ. Id est, hoc vobis permittitur per indulgentiam quandam, velut minus malũ: sed non iubetur tanquã aliquod necessariũ bonũ.

Multi modi permittendi.

Minora bona permittuntur per concessionem

1. Cor. 7.

Matth. 19.

Permittuntur minora mala per indulgentiã.

D. Cæterum, quid est illud Hoc? nā pronomen demonstrandi semper aliquid certi designat.

M. Putant nonnulli eo loco designari non tantum id

1. Cor. 7. quod proximè dictum erat, nempe, Iterum reuertimini in idipsum: ne tentet vos sathanas propter incontinentiam vestram: sed totum, ipsum scilicet matrimonium, &

Nuptiæ nō omnem usum eius. Cæterum cum matrimonium, & mul-
egent indul- ti eius actus non egeant vlla indulgentia, ideo diuū Au-
gentia. gustinum tibi sequendum censeo, qui exactissima demonstratione colligit ex scripturis, quid in hac materia

Aug. lib. sentiri ac doceri debeat. Verba eius sunt ista, Nunc autem
de bono cō- quid dicturi sumus aduersus euidentissimā vocem Apo-
iugali cap. stoli dicentis: Quod vult, faciat: non peccat, si nubat. Et
10. si acceperis uxorem, nō peccasti: & si nupserit virgo, non

peccat. Hinc certè iam dubitare fas non est, nuptias non esse peccatum. Non itaque nuptias secundum veniam concedit Apostolus. Nam quis ambigat absurdissimè dici, non eos peccasse quibus venia datur? Sed illum concubitus causa
Concubi- bitum secundum veniam concedit, qui sit per inconti-
tus causa nentiam, non sola causa procreandi: quem nuptiæ non
inconti- fieri cogūt, sed ignosci impetrant: si tamen non ita sit ni-
nentie vi- mius, vt impediatur quæ seposita esse debent tempora oran-
tade per- di, nec immutetur in eum usum qui est contra naturam.
mittitur se- De quo Apostolus tacere non potuit, cum de corrupte-
cundū in- lis nimis immundorum & impiorum hominum loque-
dulgentiā. retur. Concubitus enim necessarius, causa generandi in-
culpabilis, & solus ipse nuptialis est. Ille autem qui ultra istam necessitatem progreditur, iam non rationi, sed libidini obsequitur. Et hunc tamen non exigere, sed reddere cōiugi, ne fornicando damnabiliter peccet, ad personam pertinet coniugalem. Si autem ambo tali concupiscentiæ subiguntur, rem faciunt non planè nuptiarū. Veruntamen si magis in sua coniunctione diligunt quod

honestum, quàm quod inhonestum, id est, quod est nuptiarum, quàm id quod non est nuptiarum, hoc eis auctore Apostolo secundum veniam conceditur. Cuius delicti non habent hortatrices nuptias, sed deprecatrices: si Dei misericordiam non à se auertant: vel non abstinendo quibusdam diebus ut orationibus vacent, & per hanc ab continentiam, sicut per ieiunia, commendent preces suas: vel immutando naturalem usum in usum qui est contra naturam, quod damnabilius sit in coniuge. Nam cum ille *Cap. ii,* le naturalis usus, quando prolabitur ultra nuptialia, id est, ultra propagandi necessitatem venialis sit in vxore, in meretrice damnabilis: iste qui est contra naturam execrabilius sit in meretrice, execrabilius in vxore. Subdit, Decus ergo coniugale est castitas procreandi, & reddendi carnalis debiti fides: hoc est opus nuptiarum, hoc ab omni crimine defendit Apostolus dicendo. Et si acceperis vxorem non peccasti: & si virgo nupserit, non peccat: & quod vult, faciat, non peccat si nubat. Exigendi autem debiti ab alterutro sexu immoderatio progressio secundum veniam conceditur. Hæc Augustinus. Matrimonium itaque quia bonum est & sacramentum, propriè non permittitur secundum indulgentiam. Usus item matrimonij, qui est causa prolis procreandæ & educandæ ad cultum Dei, vel qui ordinatur ad reddendum coniugale debitum indulgentia non eget. Ille enim religionis, iste verò actus est iustitiæ. Omnis autem actus virtutis est Deo gratus, ac meritorius, si fiat ex fide per dilectionem operante. Quapropter indulgentia nulla eget, quia præmio diuinæ retributionis honoratur. At usus matrimonij qui est causa incontinentiæ vitandæ, cum hac tamen animi moderatione, quòd nullo modo vellet tale quid pertractare extra sanctiones matrimonij, is secundum indulgentiam permittitur, ne damnabiliter offendat: etiã si in

P/d.4.

in ipso nihil quod propriè matrimonij est, quæatur. Et talem vsum permittit Apostolus secundum indulgentiam. 1. ad Cor. 7. De tali quoque permissione dictum videtur illud prophetæ, Irascimini, & nolite peccare. De priori verò modo permittendi secundum indulgentiam quoad poenam, per subtractionem disciplinæ siue animaduersionis habetur, Deut. 24. & Matth. 19. dicente Salvatore: Quoniam Moyses ad duritiam cordis vestri permisit vobis dimittere vxores vestras: ab initio autè non fuit sic. Permisit, inquit, vobis, non simpliciter, sed ad duritiam cordis vestri.

- D. An igitur peccabāt dimittentes vxorem, etiam interposito libello repudij?
- M. Quia Saluator adiecit, primò, Ad duritiam cordis vestri, apparet repudium fuisse permissum, non ob bonum aliquod consequendum, sed ad præcauendum enorme malum, quale est vxoricidium, ad quod proclues reddebant Iudæos duritia cordis. Secundò, Ab initio non fuit sic, ex quo constat repudium esse contra primæuum institutum matrimonij. Tertiò, Dico autem vobis, quia qui eunque dimiserit vxorem suam, nisi ob fornicationem, & aliam duxerit, mœchatur. Et qui dimissam duxerit, mœchatur. Significans nulla causa solui vinculum coniugale. Videtur quasi certum, nunquam fuisse sic licitum repudiare vxorem, vt sine culpa fieret: quanquam fuerit hætenus licitum, vt sine pœna & animaduersione esset. Licitum quippe bifariam dicitur, aut quia non obuiat legis reſtitutio, aut quia non obuiat iuris punitio. Atque hoc quidem modo licitum erat repudium vxoris secundum legē Moyſi: quia in lege nulla erat pœna repudiandi constituta: modo conscripto & porrecto libello repudij legitimè fieret. Non autem illo modo, quia repugnat lex naturæ, & recte rationis dictamen. Quemadmodum
etiam

etiam permittuntur secundum leges civiles meretricia, & publicæ vsuræ: non quòd tali permissione licita fiant, quia repugnant legi naturæ, & diuinę: sed quòd legibus ciuilibus in eiusmodi mala non animaduertatur, propter grauiora mala in Republica euitanda. Quintò, quædam permittuntur à Deo iuxta modum dispensationis, qua fit iuris communis relaxatio quædam ob causam. Quomodo permissa fuit olim sanctis patribus pluralitas vxorum: non utiq; ad duritiã cordis eorũ (nam sancti erant) sed ob magnũ bonum populi Dei augendi, ac mysteriũ, quod Deus in eo facto significatum voluit. Dispensauit itaque Deus in lege cõmuni qua dictum fuerat, Et erũt *Permittuntur quædã secundũ dispensationẽ.*
 duo in carne vna: non tres aut quatuor, quinq; aut sex. Dispensauit, inquam, quoad sanctos patres ac reges, qui significationis typum gerebant, nempe illius, quòd Messias nasciturus non solũ sibi sociaret vnã Ecclesiam Iudæorum, sed illam, ac simul alias ex varijs nationibus gentium: & media macerie dissoluta faceret vtraq; vnũ.

Genes. 2.

- D. Nunquid passim in lege iũgebant sibi plures vxores?
 M. Potest esse quòd plurimi sic fecerint: alij religionis ergo, vt diximus: alij libidinis causa ac præsumptione quadam: & hi sanè magis tolerante lege, quàm Deo dispensante id ipsum faciebant. Tantũ de permissionibus diuinis, vt intelligas quæ Deo permittente licita fiant, quæ non. Ac simul videas Deum multa indulgere, plurima verò tolerare etiam longo tempore nos expectando ad pœnitentiam. Quia paterno affectu magis quàm dominatu gubernare genus humanum optat.

Multa fieri contra Dei præceptum: sed non contra ipsius voluntatem. Rursum præter Dei voluntatem: sed non præter eius permissionem.

CAP. IIII.

- D. **N**onne Dei præceptum, Dei que consiliũ recte voluntas eius dicitur?
 M. Om nino.

Vv

D. Nón -

DE PERMISSIONIBVS

D. Nōne & permissio Dei est voluntas eius?

M. Vtique: nihil enim permittit Omnipotēs nisi volens.

D. Hæc autem admodum diuersa sunt: Deus verò vnus est, & vna simplicissimaque natura eius.

Psal. 110.
Rom. 9. M. Legistūne, Magna opera Domini exquisita in omnes voluntates eius: quasi plures sint voluntates Dei? Legistūne & hoc, Voluntati eius quis resistet? quasi vnica sit voluntas Dei.

D. Legi vtrumque, & sæpe multumque hinc mecum disceptaui, pluresue essent an vna duntaxat voluntas Dei.

M. Scriptura sacra nonnunquam propriè, aliquando tropicè & per schemata loquitur. Propriè autem loquendo, quemadmodum, Vnus est Deus, & vna natura eius, sempiterna, incommutabilis, impartibilis, simplicissima: ita est & vna duntaxat voluntas quæ in ipso est, prorsus indiscreta à natura eius: quomodo & cætera quæ ipsi rectè attribuuntur. Siquidem, Deus est sua voluntas, sua sapientia, sua bonitas, sua omnipotentia. Hæc autem voluntas Deo propria, non est affectus aut motus in Deo sicut in creatura, vt mutari valeat: aut ab omnipotentia seiuncta, vt inexplata maneat, sicut in nobis. Vnde dicitur, Omnia quæcunque voluit Dominus, fecit in cælo & in terra, in mari, & in omnibus abyssis. Et Apostolus, Voluntati eius quis resistet? Quam Dei voluntatem rectè dispositionem aut beneplacitum eius appellamus: etiamsi vocibus illis nonnunquam figuratè vtamur. Et hæc sanè est voluntas Dei, de qua rectè dicitur, quod sit omnium causa, ipsius autem nulla est causa. Nec dicere Deo quisquam potest, Quare ita facis? aut, quid fecisti sic? Tropicè autem & secundum schemata dicendi sunt etiam voluntas siue voluntates Dei, præceptio, prohibitio, cōsiliū, permissio & operatio Dei. Quæ quoniam
plura

plura sunt, pluraliter à Propheta dictum est, Exquisita in omnes volūtates eius. Quoniam verò extra Deū sunt, & admodum diuersa ab æterna ipsius natura: ideo non nisi improprie volūtates eius dici possunt, hætenus quidem quia signa sunt, significatio, aut expressio diuinæ circa nos voluntatis. Idque simili loquendi tropo, quo tremendum futurum iudicium: item flagella quibus Deus vindicat peccata iniquorum, vocatur ira Dei, deprecante Psalmista, Domine ne in furore tuo arguas me, neque in ira tua corripas me: cum tamen nulla omnino in Deū cadat ira. Tropice itaque ea quæ dixi, aut simili ratione dicuntur voluntates Dei. Ne verò in pluratiuo sermone voluntatum Dei offendaris, obseruandæ sunt tibi & reliquæ scripturæ, in quibus inuenies dictum pluraliter, Misericordias Domini in æternum cantabo. Et alibi, Iustitiæ Domini rectæ, latificantes corda. Non aliam sanè ob causam, quàm quia plures sunt diuinæ misericordiæ & iustitiæ effectus: etiam si nisi vna sit in Deo misericordia, vnaque iustitia ab ipsius natura penitus indiscreta. Accipitur autem hoc secundo modo voluntas Dei cum dicitur, Quicumque fecerit volūtatem Patris mei qui in cælis est, (hoc est, ea quæcunque voluntate Patris mei iussa siue præscripta sunt) ipse intrabit in regnum cælorum, ipse, meus frater, soror, & mater est. Quales Dei voluntates utique mutabiles sunt. Pro alijs enim temporibus dantur aliæ leges, alia præcepta, aliæ viuendi formulæ. Quemadmodum alia fuere sub lege, quàm ante legem; alia nunc post legem, quàm tempore legis. Et sæpe manent tales Dei voluntates inexpleræ. Multa quippe præcipit Deus, quæ non faciunt homines: multa prohibet, quæ non cauent; multa consulit, quæ non curant. Hoc an probatione egeat?

p. Nulla. Quin utinam nō tam verum, tamq̃, frequens
V v 2
esset,

esset, ac palam vsurpatum inter Christianos.

M. Imò & infideles, teste Augustino, cōtra voluntatē Dei faciunt, dū eius Euangelio nō credūt. Multa itaque fiūt
Aug. de spi rit. & lit. cap. 33. contra præceptum Dei vel prohibitionem, quæ tamen non fiunt contra sempiternam eius voluntatem. Multa etiam fiunt præter Dei voluntatem, quæ ipse est: quæ tamen non fiunt præter illius permissionem, quæ ipse non est, vt opera hominum siue peccata. Quæ, teste Augustino, fiunt præter eius voluntatem, scilicet sempiternam. Quæ semper efficax est & omnipotēs, vt fiat omne quod velit, & nihil fiat quod nolit. De qua verū est q̄ semper impletur aut à nobis, aut de nobis. A nobis quidem, quando bonum facimus: ideo enim facimus, quia Deo placere scimus. De nobis, quando peccamus: siquidem etiam de hoc operatur Deus quod vult. Nam vult peccantem corripi, vult pœnitenti parcere, vult perseueranti in bono gloriā dare, vult & in peccatis persistentem puniri, iudicari, damnari denique. Totum quidem hoc ad misericordiæ simul & iustitiæ suæ ostensionem. Atq; sanè hæc sunt magna op̄era Domini exquisita in omnes volūtates eius, & tam sapienter exquisita, vt̄ docet Augustinus, vt cū Angelica & humana creatura peccasset, id est, non quod ille, sed quod voluit ipsa fecisset, etiam per eandem creaturæ voluntatem, qua factum est quod creator noluit, impletet ipse quod voluit: bene vtens & malis, tanquam summè bonus, ad eorum damnationem quos iuste prædestinauit ad pœniā, & ad eorum salutem quos benignè prædestinauit ad gratiam. Quantum enim ad ipsos attinet, quod Deus noluit fecerunt: quantum verò ad omnipotentiam Dei, nullo modo id efficere valuerunt. Hoc quippe ipso quod contra voluntatem Dei fecerunt, de ipsis facta est voluntas eius. Propterea namq; magna op̄era Domini exquisita in omnes volun-

tates

tates eius, vt miro & ineffabili modo non fiat præter eius voluntatem, quod etiam contra eius sit volûtatem. Quia non fieret, si non sineret: nec vtique nolens finit, sed volens. Nec sineret bonus fieri malè, nisi omnipotens etiam de malo facere posset bene. Hæc Augustinus.

D. At quomodo intelligam illud Aug. Quantum ad ipsos attinet, quod Deus noluit fecerunt: quantum verò ad omnipotentiam Dei, nullo modo id efficere valuerunt?

M. Hoc modo. Quia fecerunt contra præceptum Dei, quod voluntas eius appellatur, licet improprie: non autem fecerunt contra beneplacitum Dei, quod proprie eius voluntas est. Hoc enim facere non potuerunt propter omnipotentiam eius: illud verò valuerunt propter permissionem ipsius. Et ita per hoc quod fecerunt contra voluntatem Dei, hoc est, præceptum, de ipsis facta est voluntas eius, hoc est, impleta est sempiterna ipsius dispositio, qua tales damnare voluit. Sufficiant hæc. Nam euestigio mihi aliò ad obfistendum perfidorum conatibus properandum est.

D. Quid autem dicemus de tribulationibus ac pœnis, & cæteris eiusmodi, quæ mala dicuntur?

M. Quòd à Deo sunt, iuxta illud Esaia, Ego Dominus faciens pacem, & creans malum. Imò quòd bene illuminati in fide talia non inter mala, sed inter dona Dei annumeranda censent, vt antea ex Paulo docuimus. Vale, & me laborantem in opere Dei aduersus bestias (nam carnales sunt hæretici huius temporis vt bestia) tuis deuotis precibus adiuuare ne cesses.

De malis

*pœnarum
quid censendum.*

Esa. 45.

Phil. 1.

F I N I S.

Hoc modo corrigenda sunt errata.

- Pag. 19. a. lin. 15. lege vllaue. 162. b. lin. 17. lege detentor.
 Pag. 19. b. lin. 1. lege fraudis machi- 166. a. lin. 1. lege ius dicere.
 nationem. 171. a. lin. 13. lege impeditum.
 Pag. 31. b. lin. 15. lege Deus. 181. b. lin. 5. dele enim.
 38. b. li. 23. superest, Et Deo propria 185. b. lin. 19. lege prohibet.
 erit. 187. a. lin. 16. lege hunc.
 44. a. lin. 10. & b. lin. 14. dele herili. 189. b. lin. 6. lege notorie.
 44. a. lin. 14. ante præceptum, deest 190. a. lin. 23. lege iactatione.
 &c. 207. a. lin. 30. lege dignius.
 46. b. lin. 13. lege omnem, pro homi- 209. a. lin. 9. lege animam.
 nem. 211. b. lin. 16. dele eius. lin. 2. lege of-
 46. b. lin. 17. lege impassibilis. fert.
 49. b. lin. 13. lege excepto. 211. b. lin. 7. dele ex.
 50. a. lin. 6. lege halitum. eodem. 213. b. lin. 14. lege Deo.
 51. a. lin. 27. lege intelligent. 221. b. lin. 16. dele vt.
 56. b. lin. 31. lege cultoris. lin. 32. lege 231. b. lin. 1. lege pecuniarum.
 fides. 243. a. lin. 31. lege ipsum. b. lin. 11. le-
 58. a. lin. 11. lege discrepans. ge capacem.
 68. b. lin. 8. lege respiciantque. 247. b. lin. 6. lege proiecti.
 69. a. lin. 5. lege tum. lin. 27. lege per- 251. b. lin. 12. lege vniunt.
 grandem. 257. a. lin. 17. lege diuine.
 70. b. lin. 11. lege efficitur. 258. b. lin. 1. lege afflicti.
 73. a. lin. 25. lege translatz. 261. a. lin. 18. in fine deest, Aliquan-
 74. a. lin. 30. lege est. do aliunde accipitur.
 79. b. lin. 30. lege patent. 266. a. lin. 2. lege sint.
 82. a. lin. 11. lege quod. 267. a. lin. 2. lege præbet.
 87. a. lin. 19. lege in corruptibilem. 267. b. lin. 22. lege consulam.
 lin. 20. per, deest. 268. b. lin. 12. lege expressum.
 103. a. lin. 25. lege sanctus. 271. a. lin. 22. lege continentie.
 110. b. lin. 28. lege proteruiens. 274. a. lin. 16. lege permanent.
 119. a. lin. 31. lege seuerz. 275. b. lin. 20. lege dedieasse.
 120. a. lin. 33. in principio deest aliud 275. a. lin. 21. lege executione.
 egit. 281. b. lin. 9. lege reddiderit.
 126. a. lin. 24. lege ecclesiastas. 282. a. lin. 26. lege fonte.
 128. b. lin. 25. ad. lin. 31. lege homicide 287. b. lin. 20. lege sanctorum.
 145. a. lin. 12. lege enormis. b. lin. 13. 299. b. lin. 19. lege finis.
 lege ibi. 305. a. lin. 20. lege in felicitate.
 148. a. lin. 15. lege peplorum. 305. a. lin. 27. lege imperiumne.
 154. a. lin. 19. lege nolentes. 305. a. lin. 33. quam qui imperium
 156. b. lin. 8. lege pomeridiana. expectat, deest.
 157. b. li. 23. lege Et. 306. b. lin. 2. lege potestatem.

306. b. lin. 18. lege præcepta.

307. a. lin. 15. lege seruitutis.

307. b. lin. 3. lege affectui.

309. b. lin. 19. lege iniquies.

311. b. lin. 16. lege manet.

313. b. lin. 14. lege illi.

320. a. lin. 11. quàm offerre illi ex
ternam victimam, deest.

321. a. lin. 19. lege quæ.

321. a. lin. 17. lege infirma.

321. a. lin. 32. lege annumerari des
bent.

321. b. lin. 33. lege mortiferi esse.

323. b. lin. 14. lege quæ.

323. b. lin. 16. lege professiones.

324. b. lin. 7. lege heri.

327. a. lin. 1. lege augeat.

333. b. lin. 6. lege bonumne.

Tituli trium Tractatum non suo ordine sunt positi, quod lector per
metipsum facile animaduertes.

F I N I S.



Vita Nova
di M. Siliu
Latina - (B. Paoa)
: 1970

